

Bible. New Test. German. 1901.  
**MALE MA PENYA**

**MA**

**SAN̄GO ASU NA MUSUN̄GER' ASU**

**YESU KRISTO.**

---

**Das Neue Testament**

unseres

Herrn und Heilandes

**Jesu Christi**

in der Duala-Sprache (Kamerun).

---

Neu übersetzt nach dem Griechischen

von

**Eugen Schuler**, Missionar.

---

1881

**Stuttgart.**

Privilegierte Württembergische Bibelanstalt.

1901.

# Vorwort.

---

Die Übersetzung des Neuen Testaments von Rev. A. Saker (1. Auflage 1862; 2. Aufl. 1882 von dessen Tochter Emily Saker) ist seit einigen Jahren vergriffen. Um nun für das Missionsgebiet in Kamerun die nötigen heiligen Schriften zu erhalten, beabsichtigte das Basler Missions-Komitee in Verbindung mit der Württembergischen Bibelanstalt schon vor fünf Jahren eine neue verbesserte Auflage des Saker'schen Neuen Testaments zu veranstalten. Da man aber einsah, dass in derselben nicht bloss die angewandte Schreibung und die grammatischen Fehler, sondern auch die in vielen Fällen ungenaue und sehr oft völlig unverständliche Übersetzung hätten verbessert werden müssen, wenn die neue Auflage für unsere Christen verständlich sein sollte, so fasste man den Entschluss, lieber das Neue Testament, das von Saker nach dem englischen Texte übersetzt worden war, aus dem Grundtext neu zu übersetzen, ohne auf das Saker'sche Testament viel Rücksicht zu nehmen.

Der sel. Missionar Christaller, dem das Manuskript des Evangeliums Matthäus und Johannes kurz vor seinem Tode noch zur Durchsicht vorlag, hat dabei die Überzeugung gewonnen und ausgesprochen, es sei gut, dass man von der Verbesserung des Saker'schen Testaments ganz abgesehen habe, da diese neue Übersetzung entschieden der seiner Zeit geplanten Umarbeitung vorzuziehen sei. Krankheit und die infolge davon nötig gewor-



dene Rückkehr einiger Missionare nach Europa haben die Arbeit bis jetzt verzögert. Da der Unterzeichnete, der mit dieser Arbeit betraut ist, Krankheits halber vor Vollendung der Arbeit nach Europa zurück musste, so wurde im Jahr 1896 vorläufig das Evangelium des Matthäus und des Johannes unseren Christen in Kamerun in die Hände gegeben.

Im Jahr 1897 wurden sodann die vier Evangelien und die Apostelgeschichte gedruckt und, um dem grössten Bedürfnis zu entsprechen, als selbständiges Bändchen herausgegeben.

Durch Gottes Gnade liegt nunmehr das ganze Neue Testament vollendet vor.

Wir wissen, dass der Übersetzung noch manche Mängel anhaften und sie noch zahlreicher Verbesserungen bedürftig ist; aber wir hoffen zu Gott, dass er diese geringe, unter viel leiblicher Not und Krankheit gemachte Arbeit dennoch reichlich segnen werde, zum Heil unserer Christengemeinden in Kamerun. Möge er nach seiner Verheissung sein Wort nicht leer zurückkommen lassen!

**E. Schuler,**

Missionar.

# Verzeichnis der Bücher

des

## Neuen Testamentes.



	Dipapa
1. Miango ma bwam kaponda Mateo . . .	5
2. Miango ma bwam kaponda Marko . . .	98
3. Miango ma bwam kaponda Lukasi . . .	157
4. Miango ma bwam kaponda Yohane . . .	258
5. Bebolo ba bamuloloma . . . . .	331
6. Kalat'a Paulo onyola bato ba Roma . . .	423
7. Kalat'a Paulo nya boso onyola bato ba Korinto . . . . .	461
8. Kalat'a Paulo nya mbusa onyola bato ba Korinto . . . . .	498
9. Kalat'a Paulo onyola bato ba Galatia . . .	522
10. Kalat'a Paulo onyola bato ba Efeso . . .	534
11. Kalat'a Paulo onyola bato ba Filipi . . .	546
12. Kalat'a Paulo onyola bato ba Kolosi . . .	555
13. Kalat'a Paulo nya boso onyola bato ba Tesalonika . . . . .	564
14. Kalat'a Paulo nya mbusa onyola bato ba Tesalonika . . . . .	572
15. Kalat'a Paulo nya boso onyola Timoteo . . .	576

16. Kalat'a Paulo nya mbusa onyola Ti-	
moteo . . . . .	586
17. Kalat'a Paulo onyola Tito . . . . .	594
18. Kalat'a Paulo onyola Filemon . . . . .	598
19. Kalat'a Petro nya boso . . . . .	600
20. Kalat'a Petro nya mbusa . . . . .	610
21. Kalat'a Yohane nya boso . . . . .	617
22. Kalat'a Yohane ni londe iba . . . . .	627
23. Kalat'a Yohane ni londe ilalo . . . . .	628
24. Kalati onyola Bona-Heber . . . . .	630
25. Kalat'a Yakobo . . . . .	659
26. Kalat'a Yuda . . . . .	668
27. Bebiisedi ba Yohane . . . . .	671



# MIANGO MA BWAM

## KAPONDA MATEO.

(1, 1—17: Luk. 3, 23—38.)

Kalat'a mbia ma Yesu Kristo, mun'a 1  
Dawid, mun'a Abraham. \*Abraham nde 2  
a yai Isak. Isak pe nde a yai Yakob. Yakob  
pe nde a yai Yuda na bona-saŋgo. \*Yuda, 3  
bā na Tamar pe nde ba yai Fares na Sera.  
Fares pe nde a yai Esrom. Esrom pe nde a  
yai Aram. \*Aram pe nde a yai Aminadab. 4  
Aminadab pe nde a yai Nahason. Nahason  
pe nde a yai Salmon. \*Salmon, bā na Rahab 5  
pe nde ba yai Boas. Boas, bā na Rut pe nde  
ba yai Obed. Obed pe nde a yai Yese. \*Yese 6  
pe nde a ya Dawid kine. Dawid kine,  
bā na munj'a Uria pe nde ba yai Salomo.  
\*Salomo pe nde a yai Rehabeam. Rehabeam 7  
pe nde a yai Abia. Abia pe nde a yai Asa.  
\*Asa pe nde a yai Yosafat. Yosafat pe nde 8  
a yai Yoram. Yoram pe nde a yai Osia. \*Osia 9  
pe nde a yai Yotam. Yotam pe nde a yai  
Ahas. Ahas pe nde a yai Hiskia. \*Hiskia 10  
pe nde a yai Manase. Manase pe nde a yai  
Amon. Amon pe nde a yai Yosia. \*Yosia 11  
pe nde a yai Yekonia na bona-saŋgo, o pond'a  
wala la mikoma o Babilon. \*Ombusa 12

## Mateo 1.

- wala la mikoma o Babilon pe nde Yekonia  
a yaino Sealtiel. Sealtiel pe nde a yai Sero-  
13 babel. \* Serobabel pe nde a yai Abiud. Abiud  
pe nde a yai Eliakim. Eliakim pe nde a yai  
Asor. Asor pe nde a yai Sadok. Sadok pe  
14 nde a yai Akim. \* Akim pe nde a yai Eliud.  
15 \* Eliud pe nde a yai Eleasa. Eleasa pe nde  
a yai Matan. Matan pe nde a yai Yakob.  
16 \* Yakob pe nde a yai Yosef, mom'a Maria,  
nyena na mo nde Yesu nu belabe Kristo a  
17 yabeno. \* Nika nde nyonon yese, botea  
o pond'a Abraham natena Dawid, ye dom la  
nyonon na inei, botea o pond'a Dawid pe  
natena wala la mikoma o Babilon, dom la  
nyonon na inei, botea o pond'a wala la mikoma  
o Babilon pe natena Kristo, dom la nyonon  
na inei.
- 18 Nde yabe la Yesu Kristo dita nde  
ninka. Niponda nyango ao Maria a tano a  
wandabe na Yosef, obiana ba silatane, a ta  
19 a sobe deme na Mudī Musaŋgi. \* Nde mom'  
ao Yosef a ta nde moto nu tem na sim, nde  
a si ta pe to a pula sambwele mo, 'ongele ná  
20 a mende jesele mo o diwuta na yòò. \* Nde  
niponda a tano 'ongele nika, ombwa, na angel  
a Saŋgo e poye mo o ndoti, e kwala na: A  
Yosef, mun'a Dawid, o si bwa bongo o nongo  
munj' aŋgo Maria, ebanja di deme di wu nde  
21 na Mudī Musaŋgi. \* Nde a mende ya muna-  
mome, o mende bele dina lao na Yesu, ebanja  
a mende suŋga bona bao onyola miobe  
22 mabu. \* Nde man mese mabolan nde o londe

## Mateo 1. 2.

eyal' a Saṅgo yena a kwalino na mutoper' a-mudī na: \* „Ombwa, ṅgonder' a muto po e 23 mende noṅgo deme, e ma-ya muna-mome, nde ba mende bele dina lao na: Imanuel, nika nye nde na: Loba e na biso“. \* Nde Yosef 24 a wuno 'iyo, na mo a bola kana angel a Saṅgo e laṅgwedino mo, a noṅgo munj' ao; \* nde 25 a si ta a bia mo natē a ya mun' ao nya boso, na mo a bele dina lao na Yesu.

Nde niponda Yesu a yabeno o Betlehem 2 nya Yudea, o minya ma Herode kiṅe, ombwa, babiedi-ba-ṅgeṅgeti ba ta ba wa o ekombo a jeru, ba po o Yerusalem, ba kwala na: \* O 2 ueni kiṅ' a Bona-Yuda ni yabe tatan nyeno e? Ebanja di en ṅgeṅget' ao o ekombo a jeru, nika nde di poṅo o jowe mo. \* Herode kiṅe 3 a seṅgino nika, a ta a manymeye na Yerusalem nyese pe na mo; \* na mo a kotele prisi indene 4 na babiedi-ba-kalat' a-Loba bese b'ekombo, 'uele babo na: O ueni Kristo a ma-yabeno e? \* Na 5 babo ba kwalane mo na: O Betlehem nya Yudea; ebanja nika nde e tilabeno na mutoper' a-mudī na: \* „Oa, a Betlehem, ekombo a Yuda, 6 o titi bosadi tomtom buka bese oteten a bānedi ba Yuda; ebanja na oa nde muanedi a mendeno busa, nu mende janeye bona bam Israel.“ \* Na Herode a bele babiedi-ba-ṅgeṅgeti o esoka, 7 a wasa na babo ponda ṅgeṅgeti e tano e busa, \* na mo a loma babo o Betlehem, a kwala na: 8 Binyo ala, lo wase nu muna bwambwam, lo soi te mo lo lee mba muendi, nde mba pe na ye o jowe mo. \* Ba boleno seṅgane kiṅe, na 9

## Mateo 2.

babo b'ala. Nde ombwa, ngengeti b' enno o ekombo a jeru' e ta ny' ala babo oboso, natē e po, e teme omōny a ua wuma nu muna a  
10 tano. \*B' enno ni ngengeti, ba ta ba bwa  
11 munyenge bwambi. \*Nde ná b'ingedino o ndabo, b'en nu muna na nyaŋgo Maria, na babo ba numa mabōngo o wase, b'owe mo, ba tele belimbi babu, b'abea mo gol na be-  
12 numba ba bwam na mire. \*Nde niponda ba kusino bebisedi na Loba o ndoti, ná ba si timba pe o mboa Herode, na babo ba toŋgwea ngea nipepe, b'ala o ekombo abu.

13 Ná b'alongo, ombwa, na angel a Saŋgo e poye Yosef o ndoti, e kwala na: Teme, noŋgo muna na nyaŋgo, o nyane babo mila o Egipto, o je oten, natē na wanea pe oa eyala; ebanja  
14 Herode ama-pulise nu muna o bwa mo. \*Na mo a teme, a noŋgo muna na nyaŋgo o bulu,  
15 a wengemeye na babo o Egipto; \*nde a jai oten natena kwed' a Herode, ná eyal' a Saŋgo e londe, yena a kwalino na mutoper' a-mudī na: „O Egipto nde na tano na bele mun' am.“

16 Nde Herode a soino, ná a wondobe na babiedi-ba-ngengeti, na mo a liŋga bwambi, a loma bato ná ba bwe bana ba bome bese ba ta o Betlehem na o y'epasi yese, bena ba ta mbu miba to bena ba si poi nika, o teŋgene ponda nyena a tano a wasa na babiedi-  
17 ba-ngengeti. \*Nika nde eyal' a Yeremia, mutoper' a-mudī, e ta e londa, a kwalino na:  
18 \*„Musea mu seŋgabe o Rama, mbembe na

## Mateo 2. 3.

gita la madoi ma mbembe; Rahel a m'eya bana bao, a si m'emea sibise mulema, ebanja ba titi pe."

Niponda Herode a wedino, ombwa, angel a 19  
Sango e poyedi Yosef o ndoti o Egipto, e  
kwalane mo na: \*Teme, noŋgo muna na 20  
nyaŋgo, o timbe o ekombo a Israel; ebanja ba  
ba ta ba pula bwa nu muna ba má-wo. \*Nde 21  
na mo 'asumweno, a noŋgo muna na nyaŋgo,  
a timbane babo o ekombo a Israel. \*Nde a 22  
seŋgino, ná Arkelao a m'anea Yudea o bejedi  
ba saŋgo ao Herode, na mo a bwa boŋgo o  
wala oten. Nde a kusino bebisedi na Loba  
o ndoti, na mo 'ala o ekombo a Galilea, \*a po, 23  
aja o mundi mu belabe Nasaret, ná e londe  
nje batoperi-ba-mudi bakwalino na: „A mende  
belabe mot' a Nasaret."

(8, 1—12: Marko 1, 1—8. Luk. 3, 1—18.)

O mi minya nde Yohane mudubisedi a 3  
busino, alaŋgwa o eyaŋ a Yudea, \*a kwala 2  
na: Binyo atele, ebanja janea la mony  
di á bebe. \*Ebanja numene nde, mutoper' 3  
a-mudi Yesaia a kwalino onyol' ao na: „Doi  
la mulaŋgwedi di seŋgabe o eyaŋ na: Poŋgo  
nge'a Saŋgo, tese maŋgea mao na sim.“ \*Nde 4  
Yohane a ta nde a boto mbot' a nyo a kamel,  
na ŋgod'a eyobo a nyama o edue ao; da lao  
pe di ta nde besele na bombo b'eyidi. \*Nde 5  
Yerusalem na Yudea nyese na mindi mese  
mi ta bebe na Yordan ba ta b'ala na mo;  
\*ba dubisabe na mo o Yordan, kana ba tano 6  
ba pusele miobe mabu. \*Nde niponda 'enno 7



### Mateo 3.

gita la Farisai na Sadukai ba poi o dubise  
lao, na mo a kwalane babo na: A bana ba  
pe, nja nu lee binyo, ná lo nye maliŋga ma  
8 ma-ye mila e? \* Wana so nde bepuma be  
9 doŋgamen onyola jatele; \* lo s' ongele o kwala  
na binyomene na: Abraham e nde saŋgo asu;  
nā-laŋgwea binyo: Loba ena a busiseye Abra-  
10 ham bana onyola man madale. \* Ewondo  
e má-neŋgebe o miaŋga ma miele: Bwele na  
bwele so, bo si yai te bepuma ba bwam, bo  
11 ma-kebe, bo pimbabe o wea. \* Mba na ma-  
dubise nde binyo na madiba onyola jatele;  
nde nu nu ma-we mba ombusa, a buki mba  
ŋginya, na si doŋgamen to bambe betambi bao;  
mo nde a mende dubise binyo na Mudī Mu-  
12 saŋgi na wea. \* Eseŋgwen ye o dia lao, a  
mende saŋgise eyot' ao bwambwam, na mo a  
kotele mbas' ao o ndabo a ekotedi; nde a  
mende dise besambu na wea i si ma-dime.

(13—17: Marko 1, 9—11. Luk. 3, 21. 22. Yoh. 1, 31—34.)

13 Nde na Yesu a wuno o Galilea, a poino na  
14 Yohane o Yordan, ná a dubisabe na mo. \* Nde  
Yohane a si ta 'emea, m' ona: Mba nde n' aŋ-  
gamen dubisabe na oa, nde oa pe o po nde na  
15 mba e? \* Nde Yesu a timbisele mo na: Esele  
mo e ja nika; ebanja e aŋgamen biso o londe  
betemedi-ba-sim bese. Nde na mo 'eseleno mo.  
16 \* Nde niponda Yesu a dubisaben, na mo a  
wa o madiba dibokimene; nde ombwa, mony  
e ta e telame onyol' ao, na mo 'ene Mudī ma  
Loba mu ma-siba ka mbeŋga, mu po o mony  
17 ao. \* Nde ombwa, doi di wu o mony, di kwala

### Mateo 3. 4.

na: Nun nde e Mun'am nya ndolo na  
dolisanno.

(4, 1—11: Marko 1, 12. 13. Luk. 4, 1—13.)

Nde ombusa nika Yesu ata a diabele na 4  
Mudi o eyan, o kekisabe na Satan. \*Nde 2  
niponda a kandanno da muanei ma muese na  
muanei ma bulu, na mo a timba bwa njai.  
\*Na mukekisedi apo, a kwalane mo na: Ye- 3  
tena oe Mun'a Loba, kwalane so man madale  
na ma timbe bewolo. \*Na mo 'alabe, m'ona: 4  
E tilabe na: „Seto onyola bewolo momene nde  
moto a mendeno be longe, nde onyola eyala  
te e ma-buse o mudumbu ma Loba.“ \*Na 5  
Satan 'alane pe mo o mudi musangi, a tese  
mo omony ambasan ma munyua ma tempel,  
\*a kwalane mo na: Yetena oe Mun'a Loba, 6  
angwe wase, ebanja e tilabe na: „A mende  
janea angel ao onyol'ango, i mende bambe oa  
o maa mabu, na o si ya to domele muende  
mongo onyola dale.“ \*Na Yesu a timbisele 7  
mo na: E tilabe pe na: „O si keka Saango  
Loba longo!“ \*Ombusa nika Satan 'alan 8  
pe mo omony a mudoongo mu asam bwambi,  
a leele mo bekombo ba wase bese na bwam  
babu boese, \*a kwalane mo na: Na mende 9  
bola oa man mese, yetena o kwedi wase o  
owe mba. \*Nde Yesu a kwalan mo na: A 10  
Satan, asumwe mba oboso, ebanja e tilabe na:  
„Owe Saango Loba longo, bolea pe nde momene  
mowó!“ \*Ua nde Satan 'eseleno mo, nde 11  
ombwa, na angel ipo, i kumwa bolea mo.

## Mateo 4.

(12—17: Marko 1, 14. 15. Luk. 4, 14. 15.)

12 Niponda a seŋgino, ná Yohane a má-puta-  
13 bele, na mo a weŋgemeye o Galilea. \* Nde  
'asumwe o Nasaret, a po aja o Kapernaum,  
mundi muta bebe na munja, o epas'a Se-  
14 bulon na Naftali, \* ná eyal'a Yesaia, mutoper'  
15 a-mudi, e londe, a kwalino na: \* „Ekombo a  
Sebulon na ya Naftali, bebe na munja, o mune  
16 muri ma Yordan, Galilea nya basibi, — \* bato  
bajai o muititi, b'en muenen mundene, ba pe  
bajai o ekombo akwedi na o muititi ma kwedi,  
17 muenen mu busedi babo.“ \* O ua nde Yesu  
a botedino laŋgwa na kwala na: Binyo atele,  
ebanja janea la mony di á bebe.

(18—22: Marko 1, 16—20. Luk. 5, 1—11.)

18 Nde niponda a tano a daŋgwa o sau' a  
munja ma Galilea, na mo 'ene bato baba  
bena ba ta saŋgo po: Simon nu belabe Petro,  
na muna-saŋgo Andrea, ba ta ba pimba epese  
o munja, ebanja ba ta nde bato-ba-musombo.  
19 \* Na mo a kwalane babo na: Binyo bupe mba,  
20 na mende timbise binyo basombwe-bato. \* Na  
21 dibokimene b'esele bepese, ba bupe mo. \* Nde  
a sisedino pe oboso son, na mo 'ene pe bato  
bapepe baba ba ta saŋgo po: Yakobo, mun'a  
Sebedeo, na muna-nyaŋgo Yohane, ba ta o  
bolo na saŋgo abu Sebedeo, ba ta ba baŋgwa  
22 bepese babu; na mo a bele babo. \* Na di-  
bokimene b'esele bolo na saŋgo abu ba bupe mo.  
23 Nde Yesu a ta a daŋgwa o Galilea nyese,  
a ta a lee o mandabo mabu ma ndoŋgamen,  
a laŋgwa miango-ma-bwam ma janea, a bolise

## Mateo 4. 5.

pe nyai a diba te na nyai a sese yese i ta na  
bato. \* Nde mumban mao mu ta mu ala o 24  
ekombo a Siria yese, nde bata ba wanea mo  
bese bata ba taka, na bena bata ba boa nyai  
a maboa na nyai a sese yese, bamidi-ma-bobe,  
baboe-mudongi, banjembele, na mo a bolise ba-  
bo. \* Nde dimuti dindene di ta di bupe mo, bato 25  
ba Galilea na ba Dekapoli na ba Yerusalem  
na ba Yudea na ba mune muri ma Yordan.

(Bepasi 5—7: Luk. 6, 20—49.)

Nde 'enno dimuti, na mo 'abwa omony a 5  
mudongo a ja wase, na bokweli bao ba po na  
mo. \* Na mo a wuta mudumbu mao, a kumwa 2  
lee babo na;

Bonam na batuedi ba midī, ebanja 3  
janea la mony je labu. \* Bonam na ba 4  
ba ma-lebe, ebanja ba mende lokobe.  
\* Bonam na bapī, ebanja ba mende 5  
saŋwa wase. \* Bonam na ba ba ma- 6  
bwe njai na nyongi onyola teme-la-sim,  
ebanja ba mende julisabe. \* Bonam na 7  
bandedi, ebanja ba mende kusa ndedi.  
\* Bonam na basaŋgi o milema, ebanja 8  
ba mende jene Loba. \* Bonam na ba ba 9  
ma-kome musaŋgo, ebanja ba mende  
belabe bana ba Loba. \* Bonam na ba 10  
ba ma-takisabe onyola teme-la-sim,  
ebanja janea la mony je labu. \* Bonam 11  
na binyo, ke bato ba ma-yoye binyo na takise  
binyo, nde ba kwala pe to-njika nyai a bobe  
bakele binyo onyol'am. \* Binyo bwa mu- 12  
nyeŋge lo sombise pe, ebanja musauedi manyu

## Mateo 5.

mu kolo o mony. Ebanja nikamene pe nde ba takiseno batoperi-ba-mudi, ba ta binyo oboso.

- 13 Binyo le nde wang'a mundi-ma-wase. Yetena wanga i timbi muloloko, ba ma-timbise pe so nyengenye lao na nje e? I si ma-dongamene pe to-lambo, ke o pimbabe o eboko  
14 na dakabele na bato. \* Binyo le nde muenen ma mundi-ma-wase. Mundi mue omony a  
15 inudongo mu si ma-wele wutame. \* Ba si ma-motele pe to etrukan, nde ba kurumane elimbi omony ao; ba ma-tese nde mo omony a tebedi, na mo e kumwa bola muenen na bese be o  
16 ndabo. \* Nikamene pe nde esele muenen manyu mu panye oboso ba bato, na b'ene bebolo banyu ba bwam, nde ba sese Sango anyu nye o mony.

- 17 Binyo lo songele na na poi nde o bulele mbenda to batoperi-ba-mudi; na si poi o bulele, nde o londise. \* Ebanja nambale, nālangwea binyo, natena mony na wase ba nyama, to mutila mowó to toti diwo, ba si mende jasumwe onyola mbenda, natena mambo mese  
19 ma londa. \* To-nja so nu ma-bulele yin mbenda isadisadi po, a lee pe bato nika, mo a mabe nu buki bese bosadi o janea la mony. Nde to-nja pe nu ma-bole mo, a lee pe nikamene, mo a mende be nundene o janea la mony.  
20 \* Ebanja nā-langwea binyo, yetena teme lanyu la sim di si buki te la babiedi-ba-kalat' a-Loba na Farisai, ke lo titi na l'ingea o janea la mony tom.

- 21 Binyo lo sengi e ta e kwalabe na bato ba

## Mateo 5.

kwañ na: O si bwa; nde to-nja nu ma-bwe,  
a ma-be owasa bekaisedi. \*Nde mba nā-lañ- 22  
gwea binyo na: To-nja nu ma-bene malinga na  
muna-saño, a ma-be owasa bekaisedi; nde  
to-nja pe nu ma-kwalane muna-saño na:  
minaka-ma-moto! a ma-be owasa bekaisedi  
bendene; to-nja pe nu ma-kwalane mo na:  
ekoñ-a-yoma! mo pe a ma-be nu doṅgamen  
wuma-wea. \*Yetena o wan te jabea loṅgo o 23  
diyo, nde joṅgele di poye oa oten, ná muna-  
soṅgo a ben ndutu na oa, \*dia jabea loṅgo 24  
oboso ba diyo, nde o sele wala o dolisane  
muna-soṅgo, nde to o ma-timba o bola jabea  
loṅgo. \*O wamse jemea dolisane musinger' 25  
aṅgo, ke binyo na mo le o ṅgea, a si ya be  
a bake oa na mukaisedi, nde mukaisedi pe a  
bake oa na mukwese-bato-o-beboa, nde o  
kwesabe o beboa. \*Nambale, nā-laṅgwea oa: 26  
O si ma-busa oten natē o bole sauwa na fenig  
ni sukan na bam.

Binyo lo seṅgi e ta e kwalabe na: O si 27  
wite musonje. \*Nde mba nā-laṅgwea binyo 28  
na: To-nja nu m'ombwe muto na bepuledi  
ba bobbe, ke a má-wite nde musonje o mule-  
ma mao. \*Nde diso loṅgo la mom di lambi 29  
te oa, soṅgwa mo, o pimbe mo o uone. Eban-  
ja ye bwam na oa, eloṅg'aṅgo ewo e nyama,  
buka nyol'aṅgo nyese o pimbabe o wuma-  
wea. \*Dia loṅgo la mom di lambi te oa, ke 30  
mo o pimbe mo o uone. Ebanja ye bwam na  
oa, eloṅg'aṅgo ewo e nyama, buka nyol'aṅgo  
nyese o pimbabe o wuma-wea. \*E ta pe e 31

## Mateo 5.

kwalabe na: To-nja nu m'esele munj'ao, a  
32 bole mo kalat'a-jabane-la-diba. \*Nde mba  
nā-laṅgwea binyo na: To-nja nu m'esele munj'  
ao, e si be onyola musonje, ke a bolise nde  
mo musonje; to-nja pe nu bai nu ny'esabele,  
a wite nde musonje.

33 Lo seṅgi pe e ta e kwalabe na bato ba  
kwaṅ na: O si kana songo na mawondon, nde  
34 londise songo aṅgo na Saṅgo. \*Nde mba nā-  
laṅgwea binyo na: Lo si kana songo tomtom;  
to na mony, ebanja nye nde bejedi ba Loba;  
35 \*to na wase, ebanja nye nde ebambu a ma-  
taṅga mao; to na Yerusalem, ebanja mue nde  
36 mudi ma Kiṅe nindene. \*O si kana songo  
to na mulopo mongo, ebanja o titi ná o weka  
37 nyo po saṅga to mundo. \*Nde esele beyala  
banyu be be nde na: E, e; kem, kem; to-nje  
e buki nika ye nde bobe.

38 Lo seṅgi pe e ta e kwalabe na: Diso onyola  
39 diso, songa pe onyola songa. \*Nde mba nā-  
laṅgwea binyo na: Lo si baṅga kusa bobe;  
nde moto a dipi te oa o lama longo la mom,  
40 atele pe mo dine. \*To-nja pe nu ma-pule  
walane oa o muka o nongone oa sot'aṅgo,  
41 esele mo a nonge pe loki. \*To-nja nu ma-  
nyakisane oa o daṅwa ngeṅ po, daṅwane  
42 mo iba. \*Bola nu nu ma-sosomeye oa, nu pe  
nu ma-pulane oa ebale, o s'umbele mo mbusa.

43 Lo seṅgi e ta e kwalabe na: Tondo muna-  
44 nyongo, nde o siṅge musinger' aṅgo. \*Nde mba  
nā-laṅgwea binyo na: Tondo basiṅgeri banyu,  
namse ba ba ma-loe binyo, bola bwam na ba

## Mateo 5. 6.

ba singe binyo, kane pe onyola ba ba ma-bole  
 binyo bobe na takise binyo, \*ná lo be bana 45  
 ba Sango anyu nye o mony; ebanja a ma-bola  
 wei ao i panya o mony a babobe na babwam,  
 a ma-yolise pe mbua o mony a batem-na-sim  
 na basitem-na-sim. \*Ebanja lo tondi te ba 46  
 ba tondi binyo, njika musauedi lo ma-kusano  
 e? Bakotedi pe ba si ma-bola nde nika e?  
 \*Yetēna lo som te bona-sango anyu momene, 47  
 ke nje so lo bolino e? Basibi pe ba si ma-bola  
 nde nika e? \*Onyola nika binyo be na 48  
 kengenge, kana Sango anyu nye o mony  
 eno na kengenge.

Lo bia pon, ná lo si bola bebolo banyu ba 6  
 teme-la-sim oboso ba bato, o jenebe na babo.  
 Lo boli te nika, ke lo si ben musauedi na  
 Sango anyu nye o mony. \*O ma-bola so te 2  
 batuedi mabea, o si longise museba oboso  
 bongo, ka bato ba mawondon ba ma-bolano,  
 o mandabo ma ndongamen na o mangea, ná  
 ba sesabe na bato. Nambale, ná-langwea  
 binyo: ba ma-bole kusa musauedi mabu.  
 \*Nde o ma-bola te mabea, o s'esele dia 3  
 longo la dimose di bia nje la mom di ma-  
 bolano, \*ná mabea mongo ma be nde o diwuta; 4  
 nde Songo nu m'ene o diwuta a mende tim-  
 bisele oa.

Nde o ma-kane te, o si be ka bato ba ma- 5  
 wondon, ebanja ba tondi teme o mandabo ma  
 ndongamen na o matongo ma mangea o kane,  
 ná b'enebe na bato. Nambale, ná-langwea  
 binyo: ba ma-bole kusa musauedi mabu.



## Mateo 6.

- 6 \*Nde oa o ma-kane te, ingea o tuñ aṅgo, o kwese jombe, nde o kane na Songo nye o diwuta; nde Songo nu m'ene o diwuta a mende  
7 bola oa. \*Nde lo ma-kane te, lo si topotopone ka basibi; ebanja ba m'ongele ná (muka mabu)  
8 mu ma-seṅgabe onyola beyala ba gita. \*Lo si be so ka babo, ebanja Saṅgo anyu a bī nje e aṅgamen binyo, obiana lo ma-sosomea mo.  
9 \*Lo kane nde ninka: A Tete nyasu nye o mony. Dina longo di dubabe. \*Janea longo di ye. Jemea longo di bolabe o  
11 wase kana jeno o mony. \*Bola biso da  
12 oeṅge kana minya mese. \*Na lakise mawuse masu, kana biso pe di ma-lakisen o mawuse maba bama-wusane biso.  
13 \*O si diele biso o makekisan mabobe; nde suṅga biso onyola bobe. Ebanja janea je nde longo na ṅginya na sesa  
14 bebe bese. Amen. \*Ebanja binyo lo malakise te bato mawuse mabu, ke Saṅgo anyu  
15 nye o mony pe a mende lakise binyo; \*nde yetena lo si malakise te bato mawuse mabu, ke Saṅgo anyu pe a si mende lakise mawuse manyu.  
16 Nde lo ma-kandane pe te da, lo si kaka mioso ka bato ba mawondon; ebanja ba makaka nde mioso o jenene na bato ka bakan-dane-da. Nambale, nā-laṅgwea binyo: ba  
17 má-bole kusa musauedi mabu. \*Nde oa, yetena o ma-kandane da, okise mulopo mōngo,  
18 oà pe boso boṅgo, \*ná o s'enene na bato ka mukandane-da, nde na Songo nye o diwuta;

## Mateo 6.

nde Songo nu m'ene o diwuta a mende timbisele oa.

Lo si kotele binyo momene bema o wase 19  
o neŋge mo mawuta, wuma seleke na maŋgiledi ba ma-nyamseno, na wuma bajiba ba ma-buleleno b'iba. \*Nde lo kotele nde binyo 20  
momene bema o mony, wuma yena seleke to maŋgiledi ba si ma-nyamseno, to wuma bajiba ba si ma-buleleno b'iba. \*Ebanja wuma di- 21  
wuta longo la bema leno, oten pe nde mulema mongo mu ma-beno. \*Muenen ma nyolo mue 22  
nde diso. Yetena diso longo di jai te bwam, nyol'aŋgo nyese e ma-be muenen; \*nde ye- 23  
tena diso longo di nyam te, nyol'aŋgo nyese e ma-be nde muititi. Nikamene pe nde, yetena muenen mue oteten aŋgo mue te muititi, njika bondene mu muititi mu ma-beno e! \*To- 24  
moto atiti ná a wele bolea basaŋgo baba; ebe te ná amende siŋge mowó, a tondo nune; to amende tiŋgame na mowó, a yaña nune. Lo titi ná lo wele bolea Loba, nde lo bolea pe bema ba wase.

(25—33: Luk. 12, 22—31.)

\*Onyola nika nā-laŋgwea binyo na: Lo 25  
si noŋgo mutaka onyola longe lanyu na, nje lo mendeno da, na nje lo mendeno nyo; to onyola manyolo manyu, nje lo mendeno boto. Longe di si buki da e? nyolo pe e si buki mboti e? \*Ombwa te lonon la mony! 26  
Lo sima-sa da, lo sim'umbwa to kotele o mandabo m'ekotedi, nde Saŋgo anyu nye o mony a ma-dese babo. Binyo lo si buki babo e?

## Mateo 6. 7.

- 27 \*Njika mowó nyanyu ena a bata dibongo diwo  
o pond'ao nya longé onyola mutaka mao e?
- 28 \*Nje lo ma-nongono pe mutaka onyola mboti  
e? Ombwa te manga m'eyidi, neni ma ma-  
nyakano; ma si ma-bola ebolo, ma si ma-wošo  
29 misinga. \*Nā-laŋgwea binyo, to Salomo mo-  
mene onyola bosangi bao boese, asita apo to  
30 diwo la man o boto. \*Ye so te ná Loba a  
ma-botise bewudu b'eyidi nika, bena be ma-  
teme oenge, o kiele bepimbabe o dio; a titi  
ná a bola binyo buka nika e? a binyo bajemea-  
31 disadi! \*Lo si nongo so mutaka o kwala na:  
Nje di mendeno da e? nje di mendeno nyo e?  
32 nje di mendeno boto e? \*Onyola man mese  
nde basibi ba ma-bwano ndutu. Ebanja  
Saŋgo anyu nye o mony a bi ná l'aŋgamen  
33 man mese. \*Binyo sele nde pulise janea  
la Loba na teme lao la sim, nde man  
34 mese ma mende batabele binyo. \*Lo si  
nongo so mutaka onyola bunya ba kiele;  
ebanja bunya ba kiele bo mende nongo joungele  
onyol'ao momene. Edoŋgamen na bunya te  
o bene nyao ndutu.
- 7 Losikaise, ná losiya be lo kaisabe. \*Eba-  
nja mu muka mene lo ma-kaiseno, mu mende  
pe kaisabe binyo; di dimene mene binyo lo  
3 ma-meneno, di ma-menebe pe binyo. \*Nde  
nje o m'enenno mburu m'ebongo o diso la  
muna-songo, nde o s'ene mukoko mue o diso  
4 longo e? \*To neni oeno ná o kwalane muna-  
songo na: Esele mba na sumwe mburu m'  
ebongo o diso longo e? Nde ombwa te, mu-

## Mateo 7.

koko mue o diso loṅgo. \*A mot'a-mawondon, 5  
sele sumwa mukoko o diso loṅgo; nde to  
deṅge o m'ombwa neni o ma-sumwano mburu  
m'ebonḡo o diso la muna-soṅgo. \*Lo si 6  
bola mambo ma bosaṅgi na mbo, lo si pimba  
pe to mambo manyu ma tiki oboso ba ṅgoa,  
ná ba si ya be ba dakea mo na miende mabu,  
nde ba yombo pe o nyaua binyo.

(7, 7—11: Luk. 11, 9—13.)

Uele, nde di ma-bolabe binyo; pulise, 7  
nde lo ma-so; umba, nde di ma-dubwa-  
bele binyo. \*Ebanja to-nja nu m'uele, a 8  
ma-kusa; to-nja pe nu ma-pulise, a ma-so; nu  
pe nu m'umbe, di ma-dubwabele mo. \*To 9  
njika mowó nyanyu, yetena mun'ao 'uele te  
mo ewolo, ena a bola mo dale e? \*To 'uele 10  
teṅge mo sue, a bola mo nyama-bwaba e?  
\*Ye so te ná binyo, ba bena le bobe, lo bi 11  
bola bana banyu mambo ma bwam, neni so  
Saṅgo anyu nye o mony a si mendeno buka  
nika, o bola mambo ma bwam, na ba bam'  
uele mo e? \*Mambo mese so binyo lo ma- 12  
pulano, ná bato ba boleye binyo, binyo pe  
bolea babo nikamene; ebanja din nde le  
mbenda na batoperi-ba-mudi.

Binyo ṅgea onyola muna musadi. 13  
Ebanja muna mu kolo, ṅgea pe e tin-  
dam ni m'alane o dibumbe; nde gita nde  
be bena bam'ṅgeye oten. \*Nde muna 14  
mu salo, ṅgea pe e walamen ni m'alane  
o loṅge; nde ṅgusu nde i ma-die mo.

Binyo aṅgamene na baleedi ba lobaṅgo, 15

## Mateo 7.

- 16 bena ba ma-po na binyo na mbot'a midongi,  
nde oteten abu ba be nde njo i kwany. \* Lo  
mende bia babo onyola bepuma babu. Bato  
bena ba pata lonyengeny o ngengele e? to  
17 bena ba pata mangolo o ngangadi e? \* Nika-  
mene nde bwele na bwele ba bwam bo ma-  
ya nde bepuma ba bwam; nde bwele ba bobe  
18 bo ma-ya nde bepuma ba bobe. \* Bwele ba  
bwam bo titi na bo ya bepuma ba bobe, to  
bwele ba bobe pe bo titi na bo ya bepuma ba  
19 bwam. \* Bwele na bwele, bosiyai te bepuma  
20 ba bwam, bo ma-kebe, bo pimbabe o wea. \* Na  
nde lo mende bia babo onyola bepuma babu.  
21 \* Seto moto te nu ma-bele mba na: A  
Sango, a Sango, munde a mende jingeye  
o janea la mony, nde nu nu ma-bole  
22 jemea la Tete nye o mony. \* Gita ba  
mende kwalane mba o bo bunya na: A Sango,  
a Sango, di si ta di langwa bedinge o dina  
longo e? di si ta pe di busise midi ma bobe  
o dina longo e? di si boli pe gita la bebolo  
23 ba nginya o dina longo e? \* Nde na mende  
kwalane babo na: Na si ta na bia binyo tom;  
asumwe mba oboso, binyo babole-bobe.
- 24 Moto na moto so nu ma-senge ben beyala  
bam, nde a bola mo, na mende timbise mo  
ka mot'a-jangwa, nu longi ndabo ao omony  
25 a dale. \* Nde mbua e yole, mpupe mi po,  
miudi mi tomba mi ko onyola ni ndabo, nde  
26 e si ko, ebanja e sikimedi onyola dale. \* Nde  
moto na moto nu ma-senge ben beyala bam,  
nde a si bole nika, a mende nde be ka mot'-

## Mateo 7. 8.

elemā, nu longi ndabo ao omōny a mukoko.  
 \*Nde mbua e yole, mpupe mi po, miudi mi 27  
 tomba mi ko onyola ni ndabo, na mo e ko,  
 nde ko lao di ta bondene.

Nde eta na, niponda Yesu a boleno kwala, 28  
 mamuti mata ma tanya onyola beleedi bao;  
 \*ebanja a ta a lee babo ka mowó nu ben nginya, 29  
 seto ka babiedi babu ba kalat'a-Loba.

(8, 1—4: Marko 1, 40—44. Luk. 5, 12—14.)

Nde ná a sibino owasa mudoŋgo, na ma- 8  
 muti mandene ma bupe mo. \*Nde ombwa, 2  
 mot'a-mulòŋgó a-po, a ko wase oboso bao, a  
 kwala na: A Saŋgo, o emedi te oena o saŋgise  
 mba. \*Na mo a sambise dia lao a tapa mo, 3  
 a kwala na: N'emedi, saŋga. Na dibokimene  
 mulòŋgó mao mu bo. \*Na Yesu a kwalane 4  
 mo na: O bia pon, o si laŋgwea to-moto; nde  
 ala nde leelee oamene na prisi, o bole pe jabea  
 lena Mose a teseno, o be mboŋ na babo.

(5—13: Luk. 7, 1—10.)

Nde a poino o Kapernaum, na muaned'a-bila 5  
 mowó a po na mo, a sosomea mo, \*a kwala 6  
 na: A Saŋgo, muut' am a naŋga o mboa a ma-  
 boa njembele, a ma-taka bwambi. \*Na Yesu 7  
 a kwalane mo na: Na mende ya bole mo. \*Na 8  
 muaned' a-bila a timbisele na: A Saŋgo, na  
 si doŋgamen moto nyena o m'ingea owasa  
 mulaŋga mam; kwala nde eyala, nde muut'  
 am a ma-bole. \*Ebanja mba pe ne nde moto nye 9  
 owasa janea, nde na ben bato-ba-bila owas'  
 am, na kwalan te mowó na: Ala, na mo 'ala;  
 nune pe na: Ya, na mo a po; na muut' am

## Mateo 8.

- 10 na: Bola ninka, na mo á bola. \* Yesu a seŋgino  
nika, na mo a nyaka, a kwalane ba ba ta ba  
bupe mo na: Nambale, nā-laŋgwea binyo: to  
11 o Israel momene na si di ninka jemea. \* Nde  
nā-laŋgwea binyo: Gita ba mende wa o jeru  
na o mbeŋge, ba mende ja o tebedi na Abra-  
ham na Isak na Yakob o janea la mony;  
12 \* nde bana ba janea ba mende pimbabe o muititi  
'uone; oten nde mbembe na da la masoŋga  
13 ba mendeno be. \* Na Yesu a kwalane nu  
muaned' a-bila na: Ala, e bolabe na oa kana  
o dubeno! Na muut' ao a bole o ni ponda  
mene.

(14—17: Marko 1, 29—34. Luk. 4, 38—41.)

- 14 Nde Yesu a poino o ndabo a Petro, na mo  
'ene nyaŋgo a Petro nya diba (nyaŋgo a munj'  
15 ao), a ma-boa ŋgo. \* Na mo a tapa dia lao, na  
ngo ny'esele mo, na mo a teme, a kumwa bolea  
16 mo. \* Nde ebiamu e poino, ba ta ba wanea  
mo gita la bamidi-ma-bobe, na mo a busise  
midi mabu na eyal' ao, a bolise pe bese ba ta  
17 ba boa, \* ná eyal' a mutoper' a-mudi Yesaia  
elonde, a kwalino na: „Mo a nongi bobo lasu,  
a bambe pe maboa masu.“

(19—22: Luk. 9, 57—60.)

- 18 Yesu' enno ná mamuti mandene ma diŋgele  
mo, na mo a bola doi o jekamene o mune  
19 muri. \* Na mubied' a-kalat' a-Loba a po na  
mo, a kwalane mo na: A muleedi, na tondi  
20 bupe oa to-njika wuma o m' alano. \* Na Yesu  
a kwalane mo na: Mbaŋga-njo i ben milomba,  
lonon la mony pe lo ben madumbu, nde Muna-

## Mateo 8.

moto a si ben wuma a ma-ne<sup>ne</sup>geno mulopo  
mao. \*Na nupepe nya bokweli bao pe a 21  
kwalane mo na: A Sa<sup>sa</sup>ngo, sele jesele mba n'  
ale pule tete. \*Na Yesu a kwalane mo na: 22  
Bupe mba, ese<sup>se</sup>le nde mbimba mi pule mbimba  
mabu.

(23—27: Marko 4, 36—41. Luk. 8, 23—25.)

Nde niponda a pe<sup>pe</sup>dino o bolo, bokweli bao 23  
ba bupe mo. \*Nde ombwa, mu<sup>mu</sup>di mundene 24  
mu ta mu ko o munja, ka nyena bemune be  
ta be kurumane bolo; nde momene a ta a ko  
iyo. \*Na bokweli ba po na mo, b'umwele 25  
mo, ba kwala na: A Sa<sup>sa</sup>ngo, su<sup>su</sup>nga biso di nyam.  
\*Na mo a kwalane babo na: Nje lo ma-bwano 26  
bo<sup>bo</sup>ngo, a binyo bajemea-disadi? Na mo a teme,  
a domea ngo na munja, na mbole nindene e ko.  
\*Na bato ba nyaka, ba kwala na: Njika ndon 27  
la moto pe din, ngo na munja pe ba dube mo e?

(28—34: Marko 5, 1—17. Luk. 8, 26—37.)

Niponda a po<sup>po</sup>ino o mune muri, o ekombo 28  
a Gadara, bato baba bena ba ta ba bene midi  
ma bo<sup>bo</sup>be, ba ta ba wa o so<sup>so</sup>ngo, ba bomane mo;  
ba ta ba kwanya bwambi, ka nyena moto a si  
ta a wele tomba o ni ngea. \*Nde ombwa, ba 29  
ta ba te misea, ba kwala na: A Mun' a Loba,  
nje di benno o bolane oa e? O poi nde takise  
bis<sup>is</sup>o, obiana ponda e ma-po e? \*Nde dibemba 30  
la ngoa dindene di ta o bededi etum na babo.  
\*Na mi mid<sup>id</sup>i ma bo<sup>bo</sup>be mi so<sup>so</sup>s<sup>so</sup>somea mo na: 31  
Yetena o ma-busise biso, loma biso o dibemba  
la ngoa. \*Na mo a kwalane babo na: Ala! 32  
Na mo mi busa, mi ala oteten a ngoa; nde



## Mateo 8. 9.

ombwa, na dibemba la ngo lese di siba o wuma  
33 i tongom, di ko o munja, di wo o madiba. \* Na  
batateri ba nya mila, b'ala o mudi, ba laŋ-  
gwa mambo mese, na onyola bamidi-ma-bobe  
34 pe. \* Nde ombwa, na mudi muese mu busa  
o doŋgamene Yesu; b' enno mo na babo ba  
sosomea mo, ná 'asumwe o epas' abu.

(9, 1—8: Marko 2, 1—12. Luk. 5, 17—26.)

9 Nde ná a pedino o bolo, 'ekamene o mune  
2 muri, a po o mudi mao. \* Nde ombwa, na  
babo ba wanea mo mot' a-njembele, nu ta nu  
naŋga o noŋgo. Yesu 'enno jemea labu, na  
mo a kwalane nu mot' a-njembele na: A mun'  
am, embe mulema, miobe moŋgo mi lakisabe.  
3 \* Nde ombwa, na doŋgo la babiedi-ba-kalat'  
a-Loba ba kwala na babo' momene na: Nun  
4 a ma-topo dibena liŋgise Loba. \* Nde Yesu  
'enno moŋgele mabu, na mo a kwala na: Onyola-  
nje lo m' ongeleno bobe o milema manyu e?  
5 \* Ebanja njika lambo di bobi buka dine e? o  
kwala na: Miobe moŋgo mi lakisabe? to kwala  
6 na: Teme, daŋgwa e? \* Nde to lo ma-bia  
ná Muna-moto a ben ŋginya o wase o lakise  
miobe, na mo a kwalane nu mot' a-njembele  
na: Teme, nòŋgó nòŋgo loŋgo, ala o mbo'  
7 8 aŋgo. \* Na mo a teme 'ala o mboa. \* Mamuti  
m' enno nika, na babo ba bwa boŋgo, ba sesa  
Loba nu boli nika ŋginya na bato.

(9—13: Marko 2, 13—17. Luk. 5, 27—32.)

9 Yesu 'asumweno ua wuma, na mo 'ene moto  
mowó dina lao na Mateo, a ta a ja o ndabo a  
njaŋgi, na mo a kwalane mo na: Bupe mba!

## Mateo 9.

Na mo a teme a bupe mo. \* Nde e ta na, 10  
 niponda Yesu a jaino o tebedi o ndabo, om-  
 bwa, gita la bakotedi na babobe ba ta ba po,  
 ba ja na Yesu o tebedi na bokweli bao. \* Nde 11  
 Farisai b' enno nika, ba kwalane bokweli bao  
 na: Onyolanje muleed' anyu a ma-dano na ba-  
 kotedi na babobe e? \* Nde Yesu a seŋgino 12  
 nika, na mo a kwalane babo na: Baŋginya  
 basima-pula mot' a-bwaŋga, ke baboedi. \* Nde 13  
 binyo ala nde lo okwe neni yen eyala yeno  
 na: „Na tondi ndedi seto jabea.“ Ebanja na  
 si poi o bele batem-na-sim, nde babobe.

(14—17: Marko 2, 18—22. Luk. 5, 33—38.)

Ombusa nika na bokweli ba Yohane bapo 14  
 na mo, ba kwala na: Onyolanje biso na Fari-  
 sai di yokino kandane da, nde bokweli boŋgo  
 ba si kandane e? \* Na Yesu a kwalane babo 15  
 na: Makom ma mubaedi mena ma lebe, ke  
 mubaedi e na babo e? Minya mi mende po  
 miena mubaedi a mendeno nonŋobe na babo,  
 to denge ba mende kandane da. \* To-moto 16  
 a titi ná a baŋgwa mulendi ma dibato la pibo  
 ma penya onyol' edun a mboti; ebanja mu  
 mu baŋgwabe mu m' asumwe o ni mboti, na  
 dipondi di beŋga nde kola. \* Nikamene pe 17  
 ba titi ná ba wele mao ma penya onyola be-  
 dun ba bekaŋga, ke bekaŋga be ma-bwea, na  
 mao ma komea, na bekaŋga pe be nyama; nde  
 ba ma-wele nde mao ma penya o bekaŋga ba  
 penya, nde babo babane ba ja bwam.

(18—26: Marko 5, 22—43. Luk. 8, 41—56.)

Niponda a kwalanno babo be beyala, om- 18

## Mateo 9.

bwa, muanedi mowó apo, a ko wase oboso bao  
a kwala na: Mun' am nya muto a wedi tatan,  
ya nenge dia longo omony ao, nde a mende  
19 pe be longe. \* Na Yesu a teme a bupe mo  
20 na bokweli bao. \* Nde ombwa, muto nu  
ta nu boa dibo la maya dom la mbu na miba,  
a ta a wea mo la mbusa, a tapa dinjaki la  
21 mbot' ao; \* ebanja a ta a kwala na momene  
na: Na tapi te to mbot' ao momene, ke na  
22 mende bole. \* Na Yesu a yombo, 'enno mo,  
na mo a kwalane mo na: A mun' am, embe  
mulema, jemea longo di ongise oa! Na nu  
23 muto a bole o ni ponda mene. \* Nde Yesu  
a poino o ndabo a nu muanedi, 'enno balonge-  
24 losese, dimuti la bato pe di toise, \* na mo  
a kwalane babo na: Binyo asumwe, ebanja  
ngonderi e si wedi, e kwedi nde iyo. Na babo  
25 ba yoye mo. \* Dimuti di busisabeno, na mo  
26 'ingea 'alea mo dia, na ngonderi e teme. \* Na  
mi miango mi pambilane o y' ekombo yese.  
27 Yesu 'asumweno o ua wuma, na bato ba  
ndima baba ba bupe mo, bate misea, bakwala  
28 na: A mun' a Dawid, bwea biso ndedi! \* In-  
gedino o ndabo, na ba bato ba ndima bapo  
na mo, na Yesu a kwalane babo na: Lo dube  
na nena na wele bola din e? Na babo ba  
29 kwala na: E, a Saño! \* Na mo a tapa miso  
mabu, a kwala na: E bolabe binyo kaponda  
30 jemea lanyu! \* Nde na miso mabu ma telam-  
no. Na Yesu a domea babo na: L'angamene  
31 pon, ná moto a si bia nika. \* Nde ba busino,  
na babo ba kyamane mo o y' ekombo yese.

## Mateo 9. 10.

Nde ba ba busino, ombwa, na babo ba 32  
wana mo mot'a-mbuke, nu ta nu bene mudi  
ma bobe. \* Nde mudi ma bobe mu busisabeno, 33  
na nu mot'a-mbuke a kumwa topo, na mamuti  
ma nyaka, ba kwala na: Ninka lambo e s'enen  
o Israel. \* Nde Farisai ba ta nde ba kwala 34  
na: A ma-busise nde mudi ma bobe onyola  
muaned'a mudi ma bobe.

Nde Yesu a ta a dangwa o mindi mindene 35  
na misadi mese, a ta a lee o mandabo mabu  
ma ndongamen, a langwa miango-ma-bwam  
ma janea, a bolise pe nyai a diboate na nyai  
a sese yese. \* Niponda 'enno mamuti, na mo 36  
a bwea babo ndedi, ebanja ba ta ba taka-ta-  
kane, ba pambilane pe ka midongi mi si ben  
mutateri. \* Na mo a kwalane bokweli 37  
bao na: Mumbwa mu kolo, nde baboledi  
be nde ngusu. \* Binyo sosomea so San- 38  
go a mumbwa, na alome baboledi o mu-  
mbwa mao.

(10, 2—15: Marko 6, 7—13. Luk. 9, 1—5.)

Na mo a bele dom lao la bokweli na baba, 10  
a bola babo nginya omony a mudi misisangi,  
o busise mo, na o bolise nyai a maboate yese  
na sese yese. \* Man nde me mina ma dom la 2  
bamuloloma na baba: Nyaboso Simon, nu  
belabe Petro, na muna-sango Andrea; na Ya-  
kobo mun'a Sebedeo, na muna-nyango Yohane;  
\* Filipino na Bartolomeo; Tomasi na Mateo 3  
mukotedi; Yakobo mun'a Alfeo, na Lebeo nu  
belabe pe Tadeo; \* Simon mot'a Kana, na 4  
Yuda Iskariot nu ny'andise mo.

## Mateo 10.

5     Din dom na baba nde Yesu a tano a loma,  
       'anea babo, a kwala na: Lo s'ala o nge'a ba-  
 6 sibi, lo si po pe to o mudi ma Samaria; \* ala  
       nde o midongi ma ndabo a Israel mi pimbedi.  
 7 \* Nde kana lo m'alano, langwa na: Janea la  
 8 mony di á bebe. \* Lo bolise baboedi, lo pum-  
       bwele bawedi, lo sangise bamilongó, lo busise  
       midi ma bobé. Lo kusi na wonja, lo bola pe  
 9 na wonja. \* Lo s'alea gol to silba to kapa  
 10 o ngod'anyu, \* to mukuta o londo lanyu, to  
       loki loba to betambi to itumbu; ebanja mubo-  
 11 ledi 'angamen da lao. \* To-njika mudi mu-  
       ndene to musadi lo ma-pono, lo baise nja nu  
       dongamen oten, oten nde lo ma-jano, naté  
 12 l'asumwe. \* Lo m'ingea te o ni ndabo, lo soma  
 13 mo. \* Nde yetena ndabo e dongamen, mu-  
       sango manyu mu be oten, nde yetena esido-  
       ngamen, musango manyu mu timbe na binyo.  
 14 \* To-nja nu si ma-nonge binyo to senga beyala  
       banyu, lo busa onyola ni ndabo to o mu mudi,  
       nde l'umbe pe diburu le o miende manyu.  
 15 \* Nambale, nā-langwea binyo, e mende be  
       bwam n'ekombo a Sodom na Gomora o bunya  
       ba muka, buka nika mudi.

(17—22: Marko 13, 9—18. Luk. 21, 12—17.)

16     Ombwa, na ma-loma binyo ka midongi  
       oteten a njo; na nde lo be jangwa ka nyama-  
       bwaba na ka ni titi mawondon ka mbeŋga.  
 17 \* L'angamene onyola bato, ebanja ba mende  
       bake binyo o bekaisedi bendene, ba mende pe  
       dipa binyo lonyanyo o mandabo mabu ma  
 18 ndongamen; \* ba mende pe walane binyo oboso

## Mateo 10.

bagobina na kiñe onyol'am, o be mboñ na babo na basibi pe. \*Nde ba bake te binyo, 19  
 lo si taka neni na nje lo mendeno kwala; ebanja e mende bolabe binyo o ni ponda mene, nje lo mendeno kwala. \*Ebanja seto binyo 20  
 nde lo ma-kwale, nde Mudī ma Saño anyu nde mu ma-kwale onyol'anyu. \*Muna-saño 21  
 a mende bake muna-saño o kwedi, saño pe mun'ao; bana ba mende teme liñgise basaño na banyaño, na bake babo o kwedi. \*Binyo 22  
 lo mende siñgabe na bato bese onyola dina lam. Nde nu nu tiñgam natena o su, a mende joñgisabe. \*Ba takise te binyo o mudi mo- 23  
 wó, lo nya mila o mupepe; ebanja nambale, nā-lañgwea binyo, lo si mende domse mindi ma Israel natē Muna-moto a ma-po. \*Mo- 24  
 kweli a si buki muleed'ao, to muutu pe saño ao. \*E doñgamen na mokweli o kusa ka mu- 25  
 leed'ao, muutu pe ka saño ao. Yetena ba ta ba bele saño andabo Beelsebub, ba si mende buka bele bona bao ba ndabo nika e?

(26—33: Luk. 12, 2—9.)

Lo si bwa so babo boño. Ebanja to-lambo 26  
 di si kuruman, lena di si mende telame, to-lambo pe di si wutam, lena di si mende bianē. \*To- 27  
 nje na ma-lañgweano binyo o muititi, kwala mo o muenen; to-nje pe lo ma-señgano o esoka o toi, kwala mo omony a minyua. \*Lo si 28  
 bwa babo boño bena ba ma-bwe nyolo, nde basi wele bwa mudī; nde lo bwa nde nu boño, nyena nu ma-wele nyamse mudī na nyolo o wuma-wea. \*Ba si m'andise nde lonjaña loba 29

## Mateo 10.

onyol' epas'a-kapa e? Nde to-iwo i si ma-ko  
 30 o wase e si be Saŋgo anyu. \*Nde na nyo  
 31 anyu ya mulopo yese i soŋgobeŋe. \*Losi bwa  
 32 so boŋgo, lo buki gita la lonjaŋga. \*To-nja  
 nu ma-puseŋe momene na mba oboso ba  
 bato, na mo nde mba pe na mendeno  
 puseŋe mbamene oboso ba Tete nye o  
 33 mony. \*To-nja pe nu ma-tobe mba obo-  
 so ba bato, mo nde mba pe na mendeno  
 tobo oboso ba Tete nye o mony.

(34—36: Luk. 12, 51—53.)

34 Lo s' ongeŋe ná na poi nde o wana musaŋgo  
 o wase; na si poi o wana musaŋgo, nde po.  
 35 \*Ebanja na poi o jabane moto na saŋgo ao,  
 muna-muto na nyaŋgo ao, mut'a-diba na nyaŋ-  
 36 go nya diba. \*Nde basingeri ba moto ba  
 mende nde be bona bao ba ndabo momene.  
 37 \*To-nja nu tondi saŋgo to nyaŋgo buka mba,  
 a s'aŋgamen mba; to-nja pe nu tondi mun'ao  
 nya mome to nya muto buka mba, a s'aŋga-  
 38 men mba; \*to-nja pe nu si ma-noŋge mbas'ao,  
 39 nde a bupe mba, a s'aŋgamen mba. \*To-nja nu  
 ma-kuse longe lao, a ma-pimba nde mo; to-  
 nja pe nu ma-pimbe longe lao onyol'am, a  
 40 ma-kusa mo. \*To-nja nu ma-kuse binyo,  
 a ma-kusa nde mba; to-nja pe nu ma-kuse mba,  
 41 a ma-kusa nde nu nu lom mba. \*To-nja nu  
 ma-kuse mutoper'a-mudi onyola dina la mu-  
 toper'a-mudi, a ma-kusa musauedi ma mu-  
 toper'a-mudi; to-nja pe nu ma-kuse nutem-  
 na-sim onyola dina la nutem-na-sim, a ma-  
 42 kusa musauedi ma nutem-na-sim. \*To-nja

## Mateo 10. 11.

pe nu ma-bole mowó nya ban basadi dibonde  
la madiba o nyo, onyola dina la mokweli,  
nambale, nā-laŋgwea binyo, a si ma-suba mu-  
sauedi mao.

Nde e ta na, niponda Yesu a boleno janea 11  
dom lao la bokweli na baba nika, na mo  
'asumwe o ua wuma, 'ala o lee na laŋgwa o  
mindi mabu.

(11, 2—19: Luk. 7, 18—35.)

Nde niponda Yohane a seŋgino onyola be- 2  
bolo ba Kristo o ndabo a beboa, na mo a loma  
bokweli bao baba, \*o kwalane mo na: Oe nde 3  
nu nu mende po, ŋga di tate nde nupepe e?  
\*Na Yesu 'alabe babo na: Binyo ala laŋgwea 4  
Yohane, nje lo seŋgino na nje pe l'engo.  
\*Bandima ba n'ene, bamboko ba ni-daŋgwa, 5  
bamulòŋgó ba ni-bole, bandoki ba ni-seŋga, ba-  
wedi ba ni-pumbwabele, miango-ma-bwam pe  
mi ni-laŋgwabe na batuedi. \*Nde bonam na 6  
nu nu si ma-sonje onyol'am. \*Niponda 7  
b'alongo, na Yesu a kumwa kwalane mamuti  
onyola Yohane na: Nje lo tano l'ala jombwa  
o eyaŋ e? Ekoko e ma-soe na ŋgo e? \*To, 8  
nje lo tano l'ala jombwa e? Moto nu boti  
mboti ye na lembulembu e? Ombwa, ba ba  
ma-bote mboti ye na lembulembu be o ma-  
ndabo ma kiŋe. \*Nje so lo tano l'ala jombwa 9  
e? Mutoper'a-mudi e? Nambale, nā-laŋgwea  
binyo, buka mutoper'a-mudi. \*Numene nde 10  
e tano e tilabe onyol'ao na: „Ombwa, na ma-  
loma angel am oboso boŋgo, nu mende poŋge  
ŋgea aŋgo oboso boŋgo.“ \*Nambale, nā-laŋ- 11



## Mateo 11.

gwea binyo, o bese ba yabe na bito, to-mowó  
a si busi nu buki Yohane mudubisedi; nde nu  
nu buki bese bosadi o janea la mony, a kolo  
12 buka mo. \* Nde botea o minya ma Yohane  
mudubisedi natena tatan, janea la mony di  
ma-suabe nde, nde basuedi ba ma-sua nde mo.  
13 \* Ebanja batoperi-ba-mudi bese na mbenda  
14 ba ta balangwa bedinge natena Yohane. \* Ye-  
tena lo tondi nongo ninka, mo nde e Elia,  
15 nu ta ná a ma-ya. \* Nu nu ben matoi o seŋga,  
16 ese le mo a seŋge! \* Nde na nja na ma-mene-  
nenon nin nyoŋon e? Be nde ka bana bajai  
17 o madon, bena ba bele makom mabu, \* ba  
kwala na: Di longedi binyo losese, nde lo si  
sai; di eyedi pe binyo madoi ma mbembe, nde  
18 lo si boli ndedi. \* Ebanja Yohane a poi, a si  
de, a sinyo, na babo bakwala na: A ben mudi  
19 ma bobe. \* Muna-moto a poi, a da, a nyo, na  
babo ba kwala pe na: Ombwa te, mot'a-mu-  
desi na munyo-mao, dikom la bakotedi na  
babobe! Nde dibie di tesebe na sim na bana  
bao.

(20—24: Luk. 10, 12—15.)

20 Na mo a kumwa sa mindi miena oten nde  
bebolo bao bendene be bolanno gita, onyolana  
21 ba s'atele. \* Eboma na oa a Korasin! eboma  
na oa a Betsaida! Ebanja yetena ben bebolo  
bendene be bolabe oteten anyu, be bolabe te o  
Tyro na Sidon, ke ba wusa jatele beibei na  
22 dibato la malebo na diburu. \* Nde na-laŋ-  
gwea binyo, Tyro na Sidon ba mende kusa  
23 bwam o bunya ba muka, buka binyo. \* Na

## Mateo 11. 12.

oa pe, a Kapernaum, ni abwabele natena o mony, o mende sibisabe natena o mudi-makwedi. Ebanja yetena ben bebolo bendene be bolabe oteten anyu, be bolabe te o Sodom, ke ba dia natena oenge. \*Nde na-langwea 24 binyo, ekombo a Sodom e mende kusa bwam o bunya ba muka buka oa.

(25—27: Luk. 10, 21. 22.)

O ni ponda mene na Yesu a kwala na: 25 Na som oa, Ate, Sango nya mony na wase, na o wuti man na babiedi na bajangwa, nde o biise mo na mienge. \*E, Ate, ebanja nika 26 e ta e dolisane oa. \*Mambo mese ma bakabe 27 mba na Tete; nde to-moto asibi Muna ke Tete, to-moto pe asibi Tete ke Muna, na nu pe nyena Muna a tondino biise.

Ya na mba, binyo bese ba woli na 28 ba bambe miuna mi dili, nde na ma-bola binyo wumse. \*Nongo ekokos' am omony 29 anyu, l'okwe na mba; ebanja ne pi na mulema mu sibi; nde lo ma-kusa wumse o midi manyu. \*Ebanja ekokos' am e 30 s'ambi, muuna mam pe mu wam.

(12, 1—8: Marko 2, 23—28. Luk. 6, 1—5.)

O ni ponda mene Yesu a ta a tomba ote- 12 ten a mionda ma mbasi o bunya-ba-wumse, nde bokweli bao ba ta ba bwa njai, na babo ba kumwa polo miso ma mbasi, ba da mo. \*Nde Farisai b'engo nika, ba kwalane mo na: 2 Ombwa, bokweli bongo ba ma-bola lambo di s'angamen bole o bunya-ba-wumse. \*Na mo 3 a kwalane babo na: Lo si langi nje Dawid a

## Mateo 12.

bolino, ponda a tano a bwa njai na ba ba ta  
 4 na mo e? \*Neni 'ingedino o ndabo a Loba,  
 a dedino bewolo be tesebe oboso ba Loba, bena  
 a si tano 'angamene da, to ba ba ta na mo,  
 5 ke prisi momene e? \*Lo si langi pe to, neni  
 prisi ba buleleno bunya-ba-wumse o tempel o  
 bunya-ba-wumse, nde ba si bene njom a bobo  
 6 e? \*Na-langwea so binyo, di di buki tempel  
 7 le o uan. \*Lo sontan te, neni yen eyala yeno:  
 „Na tondi ndedi seto jabea“, ke lo si wusa  
 8 kwese ba ba si ben njom. \*Ebanja Muna-moto  
 nde e saŋgo a bunya-ba-wumse.

(9—14: Marko 3, 1—6. Luk. 6, 6—11.)

9 Na mo 'asumwe o ua wuma, 'ala o ndabo  
 10 abu nya ndongamen. \*Nde ombwa, moto mowó  
 a ta oten, nu ta nu bene dia di wedi. Na babo  
 b'uele mo na: E angamen o bolise moto o  
 bunya-ba-wumse e? ná ba die njom na mo.  
 11 \*Na mo a kwalane babo na: Njika mowó  
 nyanyu, a ben te mudongi mowó, nde mu ko  
 o ekukuru o bunya-ba-wumse, atiti ná anongo  
 12 mo a toto mo e? \*Moto a si buki so mu-  
 dongi bwambi e? Onyola nika e angamen o  
 13 bola bwam o bunya-ba-wumse. \*Na mo a  
 kwalane nu moto na: Sambise dia longo! Na  
 mo a sambise mo, na mo di timba bwam ka  
 14 dine. \*Na Farisai ba busa, ba wekea mo  
 muano o bwa mo.

(15—21: Marko 3, 7—12.)

15 Nde Yesu a soino nika, na mo a wengemeye  
 o ua wuma, na mamuti mandene ma bupe  
 16 mo, na mo a bolise babo bese. \*Na mo a

## Mateo 12.

kimea babo, ná ba si biise onyol' ao, \*ná eyal' 17  
a mutoper' a-mudī Yesaia e londe, a kwalino  
na: \*„Ombwa, muut' am na posino, etond' am 18  
yena mulema mam mu dolisanno; na ma-nenge  
mudī mam omōny ao, nde a mende laŋgwea  
basibi muka-mu-tem. \*A si mende taŋga mu- 19  
taŋgo to toise, to doi lao di si mende seŋgabe  
o maŋgea. \*A si mende bua ekoko e niam, 20  
a si mende pe to dimse muenen mu ma-lombe,  
natē a wana muka-mu-tem o bebukedi. \*O 21  
dina lao nde basibi ba mendenō pite.“

(22—45: Marko 3, 22—30. Luk. 11, 14—26; 29—32.)

Ombusa nika na babo ba wanea mo moto 22  
nu ben mudī ma bobe, nu ta ndima na mbuke,  
na mo a bolise mo, ka nyena nu mot' a-mbuke  
a ta a topo, 'ene pe. \*Na mamuti mese ma 23  
nyaka, ma kwala na: Seto mun' a Dawid nun  
e? \*Nde Farisai ba seŋgingo nika, ba kwala 24  
nde na: Nun a ma-busise nde midī ma bobe  
onyola Beelsebub, muaned' a midī ma bobe.  
\*Nde Yesu a bino moŋgele mabu, na mo a 25  
kwalane babo na: Janea na janea di aban  
te di ma-ko; to mudi mowó, to ndabo nde,  
ba titi ná ba wele teme, ke b'aban. \*Nde 26  
yetena Satan a busise Satan, ke 'aban nde  
momene; neni so janea lao di ma-temeno e?  
\*Yetena na ma-busise nde midī ma bobe 27  
onyola Beelsebub, onyola nja pe bana banyu  
ba ma-busiseno mo e? Onyola nika ba mende  
be bakaisedi banyu. \*Nde yetena na ma- 28  
busise midī ma bobe onyola Mudī ma Loba,  
ke janea la Loba di má-po oteten anyu. \*To 29

## Mateo 12.

- neni moto eno ná 'in<sup>g</sup>ea o ndabo a mot'a  
nginya o dumba bema bao, yetena a si sele  
kaka mot'a nginya, ombusa nika to den<sup>g</sup>e a  
30 ma-dumba ndabo ao e? \*Nu nu titi na mba,  
a ma-ten<sup>g</sup>ene nde mba; nu pe nu si ma-kotele  
31 na mba, a ma-wanja nde. \*Onyola nika nā-  
langwea binyo, nyai a miobe yese na dibena  
o lingise Loba i mende lakisabe na bato, nde  
dibena o lingise Mudī Musa<sup>g</sup>gi di si mende  
32 lakisabe na bato. \*To-nja pe nu ma-tope  
eyala o lingise Muna-moto, e ma-lakisabe mo;  
nde to-nja nu ma-tope lingise Mudī Musa<sup>g</sup>gi,  
e si ma-lakisabe mo, to o nin wase to o nine  
33 ni mende po. \*Pongo bwele ba bwam,  
nde bepuma bao pe be ma-be bwam; to pongo  
bwele ba bobe, nde bepuma bao pe be ma-be  
bobe. Ebanja bwele bo ma-biabe nde onyola  
34 bepuma bao. \*Binyo bana ba pe, kana binyo  
leno bobe, neni leno ná lo wele topo bwam e?  
Ebanja ma ma-ma-londe o mulema nde ma  
35 ma-buse o mudumbu. \*Mot'a bwam a ma-  
busise mambo ma bwam o diwuta lao la bwam;  
mot'a bobe pe a ma-busise mambo ma bobe o  
36 diwuta lao la bobe. \*Nde nā-langwea binyo:  
Eyala n'eyal'a bobe te bato ba ma-topono, ba  
mende bola bolangi onyol' ao o bunya ba  
37 muka. \*Ebanja onyola beyala bonggo nde o  
ma-tesebeno na sim, onyola beyala bonggo pe  
nde o ma-kwesabeno.
- 38 Ombusa nika donggo la babiedi-ba-kalat'a-  
Loba na Farisai b'alabe, ba kwalane mo na:  
A muleedi, di ma-pula jene eyemban na oa,

## Mateo 12.

\* Na mo 'alabe babo na: Nyonon a bobe na 39  
 musonje e ma-pula eyemban, nde eyemban e  
 si ma-bolabe mo, ke eyemban a Yona mutoper'  
 a-mudi. \* Ebanja kana Yona a tano o dibum 40  
 la nyama miese milalo na bulu pe milalo,  
 nikamene nde Muna-moto pe a mendeno be  
 oteten a minyangadu, miese milalo na bulu  
 pe milalo. \* Bato ba Niniwe ba mende teme 41  
 o muka na nin nyonon, nde ba mende kwese  
 mo, ebanja ba ta b'atele onyola belangwedi  
 ba Yona, nde ombwa, nu nu buki Yona e o  
 uan. \* Nyaŋgo-a-mundi nya mikondo a mende 42  
 teme o muka na nin nyonon, nde a mende  
 kwese mo, ebanja mo a wu naten' o su la  
 wase o seŋga dibie la Salomo, nde ombwa,  
 nu nu buki Salomo e o uan. \* Nde yetena 43  
 mudi mu si saŋgi mu busi te na moto, mu ma-  
 yeŋga o wuma i anji o pulise wumse, nde mu  
 si ma-dia mo. \* Nde ombusa nika mu ma-kwala 44  
 na: Na ma-timba pe o ndabo am na wuno.  
 Mu poi te, mu ma-bomane mo ewolo, epapabe  
 e botisabe pe. \* Na mo mu ala, mu nongo pe 45  
 midĩ mipepe samba, mi buki momene bobe, na  
 mo mi inŋea mi ja oten, na mambo ma nu  
 moto ma sukan ma timba bobe buka ma boso.  
 Nikamene nde e mendeno be na nin nyonon  
 a bobe.

(46—50: Marko 3, 31—35. Luk. 8, 19—21.)

Niponda a tano a kwalisane mamuti, om- 46  
 bwa, nyaŋgo na bona-saŋgo ba ta ba teme  
 o eboko, ba pula kwalisane mo. \* Na moto 47  
 mowó a kwalan mo na: Ombwa, nyongo na

## Mateo 12. 13.

bona-songo ba tem o eboko, ba ma-pula kwali-  
 48 sane oa. \*Na mo a timbisele nu nu langwedi  
 mo na: Nja e nyaŋgo am na bona-saŋgo am  
 49 e? \*Na mo a sambise dia onyola bokweli  
 bao, a kwala na: Ombwa, nyaŋgo am na bona-  
 50 saŋgo am. \*Ebanja to-nja nu ma-bole jemea  
 la Tete nye o mony, ke mo nde e muna-saŋgo  
 am nya mome na nya muto, na nyaŋgo am.

(13, 1—23: Marko 4, 1—20. Luk. 8, 4—15.)

- 13 0 bo bunya mene nde Yesu a busino o  
 2 ndabo, na mo a ja wase bebe na munja. \*Na  
 mamuti mandene ma kotone na mo, ka nye-  
 na a peye o bolo a ja oten, na mamuti mese  
 3 pe ma teme o saua. \*Na mo a kwalane  
 babo gita la mambo o minia, m'ona: Ombwa,  
 4 musaedi a ta 'ala o miasele mbolako. \*Nde  
 o miasele lao doŋgo di ta di ko o ngea; na  
 5 lonon lo po, lo soma mo. \*Doŋgo pe di ko  
 o wum'a madale, wuma yena minyaŋgadu mi  
 si tano gita; na mo i wamse pumea, ebanja  
 6 i sita i poto o minyaŋgadu; \*nde wei i busino,  
 na mo i bubwea, nde onyolana i si ta i bene  
 7 miaŋga na mo i wo. \*Doŋgo pe di ko o wum'  
 a ngeŋgele; nde ngeŋgele i pumedino, na mo  
 8 i bwa mo. \*Doŋgo pe di ko o minyaŋgadu  
 ma bwam; na mo i ya bepuma, doŋgo ebwea,  
 9 doŋgo mumutoba, doŋgo pe mualalo. \*Nu  
 nu ben matoi o seŋga, esele mo a seŋge!  
 10 Na bokweli ba po na mo, ba kwalane mo  
 na: Onyolanje o ma-toponeno nde babo minia  
 11 e? \*Na mo a timbisele babo na: Ebanja e  
 bolabe na binyo o bia besoka ba janea la

## Mateo 13.

mony, nde e si bolabe babo. \*Ebanja to-nja 12  
 nu ben emende bolabe mo, nde a ma-bene  
 njoasoa; nde to-nja nu si ben, emende non-  
 gobe na mo yemene a benno. \*Onyola nika 13  
 nde na ma-toponeno babo minia, ebanja ba m'  
 ene, nde ba si m'ene; ba ma-seŋga, nde ba si  
 ma-seŋga, ba si ma-sontane pe to. \*Beyala 14  
 ba Yesaia b'edinge pe belondi onyol'abu,  
 a kwalino na: „O seŋga lo mende seŋga, nde  
 lo si ma-sontane, o jene lo mende jene, nde lo  
 si ma-bake. \*Ebanja milema ma ban bato mi 15  
 timbi pibo, matoi mabu pe ma dibi o seŋga,  
 miso mabu pe ma kukam o jene, ná ba s'ene  
 na miso mabu, to seŋga na matoi mabu, to  
 sontane na milema mabu, ná b'atele, nde na  
 bolise babo.“ \*Nde bonam na miso manyu, 16  
 ebanja ma m'ene, na matoi manyu pe, ebanja  
 ma ma-seŋga. \*Nambale, nā-laŋgwea binyo, 17  
 gita la batoperi-ba-mudi na batem-na-sim ba  
 ta ba pula jene man mambo binyo lo m'enenó,  
 nde ba s'en mo, na seŋga man mambo binyo  
 lo ma-seŋgano, nde ba si seŋgi mo. \*Binyo 18  
 seŋga so munia ma musaedi. \*Moto na moto 19  
 nu ma-seŋge eyal'a janea, nde a si sontane mo,  
 Nyabobe a ma-po, na mo a sumwa ye e sabe  
 o mulema mao. Mo nde e nu nu sabe o ŋgea.  
 \*Nde yi i sabe o wum'a madale, ye nde nu 20  
 nu ma-seŋge eyala, na dibokimene a nongo  
 mo na munyenge, \*nde a si bene mianga oteten 21  
 ao, a ma-tiŋgame nde son a ponda; nde ye-  
 tena ndutu to takise ba poi te onyola eyala,  
 na dibokimene a sonjo. \*Nde yi i sabe o wum' 22



## Mateo 13.

- a ngengele, ye nde nu nu ma-senge eyala, na mutaka ma mun mundi-ma-wase na mawondon ma bema ba bwa eyala, nde a si ye bepuma.
- 23 \* Nde yi i sabe o minyangadu ma bwam, ye nde nu nu ma-senge eyala a sontane pe mo, na mo a ya bepuma, mowó ebwea, nune pe mumutoba, nupepe pe mualalo.
- 24 A boledi pe babo munia mupepe, m'ona: Janea la mony je nde biana moto nu sai
- 25 mbolako a bwam o mōnda mao. \* Nde niponda bato ba kwedino iyo, na musinger' ao a po,
- 26 a sa bekoko pulisane mbasi, na mo 'ala. \* Nde niponda mbasi i nyakino i kumono ya, na be-
- 27 koko pe b'enene. \* Na bautu ba saŋgo a mboa, b'ala na mo, b'uele mo na: A saŋgo, o si sai nde mbolako a bwam o mōnda mongo
- 28 e? O ueni so bekoko be wuno e? \* Na mo a kwalane babo na: Musingeri nde a boli nika. Na bautu ba kwalane mo na: O tondi
- 29 so ná di ale dubwa mo e? \* Na mo a kwala na: Kem, lo si ya be lo ma-dubwa te bekoko
- 30 lo dubwa pe mbasi. \* Esele babo babane ba nyake muemba natena pond'a mumbwa; nde o pond'a mumbwa na mende kwalane bumbwedi na: Binyo lo sele kotele bekoko, lo kake mo ngata, ná ba dise mo, nde lo kotele mbasi o ndabo am ny'ekotedi.

(31. 32: Marko 4, 30—32. Luk. 13, 18. 19.)

- 31 A boledi pe babo munia mupepe, m'ona: Janea la mony je nde biana mbolako a ewole, nyena moto a nongingo a sa o mōnda mao.
- 32 \* Mo nde e salo buka mbolako yese, nde e

### Mateo 13.

koki te na mo e buka bewudu bese bondene,  
e timba bwele, ka nyena lonon la mony lo ma-  
po, lo longa madumbu o mikanjo mao.

(33: Luk. 13, 20. 21.)

A kwalan pe babo munia mupepe na: Janea 33  
la mony je nde biana esasaŋge e ma-pongone  
ewolo, yena muto a nongingo a pungwane mo  
mamene malalo ma mburu ma mbasi, natena  
muese mu timba esasaŋge.

Yesu a kwalan nde mamuti man mese o 34  
minia, nde a sita a kwalane babo to-lambo,  
ke o minia, \* ná eyal' a mutoper' a-mudi e 35  
londe, a kwalino na: „Na mende tele mudumbu  
mam na minia, na ma-topo ma ma ta ma wu-  
tame natena pond'a bewekedi ba wase.“

Ombusa nika Yesu 'esele mamuti, na mo 36  
'ala o mboa. Na bokweli bao ba po na mo,  
ba kwala na: Leele biso janda la munia ma  
bekoko o mōnda. \* Na mo a kwalane babo 37  
na: Nu nu ma-se mbolako a bwam ende  
Muna-moto. \* Mōnda mue nde mundi-ma-wase. 38  
Mbolako a bwam ye nde bana ba janea; be-  
koko be nde bana ba Nyabobe. \* Musingeri 39  
nu sai mo e nde Satan; mumbwa mue nde  
su la wase, bumbwedi be nde angel. \* Kana 40  
bekoko be ma-kotobeleno be disabe wea, nika-  
mene pe nde e mendeno be o su la wase.  
\* Muna-moto a mende loma angel ao, nde i 41  
mende kotele malambi mese o janea lao, na  
bese bena ba boli bobbe, \* i mende pimba babo 42  
o dio la wea; oten nde mbembe na da la  
masonga ba mendeno be. \* Nde denge batem- 43

## Mateo 13.

na-sim ba mende panya ka wei o janea la Saŋgo abu. Nu nu ben matoi o seŋga ese le mo a seŋge.

44 Janea la mony je pete biana mawuta ma bema, mena ma ta ma wutame o mōnda, mena moto a soino, na mo a wuta mo; nde onyola munyeŋge na mo'ala 'andise mese a benno, 'anda mu mōnda.

45 Janea la mony je pete biana mot' a-nyuŋga nu ta nu pulise seŋg' á-mbomo ya bwam.

46 \*Nde a soino seŋg' a-mbomo po nya mususedi mundene, na mo 'ala 'andise mese a benno, na mo 'anda mo.

47 Janea la mony je pete biana epese, yena 48 e pimbabe o munja, y'ende le nyai yese. \*Niponda e londino, na babo b'omba mo o sauwa, baja wase, ba kotele ya bwam o bewa, ba

49 pimba ya bobbe. \*Nikamene pe nde e mendeneno be o su la wase; angel imende busa, i mende pandise babobe etum na batem-na-sim,

50 \*nde i mende pimba babo o dio la wea; oten nde mbembe na da la masonga ba mendeno 51 be. \*Na Yesu a kwalane babo na: Lo soŋtan man mese e? Na babo b'alabe na:

52 E. \*Na mo a kwalane babo na: Onyola nika mubied' a-kalat' a-Loba te, nu leabe onyola janea la mony, e nde biana saŋgo a mboa, nu ma-busise o mawuta mao ma bema mambo ma penya na m'edun.

(53—58: Marko 8, 1—8. Luk. 4, 15—30.)

53 Nde e ta na, niponda Yesu a boleno mi 54 minia, na mo'asumwe o ua wuma, \*na mo

## Mateo 13. 14.

a po o mundi mao (Nasaret), a lee babo o  
ndabo abu nya ndongamen, ka nyena ba  
nyaka bwambi, ba kwala na: O ueni a wanno  
din dibie na ben bebolo ba nginya e? \* Seto 55  
mun'a mot'a-uedi nu e? Seto nyaŋgo nde a  
ma-belabe na Maria, bona-saŋgo ba bome pe  
Yakobo na Yoses na Simon na Yuda e?  
\* Bona-saŋgo ba bito bese pe ba titi na biso 56  
e? O ueni so a wanno man mese e? \* Na 57  
babo ba sonjo onyol'ao. Nde Yesu a kwalan  
babo na: Mutoper'a-mudi a si boi n'edube,  
ke o mundi mao momene nde na o ndabo ao.  
\* Nde a si boli gita la bebolo ba nginya oten, 58  
ebanja ba si ta ba dube.

(14, 1—12: Marko 6, 14. 17—30. Luk. 9, 7—9; 3, 19. 20.)

O ni ponda mene Herode tetrarki a ta a 14  
seŋga mumban ma Yesu, \* na mo a kwalan 2  
bautu bao na: Yohane mudubisedi nu, a pumbo  
o kwedi, onyola nika nde bebolo ba nginya  
be ma-bolaneno na mo. \* Ebanja Herode ata 3  
a putea Yohane, a kaka mo, a wele mo o be-  
boa onyola Horodia, munj'a muna-saŋgo Fi-  
lipo. \* Ebanja Yohane ata a kwalan mo na: 4  
Es'aŋgamen ná o bā mo. \* Nde a ta a pula 5  
bwa mo, na mo a bwa dimuti bonjo, ebanja  
ba ta ba laŋga mo ka mutoper'a-mudi. \* Nde 6  
niponda bunya ba yabe la Herode bo pino,  
muna-ŋgonderi nya Herodia a ta a sá ŋgomo  
oteten abu, nde e ta e bwese Herode mu-  
nyenge, \* onyola nika a ta a kanea mo sonjo 7  
ná a mende bola mo to-nje a mendeno pula.  
\* Nde a ta a leabe na nyaŋgo, na mo a kwala 8

## Mateo 14.

na: Bola mba mulopo ma Yohane mudubisedi  
 9 o poke uan. \* Nde kine e ta e bwa ndedi,  
 nde onyola songo ao na onyola ba ba ta ba ja na  
 mo o tebedi, a bola doi ná mu bolabe mo.  
 10 \* Na mo a loma ná ba ke Yohane mulopo o  
 11 ndabo a beboa. \* Na mulopo mao mu wanabe  
 o poke, mu bolabe ni ngonderi, na mo 'alane  
 12 mo nyango. \* Na bokweli bao ba po, ba nongo  
 mbimba ba pule mo, na babo b'ala ba lang-  
 wea Yesu.

(18—21: Marko 6, 31—44. Luk. 9, 10—17. Yoh. 6, 1—13.)

13 Niponda Yesu a sengino nika, na mo a  
 wengemeye na ua wuma na bolo, 'ala wum'a  
 eyan musoloki. Nde mamuti ma sengino nika,  
 na babo ba busa o mindi, ba bupe mo la  
 14 nge'a mundi. \* Nde a busino, na mo 'ene di-  
 muti dindene, a bwea babo ndedi, a bolise  
 15 ba ba ta ba boa oteten abu. \* Ebiamu e poino,  
 bokweli bao ba po na mo, ba kwala na: Uan  
 wuma ye nde eyan, ponda pe e má-tomba,  
 esele mamuti m'ale o mindi o jandea babo  
 16 mo mene mada. \* Na Yesu a kwalane babo  
 na: Ba s'angamen wala, binyo bola babo da.  
 17 \* Na babo ba kwalane mo na: Di si ben to-  
 lambo o uan, ke bewolo betanu na sue iba.  
 18 \* Na mo a kwala na: Wanea mba mo o uon.  
 19 \* Na mo a bola doi ná mamuti ma ja 'wase o  
 bewudu, a nongo be bewolo betanu na yi sue  
 iba, 'ombwa o mony, a namse, a bua mo, a  
 bola be bewolo bokweli, na bokweli pe ba  
 20 tombise mo na mamuti. \* Nde babo bese ba  
 ta ba da, b'ula, na babo ba nenge bepasi

## Mateo 14.

be dia dom la besanja na beba. \*Nde ba ba 21  
dedi ba ta to lokoli la bato lotanu, bito na  
bana ba si laŋgabe.

(22—36: Marko 6, 45—56. Yoh. 6, 15—21.)

Na dibokimene a nyakisane bokweli bao, 22  
ná ba peye o bolo, ba sele wala oboso o  
mune muri, natē 'esele mamuti m'ala. \*Nde 23  
niponda 'eseleno mamuti ná 'm'ale, na mo  
'ondea omony a mudongo musoloki o kane.  
Nde ebiamu e pino, a ta nde oten momene  
mowó. \*Nde bolo bo ta bo á oteten a munja, 24  
bo kusa ndutu bwambi na bemune, ebanja  
ngo e ta e wa babo oboso. \*Nde o pond'a 25  
betatedi ba bulu be londe benei a ta a po  
na babo, a daŋgwa o munja. \*Nde bokweli 26  
b'engo mo a ma-daŋgwa o munja, ba many-  
meyer bwambi, ba kwala na: edimo ye; ba  
kumwa te misea onyola boŋgo. \*Na diboki- 27  
mene Yesu a kumwa kwalisane babo, m'ona:  
Embe milema, ye nde mba, lo si bwa boŋgo!  
\*Na Petro a timbisele mo na: A Saŋgo, yetena 28  
oa nu, esele so mba na ye na oa omony a  
madiba. \*Na mo a kwala na: Ya! Na Petro 29  
a siba, a daŋgwa omony a madiba, a po na  
Yesu. \*Nde niponda 'engo ngo nindene, na 30  
mo a bwa boŋgo, a kumwa lo, a te musea na: •  
A Saŋgo, suŋga mba! \*Na dibokimene Yesu 31  
a sambise dia, a kwe mo, a kwalane mo na:  
A oa jemea disadi, nje o diŋgino penda e?  
\*Nde ba pedino o bolo, na ngo e wo. \*Na 32  
ba ba ta o bolo ba nuŋgame oboso bao, ba  
kwala na: Oa oe Mun'a Loba nambale.

## Mateo 14. 15.

34 Nde b'ekamenno na babo ba po o ekombo a  
 35 Genesaret. \* Nde bato ba ua wuma b'embino  
 mo, na babo baloma o wuma na wuma ya  
 36 y'epasi, ba wanea mo bese ba ta ba boa, \* ba  
 sosomea mo, ná esele babo ba tape dinjaki la  
 mbot' ao; nde bese bena ba tapi mo, ba ta ba bole.

(15, 1—20: Marko 7, 1—23.)

15 O ni ponda mene babiedi-ba-kalat' a-Loba  
 na Farisai ba ta ba wa o Yerusalem, ba po na  
 2 Yesu, ba kwala na: \* Onyolanje bokweli  
 bongo ba ma-buleleno mieka ma baturu e?  
 Ebanja ba si m'oa maa mabu, ke ba ma-da  
 3 bewolo. \* Na mo a timbisele babo na: O-  
 nyolanje binyo lo ma-buleleno mbend' a Loba  
 4 onyola mieka manyu e? \* Ebanja Loba a  
 kwali na: „Dube songo na nyoŋo“; ná ná:  
 „To-nja nu ma-topone saŋo to nyaŋo dibena,  
 5 'aŋgamen wo.“ \* Nde binyo lo ma-kwala na:  
 To-nja nu ma-kwalane saŋo to nyaŋo na:  
 Din di bolabe o jabea la Loba, lena o wusano  
 kusa joŋgwane na mba, mo a s'aŋgamen pe  
 6 dube saŋo na nyaŋo. \* Nika nde lo bule-  
 leno mbend' a Loba onyola mieka manyu.  
 7 \* A binyo bato ba mawondon, Yesaia a topi  
 bedinge bwam onyol' anyu, a kwalino na:  
 8 \* „Ban bato ba ma-dube nde mba na bepopo  
 babu, nde milema mabu mie etum na mba.  
 9 \* Tete nde ba m'oweno mba na lee labu la  
 mieka ma bato.“  
 10 Na mo a bele dimuti, a kwalane babo na:  
 11 Binyo seŋga, nde lo sontane. \* Seto di di  
 m'ingeye o mudumbu nde di ma-wele moto

## Mateo 15.

mbindo; nde di di ma-buse o mudumbu nde di ma-wele moto mbindo. \*Ombusa nika 12 na bokweli bao ba po na mo, ba kwalane mo na: O bi ná Farisai ba lingi, ná ba seŋgingo y'eyala e? \*Na mo a timbisele na: Bwele na 13 bwele boena Tete nya mony a si deno, bo mende dubwabe. \*Esele babo, be nde badieri ba 14 ndima ba ma-daŋgwane bandima. Nde yetena mot' a-ndima ama-daŋgwane te nya ndima, babo babane ba mende ko o ekukuru. \*Na Petro 15 'alabe, a kwalane mo na: Teleye biso mun munia. \*Na mo 'alabe na: Binyo pe lo si 16 sontan te e? \*Lo si sontan ná mese ma m' 17 ingeye o mudumbu ma m'ala nde o dibum, na mo mapimbabe o du e? \*Nde ma ma ma- 18 buse o mudumbu mama-wa nde o mulema, mo nde mama-wele moto mbindo. \*Ebanja 19 o mulema nde mongele ma bobbe mama-wano n'ebwan na musonje na mambo ma titi konji na jiba na mboŋ a lobaŋgo na dibena. \*Ma 20 nde me mambo mama-wele moto mbindo; nde o dane maa ma s'oabe, nika e si ma-wele moto mbindo.

(21—28: Marko 7, 24—30.)

Nde Yesu 'asumwe o ua wuma, a wen gemeye 21 o epas'a Tyro na Sidon. \*Nde ombwa, mut'a 22 Kanaan nu wu o y'epasi, a bele mo na: Bwea mba ndedi, a Saŋgo, mun'a Dawid; mun'am nya muto a ma-takisabe na mudī ma bobbe bwambi. \*Nde a si timbisele mo to-eyala. 23 Na bokweli bao ba po na mo, ba sosomea mo na, bola mo 'ale, ebanja a m'eyea biso la



## Mateo 15.

- 24 mbusa. \* Na mo 'alabe, a kwala na: Na si lomabe, ke o midongi mi pimbedi ma ndabo  
25 a Israel. \* Nde na mo apoino, anungame oboso bao, a kwala na: A Saŋgo, ongwane  
26 mba! \* Na mo 'alabe, a kwala na: E si doli o nongo bewolo ba bana o pimbea mo mbo.  
27 \* Na mo a kwala na: E, a Saŋgo, nde mbo i ma-da te mburu ma bewolo mi ma-ko o tebed'  
28 a basaŋgo. \* Na Yesu 'alabe, a kwalane mo na: A muto, jemea longo di kolo! e bolabe oa kana o pulino. Na mun'ao a bole o ni ponda mene.
- 29 Nde Yesu a ta 'asumwe o ua wuma, na mo apo bebe na munja ma Galilea, 'abwa  
30 omony a mudoŋgo, aja wase. \* Na mamuti mandene ma po na mo, ba wana bamboko na bandima na bambuke na babeboki na gita la bapepe, ba pimba mo o miende mao.  
31 Na mo a bolise babo, \* ka nyena mamuti ma ta ma nyaka, kana b'engo bambuke ba kumo topo, babeboki ba bole, bamboko ba daŋgwa, bandima pe b'ene; na babo ba sesa Loba la Israel.

(32—39: Marko 8, 1—10.)

- 32 Na Yesu a bele bokweli bao, a kwala na: Nā-bwea dimuti ndedi, ebanja ba má-ja na mba minya milalo, nde ba si ben lambo la da, nde na si tondi jesele babo na njai, ba si ya  
33 be ba ko siŋga o ŋgea. \* Na bokweli bao ba kwalane mo na: O ueni di ma-kusano bewolo o eyaŋ uan, be doŋgamen julise ninka  
34 dimuti e? \* Na Yesu a kwalane babo na:

## Mateo 15. 16.

Lo ben bewolo beninga e? Na babo ba  
kwala na: Samba, na ngus' a sue. \* Na mo 35  
'anea dimuti o ja wase, \* a noŋgo be bewolo 36  
samba na yi sue, a bola masoma, a bua mo,  
a bola mo bokweli bao; na bokweli pe ba  
tombise mo na mamuti. \* Nde bese ba ta ba 37  
da, b'ula, na babo ba neŋge bepasi be dia  
besanja samba. \* Nde ba ba dedi ba ta to 38  
lokoli la bato lonei, bito na bana ba silan-  
gabe. \* Na mo 'esele dimuti, a peye o bolo 39  
'ala o epas' a Magdala.

(16, 1—12: Marko 8, 11—21.)

Nde Farisai na Sadukai ba ta ba po o keka 16  
mo, ba pula na a leele babo eyemban e ma-we  
o mony. \* Na mo a timbisele babo na: Ebi- 2  
amu e poi te lo ma-kwala na: Bunya bo mende  
be bwam, ebanja dibobe di m'ola; \* o idiba 3  
pe: Bunya bo mende be bobe, ebanja dibobe  
di m'ola, di lupame pe. A binyo bamawondon,  
lo ma-wele soŋtane beombwedi ba dibobe, nde  
lo si wele soŋtane beyemban ba ponda e?  
\* Nyoniŋon a bobe na musonje e ma-pula eye- 4  
mban, nde eyemban e sima-bolabe mo, ke  
eyemban a mutoper' a mudi Yona. Na mo adia  
babo 'ala. \* Niponda bokweli bao b'along o 5  
mune muri, ba ta ba baŋgisane noŋgo bewolo.  
\* Na Yesu a kwalane babo na: Lo bia pon, 6  
l'aŋgamene pe onyola esasaŋge ya Farisai na  
Sadukai. \* Nde ba ta ba dutea na babo mo- 7  
mene na: Nika nye nde onyolana di si daŋgwan  
bewolo. \* Nde Yesu a soino nika, a kwala 8  
na: A binyo bajemea-disadi, nje lo ma-duteano

## Mateo 16.

na binyo momene na, onyolana lo si dangwan  
9 bewolo e? \*Lo si sontan te e? Lo si m' ongele  
be bewolo betanu onyola lokoli la bato lotanu,  
10 na besanja beninga lo nengen e? \*To be  
bewolo samba onyola lokoli la bato lonei, na  
11 besanja beninga lo nengen e? \*Neni lo si  
sontanno, na seto onyola bewolo nde na kwa-  
lanno binyo na: L' angamene onyola esasange  
12 ya Farisai na Sadukai e? \*Nde ba timbi  
sontane, na seto onyol' esasange y' ewolo nde  
a kwalino na bangamene, nde onyola beleedi  
ba Farisai na Sadukai.

(13—20: Marko 8, 27—30. Luk. 9, 18—21.)

13 Nde niponda Yesu a poino o epas' a Kai-  
sarea Filipi, na mo 'uele bokweli bao na: Bato  
14 ba ma-kwala na Muna-moto e nde nja e? \*Na  
babo ba kwala na: Doŋgo: Yohane mudu-  
bisedi; bapepe: Elia; bane pe na: Yerimia, to  
15 mowó nya batoperi-ba-mudi. \*Na mo akwa-  
lane babo na: Nde binyo pe lo ma-kwala na  
16 ne nde nja e? \*Na Simon Petro 'alabe, a  
kwala na: Oa oe nde Kristo, Mun' a Loba la  
17 longe. \*Na Yesu 'alabe, a kwalane mo na:  
Bonam na oa, a Simon mun' a Yona, ebanja  
seto eyobo na maya nde ba biise oa ninka,  
18 nde Tete nye o mony. \*Nde na-langwea pe  
oa: Oe nde Petro, onyola din dale nde na  
mendeno longa muemba mam, nde momba ma  
19 mundi-ma-kwedi ma si mende buka mo. \*Na  
mende bola oa lodubwan la janea la  
mony, to-nje o ma-tingen o wase, e

## Mateo 16.

mende pe tingabe o mony; to-nje pe o ma-wunjano o wase, e mende pe wunjabe o mony. \*Na mo'anea bokweli bao, ná 20 ba si biise to-moto, ná mo e nde Kristo.

(21—28: Marko 8, 31—9, 1. Luk. 9, 22—27.)

0 ni ponda mene nde Yesu a botino lee 21 bokweli bao, ná 'angamen wala o Yerusalem o kusa gita la ndenge na baturu na prisi indene na babiedi-ba-kalat' a-Loba, na o bwabe na o pumbwabele pe o bunya bo londe milalo.

\*Na Petro a nongo mo na momene o muri 22 mowó, a kumwa domea mo, a kwala na: Loba a s'esele nik'ebe, a Saŋgo; nika esipoye oa tomtom. \*Na mo a yombo, a kwalane Petro na: 23 Timba mba ombusa, a Satan, oe nde lambi na mba, ebanja osi m' ongele mambo ma Loba, nde mambo ma bato.

\*Ombusa nika, na Yesu 24 a kwalane bokweli bao na: To-nja nu ma-pule bupe mba, a tobe momene, a nonge mbas'ao, nde a bupe mba. \*Ebanja to-nja nu ma-pule 25 suŋge lonŋe lao, a ma-pimba mo; nde to-nja pe nu ma-pimbe lonŋe lao onyol'am, a mende dia mo. \*Ebanja njika museñ moto a benno, 26 yetena a kusi wase nyese, nde a bolone mudi mao e? To, nje moto a mendeno bola o kotone mudi mao e? \*Ebanja Muna-moto a 27 mende po o bosaŋgi ba Saŋgo ao na angel ao, nde a mende bola moto na moto kaponda bebolo bao. \*Nambale, nā-laŋgwea binyo, 28 donŋo be oteten a ban ba tem o uan, bena ba si mende jene kwedi, natē b'ene Muna-moto a po o janea lao.

## Mateo 17.

(17, 1—13: Marko 9, 2—13. Luk. 9, 28—36.)

- 17 Ombusa sumutoba na Yesu a noŋgo Petro na Yakobo na muna-nyaŋgo Yohane, 'alane babo omony a mudoŋgo mu asam na babo 2 momene. \*Nde a ta a tukwabe oboso babu, boso bao bo ta bo panya ka wei, mbot'ao pe 3 e timba saŋga ka muaye. \*Nde ombwa, Mose na Elia bata ba busea babo, bata ba kwalisane 4 mo. \*Na Petro 'alabe, a kwalane Yesu na: A Saŋgo, e dolon biso o ja uan; yetena o tondi esele biso di loŋge minoko milalo, oa 5 mowó, Mose pe mowó, Elia pe mowó. \*Ke a dia a ma-kwala, ombwa, na diwindiwindi la muenen di kurumane babo, nde ombwa, doi di ta di wa o diwindiwindi, di kwala na: Nun nde e Mun'am nya ndolo na doli- 6 sanno, binyo seŋgane mo! \*Niponda bokweli ba seŋgino nika, ba ko wase na mioso 7 mabu, ba bwa boŋgo bwambi. \*Na Yesu a sisea bebe, a tapa babo, a kwala na: Binyo 8 teme, losi bwa boŋgo. \*Nde ba sumono miso mabu omony, ba s'en to-moto ke Yesu momene 9 mowó. \*Nde niponda ba sibino o mudoŋgo, Yesu a ta 'anea babo, ná ba si laŋgwea to-moto onyola di jene natena Muna-moto á 10 pumbwa o kwedi. \*Nde bokweli bao ba ta b'uele mo na: Nje babiedi-ba-kalat'a-Loba ba ma-kwalano ná Elia 'aŋgamen sele po e? 11 \*Na mo a timbisele babo na: Elia nde a ma- 12 sele po o timbisele mambo mese. \*Nde ná-laŋgwea binyo: Elia ata apo, nde basita ba bia mo, ba bolan nde mo nje ba tondino.

## Mateo 17.

Nikamene pe nde Muna-moto a mendeno taki-sabe na babo. \* Nde na bokweli ba sontanno, 18 ná a ta nde a kwalane babo onyola Yohane mudubisedi.

(14—21: Marko 9, 14—29. Luk. 9, 37—42.)

Nde niponda ba pino na dimuti, moto 14 mowó ata apo na mo, a numa mabongo wase oboso bao, \* a kwala na: A Saŋgo, bwea 15 mun' am ndedi, ebanja a ma-boa mudongi, a ma-taka bwambi; ebanja gita la ngedi a ma-ko o wea, gita la ngedi pe o madiba; \*nde 16 na ta na wana mo na bokweli bongo, nde ba si weli bolise mo. \* Na Yesu 'alabe, a kwala 17 na: A nyonon ni si ben jemea na bolabolane, na je na binyo natena njika ponda e? Na welisane pe binyo natena njika ponda e? Binyo wanea mba mo o uon! \* Na Yesu 18 a domea mo, na mudí ma bobé mu busa na mo, na nu muna a bole o ni ponda mene. \* Na bokweli b'ala na Yesu o esoka, ba kwala 19 na: Onyolanje biso di si tano di wele busise mo e? \* Na Yesu a kwalane babo na: Onyo- 20 lana lo si ben jemea. Nambale, nā-laŋgwea binyo, lo ben te jemea ka mbolako a ewole, ke lo mende kwalane mun mudongo na: Asumwe o uan, sisea o uone, na mo mu sisea, nde to-lambo di si mende be lena di sima-wele bolane na binyo. \* Nde ninka nyai e si ma- 21 busa, ke na muka na kandane la da.

(22. 23: Marko 9, 30—32. Luk. 9, 43—45.)

Niponda batano bayombo oteten a Galilea, 22 na Yesu a kwalane babo na: Muna-moto a

- 23 mende bakabe o maa ma bato, \* nde ba mende  
bwa mo, nde o bunya bo londe milalo a mende  
pumbwabelê. Nde bata ba bwa ndutu bwambi.
- 24 Nde niponda ba pino o Kapernaum, ba-  
kotele-njangi bata ba po na Petro, ba kwalane  
mo na: Muleed' anyu a si ma-saŋga njangi e?
- 25 \* Na mo a kwala na: E (a ma-saŋga). Nde  
'iŋgedino o ndabo, na Yesu a sele kwalane  
mo na: A Simon, o m'onge ne, ba-nja kin'  
a wase i ma-noŋgoneno kome na njangi e?
- 26 bana babu ŋa ben e? \* Na mo a kwala na:  
Ben. Na Yesu a kwalane mo na: Onyola nika
- 27 bana be wonja. \* Nde onyolana di si ya be  
di liŋgise babo, ala o munja o pimbe jobi,  
noŋgo sue o ma-selene bwa, o tele te mu-  
dumbu mao, o mende dia stata po; noŋgo mo,  
o bole babo onyola biso na oa.

(18, 1—9: Marko 9, 33—47. Luk. 9, 46—48.)

- 18 0 ni ponda mene bokweli bata ba po na  
Yesu, ba kwala na: Nja e nundene buka bese  
2 o janea la mony e? \* Na Yesu a bele muna  
3 nusadi, a tese mo oteten abu, \* a kwala na:  
Nambale, nā-laŋgwea binyo, lo si tuko te, lo  
timba ka bana basadi, ke lo si mende jingea  
4 o janea la mony. \* To-nja so nu sibise mo-  
mene ka nun muna, mo nde e nundene buka  
5 bese o janea la mony. \* To-nja pe nu ma-  
noŋge ninka muna o dina lam, a ma-noŋgo  
6 nde mba. \* Nde to-nja nu ma-lambe mowô  
nya ban basadi bena ba dube na mba, e wu-  
sabe bwam na mo, ke dale la nsaŋ di tiŋgabe  
o nyiŋgo ao, nde a loisabe o munja ma njiba.

## Mateo 18.

\*Eboma na wase onyola malambi, malambi 7  
m'angamen po, nde eboma na nu moto nyena  
onyol' ao nde lambi di ma-wano. \*Nde 8  
yetena dia longo to muende mongo mu lambi  
te oa, ke mo o pimbe mo o uone; e doli na  
oa o jingea o longe eboki to mboko, buka o  
pimbabe na maa maba to miende miba o wea-  
bwindea. \*Diso longo pe di lambi te oa, 9  
songwa mo, o pimbe mo o uone; e doli na  
oa o jingea na diso diwo o longe, buka o  
pimbabe na miso maba o wuma-wea.

(12—14: Luk. 15, 4—7.)

Lo bia pon, ná lo si yaña mowó nya ban 10  
bana basadi, ebanja nā-langwea binyo, angel  
abu o mony i m'ene boso ba Tete nye o mony  
ponda yese. \*Ebanja Muna-moto a poi nde 11  
o jongise di di pimbedi. \*Nje binyo lo 12  
m'ongeleno e? Yetena moto a ben ebwea  
midongi, nde mowó mu pimbea, a si ma-dia  
mudibua na dibua o midongo, nde 'ala pulise  
mu mu pimbedi e? \*Nde adi te mo, nambale, 13  
nā-langwea binyo, ama-bwa munyenge onyol'  
ao buka mu mudibua na dibua muena mu si  
ta mu pimbea, \*Nikamene nde e titi jemea 14  
la Tete nye o mony, ná mowó nya ban basadi  
a pimbe ye.

Nde yetena muna-songo a boli bobbe wusane 15  
oa, ala o teleye mo diwuse lao binyo na mo  
babamene; a seŋgan te oa, ke o sungi nde  
muna-songo, \*nde yetena asi seŋgan oa, nongo 16  
pe nupepe mowo to baba, ná lambo te di  
tesebe o mudumbu ma mbon iba to ilalo. \*Nde 17



## Mateo 18.

- a si seŋgan te babo, o laŋgwea muemba; nde  
a si seŋgan te muemba, eseŋe mo a be na oa  
18 ka nusibi to mukotedi. \* Nambale, nā-  
laŋgwea binyo, to-nje lo mendeno tinge o  
wase, e mende pe tingabe o mony; to-nje pe  
lo mendeno wunja o wase, e mende pe wunjabe  
19 o mony. \* Na ma-laŋgwea pete binyo,  
yetena baba oteten anyu ba lati te muano o  
wase onyola to-njika lambo o kane onyol'ao,  
ke dimende bolabe babo na Tete nye o mony.  
20 \* Ebanja o wuma baba to balalo ba ma-ko-  
toneno o dina lam, mba pe na m'ukea na babo.  
21 Na Petro a po na mo, a kwala na: A Saŋgo,  
muna-saŋgo am a ma-bolane te mba bobe n'  
aŋgamen lakise mo nged' ininga e? Ngedi  
22 samba e? \* Na Yesu a kwalane mo na: Na  
si ma-kwalane oa na, ngedi samba, nde mu-  
23 samba ngedi samba. \* Onyola nika janea la  
mony je nde biana kiŋe po, ni ta ni pula  
24 noŋgo bolaŋgi na bautu bao. \* Nde niponda  
a botedino noŋgo bolaŋgi, ba ta ba wanea mo  
mowó nu ta ny'alea mo dom la lokoli la talent.  
25 \* Nde kana a si tano a bene to-lambo o saua,  
na saŋgo 'anea ná b'andise mo na munj'ao  
na bana bao na mese a benno, nde musauedi  
26 mu bolabe. \* Nde nu muutu akwedi wase, a  
sosomea mo, a kwala na: Ate, engele pete  
27 mba, nde na mende sauea oa yese. \* Nde  
saŋgo a ta a bwea nu muutu ndedi, na mo  
28 eseŋe mo, a lakise pe mo y'ewu. \* Nde nu  
muutu a busino, na mo a doŋgamene muenj'  
ao mowó, nu ta pe muut'a nu saŋgo, nu ta

## Mateo 18. 19.

ny'alea mo ebwea denario, na mo a kwe mo,  
a wele mo itàbá, a kwala na: Sauea mba nje  
na m'ueleno oa. \*Nde muenj'ao a kwedi 29  
wase oboso bao, a sosomea mo na: Engele  
pete mba, na mende sauea oa yese. \*Nde a 30  
s'emedi; 'alo nde, a wele mo o beboa natē  
a saua y'ewu. \*Nde niponda muemba mao, 31  
bena ba ta pe bautu ba nu saŋgo, b'enzo nje  
e bolan, ba bwa ndutu bwambi, ba po ba laŋ-  
gwea saŋgo abu mambo mese ma bolan. \*Na 32  
saŋgo a bele mo, a kwalane mo na: A oa  
muut' a bobe, na lakise oa y'ewu yese onyo-  
lana o sosomedi mba; \*oa pe o si ta o aŋga- 33  
mene bwea muenj' aŋgo ndedi, ka mba na  
bwedino oa e? \*Na saŋgo a liŋga, a bake 34  
mo na bakwese-bato-beboa, natē a sauea mo  
ewu ao yese. \*Nikamene nde Tete nye o 35  
mony pe amendeno bola binyo, yetena binyo,  
moto na moto a si ma-lakise te diwuse la  
muna-saŋgo na mulema.

(19, 1—9: Marko 10, 1—12.)

Nde eta na, niponda Yesu a boleno kwala 19  
ben beyala, na mo 'asumwe o Galilea, 'ala  
o epas' a Yudea, o mune muri ma Yordan.  
\*Na dimuti dindene di bupe mo, na mo a 2  
bolise babo oten. \*Nde Farisai ba ta ba po 3  
na mo o keka mo, ba kwala na: Ye wonja  
na moto o jesele munj' ao onyola njom te e?  
\*Na mo a timbisele babo na: Lo si laŋgi ná 4  
muwekedi a weki babo natena beboteri mome  
na muto e, \*nde a kwala pe na: „Onyola 5  
nika moto a mende dia saŋgo na nyaŋgo, nde

## Mateo 19.

a tĩngame na munj'ao, nde babo babane ba  
6 mende nde be eyobo ewo e"? \*Nika so nde  
ba si ma-be pe baba, nde eyobo ewo. Na nde  
7 di lena Loba a latino moto as'aba mo. \*Na  
babo bakwalane mo na: Nje so Mose 'anedino  
o bola mo kalat'a-jabane-la-diba o jesele mo  
8 e? \*Na mo a kwalane babo na: Onyola mi-  
lema manyuma bwambi nde Mose 'eseleno  
binyo ná l'esele bito banyu, nde e si ta nika  
9 o beboteri. \*Nde nā-langwea binyo: To-nja  
nu m'esele munj'ao, e si be onyola musonje,  
nde a bā nupepe, ke a wite nde musonje; to-  
nja pe nu ma-bā nu ny'esabele, a wite nde  
10 musonje. \*Na bokweli bao ba kwalane mo  
na: Yetena k'a mome na munj'ao nye te nika,  
11 ke e si doli o bā. \*Na mo a kwalane babo  
na: Seto bese nde bena ba sontane yen eyala,  
12 ke ba bena e bolabeno. \*Ebanja dongo la  
ndòkó be, bena ba yabe nika o dibum la  
banyaŋgo, dongo la ndòkó pe be, bena ba  
timbisabe nika na bato, dongo la ndòkó pe  
be, bena ba timbise babo momene nika onyola  
janea la mony. To-nja nu weli sontane nika,  
esele mo a sontane.

(13—15: Marko 10, 13—16. Luk. 18, 15—17.)

13 **O** ni ponda mene ba ta ba wanea mo bana  
basadi, ná a nenge maa mao omony abu a  
14 kanē. Nde bokweli ba ta ba domea babo. \*Na  
Yesu a kwala na: Esele bana basadi, lo si  
baŋgane babo oya na mba, ebanja nik'abu  
15 nde ye janea la mony. \*Na mo a nenge maa  
o mony abu, 'asumwe o ua wuma 'ala.

## Mateo 19.

(16—30: Marko 10, 17—31: Luk. 18, 18—30.)

Nde ombwa, moto mowó a ta a po na mo, 16  
a kwalane mo na: A muleed'a bwam, njika  
bwam n'angamenno bola, nde na kusa longe  
la bwindea e? \*Na mo a kwalane mo na: 17  
Nje o ma-beleno mba bwam e? To-mowó a  
titi bwam, ke mowómene Loba; nde o tondi te  
jinge a o longe, nenge mbenda. \*Na mo a 18  
kwalane mo na: Njika mo e? Na Yesu a  
kwala na: Yin na: „O si bwa, o si wite mu-  
sonje, o s'iba, o si teme mbon a lobaŋgo,  
\*dube soŋgo na nyonŋo,“ na na: „Tondo 19  
muna-nyonŋo ka oamene.“ \*Na mu mpesa 20  
mu kwalane mo na: Na nenge man mese na-  
tena muut'am; nje pe e dia mba e? \*Na 21  
Yesu a kwalane mo na: O ma-pula te be na  
kenenge, ala o andise mese o benno, o bole  
mo batuedi, nde o mende bene diwuta o mony;  
nde o ye o bupe mba. \*Niponda mu mpesa 22  
mu seŋgino y'eyala, na mo 'ala na ndutu; e-  
banja a ta a bene bema gita. \*Na Yesu a 23  
kwalane bokweli bao na: Nambale, nā-laŋ-  
gwea binyo, ye bwambi na mbwaŋ o jinge a  
o janea la mony. \*Nā-laŋgwea pete binyo 24  
na: E bobi na kamel o jinge a o dipondi la  
ndondoki buka mbwaŋ o jinge a o janea la  
Loba. \*Niponda bokweli ba seŋgino nika, ba 25  
ta ba nyaka bwambi, ba kwala na: Nja so  
ena 'onŋisabe e? \*Na Yesu 'ombwa babo, a 26  
kwalane babo na! Di titi ná di wele bolane  
na bato, nde mambo mese mena ma wele bo-  
lane na Loba. \*Nde Petro ata 'alabe a 27

## Mateo 19. 20.

- kwalane mo na: Ombwa biso di di mambo  
28 mese di bupe oa; nje so di ma-kusano e? \*Na  
Yesu a kwalane babo na: Nambale, nā-laŋ-  
gwea binyo, binyo ba bena lo ma-bupe mba,  
niponda Muna-moto a mendeno ja o bejedi  
bao ba bosangi o was'a penya, binyo pe lo  
mende ja o dom la bejedi na beba o kaise  
29 dom la matumba na maba ma Israel. \*To-  
nja pe nu di mandabo to bona-saŋgo ba bome  
to ba bito, to saŋgo to nyaŋgo, to muto to  
bana, to mionda onyola dina lam, a mende  
kusa mo ebwea ŋgedi, nde a mende pe saŋgwa  
30 lonŋe la bwindea. \*Nde gita la baboso ba  
mende be basukan, basukan pe baboso.
- 20 Ebanja janea la mony je nde biana saŋgo  
a mboa nu ta nu busa o mbat'a idiba o kaka  
2 baboledi o mōnda mao ma lonyeŋeny. \*Ni-  
ponda a boleno na baboledi denario po onyola  
bunya, na mo a loma babo o mōnda mao ma  
3 lonyeŋeny. \*A busino pe o ŋeŋ ilalo na  
4 mo 'ene bapepe ba tem o don tete, \*na mo  
a kwalane babo na: Binyo pe ala o mōnda  
ma lonyeŋeny, na mende bola binyo nje e  
5 aŋgamen. \*Na babo b'ala. Nde a busi pete  
o ŋeŋ mutoba na o ŋeŋ dibua, a bola nika-  
6 mene. \*Nde a busino o dom la ŋeŋ na po,  
a bomane bapepe bata bateme, na mo a kwa-  
lane babo na: Nje lo temno o uan tete bunya  
7 boese e? \*Na babo bakwalane mo na. Onyo-  
lana to-moto a si kaki biso. Mo na babo na:  
Binyo pe ala o mōnda ma lonyeŋeny, lo  
8 mende kusa nje e aŋgamen. \*Nde ebiamu

## Mateo 20.

e poino, na saŋgo a mōnda ma lonyen̄geny  
a kwalane suel'ao na: Bele baboledi, o bole  
babō musauedi mabu, o boteye basukan natena  
baboso. \*Nde badom la n̄gen̄ na po bata 9  
ba po, ba kusa moto te denario po. \*Nde 10  
niponda baboso ba poino, bata b'ōngele ná ba  
mende kusa buka nika, nde babō pe ba kusi  
nde moto te denario po. \*Nde bakusino nika, 11  
na babō ba kumwa topone saŋgo a mboa mi-  
nyunyungu, \*ba kwala na: Ban bena ba sukan 12  
ba boli nde ebolo n̄gen̄ po, nde o timbise nde  
babō ka po na biso, bena di bambam na ndutu  
n'eyididi bunya boese e? \*Na mo'alabe mowó 13  
nyabu, a kwala na: A dikom lam, nasi boli oa  
bobe, biso na oa disibole nde onyola denario  
po e? \*Non̄go nde ye yon̄go mene o ale. 14  
Na tondi nde bola nu nu sukan kana oa; \*to 15  
es'aŋgamen mba o bolane bema bam kana  
na tondino e? To o ben diso l'ekon onyolana  
ne bwam e? \*Nikamene nde basukan ba 16  
mendeno be baboso, baboso pe basukan;  
ebanja gita di belabe, nde ngusu nde i po-  
sobe.

(17—19: Marko 10, 82—84. Luk. 18, 31—33.)

Nde niponda Yesu a tano'ondea o Yeru- 17  
salem, a ta a non̄go dom la bokweli na baba  
o esoka o n̄gea, a kwalane babō na: \*Ombwa, 18  
di m'ondea o Yerusalem, nde Muna-moto a  
mende bakabe na prisi indene na babiedi-ba-  
kalat'a-Loba, nde ba mende kwese mo muka  
o bwabe, \*ba mende bake mo na basibi o 19  
yoye mo na o dipa mo lonyanyo na o bomele

## Mateo 20.

mo o mbasa, nde o bunya bo londe milalo a mende pumbwabele.

(20—28: Marko 10, 35—45.)

- 20 Na nyan̄go a bana ba Sebedeo apo na bana  
bao, a k<sub>o</sub> wase oboso bao, asosomea mo lambo.
- 21 \*Na mo a kwalane mo na: Oma-pula nje? Na  
mo a kwalane mo na: Kwala ná ban bana bam  
ba bome babane baje mowó o dia lon̄go la mom,
- 22 nune pe la dimose o janea lon̄go. \*Na Yesu  
'alabe a kwala na: Losi bī nje lo ma-pulano.  
Lena lo wele nyo dibonde mba na menden̄o nyo,  
na dubisabe pe dubise lena mba na menden̄o  
dubisabe e? Na babo bakwalane mo na: Di
- 23 ma-wele. \*Na mo a kwalane babo na: Lomende  
nyo dibonde lam na dubisabe pe dubise lena  
mba na menden̄o dubisabe, nde oja o dia lam  
la mom na la dimose etiti lambo lam o bola, le  
nde onyola ba bena di boisaneneb̄eno na Tete.
- 24 \*Nde dine dom basengino nika, bata balingane  
25 ba bona-nyan̄go babane. \*Na Yesu abele babo,  
a kwala na: Lo bī ná bānedi ba matumba ba  
m'anea babo, bandene pe bama-kekise nginy'  
26 abu na babo. \*Nde nika es'aṅgamen be  
oteten anyu; nde to-nja nu ma-pule be nu-  
ndene oteten anyu, 'aṅgamen nde be mu-  
27 boled'anyu; \*to-nja pe nu ma-pule be nya  
boso oteten anyu, 'aṅgamen nde be muut'anyu.
- 28 \*Kana Muna-moto asipoino o boleabe, nde o bo-  
lea, na o bola pe lon̄ge lao dikoti onyola gita.

(29—34: Marko 10, 46—52. Luk. 18, 35—43.)

- 29 Nde niponda ba busino o Yeriko, dimuti  
30 dindene di ta di bupe mo. \*Nde ombwa, bato

## Mateo 20. 21.

bandima baba, bena bata ba ja o ngea, ba  
seŋgino ná Yesu a ma-tomba, na babo ba te  
misea, ba kwala na: A Saŋgo, mun'a Dawid,  
bwea biso ndedi! \*Nde dimuti di ta di domea 31  
babo, ná ba ko na pī. Na babo babeŋga nde  
te misea omony, ba kwala na: A Saŋgo, mun'a  
Dawid, bwea biso ndedi! \*Na Yesu a teme, 32  
abele babo, a kwala na: Nje loma-pulano, ná  
na boleye binyo e? \*Na babo ba kwalanē mo 33  
na: A Saŋgo, ná miso masu matelabe. \*Na 34  
Yesu a bwea babo ndedi, a tapa miso mabu,  
na dibokimene miso mabu ma kusa jene, na  
babo ba bupe mo.

(21, 1—11: Marko 11, 1—10. Luk. 19, 29—38. Yoh. 12, 12—19.)

Nde niponda basisedino bebe na Yerusalem, 21  
ba poino o Betfage o mudoŋgo ma njabi, na  
Yesu a loma bokweli bao baba, \*a kwalanē 2  
babo na: Binyo ala o yi son a mundi ye  
oboso banyu, na dibokimene lomende bomane  
modi ma esel mu tiŋgam na muna pe na mo,  
wunja mo, lo waneye mba mo. \*Nde yetena 3  
moto akwalan binyo lambo, kwala na: Saŋgo  
nde a ma-pule mo, nde a mende jesele binyo  
mo dibokimene. \*Din di bolan ná eyal'a 4  
mutoper'a-mudi elonde, akwalino na: \*„Laŋ- 5  
gwea ngonder'a Sion na: Ombwa kin'a ŋgo  
e ma-ya na oa, mot'a pī, a jai omony a esel  
na mun'a esel, mun'a nyama ni ma-bambe  
miuna.“ \*Nde bokweli ba ta b'ala ba bola 6  
kaponda Yesu 'anedino babo, \*ba wana modi 7  
ma esel na muna, ba latele mbot'abu omony



## Mateo 21.

- 8 ao, na mo a ja oten. \*Nde dongo la dimuti  
dindene pe ba ta ba latele mbot'abu o ngea, ba-  
pepe pe bake mabunje ma miele, ba latele mo  
9 o ngea. \*Nde mamuti mena ma ta m'ala mo  
oboso, na ma ma ta ma bupe mo ombusa, ba  
te misea, ba kwala na: Hosana na mun'a  
Dawid, „bonam na nu nu ma-po o dina  
10 la Saŋgo“! Hosana o mony nyese. \*Nde  
niponda 'ingedingo o Yerusalem, mundi muese  
muta musoa na pukupuku, mukwala na: Nja  
11 nu e? \*Na mamuti ma kwala na: Yesu nu,  
mutoper'a-mudi nya Nasaret o Galilea.

(12—22: Marko 11, 11—24. Luk. 19, 45—48.)

- 12 Na Yesu ingea o tempel a Loba, a paŋga  
bese bena ba ta b'andise na ba ta b'anda o  
tempel, akwese tebedi a bawengisane-moni na  
13 bejedi ba bandise-mbeŋga, \*na mo a kwalane  
babo na: E tilabe na: „Ndabo am e mende bela-  
be na, ndabo a muka,“ nde binyo lo timbise mo  
14 mulomba ma bato ba ndumban. \*Nde bandi-  
ma na bamboko ba ta bapo na mo o tempel,  
15 na mo a bolise babo. \*Nde niponda prisi-  
indene na babiedi-ba-kalat'a-Loba b'ennomam-  
bo ma betanysedi a bolino, na kana bana pe  
ba tano ba te misea o tempel, ba kwala na:  
Hosana na mun'a Dawid, na babo balinga,  
16 \*ba kwalane mo na: O ma-seŋga nje ban ba  
ma-kwalano e? Na Yesu a kwalane babo na:  
E! Lo si laŋgi na: „O boŋsan oamene sesa o  
mudumbu ma bana basadi na mieŋge e“?  
17 \*Na mo 'esele babo, a busa o mundi, 'ala o  
Betania, a naŋga oten bo bulu.

## Mateo 21.

Nde o idiba, niponda a tano a timba o 18  
mundi, na mo a bwa njai. \*Nde 'enno bwele 19  
ba mangolo o ngea, na mo 'ala oten, nde a  
s'en to-lambo oten ke beyadi momene, na mo  
a kwalane mo na: O si mende pe ya bepuma  
tantom naten'o bwindea. Na bwele ba man-  
golo bo anja dibokimene. \*Nde bokweli b' 20  
enno nika, ba nyaka, ba kwala na: Bwele ba  
mangolo bo wamse janja ne e? \*Na Yesu 21  
'alabe, a kwalane babo na: Nambale, na-laŋ-  
gwea binyo, loben te jemea lo sidinge penda,  
ke lo si mende bola din la bwele ba mangolo  
momene, nde lokwalan pete mun mudoŋgo na:  
Asumwe, ko o munja, ke nika e ma-bolane.  
\*Nde mambo mese pe lo m'ueleno o mu- 22  
ka na jemea, lo mende kusa mo.

(23—27: Marko 11, 27—33. Luk. 20, 1—8.)

Nde niponda a poino o tempel, prisi indene 23  
na baturu b'ekombo ba ta ba po na mo, ke a  
ma-lee, ba kwala na: Onyola njika nginya o  
ma-bolano man mambo e, nja a boli oa ninka  
nginya e? \*Na Yesu 'alabe, a kwalane babo 24  
na: Mba pe na tondi juele binyo eyala ewo,  
l'abele te mba mo, ke mba pe na ma-laŋ-  
gwea binyo onyola njika nginya na ma-bo-  
lano man mambo. \*Dubise la Yohane di wu 25  
nde ue e? O mony, nga na bato e? Na babo  
ba dutea na babo momene, ba kwala na: Di  
kwali te na, di wu nde o mony, ke a mende  
kwalane biso na, nje so lo si dubeno mo e?  
\*Di kwali pete na, di wu nde na bato, di ma- 26  
bwa dimuti bongo, ebanja bese ba ma-laŋga

## Mateo 21.

- 27 Yohane ka mutoper'a-mudī. \*Na babo b' alabe, ba kwalane Yesu na: Di si bī. Na mo pe a kwalane babo na: To mba pe na si ma-laŋgwea so binyo onyola njika ŋginya na
- 28 ma-bolano man mambo. \*Lena l'ōngele ne e? Moto mowó ata abene bana baba, na mo 'ala na nyaboso, a kwala na: A mun'am, ala o ebolo o mōnda mam ma lonyēngeny
- 29 oēnge. \*Na mo 'alabe, a kwala na: Na s'emedi. Nde ombusa nika na mo'ombwe, a timba wala.
- 30 \*Na mo 'ala pe na nune, a kwalane pe mo nikamene. Na mo 'alabe, a kwala na: E, ate;
- 31 nde a s'alo. \*Nja nya ban babane nu boli jemea la saŋgo abu e? Na babo ba kwala na: Nyaboso. Na Yesu a kwalane babo na: Nambale, nā-laŋgwea binyo, bakotedi na bito ba mbamba ba mende sele jīngea o janea la
- 32 Loba na binyo. \*Ebanja Yohane ata a po na binyo na beleedi ba teme-la-sim, nde lo si ta lo dube mo; nde bakotedi na bito ba mba-mba nde ba ta ba dube mo, nde tona l'enno nika, lo si timbi jombwe ná lo dube mo.

(33—46: Marko 12, 1—12. Luk. 20, 9—19.)

- 33 Binyo seŋga munia mupepe: Saŋgo a mboa mowó ata a de mōnda ma lonyēngeny, a diŋga mo koto, apongo pe mboki, a loŋga pe na ndabo oten, a bake mo na baponge-mōnda,
- 34 na mo 'ala o ekombo epepe. \*Nde pond'a mumbwa ma bepuma e poino, na mo a loma bautu bao o baponge-mōnda o noŋgea mo bao
- 35 bepuma. \*Nde baponge-mōnda ba damedi nde bautu bao, ba dipa mowó, ba bwa nune nupepe,

## Mateo 21.

b'angwa pe nune madale. \*Na mo a loma 36  
 pete bautu bapepe gita buka nged'a boso,  
 nde ba boli pe nde babo nikamene. \*Nde 37  
 ombusa nika, na mo a loma mun'ao na babo,  
 a kwala na: Ba mende dube mun'am. \*Nde 38  
 baponge-monda b'enzo nu muna, bakwala na  
 babo momene na: Nun nde e musangwedi, ya,  
 esele biso di bwe mo, nde di timbane sang  
 lao. \*Na babo ba damea mo, ba busane mo 39  
 ombusa monda malonyengeny, ba bwa mo.  
 \*Yetena sang a monda malonyengeny a poi 40  
 so te, a mende nde bolea ba baponge-monda  
 ne e? \*Na babo bakwalane mo na: A mende 41  
 nde bwa ba baboledi ba bohe na k'a bohe,  
 nde a bake pe monda malonyengeny na ba-  
 ponge-monda bapepe, bena ba mende bole mo  
 bepuma, ke ponda e dongamen. \*Na Yesu 42  
 a kwalane babo na: Losilangi o betiledi na:  
 „Dale lena balongedi babangino, dime ne nde  
 di timbi dale la tongo; din di bolan nde na  
 Sang, nde je betanysedi o miso masu e?“  
 \*Onyola nika na-langwea binyo: Janea la 43  
 Loba di mende nongobe na binyo, di bolabe  
 na tumba lena di mende bole bepuma bao.  
 \*Nde to-nja nu ma-ko omony a din dale a 44  
 mende bwea; nde to-nja nyena din dale di  
 ma-koyeno'mony di mende nyoso mo. \*Nde 45  
 niponda prisi indene na Farisai ba sengino  
 minia mao, na babo ba so na a ma-kwala nde  
 onyol'abu; \*nde ba ta ba pula damea mo, na 46  
 babo ba bwa mamuti bong, ebanja ba ta ba  
 langa mo ka mutoper'a-mudi.

## Mateo 22.

(22, 2—14: Luk. 14, 16—24.)

- 22** Nde Yesu ata akwalane pete babo o minia,  
2 m'ona: \*Janea la mony je nde biana kiñe  
po, ni ta ni boñsane mun'ao ndema la diba.  
3 \*Na mo aloma bautu bao o bele ba babelabe  
4 o ndema la diba, nde ba s'emedi po. \*Na mo  
a loma pe bautu bapepe, akwala na: Kwalane  
ba ba belabe na: Ombwa, na má-bole boñsane  
ndema lam, nyak'am na beyembe bam ba di-  
wongi be má-bwabe, mese ma má-bole boñsane;  
5 binyo ya o ndema la diba. \*Nde ba si ta 'ba  
dube nika, b'ala nde, mowó o mōnda mao,  
6 nune pe o ebol'ao, \*bane pe ba damea bautu  
bao, ba kumwa takise babo, ba bwa pe babo.  
7 \*Nde kiñe e ta elinga, na mo eloma bato  
bao ba bwemba, ebwa ban bato b'ebwan, e  
8 dise pe mundi mabu. \*Ombusa nika na mo  
akwalane pe bautu bao na: Ndema la diba  
di má-bole nde boñsane, nde ba ba ta ba be-  
9 labé ba si ta b'añgamen, \*binyo ala so o ma-  
kan ma mañgea, lo bele to-nja lom'eneno o  
10 ndema la diba. \*Nde ba bautu b'alo o mañ-  
gea, ba kotele bese b'enno, babobe na ba-  
bwam, nde ndema di ta di londa na ba ba  
11 belabe. \*Nde kiñe e ta ny'ingea o jombwa  
ba ba belabe, na mo'ene moto mowó oten nu  
12 si ta nu boto mbot'a diba. \*Na mo akwa-  
lane mo na: A dikom, neni o ingedino o uan,  
nde o si bote mbot'a diba e? Na mo a ko  
13 dimume. \*Na kiñe e kwalane baboledi bao  
na: Binyo kaka mo maa na miende lo pimbe  
mo o munititi'uone; oten nde mbembe na da

## Mateo 22.

la masonga bamendeno be. \*Ebanja gita di 14  
belabe, nde ngusu nde i posobe.

(15—22: Marko 12, 13—17. Luk. 20, 20—28.)

Ombusa nika na Farisai b'ala, ba wekea 15  
muano, neni beno ná ba lamba mo n'eyala.  
\*Na babo ba loma bokweli babu na bona- 16  
Herode na mo, ba kwala na: A muleedi, di bi  
ná oa oe mbale, o ma-lee pe nge'a Loba ka  
mbale, o si dube pe to-moto; ebanja o si m'  
ombwea moto o beombwedi bao. \*Langwea 17  
biso, nje o m'ongeleno? E angamen o bola  
kaisa njaŋgi, nga e s'angamen e? \*Nde Yesu 18  
a soino boke babu, na mo a kwala na: Nje  
lo ma-kekano mba, a binyo bamawondon?  
\*Leele mba moni ma njaŋgi! Na babo ba bola 19  
mo denario po. \*Na mo a kwalane babo na: 20  
Edingedinge na dina la nja din e? \*Ba kwa- 21  
lane mo na: Kaisa. Na mo a kwalane babo  
na: Bola kaisa mambo ma kaisa, Loba pe  
mambo ma Loba. \*Nde ba sengino nika ba 22  
nyaka, na babo b'esele mo b'ala.

(23—33: Marko 12, 18—27. Luk. 20, 27—40.)

O bo bunya mene Sadukai ba ta ba po na 23  
mo, bena ba ma-kwale ná bepumbwedi ba  
kwedi be titi, b'uele mo, \*ba kwala na: A 24  
muleedi, Mose a kwali na: Moto a wedi te  
nde a si ye bana, muna-saŋgo a nonge munj'  
ao, nde a yeye muna-saŋgo mbota. \*Nde 25  
bona-saŋgo samba ba ta na biso. Nyaboso  
a ta a bā na mo a wo, nde ebanja a si ta a dia  
mbota, na mo a dia munj'ao na muna-saŋgo.  
\*Nikamene na nu londe baba na balalo natena 26

## Mateo 22.

27 nu londe samba. \*Nde o sukan a bese, na  
28 muto pe a timba wo. \*O bepumbwedi ba  
kwedi so a mende be munj'a nja o babo samba  
29 e? Ebanja bese ba ta babene mo. \*Nde Yesu  
'alabe, a kwalane babo na: Binyo lo wusi,  
ebanja lo si bi betiledi to nginy'a Loba;  
30 \*ebanja o bepumbwedi ba kwedi ba si ma-bā,  
to bolabe o diba, nde ba mende nde be ka  
31 angel a Loba o mony. \*Nde onyola bepum-  
bwedi ba kwedi, lo si laŋgi nje Loba a kwa-  
32 lanno binyo na: \*„Mba ne nde Loba la  
Abraham na Loba la Isak na Loba la Yakob  
e“? Loba a titi Loba la bawedi, nde la ba-  
33 wenya. \*Nde mamuti ma seŋgino nika, na  
babo ba nyaka onyola beleedi bao.

(34—40: Marko 12, 23—31. Luk. 10, 25—28.)

34 Nde niponda Farisai ba seŋgino ná a dibise  
35 Sadukai mudumbu, na babo ba kotone. \*Na  
mowó nyabu, mubied'a-mbenda a keka mo,  
36 'uele mo na: \*A muleedi, njika mbenda nye  
37 nya boso o mbenda e? \*Na Yesu a kwalane  
mo na: „O aŋgamen tondo Saŋgo, Loba loŋgo,  
na mulema moŋgo muese na mudī moŋgo  
38 muese na joŋgele loŋgo lese.“ \*Nin nde nye  
39 mbend'a boso na ni buki yese bondene. \*Nde  
ni londe iba nye ka nin, nye nde na: O aŋ-  
40 gamen tondo muna-soŋgo ka oamene.“ \*O-  
nyola yin mbenda ibane nde mbenda yese na  
batoperi-ba-mudī ba latamno.

(41—46: Marko 12, 35—37. Luk. 20, 41—44.)

41 Niponda Farisai ba kotomno, na Yesu 'uele  
42 babo, \*a kwala na: Nje lom'ongeleno onyola

## Mateo 22. 23.

Kristo e? E nde mun'a nja e? Na babo ha kwala na: Mun'a Dawid. \* Na mo a kwa- 43  
lane babo na: Neni Dawid a beleno mo o mudī na: Saŋgo, a kwalino na: \* „Saŋgo a 44  
kwalan Saŋgo am na: Ja o dia lam la mom natē na neŋge basin̄geri boŋgo owasa ma-  
taŋga moŋgo?“ \* Ye so te ná Dawid a bele 45  
mo Saŋgo, neni eno so mun'ao e? \* Nde to- 46  
mowó a si ta a wele timbisele mo to-eyala;  
nde natena bo bunya to-moto a si keki pe juele mo to-eyala.

(23, 1—39: Marko 12, 39—40. Luk. 20, 45—47. Luk. 11, 39—52.)

**Ombusa nika na Yesu a kwalane mamuti 23**  
na bokweli bao, \* m'ona: Babiedi-ba-kalat' 2  
a-Loba na Farisai bajai o bejedi ba Mose.  
\* Mese ba ma-kwalaneno binyo ná lo neŋge, 3  
lo neŋge lo bole pe mo, nde lo si bola kaponda  
bebolo babu; ebanja ba ma-kwala, nde ba si  
ma-bola. \* Ba ma-kaka nde miuna ma bodilo 4  
na mi ambi bambe, ba neŋgele mo o makata  
ma bato, nde babo momene ba si pule tapa  
mo to na mune mabu. \* Ba ma-bola nde be- 5  
bolo babu bese o jenene na bato; ebanja ba  
ma-tinda ŋgod'abu ya mika, ba ma-kolise pe  
manjaki ma mbot'abu. \* Ba tondi bejedi ba 6  
boso o mada na bejedi ba boso o mandabo  
ma ndoŋgamen, \* na somabe o madon, na 7  
belabe na bato na: Rabi, rabi! \* Nde binyo 8  
lo s'esele ná lo belabe rabi; ebanja mowó nde  
e muleed'anyu, nde binyo bese le nde bona-  
saŋgo. \* Lo si bele to-moto o wase na tete; 9



## Mateo .23.

- ebanja mowó nde e binyo Tete, nu nye o  
 10 mony. \*Lo s'esele pe to ná lo belabe na  
 badiedi; ebanja mowó nde e mudied'anyu,  
 11 Kristo. \*Nu nu buki bese oteten anyu 'anga-  
 12 men nde be muboled'anyu. \*To-nja ny'ab-  
 wele momene a mende sibusabe; to-nja pe nu  
 sibise momene a mende jabwabele.
- 13 Eboma na binyo babiedi-ba-kalat'a-Loba  
 na Farisai, bamawondon, onyolana lo kuke  
 janea la mony oboso ba bato; ebanja binyo  
 momene lo si m'ingea oten, nde lo si m'esele  
 pe to ná bapepe b'ingeye, bena ba ma-pule  
 14 jingeye. \*Eboma na binyo babiedi-ba-kalat'  
 a-Loba na Farisai, bamawondon, onyolana lo  
 ma-bole mandabo ma mikusa, nde lo kane  
 mika ma miaba na mawondon; onyola nika  
 lo mende beŋga kusa bekwesedi bendene.
- 15 \*Eboma na binyo babiedi-ba-kalat'a-Loba na  
 Farisai, bamawondon, onyolana lo ma-yeŋga  
 o munja na o mudi o timbise moto mowó  
 embon; nde a timbi te nika, na binyo lo tim-  
 bise mo mun'a dibumbe ŋged'iba buka binyo-  
 16 mene. \*Eboma na binyo, badiedi ba ndima,  
 bena ba ma-kwale na: „To-nja nu ma-kane  
 soŋgo na tempel, ke e titi lambo; nde to-nja  
 nu ma-kane soŋgo na gol a tempel, ke a tiki  
 17 na soŋgo ao.“ \*A binyo belemā na bandima,  
 nje so e buki, gol ŋga tempel ni ma-timbise  
 18 gol bosanŋi? \*Nikamene pe: „To-nja nu  
 ma-kane soŋgo na diyo, ke e titi lambo; nde  
 to-nja nu ma-kane soŋgo na jabea le omony  
 19 ao, ke a tiki na soŋgo ao.“ \*A binyo belemā

## Mateo 23.

na bandima, nje so e buki, jabea nga diyo  
 lena di ma-timbise jabea bosangi? \*Nu nu 20  
 ma-kane so songo na diyo, ke a ma-kana nde  
 na mo na mese me oten; \*nu pe nu ma- 21  
 kane songo na tempel, ke a ma-kana nde na  
 mo na nu nu jai oten; \*nu pe nu ma-kane 22  
 songo na mony, ke a ma-kana nde na bejedi  
 ba Loba na nu nu jai oten. \*Eboma na 23  
 binyo babiedi-ba-kalat'a-Loba na Farisai, ba-  
 mawondon, onyolana lo ma-bola dongo diwo  
 la dom njaangi la sisan na pebe na njansa,  
 nde l'esele mambo mandene ma mbenda om-  
 busa, bekaisedi na ndedi na jemea. Din di an-  
 gamen bolabe, nde seto jesele mane. \*A 24  
 binyo badiedi ba ndima, bena ba ma-sengwe  
 ngingi, nde lo minya kamel. \*Eboma na 25  
 binyo babiedi-ba-kalat'a-Loba na Farisai, ba-  
 mawondon, onyolana lo ma-sangise mbus'a  
 dibonde na nya poke, nde teten e londa n'eb-  
 wan na mudesi. \*A Farisai nya ndima, o 26  
 sele sangise di le oteten a dibonde na poke,  
 nde la mbusa pe di ma-be bosangi. \*Eboma 27  
 na binyo babiedi-ba-kalat'a-Loba na Farisai,  
 bamawondon, onyolana le nde ka songo i  
 tukabe pembe yena i m'enene bwam ombusa,  
 nde oteten ao i londa na bewese ba mbimba  
 na nyai a nyakaka yese. \*Nikamene nde 28  
 binyo pe lo m'eneneno o eboko na bato ka  
 batem-na-sim, nde teten anyu i londa na ma-  
 wondon na bobe. \*Eboma na binyo ba- 29  
 biedi-ba-kalat'a-Loba na Farisai, bamawondon,  
 onyolana lo ma-longa songo a batoperi-ba-

## Mateo 23.

- mudī, lo botise pe na madale ma soṅgo a  
 30 batem-na-sīm, \*nde lo kwala 'na: Biso di ta  
 te o minya ma batete, ke di si wusa pulisane  
 babo o njom a maya ma batoperi-ba-mudī.  
 31 \*Nika nde lo temno mboñ onyol' anyu momene,  
 ná binyo le nde bana ba ba ba bo batoperi-  
 32 ba-mudī. \*Binyo londise so dimene la ba-  
 33 saṅgo banyu. \*A binyo nyama-miaba na  
 bana ba pe, neni leno ná l' oṅga na bekaisedi ba  
 34 wuma-wea e? \*Onyola nika: Ombwa, na ma-  
 lomea binyo batoperi-ba-mudī na badibie na ba-  
 biedi-ba-kalat'a-Loba, nde lomende bwa doṅgo  
 na bomele pe o mbasa, lo mende pe dipa doṅgo  
 lonyanyo o mandabo manyu ma ndoṅgamen,  
 35 na takise babo o mudi na mudi te; \*ná  
 maya mese ma komabe o wase e si be njom,  
 ma be omomy anyu, botea o maya ma Abel  
 nu tem na sīm natena maya ma Sakaria,  
 mun'a Barakia, nyena lo bono oteten a tempel  
 36 na diyo. \*Nambale, nā-laṅgwea binyo, man  
 mese ma mende po omomy a nin nyonon.  
 37 A Yerusalem, Yerusalem ni ma-bwe  
 batoperi-ba-mudī, ni m'aṅgwe pe ba  
 ba ma-lomabe na oa madale! ṅgedi  
 ininga na tano napula kotele bana  
 boṅgo, ka wuba e ma-koteleno bana bao  
 owasa mapupulan mao, nde lo s'emedi.  
 38 \*Ombwa, ndabo anyu e mende diabe na  
 39 binyo k'embamba; \*ebanja nā-laṅgwea  
 binyo: Botea tatan lo si mende pe jene  
 mba tom, natena ponda lomendeno kwala  
 na: Bonam na nu numa-po o dina la Saṅgo.

## Mateo 24.

(24, 1—51: Marko 13. Luk. 21, 5—36)

Na Yesu a busa o tempel 'ala, na bokweli 24  
bao ba po na mo, ba leelee mo' bolongi ba  
tempel. \*Na mo a timbisele babo na: Lo 2  
si m'ene man mese e? Nambale, na-langwea  
binyo, to dale diwo di si mende dia oten  
omony a dine lena di si mende bulabele.  
\*Nde niponda a tano a ja wase o mudoŋgo 3  
ma njabi, bokweli bao bata ba po na mo o  
esoka, ba kwala na: Langwea biso njika ponda  
man mambo ma mendeno bolane, nje e mende  
be eyemban a bepoyedi boŋgo na ya su la  
wase e? \*Na Yesu 'alabe, a kwalane babo 4  
na: Lo bia pon, na moto a si dimbele binyo  
ngea, \*ebanja gita ba mende po o dina lam, 5  
ba mende kwala na: Mba nde ne Kristo, nde  
ba mende dimbele gita ngea. \*Nde lo mende 6  
seŋga onyola bila na miumban ma bila, nde  
lo bia pon, lo si soa, ebanja man mese m'aŋ-  
gamen bolane, nde ke su di si poi te. \*Ebanja 7  
tumba di mende teme teŋgene tumba, janea  
pe teŋgene janea, njai nindene pe e mende  
be na mukele na soa la minyaŋgadu o wuma  
na wuma. \*Nde man mese nde me beboteri 8  
ba ndeŋge. \*Nde ombusa nika ba mende bake 9  
binyo o matakisan na bwa binyo, lo mende  
pe siŋgabe na matumba mese onyola dina lam.  
\*O ua nde gita ba mendeno sonjo na jandi- 10  
sane mowó na nune, na siŋge mowó na nune.  
\*Gita la batoperi ba lobaŋgo pe ba mende 11  
busa, nde ba mende dimbele gita ngea. \*Nde 12  
ebanja bobbe bo mende beŋga kola, ndol' a ba-

## Mateo 24

- 13 gita e mende lokomeye. \*Nde to-nja nu  
ma-tingame natena o su amende jongi-  
14 sabe. \*Nde min miango-ma-bwam ma janea:  
mi mende langwabe o wase nyese, onyola  
mboñ a matumba mese, nde to denge su di  
ma-po.
- 15 Binyo l'en te nyakak'a dibumbe, nyena e  
kwalabe na mutoper'a-mudi Daniel, e tem o  
wum'a bosangi (nu nu ma-lange, esele mo a  
16 sontane), \*denge so ba be o Yudea ba nye o  
17 midongo, \*nu nye omony a munyua a si siba  
18 wase o nongo mambo mao o ndabo ao, \*nu  
pe nye o monda a si timba ombusa o nongo  
19 mbot'ao. \*Nde eboma na ba be meme na  
20 banyongise-bana o mi minya. \*Nde lo kane  
nde; ná mila manyu mi si be o pond'a epupa  
21 to o bunya-ba-wumse. \*Ebanja ndenge ni-  
ndene e mende be, ka nyena e si ta o beboteri-  
ba wase natena tatan, nde e si mende pe to  
22 be. \*Nde yetena mi minya mi si wutisabe te,  
ke to eyobo e si mende jongisabe; nde mi mi-  
nya mi mende wutisabe onyola ba ba posobe.  
23 \*Nde yetena moto a kwalan te binyo na,  
ombwa, Kristo e o uan to e o uane, lo si dube  
24 mo. \*Ebanja Kristo ya lobango imende busa  
na batoperi ba lobango, ba mende bola beye-  
mban bendene na bebolo ba betany sedi o di-  
mbele pe na baposobe ngea, yetena e ma-wele  
25 bolane nika. \*Ombwa, na sele biise binyo  
26 nika. \*Ba kwalan te binyo na: Ombwa, e o  
eyan, lo s'ala oten; ombwa, e o tun, lo si dube.  
27 \*Ebanja kana motemote e ma-busano o jeru,

## Mateo 24.

nde ny'enene naten'o mbeṅge, nikamene nde  
bepoyedi ba Muna-moto be mendeno be. \*Eba- 28  
nja wuma mbimba mueno, oten nde mbela i  
ma-kotomeno.

Nde dibokimene ombusa takise la mi minya 29  
wei i mende timba muititi, modi pe mu si  
mende bola muenen mao, ngeṅgeti pe i mende  
wa o mony, i ko wase, ṅginy'a mony pe i  
mende soa. \*Nde denge eyemban a Muna-moto 30  
e mende jenene o mony, denge pe matumba  
ma wase mese ma mende jeya mbembe, ma  
mende jene Muna-moto a ma-wa o mawindi  
ma mony na ṅginya nindene n'edube. \*Nde 31  
a mende loma angel ao na mumban ma mu-  
seba mundene; nde ba mende kotele bona bao  
ba posobe o matoṅgo ma wase manei, botea  
o su la mony diwo natena dine. \*Binyo 32  
okwa nde munia na bwele ba boṅgoṅgi. Ye-  
tena mikanjo mao mini-pumea te na ya be-  
yadi, na binyo lo bia ná loe le bebe. \*Nika- 33  
mene pe na binyo, yetena l'en man mese lo  
bia ná e bebe, bebe na mombe. \*Nambale, 34  
nā-laṅgwea binyo: Nin nyonon esima-tomba  
natena man mese ma bolane. \*Mony na 35  
wase ba mende tomba; nde beyala bam  
be si mende tomba. \*Nde to-moto asima- 36  
bia onyola bo bunya na ni ponda to angel a  
mony pe, ke Tete momene. \*Nde kana 37  
minya ma Noa nika nde bepoyedi ba Muna-  
moto pe be mendeno be. \*Ebanja kana ba 38  
tano o minya mi ta oboso ba mpupe ma di-  
bumbé, ba ta ba da, ba nyo, ba bā, ba bolabe

## Mateo 24. 25.

o diba, natena bo bunya Noa 'ingedino o eli-  
 39 mbi, \*nde basison̄tane to-lambo natē mpupe  
 ma dibumbe mu po mu bole babo bese, nika  
 pe nde bepoyedi ba Muna-moto be mendeno  
 40 be. \*O ni ponda baba ba mende be o mōnda,  
 41 mowó a ma-nongobe nune 'esabele. \*Baba ba  
 mende sia mbasi o dale diwo, mowó a ma-  
 nongobe nune 'esabele.

42 Binyo tata so, ebanja lo si bī njika  
 43 ponda Saŋgo anyu a mendeno po. \*Nde  
 lo bia din, saŋgo a mboa a bī te njika beta-  
 tedi ba bulu muibedi a ma-pono, ke a wusa  
 ja penya, a si wusa jesele ndabo ao e buabe.  
 44 \*Onyola nika binyo pe l'aŋgamene, ebanja  
 Muna-moto a mende po o ponda lo si m'onge-  
 45 leno. \*Nja so e muut'a jemea na dibie  
 nyena saŋgo a teseno omony a bona hao ba  
 ndabo, o bola babo da o ponda ni aŋgamen  
 46 e? \*Bonam na nu muutu nyena, saŋgo a poi  
 47 te, a bomane mo a ma-bola nika. \*Nambale,  
 nā-laŋgwea binyo, a mende tese mo omony a  
 48 bema hao bese. \*Nde yetena muut'a bobe  
 a kwali o mulema mao na: Saŋgo am a m'in-  
 49 dea po; \*na mo a kumwa dipa bane bautu,  
 50 a kumwa pe da na nyo na bato ba soki; \*nde  
 saŋgo a nu muutu a mende po o bunya boena  
 51 a si tatio mo, na o ponda a si bino, \*nde a  
 mende ke mo besuŋgu, a bola mo doŋgo na  
 bamawondon; oten nde mbembe na da la ma-  
 soŋga ba mendeno be.

25 Nde o ni ponda janea la mony di mende  
 nde be biana dom la ŋgonderi, yena ita i

## Mateo 25.

noŋgo betrukañ babu i ala doŋgamene muba-  
 edi. \*Nde itanu i ta jaŋgwa, itanu pe elemā. 2  
 \*Y'elemā ita inoŋgo betrukañ babu, nde i 3  
 sita inoŋgo mula. \*Nde ya jaŋgwa ita i 4  
 noŋgo mula o bewa na betrukañ babu pe.  
 \*Mubaedi 'indedino, na babo beſe ba kumwa 5  
 tia iyo, ba ko iyo. \*Nde oteten a bulu doi 6  
 di ta di wa na: Ombwa mubaedi, binyo ala  
 doŋgamene mo! \*Na yi ŋgonderi yeſe iteme, 7  
 ipoŋgo betrukañ babu. \*Nde y'elemā i kwa- 8  
 lane ya jaŋgwa na: Bola biſo doŋgo la mula  
 manyu, ebanja betrukañ basu be ni-dima.  
 \*Nde ya jaŋgwa ialabe, ikwala na: Seto nika, 9  
 ma si ya be ma si koke biſo na binyo; binyo  
 ala nde na bandisedi l'andeye binyo momene.  
 \*Nde b'alongo o janda, na mubaedi a po, nde 10  
 yi i ta i aŋgamene i ala na mo o diba, na  
 jombe di kwesabe. \*Ombusa nika na yine 11  
 ŋgonderi pe ipo, ikwala na: A Saŋgo, a  
 Saŋgo, dubwea biſo! \*Na mo a timbiſele na: 12  
 Nambale, nā-laŋgwea binyo, na si bī binyo.  
 \*Binyo tata so, ebanja lo si bī bunya to ponda. 13

(14—30: Luk. 19, 12—27.)

Je nde biana moto mowó nu ta ny'ala o 14  
 londo, na mo a bele bautu bao, a bake babo  
 bema bao; \*a bola mowó talent itanu, nune 15  
 iba, nune pe po, moto te kaponda ŋginy'ao,  
 na dibokimene 'ala o londo lao. \*Na nu nu 16  
 kusi talent itanu 'ala 'oŋgwane mo, na mo a  
 kusa pe museñ talent ipepe itanu. \*Nikamene 17  
 pe nu nu kusi iba, a kusi pe museñ talent  
 ipepe iba. \*Nde nu nu kusi po, 'alo nde, a 18



## Mateo 25.

- pula minyaṅgadu, a wuta moni ma saṅgo.
- 19 \*Nde etum a ponda ombusa nika, na saṅgo a ba bautu a po, a noṅgo bolaṅgi na babo.
- 20 \*Na nu nu kusi talent itanu a po, a wana pe talent ipepe itanu, a kwala na: A Saṅgo o ta o bake mba talent itanu, ombwa, na kusan mo
- 21 museṅ talent ipepe itanu. \*Na saṅgo a kwalane mo na: Nik'e doli, a muut'a bwam na jemea, o ta jemea onyola ṅgus'a mambo, na ma-tese oa omony a mambo magita; iṅgea o munyeṅge ma Soṅgo!
- 22 \*Na nune pe nu kusi talent iba a po, a kwala na: A Saṅgo, o bake mba talent iba, ombwa,
- 23 na kusan mo museṅ talent ipepe iba. \*Na saṅgo a kwalane mo na: Nik'e doli, a muut'a bwam na jemea, o ta jemea onyola ṅgus'a mambo, na ma-tese oa omony a mambo ma
- 24 gita; iṅgea o munyeṅge ma Soṅgo! \*Nde nune pe nu kusi talent pó a pò, a kwala na: A Saṅgo, na bī ná oe nde mot'a bwambi; o m'umbwa o wuma o sisaino, o ma-kotele o wu-
- 25 ma o si miaseleno; \*nika nde na bono boṅgo n' alono, na mba na wuta talent aṅgo o minyaṅ-gadu; ombwa, yom'aṅgo mene yen! \*Nde saṅgo 'alabe mo na: A muut'a bobe na bwala, o ta o bia ná na m'umbwa o wuma na si saino,
- 27 na ma-kotele pe o wuma na si miaseleno? \*O ta so o aṅgamene bola moni mam na boṅ-gwedi, nde na poi te na wusa kusa yam na
- 28 museṅ. \*Binyo noṅgone so mo ni talent, lo
- 29 bole mo nu nu ben dom la talent. \*Ebanja to-nja nu ben e mende bolabe mo, nde a ma-

## Mateo 25.

bene njoasoa; nde to-nja nu si ben e mende  
nongobe na mo yemene a benno. \* Nde binyo 30  
pimba nu muut'a mbolon o muititi o uone;  
oten nde mbembe na da la masonga ba men-  
deno be.

Nde o ni ponda Muna-moto a mendeno po 31  
n'edub'ao na angel yese na mo, a mende ja  
omony a bejedi bao b'edube; \* nde matumba 32  
mese ma mende kotome oboso bao, nde a  
mende jaba babo ka mutateri a m'abano mi-  
dongi na tut'a mbodi, \* a mende tese midongi o 33  
dia lao la mom, tut'a mbodi pe o dia la dimose.  
\* Nde Kiñe e mende kwalane badia la mom 34  
na: Ya, a banamsabe na Tete, sangwa janea  
di pongobele binyo natena beboteri ba wase.  
\* Ebanja nata njai, nde binyo lo boli mba 35  
da; nata nyongi, nde binyo lo nyose mba;  
nata muen, nde binyo lo jese mba; \* mūsambà, 36  
nde binyo lo botise mba; nata na boa, nde  
binyo lo pepele mba; nata o beboa, nde binyo  
lo poi na mba. \* Nde batem-na-sim ba mende 37  
jalabe mo na: A Sango, njika ponda di enno  
oa njai, nde di bola oa da e? to nyongi, nde  
di nyose oa e? \* Njika ponda di enno oa 38  
muen, nde di jese oa e? to mūsambà, nde di  
botise oa e? \* Njika ponda di enno oa na 39  
diboa to o beboa, nde di po na oa e? \* Nde 40  
Kiñe e mende jalabe, e kwalane babo na: Na-  
mbale nā-langwea binyo, o ua te na lo  
boledino mowó nya ban bona-tete ba-  
sadi lo boledi nde mba mo. \* Nde a mende 41  
pe kwalane badia la dimose na: Binyo asu-

## Mateo 25. 26.

mwe na mba, a binyo baloabe, ala o wea-  
bwindea, yena i pongobe le Satan na angel ao.  
42 \*Ebanja na ta njai, nde losiboli mba da; na  
43 ta nyongi, nde lo si nyose mba; \*na ta muen,  
nde lo si jese mba; musambà, nde lo si botise  
mba; na ta na boa, na ta pe o beboa, nde lo  
44 si pepele mba. \*Nde babo pe bamende jalabe  
mo na: A Saŋgo, njika ponda di enno oa na  
njai to nyongi to muen to musambà to diboa  
45 to o beboa, nde di si boleye oa e? \*Nde mo  
pe a mende jalabe babo na: Nambale, nā-laŋ-  
gwea binyo, o ua te na lo si boledino mowó  
46 nya ban basadi, losibole di pe nde mba. \*Nde  
ban ba mende wala o kokise la bwindea, nde  
batem-na-sim pe o longe la bwindea.

(26, 2—5: Marko 14, 1. 2. Luk. 22, 1. 2.)

26 Nde eta na, niponda Yesu a boleno kwala  
ben beyala bese, na mo a kwalane bokweli  
2 bao na: \*Binyo lo bi ná ombusa minya miba  
emende nde be Pasah, nde Muna-moto a  
3 mende bakabe o bomabele o mbasa. \*O-  
mbusa nika prisi indene na baturu b'ekombo  
ba ta ba kotome o eboko a prisi nindene ni  
4 belabe Kaifa, \*ba ta baweka muano o putea  
5 Yesu na musomba o bwa mo. \*Nde ba ta  
ba kwala na: Seto o bunya-ba-bosaŋgi, mpun-  
gu mu si ya be oteten a dimuti.

(6—13: Marko 14, 3—9. Yoh. 12, 1—8. Luk. 7, 36—50.)

6 Nde niponda Yesu a tano o Betania o  
7 ndabo a Simon, mot'a mulongó, \*muto mowó  
a ta apo na mo, nu ta ny'alea epos'a joki

## Mateo 26.

lena di ambi malon̄go, na mo a koma mo o  
mulopo mao, niponda a tano aja o tebedi.  
\*Nde bokweli b'enno nika, ba ta balinga, 8  
bakwala na: Onyolanje din di nyamno e?  
\*Ebanja ba ta b'angamene jandise mo onyola 9  
mususedi mundene, nde mu bolabe batuedi.  
\*Nde Yesu a soino nika, na mo a kwalane 10  
babo na: Nje lo ma-bweseno nu muto ndutu  
e? A boledi nde mba ebol'a bwam. \*Ebanja 11  
lo ben batuedi na binyo ponda yese, nde lo  
si ben mba ponda yese. \*Ebanja din koma 12  
la joki o nyol'am, a bohsan nde mba onyola  
pulame lam. \*Nambale, na-laŋgwea binyo, 13  
wuma na wuma min miaŋgo-ma-bwam mi men-  
deno laŋgwabe o wase nyese, emende pe  
laŋgwabe nje nun a bolino o jon̄gele lao.

(14—16: Marko 14, 10. 11. Luk. 22, 3—6.)

Nde na mowó nya dom na baba, nu bela- 14  
be na Yuda Iskariot, 'ala na prisi indene,  
\*a kwala na: Nje lo ma-bolano mba, nde na 15  
bake binyo mo e? Na babo ba m'eneye mo  
mualalo ma bepasi ba silba. \*Natena ni po- 16  
nda nde a kumono some ponda a ma-bakeno  
mo.

(17—19: Marko 14, 12—16. Luk. 22, 7—13.)

Nde o bunya ba boso ba bewolo be si puñ- 17  
gwan esasaŋge na bokweli ba po na Yesu,  
ba kwala na: O ueni o ma-pulano ná di boñ-  
sane oa da la Pasah e? \*Na mo a kwala na: 18  
Binyo ala o mudi, o mboa nu moto, lokwa-  
lane mo na: Muleedi a kwali na, pond'am nye  
bebe, o mbo'aŋgo nde na ma-dano Pasah na

## Mateo 26.

19 bokweli bam. \*Na bokweli ba bola kana  
Yesu 'anedino babo, ba boñsane Pasah.

(20—30: Marko 14, 17—26. Luk. 22, 14—23. Yoh. 13, 21—26.)

20 Nde ebiamu e pino, na mo aja o tebedi  
21 na dom na baba. \*Nde na batano onyola da,  
na mo akwala na: Nambale nā-laŋgwea binyo,  
22 mowó nyanyu a mende jandise mba. \*Na  
babo balonda na ndutu bwambi, ba kumwa  
kwalande mo, moto-moto na: A Saŋgo, mba e?  
23 \*Na mo 'alabe na: Nu nu ma-dubise dia na  
mba o monjo, mo nde a mende jandise mba.  
24 \*Muna-moto a m'ala nde kana etilabeno onyol'  
ao; nde eboma na nu moto nyena onyol'ao  
nde Muna-moto a m'andisabeno. E wusabe  
25 bwam na nu moto, ke a si yabe. \*Na Yuda,  
nu nu m'andise mo, 'alabe na: A rabi, mba  
e? Na mo akwala na: Kana o kwalino.

26 Nde niponda batano onyola da, na  
Yesu anongo ewolo, anamse, abua  
mo, abola mo bokweli, akwala na:  
Nongo, lode, yen ye nde nyol'am.  
27 \*Na mo anongo pe dibonde, abola  
masoma, abola mo babo, akwala na:  
28 Binyo bese nyo mo; \*ebanja man me  
nde mayamam mamale mapenya, ma  
komabe onyola gita, onyola lakise la  
29 miobe. \*Nde nā-laŋgwea binyo: Nasi  
mende pe nyo ben benyon ba lonyenjeny tom,  
natena o bo bunya namendeno pe nyo mo  
na binyo penya o janea la Tete.

(31—35: Marko 14, 27—31. Luk. 22, 31—34.)

30 Nde niponda ba boleno longo muenge ma

## Mateo 26.

sesa, na babo ba busa, b'ala o mudoŋgo ma njabi. \* Na Yesu a kwalane babo na: Binyo 31  
 bese lo mende sonjo bon bulu onyol'am;  
 ebanja e tilabe na: „Na mende dipa mutateri,  
 nde midoŋgi ma dibemba mi mende pambilane.“  
 \* Nde ombusa pumbwabele lam na mende wala 32  
 oboso na binyo o Galilea. \* Na Petro 'alabe 33  
 mo na: Yetena bese ba mende sonjo onyol'  
 aŋgo, ke mba na si mende sonjo tom. \* Na 34  
 Yesu a kwalane mo na: Nambale, nā-laŋgwea  
 oa, o bon bulu, obiana mom ma wuba mu  
 ma-loŋgo, o mende tobo mba ŋged'ilalo. \* Na 35  
 Petro a kwalane mo na: To na mende nde  
 wo na oa, na si mende tobo oa tom. Nika pe  
 nde bokweli bese ba kwalino.

(36—46: Marko 14, 32—42. Luk. 22, 40—46.)

Ombusa nika na Yesu a po na babo o 36  
 mōnda mu belabe na Getsemane, na mo a  
 kwalane bokweli na: Binyo ja o uan, na m'ala  
 kane o uone. \* Na mo a noŋgo Petro na 37  
 bana ba Sebedeo baba, a kumwa bwa ndutu  
 na taka. \* Na mo a kwalane babo na: Mudi 38  
 mam mu ma-bwa ndutu bwambi natena o  
 kwedi, binyo dia o uan, lo je epenye na mba.  
 \* Na mo a sisea oboso son, a ko wase na bosu 39  
 bao, a kane, a kwala na: Ate, yetena di ena  
 di wele be, esele din dibonde di tombe na  
 mba; nde seto kana mba na ma-pulano, nde  
 kana oa o ma-pulano. \* Na mo a po na bo- 40  
 kweli, a bomane babo ba ma-ko iyo, na mo a  
 kwalane Petro na: Lo titi ná lo wele ja epenye  
 na mba to ŋgeŋ po e? \* Binyo ja penya 41

## Mateo 26.

lo kane, lo si ya be lo ko o makekisan;  
 42 mudī mu m'emea, nde eyobo ebobi. \*Na  
 mo 'ala pete ngedi nilonde iba, a kane, a  
 kwala na: Ate, yetena din dibonde di titi  
 ná di wele tomba mba, e be te ná na nyo mo,  
 43 esele jemea longo di bolane. \*Nde a poino  
 a bomane pete babo ba ma-ko iyo, ebanja miso  
 44 mabu ma ta ma dila na iyo. \*Na mo 'esele  
 babo 'ala pete, a kane ngedi ni londe ilalo,  
 45 a kwala mulemlem ma beyala. \*Nde a poino  
 pe na bokweli, a kwalane babo na: Binyo  
 beŋga nde ko iyo, lo wumse! Ombwa, ponda  
 e má-po, nyena Muna-moto ama-bakabe o maa  
 46 ma babobe! \*Binyo teme, di ale; ombwa, nu  
 nu m'andise mba e bebe!

(47—56: Marko 14, 43—50. Luk. 22, 47—53. Yoh. 18, 3—12.)

47 Nde ke a dia a ma-kwala, ombwa, Yuda,  
 mowó nya dom na baba a ta a po na dimuti  
 dindene na po na beboŋgo, ba wu na prisi  
 48 indene na baturu b'ekombo. \*Nde nu nu ta  
 ny'andise mo a ta a bola babo eyemban, a  
 kwala na: Nu na mendeno sopa ke mo nu,  
 49 binyo putea mo. \*Na dibokimene a po na  
 Yesu, a kwala na: Masoma na oa, a rabi! na  
 50 mo a sopa mo. \*Na Yesu a kwalane mo na:  
 A dikom, nje opoino o uan? Na babo ba po,  
 ba wele Yesu maa o nyolo, ba putea mo.  
 51 \*Nde, ombwa, mowó nya ba ba ta na Yesu,  
 a sambise dia lao, a songwa po ao o dibambu,  
 a dipa muut'a prisi nindene, a ke mo toi.  
 52 \*Na Yesu a kwalane mo na: Timbise po  
 aŋgo o dibambu, ebanja bese ba ma-nonge po

## Mateo 26.

ba ma-nyama na po. \* To o m'ongele ná 53  
na titi ná na sosomea Tete, a lomea mba buka  
dom la legion la angel na iba e? \* Nde neni 54  
betiledi bema-londano, ná eangamen be nika e?  
\* Nde o ni ponda mene Yesu akwalane dimuti 55  
na: Lo busi nde na po na beboŋgo kana  
onyola mot'ebwan o putea mba: Na ta na ja  
na binyo o tempel bunya te o lee, nde lo si  
putedi mba. \* Nde man mese ma ma-bolane nde 56  
ná betiledi ba batoperi-ba-mudi be londe. O  
ua nde bokweli bese b'eseleno mo, banya mila.

(57—75: Marko 14, 53—72. Luk. 22, 54—71. Yoh. 18, 13—27.)

Nde ba ba ta ba putea Yesu ba ta b'alande 57  
mo o mboa prisi nindene Kaifa, o wuma  
babiedi-ba-kalat'a-Loba na baturu ba kotoneno.  
\* Nde Petro a ta a dia son etum ombusa, a 58  
bupe mo natena o eboko a prisi nindene, na  
mo 'ingea, aja wase na baboledi o jene su.  
\* Nde prisi indene na baturu na muemba ma 59  
bakaisedi bandene muese ba ta ba pulise mboŋ  
alobaŋgo onyola Yesu, ka nyena nde ba bwe  
mo, \* nde bas'en, tona gita la mboŋ a lobaŋgo 60  
itano ibusa. Nde o sukan mboŋ a lobaŋgo  
iba ita ibusa, \* ikwala na: Nun a kwali na: 61  
Nena na bulele tempel a Loba, nde na loŋga  
pe mo o minya milalo. \* Na prisi nindene 62  
eteme, ekwalane mo na: O sim'alabe to-  
lambo onyola di ban batemno mboŋ onyol'  
aŋgo e? \* Nde Yesu ata aja na pi. Na 63  
prisi nindene ny'alabe mo na: Na kan oa  
soŋgo na Loba la loŋge, ná o laŋgweye  
biso ŋga [oe nde Kristo, Mun'a Loba.



## Mateo 26.

- 64 \* Yesu a kwalane mo na: Kana o kwalino.  
Nde nā-laŋgwea binyo, botea tatan lo mende  
jene Muna-moto a jai o dia la mom la nginya,  
65 a ma-wa o mawindi ma mony. \* Na prisi  
nindene enyaua mbot'ao, ekwala na: A topi  
dibena; njika mbon pe dima-pulano e? Ombwa,  
66 lo seŋgi dibena lao tatan. \* Lo m'ongele na  
nje? Na babo b'alabe, ba kwala na: 'Añ-  
67 gamen kwedi. \* Nde na babo ba kumono to  
mo malodi o boso, ba domo pe mo losilo,  
68 bapepe pe ba dipa mo mabumbe, \* ba kwala  
na: Laŋgwea biso bediŋge, a Kristo, nja a  
dipi oa e?
- 69 Nde Petro a ta a ja o eboko, na ngonderi  
pó e pò na mo, ekwala na: Oa pe o ta na  
70 Yesu nya Galilea. \* Na mo a tobo oboso ba  
babo bese, a kwala na: Na si bi nje o ma-  
71 kwalano. \* Nde a busino o jombe, na nipepe  
ny'ene mo, ekwalane ba bata oten na: Nun  
72 pe a ta na Yesu nya Nasaret. \* Na mo a  
tobo pete na songo na: Na si bi nu moto.  
73 \* Nde ombusa son a ponda na ba bata ba  
teme bebe, bapo, bakwalane Petro na: Na-  
mbale oa pe oe mowó nyabu, ebanja bwambo  
74 bonngo bo ma-soise oa. \* Na mo a kumwa loa  
momene, a kana songo, a kwala na: Na si bi  
nu moto. Na dibokimene mom ma wuba mu  
75 lonngo. \* Nde Petro a timbino jongele eyala  
Yesu a tano a kwala na: Obiana mom ma  
wuba mu ma-lonngo, o mende tobo mba nged'  
ilalo. Na mo a busa, 'eya mbembe bwambi.

## Mateo 27.

(27, 1. 2: Marko 15, 1. Luk. 22, 66. Yoh. 18, 28—32.)

Nde idiba i p<sup>o</sup>ino prisi indene na baturu 27  
b'ekombo bese ba weka muano onyola Yesu  
ka nyena nde ba bwe m<sup>o</sup>. \*Na babo ba kaka 2  
m<sup>o</sup> b'alan<sup>e</sup> m<sup>o</sup>, babake m<sup>o</sup> na gobina Pontio  
Pilato.

Nde Yuda nu ny'andise m<sup>o</sup> 'enno ná a 3  
kwesabe muka, na m<sup>o</sup> 'ombwe, a timbise mu  
mualalo ma bepasi ba silba na prisi indene  
na baturu, \*a kwala na: Na boli bobe ná n' 4  
andisen<sup>o</sup> maya ma si ben njom. Na babo ba  
kwala na: Nje di benno o bolane nika e?  
Ombwa nika na oamene! \*Na m<sup>o</sup> a pimba 5  
yi silba o tempel, 'asumwe 'ala, a wele momene  
diwongo. \*Na prisi indene i nongo yi silba, 6  
i kwala na: E s'angamen ná di wele m<sup>o</sup> o  
elimb'a-njangi, ebanja mue nde moni ma maya.  
\*Nde ba weki muano b'andane m<sup>o</sup> mōnda 7  
ma mumbwe-longo o pule ben. \*Onyola nika 8  
mu mōnda mu ma-belabe na, mōnda ma maya  
natena oeñge. \*Nika nde e londi di di kwa- 9  
labe na mutoper'a-mudi Yeremia na: „Na  
babo ba nongo mu mualalo ma bepasi ba sil-  
ba, mususedi ma nu nu susabe, nu ta nu su-  
sabe na Bona-Israel, \*nde ba bola m<sup>o</sup> onyola 10  
mōnda ma mumbwe-longo, kana Saño 'ane-  
dino mba.“

(11—14: Marko 15, 2—5. Luk. 23, 2. 3. Yoh. 18, 29—38.)

Nde Yesu a ta a teme oboso ba gobina; 11  
na gobina 'uele m<sup>o</sup> na: Oe nde kin'a Bona-  
Yuda e? Na Yesu 'alabe m<sup>o</sup> na: Kana o  
kwalino. \*Nde prisi indene na baturu ba 12

## Mateo 27.

bakeno mo njom o nyolo, a s'alabe to-lambo.

- 13 \* Na Pilato a kwalane mo na: O si ma-senga  
14 nje ba temno mboñ onyol'año e? \* Nde a  
s'alabe mo to eyala ewo, ka nyena gobina a  
nyaka bwambi.

(15—26: Marko 15, 6—15. Luk. 23, 13—25. Yoh. 18, 39—19, 1.)

- 15 Nde o bunya-ba-bosañgi gobina a ta a ko-  
longone josea dimuti to-njika mot'a-beboa  
16 mowó nyena batondino. \* Nde o ni ponda  
mene ba ta ba bene mot'a beboa mowó, nu  
bian onyola bobo bao, dina lao na: Baraba.  
17 \* Nde ba kotomno, na Pilato a kwalane babo  
na: Lo tondi ná n'oseye binyo nja, Baraba  
18 nga Yesu, nu nu belabe Kristo e? \* Ebanja  
a ta a bia ná ba bake nde mo onyola ekon.  
19 \* Nde niponda a jaino o bejedi ba muka, munj'  
ao a ta a lomea mo muendi, a kwala na: O si  
bene lambo o bolane nu moto nu tem na sim,  
ebanja na taki onyol'ao gita bon bulu o ndoti.  
20 \* Nde prisi indene na baturu ba ta b'embe  
dimuti ná ba sosomeye onyola Baraba, nde ba  
21 bwe Yesu. \* Na gobina 'alabe, a kwalane  
babo na: Njika mowó nya ban babane lo ton-  
dino ná n'oseye binyo e? Na babo bakwala  
22 na: Baraba. \* Na Pilato a kwalane babo na:  
Na boleye so Yesu, nu belabe Kristo, ne e?  
Na babo bese bakwala na: A bomabele o  
23 mbasa. \* Na gobina a kwala na: Njika bobo  
a bolino e? Na babo ba beñga te misea na:  
24 A bomabele o mbasa. \* Nde Pilato 'enno, ná  
a si ma-wele pe jeka to-lambo, etoise e ma-  
beñga nde kola, na mo a noño madiba 'oa

## Mateo 27.

maa oboso ba dimuti, a kwala na: Mba na si  
 ben njom o maya ma nun moto nu tem na  
 sim; binyo momene ombwa nika! \*Na di- 25  
 muti lese di alabe, di kwala na: Maya mao  
 ma be omony asu na omony a bana basu!  
 \*Na mo'osea babo Baraba, a bola pe ná ba 26  
 dipe Yesu lonyanyo, a bake mo o bomabele  
 o mbasa.

(27—31: Marko 15, 16—20. Yoh. 19, 2—16.)

Na bato-ba-bila ba gobina ba nongo Yesu 27  
 b'alané mo o ndabo a muka, na babo ba  
 kotele dimuti la bato-ba-bila lese na mo,  
 \*ba songwane mo mbot'ao, ba botise mo loki 28  
 di mole, \*ba longa ekot'a ngengele, ba botise 29  
 mo o mulopo, ba bola pe mo esosongo o dia  
 lao la mom, ba numa mabongo wase oboso  
 bao, ba yoye mo, ba kwala na: Masoma na  
 oa, a kin'a Bona-Yuda. \*Na babo ba to mo 30  
 malodi, ba nongo y'esosongo, ba dipa mo o mu-  
 lopo. \*Nde ba boleno yoye mo, ba songwane 31  
 mo di loki, ba botise mo mbot'ao, b'alané mo  
 o bomele mo o mbasa.

(32—56: Marko 15, 21—41. Luk. 23, 26. 38. 49. Yoh. 19, 17—30.)

Nde ba busino, ba dongamene mot'a Ky- 32  
 rēne, dina lao na Simon, na babo ba nyaki-  
 sane mo o bambe mbas'ao. \*Nde niponda 33  
 ba poino o wuma i belabe Golgota, nika nye  
 nde na, wum'a bekekeleke ba mulopo, \*na 34  
 babo ba bola mo benyon be ma-banye be pun-  
 gwabe na madiba ma mbongi; nde a kekino  
 mo, na mo a banga nyo mo. \*Nde ba boleno 35  
 bomele mo o mbasa, na babo b'abane mbot'

## Mateo 27.

ao nà nyose la male, ná eyal'a mutoper'a-  
 mudī elonde, a kwalino na: „B'aban mbot'am  
 na babo momene, nde ba nyose male onyola  
 36 loki lam.“ \*Na babo baja wase o tata mo.  
 37 \*Nde ba wele betiledi ba njom ao omony a  
 mulopo mao na: Yesu nun, kin'a Bona-Yuda.  
 38 \*Ba ta pe ba bomele bato b'ebwan baba o  
 mbasa na mo, mowó o dia lao la mom, nune  
 39 pe la dimose. \*Nde ba bata ba tomba, ba  
 40 yoye mo, ba souse milopo mabu, \*ba kwala  
 na: Oa nu ma-bulele tempel, nde o longa pe  
 mo o minya milalo, suŋga oamene. Oe te  
 41 Mun'a Loba siba o mbasa. \*Nikamene pe nde  
 prisi indene na babiedi-ba-kalat'a-Loba na ba-  
 42 turu ba yodino mo, ba kwala na: \*A ta a  
 suŋga bapepe, nde a si ma-wele suŋga momene;  
 e te kin'a Israel, a sibe so o mbasa tatan, nde  
 43 di ma-dube mo; \*a ta apite na Loba, a suŋge  
 so mo tatan, yetena a tondi mo; ebanja a  
 44 kwali na, ne nde Mun'a Loba. \*Nikamene  
 pe nde ba bato b'ebwan, bena ba bomabele  
 45 o mbasa na mo, ba yodino mo. \*Nde  
 muititi muta o ekombo yese, botea ngen mu-  
 46 toba natena ngen dibua. \*Nde o ngen dibua,  
 Yesu a te musea na doi la monymony na:  
 Eli, Eli, lama sabaktani? nika nye  
 nde na: A Loba lam, a Loba lam,  
 47 onyolanje o bangisanno mba e? \*Nde  
 dongo bena bata ba teme oten ba seŋgino  
 48 nika, bakwala na: A ma-bele nde Elia. \*Na  
 dibokimene mowó nyabu 'ala, a nongo swam,  
 a londise mo na benyon be ma-banye, a wele mo

## Mateo 27.

omony a esosongo, a nyose mo. \*Nde bane 49  
pe ba kwala na: Esele te, di ombwe nga Elia  
ama-ya o suŋga mo. \*Na Yesu a te pete 50  
musea na doi la monymony, na mo a patea.

Nde ombwa, ekeŋan a tempel e ta edomea 51  
moŋgo maba omony natena o wase, minyaŋ-  
gadu mita mi soa, madale ma ta ma domea,  
\*soŋgo ita i telame, na gita la manyolo ma 52  
basanġedi bena bata ba ko iyo, ma ta ma  
pumbwa; \*na babo babusa o soŋgo, ombusa 53  
pumbwa lao, b'ala o mundi musaŋgi, b'enene  
na gita. \*Nde muaned'a bila na bato bao 54  
bena ba ta ba tata Yesu, b'enno soa la mi-  
nyaŋgadu na ma mambo ma bolan, ba bwa  
boŋgo bwambi, ba kwala na: Nambale nun  
ata nde Mun'a Loba. \*Nde gita la bito 55  
bata oten, bata ba teme etum o jombwa,  
bena ba ta ba bupe Yesu o Galilea o bolea  
mo. \*Maria Magdalena pe, na Maria nyaŋgo 56  
a Yakobo na Yoses, na nyaŋgo a bana ba  
Sebedeo ba ta oten.

(57—61: Marko 15, 42—47. Luk. 23, 50—55. Yoh. 19, 38—42.)

Nde ebiamu epoino, mbwaŋ ma moto mowó 57  
mu ta mu wa o Arimatia, dina lao na Yosef,  
nu ta pe mokwel'a Yesu, \*a ta 'ala na Pilato, 58  
a sosomeye mo onyola mbimba ma Yesu. Na  
Pilato a bola doi ná mbimba mu bolabe mo.  
\*Na Yosef a noŋgo mbimba, a wulele mo o mbom 59  
a bwam ni saŋgi, \*a neŋgele mo o soŋgo ao 60  
nya penya, nyena a tano apoa o dale, a wuŋ-  
gulane dale dindene o muna ma soŋgo, na  
mo'ala. \*Nde Maria Magdalena na Maria 61

## Mateo 27. 28.

nupepe ba ta oten, ba ta ba ja wase tēngene  
soṅgo.

- 62 Nde o bone bunya ba kiele, boena bo ta  
bo bupe bunya ba mboṅsan, prisi indene na  
63 Farisai ba ta ba kotone o mboa Pilato, \*ba  
kwala na: A saṅgo, di timbi joṅgele ná nu  
mot'a mawondon, ponda a tano loṅge, a ta a  
kwala na: Na mende pumbwa ombusa minya  
64 milalo. \*Bola so doi ná soṅgo e tatabe na-  
tena bunya bo londe milalo, ná e si ya be bo-  
kweli bao ba po, b'iba mo, nde ba kwalane  
dimuti na: A pumbo o kwedi; na mawondon  
65 ma sukan ma be bobe buka ma boso. \*Na  
Pilato a kwalane babo na: Noṅgo batatedi,  
l'ale, lo bole ná e tatabe kana lo welino.  
66 \*Na babo b'ala, ba bola ná soṅgo e tatabe,  
ba bate eyemban o dale, ba tese pe batatedi.

(28, 1—10: Marko 16, 1—10. Luk. 24, 1—10. Yoh. 20, 1—18.)

- 28 Bunya-ba-wumse bo tombino, o mbat'a idi-  
ba nya bunya ba boso ba woki, Maria Magda-  
lena na Maria nupepe ba ta ba po o jombwa  
2 soṅgo. \*Nde ombwa, soa la minyaṅgadu  
dindene di ta; ebanja angel a Saṅgo e ta e  
wa o mony, e po, e sumwa dale, na mo e ja  
3 omony ao. \*Beombwedi bao be ta ka mote-  
4 mote, mbot'ao pe e ta esaṅga ka pembe. \*Nde  
onyola boṅgo bao, batatedi ba ta ba soasoane,  
5 ba timba ka mbimba ma bato. \*Nde angel  
e ta e alabe, e kwalane ba bito na: Lo si bwa  
boṅgo, ebanja na bi ná lo ma-pulise nde Yesu  
6 nu ta nu bomabele o mbasa. \*A titi o uan,

## Mateo 28.

ebanja a pumbo, kana a kwalino. Binyo ya,  
l'ombwe wuma Saŋgo a tano a naŋga. \*Nde 7  
binyo lo wamse wala, lo kwalane bokweli bao,  
ná a pumbo o kwedi, nde ombwa, 'alo binyo  
oboso o Galilea, oten nde lo mendeno jene  
mo. Ombwa, na kwalan binyo nika. \*Na 8  
babo ba wamse jasumwe o soŋgo na boŋgo  
na munyenŋe mundene, b'ala o laŋgwea bok-  
weli bao nika. \*Nde b'alongo o laŋgwea bok- 9  
weli bao, ombwa, na Yesu a doŋgamene babo,  
a kwala na: Masoma ma be na binyo. Na  
babo ba sisea mo o nyolo, b'alea miende mao  
b'owe mo. \*Na Yesu a kwalane babo na: 10  
Lo si bwa boŋgo; binyo ala lo laŋgweye bona-  
tete, ná b'ale o Galilea, oten nde ba mendeno  
jene mba.

Nde b'alongo, ombwa, doŋgo la batatedi ba 11  
ta ba po o mudi, ba laŋgwea prisi indene  
mambo mese mena ma ta ma bolane. \*Na 12  
babo ba kotone na baturu, ba weka muano, ba  
bola ba bato-ba-bila gita la moni, \*ba kwala 13  
na: Binyo lo kwala na, bokweli bao nde ba poi  
o bulu, nde b'ibino mo, ke di kwedi iyo.  
\*Nde yetena nika epoi te o matoi ma gobina, 14  
ke biso di mende loko mo, ná lo sikusa ndutu.  
\*Na babo ba noŋgo mu moni, ba bola kana 15  
baleaben; nde ben beyala beta bepambilane  
oteten a Bona-Yuda natena oeŋge.

Nde dom la bokweli na mowó ba ta b'ala 16  
o Galilea, omony a mu mudoŋgo Yesu a tano  
akwalane babo. \*Nde b'enzo mo, b'owe mo, 17  
nde doŋgo pe ba ta ba diŋga penda. \*Na 18



## Mateo 28. Marko 1.

Yesu a sisea bebe, a kwalane babo na:  
Nginya nyese emá-bolabe mba o mony  
19 na o wase. \*Binyo ala so, timbise ma-  
tumba mese bokweli bam, o ka dubise  
babo o dina la Tete, na la Muna, na la  
20 Mudī Musangi, \*na lee babo o nenge  
mambo mese n'anedino binyo. Nde  
ombwa, ne na binyo minya mese natena  
su la wase!

---

# MIANGO MA BWAM

## KAPONDA MARKO.

---

(1, 2—8: Mat. 3, 1—12. Luk. 3, 1—18. Yoh. 1, 19—30.)

1 Beboteri ba miango-ma-bwam ma Yesu  
2 Kristo, Mun' a Loba. \*Kana e tilabeno  
o batoperi-ba-mudī na: „Ombwa na ma-loma  
angel am oboso bongo, ni mende ponge nge'  
3 aango; \*doi la mulangwedi, di sengabe o eyan  
na: Pongo nge' a Sango, tese mangea mao na  
4 sim.“ \*Yohane, a ta a busa o eyan, a dubise,  
a langwa dubise la jatele, onyola lakise la  
5 miobe. \*Nde ekombo a Yudea yese na bato  
ba Yerusalem bese ba ta b'ala na mo, ba ta  
ba dubisabe na mo o mopi ma Yordan, kana  
6 ba tano bapusele miobe mabu. \*Nde Yohane  
a ta nde aboto nyo a kamel na ngod' a eyobo  
a nyama o edue ao, a ta pe nde a da besele  
7 na bombo b'eyidi. \*Nde a ta a langwa, a kwala

## Marko 1.

na: Mowó a ma-wa mba ombusa, nu buki mba nginya, nyena na si dongamen to o nuŋgame wase o wunja mo misinga ma betambi bao. \* Na dubise nde binyo na madiba, nde mo a 8 mende dubise binyo na Mudi Musangi.

(9—11: Mat. 3, 13—17. Luk. 3, 21. 22. Yoh. 1, 31—34.)

Nde e ta na o mi minya, Yesu a ta a wa 9 o Nasaret nya Galilea, ná a dubisabe na Yohane o Yordan. \* Nde dibokimene, niponda 10 awuno o madiba, 'ene mony etindam, na Mudi musiba omony ao ka mbeŋga. \* Nde doi di 11 ta di wa o mony, di kwala na: Oa nde oe Mun'am nya ndolo, na dolisan na oa.

(12. 13: Mat. 4, 1—11. Luk. 4, 1—13.)

Na dibokimene Mudi mu diele mo o eyaŋ; 12 \* nde a ta o eyaŋ muaneŋi ma minya, a ta a 13 kekisabe na Satan, nde ata aja na nyam'a eyidi, nde angel ita i bolea mo. \* Nde niponda 14 Yohane a tano a má-putabele, Yesu a ta a po o Galilea, alaŋgwa miango-ma-bwam ma Loba, \* a kwala na: Ponda emá-londa, janea 15 la Loba di á bebe; binyo ateŋe, dube miango-ma-bwam.

(16—20: Mat. 4, 18—22. Luk. 5, 1—11.)

Nde niponda atano adaŋgwa sambane la 16 munja ma Galilea, na mo 'ene Simon na muna-sango Andrea, bata ba pimba epese o munja; ebanja bata nde bato ba musombo. \* Na Yesu 17 akwalane babo na: Binyo bupe mba, namende timbise binyo basombwe-bato. \* Na diboki- 18 mene b'esele bepese, ba bupe mo. \* Nde a 19 sisedino pe oboso son, na mo 'ene Yakobo

## Marko 1.

mun' a Sebedeo na muna-nyaŋgo Yohane,  
babo pe ba ta nde o bolo, ba baŋgwa bepese.  
20 Na mo a bele babo dibokimene; \* na babo b'  
esele saŋgo abu Sebedeo o bolo na baboledi,  
na babo b'ala bupe mo.

(21—28: Luk. 4, 31—37.)

21 Nde ba ta b'ala o Kapernaum, na dibokimene o bunya-ba-wumse 'inŋea o ndabo a  
22 ndoŋgamen, a lee babo; \* nde ba ta ba tanya onyola beleedi bao; ebanja a ta a lee babo ka mowó nu ben ŋginya, seto ka babiedi-ba  
23 kalat'a-Loba. \* Nde dibokimene moto mowó a ta o ndabo a ndoŋgamen, nu ta nu bene  
24 mudī musisaŋgi, na mo ate musea, \* akwala na: O, a Yesu nya Nasaret, nje di benno o bolane oa? Opoi nde o nyamse biso? Di  
25 bi nja oeno: Nyabosaŋgi nya Loba. \* Na Yesu adomea mo, akwala na: Ko na pi, busa  
26 na mo! \* Na mudī musisaŋgi musimasimane mo, mute musea monymony, mubusa na mo.  
27 \* Nde bese ba ta b'uba, ka nyena b'uele mowó na nune, ba kwala na: Din le nde ne? Njika beleedi ba penya ben? Am'anea midī mi si saŋgi na ŋginya, na mo mi seŋgane mo.  
28 \* Na mumban mao mu busa dibokimene o ekombo a Galilea yese.

(29—34: Mat. 8, 14—17. Luk. 4, 38—41.)

29 Na dibokimene ba busa o ndabo a ndoŋgamen, ba po o ndabo a Simon, na Andrea  
30 na Yakobo na Yohane pe. \* Nde nyaŋgo a Petro nya diba (nyaŋgo a munj'ao) a ta a naŋga na ŋgo, na babo ba laŋgwea mo di-

## Marko 1.

bokimene onyol'ao. \* Na mo 'ala na mo, a 31  
kwe mo dia, a tese mo, na ngo ny'esele mo,  
na mo a bolea babo. \* Nde ebiamu e 32  
poino, niponda wei i sibino wase, na babo ba  
wana mo bese bena bata babo na bamidi-  
ma-bobe; \* nde mudi muese muta mukotome 33  
o jombe. \* Na mo abolise gita bena ba ta ba 34  
boa nyai a maboa, a busise pe gita la midī  
ma bobe, nde as'esele midī ma bobe mi topo,  
ebanja mi ta mi bia mo.

(35—39: Luk. 4, 42—44.)

Nde o idiba, ke bunya bo si bedi, a ta a 35  
teme, a busa, 'ala o wum'a eyan, a kane oten.  
\* Nde Simon na ba bena ba ta na mo, ba ta 36  
b'ala bupe mo, \* na babo baso mo, ba kwalane 37  
mo na: Bese ba ma-pulise oa. \* Na mo a 38  
kwalane babo na: Esele biso diale pe o mindi  
mipepe, ná nalaŋgwe pe oten, ebanja onyola  
nika nde na poino. \* Nde a ta a laŋgwa o 39  
mandabo mabu mā ndoŋgamen, o Galilea  
nyese, a busise pe midī ma bobe.

(40—45: Mat. 8, 2—4. Luk. 5, 12—16.)

Nde mot'a mulòŋgó a ta apo na mo, a 40  
numa maboŋgo oboso bao, a sosomea mo, a  
kwalane mo na: O emedi te, oena o wele  
saŋgise mba. \* Na Yesu abwa ndedi, asam- 41  
bise dia lao, a tapa mo, a kwalane mo na:  
N'emedi, saŋga! \* Nde dibokimene mulòŋgó 42  
mu asumwe na mo, na mo asaŋga. \* Na mo 43  
a domea mo, a busise mo, \* a kwalane mo na: 44  
Obia pon, o silaŋgwea to-moto to-lambo, nde  
ala nde o leelee oamene na prisi, o bole jabea

## Marko 1. 2.

onyola saŋgisabe loŋgo, nje Mose ateseno,  
45 o be mboŋ na babo. \*Na mo a busa, a kumwa  
laŋgwa gita, a pambilane di lambo, ka nyena  
asita a wele pe wala o mudi o mpoma, nde  
ata nde aja ombusa (mudi), o wum'a eyaŋ,  
nde bata ba wa o wuma yese, ba po na mo.

(2, 1—12: Mat. 9, 1—8. Luk. 5, 17—26.)

2 Nde ombusa ŋus'a minya ata 'iŋgea  
pete o Kapernaum, nde eta e biane ná e o  
2 mboa. \*Na dibokimene gita di kotome, ka  
nyena to o jombe wuma isita pe, na mo a  
3 laŋgwea babo eyala. \*Nde bato bata ba po  
na mo, ba wana mot'a njembele nu ta nu  
4 bambabe na banei. \*Nde kana ba si tano ba  
wele po na mo onyola dimuti, na babo ba tele  
munyua wuma atano, nde batelene, na babo  
basibise noŋgo, lena mot'a njembele atano a  
5 naŋga. \*Nde Yesu 'enno jemea labu, na mo a  
kwalane nu mot'a njembele na: A muna, miobe  
6 moŋgo milakisabe! \*Nde doŋgo la babiedi-ba-  
kalat'a-Loba bata baja oten, bata ba dutea o  
7 milema mabu na: \*Nje nun a ma-topono nika  
e? a ma-topo nde dibena. Nja ena alakise mio-  
8 be, esi be Loba momene e? \*Nde dibokimene  
Yesu a ta a so o mudi mao, ná ba ma-dutea  
nika na babo momene, na mo a kwalane babo  
na: Onyolanje lo ma-duteano nika o milema  
9 manyu? \*Njika lambo di bobi buka dine, o  
kwalane mot'a njembele na: Miobe moŋgo  
mi lakisabe, to kwala na: Teme, noŋgó noŋgo  
10 loŋgò, o daŋgwe e? \*Nde to lo ma-bia ná  
Muna-moto a ben ŋginya o lakise miobe o

## Marko 2.

wase, na mo a kwalane mot'a njembele na:  
\*Nama-kwalane oa: teme, nongó nongó lóngò, 11  
ala o mbo'ango. \*Na mo a teme dibokimene, 12  
a nongó nongó lao, a busa oboso ba babo  
bese, ka nyena bese bata batanya, ba sesa  
pe Loba, ba kwala na: Di s'en ninka la-  
mbo tom.

(13—17: Mat. 9, 9—13. Luk. 5, 27—32.)

Na mo a busa pete o munja, na dimuti 13  
lese di po na mo, na mo a lee babo. \*Nde 14  
kana a tano a tomba, na mo 'ene Lewi, mun'a  
Alfeo, a ta aja o ndabo a njangi, na mo a  
kwalane mo na: Bupe mba! Na mo a teme,  
a bupe mo. \*Nde eta na, niponda a tano 15  
aja o tebedi o ndabo ao, gita la bakotedi  
na babobe pe bata baja o tebedi na Yesu  
na bokweli bao; ebanja bata gita bena ba  
ta ba bupe mo. \*Nde babiedi-ba-kalat'a- 16  
Loba na Farisai b'ennó ná a ma-da na babobe  
na bakotedi, ba kwalane bokweli bao na:  
A ma-da nde na nyo pe na babobe na ba-  
kotedi? \*Nde Yesu a seŋgino nika, na mo 17  
a kwalane babo na: Baŋginya ba si ma-pula  
mot'a-bwaŋga, ke baboedi. Na sipoi o bele  
batem-na-sim, nde babobe.

(18—22: Mat. 9, 14—17. Luk. 5, 33—38.)

Nde bokweli ba Yohane na Farisai ba ta 18  
onyola kandane la da. Nde bata ba po, ba  
kwalane mo na: Onyolanje bokweli ba Yo-  
hane na ba Farisai ba ma-kandaneno da, nde  
bokweli boŋgo ba si kandane e? \*Na Yesu 19  
a kwalane babo na: Bato ba diba bena ba

## Marko 2.

kandane da, ke mubaedi e na babo e? Ponda  
mubaedi eno na babo, ba titi ná ba kandane  
20 da. \* Nde minya mi mende po, miena mu-  
baedi a mendeno nongobe na babo, denge  
21 ba mende kandane da o bo bunya. \* To-moto  
a titi ná a bangwa mulendi ma dibato la pibo  
ma penya onyola edun a mboti; ke mu mu ma-  
bangwabe, ma penya, mu m'asumwe n'edun,  
22 na enyauuele e beŋga nde kola. \* To-moto a  
titi ná a wele mao ma penya onyola bedun  
ba bekaŋga; ke mao ma penya ma ma-doma  
bekaŋga, na mao ma komea, bekaŋga pe be  
nyama; nde b'aŋgamen nde wele mao ma  
penya onyola bekaŋga ba penya.

(23—28: Mat. 12, 1—8. Luk. 6, 1—5.)

23 Nde e ta na o bunya-ba-wumse, a ta a  
tomba oteten a mionda ma mbasi, nde bokweli  
bao, kana ba tano ba tomba o ngea, ba kumwa  
24 polo miso ma mbasi. \* Na Farisai ba kwalane  
mo na: Ombwa, nje ba ma-bolano lambo di  
25 s'aŋgamen o bunya-ba-wumse e? \* Na mo  
a kwalane babo na: Lo si laŋgi nje Dawid a  
bolino, niponda a tano a taka, mo na ba bata  
26 na mo ba bono njai e? \* Neni 'iŋgedino o  
ndabo a Loba, niponda Abiata a tano prisi  
nindene, a dedino bewolo be tesebe oboso ba  
Loba, bena be s'aŋgamen dabe na moto, ke  
na prisi momene, a bola pe na ba ba ta na mo  
27 e? \* Na mo a kwalane babo na: Bunya-ba-  
wumse bo wekabe nde onyola moto, seto moto  
28 onyola bunya-ba-wumse. \* Onyola nika so Muna-  
moto nde e pe saŋgo onyola bunya-ba-wumse.

### Marko 3.

(3, 1—6: Mat. 12, 9—14. Luk. 6, 6—11.)

Na mo 'in<sup>g</sup>ea pe<sup>t</sup>e o ndabo a ndo<sup>ng</sup>amen, **3**  
nde moto mo<sup>w</sup>á a ta oten, nu ta nu be<sup>n</sup>e dia  
di we<sup>d</sup>i. \* Nde ba ta ba so<sup>m</sup>o mo, ná nga **2**  
ena a bo<sup>l</sup>ise mo o bunya-ba-wumse, ná ba die  
njom na mo. \* Na mo a k<sup>w</sup>alane nu mot' a **3**  
dia di we<sup>d</sup>i na: Busa, te<sup>m</sup>e oteten. \* Na mo **4**  
a k<sup>w</sup>alane babo na: E a<sup>ng</sup>amen o bunya-ba-  
wumse o bola bwam, nga bo<sup>b</sup>e; o su<sup>ng</sup>a  
lo<sup>ng</sup>e, nga bwa mo e? Na babo ba<sup>k</sup>o na  
sao. \* Na mo'ombwa babo muri na muri na **5**  
ma<sup>li</sup>nga, a bwa ndedi onyola bwambi ba  
milema mabu, a k<sup>w</sup>alane nu moto na: Sa<sup>m</sup>bise  
dia lo<sup>ng</sup>o. Na mo a sa<sup>m</sup>bise mo, na dia lao  
di timba bwam ka di<sup>n</sup>e. \* Na Fa<sup>ri</sup>sai ba busa **6**  
di bo<sup>k</sup>ime<sup>n</sup>e, ba weka muano na bona-Herode  
onyol' ao, ne<sup>n</sup>i be<sup>n</sup>o ná ba bwa mo.

(7—12: Mat. 12, 15. 16. Luk 6, 17—19.)

Na Yesu a we<sup>ng</sup>emeye na bo<sup>k</sup>weli bao **7**  
be<sup>b</sup>e na mu<sup>n</sup>ja; nde gi<sup>t</sup>a la di mu<sup>t</sup>i la Ba-  
Ga<sup>li</sup>lea di ta di bu<sup>p</sup>e mo, nde o Yu<sup>d</sup>ea, \* na **8**  
o Ye<sup>ru</sup>salem na o Idu<sup>m</sup>ea na o mu<sup>n</sup>e muri  
ma Yo<sup>r</sup>dan na o epas'a Tyro na Si<sup>d</sup>on, di-  
mu<sup>t</sup>i di<sup>n</sup>dene, ni<sup>p</sup>onda ba se<sup>ng</sup>ino mambo a  
bo<sup>l</sup>ino, di ta di po na mo. \* Na mo a k<sup>w</sup>alane **9**  
bo<sup>k</sup>weli bao ná bo<sup>l</sup>o bo bo<sup>ns</sup>ane onyol' ao,  
onyola di mu<sup>t</sup>i, ná ba si ya be ba wa<sup>la</sup>me<sup>n</sup>e  
mo; \* e<sup>b</sup>anja ata a bo<sup>l</sup>ise gi<sup>t</sup>a, ka nyena be<sup>s</sup>e **10**  
ba ta ba be<sup>n</sup>e sese, ba ta ba<sup>k</sup>o mo o nyolo  
o ta<sup>p</sup>a mo. \* Mi<sup>d</sup>i mi si sa<sup>ng</sup>i pe mi en te **11**  
mo, mi<sup>k</sup>o wa<sup>s</sup>e oboso bao, mi te mu<sup>s</sup>ea,  
mi<sup>k</sup>wala na: Oa oe nde Mu<sup>n</sup>'a Lo<sup>b</sup>a. \* Nde **12**



### Marko 3.

a ta a domea mo bwambi, ná mi si biise mo.

(13—19: Mat. 10, 1—4. Luk. 6, 12—16.)

13 Na mo 'ondea omony a mudongo, a bele  
ba bena a tano a pula o ya na mo, na babo  
14 b'ala na mo. \* Na mo a tese dom na baba,  
ná babé na mo, na ná a lome babo o langwa,  
15 \* na o bene nginya o bolise maboa na busise  
16 midí ma bobe; \* a bola Simon dina na: Petro;  
17 \* Yakobo mun'a Sebedeo pe na Yohane muna-  
nyaŋgo a Yakobo, a bola pe babo dina na:  
Boanerge, nika nye nde na: bana ba ngad'a  
18 Loba; \* na Andrea na Filipino na Bartolomeo  
na Mateo na Tomasi na Yakobo, mun'a Alfeo,  
19 na Tadeo na Simon, mot'a Kana, \* na Yuda  
Iskariot, nu ny'andise mo.

20 Na babo bapo o mboa; na dimuti di  
kotome pete, ka nyena ba si ta to ba wele da  
21 ewolo. \* Nde bato bao ba seŋgino nika, na  
babo ba busa o putea mo; ebanja ba ta ba  
kwala na: A ma-boa njou.

(22—30: Mat. 12, 24—32. Luk. 11, 15—22; 12, 10.)

22 Nde babiedi-ba-kalat'a-Loba, bena ba ta  
ba wa o Yerusalem, ba kwala na: A ben nde  
Beelsebub, na na: onyola muaned'a midí ma  
23 bobe nde a ma-busisenó midí ma bobe. \* Na  
mo a bele babo na mo, a kwalane babo o  
minia na: Neni Satan eno ná a busise Satan?  
24 \* Yetena janea di aban na momene, ke di janea  
25 di titi ná di teme. \* Yetena ndabo e aban na  
26 momene, ke ni ndabo e titi ná e teme, \* nde  
yetena Satan a tem lingise momene, 'abane

### Marko 3. 4.

pe na momene, ke a titi na a teme, nde a  
ma-bene su. \* Nde to-mowó a titi ná a wele 27  
jinge a o ndabo a mot'a nginya o dumba bema  
bao, yetena a si sele kaka mot'a nginya, ombusa  
nika to denge a ma-dumba ndabo ao. \* Na- 28  
mbale, nā-laŋgwea binyo: Miobemese mi mende  
lakisabe bana ba bato na mabena, to njika  
gita ba ma-benano; \* nde nu nu ma-tope di- 29  
bena lingise Mudī Musangi, a si ben lakise  
natena o bwindea, nde a ben njom a muka  
ma bwindea. \* Ebanja ba kwali na: A ben 30  
mudī mu si saŋgi.

(31—35: Mat. 12, 46—50. Luk. 8, 19—21.)

Nde nyaŋgo na bona-saŋgo bata bapo, ba 31  
teme o eboko, ba loma o bele mo. \* Nde di- 32  
muti di ta di ja diŋgele mo. Na babo ba  
kwalané mo na: Ombwa, nyaŋgo na bona-  
saŋgo ba bome na ba bito be o eboko ba ma-  
pulise oa. \* Na mo 'alabe babo, a kwala na: 33  
Nja e nyaŋgo am na bona-saŋgo am? \* Na 34  
mo 'ombwa muri na muri ba ba ta ba ja diŋ-  
gele mo, a kwala na: Ombwa, nyaŋgo am na  
bona-saŋgo am. \* Ebanja to-nja nu ma-bole 35  
jemea la Loba, ke mo nde e muna-saŋgo am  
nya mome na nya muto na nyaŋgo am.

(4, 1—20: Mat. 13, 1—23. Luk. 8, 4—15.)

Nde a ta pete a botea lee bebe na munja; 4  
na dimuti dindene di kotome na mo, ka nyena  
ata a peye o bolo, aja o munja, nde dimuti  
lese di ta di teme o mudi, bebe na munja.  
\* Na mo a lee babo gita o minia, a kwalané 2  
babo o beleedi bao na: \* Binyo seŋga! Ombwa, 3

## Marko 4.

- 4 musaedi a ta 'ala miasele mbolako. \* Nde e  
ta na o miasele lao, doŋgo di ko o ŋgea, na  
5 lonon lo po, lo soma mo. \* Doŋgo pe di ko o  
minyaŋgadu ma madale, wuma isitano ibene  
minyaŋgadu gita, na mo iwamse pumea di-  
bokimene, ebanja isita ibene minyaŋgadu  
6 mi poti; \* nde wei i busino, na mo ibubwea,  
nde onyolana isita ibene miaŋga, na mo  
7 i wo. \* Doŋgo pe di ko o wum'a ŋengele,  
nde ŋengele ipumedino, na mo ibwa mo,  
8 isiye bepuma. \* Doŋgo pe di ko o minyaŋ-  
gadu ma bwam, na mo iya bepuma, bena  
be ta benyaka betondo pe, iya doŋgo mualalo,  
9 doŋgo mumutoba, doŋgo pe ebwea. \* Na mo  
a kwala na: Nu nu ben matoi o seŋga, ese-  
le mo a seŋge.
- 10 Nde niponda a tano momene mowó, ba  
bena bata na mo na dom na baba, bata  
11 b'uele mo onyola mun munia. \* Na mo a  
kwalane babo na: E bolabe na binyo o bia  
besoka ba janea la Loba; nde bane be o ebo-  
12 ko, mese ma bolabe nde babo o minia, \* ná  
„o jene ba m'ene, nde ba si ma-bia, o seŋga  
pe ba ma-seŋga, nde ba si ma-son̄tane, na ba  
si ya be b'atele, nde miobe milakisabe babo“.
- 13 \* Na mo a kwalane babo na: Lo si bī mun  
munia, neni so lomenden̄o son̄tane mine mi-  
14 nia mese e? \* Musaedi a ma-miasele eyala.
- 15 \* Nde ba be o ŋgea be nde na: wuma eyala  
e miasabel̄eno, nde ba seŋgi te na dibokimene  
Satan a po, a sumwa eyala, yena e ta e mia-  
16 sabele babo o milema mabu. \* Nikamene pe

## Marko 4.

ban bena bamiasabele o wum'a madale, be nde  
ba bena ba seŋgi te eyala, na dibokimene ba  
noŋgo mo na munyeŋge, \* nde ba si bene mi- 17  
aŋga oteten abu, bama-tiŋgame nde son a  
ponda; nde ombusa nika, yetena ndutu to mi-  
takisan onyola eyala ba poi te, na dibokimene  
ba sonjo. \* Nde bapepe pe be nde ba bena 18  
bamiasabele o wum'a ŋgeŋgele: be nde ba  
bena ba seŋgi eyala, \* nde mutaka ma mun 19  
mundi-ma-wase, na mawondon ma bema na  
bepuledi ba mambo mapepe b'ingea, ba bwa  
eyala, na mo e si ye bepuma. \* Nde ban nde 20  
bamiasabele o minyaŋgadu ma bwam, bena  
bama-seŋge eyala, na babo ba noŋgo mo, ba  
ya bepuma, doŋgo mualalo, doŋgo mumutoba,  
doŋgo ebwea.

(21—25: Luk. 8, 16—18.)

Na mo akwalane babo na: Etrukaŋ e ma- 21  
po nde o tesebe owasa elimbi to owasa noŋgo  
e? seto o tesebe omony a tebedi e? \* Ebanja 22  
to-lambo di si wutam, ke ná di mende biisabe;  
to-lambo di si wutabe ke ná di mende busa o  
muenen. \* Moto a ben te matoi o seŋga, esele 23  
mo a seŋge!

Na mo akwalane babo na: Lo bia pon 24  
nje lo ma-seŋgano! Di dimene mene binyo lo  
ma-meneno, di ma-menebe pe binyo, nde e  
mende pe batabele binyo ba bena ba ma-  
seŋge. \* Ebanja to-nja nu ben e mende bo- 25  
labe mo, nde to-nja nu si ben e mende noŋgobe  
na mo, yemene a benno.

Na mo akwala na: Janea la Loba le nde 26

## Marko 4.

ninka, biana yetena moto a wele mbolako o  
27 minyaŋgadu, \*nde a ko iyo, a teme pe, bulu  
na muese, nde mbolako i pumea, i nyaka, mo-  
28 mene a si bie neni. \*Minyaŋgadu mi ma-ya  
bepuma na momene, beyadi oboso, denge be-  
29 woto, denge mbasi i londi. \*Nde bepuma be  
ma-joa te, na dibokimene a loma diwendi la  
mumbwa, ebanja mumbwa mu ma-po.

(30—34: Mat. 13, 31. 32. 34. Luk. 13, 18. 19.)

30 Na mo akwala na: Na nje di ma-menene  
janea la Loba e, to njika munia di ma-leanene  
31 mo e? \*Je nde biana mbolako a ewole, nyena  
e miasabele te o minyaŋgadu, e salo buka  
32 mbolako yese o wase; \*nde e miasabele te,  
na mo e pumea, e kola buka bewudu bese, e  
busise mikanjo, ka nyena lonon la mony lo  
ma-wele longa madumbu owasa edingeding'ao.  
33 \*O ninka gita la minia nde a tano a langwea  
babo eyala, kaponda ba tano ba wele seŋga  
34 mo. \*A si ta a langwea babo, esi be na munia,  
nde a ta a tele mese na bokweli bao o esoka.

(35—41: Mat. 8, 18. 23—27. Luk. 8, 22—25.)

35 Nde o bo bunya, niponda ebiamu e pino,  
na mo a kwalane babo na: Esele biso di eka-  
36 mene o mune muri! \*Nde ba ta b'esele di-  
muti, ba nongo mo, kana a tano o bolo; nde  
37 miolo mipepe pe mi ta na mo. \*Nde mudi  
mundene mu ta mu po, bemune be kumwa ko  
38 o bolo, ka nyena bolo bo ta ka londa. \*Nde  
mo ata la sina, a ko iyo o mbonga. Na babo  
b'umwele mo, ba kwalane mo na: A muleedi,  
39 o si dube, ke di nyam e? \*Nde a wuno o iyo,

## Marko 4. 5.

na mo a domea ngo, a kwalane munja na: Ko  
 na sao, be na pi! Na ngo ewo na mbole  
 nindene eko. \*Na mo a kwalane babo na: 40  
 Neni leno bongo na e? neni lo si benno te  
 jemea e? \*Na babo ba bwa bongo bwambi, 41  
 ba kwalane mowó na nune na: Nja nun e, ná  
 ngo na munja pe ba ma-seŋgane mo e?

(5, 1—21: Mat. 8, 28—34. Luk. 8, 26—40.)

Na babo bapo o mune muri ma munja, o 5  
 ekombo a bato ba Gadara. \*Nde a busino o 2  
 bolo, na dibokimene moto mowó nya mudí  
 mu si saŋgi a ta a wa o soŋgo, a dongamene  
 mo, \*nyena bejedi bao beta nde o soŋgo, 3  
 nyena to-moto a si tano a wele kaka to na  
 ngokobi, \*onyolana a ta a yoko kwesabe na 4  
 beboa na ngokobi, nde ngokobi i ta i tumabe  
 na mo, beboa pe be siabe natē be bulea; nde  
 to-moto a si ta a wele kwese mo; \*nde ponda 5  
 yese o bulu na muese a ta nde o soŋgo na  
 o midoŋgo, a te misea, a dipa momene na  
 madale. \*Nde 'enno Yesu etum, na mo 'ala, 6  
 ako wase oboso bao, a te musea monymony,  
 akwala na: \*Nje na benno o bolane oa, a Yesu, 7  
 Mun'a Loba l'asam? Na kan oa soŋgo na  
 Loba, o si takise mba! \*Ebanja a ta a kwa- 8  
 lane mo na: Busa na nu moto, a oa mudí mu  
 si saŋgi! \*Na mo 'uele mo na: Dina loŋgo 9  
 na nja? Na mo a kwalane mo na: Dina lam le  
 nde legion, ebanja je gita, \*na mo a sosomea 10  
 mo gita, ná a si paŋga babo o jasumwe o  
 y'ekombo. \*Nde dibemba la ngoa dindene 11  
 di ta o mudoŋgo o bededi. \*Na midí ma bobé 12

## Marko 5.

- mi sosomeye mō, mi kwala na: Loma biso o  
13 ngoa, ná di ingeye oten. \*Na dibokimene  
Yesu 'esele mō, na midī mi si saŋgi mi busa  
mi ingea o ngoa, na dibemba di siba o wuma  
itoŋgom, diko o munja; dita tō lokoli loba,  
14 na mō i wō o munja. \*Nde batatedi baō ba  
ta ba nya mila, ba laŋgwa nika o mundi na o  
mamboa; na babō ba pō o jombwa nje e ta  
15 e bolane. \*Na babō ba pō na Yesu, b'ene  
nu nu ta nu bene mudī ma bobe, a jai wase,  
a botisabe, a ja pē bwambwam, nu nyena nu  
ta nu bene legion, na babō ba bwa boŋgo.  
16 \*Nde ba bena bata b'ene mō, ba laŋgwea  
babō, nje e bolan na nu nu ta nu bene mudī  
17 ma bobe, na onyola ngoa pē. \*Na babō ba  
kumwa sosomea mō, ná 'asumwe o epas' abu.  
18 \*Nde a pedino o bolo na nu nu ta nu bene  
mudī ma bobe a sosomea mō, o be na mō.  
19 \*Nde a s'esele mō, a kwalan nde mō na:  
Ala nde o mbo'aŋgo na bato boŋgo, o laŋ  
gweye babō, njika mambo mandene Saŋgo a  
boledino oa, na neni a bwedino oa ndedi.  
20 \*Na mō 'ala, a kumwa laŋgwa o Dekapoli  
njika mambo mandene Yesu a boledino mō,  
21 na bese banyaka. \*Nde Yesu a timbingo  
pete pō o mune muri na bolo, na dimuti di  
ndene di kotome na mō; nde a ta nde bebe  
na munja.

(22—43: Mat. 9, 18—26. Luk. 8, 41—56.)

- 22 Na muaned'a ndabo a ndongamen a pō  
na mō, dina lao na: Yairo, nde 'enno mō, na  
23 mō a kō wase o miende mao, \*a sosomea mō

## Marko 5.

gita, a kwala na: Son am ya mun'a muto i  
naŋga bebe na kwedi, ya neŋge maa moŋgo  
omony ao, ná a suŋgabe, a be loŋge. \* Na 24  
mo'ala na mo, na dimuti dindene di bupe mo,  
na mo di walamene mo. \* Nde muto mowó 25  
nu ta nu bene diboa la maya dom la mbu  
na miba, \* nu ta nu kusa ndutu bwambi na gita 26  
la bato ba miaŋga, nu nyamse bema bao bese  
onyol'ao, nde a si ta a kusa bwam, a ta nde  
a beŋga be bobe, \* nde a seŋgino onyola Yesu, 27  
na mo a po la mbusa oteten a dimuti, a tapa  
mbot'ao; \* ebanja a ta a kwala na: Yetena 28  
na tapi te to mbot'ao momene, namende joŋga.  
\* Na dibokimene toŋgo ao nya maya ebanja, 29  
na mo a seŋga o nyolo, ná a bole na ni  
ndeŋge. \* Na dibokimene Yesu a seŋga na 30  
momene ná ŋginya e busi na mo, na mo a  
yombo o dimuti, a kwala na: Nja a tapi mbot'  
am? \* Na bokweli bao ba kwalané mo na: 31  
Oa o ene neni dimuti di walamenno oa, nde  
o kwala pe na: Nja a tapi mba e? \* Na mo 32  
ombwa o muri na muri o jene nu nu boli  
nika. \* Na nu muto a bwa boŋgo, a soasoane, 33  
ebanja a ta a bia nje e bolan na mo, a po, a  
ko wase oboso bao, alaŋgwea mo mbale  
nyese. \* Na mo a kwalané mo na: A mun' 34  
am, jemea loŋgo di oŋgise oa, ala na musaŋgo,  
bole na ndeŋ'aŋgo. \* Nde ke a dia a ma- 35  
kwala, na bato ba muaned'a ndabo a ndoŋ-  
gamen ba po, ba kwala na: Mun'aŋgo a má-  
wo. Nje o ma-takiseno pe muleedi e? \* Na 36  
dibokimene Yesu a seŋgino ye eyala, a kwa-



## Marko 5. 6.

lane muaned'a ndabo a ndoŋgamen na: O si  
 37 bwa boŋgo, dube nde. \*Nde asita 'esele to-  
 moto a bupe mo, ke Petro na Yakobo na Yo-  
 38 hane, muna-nyaŋgo a Yakobo. \*Na babo ba  
 po o ndabo a muaned'a ndabo a ndoŋgamen,  
 na mo 'ene etoise, na bato ba m'eye mbembe  
 39 na ba ma-te misea bwambi. \*Nde 'iŋgedino,  
 a kwalane babo na: Nje lo ma-toisenō, lo  
 m'eyano pe? muna asiwedi, akwedi nde iyo.  
 40 Na babo bayoye mo. \*Na mo a paŋga bese,  
 a noŋgo saŋgo a muna na nyaŋgo na ba ba  
 ta na mo, 'iŋgea o wuma nu muna a tano a  
 41 naŋga. \*Na mo 'alea dia la muna, a kwalane  
 mo na: Talita kumi, nika nye nde o tukwabe  
 na: A ŋgonderi, nama-kwalane oa: umwe!  
 42 \*Na dibokimene ni ŋgonderi e teme, e dan-  
 gwa; ebanja e ta nde dom la mbu na miba.  
 Na babo batanya na betanysedi bendene.  
 43 \*Na mo 'ane a babo bwambi, ná to-moto asi  
 bia nika, a kwala pe na, ba bole mo da.

(6, 1—6: Mat. 13, 53—58. Luk. 4, 15—30.)

6 Na mo 'asumwe oten, apo o mudi mao  
 2 (Nasaret), na bokweli bao ba bupe mo. \*Nde  
 bunya-ba-wumse bo poino, akumwa lee o nda-  
 bo a ndoŋgamen, nde gita bena ba ta baseŋga,  
 ba ta ba tanya, ba kwala na: O ueni nun a  
 wanno man, njika dibie din di bolabe mo e?  
 na ninka bebolo ba ŋginya be ma-bolane o  
 3 maa mao e? \*Nun a titi nde mot'a-uedi,  
 mun'a Maria, na muna-saŋgo a Yakobo na  
 Yoses na Yuda na Simon e? Bona-saŋgo ba  
 bito pe ba titi uan na biso e? Na babo ba

## Marko 6.

sonjo onyol'ao. \*Na Yesu a kwalane babo 4  
na: Mutoper'a-mudi a si boi n'edube, ke o  
mundi mao momene nde, na o mbia mao na  
o ndabo ao. \*Nde a si ta a wele bola to 5  
ebol'a nginya ewo oten, ke o bolise ngus'a  
baboedi, onyola nengele la maa mao omony  
abu; \*na mo anyaka onyolana ba si ta ba 6  
dube. Nde ata adangwa o mindi misadi mi  
dingele ua wuma, a lee.

(7-13: Mat. 10, 1. 9-15. Luk. 9, 1-6.)

Na mo abele dom na baba, akumwa loma 7  
babo, baba-baba, a bola babo nginya omony  
a midī mi si saŋgi, \*'anea babo, ná ba s'alea 8  
to-lambo o londo ke itumbu mene, to ewolo,  
to mukuta, to moni o ngodi, \*ba bote nde 9  
betambi momene, ba si boto loki loba. \*Na 10  
mo a kwalane babo na: Lo ingedi te o ndabo,  
loja oten, natē l'asumwe ua wuma. \*Nde 11  
to-njika wuma isi ma-noŋge binyo, to ba si  
seŋgan te binyo, binyo asumwe oten, l'umbe  
diburu le o miende manyu, o be mboŋ na  
babo. \*Na babo ba busa, ba laŋgwa na, bato 12  
b'atele, \*ba busise pe gita la midī ma bobē, 13  
b'okise gita la baboedi mula, ba bolise babo.

(14-29: Mat. 14, 1-12. Luk. 9, 7-9; 8, 19. 20.)

Nde Herode kiŋe ata a seŋga nika, ebanja 14  
dina lao di ta di busa, na mo a kwala na:  
Yohane mudubisedi a pumbo o kwedi, onyola  
nika nde bebolo ba nginya be ma-bolaneno na  
mo. \*Bapepe pe ba kwala na: Elia nu; bane 15  
pe ba kwala na: mutoper'a-mudi nu, ka mowó  
nya batoperi-ba-mudi. \*Nde Herode a seŋ- 16

## Marko 6.

gino, na mo akwala na: Yohane na keno  
 17 mulopo, mo nde apumbo. \*Ebanja mo, Herode,  
 a ta aloma, a putea Yohane, a kwese mo o  
 beboa, onyola Herodia munj'a muna-saŋgo  
 18 Filipino, ebanja ata abā mo. \*Ebanja Yohane  
 a ta akwalane Herode na: Es'aŋgamen na  
 19 oa o bā munj'a muna-soŋgo. \*Nde Herodia  
 a ta asomo mo, ata apula bwa mo, nde asi  
 20 ta awele; \*ebanja Herode ata abwa Yohane  
 boŋgo, kana atano abia ná e nde moto nu  
 tem na sim na nya bosangi, ata atata mo,  
 a seŋgane mo, o gita la mambo, a ta pe a  
 21 tondo seŋga na mo. \*Nde bunya botenŋen  
 bopoino, niponda Herode 'ipeleno bato bao  
 bandene na bānedi ba bila na miom ma bato  
 22 ma Galilea ndema o bunya bayabe lao, \*nde  
 mun'a ŋgonderi nya Herodia 'iŋgedino asaino  
 ŋgomo, e ta edolisane Herode na ba ba ta  
 baja o da na mo. Na kiŋe ekwalane ni  
 ŋgonderi na: Sosomea mba to-nje oma-pulano,  
 23 namende bola oa; \*akanea pe mo soŋgo na:  
 To-nje oma-sosomeano mba, namende bola  
 24 oa, natena epasi ewo ya janea lam. \*Na mo  
 abusa, akwalane nyaŋgo na: Napule nje e?  
 Na mo akwala na: Mulopo ma Yohane mudu-  
 25 bisedi. \*Na dibokimene awamse jinge na  
 kiŋe, asosomea, akwala na: Nama-pula ná  
 o bole mba mulopo ma Yohane mudubisedi  
 26 o poke dibokimene. \*Nde kiŋe e ta ebwa  
 ndutu, nde onyola soŋgo ao na onyola ba ba  
 ta baja na mo o tebedi, asita apula baŋgane  
 27 mo. \*Na dibokimene kiŋe eloma mowó nya

## Marko 6.

bato bao ba bila, bena ba ta ba tata mo, 'anea  
mo ná a wane mulopo mao. Na mo 'ala, a ke 28  
mo mulopo o beboa, \* a wana mulopo mao o  
poke, a bola mo ni ngonderi, na ngonderi e  
bola mo nyan̄go. \*Nde bokweli bao ba sēn- 29  
gino nika, na babo ba po, ba non̄go mbimba  
mao, ba pule mo o son̄go.

(32—44: Mat. 14, 13—21. Luk. 9, 11—17. Yoh. 6, 1—13.)

Nde bamuloloma bata bakotome na Yesu, 30  
balāngwea mo mese ba bolino na mena ba  
leen̄o. \*Na mo akwalane babo na: Esele biso 31  
di wēngemeye na bisomene o wum'a eyān, di  
wumse son. Ebanja ba bena bata bapo b'ala  
pe, bata gita, ka nyena basita babene to  
pond'a da. \*Na babo b'ala na bolo o wum'a 32  
eyān na babomene. \*Nde dimuti di ta di ene 33  
ná ba m'alano, ba so pe nika, na babo ba busa  
o mindi mese, ba dāngwa la mudi o kotome  
oten, basele po na babo, ba po na mo. \*Nde 34  
Yesu a busino 'ene dimuti dindene, na mo a  
bwea babo ndedi, ebanja bata nde ka mi-  
don̄gi mi si ben mutateri, na mo a kumwa lee  
babo gita. \*Nde ponda etano eni-ya tomba, 35  
na bokweli bao bapo na mo, ba kwalane mo  
na: Uan wuma ye nde eyān, ponda pe e má-  
tomba gita; \*esele babo b'ale o mamboa na 36  
o mindi misadi midingele uan wuma, o jandea  
babo momene da, ebanja ba si ben lambo la  
da. \*Na mo 'alabe, akwalane babo na: Binyo 37  
bola babo da! Na babo ba kwalane mo na:  
Di ale nde o janda bewolo ba bebwea ba  
denario beba, nde di bole babo da e? \*Na 38

## Marko 6.

mo a kwalane babo na: Lo ben bewolo benin-  
ga e? ala jombwa! Nde b'ombono, na babo  
39 ba kwala na: Betanu na sue iba. \* Na mo  
'anea babo ná ba bole bese baje wase, be-  
40 pepa-bepepa, o bewudu ba penya. \* Na babo  
baja wase, mabele-mabele, ebwea-ebwea na  
41 muatanu-muatanu. \* Na mo a noŋgo be be-  
wolo betanu na yi sue iba, 'ombwa o mony,  
a namse, a bua pe be bewolo, a bola mo bo-  
kweli ná ba bole mo babo, 'abane pe yi sue  
42 iba na bese. \* Nde bese ba ta ba da, b'ula.  
43 \* Na babo ba neŋge dom la besanja na beba  
44 ba bepasi na ba sue pe. \* Nde ba bena ba ta  
ba da be bewolo ba ta nde lokoli la bome  
lotanu.

(45—56: Mat. 14, 22—36. Yoh. 6, 15—21.)

45 Na dibokimene anyakisane bokweli bao  
o peye o bolo, ná b'ale oboso o mune muri o  
46 Betsaida, natē 'esele dimuti. \* Nde anánŋanno  
47 babo, na mo 'ala o mudoŋgo o kane. \* Nde  
ebiamu e poino, bolo bo ta oteten a munja,  
nde mo a ta a dia o mudi momene mowó.  
48 \* Nde 'enno babo ba ma-taka na bodū, ebanja  
ngo e ta e wea babo oboso, na mo a po na  
babo o pond'a betatedi ba bulu belonde benei,  
a daŋgwa o munja, \* a pula tomba babo.  
49 Nde b'enno mo a ma-daŋgwa o munja na  
babo b'ongele na, e nde edimo, ba te misea.  
50 \* Ebanja bese ba ta b'ene mo, na babo ba  
bwa boŋgo. Na dibokimene akwalisane babo,  
a kwalane babo na: Binyo embe mulema, ye  
51 nde mba, lo si bwa boŋgo! \* Na mo a peye

## Marko 6. 7.

o bolo na babo, na ngo ewo, na babo ba  
tanya oteten abu bwambi buka dimene, b'  
uba. \*Ebanja ba si ta ba kusa soñtane onyola 52  
bewolo, milema mabu mita nde mi enya.

Nde b'ekamenno ba po o mudi, o Gene- 53  
saret, ba tunge oten. \*Nde ba busino o bolo 54  
na dibokimene b'emba mo, \*ba yenga o y' 55  
epasi yese, bakumwa bambe baboedi o ma-  
nongo mabu, o wuma ba sengino ná a ta. \*Nde 56  
to-njika wuma 'ingedino o mindi misadi to  
mindene to o mamboa, ba ta ba jese baboedi o  
madon, ba sosomea mo, ná 'esele babo ba  
tape nde to dinjaki la mbot' ao momene;  
nde to-nja nu tapi mo a ta a bole.

(7, 1—23: Mat. 15, 1—20.)

Nde Farisai na dongo la babiedi-ba-kalat' 7  
a-Loba, bena ba ta bawa o Yerusalem, ba ta  
ba kotone na mo. \*Nde b'enzo dongo la 2  
bokweli bao ba ma-da ewolo na maa masi  
sangi, nika nye nde: ma s'oabe, na babo ba  
sa nika. — \*Ebanja Farisai na Bona-Yuda 3  
bese ba si ma-da, ke ba s'ou maa bwambwam,  
kana ba tingamno na mieka ma baturu, \*ba 4  
ma-wa te o don, ba si ma-da, yetena ba s'okele,  
ba kusi pe gita la mambo mapepe ka ninka  
o nenge: joa la mabonde na moki na milonga  
na tebedi. — \*Na Farisai na babiedi-ba 5  
kalat' a-Loba b'uele mo na: Onyolanje bokweli  
bongo ba si ma-dangwano kaponda mieka ma  
baturu e, ba ma-da nde ewolo na maa ma  
si sangi? \*Na mo 'alabe, a kwalane babo na: 6

## Marko 7.

- Yesaia a laŋgo bediŋge bwam onyola binyo bamawondon, kana e tilabeno na: „Ban bato ba ma-dube mba na bepopo babu, nde milema  
7 mabu mie etum na mba. \*Tete nde ba m'oweno mba na lee labu la mieka ma bato.“  
8 \*Binyo lo ma-dia mbend'a Loba ombusa, nde lo ma-tiŋgame nde na mieka ma bato, joa la moki na mabonde na nika mambo lo ma-  
9 bolano gita. \*Na mo a kwalane babo na: Loma-sumwa mbend'a Loba ka bwam, ná lo  
10 tese mieka manyu. \*Ebanja Mose a kwali na: „Dube soŋgo na nyonŋo“, ná na: „nu nu ma-tope dibena liŋgise saŋgo to nyaŋgo 'an-  
11 gamen wo“. \*Nde binyo lo ma-kwala na: Yetena moto a kwalan saŋgo to nyaŋgo na: Korban, nika nye nde na: jabea la Loba, di  
12 o wusano kusa na mba, \*lo si m'esele pe mo a bola to-lambo na saŋgo ao to nyaŋgo ao,  
13 \*nika nde lo ma-sumwano eyal'a Loba onyola mieka manyu, miena lo ma-tombiseno na mo-wó na nune; lo ma-bola pe gita la mambo ma nika.
- 14 Na mo a bele dimuti lese na mo, a kwalane babo na: Binyo bese seŋgane mba, lo soŋtane  
15 pe. \*To-lambo di titi lena di m'ingeye oteten a moto, lena di ma-timbise mo mbindo, nde ma mama-buse na moto, mo nde ma ma-timbise  
16 moto mbindo. \*Moto a ben te matoi o seŋga  
17 esele mo a seŋge. \*Nde 'asumweno na dimuti, a poino o mboa, na bokweli bao b'uele  
18 mo onyola mu munia. \*Na mo a kwalane babo na: Binyo pe lo si soŋtan te e? Lo si

## Marko 7.

son̄tan ná mese ma m'ingeye oteten a moto,  
ma si ma-wele timbise mo mbindo, \* ebanja 19  
ma si m'ingea o mulema mao, nde o dibum  
lao, nde ma m'ala nde o du, lena di ma-saŋ-  
gise mada mese e? \* Na mo a kwala na: 20  
Ma ma ma-buse o moto, mo nde ma ma-timbise  
moto mbindo; \* ebanja oteten, o mulema ma 21  
bato nde, mon̄gele ma bobe ma ma-wano, na  
misonje, na mambo ma titi kon̄ji, na jiba,  
\* n' ebwan, na mukubo, na bedemo ba bobe, 22  
na mawondon, na dibaŋgane-la-bekobi, na diso  
la bobe, na dibena, na kumba, na mbamba;  
\* man mambo ma bobe mese ma ma-busa nde 23  
oteten a moto, nde ma ma-timbise moto mbindo.

(24—30: Mat. 15, 21—28.)

Na mo a teme, 'ala o epas' a Tyro na 24  
Sidon. Na mo 'ingea o ndabo po, nde a ta  
a pula ná to-moto a si bia, nde a si ta a wele  
wutame. \* Ebanja dibokimene muto mowó 25  
a ta a seŋga onyol' ao, nyena mun' ao nya  
muto a ta a bene mudī mu si saŋgi, na mo a  
po, a ko wase o miende mao. \* Nde nu muto 26  
a ta nde mut' a Grikia, nu yabe o Syrofenikia;  
na mo a sosomea mo, ná a busise mudī ma  
bobe na mun' ao nya muto. \* Na Yesu a kwa- 27  
lane mo na: Esele bana ba sele jula, ebanja  
e si doli o non̄go bewolo ba bana o pimbea  
mo mbo. \* Na mo 'alabe, a kwalane mo na: 28  
E, a Saŋgo, nde mbo owasa tebedi i ma-da  
te mburu ma bana. \* Na mo a kwalane mo 29  
na: Onyola yen eyala, 'ala, mudī ma bobe  
mu má-busa na mun' aŋgo nya muto. \* Na 30



## Marko 7. 8.

mo 'ala o ndabo ao, a bomane muna a naŋga  
o noŋgo, mudī ma bobe pe mu má-busa.

- 31 Nde 'asumweno pete o epas' a Tyro, na  
mo a tomba oteten a Sidon, a po o munja ma  
32 Galilea, oteten a ekombo a Dekapoli. \* Na  
babo ba wanea mo moto nu ta ndoki na mbuke,  
33 ba sosomea mo ná a neŋge dia omony ao. \* Na  
mo a noŋgo mo o dimuti na momene, a wele  
mo mine o matoi mao, a to malodi, a tapane  
34 mo eyem'ao, \* ombwa o mony, a sunjumea,  
a kwalane mo na: Efata, nika nye nde na:  
35 Telame. \* Na dibokimene matoi mao ma telame,  
timb'a eyem'ao pe e wunjea, na mo a kumwa  
36 topo bwam. \* Na mo 'anea babo ná ba si  
laŋgwea to-moto. Nde kana 'anedino babo  
nikamene pe nde ba tano ba beŋga laŋgwa  
37 mo. \* Na babo ba nyaka buka dimene, ba  
kwala na: A boli mambo mese bwam, a ma-  
bola bandoki ba seŋga, bambuke pe ba topo.

(8, 1—10: Mat. 15, 32—39.)

- 8 Nde o mi minya, niponda dimuti dindene  
ditano dikotome pete, nde disita di bene da,  
na mo abele bokweli bao na mo, a kwalane  
2 babo na: \* Na ma-bwea dimuti ndedi, ebanja  
di má-ja na mba minya min milalo, nde ba  
3 si ben da; \* nde yetena n'esele te babo b'ala  
o mboa e si be da, ke ba mende ko siŋga o  
4 ŋgea, ebanja dongo labu pe ba wu etum. \* Na  
bokweli bao b'alabe mo na: O ueni moto  
eno ná 'ulise ban na bewolo o eyaŋ uan e?  
5 \* Na mo 'uele babo na: Lo ben bewolo beninga  
6 e? Na babo ba kwala na: Samba. \* Na mo

## Marko 8.

'anea dimuti o ja wase o minyaṅadu. Na mo a noṅgo be bewolo samba, a bola masoma, a bua, a bola mo bokweli o bola, na babo ba bola mo dimuti. \* Bata pe ba bene ṅus'a 7 sue isadi, na mo a namse, a kwala ná ba bole pe mo. \* Na babo ba da b'ula, ba neṅge 8 bepasi bedia, besanja samba. \* Nde ba ta 9 nde to lokoli lonei. Na mo 'esele babo b'ala.

(11—21: Mat. 16, 1—12.)

Na dibokimene a peye o bolo na bokweli 10 bao, apo o ekombo a Dalmanuta. \* Na Farisai 11 bapo, ba kumwa bolane miuedi na mo, ba pulise eyemban na mo e ma-we o mony, o keka mo. \* Na mo a sunjumea o mudī mao, 12 a kwala na: Nje nin nyoṅon e ma-puliseno eyemban e? Iwie, nā-laṅgwea binyo, eyemban e si ma-bolabe na nin nyoṅon. \* Na mo 'esele 13 babo, a peye pete o bolo, 'ala o mune muri. \* Nde bata ba baṅgisane o noṅgo bewolo, ba 14 ta nde b'alea ewolo ewomene o bolo. \* Na 15 mo 'anea babo, a kwala na: Lobia pon, l' aṅgamene pe onyola esasaṅge ya Farisai na esasaṅ' a Herode. \* Na babo ba dutea na 16 babo momene na: Onyolana di si daṅgwan bewolo. \* Nde Yesu a soino nika, a kwalane 17 babo na: Nje lo ma-duteano, ná lo si daṅgwan bewolo e? Lo si soi, lo si soṅtan te e? Jenya la milema manyu di dia te e? \* Lo ben miso 18 nde lo si m'ene, lo ben matoi, nde lo si ma-seṅga; lo si m'ṅgele, \* niponda na būno be- 19 wolo betanu onyola lokoli lotanu, na besanja ba bepasi beninga lo neṅgeno e? Na babo

## Marko 8.

- 20 ba kwalane mo na: Dom na beba. \*Niponda  
pe samba onyola lokoli lonei, lo nenge besanja  
ba bepasi beninga e? Na babo ba kwala na:  
21 Samba. \*Na mo a kwalane babo na: Neni  
lo si ma-sontaneno e?  
22 Na babo ba po o Betsaida. Nde ba ta  
ba wanea mo mot'a ndima, ba sosomea mo,  
23 ná a tape mo. \*Na mo 'alea nu mot'a ndima  
dia, a busane mo ombusa mundi, a to mo ma-  
lodi o miso, a nenge maa omony ao, 'uele mo  
24 nje a m' eneno. \*Na mo 'ombwa o mony, a  
kwala na: Na m' ene bato, ebanja na m' ene  
25 babo ka miele, ba ma-dangwa. \*Na mo a  
nenge pete maa omony a miso mao, abola pete  
mo 'ombwa, na mo a timba jene bwam, a  
26 bole, ' ene mambo mese na sensen. \*Na mo  
a loma mo o mbo' ao, a kwala na: O s' ingea  
o mundi, o si langwea pe to-moto.

(27—9, 1: Mat. 16, 13—28. Luk. 9, 18—27.)

- 27 Nde Yesu na bokweli bao ba ta b'ala o  
mind*i* misadi bebe na Kaisarea Filipi; nde  
o ngea a ta 'uele bokweli bao na: Bato ba  
28 ma-kwala na ne nde nja e? \*Na babo ba  
langwea mo, ba kwala na: Yohane mudu-  
bisedi; bapepe na: Elia; bane pe na: mowó  
29 nya batoperi-ba-mud*i*. \*Na mo a kwalane  
babo na: Nde binyo pe lo ma-kwala na ne  
nde nja e? Na Petro 'alabe, a kwalane mo  
30 na: Oa oe nde Kristo. \*Na mo akimea babo  
ná ba si langwea to-moto onyol' ao.  
31 Na mo akumwa lee babo, ná Muna-moto

## Marko 8. 9.

'aṅgamen kusa ndeṅge gita, na baṅgabe pe  
 na baturu na prisi indene na babiedi-ba-kalat'a-  
 Loba, na o bwabe na pumbwa pe ombusa  
 minya milalo; \*nde ata akwala ye eyala na 32  
 bwe. Na Petro a noṅgo mo na momene o  
 muri mowó, a kumwa domea mo. \*Na mo 33  
 a yombo, 'ombwa bokweli bao, a domea Petro  
 na: Timba mba ombusa, a Satan, ebanja o si  
 m' oṅgele mambo ma Loba, nde mambo ma  
 bato. \*Na mo abele dimuti na bo- 34  
 kweli bao, a kwalane babo na: To-nja nu ma-  
 pule bupe mba, a tobe momene, a noṅge  
 mbas'ao, nde a bupe mba. \*Ebanja to- 35  
 nja nu ma-pule suṅge loṅge lao, ama-  
 pimba mo; nde to-nja pe nu ma-pimbe  
 loṅge lao onyol' am na onyola miaṅgo-  
 ma-bwam, a mende suṅga mo. \*Ebanja 36  
 njika museṅ moto abenno o kusa wase nyese  
 nde a bolone mudī mao e? \*Ebanja nje moto 37  
 a mendeno bola o kotone mudī mao e? \*Ebanja 38  
 to-nja nu ma-bwe ison onyol' am na onyola  
 beyala bam, o nin nyoṅon a musonje na nya  
 bobē, Muna-moto pe amende bwa ison onyol'  
 ao, niponda a mendeno po o edub'a Tete na  
 angel a bosaṅgi na mo. \*Na mo a kwa- 9  
 lane babo na: Nambale, nā-laṅgwea binyo,  
 doṅgo be oteten a ban ba tem o uan, bena  
 ba si mende jene kwedi, natē b' ene janea la  
 Loba di po na ṅginya.

(2—13: Mat. 17, 1—13: Luk. 9, 28—36.)

Nde ombusa minya mutoba Yesu a noṅgo 2  
 Petro na Yakobo na Yohane, a noṅgo babo na

## Marko 9.

momene omony a mudoŋgo mu asam. Nde a  
 3 ta a tukwabe oboso babu, \*mbot'ao pe etimba  
 panya na saŋga na weletete, saŋga ka nyena  
 musaŋgise-mbom o wase a titi ná a saŋgise  
 4 nika. \*Nde Elia na Mose bata ba busea  
 5 babo, ba kwalisane Yesu. \*Na Petro 'alabe,  
 a kwalane Yesu na: A Rabi, e dolon biso o  
 ja uan; esele biso diloŋge minoko milalo, oa  
 6 mowó, Mose pe mowó, Elia pe mowó. \*Nde  
 a si ta a bia nje a ma-kwalano, ebanja ba ta  
 7 ba bwa boŋgo bwambi. \*Nde diwindiwindi  
 dita dipo, dikurumane babo, na doi di wa o  
 diwindiwindi na: Nun nde e Mun'am nya  
 8 ndolo, binyo seŋgane mo. \*Nde dibo-  
 kimene b'ombono muri na muri, bas'en pe  
 9 to-moto, ke Yesu momene na babo. \*Nde  
 niponda ba sibino o mudoŋgo ata 'anea babo,  
 ná ba si biise to-moto mambo b'enno, ke na-  
 10 tena Muna-moto a pumbwa o kwedi. \*Na  
 babo ba neŋge y'eyala, nde bata b'uaneele  
 na babo momene, nje di pumbwa la kwedi  
 11 leno? \*Nde ba ta b'uele mo, ba kwala na:  
 Farisai na babiedi-ba-kalat'a-Loba ba ma-  
 12 kwala na: Elia nde 'aŋgamen sele po. \*Na  
 mo 'alabe, a kwalane babo na: Elia nde a  
 ma-sele po o timbisele mambo mese. Nde  
 neni etilabeno onyola Muna-moto ná akuse  
 13 ndeŋge gita ayaŋabe pe e? \*Nde nā-laŋgwea  
 binyo, Elia a ta a po, nde ba bolan nde mo  
 nje ba tondino, kana e tilabeno onyol' ao.

(14—29: Mat. 17, 14—21. Luk. 9, 37—42.)

14 Nde ba poino na bokweli, b'ene dimuti

## Marko 9.

dindene di diŋgele babo, na babiedi-ba-kalat'  
a-Loba pe, ba bolane miuedi na babo. \* Na 15  
dibokimene dimuti lese b' enno mo, ba ta  
banyaka, ba po, ba soma mo. \* Na mo 'uele 16  
babo na: Nje lo m' uaneleno na babo e? \* Na 17  
mowó nya dimuti 'alabe mo na: A muleedi,  
na wanedi nde oa mun' am nya mome, nu ben  
mudī ma mbuke, \* nde mu ma-be mu damedī 18  
te mo, mu simasimane mo, na pudi i busa mo,  
a da masonga, a timba mukoti; nde na ta na  
kwalane bokweli bongo, ná babusise mo, nde  
ba si weli. \* Na mo 'alabe, a kwalane babo 19  
na: A nyonon ni si ben jemea, naje na binyo  
natena njika ponda e? na welisane pe binyo  
natena njika ponda e? Binyo wanea mba  
mo. \* Na babo ba wana mo na mo. Nde 20  
'enno mo, na dibokimene mudī mu simasimane  
mo, na mo a ko wase, a wungulane, pudi pe  
i busa mo. \* Na mo 'uele saŋgo na: Natena 21  
njika ponda nika ebotedino mo e? Na mo  
akwala na: Natena muut' ao; \* nde muta mu 22  
yoko kwese mo o wea na o madiba o nyamse  
mo; nde yetena oena o wele bola to lambo  
bwea biso ndedi, ongwane biso. \* Na Yesu 23  
a kwalane mo na: Yetena oena o wele dube;  
mambo mese mama-wele bolabe na nu  
nu dube. \* Na dibokimene saŋgo a nu muutu 24  
a te musea, a kwala na: Na dube, ongwane  
dube lam la penda! \* Nde Yesu 'enno ná 25  
dimuti di ma-kotome, na mo a domea mudī musi  
saŋgi, a kwalane mo na: A oa mudī ma mbuke  
na ma ndoki, n' anedi oa, busa na mo, o s' ingea

## Marko 9.

26 pe na mo tom. \*Na mo mu te musea mu  
simasimane mo bwambi, mu busa; na mo a  
timba ka mbimba, ka nyena gita di ta di kwala  
27 na: A wedi. \*Na Yesu 'alea mo dia, a tese  
28 mo, na mo a teme. \*Nde a poino o mboa,  
bokweli bao bata b'uele mo na babo momene  
na: Onyolanje biso di si tano di wele busise  
29 mo e? \*Na mo a kwalande babo na: Ninka  
nyai e si ma-wele busisabe to na lambo, ke  
na muka na kandane la da.

(30—32: Mat. 17, 22. 23. Luk. 9, 43—45.)

30 Na babo b' asumwe ua wuma ba tomba o  
Galilea, nde asita apula na moto a bie nika.  
31 \*Ebanja a ta a lee bokweli bao, a kwalande  
babo na: Muna-moto a mende bakabe o maa  
ma bato, nde bamende bwa mo, nde a bwabe  
te a mende pe pumbwa ombusa minya milalo.  
32 \*Nde ba si ta ba sontane yen eyala, ba bwa  
pe bono o juele mo.

(33—50: Mat. 18, 1—9. Luk. 9, 46—50.)

33 Nde ata apo o Kapernaum, nde a poino  
o mboa, na mo 'uele babo na: Nje lo tano lo  
34 kwalisane o ngea e? \*Na babo baja na pi,  
ebanja ba ta ba kwalisane na babo momene o  
35 ngea, nja e nundene buka bese. \*Na mo a  
ja wase, a bele dom na baba, a kwalande babo  
na: Yetena mowó a ma-pula te be nyaboso,  
a be nde nusukan nya bese na muboled' a  
36 bese. \*Na mo a nono muna nusadi a tese  
mo oteten abu, a nono mo o bwaŋga bao, a  
37 kwalande babo na: \*To-nja nu ma-nonge  
mowó nya ninka bana basadi, o dina lam, a

## Marko 9.

ma-noṅgo nde mba; to-nja pe nu ma-noṅge mba, seto mba nde ama-noṅgono, nde nu nu lom mba.

Na Yohane a kwalane mo na: A muleedi, 38 di en mowó ama-busise midí ma bobe o dina loṅgo, nu si ta nu bupe biso, nde di baṅgan mo, ebanja a si ta a bupe biso. \* Na Yesu 39 a kwala na: Lo si baṅgane mo. Ebanja to-moto a titi nu ma-bole ebol'a ṅginya o dina lam, nde a wele pe topo bobe onyol'am dibokimene. \* Nu nu si ma-teṅgene biso, e nde 40 na biso. \* Ebanja to-nja nu ma-bole binyo 41 dibonde la madiba o nyo o dina lam, onyolana le nde ba Kristo, nambale, nā-laṅgwea binyo, a si mende suba musauedi mao. \* To-nja nu 42 ma-lambe mowó nya ban basadi, bena ba dube mba, e wusa be bwam na mo gita, ke dale la nsaṅ di tiṅgabe o nyiṅgo ao, nde a pimbabe o munja. \* Nde yetena dia 43 loṅgo di lambi te oa, ke mo; e doli na oa o jiṅgea o loṅge eboki, buka o wala o wuma-wea na maa maba, o wea i si ma-dime, \* o 44 wuma mulombi mabu mu si ma-wono, wea pe i si dime. \* Nde yetena muende moṅgo mu 45 lambi te oa, ke mo; e doli na oa o jiṅgea o loṅge mboko, buka o pimbabe o wuma-wea na miende miba, o wea i si ma-dime, \* o 46 wuma mulombi mabu mu si ma-wono, wea pe i si dime. \* Nde yetena diso loṅgo di lambi 47 te oa, pimba mo o uone; e doli na oa o jiṅgea o janea la Loba, na diso diwo, buka o pimbabe o wuma-wea na miso maba, \* o wuma mu- 48



## Marko 9. 10.

lombi mabu mu si ma-wono, wea pe i si dime.  
49 \*Ebanja moto-te 'angamen jenyisabe na wea  
ka na waŋga, na jabea-te di angamen jenyisabe  
50 na waŋga. \*Waŋga i doli; nde waŋga i timbi  
te muloloko, lo ma-timbise pe nyeŋgenye lao  
na nje? L'alea waŋga na binyomene, lo  
bene pe musaŋgo mowó na nune.

(10, 1—12: Mat. 19, 1—9.)

10 Na mo 'asumwe ua wuma, a po o epas'a  
Yudea, o mune muri ma Yordan, na dimuti  
di kotone pete na mo, na mo a lee pete babo,  
2 kana a tano a kolongone. \*Nde Farisai  
ba ta ba po, b'uele mo na: Ye wonja na moto  
o jesele munj'ao e? Nde ba ta nde ba keka  
3 mo. \*Na mo 'alabe, a kwalane babo na: Nje  
4 Mose 'anedino binyo e? \*Na babo ba kwala  
na: Mose a boli wonja o tila kalat'a-jabane-  
5 la-diba na o jesele pe. \*Na Yesu a kwalane  
babo na: Onyola milema manyu ma bwambi  
6 nde a tiledino binyo nin mbenda. \*Nde na-  
tena beboteri ba bewekedi Loba a weki nde  
7 babo mome na muto. \*„Onyola nika moto  
a mende dia saŋgo na nyaŋgo, nde a tingame  
8 na munj'ao, \*nde babo babane ba mende nde  
be eyobo ewo“. Nika so nde ba si ma-be pe  
9 baba, nde eyobo ewo. \*Na nde di Loba a  
10 latino, moto a s'aba mo. \*Nde bokweli ba  
ta pete ba timba juele mo o mboa, onyola di  
11 lambo. \*Na mo a kwalane babo na: To-nja  
nu m'esele munj'ao, nde a bā nupepe, ke a  
12 wite nde musonje lingise mo; \*nde muto pe

## Marko 10.

'esele te mom'ao, nde a bā nupepe, ke a boli  
nde musonje.

(13—16: Mat. 19, 13—15. Luk. 18, 15—17.)

Nde ba ta ba wana bana basadi na mo, ná 13  
a tape babo. Nde bokweli ba ta badomea ba  
bena ba ta ba wana babo. \*Nde Yesu 'enno 14  
nika, na mo a liŋga, a kwalane babo na:  
Esele bana basadi baye na mba, lo  
si baŋgane babo, ebanja nik'abu nde  
ye janea la Loba. \*Nambale, nā-laŋgwea 15  
binyo: To-nja nu si ma-nonge janea la Loba  
ka muna nusadi, a si mende po oten tom. \*Na 16  
mo a nongo babo o bwaŋga bao, a nenge maa  
omony abu, a namse babo.

(17—31: Mat. 19, 16—30. Luk. 18, 18—30.)

Nde a busino o ŋgea, na moto mowó a po, 17  
a numa mabongo oboso bao, 'uele mo na:  
A muleed'a bwam, n'aŋgamen bola nje, nde  
na kusa longe la bwindea e? \*Na Yesu a 18  
kwalane mo na: Nje o ma-beleno mba bwam  
e? To-mowó a titi bwam, ke mowómene,  
Loba. \*O bi mbenda na: O si wite musonje, 19  
o si bwa, o si iba, o si teme mbon a lobaŋgo,  
o si dumba, o dube songo na nyongo. " \*Na 20  
mo a kwalane mo na: A muleedi, na nenge  
man mese natena muut'am. \*Na Yesu 'ombwa 21  
mo, a tondo mo, a kwalane mo na: Lambo  
diwo di dia di ma-pula na oa; ala o andise  
mese o benno, o bole mo batuedi, nde o mende  
bene diwuta o mony, nde o ye o bupe mba,  
o nonge pe mbasa. \*Na mo a bwa ndutu 22  
onyola y' eyala, 'ala na ndutu; ebanja a ta

## Marko 10.

23 a bene bema gita. \*Na Yesu 'ombwa muri  
na muri, a kwalane bokweli bao na: Njika  
bwambi yeno na bambwan o jingea o janea  
24 la Loba e! \*Nde bokweli bata ba tanya  
onyola be beyala bao. Na Yesu 'alabe pete,  
a kwalane babo na: A bana, njika bwambi  
yeno na ba balakise na bema o jingea o janea  
25 la Loba e! \*Ebo bi na kamel o jingea o dipondi  
la ndondoki, buka mbwan o jingea o janea  
26 la mony. \*Na babo ba tanya bwambi, ba  
kwala na babomene na: Nja so ena 'ongisabe  
27 e? \*Na Yesu 'ombwa babo, a kwala na: Di  
titi na di wele bolane na bato, nde seto na  
Loba; ebanja mambo mese mena ma wele bo-  
28 lane na Loba. \*Na Petro a kumwa kwa-  
lane mo na: Ombwa, biso di di mambo mese,  
29 di bupe oa. \*Na Yesu 'alabe na: Nambale  
na-langwea binyo: To-mowó a titi nu di mboa  
to bona-sango ba bome to ba bito to nyanjo  
to sango to muto to bana to mionda onyola  
30 dina lam na onyola mianjo-ma-bwam, \*nyena  
nu si ma-kuse ebwe'a ngedi tatan o nin ponda,  
mandabo na bona-sango ba bome na ba bito  
na banyango na bana na mionda oteten a  
mitakisan, o nine wase ni mende po pe lonje  
31 la bwindea. \*Nde gita la baboso ba mende  
be basukan, basukan pe baboso.

(32—34: Mat. 20, 17—19. Luk. 18, 31—34.)

32 Nde ba ta nde o ngea jondea o Yerusalem,  
nde Yesu a ta 'ala babo oboso, nde ba ta ba  
tanya, nde ba bata babupe mo bata babwa

## Marko 10.

boṅgo. Na mo a noṅgo pete dom na baba  
na momene, a kumwa kwalane babo ma ma  
mende bolane na mo: \* Ombwa, di m'ondea 33  
o Yerusalem, nde Muna-moto a mende bakabe  
na prisi indene na babiedi-ba-kalat'a-Loba,  
nde ba mende kwese mo muka o bwabe, ba  
mende bake mo na basibi, \* nde ba mende 34  
yoye mo na dipa mo lonyanyo na to mo ma-  
lodi na bwa mo, nde ombusa minya milalo  
a mende pumbwa.

(35—45: Mat. 20, 20—28.)

Na Yakobo na Yohane, bana ba Sebedeo, 35  
ba po na mo, ba kwalane mo na: A muleedi,  
dima-pula ná o bole biso nje di ma-sosomeano.  
\* Na mo a kwalane babo na: Nje loma-pulano 36  
ná na bole binyo e? \* Na babo ba kwala na: 37  
Bola biso, ná di je mowó o dia la mom, nune  
pe o dimose o edub'aṅgo. \* Na Yesu a kwa- 38  
lane babo na: Losi bī nje loma-pulano. Lena  
lo wele nyo dibonde mba na ma-nyono to dubi-  
sabe na dubise lena mba na ma-dubisabeno e?  
\* Na babo ba kwalane mo na: Di ma-wele. 39  
Na Yesu a kwalane babo na: Dibonde na ma-  
nyono lo mende nyo mo, na dubise pe mba  
nama-dubisabeno, lo mende dubisabe mo; \* nde 40  
o ja o dia lam la mom na la dimose e titi  
lambo lam o bola, le nde onyola ba di boṅ-  
sanebeno. \* Nde dom ba seṅgino nika, ba 41  
kumwa liṅgane Yakobo na Yohane. \* Na 42  
Yesu a bele babo, a kwalane babo na: Lo bī  
ná ba bena ba laṅgabe bānedi ba matunba  
ba ma-sibise babo owas'abu, ba ma-kekise pe

## Marko 10. 11.

43 nginy'abu na bandene babu. \*Nde nika e  
s'angamen be na binyo, to-nja nu ma-pule be  
nundene oteten anyu, 'angamen nde be muboled'  
44 anyu; \*to-nja nu ma-pule be nyaboso oteten  
45 anyu, a be nde muut'a bese. \*Ebanja  
Muna-moto pe asipoi o boleabe, nde  
o bolea, na o bola pe longe lao dikoti  
onyola gita.

(46—52: Mat. 20, 29—34. Luk. 18, 35—43.)

46 Na babo bapo o Yeriko. Nde a busino  
o Yeriko na bokweli bao na dimuti dindene  
pe, Bartimeo, mun'a Timeo, mot'a ndima, a  
47 ta aja o ngea, 'akwa. \*Nde a segingo na  
e nde Yesu nya Nasaret, na mo a kumwa te  
musea, akwala na: A Yesu, mun'a Dawid,  
48 bwea mba ndedi! \*Nde gita bata badomea  
mo, na a ko na pi. Na mo a beंगा nde te  
musea na: A mun'a Dawid, bwea mba ndedi!  
49 \*Na Yesu a teme, a kwala na: Binyo bele  
mo! Na babo babele mot'a ndima, ba kwalane  
mo na: Embe mulema, teme, a ma-bele oa.  
50 \*Na mo apimba mbot'ao wase, a wamse teme,  
51 a po na Yesu. \*Na Yesu 'alabe mo, akwala  
na: Nje o ma-pulano na na boleye oa e?  
Na nu mot'a ndima a kwalane mo na: A  
52 rabuni, na na timbe jene. \*Na Yesu a kwa-  
lane mo na: Ala, jemea longo di ongise oa.  
Na dibokimene a timba jene, a bupe mo o ngea.

(11, 1—10: Mat. 21, 1—9. Luk. 19, 29—38. Yoh. 12, 12—16.)

11 Nde niponda ba sisedino bebe na Yerusa-  
lem o Betfage na Betania, o mudoongo ma

## Marko 11.

njabí, na mó a loma bokweli bao baba, \* a 2  
kwalane babo na: Binyo ala o yi son a mundi  
ye oboso banyu, nde dibokimene lo poi te  
oten, lo mende bomane mun'a esel a tingam,  
nyena omony ao to-moto a si tano a má-ja;  
wunja mó, lo wane mó. \* Nde yetena moto 3  
a kwalan binyo na: Nje loma-bolano nika e?  
kwala na: Saŋgo nde a ma-pule mó, a mende  
pe timbise mó dibokimene. \* Na babo b'ala 4  
ba bomane mun'a esel a tingam bebe na jombe,  
o eboko o ŋgea, na babo ba wunja mó. \* Nde 5  
doŋgo bena ba ta ba teme oten, ba kwalane  
babo na: Nje loma-bolano na, lo ma-wunjano  
mun'a esel? \* Na babo ba kwalane babo kana 6  
Yesu a kwalino, nde ba ta b'esele babo. \* Na 7  
babo ba wana mun'a esel na Yesu, ba latele  
mbot'abu omony ao, na mó aja oten. \* Nde 8  
gita ba ta ba latele mbot'abu o ŋgea, bapepe  
pe ba ke mabunje ma miele, ba latele mó o  
ŋgea. \* Nde ba bena ba ta b'ala oboso na 9  
ba pe bena ba ta ba bupe ombusa, ba te misea  
na: Hosana, bonam na nu nu ma-po o dina  
la Saŋgo! \* Bonam na janea la saŋgo asu 10  
Dawid lena di ma-po, Hosana o mony nyese.

(11—24: Mat. 21, 12—22. Luk. 19, 45—48.)

Na mó 'iŋgea o Yerusalem o tempel, nde 11  
a boleno jombwa mese, kana ebiamu e tano  
e má-po, na mó a busa, 'ala o Betania na dom  
na baba. \* Nde o bone bunya, niponda b' 12  
asumweno o Betania, a ta a bwa njai. \* Na 13  
mó 'ene bwele ba maŋgolo etum uone, boena  
bo ta bo bene beyadi, na mó 'ala oten, ná ŋga

## Marko 11.

- ena a so lambo oten, nde a poino oten a si soi to-lambo, ke beyadi mene; ebanja esi ta pond'a
- 14 maŋgolo. \* Na mo 'alabe, a kwalane mo na: To-moto a si da pe bepuma na oa, natena o bwindea. Nde bokweli bao ba ta ba seŋga nika.
- 15 Na babo ba po o Yerusalem, na mo 'inŋea o tempel, a kumwa paŋga ba bena ba ta b'andise na bena ba ta b'anda o tempel, akwese tebed'a bawenŋisane-moni na bejedi ba ba-
- 16 ndise-mbeŋga, \* a si ta 'esele to-moto ná a bambe ewa tombane la tempel, \* a lee babo a kwala na: Esi tilabe na: „ndabo am emende nde belabe ndabo a muka onyola matumba mese“ e? Nde binyo lo má-timbise nde mo
- 18 mulomba ma bato ba ndumban. \* Nde prisi indene na babiedi-ba-kalat'a-Loba ba ta ba seŋga nika, ba kumwa pulise neni beno ná ba bwa mo; ebanja ba ta ba bwa mo boŋgo, onyolana dimuti lese di ta di tanya onyola
- 19 beleedi bao. \* Nde ebiamu e ta be e poi te, na mo 'asumwe, a busa o mudi.
- 20 Nde niponda ba tano ba tomba o idiba, na babo b'ene bwele ba maŋgolo bo anji natena
- 21 o mianga. \* Nde Petro a ta 'oŋgele, a kwalane mo na: A rabi, ombwa bwele ba maŋgolo o louno bo anji. \* Na Yesu 'alabe, a kwalane babo na: Binyo bene jemea na Loba!
- 23 \* Nambale, nā-laŋgwea binyo, to-nja nu ma-kwalane mun mudoŋgo na: Asumwe, ko o madiba, nde a si bene penda o mulema mao, nde a dube nde ná nje a ma-kwalano e mende

## Marko 11.

bolane, ke a mende kusa nje a kwalino. \* Onyo- 24  
la nika nā-laŋgwea binyo: Mese lo ma-soso-  
meano ke lo ma-kane, dube ná lo ma-kusa  
mo, nde lo mende kusa mo. \* Nde lo ma-teme 25  
te o muka, lakise to-nje lo benno na nupepe,  
ná Saŋgo anyu nye o mony pe a lakise binyo  
mawuse manyu. \* Nde yetena binyo lo si 26  
lakise, ke Saŋgo anyu nye o mony pe a si  
mende lakise binyo mawuse manyu.

(27—33: Mat. 21, 23—27. Luk. 20, 1—8.)

Na babo ba po pete o Yerusalem, nde ni- 27  
ponda a tano a daŋgwa o tempel, prisi in-  
dene na babiedi-ba-kalat'a-Loba na baturu  
bata ba po na mo, \* ba kwalane mo na: 28  
Onyola njika ŋginya o ma-bolano man mambo  
e? nja a boli oa ninka ŋginya o bola man  
mambo e? \* Na Yesu a kwalane babo na: 29  
Mba pe na tondi juele binyo eyala ewo, alabe  
mba mo, nde mba pe na mende laŋgwea binyo  
onyola njika ŋginya na ma-bolano man mambo.  
\* Dubise la Yohane di wu nde o mony nga 30  
na bato? Alabe mba! \* Na babo ba dutea 31  
na babo momene, ba kwala na: Di kwali te  
na: Di wu nde o mony, ke a mende kwalane  
biso na: Nje so lo si dubeno mo e? \* Nde 32  
di kwale nde na: Na bato e? Nde bata nde  
ba bwa dimuti bongo, ebanja bese bata ba  
laŋga Yohane ka mutoper'a mudi nambale.  
\* Na babo b'alabe, ba kwalane Yesu na: Di 33  
si bi. Na Yesu a kwalane babo na: To mba  
pe na si ma-laŋgwea so binyo onyola njika  
ŋginya na ma-bolano man mambo.



## Marko 12.

(12, 1—12: Mat. 21, 33—46. Luk. 20, 9—19.)

- 12 Na mo a kumwa kwalane babo o minia na: Moto mowó a ta a de mōnda ma lonyeñgeny, a diŋga mo koto, a poŋgo mboki, a loŋga pe na ndabo, a bake mo na bapoŋge-mōnda, 2 na mo 'ala o ekombo epepe. \* Nde o ponda ni doŋgamen a ta a loma muut'ao mowó na bapoŋge-mōnda, ná a noŋgeye mo doŋgo la bepuma ba mōnda ma lonyeñgeny o bapoŋge- 3 mōnda. \* Na babo ba damea mo, ba dipa mo, 4 ba timbise mo tete. \* Na mo a loma pete muutu nupepe na babo; na babo ba numa mo 5 madale o mulopo, ba sambwele mo. \* Na mo a loma nupepe, na babo ba bwa mo; na gita la bapepe pe, ba dipa doŋgo, ba bwa pe doŋgo. 6 \* Nde a ta nde a diane mpom ma muna mowó nyena a tondino; na mo a loma mo na babo o sukan, a kwala na: Ba mende dube mun'am. 7 \* Nde ba bapoŋge-mōnda ba ta nde ba kwala na babo momene na: Nun nde e musaŋgwedi; ya, esele biso di bwe mo, nde saŋgo di be 8 lasu. \* Na babo ba noŋgo mo, ba bwa mo, ba pimba mo ombusa mōnda ma lonyeñgeny. 9 \* Saŋgo a mōnda a mende so bolea ne? A mende po, a bwa ba bapoŋge-mōnda, a bake 10 pe mōnda ma lonyeñgeny na bapepe. \* Lo si laŋgi ben betiledi na: „Dale lena baloŋgedi ba baŋgino, dímene nde di timbi dale la toŋgo; 11 \* din di bolan nde na Saŋgo, nde je betany- 12 sedi o miso masu“ e? \* Nde ba ta ba pula damea mo, nde ba ta ba bwa nde dimuti boŋgo; ebanja ba ta ba so ná a kwali nde

## Marko 12.

mun munia onyol'abu. Na babo b'esele mo, b'ala.

(13—17: Mat. 22, 15—22. Luk. 20, 20—26.)

Nde ba ta ba loma na mo dongo la Farisai 13  
na Bona-Herode, o lamba mo na eyala. \*Nde 14  
ba ta ba po, ba kwalane mo na: A muleedi,  
di bi ná oa oe mbale, o si dube pe to-moto;  
ebanja o si m'ombwea moto o beombwedi, nde  
oma-lee nde nge'a Loba ka mbale. E anga-  
men o bola kaisa njangi, nga e s'angamen e?  
Di bole, nga di si bola e? \*Nde a soino ma- 15  
wondon mabu, na mo a kwalane babo na:  
Nje lo ma-kekan o mba e? Wanea mba de-  
nario, n'ombwe! \*Na babo ba wanea mo. 16  
Na mo a kwalane babo na: Edingedinge na  
dina la nja din e? Na babo ba kwalane mo  
na: Kaisa. \*Na Yesu a kwalane babo na: 17  
Mambo ma kaisa, bola mo kaisa, mambo ma  
Loba pe, Loba. Nde bata banyaka onyol'ao.

(18—27: Mat. 22, 23—33. Luk. 20, 27—38.)

Nde Sadukai ba ta ba po na mo, bena ba 18  
ma-kwale na, bepumbwedi ba kwedi be titi,  
b'uele mo, ba kwala na: \*A muleedi, Mose 19  
anedi biso na: Yetena muna-saango a moto a  
wedi te, nde a dia muto, nde a si die bana,  
muna-saango a nonge muto, a yeye muna-saango  
mbota. \*Bona-saango samba ba ta; nyaboso 20  
a ta a ba muto, na mo a wo, a si die mbota.  
\*Nu londe baba pe a nongo mo, na mo pe 21  
a wo, a si die mbota; nikamene pe nu londe  
balalo. \*Nde samba nyese ba ta ba nongo 22  
mo, ba si di mbota. Nde o sukan a bese,

## Marko 12.

23 muto pe a timbi wo. \* O bepumbwedi ba  
kwedi, yetena bama-pumbwa te, a mende  
nde be munj'a njika mo e? ebanja samba  
24 nde ba ta ba bene mo ka munj' abu. \* Na  
Yesu a kwalane babo na: Seto onyola din  
nde lo ma-wusano, ebanja lo si bi betiledi to  
25 nginy'a Loba e? \* Ebanja ponda ba mendeno  
pumbwa o kwedi, ba si mende bā to bolabe  
o diba, nde ba ma-be nde ka angel o mony.  
26 \* Nde onyola bawedi, nā bama-pumbwabele,  
lo si laŋgi o kalat'a Mose, kana Loba a kwa-  
lanno mo, o mbutu ma ngengele, na: „Mba  
ne nde Loba la Abraham, na Loba la Isak,  
27 na Loba la Yakob“ e? \* Loba a titi Loba la  
bawedi, nde la bawenya. Lo wusi bwambi.

(28—34: Mat. 22, 34—40. Luk. 20, 39. 40. Luk. 10, 25—28.)

28 Nde mowó nya babiedi-ba-kalat'a-Loba,  
nu ta nu seŋga juanele labu, ny' en pe nā  
'alabe babo bwam, 'uele mo na: Njika mbenda  
29 nye nyaboso o yese e? \* Na Yesu 'alabe  
na: Mbend' a boso o yese nye nde na: „A  
Israel, seŋga, Saŋgo Loba lasu, e nde Saŋgo  
30 pomene“; \* nā na: „o aŋgamen tondo Saŋgo  
Loba loŋgo, na mulema moŋgo muese, na  
mudī moŋgo muese, na joŋgele loŋgo lese,  
na nginy' aŋgo nyese. Nin nde nye mbend'a  
31 boso. \* Ni londe iba nye nde na: „Oaŋ-  
gamen tondo muna-songo ka oamene.“ Mbenda  
32 nipepe ni buki yin e titi. \* Na mubied'a-  
kalat'a-Loba a kwalane mo na: A muleedi, o  
kwali bwam kaponda mbale, nā e nde mowó-  
33 mene, nupepe a titi, ke mo; \* na tondo la mo

## Marko 12.

pe na mulema mu<sup>se</sup> na dibie le<sup>se</sup> na nginya nyese, na o tondo muna-sa<sup>ngo</sup> ka moto mo-  
mene ye gita bwambi buka mabea ma dise  
na ma bwa mese. \* Nde Yesu 'enno ná 'alabe 34  
na dibie, na mo akwalane mo na: O titi etum  
na janea la Loba. Nde to-moto a si keki pe  
juele mo.

(35—37: Mat. 22, 41—46. Luk. 20, 41—44.)

Nde Yesu a ta 'alabe, niponda a leeno o 35  
tempel, a kwala na: Neni babiedi-ba-kalat'a-  
Loba ba ma-kwalano na: Kristo e nde mun'a  
Dawíd e? \* Dawid momene a kwali o Mudi 36  
Musa<sup>ngi</sup> na: „Sa<sup>ngo</sup> akwalan Sa<sup>ngo</sup> am na:  
Ja o dia lam la mom, natē na timbise basi<sup>ngi</sup>-  
geri bon<sup>go</sup> ebambu a mata<sup>nga</sup> mon<sup>go</sup>“. \* Dawid 37  
momene a bele mo sa<sup>ngo</sup>; o ueni eno so mun'  
ao e? Nde dimuti dindene di ta di tondo se<sup>ngi</sup>-  
gane mo.

(38—40: Mat. 23. Luk. 20, 45—47.)

Nde a ta a kwala o beleedi bao na: Lo 38  
a<sup>ngi</sup>amene onyola babiedi-ba-kalat'a-Loba, bena  
batondi da<sup>ngi</sup>wane mbot'a miaba na kusa ma-  
soma o madon, \* na bejedi ba boso o mandabo 39  
ma ndo<sup>ngi</sup>amen na bejedi ba boso o mada;  
\* bena ba ma-bole mandabo ma mikusa, ba 40  
kane pe mika ma miaba onyola mawondon;  
ba mende be<sup>ngi</sup> kusa bekwesedi bendene.

(41—44: Luk. 21, 1—4.)

Nde a ta aja wase te<sup>ngi</sup>ene elimb'a nja<sup>ngi</sup>, 41  
'ombwa neni dimuti di ma-we<sup>ngi</sup>eno moni o  
elimb'a-nja<sup>ngi</sup>. Gita la mbwan bata ba wele  
gita. \* Nde mutued'a mukusa mowó a ta a 42

## Marko 12. 13.

po, a wele loson la mioni loba, miena mie  
 43 fenig po. \*Na mo a bele bokweli bao na mo,  
 a kwalane babo na: Nambale, nā-laŋgwea  
 binyo, nun mutued'a mukusa a wele gita, buka  
 44 bese bena ba wele o elimb'a njaŋgi; \*ebanja  
 bese ba wele onyola mbwan mabu, nde nun  
 nde a wele onyola tue lao, mese atano a  
 bene, bema bao bese.

(13: Mat. 24. Luk. 21, 5—36.)

13 Nde a busino o tempel, na mowó nya  
 bokweli bao a kwalane mo na: A muleedi,  
 ombwa te njika madale na njika milongi  
 2 min! \*Na Yesu a kwalane mo na: O m'ene  
 min milongi mindene e? To dale diwo di si  
 mende dia omony a dine, lena di si mende  
 3 bulabele. \*Nde niponda atano aja wase  
 o mudongo ma njabi, teŋgene tempel, na  
 Petro na Yakobo na Yohane na Andrea b'  
 4 uele mo o esoka na: \*Langwea biso njika  
 ponda man mambo ma mendeno bolane? Nje  
 e mende be eyemban, ponda man mese ma  
 5 mendeno bolane? \*Na Yesu a kumwa kwa-  
 lane babo na: Lo bia pon, ná moto asi dimbele  
 6 binyo ŋgea. \*Gita bamende po o dina lam,  
 ba kwala na: Ye nde mba, nde ba mende  
 7 dimbele gita ŋgea. \*Nde yetena lo mende  
 seŋga onyola bila na miumban ma bila, lo si  
 soa; man m'aŋgamen bolane nde ma titi su.  
 8 \*Ebanja tumba di mende teme teŋgene tumba,  
 janea pe teŋgene janea, soa-la-minyaŋgadu  
 pe di mende be wuma na wuma, njai nindene  
 9 na mpuŋgu ba mende be. \*Man nde me be-

## Marko 13.

boteri ba ndenge. Nde l'angamene na binyo-  
mene; ebanja bamende bake binyo o bekaisedi  
bendene, lo mende pe dipabe o mandabo ma  
ndongamen, na tesebe oboso ba gobina na  
kine onyol' am, o be mboñ na babo. \*Nde 10  
miango-ma-bwam miangamen sele langwabe  
na matumba mese. \*Nde b' alan te binyo, 11  
babake binyo, losisele jongele nje lomende-  
no kwala, nde ma bamende bolabe binyo o  
ni pondamene kwala nde mo; ebanja seto  
binyo nde lo ma-kwale, nde Mudī Musangi.  
\*Nde muna-saño a mende bake muna-saño 12  
o kwedi, saño pe mun'ao; bana bamende  
teme lingise basaño na banyaño na bake  
babo o kwedi. \*Nde lo mende singabe na 13  
bato bese onyola dina lam; nde nu nu tingam  
natena o su, a mende jongisabe.

Nde yetena l'en te nyakak'a dibumbe e 14  
tem wuma e s'angamenno — nu nu ma-lange  
esele mo asontane — denge so babe o Yudea  
ba nye o midongo. \*Nde nu nye omony a 15  
munyua a si siba wase, a s'ingea o nongo  
lambo o ndabo; \*nu pe nye o mōnda a si 16  
timba o mbusa o nongo mbot' ao. \*Nde 17  
eboma na ba be meme na banyongise-bana o  
mi minya. \*Nde lo kane nde, ná mila manyu 18  
mi si bolane o pond'epupa; \*ebanja mi mi- 19  
nya mi mende be ndenge, ka nyena e si ta  
nika natena beboteri ba bewekedi, bena Loba  
a wekino, natena tatan, nde e si mende pe to  
be. \*Nde yetena Saño a si wutise te mi 20  
minya, ke to eyobo ewo esimende jongisabe;

## Marko 13.

nde onyola baposobe, bena a posino, a ta a  
21 wutise mi minya. \*Nde yetena moto akwa-  
lan te binyo na: Ombwa Kristo e uan, ombwa  
22 uane, lo si dube mo. \*Ebanja Kristo ya lo-  
bañgo i mende busa na batoperi ba lobañgo  
ba mende bola beyemban na betanysedi o  
dimbele pe na baposobe ñgea, yetena e ma-  
23 wele bolane nika. \*Nde binyo lo bia pon;  
na sele biise binyo mese oboso.

24 Nde o mi minya ombusa nin ndeñge,  
wei i mende timba muititi, modi pe musi  
25 mende bola muenen mao; \*ñgeñgeti pe i  
mende wa o mony, i ko wase, ñginy'a mony  
26 pe i mende soa. \*Nde deñge ba mende jene  
Muna-moto a ma-wa o mawindi na ñginya  
27 nindene na edube. \*Deñge so a mende loma  
angel na kotele baposobe o matoñgo ma wase  
manei, o su la wase natena su la mony.  
28 \*Binyo okwa nde munia na bwele ba boñ-  
goñgi. Yetena mikanjo mao mi ni-pumea  
te na ya beyadi, na binyo lo bia ná loe le  
29 bebe. \*Nikamene pe na binyo, yetena l'en  
man ma bolan, bia ná e bebe, bebe na mombe.  
30 \*Nambale, nā-lañgwea binyo: Nin nyoñon e  
simende tomba, natena man mese ma bolane.  
31 \*Mony na wase ba mende tomba, nde  
32 beyala bam besimende tomba. \*Nde  
onyola bo bunya na ni ponda to-moto a si bi,  
to angel o mony, to Muna, ke Tete momene.  
33 \*Lo bia pon, lo ja epenye, lokane; ebanja lo  
34 si bi njika ponda ponda nyeno. \*Ye nde  
biana moto ny'alo o londo o ekombo epepe,

## Marko 13. 14.

nu di ndabo ao, nu boli bautu bao nginya,  
moto-moto yao ebolo, 'anea pe mutater' a jombe  
o ja epenye. \* Binyo ja so epenye; ebanja 35  
lo si bi njika ponda saŋgo a mboa amendeno  
po, nga o ebiamu, nga oteten a bulu, nga  
ponda wuba e ma-longono, nga o idiba, \* a 36  
siya be, a poi te dibokimene, abomane binyo  
lo kwedi iyo. \* Di na ma-kwalaneno 37  
binyo, nama-kwalane nde mo bese: Ja  
epenye.

(14, 1. 2: Mat. 26, 1—5. Luk. 22, 1. 2.)

Nde ombusa minya miba Pasah eta na 14  
bewolo be si punḡwan esasaŋge, nde prisi  
indene na babiedi-ba-kalat' a-Loba bata ba  
pulise neni ba ma-puteano mo na musomba,  
nde babwe mo; \* nde bata bakwala na: Seto 2  
o bunya-ba-bosaŋgi, mpunḡu musiya be oteten  
a dimuti.

(3—9: Mat. 26, 6—13. Yoh. 12, 1—8.)

Nde niponda a tano o Betania o ndabo 3  
a Simon mot' a mulòṅgó, muto mowó a ta a  
po, niponda a tano aja o tebedi, nu ta ny'  
alea epos' a joki la niti la nardo la mususedi  
mundene, na mo a bwa eposi, a koma mo o  
mulopo mao. \* Nde doṅgo bata ta oten, bena 4  
bata ba topo bwambo na babo momene na:  
Din nyamse la din joki di ma-bola nje e?  
\* Ebanja bata b' aṅgamene jandise din joki, 5  
buka bebwea ba denario belalo, nde be bolabe  
batuedi. Na babo ba topone mo. \* Na Yesu 6  
a kwala na: Esele mo! Nje lo ma-bweseno  
mo ndutu e? A boledi nde mba ebol' a bwam.



## Marko 14.

7 \*Ebanja lo ben batuedi na binyo ponda yese,  
yetenā lo ma-pula te lena lo wele bola babo  
bwam ponda yese; nde lo si ben mba ponda  
8 yese. \*A boli nje a welino; asele nde jokise  
9 nyol'am onyola pulame lam. \*Nambale, nā-  
laŋgwea binyo, wuma na wuma min miaŋgo-  
ma-bwam mi mendeno laŋgwabe o wase nyese,  
e mende pe laŋgwabe nje nun a bolino, o  
jongele lao.

(10. 11: Mat. 26, 14—16. Luk. 22, 3—6.)

10 Nde Yuda Iskariot, mowó nya dom na  
baba, a ta'ala na prisi indene, ná a bake mo  
11 na babo. \*Nde ba seŋgingo nika, na babo ba  
bwa munyeŋge, ba kakane o bola mo moni.  
Na mo a kumwa pulise neni a ma-bakeno mo  
o pond'a bwam.

(12—16: Mat. 26, 17—19. Luk. 22, 7—13.)

12 Nde o bunya ba boso ba bewolo besipuñ-  
gwan esasaŋge, boena ba ma-bwano mun'a  
mudon̄gi nya Pasah, na bokweli bao ba kwa-  
lane mo na: O ueni o ma-pulano ná di ale  
13 boŋsane, ná o de Pasah e? \*Na mo a loma  
bokweli bao baba, a kwalane babo na: Ala  
o mudi, moto mowó a mende don̄gamene  
14 binyo nu bambe ew'a madiba; bupe mo, \*nde  
wuma a m'ingeano, kwalane saŋgo a mboa  
oten na: Muleedi a kwali na: O ueni ndabo  
a ben nyeno onyol'am, nyena na ma-dano  
15 Pasah na bokweli bam e? \*Nde a mende lee-  
le binyo tuñ a mony nindene ni neŋgebe mboŋga,  
16 ni boŋsan; lo boŋsane oten onyol'asu. \*Na

## Marko 14.

bokweli b'ala, ba po o mudi, ba so kana a kwalanno babo, na babo ba boñsane Pasah.

(17—25: Mat. 26, 20—29. Luk. 22, 14—23. Yoh. 13, 21—26.)

Nde ebiamu e poino, na mo apo na dom 17 na baba. \*Nde niponda batano baja o tebedi 18 o da, na Yesu a kwala na: Nambale, nā-laŋgwea binyo, mowó nyanyu nu ma-de na mba amende jandise mba. \*Na babo ba kumwa 19 bwa ndutu, na moto-moto a kwalane mo na: Mba e? \*Na mo a kwalane babo na: Mowó 20 nya dom na baba, nu ma-dubise dia na mba o monjo. \*Muna-moto am'ala nde kana e 21 tilabeno onyol'ao, nde eboma na nu moto nyena na mo nde Muna-moto a m'andisabeno; ewusabe bwam na nu moto, ke asi yabe. \*Nde niponda batano onyola da, na 22 Yesu a noŋgo ewolo, a namse mo, a bua mo, abola mo babo, a kwala na: Noŋgo, lo de, yen ye nde nyol'am. \*Na mo a noŋgo dibonde, abola maso- 23 ma, abola mo babo, na babo bese ba nyo mo. \*Na mo a kwalane babo na: 24 Man me nde maya mam ma male ma penya, mama-komabe onyola gita. \*Nambale, nā-laŋgwea binyo: Na si mende pe 25 nyo ben benyon ba lonyeŋeny tom, natena o bo bunya na mendeno pe nyo mo penya o janea la Loba.

(26—31: Mat. 26, 30—35. Luk. 22, 31—34. 39.)

Nde niponda ba boleno loŋgo muenge ma 26 sesa, na babo ba busa, b'ala o mudoŋgo ma njabi. \*Na Yesu a kwalane babo na: Binyo 27

## Marko 14.

bese lo mende sonjo onyol' am bon bulu, ebanja  
e tilabe na: „Na mende dipa mutateri, nde  
28 midongi mi mende pambilane“. \* Nde ombusa  
pumbwabele lam na mende wala oboso na  
29 binyo o Galilea. \* Na Petro a kwalane mo  
na: Yetena bese bamende sonjo, ke mba tom.  
30 \* Na Yesu a kwalane mo na: Nambale, nā-  
laŋgwea oa: Oeŋge o bon bulu, obiana mom  
ma wuba mu ma-loŋgo ŋged'iba, o mende to-  
31 bo mba ŋged'ilalo. \* Na mo a beŋga nde  
kwala bwambi na: To e be nde ná na ma-wo  
na oa, na si mende tobo oa tom. Nikamene  
pe nde bese ba kwalino.

(82—42: Mat. 26, 36—46. Luk. 22, 40—46.)

32 Na babo ba po o mōnda dina lao na: Get-  
semane, na mo a kwalane bokweli bao na:  
33 Binyo ja o uan natē na bole kane. \* Na mo  
a noŋgo Petro na Yakobo na Yohane na mo-  
34 mene, a kumwa soa na taka, \* a kwalane babo  
na: Mudī mam mu ma-bwa ndutu bwambi na-  
tena o kwedi; binyo dia o uan loje epenye.  
35 \* Na mo a sisea oboso son, a ko wase, a kane,  
ná e weli te be, ni ponda e tombe na mo,  
36 \* a kwala na: Aba, Tete, mambo mese mena  
ma wele bolane na oa, sumwa din dibonde na  
mba; nde seto kana mba na ma-pulano, nde  
37 kana oa o ma-pulano. \* Na mo apo, a bomane  
babo ba ma-ko iyo, na mo a kwalane Petro  
na: A Simon, o ma-ko nde iyo e? O titi ná  
38 o wele ja epenye ŋgeŋ po e? \* Binyo ja  
penya, lo kane, lo siya be lo ko o make-  
kisan; mudī mum'emea, nde eyobo e

## Marko 14.

bobi. \*Na mo 'ala pete, a kane, a kwala 39  
mulemlem ma beyala. \*Nde a timbino, na mo 40  
abomane pete babo ba ma-ko iyo; ebanja miso  
mabu ma ta ma dila, nde ba si ta ba bia nje  
ba ma-timbiseleno mo. \*Na mo a po ngedi 41  
ni londe ilalo, a kwalane babo na: Binyo  
benga nde ko iyo, lo wumse! E dongamen;  
ponda e má-po, ombwa, Muna-moto a ma-  
bakabe o maa ma bato ba bobo. \*Binyo 42  
teme, di ale; ombwa, nu nu m'andise mba  
e bebe.

(43—54: Mat. 26, 47—58. Luk. 22, 47—55. Yoh. 18, 2—18)

Nde dibokimene, ke a dia a ma-kwala, na 43  
Yuda Iskariot, mowó nya dom na baba, apo  
na dimuti na po na beboŋgo, ba wu na prisi  
indene na babiedi-ba-kalat'a-Loba na baturu.  
\*Nde nu nu ta ny'andise mo, a ta a bola 44  
babo eyemban, a kwala na: Nu na mendeno  
sopa, ke mo nu; binyo putea mo, lo alane mo,  
lo bomeye mo bwam. \*Nde a poino, na dibo- 45  
kimene 'ala na mo, a kwala na: A rabi, rabi!  
na mo a sopa mo. \*Na babo ba wele mo maa 46  
o nyolo, ba putea mo. \*Nde mowó nya ba 47  
bata bateme oten, a songwa po, a dipa muut'a  
prisi nindene, a ke mo toi. \*Na Yesu 'alabe, 48  
a kwalane babo na: Lo busi nde kana onyola  
mot'ebwan na po na beboŋgo, o putea mba.  
\*Na ta o tempel bunya-te o lee, nde lo si 49  
putedi mba; nde onyolana betiledi be londe.  
\*Na babo bese b'esele mo, ba nya mila. 50  
\*Nde mpesa ma moto mowó mu ta mu bupe 51  
mo, mulala sanje a mbom o musamba ma

## Marko 14.

52 nyolo; na mpesa mi putea mo. \*Na mo 'esele sanje a mbom, a nya mila musamba.

53 Na babo b'alane Yesu omboa prisi nindene, na prisi indene yese na baturu na babiedi-  
54 ba-kalat'a-Loba ba kotone. \*Nde Petro a ta a dia son etum ombusa, a bupe mo natena o eboko a teten ya prisi nindene, na mo aja wase na baboledi, 'olo wea.

(55—66: Mat. 26, 59—68. Luk. 22, 63—71. Yoh. 18, 19—24.)

55 Nde prisi indene na muemba ma bakaisedi bandene ba ta ba pulise mbon onyola Yesu  
56 ná ba bwe mo, nde ba si soi; \*ebanja gita ba ta babola mbon alobaŋgo onyol'ao, nde mbon  
57 abu isita itengene. \*Nde dongo ba ta ba teme, ba bola mbon a lobaŋgo onyol'ao, ba  
58 kwala na: \*Di ta di seŋga mo a kwali na: Na mende bulele nin tempel ni loŋgabe na maa, nde na mende long'a nipepe o minya  
59 milalo, ni sipongobe na maa. \*Nde to nika,  
60 mbon abu isita itengene. \*Na prisi nindene e teme oteten abu, 'uele Yesu, e kwala na: O si m'alabe to-lambo onyola di ban ba temno  
61 mbon onyol'aŋgo e? \*Nde ata aja na pi as'alabe to-lambo. Na prisi nindene ny'uele pete mo, e kwalane mo na: Oe nde Kristo  
62 Mun'a Nyasesabe o mony e? \*Na Yesu 'alabe na: Ne nde mo, nde lo mende jene Muna-moto ajai o dia la mom la nginya,  
63 a ma-wa pe o mawindi ma mony. \*Na prisi nindene e nyaua mbot'ao, e kwala na: Njika  
64 mbon pe di ma-pulano e? \*Lo seŋgi dibena; lo m'ongele na nje? Na babo bese bakwese

## Marko 14. 15.

mo ná 'aṅgamen kwedi. \* Nde doṅgo ba ta 65  
ba kumwa to mo malodi, na diba boso bao,  
na domo mo losilo, na kwala na: Langwa  
bediṅge! Na baboledi ba ṅoṅgo mo na dipa  
la mabumbe.

(66—72: Mat. 26, 69—75. Luk. 22, 56—62. Yoh. 18, 17. 25—27.)

Nde niponda Petro a tano o wase o eboko 66  
a teten, na ṅonderi po nya prisi nindene e  
po, \* nde ny'engo Petro a m'olo wea, na mo 67  
ny'ombwa mo, e kwala na: Oa pe o ta na nu  
mot'a Nasaret, Yesu. \* Na mo a tobo, a kwala 68  
na: Na si bi mo, na si sontan pe to nje o ma-  
kwalano. Na mo a busa o eboko e telam, na  
mom ma wuba mu loṅgo. \* Nde ni ṅonderi 69  
ny'engo mo, na mo e kumwa pete kwalane  
ba bena ba ta ba teme oten, na: Nu pe e nde  
mowó nyabu. \* Na mo a tobo pete. Nde 70  
ombusa son a ponda pete, ba bena ba ta ba  
teme bebe, ba kwalane Petro na: Nambale,  
oe nde mowó nyabu, ebanja oa pe oe nde  
mot'a Galilea; bwambo boṅgo pe boe nde  
nikamene. \* Na mo a kumwa loa momene, 71  
a kana soṅgo, a kwala na: Na si bi nu moto  
lo ma-kwalano. \* Na dibokimene mom ma 72  
wuba mu loṅgo ṅgedi ni londe iba. Na Petro  
'oṅgele eyala, kana Yesu a kwalanno mo na:  
Obiana mom ma wuba mu ma-loṅgo ṅged'iba,  
o mende tobo mba ṅged'ilalo. Nde 'oṅgeleno  
nika, na mo a kumwa jeya.

(15, 1: Mat. 27, 1. 2. Luk. 22, 66; 23, 1. Yoh. 18, 28.)

Na dibokimene o idiba, niponda prisi 15  
indene na baturu na babiedi-ba-kalat'a-Loba

## Marko 15.

na muemba ma bakaisedi bandene muese ba  
boleno weka muano, na babo ba kaka Yesu,  
b' alane mo, ba bake mo na Pilato.

(2—19: Mat. 27, 11—30. Luk. 23, 2—25. Yoh. 18, 29—19, 16.)

- 2 Na Pilato 'uele mo na: Oe nde kin'a  
Bona-Yuda e? Na mo'alabe mo, akwala na:  
3 Kana o kwalino. \* Nde prisi indene ita i  
4 bake mo gita la njom o nyolo. \* Na Pilato  
'uele pete mo, akwala na: O si m'alabe to-  
lambo e? Ombwa neni bama-bakeno oa gita  
5 la njom o nyolo. \* Nde Yesu asita pe'alabe  
6 to-lambo, ka nyena Pilato ata anyaka. \* Nde  
o bunya-ba-bosaŋgi ata a kolongone josea  
babo mowó nya beboa, nyena bama-sosomeano.  
7 \* Nde mowó, dina lao na Baraba, ata o  
beboa na bato ba mpuŋgu, bena bata ba bwa  
8 moto o mpuŋgu. \* Na dimuti di ala o mony,  
di kumwa pula kana a tano a kolongone o  
9 bola babo. \* Na Pilato'alabe babo, akwala  
na: Lo ma-pula ná n'oseye binyo kin'a Bona-  
10 Yuda e? \* Ebanja ata a bia ná prisi indene  
11 bata nde ba bake mo onyola ekon. \* Nde  
prisi indene bata b'embe dimuti, ná'oseye  
12 nde babo Baraba. \* Na Pilato'alabe pete, a  
kwalane babo na: Lo ma-pula ná na bole nje  
na nu nyena lo ma-belene kin'a Bona-Yuda e?  
13 \* Na babo ba te pete misea na: Bomele mo  
14 o mbasa! \* Na Pilato akwalane babo na:  
Njika bobé a bolino e? Na babo ba beŋga  
15 nde te misea na: Bomele mo o mbasa! \* Nde  
Pilato ata a pula dolisane dimuti, na mo  
'osea babo Baraba, a bola pe Yesu a dipabe

## Marko 15.

lonyanyo, a bake mo ná a bomabele o mbasa.  
 \*Na bato-ba-bila b'alande mo, b'injane mo o 16  
 eboko a teten, nika nye nde na, ndabo a muka,  
 ba kotele dimuti la bato-ba-bila lese na mo,  
 \*ba botise mo mboti ni mole, ba longa ekot' 17  
 a ngengele, ba botise mo mo; \*ba kumwa 18  
 soma mo na: Masoma na oa, a kin'a Bona-  
 Yuda! \*Ba dipa pe mo o mulopo na eso- 19  
 songo, ba to mo malodi, ba numa mabongo,  
 b'owe mo.

(20—41: Mat. 27, 31—56. Luk. 23, 26—49. Yoh. 19, 16—30.)

Nde ba boleno yoye mo, basongwane mo 20  
 mboti ni mole, ba botise mo mbot'ao, b'alande  
 mo o bomele mo ombasa; \*ba nyakisane moto 21  
 mowó nu ta nu tomba, Simon mot'a Kyrene,  
 nu ta nu wa o eyidi, saŋgo a Alesander na  
 Rufosi, ná a bambe mbas'ao; \*ba wana mo 22  
 o wum'a Golgota, yena ye o tukwabe na:  
 Wum'a bekekeleke ba mulopo. \*Na babo ba 23  
 bola mo mao ma mire o nyo, nde a si kasi  
 mo. \*Na babo ba bomele mo o mbasa, b'a- 24  
 bane mbot'ao na nyose la male, nje moto na  
 moto 'angamenno kusa. \*Nde e ta nde ngen 25  
 ilalo, niponda ba bomeleno mo o mbasa. \*Nde 26  
 betiledi ba njom ao beta betilabe na: Kin'a  
 Bona-Yuda. \*Ba ta pe ba bomele bato b' 27  
 ebwan baba o mbasa muemba na mo, mowó  
 o dia lao la mom, nune pe la dimose. \*Nde 28  
 betiledi be ta be londa bena be kwali na: „A  
 langabe na bato ba bobe.“ \*Nde ba bata 29  
 ba tomba ba yoye mo, ba souse milopo mabu,  
 ba kwala na: E, oa nu nu ma-bulele tempel,



## Marko 15.

30 nde o loŋga pe mo o minya milalo, \* suŋga  
31 oamene, o sibe o mbasa. \* Nikamene pe nde  
prisi indene ba yodino mo na babo momene  
na babiedi-ba-kalat'a-Loba, ba kwala na: A  
ta a suŋga bapepe, nde a si ma-wele suŋga  
32 momene. \* Kristo, kiŋ'a Bona-Israel, a sibe  
o mbasa tatan, ná di ene, nde di dube. Na  
ba pe bena bata ba bomabele o mbasa na mo,  
33 ba ta ba yoye mo. \* Nde ngen mutoba  
i pino, muititi mu ta mu ko o ekombo yese,  
34 natena ngen dibua. \* Nde o ngen dibua  
Yesu a te musea na doi la monymony na:  
. Eloi, Eloi, lama sabaktani, nika nye  
nde o tukwabe na: A Loba lam, a Loba  
lam, onyolanje obangisanno mba e?  
35 \* Nde dongo bena bata ba teme oten, ba  
seŋgino nika, bakwala na: Ombwa, ama-bele  
36 Elia. \* Na mowó anya mila, alondise swam  
na benyon be ma-banye, a wele mo omony a  
esosongo, a nyose mo, a kwala na: Esele te  
37 di ombwe nga Elia ama-ya o sibise mo. \* Na  
Yesu a te musea monymony, na mo a patea.  
38 \* Nde ekenan a tempel eta e domea mongo  
39 maba, omony natena o wase. \* Nde muaned'a  
bila nu ta nu teme bebe, tengene mo, 'enno  
ná a patedi na nika musea, a kwala na: Na-  
40 mbale nu moto a ta nde Mun'a Loba. \* Bito  
pe bata oten, bena bata b'ombwa etum,  
bena oteten abu Maria Magdalena, na Maria  
nyango a Yakobo nisadi na nya Yoses, na  
41 Salome, \* bena niponda a tano o Galilea ba  
ta ba bupe mo, ba bolea mo, na gita la ba-

## Marko 15. 16.

pepe pe, bena ba ta b'ondea na mo o Yerusalem.

(42—47: Mat. 27, 57—61. Luk. 23, 50—55. Yoh 19, 38—42.)

Nde ebiamu e tano e má-po, kana e tano 42  
bunya ba mbon̄san, nika nye nde, bunya  
oboso ba bunya-ba-wumse, \*Yosef nya Ari- 43  
matia a ta a po, mot'a edube nya bakaisedi  
bandene, nyena momene pe ata'en̄gele janea  
la Loba, mo nde ata akaka mulema, 'ala na  
Pilato, a sosomea mo mbimba ma Yesu. \*Nde 44  
Pilato a ta a nyaka, ná nga a má-wo na wo,  
na mo a bele muaned'a-bila, a baise mo na,  
nga a má-jinda wo; \*nde a sēngino nika na 45  
muaned'a-bila, na mo a bola Yosef mbimba.  
\*Na mo 'anda mbom, a sibise mo a wulele 46  
mo o ni mbom, anēngele mo o sōngo, nyena  
ni ta ni poabe o madale, a wūngulane dale  
o muna ma sōngo. \*Nde Maria Magdalena 47  
na Maria nyan̄go a Yoses ba ta b'ombwa o  
ueni a nēngebeleno.

(16, 1—8: Mat. 28, 1—8. Luk. 24, 1—12. Yoh. 20, 1—10.)

Nde bunya-ba-wumse bo tombino, na 16  
Maria Magdalena na Maria nyan̄go a Yakobo,  
na Salome b'anda benumba, ná b'ale o jokise  
mo. \*Nde o mbat'a idiba o bunya ba boso 2  
ba woki ba ta ba po o sōngo, niponda wei i  
tano i busa. \*Nde ba ta ba kwala na babo mo- 3  
mene na: Nja a mende sumweye biso dale o  
muna ma sōngo e? \*Nde b'ombono o mony, 4  
na babo b'ene ná dale di ta di sumwabe;  
ebanja di ta di kola bwambi. \*Nde b'ingedino 5

## Marko 16.

- o soṅgo, na babo b'ene mpesa ma moto mu  
jai o dia la mom, mu boti mboti ni ma-saṅge,  
6 na babo ba manymeyer. \* Na mo a kwalane  
babo na: Lo si manymeyer! Lo ma-pulise nde  
Yesu nya Nasaret, nu ta nu bomabele o  
mbasa; amá-pumbwa, a titi uan; ombwa wuma  
7 ba tano ba nengele mo. \* Nde ala, laṅgwea  
bokweli bao na Petro ná am'ala binyo oboso  
o Galilea; oten nde lomendeno jene mo, kana  
8 a kwalanno binyo. \* Na babo babusa o soṅgo  
ba nya mila, ebanja e ta babo soasoane na  
manyaka; nde basita balāṅgwea to-moto to-  
lambo, ebanja ba ta ba bwa boṅgo.
- 9 Nde niponda a tano a pumbwa, o mbat'a  
idiba, o bunya ba boso ba woki, a sele nde  
busea Maria Magdalena, nyena a tano a busise  
10 midī ma bobe samba. \* Na mo 'ala, a laṅ-  
gwea ba bena ba ta na mo (Yesu), bena ba ta  
11 ba bwa ndutu b'eya pe. \* Nde babo niponda  
ba seṅgino ná e loṅge, 'enen pe na mo, ba si  
ta ba dube.

(12. 13: Luk. 24, 13—35.)

- 12 Ombusa nika a ta pe a busea baba babu  
o nyai nipepe, ponda ba tano ba daṅgwa o  
13 eyidi. \* Nde ba ta b'ala, ba laṅgwea bane  
bapepe; nde ba si ta pe to ba dube babo.

(14—18: Luk. 24, 36—49. Yoh. 20, 19—23.)

- 14 Nde ombusa nika, na mo aleele momene  
na dom na mowó, ponda ba tano baja o  
tebedi. Na mo a sà babo onyola diṅga labu  
la penda na milema mabu ma bwambi, onyo-  
lana basita ba dube ba bena b'en mo ombusa

## Marko 16. Lukasi 1.

pumbwa lao. \*Na mo a kwalane babo na: 15  
Ala o wase nyese, langwa miaŋgo-ma-  
bwam na bato bese. \*Nu nu dube nde 16  
adubisabe, amende joŋgisabe, nu nu si  
dube amende kwesabe. \*Nde ben beyem- 17  
ban nde be mende bupe ba bena ba dube: Ba  
mende busise midī ma bobe o dina lam, ba  
mende topo na l'eme la penya, \*ba mende 18  
damea nyama miaba na maa; ba nyodi te  
lambo di ma-bwane, di si mende bola babo  
bobe, ba ma-neŋge maa omony a baboedi, na  
babo ba bole.

(19: Luk. 24, 50—53. Bebol. 1, 4—11.)

Nde Saŋgo a boleno kwalane babo man 19  
mambo, na mo a noŋgobe o mony, a ja o dia  
la mom la Loba. \*Na babo b'ala, ba langwa 20  
miaŋgo-ma-bwam wuma yese, nde Saŋgo ata  
a bola muemba na babo, 'embe eyala na be-  
yemban be bupe.

# MIANĠO MA BWAM

## KAPONDA LUKASI.

Kana gita ba noŋgino o tila miaŋgo onyo- 1  
la mambo mena ma bole bolane oteten asu,  
\*kana ba bena ba ta mboŋ a miso na babo- 2  
ledi ba eyala natena beboteri ba bakeno biso  
mo, \*y'enen pe bwam na mba, kana na wa- 3  
sino mese bwam natena o beboteri, o tilea

## Lukasi 1.

oa mo, diwodiwo kana m'aledino, a Teofilo  
4 ny'edube, \* ná o baka mbal'a beleedi, bena o  
leabeno.

5 O minya ma Herode, kin'a Yudea, prisi  
po e ta, dina lao na Sakaria, o muemba ma  
Abia, nde a ta a bā muto o bana ba ngonderi  
6 ba Aron, dina lao di ta na Elisabet. \* Nde  
babo babane bata ba teme na sim oboso ba  
Loba, bata ba dangwa o mbenda yese na  
7 beanedi ba Saŋgo, esibe misan. \* Nde ba si  
ta ba ya muna, ebanja Elisabet a ta ewombe,  
8 nde babo babane bata ba má-duna. \* Nde e  
ta na, niponda a tano a bola ebol'a prisi oboso  
9 ba Loba, kaponda nume la muemba mao, \* o  
kaponda kolongone la ebol'a prisi, male ma  
ta nde ma koye mo o dise benumba, na mo  
10 'ingea o tempel a Saŋgo. \* Nde dimuti la  
bato lese di ta di kane o eboko, o pond'a  
11 dise la jabea la benumba. \* Nde angel a  
Saŋgo e ta e busea mo, e teme o dia la mom  
12 la diyo la dise la benumba. \* Nde Sakaria  
'enno mo, a manymeye, na bongo bo koye mo.  
13 \* Na angel ekwalane mo na: A Sakaria, osi  
bwa bongo, ebanja muka monggo mu seŋgabe,  
munj'aŋgo Elisabet a mende yeya oa muna-  
mome, nde o mende bele dina lao na, Yohane.  
14 \* Nde o mende bene munyenŋe na mutam,  
nde gita ba mende bwa munyenŋe onyola yabe  
15 lao. \* Ebanja a mende be nundene oboso ba  
Saŋgo; asimende nyo mao na benyon bema-  
sokisane, nde a mende londisabe na Mudī Mu-

## Lukasi 1.

saŋgi natena o dibum la nyan̄go, \*nde a 16  
mende timbise gita la bana ba Israel na Saŋgo  
Loba labu. \*Nde a mende wala mo oboso o 17  
mudi na nginy'a Elia, na timbise milema ma  
basaŋgo na bana, na bamayaŋako o jongoŋe  
la batem-na-sim, o boŋsane Saŋgo bato ba  
boŋsanebe. \*Na Sakaria a kwalane angel na: 18  
Na njika lambo na mendeno bia din? ebanja  
mba na nde mudun a moto, mun' am pe a  
ma-duna. \*Na angel e alabe, e kwalane mo 19  
na: Mba nde ne Gabriel, nu ma-teme oboso  
ba Loba, na lomabe nde o kwalisane oa, na  
biise oa min miaŋgo ma bwam. \*Nde ombwa, 20  
o mende ko mbuke, o si mende wele topo,  
natena o ponda din di mendeno bolane; onyo-  
lana o si dube beyala bam, bena be mende  
londe o pond'ao. \*Nde dimuti di ta di tata 21  
Sakaria, di nyaka na 'indino nika o tempel.  
\*Nde a busino a si ta a wele kwalisane babo, 22  
na babo ba so na 'en jene o tempel. Na mo  
a sikimeye babo dia, aja dimume. \*Nde e ta 23  
na, niponda minya ma ebol'ao mi domno, na  
mo 'ala o mboa. \*Nde ombusa mi minya, na 24  
mun'ao Elisabet a nongo deme, na mo a wuta  
momene miodi mitanu, a kwala na: \*Ninka 25  
nde Saŋgo a bolino mba o minya miena 'ombo-  
no o sumwa ison am oteten a bato.

Nde o modi mu londe mutoba, angel Gab- 26  
riel e ta e lomabe na Loba o mundi ma Gali-  
lea, dina lao na Nasaret, \*omboa ngonderi 27  
ni ta ni wandabe na moto mowó dina lao na  
Yosef, o ndabo a Dawid; dina la ni ngonderi

## Lukasi 1.

28 di ta nde Maria. \*Nde angel e ta 'in<sup>g</sup>ea na mo,  
 e kwala na: Masoma na oa, nu kusi ndedi;  
 Sa<sup>g</sup>o e na oa, a oa nunamsabe o teten a bona-  
 29 bito. \*Nde 'en<sup>n</sup>o mo, na mo a manyme<sup>y</sup>e onyola  
 30 y'eyala, a dutea na, njika masoma ma e? \*Na  
 angel e kw<sup>a</sup>lane mo na: O si bwa bo<sup>n</sup>go, a  
 31 Maria, ebanja o kusi ndedi na Loba. \*Nde  
 ombwa, o mende no<sup>n</sup>go deme, o mende ya  
 muna-mome, nde o mende bele dina la o na  
 32 Yesu. \*Mo a mende be nundene, a mende  
 belabe Mun'a Nyasam, nde Loba Sa<sup>g</sup>o  
 a mende bola mo bejedi ba janea ba sa<sup>n</sup>-  
 33 go ao Dawid, \*nde a mende be ki<sup>n</sup>e  
 omony a ndabo a Yakob natena o bwi-  
 ndea, nde janea la o la ki<sup>n</sup>e di si mende  
 34 bene su. \*Na Maria a kw<sup>a</sup>lane angel na:  
 Neni din di mende<sup>n</sup>o bolane, kana na si bi<sup>n</sup>o  
 35 mome? \*Na angel ny'alabe, e kw<sup>a</sup>lane mo  
 na: Mud<sup>i</sup> Musa<sup>n</sup>gi mu mende po omony a<sup>n</sup>go,  
 nginy'a Nyasam e mende kumane oa; onyola  
 nika di la bos<sup>a</sup>ngi lena di mende yabe, di  
 36 mende belabe na: Mun'a Loba. \*Nde ombwa,  
 eyab'a<sup>n</sup>go Elisabet pe a no<sup>n</sup>gi deme la muna-  
 mome o bodun bao, tatan ye nde na mo miodi  
 37 mutoba, mo nu ta nu belabe ewombe. \*Eba-  
 nja to-lambo di titi lena di si ma-wele bolane  
 38 na Loba. \*Na Maria a kwala na: Ombwa,  
 ne nde muut'a Loba; e bolane na mba, ka-  
 ponda eyal'a<sup>n</sup>go. Na angel ny'asumwe na mo.  
 39 Nde Maria a ta 'asumwe o mi minya, a  
 wamse wala o ekombo a mido<sup>n</sup>go, o mundi  
 40 ma Yuda mow<sup>o</sup>, \*na mo 'in<sup>g</sup>ea o ndabo a

## Lukasi 1.

Sakaria, a soma Elisabet. \* Nde e ta na, ni- 41  
ponda Elisabet a seŋgino masoma ma Maria,  
muna a sobele o dibum lao. Nde Elisabet a  
ta a londa na Mudi Musan̄gi, \* a kwala na 42  
doi la monymony na: Bonam na oa oteten  
a bona-bito, bonam na epum'a dibum loŋgo.  
\* Nde o ueni din di poyedino mba, ná nyaŋgo 43  
a Saŋgo am a poye mba e? \* Ebanja, ombwa, 44  
niponda doi loŋgo la masoma di poino o matoi  
mam, na muna a sobele o dibum lam o mu-  
nyen̄ge. \* Nde bonam na nu nu ta nu dube, 45  
ebanja di di kwalabe na mo na Saŋgo, di  
mende londa. \* Na Maria a kwala na: 46

Mulema mam mu ma-kolise Saŋgo,  
mudi mam pe mu ma-bwa munyen̄ge onyola 47  
Loba, Musun̄ger'am.

Ebanja a ta'ombwa bejedi be sibi ba muut'ao 48  
nya muto.

Ebanja ombwa, botea tatan, nyoŋon yese i  
mende bele mba bonam,

ebanja Nyaŋgum a boledi mba mambo ma- 49  
ndene;

bosaŋgi nde boe dina lao.

Nded'ao pe e tiŋgam o nyoŋon na nyoŋon, 50  
na ba ba ma-bwe mo boŋgo.

A leelee ŋginya na enam'ao, 51  
apambilana ba be kumba o joŋgele la milema  
mabu;

a sibise baŋginya o bejedi ba janea, 'ase basibi; 52  
alondise banjai na mambo ma bwam, nde 53  
'esele bambwan̄ ba timba n'ewolo.



## Lukasi 1.

- 54 'Ongwan muut'ao Israel,  
o jongele ndedi,  
55 kana a tano a kwalane basango basu,  
Abraham na mbot'ao onyola bebe bese.  
56 Nde Maria ata aja na mo to miodi milalo,  
na mo a timba pe o mbo'ao.  
57 Nde ponda e ta edongamene onyola Elisa-  
58 bet na a ye, na mo a ya muna-mome. \*Nde  
bato bao ba teten-a-mboa, na beyabe bao  
ba ta ba senga na Sango a kolise nded'ao na  
59 mo, na babo ba bwane mo munyenge. \*Nde  
e ta na, o bunya bo londe lombi, ba ta bapo  
o jenda muna; nde ba ta baposea mo dina  
60 la sango Sakaria. \*Nde nyango a ta'alabe,  
a kwala na: Kem, a ma-belabe nde Yohane.  
61 \*Na babo ba kwalane mo na: To-moto a  
titi o mbia mongo nu ma-belabe na di dina.  
62 \*Na babo ba bola sango eyemban, neni a ma-  
63 pulano na a belabe. \*Na mo a pula tafel, a  
tila na: Dina lao le nde Yohane. Na babo  
64 bese ba nyaka. \*Na dibokimene mudumbu  
'mao na eyem'ao ba telame, na mo a topo, a  
65 sesa Loba. \*Nde bonggo bo ta bo poye bese,  
bena ba ta o ni teten-a-mboa; nde man ma-  
mbo mese ma ta ma dangwa miango o mi-  
66 donggo ma Yudea miese. \*Nde bese bena ba  
ta ba senga mo, ba ta ba nongo mo o mulema,  
ba kwala na: Nje nu muna a mendeno be e?  
67 Ebanja dia la Sango pe di ta na mo. \*Nde  
sango Sakaria ata a londa na Mudī Musaŋgi,  
a topo bedinge, a kwala na:  
68 Sesa di be na Sango, Loba la Israel,

## Lukasi 1.

ebanja a pepele, a weki pe jongise onyola  
bona bao,  
ateseye biso tongo a jongise o ndabo a 69  
muut'ao Dawid,  
kana a topino onyola mudumbu ma batoperi 70  
bao ba mudī ba bosaŋgi, natena kwan:  
Jongise na basingeri basu na o dia la bese 71  
bena ba siŋge biso,  
o leele ndedi na basaŋgo basu, na joungele 72  
male mao ma bosaŋgi,  
kana a kanno songo na saŋgo asu Abraham, 73  
o bola biso ná di sungabe o dia la basiŋ- 74  
geri basu,  
di boleye mo e si be bonggo,  
o bosaŋgi na teme-la-sim oboso bao, 75  
minya masu ma longe mese.  
Nde oa pe, a muna, o mende belabe 76  
mutoper'a-mudī nya nu Nyasam.  
Ebanja o mende wala oboso ba Saŋgo  
o bohsane mo maŋgea mao,  
o bola bona bao dibie la jongise, 77  
onyola lakise la miobe mabu,  
onyola nded'a mulema nya Loba lasu, 78  
nyena onyol'ao inyanyo a mony i busedino  
bisō.  
o panyea ba bena be o muititi, na o muititi 79  
ma kwedi,  
o tese miende masu o nge'a musaŋgo.  
Nde nu muna a ta anyaka, a timba nginya 80  
o mudī, nde a ta o eyaŋ natena bunya ba  
biisabe lao na Israel.

## Lukasi 2.

2 Nde e ta e bolane o mi minya ná mbenda  
e tēsebe na kaisa Augusto, ná wase nyese e  
2 soṅgobeḽe. \* Nde mu musoṅgi mu ta nde ma  
boso, mu ta nde niponda Kyrenio a tano gobina  
3 o Syria. \* Nde bato bese ba ta b'ala, moto te  
4 o mao mundi, ná ba soṅgobeḽe. \* Nde Yosef pe  
a ta 'asumwe o Galilea, o mundi ma Nasaret,  
'ondea o Yudea, o mundi ma Dawid, mu belabe  
Betlehem, ebanja ata nde nya ndabo na mbia  
5 ma Dawid, \* ná a soṅgobeḽe na Maria, ewand'  
6 ao, nu ta deme. \* Nde niponda ba tano oten,  
7 minya mi ta mi doṅgamene ná a ma-ya. \* Na  
mo a ya mun'ao nya mome nya boso, a wuleḽe  
mo o bepasi ba ma-bato, a neṅge mo o eboki,  
ebanja bejedi beta be pinya na babo o ndabo  
8 a ben. \* Nde batateri ba ta o eyidi o y'epas'a  
wuma, ba ta ba tata dibemba labu o bulu.  
9 \* Nde ombwa, angel a Saṅgo e ta epoye babo,  
na bosanḽi ba Saṅgo bo panyea babo o miri  
10 mese, na babo ba bwa boṅgo bwambi. \* Na  
angel e kwalane babo na: Lo si bwa boṅgo,  
ombwa, na wanedi nde binyo miaṅgo ma  
munyenḽe mundene, mu mende be na ba-  
11 to bese; \* ebanja oenḽe Musuṅgeri a ya-  
be onyol'anyu, nu nye nde Kristo Saṅgo,  
12 o mundi ma Dawid. \* Nde din di be eyemban  
na binyo: Lo mende bomane mueṅge ma muna  
mu wulabeḽe o bepasi ba mabato, mu naṅga o  
13 eboki. \* Nde dibokimene dimuti la mony di  
ta na angel, di sesa Loba, di kwala na:  
14 \* Edube e be na Loba o mony nyese,  
musanḽo o wase, dolisane pe na bato.

## Lukasi 2.

Nde e ta na, niponda angel y'asumweno 15  
na babo y'ala o mony, na batateri ba kwalane  
mowó na nune na: Esele biso di wale o Bet-  
lehem o jombwa di lambo di bolan, lena Saŋgo  
abiiseno biso. \*Nde ba wamse po, ba so 16  
Maria na Yosef na mu muenge ma muna,  
mu naŋga o eboki. \*Nde b'enzo mo, na babo 17  
ba laŋgwa onyola y' eyala, yena eta e kwala-  
be na babo onyola nu muna. \*Nde bese 18  
bena ba seŋgi mo, ba ta ba nyaka onyola ma-  
mbo batateri ba laŋgwedino babo. \*Nde Maria 19  
ata a nenge beyala bese, a kumwa dutea mo  
o mulema mao. \*Nde batateri ba timbi, ba 20  
busise Loba, ba sesa mo onyola mambo mese  
ba seŋgino na b'enzo, kana e tano e kwalabe  
na babo.

Nde minya lombi mi dongamenno o jenda 21  
mo, dina lao di ta di belabe na Yesu, lena di  
ta di belabe na angel nika, obiana a ma-noŋ-  
gobe deme.

Nde niponda minya ma saŋgise labu mi 22  
londino, kaponda mbend'a Mose, na babo ba  
wana mo o Yerusalem, o tese mo oboso ba  
Loba — \*kana e tilabeno o mbend'a Saŋgo 23  
na: „Mome na mome muena mu sele jande  
esal'a nyaŋgo, mu belabe bosangi onyola Saŋ-  
go“, — \*na o bola jabea, kaponda e kwala- 24  
beno o mbend'a Saŋgo, bepasekoko beba to  
besombe ba mbeŋga beba. \*Nde ombwa, 25  
moto mowó ata o Yerusalem, dina lao na  
Simeon, nde nu moto ata a teme na sim, na  
bwa Loba boŋgo, ata a tata lokomea la Israel,

## Lukasi 2.

- 26 Mudī Musāngi pe mu ta omōny ao; \*nde e  
ta e biisabe mo na Mudī Musāngi, ná a si  
mende jene kwedi, natē 'ene Kristo nya Saṅgo.
- 27 \*Nde a ta a po o tempel na Mudī. Nde ni-  
ponda saṅgo na nyaṅgo ba wanno nu muna  
Yesu, o bola onyol'ao kaponda kolongone la
- 28 mbenda, \*na mo a noṅgo mo o maa mao, a  
sesa Loba, a kwala na:
- 29 Tatan, a Saṅgo, o m'esele muut'aṅgo,  
kaponda eyal'aṅgo, o ala na musaṅgo,
- 30 ebanja miso mam ma má-jene joṅgise  
loṅgo
- 31 lena o boṅsanno oboso ba matumba mese,  
32 muenen o biisabe na basibi,  
na edub'a bona boṅgo Israel.
- 33 Nde saṅgo na nyaṅgo ba ta ba nyaka onyola  
34 ma ma ta ma kwalabe onyol'ao. \*Na Simeon  
a namse babo, a kwalane Maria, nyaṅgo ao,  
na: Ombwa, nun a tesebe nde onyola ko na  
betemedi ba gita o Israel, na eyemban yena
- 35 ba mendeno teṅgene topone, \*nde oamene pe,  
po e mende numa mudī moṅgo, ná moṅgele
- 36 ma gita la milema ma biisabe. \*Nde  
mutoper'a-mudī nya muto mowó pe a ta,  
Hana, mun'a Fanuel, o tumba la Asa, a ta  
a duna bwambi, a ta nde na mom'ao mbu  
samba, botea o pond'ao nya ṅgonderi,
- 37 \*nde a ta nde mukusa ma to mulombi ma  
mbu na minei, nu si ta ny'esele tempel, nde  
a ta nde a bolea Loba na kandane la da na
- 38 sosomea, bulu na muese. \*Na mo pe apo  
o ni pondamene, a soma Loba, a topo onyol'

## Lukasi 2.

ao na bese, bena ba ta ba tata jongise o Yerusalem. \* Nde ba domseno mambo mese, 39 kaponda mbend'a Saŋgo, na babo ba timba pe o Galilea o mundi mabu Nasaret. \* Nde 40 nu muna ata anyaka, atondo nginya, a londa na dibie, nded'a Loba pe e ta na mo.

Nde saŋgo na nyaŋgo ba ta be b'ala mbu 41 te o Yerusalem o bunya-ba-bosaŋgi ba Pasah. \* Nde ponda a poino dom la mbu na miba, ba 42 ta b'ondea o Yerusalem, kaponda kolongone la bunya-ba-bosaŋgi. \* Nde ba londeno minya o 43 betimbedi babu ba mboa, na nu muna Yesu a dia o Yerusalem, nde saŋgo na nyaŋgo ba sita ba bia nika. \* Nde kana ba tano b'ongele 44 na e oteten a muemba ma londo, na babo ba daŋgwa londo la bunya bowo, ba pulise mo oteten a mbia na bekolongon (babu); \* nde 45 ba si soino mo, na babo ba timba pe o Yerusalem o pulise mo. \* Nde e ta na, ombusa 46 minya milalo, na babo ba so mo, ajai o tempel, oteten a baleedi o seŋgane babo na juele babo. \* Nde bese bena ba seŋgan mo, ba ta 47 banyaka onyola sontane lao na jalabe lao. \* Nde b'enzo mo, na babo ba nyaka. Na 48 nyaŋgo a kwalane mo na: A muna, neni o bolino biso nika? Ombwa, biso na songo di ta di pulise oa na ndutu. \* Na mo a kwalane 49 babo na: Nje lo tano lo pulise mba? Lo si bi na n'angamen be o mambo ma Tete? \* Nde 50 ba si ta ba sontane y'eyala a kwalanno babo. \* Na mo a siba na babo, 'ala o Nasaret, a si- 51 bise momene owas'abu; nde nyaŋgo a ta a

## Lukasi 2. 3.

52 neṅge man mambo mese o mulema mao. \*Nde Yesu ata atòṅdo o dibie na o bonyaki na o ndedi na Loba na bato pe.

(3, 3—18: Mat. 3, 1—12. Marko 1, 1—8.)

3 Nde o dom la mbu na mitanu ma janea la kaisa Tiberia, niponda Pontio Pilato a tano gobina o Yudea, Herode pe tetrarki o Galilea, muna-saṅgo Pilipo pe tetrarki o Iturea na ekombo a Trakoniti, Lysania pe  
 2 tetrarki o Abilene, \*owasa prisi nindene Ana na Kaifa, eyal'a Loba e ta e poye Yohane,  
 3 mun'a Sakaria, o eyañ. \*Na mo apo, a laṅgwa o wuma yese i diṅgele Yordan, dubise  
 4 la jatele onyola lakise la miobe; \*kana e tilabeno o kalat'a belangwedi ba Yesaia, mutoper'a-mudi, na: „Doi la mulangwedi di seṅgabe o eyañ na: Poṅgo ṅge'a Saṅgo, tese  
 5 maṅgea mao na sīm. \*Misima mese mi mende londisabe, midoṅgo mese na midoṅgo misadi mi mende sibisabe; ma me mpeṅga ma mende timba (maṅgea) ma sīm, ma mikondoki pe ma  
 6 mende timba maṅgea ma dasidasi; \*beyobo bese pe be mende jene joṅgise la Loba.“  
 7 \*Nde a ta a kwalane mamuti, mena ma ta ma busa, ma po o dubisabe na mo, na: A binyo bana ba pe, nja nu lee binyo, ná lo nye ma-  
 8 liṅga ma ma-ye mila e? \*Wana so nde be-puma be doṅgamen onyola jatele, lo sikumwa kwala na binyomene na: Abraham e nde saṅgo asu. Ebanja nā-laṅgwea binyo, Loba ena a busiseye Abraham bana onyola man  
 9 madale. \*Ewondo e má-neṅgebe pon o mi-

### Lukasi 3.

anga ma miele; bwele na bwele so, bo si yai  
te bepuma ba bwam bo ma-kebe, bo pimbabe  
o wea. \* Na mamuti m'uele mo na: Di bole 10  
so nje e? \* Na mo 'alabe babo na: Nu nu 11  
ben loki loba, a bole nu nu si ben; nu pe nu  
ben da, a bole nikamene. \* Nde bakotedi pe 12  
ba ta ba po o dubisabe, na babo ba kwalane  
mo na: A muleedi, di bole nje e? \* Na mo 13  
a kwalane babo na: Lo si pula buka di di  
tesebe binyo. \* Nde bato-ba-bila pe ba ta 14  
b'uele mo, ba kwala na: Bisu pe di bole nje  
e? Na mo a kwalane babo na: Lo si dumba  
to-moto, lo si nongone moto lambo na manya-  
kisan, esele musauedi manyu mudongamene  
binyo. \* Nde kana dimuti di tano di pite, 15  
na bese dutea o milema mabu onyola Yohane,  
na nga mo nde e Kristo e, \* na Yohane 'alabe, 16  
a kwalane bese na: Mba na ma-dubise nde  
binyo na madiba; nde mowó ama-ya, nu buki  
mba nginya, nyena nasi dongamen to o wunja  
misinga ma betambi bao, mo nde a mende  
dubise binyo na Mudī Musangi na wea.  
\* Esengwen ye o dia lao, a mende sangise 17  
eyot'ao bwambwam, na kotele mbasi o ndabo  
ao nya ekotedi, nde a mende dise besambu  
na wea i si ma-dime. \* Na gita la beleedi 18  
bepepe pe a ta a langwea dimuti miango-ma-  
bwam. \* Nde Herode tetrarki, nyena a tano 19  
a sa onyola Herodia, munj'a muna-sango, na  
onyola miobe mese Herode a bolino, \* a ta pe 20  
a bata din omony a mese, a kwese Yohane  
o beboa.



### Lukasi 3.

(21. 22: Mat. 3, 13—17. Marko 1, 9—11. Yoh. 1, 32.)

21 Nde e ta na, kana dimuti lese di dubisa-  
beno, na niponda Yesu pe a dubisabeno, a  
22 tano a kane, mony e ta e telame, \* na Mudi  
Musaŋgi musiba omony ao o bowan ba nyolo  
ka mbenga, na doi di wa o mony na: Oa nde  
oe Mun' am nya ndolo, na dolisan nde oa.

(23—38: Mat. 1, 1—17.)

23 Nde mo, Yesu, ata nde to mualalo ma  
mbu, niponda a botedino, nde ata nde, kana  
24 ba tano b' ongele, mun'a Yosef nya Eli, \* nya  
Matat, nya Lewi, nya Melki, nya Yanai, nya  
25 Yosef, \* nya Matatia, nya Amosi, nya Nahum,  
26 nya Esli, nya Naŋgai, \* nya Māt, nya Matatia,  
27 nya Semei, nya Yosek, nya Yoda, \* nya Yo-  
hanan, nya Resa, nya Serubabel, nya Salatiel,  
28 nya Neri, \* nya Melki, nya Adi, nya Kosam,  
29 nya Emadam, nya Er, \* nya Yesu, nya Eliesa,  
30 nya Yorim, nya Matat, nya Lewi, \* nya Si-  
meon, nya Yuda, nya Yosef, nya Yonam, nya  
31 Eliakim, \* nya Melea, nya Mena, nya Matata,  
32 nya Natan, nya Dawid, \* nya Yese, nya Obed,  
33 nya Boasi, nya Sala, nya Nahason, \* nya  
Aminadab, nya Admin, nya Arni, nya Hesron,  
34 nya Peresi, nya Yuda, \* nya Yakob, nya Isak,  
35 nya Abraham, nya Tara, nya Nahor, \* nya  
Serugi, nya Regu, nya Peleg, nya Eba, nya  
36 Sala, \* nya Kainan, nya Arfasadi, nya Sem,  
37 nya Noa, nya Lamek, \* nya Metusala, nya  
Enok, nya Yared, nya Mahalalel, nya Kainan,  
38 \* nya Enosi, nya Set, nya Adam, nya Loba.

## Lukasi 4.

(4, 1—13: Mat. 4, 1—11. Marko 1, 12. 13.)

Nde Yesu, nu ta nu londa na Mudī Mu- 4  
saŋgi, ata a timba o wa la Yordan, na mo a  
diabele na Mudī o eyaŋ, \*nde a ta akekisabe 2  
na Satan muaneī ma minya. Asita a da to-  
lambo o mi minya, nde mi tombino, a ta a  
bwa njai. \*Na Satan a kwalane mo na: 3  
Yetena oe nde Mun'a Loba, kwalane so din  
dale, ná di timbe ewolo. \*Na Yesu 'alabe 4  
mo na: E tilabe na: „Seto onyola bewolo  
momene nde moto amendeno be loŋge nde  
onyola eyal'a Loba te.“ \*Na Satan 'ondane mo 5  
omony a mudoŋgo muasam, a leelee mo beko-  
mbo bese ba mundi-ma-wase o musò mowó-  
mene \*a kwalane mo na: Na ma-pula bola oa 6  
nin ŋginya nyese na edub'ao, ebanja e bolabe  
mba, na ma-bola pe mo to-nja na ma-pulano;  
\*o owe so te mba, ke mese ma mende nde be 7  
moŋgo. \*Na Yesu 'alabe, a kwalane mo na: 8  
E tilabe na: „Owe Saŋgo, Loba loŋgo, bolea  
pe nde momene mowó.“ \*Na mo 'alane mo 9  
o Yerusalem, a tese mo omony a mbasan ma  
munyua ma tempel, a kwalane mo na: Yetena  
oe nde Mun'a Loba, aŋgwe wase uan.  
\*Ebanja e tilabe na: „A mende janea angel 10  
ao onyol' aŋgo, o tata oa, \*imende bambe oa 11  
o maa, ná o si ya to domele muende moŋgo  
onyola dale.“ \*Na Yesu 'alabe, a kwalane 12  
mo na: E kwalabe na: „O si keka Saŋgo,  
Loba loŋgo.“ \*Nde Satan a boleno makekisan 13  
mese, na mo 'esele mo onyola son a ponda.

## Lukasi 4.

(14. 15: Mat. 4, 12—17. Marko 1, 14. 15.)

14 Nde Yesu ata a timba o Galilea na  
nginy'a Mudī, nde mumban muta mu busa  
15 onyol'ao oteten a y'epasi yese; \*a ta pe  
a lee o mandabo mabu ma ndongamen, a  
sesabe na bese.

(16—30: Mat. 13, 53—58. Marko 6, 1—6.)

16 Nde ata pe apo o Nasaret, wuma a  
nyakedino, na mo'ingea o ndabo a ndongamen  
o bunya-ba-wumse, kaponda kolongone lao,  
17 ateme o laŋga. \*Nde kalat'a mutoper'a-  
mudi Yesaia eta e bolabe mo. Nde a teleno  
18 kalati, na mo aso wuma i tilabe na: \* „Mudi  
ma Saŋgo mue omony am, onyolana  
'okise mba o laŋgwa miaŋgo-ma-bwam  
na batuedi, alom mba o bolise milema  
minyosedi, o laŋgwea babeboa tesebe  
la wonja, na bandima jene, o tese ba-  
19 bandabe wonja, \*o laŋgwa mbu ma do-  
20 lisane ma Saŋgo.“ \*Nde a kukeno kalati,  
na mo a bola mo muboledi, aja wase; nde  
miso ma bese, bena bata o ndabo a ndonga-  
21 men, ma ta ma sokame mo o nyolo. \*Na mo  
akumwa kwalane babo na: Ben betiledi be londi  
22 o matoi manyu oenge. \*Na bese ba bola mbon  
onyol'ao, ba nyaka onyola beyala ba ndolo,  
bena beta bebusa o mudumbu mao. Nde ba  
ta ba kwala na: Seto mun'a Yosef nu e?  
23 \*Na mo a kwalane babo na: Nambale, lo  
mende nde kwalane mba mun munia na: A  
mot'a-bwanga, bolise oamene. To-nje di sei-  
gino ná e bolan o Kapernaum, bola pe nika

## Lukasi 4.

uan o mundi mongo. \*Nde ata akwala na: 24  
 Nambale, nā-laṅgwea binyo, to mutoper'a-  
 mudī mowó asidubabe o mundi mao. \*Nde 25  
 nambale, nā-laṅgwea binyo, gita la mikusa  
 dita o Israel o minya ma Elia, niponda mony  
 etano ekwesabe mbu milalo na miodi mutoba,  
 niponda njai nindene etano o ekombo yese;  
 \*nde Elia a si ta a lomabe omboa to-mowó, 26  
 ke o Sarepta momene, o Sidon, ombo'a mu-  
 kusa ma muto. \*Gita la bato ba mulongó 27  
 pe bata o Israel o pond'a mutoper'a-mudī  
 Elisa; nde to-mowó nyabu a si ta asaṅgisabe  
 ke Naeman, mot'a Syria. \*Na babo bese ba 28  
 londa na malinga o ndabo a ndongamen,  
 niponda ba seṅgino man mambo; \*na babo 29  
 bateme, basokele mo ombusa mundi, b'alané  
 mo o mbasan ma mudoṅgo, muena omony ao  
 nde mundi mabu mutano mulongabe, o pimba  
 mo wase. \*Nde ata a tomba oteten abu, 'ala. 30

(31—37: Marko 1, 21—28.)

Nde ata asiba o Kapernaum, mundi ma 31  
 Galilea, a lee babo o bunya-ba-wumse; \*nde 32  
 bata b'uba onyola beleedi bao, ebanja eyal'  
 ao eta nde na ṅginya. \*Nde moto mowó 33  
 ata o ndabo a ndongamen nu ta nu bene  
 mudī ma bobé musisaṅgi, na mo ate musea  
 omony, \*a kwala na: O, nje di benno o bola- 34  
 ne oa, a Yesu nya Nasaret? Opoi nde o nyamse  
 biso? Na bī njā oeno: Nyabosaṅgi nya Loba.  
 \*Na Yesu adomea mo, a kwala na: Ko na pī, 35  
 busa na mo! Na mudī ma bobé mu kwese mo  
 wase oteten abu, mu busa na mo, e si be jense

## Lukasi 4. 5.

36 mo sese. \* Nde manyaka ma ta ma poye babo bese, na babo ba kwalisane mowó na nune, ba kwala na: Njika eyala yen, am'anea midí mi si sangi na nginya na ngum, na mo  
37 mi busa e? \* Nde mumban muta mu busa onyol'ao o ni teten-a-wuma nyese.

(38—44: Mat. 8, 14—17. Marko 1, 29—39.)

38 Na mo 'asumwe o ndabo a ndongamen, 'ingea o ndabo a Simon. Nde nyaŋgo a Simon nya diba (nyaŋgo a munj'ao), ngo nindene e ta ny'alea mo, na babo ba sosomea mo  
39 onyol'ao. \* Na mo 'ala na mo, a nuŋgame omony ao, a domea ngo, na mo ny'esele mo;  
40 na dibokimene ateme, a bolea babo. \* Nde niponda wei i sibino, bese bena bata babene baboedi ba nyai a maboa, bata ba wana babo na mo; na mo a neŋgele maa omony a mowó  
41 na mowó nyabu, a bolise babo. \* Midí ma bobepé mi ta mi busa na gita, mi te musea, mi kwala na: Oa oe nde Mun'a Loba. Na mo a domea mo, a s'esele mo mi topo, ebanja mi ta mi bia  
42 na e nde Kristo. \* Nde bunya bo tano bo esele, na mo a busa, 'ala o wum'a eyaŋ, nde mamuti ma ta ma pulise mo, ma po na mo, bata b'embe mo, ná a s'asumwe na babo.  
43 \* Na mo a kwalané babo na: N'aŋgamen pé laŋgwea mindi mipepe miango-ma-bwam ma janea la Loba; ebanja onyola nikamene nde  
44 nalomabeno. \* Nde ata alaŋgwa o mandabo ma ndongamen ma Galilea.

(5, 1—11: Mat. 4, 18—22. Marko 1, 16—20.)

5 Nde e ta na, niponda dimuti di walamenno

## Lukasi 5.

mo, di seŋgino eyal'a Loba, a ta a tẽme o munja  
ma Genesaret, \* na mo'ene miolo miba, mi 2  
naŋga o sauwa; nde bato ba musombo ba ta  
b'asumwe oten, b'oa bepese babu. \* Na mo 3  
apeye o bolo bowó, boena bo ta ba Simon,  
asosomeye mo, na a busise mo son etum na  
mundi. Na mo a ja wase, a lee mamuti la  
bolo. \* Nde a boleno kwala, na mo a kwalane 4  
Simon na: Busise bolo o njiba, pimba bepese  
banyu, l'ombe. \* Na Simon 'alabe, a kwala 5  
na: A Saŋgo, di takatakan bulu boese di si  
bo to-lambo; nde onyola eyal'aŋgo nena na  
pimba bepese. \* Nde babolino nika, na babo 6  
b'endele sue gita; nde bepese babu be ta be  
nyauea. \* Na babo ba pepe makom mabu o 7  
bone bolo ná ba ye joŋgwane babo. Na babo  
ba po, ba londise miolo mibane, ka nyena mi  
ta mi pula jinda. \* Nde Simon Petro 'enno 8  
nika, na mo a ko wase o miende ma Yesu,  
akwala na: Asumwe na mba, a Saŋgo, ebanja  
ne mot'a bobe. \* Ebanja manyaka mata ma 9  
poye mo, na bese bena ba ta na mo, onyola  
bwa la sue babono; \* nikamene pe na Yakobo 10  
na Yohane, bana ba Sebedeo, bena ba ta ma-  
kom ma Simon. Na Yesu a kwalane Simon  
na: O si bwa boŋgo; botea tatan o mende  
nde be musombwe-bato. \* Na babo ba wana 11  
miolo o mundi, b'esele mese, ba bupe mo.

(12—16: Mat. 8, 1—4. Marko 1, 40—45.)

Nde eta na, niponda atano o mundi mo- 12  
wó, ombwa moto mowó, nu ta nu londa na  
mulòŋgó, niponda 'enno Yesu, na mo a ko o-

## Lukasi 5.

boso bao, asosomeye mo, akwala na: A  
13 Saŋgo, oemedi te, oena osaŋgise mba. \*Na  
mo asambise dia, atapa mo, akwala na:  
N'emedi, saŋga! Na dibokimene mulongo  
14 mu asumwe na mo. \*Na mo 'anea mo na,  
a si laŋgwea to-moto to-lambo; nde 'ala nde  
leele oamene na prisi, o bole jabea onyola  
saŋgisabe longo, kaponda Mose ateseno, o  
15 be mboŋ na babo. \*Nde miaŋgo mita mi  
beŋga busa onyol'ao, na mamuti mandene ma  
kotome o seŋga na o bolisabe na mo o maboa  
16 mabu. \*Nde ata a wengemeye o eyaŋ, a kane.

(17—26: Mat. 9, 1—8. Marko 2, 1—12.)

17 Nde eta na o bunya bowó, niponda a  
tano a lee, na Farisai na baleedi ba mbenda,  
bena ba ta ba wa o mindi misadi mese ma  
Galilea na ma Yudea, na o Yerusalem, ba ta  
ba ja wase; nde nginy' a Saŋgo eta ná a bolise  
18 babo. \*Nde ombwa, bato ba ta ba wana moto  
o noŋgo, nu ta njembele; nde ba ta ba pula  
19 jinjane mo o tese mo oboso bao. \*Nde ba  
si soino neni ba m'injaneno mo, onyola ka  
dimuti, na babo b'ondea omony a munyua,  
basibise mo oteten a munyua na noŋgo, oteten,  
20 oboso ba Yesu. \*Nde 'enno jemea labu, na  
mo akwala na: A moto, miobe mongo mi  
21 lakisabe. \*Nde babiedi-ba-kalat'a Loba na  
Farisai ba kumwa dutea, ba kwala na: Nja pe  
nun, nu ma-tope mabena? Nja ena alakise  
22 miobe, ke Loba momene mowó? \*Nde Yesu  
a soino mongele mabu, na mo 'alabe, akwalane  
babo na: Nje loma-duteano o milema manyu

## Lukasi 5.

e? \* Nje ebobi buka dine, o kwala na: Miobe 23  
 mongo milakisabe? to kwala na: Teme, dan-  
 gwa? \* Nde ná lo bie ná Muna-moto a ben 24  
 nginya o lakise miobe o wase, na mo akwa-  
 lane nu mot'a njembele na: Nama-kwalane  
 oa, teme, nongó nongó longo, ala o mbo'  
 ango. \* Na dibokimene ateme oboso ba babo 25  
 bese, a nongó nje a tano a nanga, 'ala o mbo'  
 ao, a sesa Loba. \* Nde manyaka ma ta ma 26  
 koye bese, na babo ba sesa Loba, ba londa  
 na bongó, ba kwala na: Di en muen a lambo  
 oenge.

(27—32: Mat. 9, 9—13. Marko 2, 13—17.)

Nde ombusa nika a ta a busa, na mo 'ene 27  
 mukotedi mowó, dina lao na Lewi, a ta aja  
 o ndabo a njangi, na mo a kwalane mo na:  
 Bupe mba! \* Na mo 'esele mese, a teme, a 28  
 bupe mo. \* Nde Lewi a ta 'ipele mo da di- 29  
 ndene o ndabo ao, nde dimuti dindene la  
 bakotedi na la bapepe, bena bata na babo,  
 dita dija o tebedi. \* Nde babiedi-ba-kalat'a- 30  
 Loba na Farisai, bata batopone bokweli  
 bao minyunyungu, ba kwala na: Onyolanje  
 lo ma-dano na nyo na bakotedi na babobe e?  
 \* Na Yesu 'alabe, a kwalane babo na: Ba ba 31  
 jai bwam ba si ma-pula mot'a bwaŋga,  
 ke baboedi. \* Na si poi o bele batem- 32  
 na-sim, nde babobe o jatele.

(33—39: Mat. 9, 14—17. Marko 2, 18—22.)

Nde ba ta bakwalane mo na: Bokweli ba 33  
 Yohane bayoki kandane da, ba bola pe mika,  
 nikamene pe na ba Farisai, nde bongó ba



## Lukasi 5. 6.

34 ma-da nde, ba nyo nde. \*Na mo akwalane babo na: Lena lo wele bola makom ma mubaedi o kandane da, ke mubaedi e na babo e?

35 \*Nde minya mimende po, nde yetena mubaedi amende nongobe na babo, denge bamende

36 kandane da o mi minya. \*Na mo akwalane pe babo munia na: To-moto a si ma-nyaua mulendi o mbot'a penya, nde a wele mo onyol'edun a mboti, (a boli te nika) ke a ma-nyaua nde nya penya, nde mulendi ma penya pe

37 mu si ma-dolisane ny'edun. \*To-moto pe a si ma-wele mao ma penya onyola bedun ba bekaŋga, ke mao ma penya ma ma-doma bekaŋga, momene ma komea, bekaŋga pe be

38 nyama. \*Nde b'aŋgamen nde wele mao ma penya onyola bekaŋga ba penya, nde mabane

39 ma ma-ja bwam. \*Nde to-moto nu ma-nyo mao ma kwan, a si ma-pula ma penya; ebanja a ma-kwala na: Ma kwan nde ma bobi.

(6, 1—5: Mat. 12, 1—8. Marko 2, 23—28.)

6 Nde e ta na, o bunya-ba-wumse bo londe miba, a ta a tomba oteten a mionda ma mbasi, nde bokweli bao bata bapolo miso ma mbasi, ba da, kana ba tano ba suŋwa mo o maa.

2 \*Nde dongo la Farisai bata ba kwalane babo na: Nje lo ma-bolano lambo di s'aŋgamen o

3 bola o bunya-ba-wumse e? \*Na Yesu 'alabe, a kwalane babo na: Lo si langi nje Dawid a bolino, niponda a bono njai na ba bata na

4 mo e? \*Neni 'ingedino o ndabo a Loba, a nongino bewolo betesebe oboso ba Loba, a dedino, a bola pe na ba bena bata na mo,

## Lukasi 6.

bena bes'aŋgamen dabe na moto, ke na prisi momene e? \* Na mo a kwalane babo na: 5  
Muna-moto nde e saŋgo a bunya-ba-wumse.

(6—11: Mat. 12, 9—14. Marko 3, 1—6.)

Nde e ta na o bunya-ba-wumse bopepe, 6  
a ta 'iŋgea o ndabo a ndoŋgamen o lee. Nde  
moto mowó ata oten, nyena dia lao la mom  
di ta di anja. \* Nde babiedi-ba-kalat'a-Loba 7  
na Farisai bata basomo mo, ŋga ena a bolise  
o bunya-ba-wumse, ná ba die njom na mo.  
\* Nde a ta a bia moŋgele mabu. Na mo a 8  
kwalane nu moto nu ta nu bene dia di wedi  
na: Teme, o teme oteten! Na mo 'asumwe,  
a teme. \* Na Yesu a kwalane babo na: Na 9  
m'uele binyo ŋga e aŋgamen o bola bwam  
o bunya-ba-wumse, ŋga bola bobee; o suŋga  
loŋge, ŋga nyamse mo? \* Nde 'ombono babo 10  
bese o muri na muri, na mo a kwalane mo  
na: Sambise dia loŋgo! Na mo a bola nika,  
na dia lao di timbisabe bwam ka dine. \* Na 11  
babo ba liŋga bwambibwambi, ba kwalisane  
mowó na nune nje beno ná ba bola Yesu.

(12—16: Marko 3, 13—19.)

Nde e ta na o mi minya, a ta a busa, 'ala 12  
omony a mudoŋgo o kane, nde ata a tiŋgame  
bulu boese o muka na Loba. \* Nde bunya 13  
bo eseleno, na mo a bele bokweli bao, a poso  
dom na baba babu, bena a tano pe a bele  
bamuloloma. \* Simon nyena a beleno pe Petro, 14  
na Andrea muna-saŋgo, na Yakobo na Yohane,  
na Filipino na Bartolomeo, \* na Mateo na To- 15  
masi, na Yakobo nya Alfeo, na Simon nu

## Lukasi 6.

16 belabe pe Selote, na Yuda nya Yakobo, \*na Yuda Iskariot, nu timbi muandisedi.

(17—19: Mat. 4, 23—5, 1. Marko 3, 7—12.)

17 Na mo a siba na babo, ateme o wuma-inaŋgedi, na dimuti la bokweli bao, na dimuti dindene la bato, bena bata ba wa o Yudea nyese na o Yerusalem na o sau'a  
18 Tyro na Sidon, \*o seŋgane mo na bolisabe na maboa mabu; ba pe bena bata ba taki-sabe na midī mī si saŋgi bata ba bolisabe.  
19 \*Nde dimuti lese di ta dipula tapa mo, ebanja ŋginya e ta e busa na mo, e bolise bese.

(20—23: Mat. 5, 3. 4. 6. 11. 12.)

20 Na mo a sumwa miso mao, 'ombwa bokweli bao, a kwala na: Bonam na binyo batu-edi, ebanja janea la Loba le lanyu.  
21 \*Bonam na binyo loma-bwe njai tatan, ebanja lo mende julisabe. Bonam na binyo lom'eye tatan, ebanja lo  
22 mende yo lo. \*Bonam na binyo, ke bato ba siŋge binyo, na tinda binyo o muembamabu, na lo ana pimba dina lanyu uone ka dina la bobo onyola  
23 Muna-moto. \*Bwa munyeŋge o bo bunya, l'aŋgwe pe, ebanja ombwa, musauedi manyu mu kolo o mony, ebanja nikamene pe nde  
24 basaŋgo babu babolino batoperi-ba-mudī. \*Nde eboma na binyo bambwaŋ, ebanja lo má-bole  
25 kusa lokomea lanyu. \*Eboma na binyo l'uli tatan, ebanja lo mende bwa njai. Eboma na binyo lo ma-yo lo tatan, ebanja lo mende lebe  
26 na jeya. \*Eboma, ke bato bese ba ma-topo

## Lukasi 6.

bwam onyol'anyu; ebanja nikamene pe nde  
basaŋgo babu ba bolino na batoperi-ba-lobaŋgo.  
\*Nde na ma-laŋgwea binyo bena loma-senŋe 27  
na: Tondo basiŋgeri banyu, bola bwam na  
ba basiŋge binyo; \*namse ba ba ma-loe binyo; 28  
kane onyola ba ba ma-bole binyo bobe. \*Nu 29  
nu ma-dipe oa o lama diwo, atele pe mo dine;  
nu nu nonŋon oa loki lonŋo osibaŋgane mo  
sot'aŋgo. \*Bola moto-te nu ma-sosomeye oa; 30  
nu pe nu nonŋon oa mambo monŋo, o si pula  
pe mo na mo. \*Nde kana lo ma-pulano 31  
ná bato ba boleye binyo, binyo pe  
bolea babo nikamene. \*Ebanja lo tondi 32  
te ba ba tondi binyo, njika masoma lo mendeno  
kusa e? Ebanja babobe pe ba tondi ba bena  
ba tondi babo. \*Ye pe te ná lo boli bwam 33  
na ba ba ma-bole binyo bwam, njika masoma  
lo mendeno kusa e? Babobe pe ba ma-bola  
nde nikamene. \*Ye pe te ná lo bale ba bena 34  
loma-piteno o kusane, njika masoma lo men-  
deno kusa e? Ebanja babobe pe ba ma-bale  
babobe, o kusa pe mulemlem. \*Nde tondo 35  
basiŋgeri banyu; bola bwam na bale, e si be  
o pite lambo; nde musauedi manyu mu mende  
be bondene, nde lo mende be bana ba Nya-  
sam; ebanja mo e bwam na ba ba si ben ma-  
soma na babobe. \*Be so ndedi kana Saŋgo 36  
anyu eno ndedi.

(37—49: Mat. 7.)

Lo si kaise, nde binyo pe lo si mende kai- 37  
sabe; lo si kwese muka, nde binyo pe lo si  
mende kwesabe muka. Lakise, nde binyo pe

## Lukasi 6.

- 38 lo mende lakisabe. \* Bola, nde e mende bo-  
 labe binyo. Ba mende bola binyo dimene la  
 bwam, di songobe, di sousabe, di ma-komeye,  
 o bwannga banyu; ebanja di dimene mene  
 binyo loma-meneno dimende pe menebe binyo.
- 39 \* A ta pe akwalane babo munia na: Nyandi-  
 ma ena a dangwane nyandima e? Babo ba-  
 40 bane ba si mende ko o ekukuru e? \* Mokweli  
 a si buki muleedi; a bole te jokwa, ke moto  
 41 nyese a mende be ka muleed'ao. \* Nde  
 nje o m'enenso mburu m'ebongo o diso la  
 muna-songo, nde o s'ene mukoko mue o diso  
 42 longo? \* Neni oeno na o kwalane muna-songo  
 na: A munate, esele mba na sumwe mburu  
 m'ebongo o diso longo, nde ke oamene o si  
 m'ene mukoko o diso longo? A mot'a ma-  
 wondon, sele sumwa mukoko o diso longo,  
 nde to denge o m'ombwa o sumwa mburu  
 43 m'ebongo o diso la muna-songo. \* Ebanja  
 bwele ba bwam botiti boena bo ma-ye bepuma  
 ba bobbe, to bwele ba bobbe boena bo ma-ye  
 44 bepuma ba bwam. \* Ebanja bwele na bwele  
 bo ma-biane o bepuma bao; ebanja ba si ma-  
 pata mangolo o ngengele, to o mbutu ma  
 45 ngengele ba si ma-pata lonyengeny. \* Mot'a  
 bwam a ma-busise bwam o mawuta ma bwam  
 ma mulema mao; nde nyabobe a ma-busise  
 nde bobbe o mawuta ma bobbe ma mulema mao;  
 ebanja ma ma ma-londe o mulema nde, ma ma-  
 46 buse o mudumbu mao. \* Nje lo ma-beleno mba:  
 A Sango, a Sango, nde lo si bole mambo na ma-  
 47 kwalaneno binyo? \* Moto na moto nu ma-po

## Lukasi 6. 7.

na mba, nu ma-seŋge beyala bam, nde a bola  
mo, na ma-leele binyo nja a wanno. \*E nde 48  
bowan na moto nu loŋgi ndabo, nu puli, nu  
potise wase, nu sikimeye mo omony a dale.  
Nde mpupe mu poino, na tond'a madiba e ko  
onyola ni ndabo, nde esita ewele souse mo,  
ebanja e ta e sikimeye omony a dale. \*Nde 49  
nu nu ma-seŋge, nde a si bole, a wan nde na  
moto nu loŋgi ndabo o minyaŋgadu, e si be  
sikimeye wase; nde niponda tond'a madiba  
e kwedino oten, na dibokimene e ko, nde ko  
la ni ndabo di ta bondene.

(7, 1—10: Mat. 8, 5—13.)

Nde niponda a domseno beyala bao bese 7  
o matoi ma dimuti, na mo 'ingea o Kapernaum.  
\*Nde muut'a muaned'a bila mowó nu ta nu 2  
boa, nyena a tano a tondo, a ta a pula wo.  
\*Nde a seŋgino onyola Yesu, na mo a loma 3  
baturu ba Bona-Yuda na mo o sosomea mo,  
ná a ye joŋgise muut'ao. \*Nde ba poino na 4  
Yesu, na babo ba sosomea mo bwambi, ba  
kwala na: Eaŋgamen na mo, ná o boleye mo  
nika; \*ebanja a tondi ekombo asu, a loŋgedi 5  
pe na biso ndabo a ndoŋgamen. \*Nde Yesu 6  
a ta 'ala na babo. Nde niponda a si tano pe  
etum na ndabo, na muaned'a bila a loma ma-  
kom o kwalane mo na: A Saŋgo, o si takise  
oamene, ebanja na si doŋgamen, ná o m'ingea  
owasa mulaŋga mam. \*Onyola nikamene na 7  
silaŋgi mbamene ka nu doŋgamen o po na  
oa; kwala nde eyala, nde muut'am a mende  
bole. \*Ebanja mba pe ne nde moto nu tese- 8

## Lukasi 7.

- be owasa janea, nde na ben bato-ba-bila owas' am, na kwalan te mowó na: Ala, na mo 'ala; nune pe na: Ya, na mo a po; na muut' am
- 9 na: Bola ninka, na mo á bola. \* Yesu a seŋ-gino nika, na mo a nyaka onyol'ao, a yombo na dimuti, lena di ta di bupe mo, a kwala na: Nā-laŋgwea binyo, to o Israel momene na si
- 10 di ninka jemea. \* Nde ba ba ta balomabe batimbino o mboa, na babo ba bomane nu muutu a jai bwam.
- 11 Nde e ta na o bone bunya bo bupe, a ta 'ala o mundi mowó, dina lao na: Nain; nde gita la bokweli bao na dimuti dindene di ta
- 12 di ala na mo. \* Nde a poino bebe na muna ma mundi, ombwa, ba ta ba busane mbimba ma moto, nu ta nde mpom ma muna ma nyaŋgo ao; nde a ta nde mukusa, gita la bato
- 13 ba mundi pe ba ta na mo. \* Nde Saŋgo 'enno mo, a bwea mo ndedi, a kwalane mo na: O
- 14 s'eya! \* Na mo a sisea bebe, a tapa elimbi, na babambedi ba teme. Na mo a kwala na:
- 15 A mpesa, na ma-kwalane oa: teme! \* Na nu nu ta nu wo aja, a kumwa topo; na mo a
- 16 bola mo nyaŋgo. \* Nde boŋgo bo ta bo poye bese, na babo ba sesa Loba, ba kwala na: Mutoper'a-mudi nundene a busi oteten asu,
- 17 Loba a pepele bona bao. \* Nde min miango mi ta mi pambilane onyol'ao o Yudea nyese na o wuma yese yena i diŋgele mo.

(18—35: Mat. 11, 2—19.)

- 18 Nde Yohane, bokweli bao ba ta balaŋgwea mo, onyola man mambo mese. Na

## Lukasi 7.

Yohane a bele bokweli bao baba, \* aloma babo 19  
na Saŋgo o kwala na: Oe nde nu nu mende  
po, ŋga ditate nde nupepe e? \* Nde ba bato 20  
bapoino na mo, bakwala na: Yohane mudu-  
bisedi nde a lom biso na oa, m'ona: Oe nde  
nu nu mende po, ŋga ditate nde nupepe e?  
\* O ni ponda mene a ta a bolise gita onyola 21  
maboa na onyola sese na onyola midī ma bobē,  
a timbise pe na gita la bandima jene. \* Na 22  
Yesu 'alabe, a kwalane babo na: Binyo ala  
laŋgwea Yohane nje l'enno, lo seŋgino pe:  
Bandima ba n'ene, bamboko ba ni-daŋgwa,  
bamulòŋgó ba ni-bole, bandoki ba ni-seŋga,  
bawedi ba ni-pumbwabele, miango-ma-bwam  
pe mini-laŋgwabe na batuedi; \* nde bonam 23  
na nu nu sima-sonje onyol'am. \* Nde 24  
niponda miendi ma Yohane mi alono, na mo  
akumwa kwalane mamuti onyola Yohane  
na: Nje lo tano l'ala jombwa o eyaŋ e?  
Ekoko e ma-soe na ŋgo e? \* To, nje lo tano 25  
l'ala jombwa e? Moto nu boti mboti ye na  
lembulembu e? Ombwa, bato baboti mbot'  
a bosangi, na be pe o munam, be o mandabo  
ma kiŋe. \* Nde nje so lo tano l'ala jombwa 26  
e? Mutoper'a-mudī e? Nambale, nā-laŋgwea  
binyo, buka mutoper'a-mudī. \* Numene nde 27  
etilabeno onyol'ao na: „Ombwa, na ma-loma  
angel am oboso bongo, nu mende poŋge ŋge'  
aŋgo oboso bongo.“ \* Ebanja nā-laŋgwea 28  
binyo, o beŋe ba yabe na bito to mutoper'a-  
mudī nu kolo buka Yohane a titi; nde nu nu  
buki beŋe bosadi o janea la Loba, a kolo buka



## Lukasi 7.

29 mo. \* Nde dimuti lese lena di seŋgi na ba-  
 kotedi pe ba ta ba tесе Loba na sīm, kana ba  
 30 tano ba dubisabe na dubise la Yohane; \* nde  
 Farisai na babiedi-ba-mbenda bata banyamse  
 jemea la Loba onyol' abu momene, kana ba  
 31 si tano ba dubisabe na mo. \* Na Saŋgo a  
 kwala na: Na nja na ma-meneneneno bato ba  
 32 nin nyonon e? ba wan nde nja e? \* Be nde  
 ka bana bajai o don, babele mowó na nune,  
 ba kwala na: Di longedi binyo losese, nde lo  
 si sai, di eyedi pe binyo madoi ma mbembe,  
 33 nde lo s'eyi. \* Ebanja Yohane mudubisedi a  
 poi, a si de ewolo, a si nyo mao, na binyo  
 34 lo kwala na: A ben mudī ma bobе. \* Nde  
 Muna-moto a poi, a da, a nyo, na binyo lo  
 kwala na: Ombwa te, mot'a mudesi na munyo-  
 35 mao, dikom la bakotedi na babobe. \* Nde  
 dibie di tесеbe na sīm na bana bao bese.  
 36 Nde mot'a Farisai mowó a ta a sosomea  
 mo ná aye da na mo, na mo 'inġea o ndabo  
 37 a nu mot'a Farisai, a ja wase o tebedi. \* Nde  
 ombwa, mut'a bobе mowó nu ta o mu mudi,  
 a seŋgingo ná ajai o da o ndabo a mot'a Fari-  
 38 sai, a ta a wana epos'a joki, \* na mo a teme  
 ombusa o miende mao, 'eya, a kumwa sopise  
 miende mao na misodi, a duta mo na nyo a  
 mulopo mao, a sopa miende mao, 'okise mo  
 39 na di joki. \* Nde mot'a Farisai, nu ta nu  
 bele mo, 'enno nika, na mo a kwala na mo-  
 mene na: Nun a be te mutoper'a-mudī, ke a  
 wusa bia nja na njik'a nyai a muto nun eno,  
 nu ma-tape mo, ebanja e nde mut'a bobе.

## Lukasi 7. 8.

\* Na Yesu 'alabe, a kwalane mo na: A Simon, 40  
na ben lambo o kwalane oa. Na mo a kwala  
na: A muleedi, kwala! \* Mubole-laka mowó 41  
ata a bene bato b'ewu baba; mowó a ta'alea  
mo bebwea ba denario betanu, nune pe mua-  
tanu. \* Nde kana basitano ba bene to-lambo 42  
o saua, na mo 'abea babane mo. Kwala so,  
nja nyabu nu mende tonde mo buka nune e?  
\* Na Simon 'alabe, a kwala na: Na m'ongele 43  
na nu nyena 'abedino gita. Na mo a kwalane  
mo na: Oalabe bwam. \* Na mo ayombo na 44  
nu muto, a kwalane Simon na: O m'ene nun  
muto e? Na poi o ndabo ango, nde o si boli  
mba madiba onyola miende mam; nde mo a  
sopise mba miende na misodi mao, atuta mo  
na nyo. \* Oa a si sopi mba; nde mo, natena 45  
ponda 'ingedino, as'esele o sopa miende mam.  
\* O s'okise mulopo mam na mula; nde mo 'okise 46  
miende mam na joki. \* Onyola nika na-lañ- 47  
gwea oa, miobe mao ma gita milakisabe,  
ebanja ata atondo gita; nde nu nyena  
son ilakisabeno, ama-tondo pe nde son.  
\* Na mo a kwalane mo na: Miobe mongo mi 48  
lakisabe. \* Na ba bena bata baja o tebedi 49  
na mo bakumwa kwala na babo momene na:  
Nja nun, nu ma-lakise pe na miobe e? \* Na 50  
mo a kwalane nu muto na: Jemea longo  
diongise oa; ala na musango.

Nde eta na o ponda ni bupe, ata adañ- 8  
gwa o mindi mindene na misadi, alaŋgwa  
miango-ma-bwam ma janea la Loba, dom na  
baba pe na mo, \* na ngus'a bito pe, bena ba 2

## Lukasi 8.

ta ba bolisabe na midī ma bobe na maboa,  
Maria nu belabe Magdalena, nyena midī ma  
3 bobe samba mi busino, \*na Yohana munj'a  
Kusa, soel'a Herode, na Susana, na gita la  
bapepe, bena bata ba bolea mo na bema babu.

(4—15: Mat. 13, 1—23. Marko 4, 1—20.)

4 Niponda dimuti dindene di kotomno, na  
bato ba wu o mundi na mundi ba poino na  
5 mo, na mo atopo o munia na: \*Musaedi ata  
'ala o miasеле mbolako ao. Nde a miaseleno,  
doŋgo diko o ŋgea, na mo di dakabele, lonon  
6 la mony losoma mo; \*doŋgo pe diko omōny  
a dale, nde i pumedino na mo i wo, ebanja  
7 i si ta i bene madiba; \*doŋgo pe diko oteten  
a ŋgeŋgele, na ŋgeŋgele i nyaka muemba na  
8 mo, i walamene mo, ibwa mo; \*doŋgo pe di  
ko o minyaŋgadu ma bwam, na mo i nyaka,  
i ya bepuma ebwea. Nde akwalino nika, na  
mo a te na: Nu nu ben matoi o seŋga, ese  
9 mo a seŋge! \*Na bokweli bao b'uele mo  
10 neni mun munia mueno. \*Na mo a kwala  
na: Binyo nde e bolabeno o bia besoka ba  
janea la Loba, nde bapepe o minia, ná „ba  
m'ene, nde ba s'ene; ba ma-seŋga pe, nde ba  
11 si soŋtane.“ \*Nde mun munia mue nde ninka:  
12 Mbolako ye nde eyal'a Loba. \*Ba ba ŋgea  
be nde ba ba ma-seŋge mo, na Satan a po, a  
sumwa eyala o milema mabu, ná ba si dube,  
13 ba s'oŋgisabe. \*Ba ba mony a dale pe be  
nde ba bena ba ma-seŋga te eyala, ba noŋgo  
mo na munyenge, nde ba si bene miaŋga; ba  
ma-dube nde onyola son a ponda, nde pond'a

## Lukasi 8.

makekisan na babo ba timba ombusa. \*Nde 14  
yi i kwedi oteten a ngengele be nde ba bena  
ba seŋgi, na babo b'ala, ba bwabe na wala-  
mene la mutaka na mbwan na munyenge ma  
din longe, nde ba si ya bepuma be ou. \*Nde 15  
yi ya minyangadu ma bwam be nde ba  
bena ba ma-seŋge eyala, ba nenge pe  
mo na mulema ma mbale na ma bwam,  
nde baya bepuma na welisane.

(16—18: Marko 4, 21—25.)

Nde to-moto nu motele etrukan a si ma- 16  
kurumane mo na ewa, to tese mo owasa nongo,  
nde a ma-tese nde mo omony a tebedi, na ba  
bam'ingeye b'ene muenen. \*Ebanja to-lambo 17  
di si wutam, lena di si mende biane; to-lambo  
pe di titi o esoka lena di si mende biane na  
po o mpoma. \*Lo bia pon neni loma-seŋgano. 18  
Ebanja nu nu ben emende bolabe mo; nde  
nu nu siben emende nongobe na mo yemene  
a m'ongeleno na a ben.

(19—21: Mat. 12, 46—50. Marko 3, 31—35.)

Nde nyaŋgo na bona-saŋgo bata bapo na 19  
mo, nde ba si ta ba wele po mo bebe onyola  
dimuti. \*Nde e ta elangwabele mo na: 20  
Nyaŋgo na bona-saŋgo ba tem o eboko ba ma-  
pula jene oa. \*Na mo 'alabe, a kwalane babo 21  
na: Nyaŋgo am na bona-saŋgo am be nde ba  
bena bama-seŋge eyal'a Loba, nde ba bola mo.

(22—25: Mat. 8, 18. 23—27. Marko 4, 35—41.)

Nde e ta na o bunya bowo, mo na bokweli 22  
bao ba ta ba peye o bolo, na mo a kwalane  
babo na: Esele biso di ekamene o mune muri

## Lukasi 8.

23 ma munja. Na babo ba nimele. \*Nde niponda  
 batano b'ekamene, na mo ako iyo; nde mudi  
 mu ta mu ko o munja, na babo balonda na  
 24 madiba, ba be o ndutu. \*Na babo ba po na  
 mo, b'umwele mo, ba kwala na: A Saŋgo, a  
 Saŋgo, dinyam! Na mo ateme, a domea ngo  
 na ewud'a madiba; na mo esiba, na mbole  
 25 nindene eko: \*Na mo a kwalane babo na:  
 Jemea lanyu le ue? Nde bata babwa bongo,  
 ba nyaka, ba kwalane mowó na nune na: Nja  
 nun e, nu m'anye pe na ngo na madiba, na  
 babo ba seŋgane mo e?

(26—39: Mat. 8, 28—34. Marko 5, 1—20.)

26 Na babo ba tuŋge o ekombo a bato ba  
 27 Gadara, yena e tenge na Galilea. \*Nde a  
 temno o mudi, na moto mowó nu ta nu wa  
 o mudi, a dongamene mo, nu ta nu bene  
 midí ma bobbe; nde onyol' etum a ponda a si  
 ta a boto mboti, a si ta aja o ndabo, ke o  
 28 songo. \*Nde 'enno Yesu, na mo ate musea,  
 a ko wase oboso bao, a kwala na doi di asam  
 na: Nje na benno o bolane oa, a Yesu, Mun'a  
 Loba L'asam? Na sosomedi oa, o si takise  
 29 mba. \*Ebanja a ta 'anea mu mudi musi  
 saŋgi o busa na nu moto. Ebanja muta mu  
 duta mo gita la ponda, nde ata akakabe na  
 ngokobi na beboa, a tatabe, nde a ta a bua be-  
 kwesan, a dutabe na mudi ma bobbe o eyaŋ.  
 30 \*Na Yesu 'uele mo, a kwala na: Dina longo  
 le nde nja? Na mo a kwala na: Legion;  
 ebanja gita la midí ma bobbe mi ta m'ingea  
 31 na mo. \*Na mo mi sosomeye mo, ná a s'anea

## Lukasi 8.

mo o ala o njiba. \*Nde dibemba la ngoa 32  
 dindene dita o ua wuma o mudongo o bededi,  
 na mo mi sosomeye mo, na 'esele babo b'in-  
 geye oten, na mo 'esele babo. \*Na midi ma 33  
 bobe mi busa na nu moto, m'ingea o ngoa;  
 na dibemba di siba o wuma i tongom o munja,  
 di wo. \*Nde batatedi b'engo nje ebolan, na 34  
 babo ba nya mila, balangwa nika o mudi  
 na o mamboa. \*Na babo babusa o jombwa 35  
 nje ebolan, ba po na Yesu, ba bomane nu  
 moto nyena midi ma bobe mi busino, a jai  
 wase o miende ma Yesu, a boti mboti, a bene  
 dibie, na babo ba bwa bonggo. \*Nde ba 36  
 bena ba ta b'ene, balangwea babo neni nya-  
 mudi-ma-bobe a sungabeno. \*Nde dimuti lese 37  
 la ni teten-a-wuma la bato ba Gadara ba ta  
 ba sosomeye mo o jasumwe na babo, ebanja  
 bonggo bondene bo ta bo alea babo. Na mo  
 a peye o bolo, a timba mbusa. \*Nde nu moto, 38  
 nyena midi ma bobe mi busino a ta a soso-  
 meye mo, o be na mo. Nde Yesu a timbise  
 nde mo, a kwala na: \*Timba o mbo' anggo, o 39  
 langwe njika mambo mandene Loba a bole-  
 dino oa. Na mo 'ala, a langwa o mudi muese  
 njika mambo mandene Yesu a boledino mo.

(40—56: Mat. 9, 18—26. Marko 5, 21—43.)

Nde e ta na, niponda Yesu a timbino, di- 40  
 muti di ta di kasa mo, ebanja bese ba ta ba  
 tata mo. \*Nde ombwa moto mowó, a ta a 41  
 po, dina lao na Yairo, a ta nde muaned'a ndabo  
 a ndongamen, na mo ako wase o miende ma  
 Yesu, a sosomea mo o po o ndabo ao; \*ebanja 42

## Lukasi 8.

a ta a bene mpom ma mun'a muto, nga dom  
 la mbu na miba, ana nga bebe na kwedi. Nde  
 niponda a tano 'ala, dimuti di ta di walamene  
 43 mo. \* Nde muto mowó nu ta nu bene diba  
 la maya dom la mbu na miba, nu ta nu bole  
 bema bao bese onyola bato ba mianga, nde  
 44 to-mowó a si ta a wele bole mo, \* a ta a wa  
 la mbusa, a tapa dinjaki la mbot'ao, na diba-  
 45 kimene diba lao la maya di bo. \* Na Yesu  
 a kwala na: Nja nu tapi mba e? Nde bese  
 ba tobino, na Petro na ba bata na mo ba  
 kwala na: A Saño, dimuti di walamene oa,  
 di nimele oa, nde o kwala na: Nja a tapi  
 46 mba e? \* Na Yesu a kwala na: Moto a tapi  
 mba, ebanja nama-seña ná nginya ebusi na  
 47 mba. \* Nde nu muto 'enno ná a si weli wu-  
 tame, na mo apo na soasoane, a ko wase  
 oboso bao, a kwala oboso ba dimuti lese, onyola  
 njika njom a tapino mo, na neni a boleno  
 48 dibokimene. \* Na mo a kwalané mo na: A  
 mun' am, embe mulema, jemea loño di oñgise  
 49 oa; ala na musaño. \* Nde ke a dia a ma-  
 kwala, na moto mowó, a wa omboa muaned'  
 a ndabo a ndoñgamen, a kwala na: Mun'año  
 50 a má-wo, o si takise pe muleedi. \* Nde Yesu  
 a señgino nika na mo 'alabe mo na: O si bwa  
 51 boño, dube nde, nde a mende joñgisabe. \* Nde  
 a poino o ndabo, a s'esele to-moto 'in gea na  
 mo, ke Petro na Yakobo na Yohane na saño  
 52 na nyaño a nu muna. \* Nde babo bese ba  
 ta b'eya, ba bola ndedi onyol' ao. Na mo a  
 kwala na: Lo s'eya; a si wedi, a kwedi nde

## Lukasi 8. 9.

iyō. \* Na babō ba yoye mō, ebanja ba ta ba 53  
 bia ná a wedi. \* Na mō a busise bese 'alea 54  
 mō dia, a te musea, a kwala na: A muna,  
 umwe! \* Na mudī mao mu timba na mō, na 55  
 mō a teme dibokimene. Na mō 'anea o bola  
 mō da. \* Nde saŋgo na nyaŋgo bata b'uba; 56  
 nde ata 'anea babō, ná basilaŋgwea to-moto  
 nje e bolan.

(9, 1—6: Mat. 10, 1. 7. 9—11. 14. Marko 6, 7—13.)

Na mō a bele dom na baba, a bola babō 9  
 ŋgum na ŋginya omōny a midī ma bobe mese  
 na o bolise maboa. \* Nde a ta a loma babō 2  
 o laŋgwa janea la Loba na o bolise maboa,  
 \* a ta a kwalane babō na: Lo s'alea to-lambo 3  
 o londo, to itumbu, to mukuta, to bewolo, to  
 moni, lo s'alea to loki loba. \* Nde to-njika 4  
 ndabo lom'ingeano, lo ja oten, l'asumwe pe  
 nde la 'ten. \* Nde to-banja ba si ma-noŋge 5  
 binyo, lo busa onyola mu mudi, l'umbe pe  
 na diburu o miende manyu, o be mboŋ na  
 babō. \* Na babō b'ala, ba daŋgwa o mudi 6  
 na mudi, ba laŋgwa miaŋgo-ma-bwam ba  
 bolise maboa wuma yese.

(7—9: Mat. 14, 1. 2. Marko 6, 14—16.)

Nde Herode tetrarki a ta a seŋga mese 7  
 ma bolan na mō, na mō a tanya, ebanja doŋgo  
 bata ba kwala na: Yohane a pumbo o kwedi,  
 \* doŋgo pe na: Elia nde a busi, bane pe na: 8  
 Mutoper' a-mudī mowó nya kwaŋ nde a pumbo.  
 \* Nde Herode ata a kwala na: Nata nake Yohane 9  
 mulopo; nde nja nun, nyena na ma-seŋgano  
 ninka mambo? Nde a ta a pula o jene mō.



## Lukasi 9.

(10—17: Mat. 14, 13—21. Marko 6, 30—44. Yoh. 6, 1—13.)

- 10 Nde bamuloloma bata ba timba, ba lan-  
gwea mo njika mambo mandene ba bolino.  
Na mo a nongo babo, a wengemeye o wum'a  
eyan na babo momene, bebe na mudi mowó  
11 dina lao na Betsaida. \*Nde mamuti ma soino  
nika, na babo ba bupe mo. Na mo a kusa  
babo, a kwalisane babo onyola janea la Loba,  
ba pe bena ba ma-pule bolise, a ta a bolise  
babo. Nde bunya bo ta bo kumwa tongome.  
12 \*Na dom na baba bapo na mo, ba kwalane  
mo na: Esele dimuti b'ale o mudi misadi na  
o mamboa ma dingele uan wuma, ná b'ingeye,  
ba kuse da, ebanja je nde o wum'a eyan uan.  
13 \*Na mo a kwalane babo na: Binyo bola babo  
da. Na babo ba kwala na: Disiben buka  
bewolo betanu na sue iba, ke di alo nde o  
14 janda da onyola din dimuti lese. \*Nde ba  
ta to lokoli la bome lotanu. Na mo a  
kwalane bokweli bao na: Bola babo baja  
15 wase o bepepa muatanu-muatanu. \*Na babo  
16 ba bola nika, ba bola bese baja wase. \*Na  
mo a nongo be bewolo betanu na yi sue iba,  
'ombwa o mony, a namse mo, a bua mo, a  
bola mo bokweli bao, o tese mo oboso ba  
17 dimuti. \*Na babo ba da, bese b'ula, nde be-  
pasi bena ba tano badiane, be ta be nengebe,  
dom la besanja na beba.

(18—27: Mat. 16, 13—28. Marko 8, 27—9, 1.)

- 18 Nde e ta na, niponda momene mowó a tano  
akane, bokweli bao ba ta na mo, na mo 'uele  
babo, a kwala na: Mamuti ma ma-kwala na,

## Lukasi 9.

ne nde nja e? \*Na babo b'alabe, ba kwala 19  
na: Yohane mudubisedi, bapepe na: Elia, bane  
pe na: Mutoper'a-mudi nya kwan mowó nde  
a pumbo. \*Na mo a kwalane babo na: Nde 20  
binyo pe lo ma-kwala na, ne nde nja e? Na  
Petro 'alabe, a kwala na: Kristo nya Loba.  
\*Na mo a domea babo, 'anea babo, ná ba si 21  
langwea to-moto nika; \*m'ona: Muna-moto 22  
'angamen taka gita, na bangabe na baturu  
na prisi indene na babiedi-ba-kalat'a-Loba na  
bwabe na pumbwa pe o bunya bolonde milalo.  
\*Nde a ta a kwalane bese na: Moto a ma- 23  
pula te bupe mba, a tobe momene, a nonge  
mbas'ao bunya-te, nde a bupe mba. \*Ebanja 24  
to-nja nu ma-pule sunge longge lao, a ma-pim-  
ba mo; nde to-nja pe nu ma-pimbe longge  
lao onyol'am, a mende sunga mo. \*Ebanja 25  
njika museñ moto a benno, yetena akusi te  
wase nyese, nde momene a pimbea to bo-  
lone? \*Ebanja nu nu ma-bwe ison onyol'am 26  
na beyala bam, Muna-moto pe a mende bwa  
ison onyol'ao, niponda a mendeno po o edub'  
ao na ya Tete na ya angel a bosañgi. \*Nde 27  
nā-langwea binyo nambale, dongo be oteten  
a ban batem uan, bena basimende jene kwedi,  
natē b'ene janea la Loba.

(28—36: Mat. 17, 1—9. Marko 9, 2—9.)

Nde e ta na, pondapo minya lombi ombusa 28  
ben beyala, ata anongo Petro na Yohane na  
Yakobo, 'ondea omony a mudongo o kane.  
\*Nde kana a tano a kane beombwedi ba boso 29  
bao be ta betukwa, mbot'ao pe e timba sañga

## Lukasi 9.

30 na weletete. \*Nde ombwa, bato baba ba ta  
ba kwalisane mo, bena bata nde Mose na  
31 Elia. \*Ba ta ba busa na bosaŋgi, ba kwala  
onyola su lao, lena a mendeno londe o Yeru-  
32 salem. \*Nde Petro na ba ba ta na mo, ba  
ta ba londa na iyo. Nde ba wuno iyo, na babo  
b'ene bosaŋgi bao na ba bato baba ba tem  
33 na mo. \*Nde e ta na, niponda ba tano o ja-  
sumwe na mo, na Petro a kwalané Yesu na:  
A Saŋgo, e dolon biso o ja uan; esele biso  
di longe minoko milalo, oa mowó, Mose pe  
mowó, Elia pe mowó. Nde a si ta a bia nje  
34 a ma-topono. \*Nde niponda a tano a kwala  
nika, na diwindiwindi di po, di kurumane babo;  
nde ba ta ba bwa boŋgo, niponda ba poino o  
35 diwindiwindi. \*Nde doi di ta di wa o diwin-  
diwindi, di kwala na: Nun nde e Mun'am  
36 na posino, binyo seŋgane mo! \*Nde  
niponda doi di wuno, basoi nde Yesu momene  
mowó. Nde bata baja na pi, basilaŋgweye  
to-moto to-lambo o mi minya, nje b'enzo.

(36—45: Mat. 17, 14—23. Marko 9, 14—32.)

37 Nde e ta na o bunya bo bupe, niponda ba  
sibino o mudongo, dimuti dindene di ta di  
38 dongamene mo. \*Nde ombwa, moto mowó  
o dimuti a te musea, a kwala na: A muleedi,  
na sosomedi oa, ná o ombwe mun'am nya  
mome, ebanja e nde mpom mam ma muna.  
39 \*Nde ombwa, mudī mu ma-damea mo, na mo  
a te musea omony, musimasimane mo na pudi,  
mu dosele mo, nde ye bwambi na mo o jesele  
40 mo. \*Nde na ta na sosomeye bokweli boŋgo

## Lukasi 9.

ná ba busise mo, nde ba si weli. \* Na Yesu 41  
 'alabe, a kwala na: A nyonon ni si ben jemea  
 na bolabolane, naje na binyo natena njika  
 ponda ná welisane pe binyo e? Wana mun'  
 ango uon! \* Nde niponda a tano a po, na 42  
 mudí ma bobbe mu damea mo, mu simasimane  
 mo. Na Yesu a domea mudí mu si saŋgi, a  
 bolise nu muna, a bola mo saŋgo. \* Nde babo 43  
 bese ba ta ba nyaka onyola jasame la Loba.  
 Nde bese ba nyakino onyola mese a bolino,  
 na mo a kwalane bokweli bao na: \* Esele 44  
 ben beyala b'ingeye o matoi manyu; ebanja  
 Muna-moto a mende bakabe o maa ma bato.  
 \* Nde ba si ta basontane yen eyala, ebanja 45  
 e ta nde ewutame na babo, ná ba si bia mo,  
 nde ba ta ba bwa bongo o juele mo onyola  
 yen eyala.

(46—50: Mat. 18, 1—5. Marko 9, 33—40.)

Nde jonjele dita dipoye babo, nja nyabu 46  
 nu kolo buka bese. \* Nde Yesu 'enno jonjele 47  
 la milema mabu, na mo anongo muna nusadi,  
 a tese mo bebe na momene, \* a kwalane babo 48  
 na: Nu nu ma-nonge nun muna o dina lam,  
 a ma-nongo nde mba; nu pe nu ma-nonge  
 mba, a ma-nongo nde nu nu lom mba. Eba-  
 nja nu nye bosadi oteten anyu buka bese,  
 mo nde a mende be nundene. \* Na Yohane 49  
 'alabe, a kwala na: A Saŋgo, dien mowó nu  
 ta nu busise midí ma bobbe o dina longo, nde  
 di baŋgan mo, ebanja asita abupe biso. \* Na 50  
 Yesu a kwalane mo na: Losi baŋgane, ebanja  
 nu nu si ma-tengene biso e nde na biso.

## Lukasi 9.

- 51 Nde e ta na, niponda minya ma nonḡobe  
lao la mony mitano mi ni-ya londa, na mo  
a tese boso bao na sim wala o Yerusalem,  
52 \*na mo aloma miendi oboso bao. Na babo  
b'ala, ba po o mudi ma bato ba Samaria  
53 mowó, o bonisane onyol'ao. \*Nde ba si ta  
ba kasa mo, ebanja a ta nde 'ombwea wala o  
54 Yerusalem. \*Nde bokweli bao Yakobo na  
Yohane b'enno nika, na babo ba kwala na:  
A Saṅgo, o tondi ná di kwale wea i we o  
55 mony, idise babo, kana Elia abolino e? \*Na  
Yesu a yombo, a domea babo, a kwala na:  
Lo si bi bana ba njika mudi leno e?  
56 \*Ebanja Muna-moto a si poi o nyamse midi  
ma bato, nde o suṅga. Na babo b'ala o mun-  
di mupepe.

(57—60: Mat. 8, 19—22.)

- 57 Nde niponda ba tano ba daṅgwa o ṅgea,  
na moto mowó a kwalane mo na: Na tondi  
58 bupe oa, to-njika wuma om'alano. \*Na Yesu  
a kwalane mo na: Mbaṅga-njo i ben milomba,  
lonon la mony pe lo ben madumbu; nde Muna-  
moto a si ben wuma a ma-neṅgeno mulopo  
59 mao. \*Nde a ta a kwalane nupepe na: Bupe  
mba! Na mo a kwala na: A Saṅgo, sele je-  
60 sele mba n'ale pule tete. \*Na Yesu a kwalane  
mo na: Esele nde mbimba mi pule mbimba  
mabu, nde oa ala, o laṅgwe janea la Loba.  
61 \*Na nupepe pe a kwalane mo na: A Saṅgo,  
na tondi bupe oa; nde sele jesele mba n'ale  
62 o náṅgane bato bam ba mboa. \*Na Yesu a  
kwalane mo na: To-moto nu wele dia lao o

## Lukasi 9. 10.

dibao, nde 'ombwa pe ombusa, a si dongamen  
onyola janea la Loba.

/ (10, 1—12: Mat. 10, 7—16.)

Ombusa nika Saŋgo a ta pe a tese mu- 10  
samba ma bapepe, na mo a loma babo baba-  
baba, oboso bao o mindi mese na wuma yese,  
yena momene a tano a pula po. \*Nde a ta 2  
a kwalane babo na: Mumbwa mu kolo, nde  
baboledi be nde ngusu; binyo sosomea so  
Saŋgo a mumbwa, ná a lome baboledi o mu-  
mbwa mao. \*Binyo ala; ombwa nama-loma 3  
binyo ka bana ba midongi oteten a njo. \*Lo 4  
si bambe to mukuta ma moni, to mukuta ma lon-  
do, to betambi; lo si soma to-moto o ngea.  
\*Nde lo m'ingea te o ndabo, lo se se kwala na: 5  
Musaŋgo mu be na nin ndabo! \*Nde yetena 6  
mun'a musaŋgo e oten, ke musaŋgo manyu  
mu mende ja omony ao; nde yetena a titi ke  
mu ma-timba na binyo. \*Lo ja nde o ni ndabo 7  
mene, lo da na nyo pe ma ba benno; ebanja  
muboledi 'angamen musauedi mao. Lo s'asum-  
we o ndabo po tomba nine. \*Nde yetena 8  
l'ingedi te o mudi, nde ba kasa binyo, da  
ma ba ma-teseno binyo oboso; \*lo bolise ba 9  
boedi be oten, lo kwalane pe babo na: Janea  
la Loba di á bebe na binyo! \*Nde yetena 10  
l'ingedi te o mudi, nde ba sikase binyo, busa  
o maŋgea mao, lo kwale na: \*Di ma-pupwa 11  
pe na diburu onyol'anyu, lena di batam biso  
o miende o mudi manyu; nde lo bia nde din,  
ná janea la Loba di á bebe. \*Nde nā-laŋgwea 12  
binyo, Sodom ba mende kusa bwam o bo bu-

## Lukasi 10.

13 nya buka mu mundi. \* Eboma na oa a Korasin, eboma na oa a Betsaida, ebanja yetena ben bebolo ba nginya be bolabe oteten anyu, be bolabe te o Tyro na Sidon, ke ba wusa ja beibei o dibato la malebo na diburu  
 14 o jatele. \* Nde Tyro na Sidon ba mende kusa  
 15 bwam o muka buka binyo. \* Nde oa, a Kapernaum, ny'abwabele natena o mony, o mende  
 16 sibisabe natena o mundi-ma-kwedi. \* Nu nu seŋgan binyo, a seŋgan nde mba; nu nu baŋgi binyo, a baŋgi nde mba; nde nu nu baŋgi  
 17 mba, a baŋgi nde nu nu lom mba. \* Nde musamba ba ta pe ba timba na munyeŋge, ba kwala na: A Saŋgo, na midī ma bobē pe mi  
 18 sibise momene owas'asu o dina loŋgo. \* Na mo a kwalane babo na: N'en Satan, a wu o  
 19 mony, a ko wase ka motemote. \* Ombwa, na boli binyo nginya o dakea nyama miaba na lolo, na omony a nginya nyese nya musiŋgeri, to-lambo di titi lena di mende jense  
 20 binyo sese. \* Nde lo si bwa munyeŋge, ná midī ma bobē mi sibise momene owas'anyu; nde bwa nde munyeŋge ná mina manyu ma tilabe o mony.

(21. 22 : Mat. 11, 25—27.)

21 O ni pondamene Yesu a ta a bwa munyeŋge o Mudī, a kwala na: Nasom oa, ate, Saŋgo nya mony na wase, ná o wuti man na babiedi na bajaŋgwa, nde o biise mo na mi-  
 22 oboso boŋgo. \* Mambo mese ma bakabe mba na Tete. Nde to-moto asi bi nja Muna eno ke

## Lukasi 10.

Tete, na nja pe Tete eno, ke Muna, na nu pe nyena Muna a tondino biise.

Na mo ayombo na bokweli na babo mo- 23 mene, a kwala na: Bonam na miso ma m'ene man binyo lo m'eneno. \*Ebanja na-laŋgwea 24 binyo, gita la batoperi-ba-mudī na kiŋe ba ta ba pula jene man binyo lo m'eneno, nde ba s'en; na seŋga pe man binyo loma-seŋgano, nde ba si seŋgi.

(25—28: Mat. 22, 35—40. Marko 12, 28—34.)

Nde ombwa, mubied'a-mbenda mowó a ta 25 ateme o keka mo, a kwala na: A muleedi, na bole nje nde na saŋgwa loŋge la bwin-dea e? \*Na mo a kwalane mo na: Nje e 26 tilabe o mbenda? Neni o ma-laŋgano? \*Na 27 mo'alabe, a kwala na: „O aŋgamen tondo Saŋo, Loba loŋgo, na mulema moŋgo muese na mudī moŋgo muese na ŋginy'aŋgo nyese na joŋgele loŋgo lese, na muna-soŋgo kana oamene.“ \*Na mo a kwalane mo na: O alabe 28 bwam; bola nika, nde o mende be loŋge. \*Nde mo a ta a pula tese momene na sīm, a 29 kwalane Yesu na: Nde nja emuna-saŋgo am? \*Na Yesu a timbiselē, a kwala na: Moto mowó 30 a ta a siba o Yerusalem wala o Yeriko, na mo a ko oteten a bato b'ebwan, na babo ba soŋgwane mo mboti, ba dipa mo, ba dia mo anaŋga bebe na kwedi, b'ala. \*Nde eta 31 e teŋgene ná prisi po eta esiba o ni ŋgea mene, na mo ny'ene mo, e tomba. \*Nikamene 32 pe mot'a-Lewi nu ta nu po o ua wuma mene,



## Lukasi 10. 11.

- 33 'en mo, na mo a tomba. \*Nde mot'a Samaria  
nu ta o londo, ata adongamene mo, 'ene mo,  
34 abwa ndedi, \*'ala na mo, akaka mo bebaŋgo  
bao, a koma mula na mao omony ao, a jese  
mo omony a nyam'ao, a wana mo o ndabo  
35 a ben, a boŋgwa mo. \*Nde o bone ba kiele  
a temno o ala, na mo a busise denario iba,  
a bola mo saŋgo a ndabo a ben, a kwalane  
mo na: Boŋgwa mo, nde to-nje pe o mendeno  
bolane buka nika, na mende timbisele oa o  
36 betimbedi bam. \*Nja nya ban balalo o m'  
oŋgeleno ná a ta muna-saŋgo a nu nu kwedi  
37 oteten a bato b'ebwan? \*Na mo a kwala  
na: Nu nu leelee mo ndedi. Na Yesu akwa-  
lane mo na: Ala, oa pe o bole nikamene.
- 38 Nde e ta na, kana ba tano ba daŋgwa, na  
mo 'iŋgea o mundi musadi mowó. Nde muto  
mowó, dina lao na Marta, a ta a kusa mo o  
39 ndabo ao. \*Nde a ta a bene muna-nyaŋgo  
nya muto, dina lao na: Maria; mo a ta a ja  
wase o miende ma Yesu o seŋga eyal'ao.
- 40 \*Nde Marta a ta a walamene momene onyola  
bolea la gita. Na mo apo, a kwala na: A  
Saŋgo, oa o si dube ná muna-nyaŋgo am a  
diele nde mbamene mambo ma bola e? Kwa-  
41 lane so mo ná mo pe 'oŋgwane mba. \*Na  
Yesu 'alabe, a kwalane mo na: A Marta,  
Marta, oa oma-noŋgo mutaka na takise oamene  
42 onyola mambo ma gita; \*nde lambo diwo  
nde dima-pule. Maria nde aposi doŋgo  
la bwam, lena disimende noŋgobe na mo.
- 11 Nde e ta na, niponda atano akane o wuma

## Lukasi 11.

iwo, aboleno, mowo nya bokweli bao akwalane  
 mo na: A Sango, lee biso o kane, kana Yo-  
 hane pe aleno bokweli bao. \*Na mo a 2  
 kwalane babo na, loma-kane te, kwala na:  
 A Tete nyasu nye o mony! Dina longo  
 didubabe. Janea longo diye. Jemea  
 longo di bolabe o wase kana jeno o  
 mony. \*Bola biso bunya na bunya-te 3  
 da lasu didongamen. \*Na lakise biso 4  
 miobe masu, ebanja biso pe dima-lakise  
 moto na moto ny'aledi biso ewu. Osi  
 diele biso o makekisan. Nde sunga  
 biso onyola bobe. \*Na mo akwalane 5  
 babo na: To-nja nyanyu nu ben dikom, nde  
 'ala na mo oteten a bulu, akwalane mo na:  
 A dikom lam, bale mba bewolo belalo;  
 \*ebanja dikom lam diwo dipoi londo o mbo' 6  
 am, nde na si ben to-lambo o teseye mo; \*na 7  
 nune nya teten 'alabe, akwala na: O si takise  
 mba, jombe di mako, bana bam pe ba nanga  
 na mba o nongo, na titi na na wele teme o  
 bola oa. \*Na-langwea binyo, to asi ma- 8  
 teme o bola mo onyolana e dikom lao, ke a  
 mende te teme onyola titimbe ao, a ma-bola mo,  
 kaponda ama-pulano. \*Nde na-langwea binyo 9  
 na: Uele, nde dima-bolabe binyo; pulise,  
 nde loma-so; umba, nde dima-dubwa-  
 bele binyo. \*Ebanja to-nja nu m'uele a 10  
 ma-kusa; to-nja nu ma-pulise ama-so; nu pe  
 nu m'umbe dima-dubwabele mo. \*Njika 11  
 sango oteten anyu, yetena mun'ao 'uele te mo  
 ewolo, a bola mo dale e? to sue, onyola sue

## Lukasi 11.

12 a bola mo nyama-bwaba e? \*To yetena  
13 'uele mo mueny, a bola mo yolo e? \*Ye so  
te ná binyo ba bena le bobe, lobi bola bana  
banyu mambo ma bwam, neni so Saŋgo anyu  
nye o mony a si mendeno buka nika, o bola  
Mudi Musangi na ba ba m'uele mo e?

(14—26: Mat. 12, 22—30. 43—45. Marko 3, 22—27.)

14 Nde a ta a busise mudi ma bobe muta  
mbuke. Nde eta na, niponda mudi ma bobe  
mu busino, na numot'a mbuke akumwa topo.  
15 Nde mamuti ma ta ma nyaka. \*Nde dongo  
labu bata bakwala na: Ama-busise nde midī  
ma bobe onyola Beelsebub muaned'a midī ma  
16 bobe. \*Bapepe pe ba ta ba keka mo, ba pu-  
17 lane mo eyemban e wu o mony. \*Nde a  
soino mongele mabu na mo a kwalane babo  
na: Janea na janea di aban te di ma-nyama,  
18 ndabo pe e ma-ko nde omony a ndabo. \*Ye-  
tena Satan pe 'aban momene, neni janea lao  
di mendeno teme? ebanja lo ma-kwala na:  
Mba nama-busise midī ma bobe onyola Beel-  
19 sebug. \*Nde yetena mba na busise midī ma  
bobe onyola Beelsebub, bana banyu pe ba  
ma-busise mo onyola nja? Onyola nika babo  
20 ba mende be bakaisedi banyu. \*Nde yetena  
na ma-busise midī ma bobe onyola mune ma  
Loba, ke janea la Loba di má-po na binyo.  
21 \*Yetena nyanginya a ma-tata eboko ao na  
beyei ba bwemba, ke mambo mao ma ma-ja  
22 na musaŋgo. \*Nde nu buki mo nginya a poi  
te omony ao nde a buka mo, a ma-nongone  
mo beyei bao ba bwemba, bena a piteno,

## Lukasi 11.

'abane pe bema bao ba ndumban. \* Nu nu 23  
titi na mba, ama-teŋgene nde mba;  
nu pe nu si ma-kotele namba, ama-  
wanja nde. \* Mudī mu si saŋgi mu busi 24  
te na moto, mu ma-yeŋga o wuma ianji o  
pulise wumse, nde mu si ma-dia mo, na mo  
mu kwala na: Na ma-timba pe o ndabo am  
na busino. \* Nde mupoi te mu ma-bomane mo 25  
e papabe e botisabe pe. \* Na mo mu ala, mu 26  
noŋgo midī mipepe samba mi buki momene  
bobe; na mo mi iŋgea mi ja oten, na mambo  
ma nu moto ma sukan ma timba be bobe buka  
ma boso.

Nde e ta na, niponda a kwaliŋo man mambo, 27  
na muto mowó oteten a dimuti a te musea, a  
kwalanē mo na: Bonam na esale eyai oa,  
na mabe o nyoŋgiŋo. \* Na mo a kwala na: 28  
E, bonam na ba bama-seŋge eyal'a Loba, nde  
ba neŋge mo.

(29—36: Mat. 12, 38—42; 6, 22. 23.)

Nde niponda mamuti makotomno, na mo 29  
a kumwa kwala na: Nin nyoŋon nye nde  
nyoŋon a bobe, e ma-pulise eyemban, nde  
eyemban e si ma-bolabe mo, ke eyemban a  
mutoper'a-mudī Yona. \* Ebanja kana Yona 30  
atanō eyemban na bato ba Niniwe, nikamene  
nde Muna-moto pe a mendenō be na nin  
nyoŋon. \* Nyango-a-mundi nya mikondo a 31  
mende teme o muka na bato ba nin nyoŋon,  
nde a mende kwese babo; ebanja mo a wu  
naten' o su la wase o seŋga dibie la Salomo.  
Nde ombwa, nu nu buki Salomo e uan! \* Bato 23

## Lukasi 11.

ba Niniwe ba mende teme o muka na nin  
 nyonon, nde ba mende kwese mo; ebanja ba  
 ta b'atele onyola belangwedi ba Yona. Nde  
 33 ombwa, nu nu buki Yona e uan! \* To-moto  
 asima-motele etrukan, nde atese mo o wum'a  
 diwuta to owasa elimbi, nde omony a tebedi,  
 34 na ba ba m'ingeye b'ene muenen. \* Muenen  
 ma nyolo mue nde diso. Yetena diso longo  
 dijai te bwam, nyol'ango nyese e ma-be  
 muenen; nde le te bobe nyol'ango nyese e  
 35 ma-be nde munititi. \* Ombwa so nga muenen  
 36 mue oteten ango mu titi munititi. \* Ye so te  
 na nyol'ango nyese nye muenen, ka nyena e  
 si ben pe to epasi ewo munititi, ke e mende  
 nde be muenen mo na mo, ka biana etrukan  
 e ma-panyea te oa na muenen mao.

(39—52: Mat. 23, 1—36.)

37 Nde niponda a tano a kwala, na mot'a  
 Farisai a sosomeye mo o da da la idiba na  
 38 mo; na mo 'ingea, aja o tebedi. \* Niponda  
 mot'a Farisai 'enno nika, na mo a nyaka, na  
 39 a si sele joe obiana a ma-da. \* Na Saango a  
 kwalane mo na: E, binyo Farisai lo ma-sa-  
 gise mbusa dibonde na nya poke, nde ma  
 me oteten anyu malonda n'ebwan na bobe.  
 40 \* Binyo belemā, nu nu pongi la mbusa, a si  
 41 pongi pe la teten e? \* Nde bola nde batuedi  
 ma me oteten jabea, nde mese ma ma-timba  
 42 saंगा na binyo. \* Nde eboma na binyo Farisai,  
 onyolana lo ma-bola dongo diwo la dom njangi  
 la sisan na miyombon na nyai a bewudu yese,  
 nde lo tomba muka na ndol'a Loba. Din di

## Lukasi 11.

aṅgamen bolabe, nde seto jesele mane. \* E- 43  
 boma na binyo Farisai, onyolana lo tondi  
 bejedi ba boso o ndabo a ndoṅgamen, na  
 masoma o madon. \* Eboma na binyo babiedi- 44  
 ba-kalat'a-Loba na Farisai bamawondon, onyo-  
 lana le ka soṅgo i si bian, yena bato ba ma-  
 tombano omony ao, nde ba si bie. \* Na 45  
 mowó nya babiedi-ba-mbenda 'alabe, a kwalane  
 mo na: A muleedi, na ben beyala o ma-loa  
 pe nde na biso. \* Na mo a kwala na: Eboma 46  
 pe na binyo babiedi-ba-mbenda, onyolana lo  
 ma-bambele bato miuna mi ambi bambe, nde  
 binyomene losima-tapa mi miuna to na mune  
 manyu mowó. \* Eboma na binyo, onyolana 47  
 lo ma-longa soṅgo a batoperi-ba-mudi, nde  
 basaṅgo banyu nde ba bo babo. \* Nika nde 48  
 leno mbon, lo bola pe na jemea lanyu o bebolo  
 ba basaṅgo banyu; ebanja babo ba bo babo,  
 nde binyo pe lo ma-longa soṅgo abu. \* Onyola 49  
 nika dibie la Loba di ma-kwala pe na: Na  
 mende lomea babo batoperi-ba-mudi na ba-  
 muloloma, nde ba mende bwa doṅgo labu na  
 takise pe, \* ná maya ma batoperi-ba-mudi 50  
 bese, mena ma komabe natena beboteri ba  
 wase ma pulabe na nin nyonon, \* botea o 51  
 maya ma Abel natena maya ma Sakaria, nu  
 bwabe oteten diyo na tempel. E, nā-laṅgwea  
 binyo, ma mende pulabe na nin nyonon. \* E- 52  
 boma na binyo babiedi-ba-mbenda, onyolana  
 lo sumo idubwan a dibie. Binyomene lo s'  
 ingedi oten, l'eki pe ba bena ba ta ba pula  
 jingea. \* Nde niponda a kwalanno babo man 53

mambo, na babiedi-ba-kalat'a Loba na Farisai  
ba kumwa somo mo bwambi, b'uele mo gita  
54 la mambo, \* balamba mo, ba pulise o damea  
lambo o mudumbu mao, ná ba bene njom  
na mo.

(12, 2—9: Mat. 10, 26—38.)

12 Nde kana dimuti di tano di kotome o ni  
pondamene, lokoli na lokoli, ka nyena ba ta  
ba dakane mowó na nune, na mo a kumwa  
kwalane bokweli bao na: Lambo la boso, lo  
bia pon onyola esasange ya Farisai, yena ye  
2 mawondon. \* To-lambo di si wutabe lena di  
si mende biisabe, to-lambo di si wutam lena  
3 di si mende biane. \* Onyola nika to-nje lo  
tano lo kwala o muititi, e mende sengabe o  
muenen; nje pe lo kwalino o toi o tun, e  
4 mende langwabe omony a minyua. \* Nde  
nā-langwea binyo makom mam na: Losi bwa  
babo bonggo bena ba ma-bwe nyolo, nde o-  
5 mbusa nika basi wele pe bola to-lambo. \* Nde  
nama-pula leele binyo nja lo angamenno bwa  
bonggo; bwa nu bonggo nyena a bole te bwa,  
a ben pe na nginya o pimba o wuma-wea.  
6 E, nā-langwea binyo, bwa nu bonggo. \* Ba  
si m'andise nde lonjanga lotanu onyola kapa  
po e? nde to iwo isi bangisan oboso ba Loba.  
7 \* Nde na nyo a milopo manyu yese pe ison-  
gobe; lo si bwa bonggo, lo buki gita la lo-  
8 njanga. \* Nde nā-langwea binyo, to-nja nu  
ma-pusele momene na mba oboso ba bato,  
na mo nde Muna-moto pe amendeno pusele  
9 momene, oboso ba angel a Loba. \* Nde nu

## Lukasi 12.

nu ma-tobe mba oboso ba bato, mo pe a  
 mende tobobe oboso ba angel a Loba. \*To- 10  
 nja pe nu ma-tope eyala lingise Muna-moto,  
 emende lakisabe mo; nde nu nu ma-tope di-  
 bena lingise Mudī Musangi, di si mende laki-  
 sabe mo. \*Nde yetena b'alan te binyo o 11  
 mandabo ma ndongamen na o manea na o  
 nginya, lo si nongo mutaka, neni na nje lo  
 mendeno ka, to kwala; \*ebanja Mudī Musangi 12  
 mu mende lee binyo o ni pondamene nje l'  
 angamenno kwala.

Na mowó nya dimuti a kwalane mo na: 13  
 A muleedi, kwalane muna-sango am, ná 'abane  
 sango na mba. \*Na mo a kwalane mo na: 14  
 A moto, nja atese mba mukaisedi to muabe-  
 masango omony anyu? \*Na mo a kwa- 15  
 lane babo na: Lo bia pon, l'angamene pe  
 onyola nyai a mukubo, ebanja seto din nde,  
 ná moto a ben njoasoa, mo nde longe lao di  
 ma-beno o mambo abenno. \*Nde ata a kwa- 16  
 lane babo munia, m'ona: Mionda ma mbwan  
 ma moto mowó mi ta mi ya gita. \*Na mo 17  
 a dutea na momene, a kwala na: Na ma-bwa  
 ne? Ebanja nasiben wuma na ma-neengo  
 mada mam. \*Na mo a kwala na: Na ma- 18  
 bola ninka; na ma-bulele mandabo mam ma  
 ekotedi, na ma-longa mandene buka nika, nde  
 na mende nenge (mada) mese na kusino na  
 bema bam pe oten; \*nde na mende kwalane 19  
 mudī mam na: A mudī, o ben gita la bema  
 dinaŋga onyola mbu ma gita; wumse so,  
 nyo, o de, o be munyenge. \*Nde Loba a ta 20



## Lukasi 12.

a kwalane mo na: A mot'elemā, bon bulu ba mende pulane oa mudī mōngo; nde nja a  
 21 mende bene ma o koteleno e? \*Nika nde yeno na nu nu ma-kotele mawuta ma bema na momene, nde a si be mbwañ onyola Loba.

(22—31: Mat. 6, 25—33.)

22 Na mo a kwalane bokweli bao na: Onyola nika nā-laŋgwea binyo, lo si nōngo mutaka onyola loŋge, nje lo mendeno da, to onyola  
 23 nyolo, nje lo mendeno boto. \*Loŋge di buki da, nyolo pe mboti. \*Ombwa te besese, be si ma-sa da, besim'umbwa, besiben tuñ a mada to ndabo a ekotedi, nde Loba ama-dese mo,  
 25 nde binyo lo buki nde lonon ne e! \*Njika mo-wó nyanyu ena abata dibōngo diwo o pond'ao nya loŋge onyola mutaka mao e? \*Ye so te ná lo si weli te bola lambo di buki mese bosadi, nje so lo ma-nōngono mutaka onyola mane mese  
 27 e? \*Ombwa te maŋga m'eyidi neni ma manyakano, ma si ma-bola ebolo, ma si ma-wošo misiŋga; nde nā-laŋgwea binyo, to Salomo momene o bosāŋgi bao boese, a si ta a po to  
 28 diwo la man o boto. \*Ye so te ná Loba a ma-botise bewudu b'eyidi nika, bena be mateme oēnge, o kiele be pimbabe o dio, a titi ná a bola binyo buka nika, a binyo bajemea-  
 29 disadi! \*Binyo pe lo si pulise nje lo mendeno da, na nje lo mendeno nyo, lo s'esele milema manyu mi yeŋgilane. \*Ebanja onyola man mese nde basibi ba wase bama-bwano ndutu; nde Saŋgo anyu a bī ná lo aŋgamen man.  
 31 \*Nde pulise nde janea la Loba, nde man mese

## Lukasi 12.

ma mende batabele binyo. \* O sibwa boŋgo, 32  
a dibemba disadi; ebanja edolisan  
Saŋgo anyu, o bola binyo janea.

(33. 34: Mat. 6, 20. 21.)

Andise ma lo benno, lo bole mabea na ba- 33  
tuedi; poŋgea binyomene mikuta ma moni  
miena mi si ma-dune, diwuta la bema o mony  
lena di si ma-bo, wuma muibedi a si ma-pono  
bebe, to seleke isinyamse. \* Ebanja wuma 34  
diwuta lanyu la bema leno, oten pende  
mulema manyu mu ma-beno.

(35—46: Mat. 24, 42—51.)

Esele bedue banyu betingabe, betrukan 35  
banyu pe be onye; \* lo be ka bato bena ba ma- 36  
tate saŋgo abu, ponda amendeno wa o ndema  
la diba, ná a poi te, 'umbi te, ba teleye mo  
dibokimene. \* Bonam na ba bautu, bena 37  
saŋgo abu a poi te a bomane babo bajai  
epenye. Nambale, nā-laŋgwea binyo, amende  
bomea momene, a jese babo o tebedi, 'ala, a  
bolea babo. \* Nde yetena a poi te o betatedi 38  
ba bulu belonde beba to belalo, nde a bomane  
nika, bonam na ba bautu. \* Nde lo bia din: 39  
Saŋgo a mboa abi te njika ponda muibedi a  
ma-pono, ke a wusa ja penya asi wusa jesele  
ndabo ao e buabe. \* Binyo pe lo aŋgamene 40  
so, ebanja Muna-moto amende po o ponda lo  
si m'ongeleno. \* Na Petro a kwalane mo 41  
na: A Saŋgo, o ma-kwala nde mu munia na  
biso, nga na bese e? \* Na Saŋgo a kwala 42  
na: Nja so e soel' a jemea na nya dibie, nyena  
saŋgo a teseno omony a baboledi bao o bola

## Lukasi 12.

- 43 babo da o ponda ny'aṅgamen? \* Bonam na  
 nu muutu nyena saṅgo a poi te, a bomane mo  
 44 ama-bola nika. \* Nambale, nā-laṅgwea binyo,  
 a mende tese mo omony a bema bao bese a  
 45 benno. \* Nde yetena nu muutu akwali te o  
 mulema mao na: Saṅgo am am'indea po, na  
 mo akumwa dipa bautu ba bome na ba bito,  
 46 na o da na nyo na soko; \* ke saṅgo a nu  
 muutu a mende po o bunya boena a si tatino  
 na o ponda asibino, nde a mende ke mo be-  
 47 suṅgu, a bola mo doṅgo na basidube. \* Nde  
 nu muutu nu bi jemea la saṅgo, nde a s'aṅ-  
 gamene momene to bola ponda jemea lao, a  
 48 mende dipabe mawopi gita; \* nde nu nu si  
 bi, nde a bola nje e aṅgamen mbeti, a mende  
 dipabe son. To-nja e bolabeno gita, emende  
 pulabe na mo gita, to-nja pe e bakabeno gita,  
 na mo pe nde emendeno beṅga pulabe gita.  
 49 \* Na poi o pimba wea o wase, nde na tondi  
 50 nde ne, ke i má-jonya e! \* Na ben dubise o  
 dubisabe, nde nakakam nde ne, natē di tomba  
 51 e! \* Lo m'ongeḷe na na poi nde o wana mu-  
 saṅgo o wase? Kem, nā-laṅgwea binyo, ja-  
 52 bane nde. \* Ebanja botea tatan batanu o  
 ndabo po ba mende jabane, balalo ba mende  
 53 teme liṅgise baba, baba pe balalo; \* saṅgo liṅ-  
 gise mun'ao nya mome, mun'a mome pe liṅ-  
 gise saṅgo; nyaṅgo liṅgise mun'ao nya muto,  
 mun'a muto pe liṅgise nyaṅgo; nyaṅgo a diba  
 liṅgise mun'ao nya muto nya diba, mun'a  
 muto nya diba pe liṅgise nyaṅgo ao nya diba.  
 54 Nde ata akwalane mamuti na: Lo m'ene

## Lukasi 12. 13.

te diwindi di ma-busa o mbeṅge, na diboki-  
mene lo kwala na: Mbua e mende yole; nde  
ebolane pe nikamene. \*Nde lo m'ene te ngo 55  
a mikondo e ma-wuṅgea, lo ma-kwala na:  
Eyididi e mende be; nde e bolane pe nika-  
mene. \*A binyo bamawondon, lo ma-wele son- 56  
tane beombwedi ba wase na ba mony, nde  
neni lo si ma-sontaneno nin ponda e? \*Nde 57  
onyolanje lo si ma-kaiseno na binyomene nje  
etem e?

Nde kana o m'alano na musinṅer'ango 58  
omboa muanedi, nonṅo ndutu o nṅea o suṅ-  
gabe na mo, a si ya be a duta oa oboso ba  
mukaisedi, mukaisedi pe a bake oa na mu-  
kwese-bato-o-beboa, na mukwese-bato-o-beboa  
a pimba oa o beboa. \*Nā-laṅgwea oa, o si 59  
ma-busa oten natē o bole saua na fenig ni  
sukan na bam.

Nde o ni pondamene donṅo ba ta ba po 13  
ba laṅgwea mo onyola bato ba Galilea, bena  
Pilato a tano a pulisane maya mabu na mabea  
mabu. \*Na Yesu 'alabe, a kwalane babo na: 2  
Lo m'ṅengele ná ban bato ba Galilea bata  
bato babobe buka bato ba Galilea bese, onyo-  
lana ba kusi nika e? \*Kem, nā-laṅgwea binyo, 3  
yetena lo s'atele, ke binyo bese pe lo mende  
nde nyama nikamene. \*To di dom na lombi, 4  
bena njoṅgo a Siloam ekwedino omony abu,  
ebwa babo, lo m'ṅengele ná bata ba bene njom  
a bobo buka bato bese be o Yerusalem e?  
\*Kem, nā-laṅgwea binyo, yetena lo s'atele, 5

### Lukasi 13.

ke binyo bese pe lo mende nde nyama nika-mene!

6 Nde ata a kwala mun munia na: Moto mowó ata a bene bwele ba ja ngolo, boena bo ta bo debe o mōnda mao mā lonyengeny; na mo a po o pulise bepuma oten, nde asiso.

7 \* Na mo a kwalane muponge-mōnda na: Ombwa, min mbu milalo na ma-po o pulise bepuma o bon bwele ba ja ngolo, nde nasi soi; ke mo, onyolanje boma-dibano minya-

8 gadu e? \* Na mo 'alabe, a kwalane mo na: A saŋgo, ese pe mo mun mbu, natē na pula minyaŋgadu diŋgele mo, na koma pe dibunje.

9 \* Pondapo bo mende ya bepuma; nde e titi te nika, o tata ke mo.

10 Nde ata a lee o ndabo a ndoŋgamen o

11 bunya-ba-wumse. \* Nde ombwa, muto mowó ata oten, nu ta nu bene mudī ma diboa dom la mbu na lombi, nde ata aniamē, asi ta a

12 wele tese momene omony ka bwam. \* Nde Yesu 'enno mo, na mo a bele mo, a kwalane mo na:

13 A muto, o be wonja na diboa lōngo! \* Na mo a neŋge maa o mony ao, na dibokimene a

14 teme na sīm, a sesa Loba. \* Na muaned'a ndabo a ndoŋgamen 'alabe, nu ta nu liŋga, onyolana Yesu a bolise diboa o bunya-ba-wumse, a kwalane dimuti na: Minya mutoba me, miena b'aŋgamenno bola ebolo; o mi nde

15 lo po o bolisabe, seto o bunya-ba-wumse. \* Na Saŋgo 'alabe mo, a kwala na: A mot'a-ma-wondon, seto moto na moto nyanyu nde a ma-wunje nyak'ao to esel ao o dibemba lao

## Lukasi 13.

o bunya-ba-wumse, nde 'alane mo o bola mo enyo madiba e? \*Nde nu nyena nye mun'a 16 Abraham, nyena Satan akakino, ombwa, dom la mbu na lombi, a s'angamen wunjabe na nin ngata o bunya-ba-wumse e? \*Nde nipon- 17 da a kwalino man, basingeri bao bese bata ba bwa ison, nde dimuti lese dita di bwa munyenge onyola bebolo bao ba bosangi bese, bena be bolan na mo.

(18—21: Mat. 13, 31—33. Marko 4, 30—32.)

Na mo a kwala na: Janea la Loba di wan 18 nde na nje e? na ma-menene mo nje e? \*Le 19 nde biana mbolako a ewole, nyena moto a nongingo, apimba mo o mōnda mao, na mo enyaka e timba bwele, na lonon la mony lo longa madumbu o mikanjo mao. \*Na mo a 20 kwala pete na: Na nje na ma-menene janea la Loba e? \*Le nde biana esasaŋge e ma- 21 pongone ewolo yena muto a nongingo, apungwane mo mamene malalo ma mburu ma mbasi, natena muese mu timba esasaŋge.

Nde a ta a tomba oteten a mindi mindene 22 na misadi, a lee, kana a tano o londo wala o Yerusalem. \*Nde moto mowó ata akwalane 23 mo na: A Saŋgo, be nde ngusu bena ba m' ongisabe e? Na mo a kwalan babo na: \*Embe o jinge onyola muna musadi, ebanja 24 na-laŋgwea binyo, gita ba mende pulise o jinge, nde basimende wele. \*Botea ni ponda 25 nyena saŋgo a mboa a temno, a kweseno jombe, lena lo wele kumwa teme o eboko o jumba jombe, lo kwala na: A Saŋgo, a Saŋgo,

## Lukasi 13.

- teleye biso! Nde a mende jalabe, a kwalane binyo na: Na si bi binyo o wuma lo wuno!
- 26 \* Denge lo mende kumwa kwala na: Di dedi oboso bonggo, dinyo pe, o ta pe o lee o ma-
- 27 ngea masu. \* Nde a mende kwala na: Na-langwea binyo, nasi bi binyo o wuma lo wuno; asumwe na mba, binyo babole-bobe bese!
- 28 \* Oten nde mbembe na da la masonga ba mendeno be, ponda lo mendeno jene Abraham na Isak na Yakob na batoperi-ba-mudi bese o janea la Loba, nde binyo lopimbabe uone.
- 29 \* Nde ba mende wa o jeru na o mbenge, o ponggo na o mikondo, ba mende ja o tebedi
- 30 o janea la Loba. \* Nde ombwa, basukan be, bena ba mende be baboso, baboso pe be, bena ba mende be basukan.
- 31 O bo bunya mene donggo la Farisai ba ta ba po, bakwalane mo na: Asumwe uan o ale,
- 32 ebanja Herode a ma-pula bwa oa. \* Na mo a kwalane babo na: Binyo ala, langwea ni mba'ng'a-njo na: Ombwa, na ma-busise midi ma bobe, na ma-bolise maboa oenge na kiele, nde o bunya bo londe milalo na mende sua.
- 33 \* Nde n'angamen nde dangwa oenge na kiele na bone bobupe, ebanja e s'angamen na mutoper'a-mudi a nyame, e si be o Yerusalem.

(34. 35: Mat. 23, 37—39.)

- 34 A Yerusalem, Yerusalem ni ma-bwe ba-toperi-ba-mudi, ni m'angwe pe ba ba ma-loma-be na oa madale, nged'ininga na tano na pula kotele bana bonggo, ka wuba e ma-koteleno bana bao owasa mapupulan; nde lo s'emedi.

## Lukasi 13. 14.

\*Ombwa, ndabo anyu e mende diabe na binyo 35  
k'embamba. Nde nā-langwea binyo, lo si mende  
pe jene mba natē ponda epo, lo mendeno  
kwala na: Bonam na nu nu ma-po o dina  
la Saingo!

Nde e ta na, niponda a poino o ndabo a 14  
muaned'a Farisai mowó o bunya-ba-wumse, o  
da ewolo, ba ta ba somo mo. \*Nde ombwa, 2  
mot'a mbimbi mowó a ta oboso bao. \*Na 3  
Yesu 'alabe, a kwalane babiedi-ba-mbenda na  
Farisai na: E angamen o bolise diboa o bunya-  
ba-wumse e? \*Nde ba ta baja na pi. Na 4  
mo a nongo mo, a bolise mo, 'esele mo 'ala.  
\*Na mo 'alabe, a kwalane babo na: Nja nya- 5  
nyu, nyena nyak'ao to esel ao e kwedi te o  
ekukuru, asima-toto mo dibokimene o bunya-  
ba-wumse e? \*Nde ba si ta ba wele timbi- 6  
sele mo to-lambo onyola man.

Nde a ta a kwala munia na ba ba belabe, 7  
niponda 'enno neni ba tano ba poso bejedi ba  
boso, a kwalane babo na: \*Yetena obelabe 8  
te na moto o diba, o si nongo bejedi ba boso,  
esi ya be mowó nu buki oa edube a belabe  
na mo, \*na nu nu bele oa na mo a po, akwa- 9  
lane oa na: Bola nun bejedi, na oa o bota  
na ison o nongo bejedi be sukan. \*Nde ye- 10  
tena o belabe te, ala ja o bejedi be sukan,  
nde yetena nu nu bele oa a poi te, a kwalane  
oa na: A dikom, sisea omony! Nde o mende  
bene edube oboso ba ba bajai o da na oa.  
\*Ebanja moto na moto ny'ase mo- 11



## Lukasi 14.

mene, a mende sibilabe, nde nu nu sibise momene, amende jasabe.

- 12 Ata pe a kwalane nu nu ta nu bele mo, na: O boṅsan te da la idiba to la ebiamu, o si bele makom moṅgo to bona-sonṅo to beyabe boṅgo to bato-ba-teten-a-mboa ba mbwañ, e si ya be babo pe ba timba bele oa, nde ba  
13 timbisele oa; \*nde yetena o boṅsan te ndema, bele batuedi na babeboki na bamboko na  
14 bandima, \*nde o mende be bonam, ebanja ba titi ná ba wele timbisele oa; nde e mende timbisabele oa o bepumbwedi ba batem-na-sim.

(16—24: Mat. 22, 2—10.)

- 15 Nde mowó nu ta nu ja o tebedi na mo, a seṅgino nika, na mo a kwalane mo na: Bonam na nu nu ma-de ewolo o janea la Loba.  
16 \*Na mo a kwalane mo na: Moto mowó ata  
17 'ipe ndema dindene, a bele pe gita; \*nde o pond'a ndema na mo a loma muut'ao o kwalane ba ba belabe na: Binyo ya, ebanja mese  
18 ma má-bole boṅsane. \*Na babo bese, na jemea diwo, ba kumwa suele manyolo mabu. Nyaboso a kwalane mo na: N'andi mōnda, nde n'aṅgamen wala jombwa mo; na sosomedi  
19 oa, lakise mba! \*Nupepe pe m'ona: N'andi maṅgoṅga ma nyaka matanu, na m'ala o son-tane mo; na sosomedi oa, lakise mba! \*Nune  
20 pe m'ona: Na tombele muto, onyola nika na  
21 titi ná na wele po. \*Na nu muutu a timba, a laṅgwea saṅgo ao nika. Na nu saṅgo a mboa a liṅga, a kwalane muut'ao na: Wamse

## Lukasi 14.

wala o maŋgea mandene na masadi ma mundi,  
 owane batuedi na babeboki na bandima na  
 bamboko. \* Na nu muutu a kwala na: A 22  
 saŋgo, e bolan kana o anedino, nde wuma i  
 bedi pete i telam. \* Na saŋgo a kwalane nu 23  
 muutu na: Busa o maŋgea na o koto o nya-  
 kisane babo o jiŋgea, ná ndabo am e londe.  
 \* Ebanja nā-laŋgwea binyo, to-mowó nya ba 24  
 bato ba belabe, a si mende keka ndema lam.

(26. 27: Mat. 10, 37, 38.)

Nde mamuti mandene mata ma daŋgwa na 25  
 mo, na mo a yombo, a kwalane babo na: \* Ye- 26  
 tena moto a ma-po na mba, nde a si siŋge  
 saŋgo na nyaŋgo na muto na bana na bona-  
 saŋgo ba bome na ba bito, na lonŋe lao mo-  
 mene pe, a titi ná a wele be mokwel'am.  
 \* Nu nu si ma-bambe mbas'ao, nde a bupe 27  
 mba, a titi ná a wele be mokwel'am. \* Eban- 28  
 ja nja nyanyu nyena nu ma-pule lonŋe ndabo,  
 nde a si sele ja wase, a dutea mususedi, nga  
 a ben bema o bole mo e? \* Esiya be, a ma- 29  
 bole te boka mo wase, nde a si wele bole mo,  
 beŋe bena ba m'ombwe, ba kumwa yoye mo,  
 \* ba kwala na: Nu moto a botedi lonŋa, nde 30  
 a si weli bole mo. \* To, njika kiŋe ni m'ale 31  
 o jana bila na kiŋe nipepe, nde e si sele ja  
 wase, e weka muano, nga ny'ena e wele doŋ-  
 gamene na dom la lokoli, nu nyena nu ma-  
 po janane mo na muaba ma lokoli e? \* Nde 32  
 e titi te nika, ke e ma-loma muendi ke nune  
 a dia etum, o sosomeye onyola musaŋgo.  
 \* Nika so nde moto na moto nyanyu, nu si 33

## Lukasi 14. 15.

ma-tobē mese a benno, a titi ná a wele be  
 34 mokwel'am. \* Waṅga i doli; nde yetena  
 waṅga pe i timbi te muloloko, ba ma-timbi-  
 35 se pe nyēṅgenye lao na nje? \* I si ma-dolo  
 pe to onyola mōnda to onyola dikundu, ba  
 ma-pimba nde mo uone. Nu nu ben matoi  
 o seṅga, eseṅge mo a seṅge!

15 Nde bakotedi na babobe bese ba ta be  
 2 ba po na mo o seṅgane mo. \* Nde Farisai  
 na babiedi-ba-kalat'a-Loba ba ta ba topo mi-  
 nyunyuṅgu, ba kwala na: Nu a ma-kasa ba-  
 bobe, a ma-da pe na babo.

(4—7: Mat. 18, 12—14.)

3 Na mo a kwalane babo mun munia na:  
 4 \* Njika moto oteten anyu nu ben ebwea mi-  
 doṅgi, nde mowó mu pimbea, a si ma-dia mu-  
 dibua na dibua o eyañ, a pulise mu mu pi-  
 5 mbedi, natē a so mo e? \* Nde a soi te mo,  
 a ma-neṅgele mo o makata mao na munyēṅge,  
 6 \* 'ala o mboa, a bele makom mao na bato-ba-  
 teten-a-mboa, a kwala na: Bwane mba mu-  
 nyēṅge, ebanja na soi mudōṅgi mam mu pi-  
 7 mbedi. \* Nā-laṅgwea binyo, nika nde mu-  
 nyēṅge mu mende be o mony onyola mot'a  
 bobe mowó nu m'atele, buka onyola mudibua  
 na dibua ma batem-na-sim bena basima-pule  
 pe o jatele.

8 To, njika muto nu ben dom la drakma,  
 nde drakma po e pimbedi te, a si ma-motele  
 etrukañ, a papa ndabo, a pulise bwambwam,  
 9 natē a so mo e? \* Nde a soi te mo, na mo a

## Lukasi 15.

bele makom mao na bito ba teten-a-mboa,  
akwala na: Bwane mba munyenge, ebanja  
na soi drakma, nyena ni ta ni pimbea. \* Nā- 10  
laŋgwea binyo, nika nde munyenge  
muma-beno oboso ba angel a Loba  
onyola mot'a bobe mowó nu m'atele.

Nde ata akwala na: Moto mowó ata a 11  
bene bana ba bome baba; \* na nyamuutu a 12  
kwalane saŋgo na: Ate, bola mba doŋgo  
la bema, lena di ma-koye mba. Na mo 'abane  
babo bema. \* Nde ombusa ŋgusa minya, na 13  
nyamuutu a kotele mese, 'ala o ekombo etum,  
oten nde a nyamseno bema bao na loŋge la  
bobe. \* Niponda a boleno bolane mese, na 14  
njai nindene e ko o y'ekombo, na mo a kum-  
wa taka. \* Na mo 'ala, a bate momene na 15  
moto mowó nya y'ekombo, na mo a loma mo  
o eyid'ao o tata ŋgoa. \* Nde a ta a pula 16  
julise dibum lao na beyobo, bena ŋgoa i tano  
ida, nde to-moto a si ta a bola mo. \* Nde 17  
joŋgele dita di timba poye mo, na mo akwala  
na: Baboledi baniŋga tete a benno, bena ba  
ben bewolo ba ma-bukeano, nde mba na wo  
na njai uan e! \* Na m'asumwe, nam'ala na 18  
tete, na mende kwalane mo na: Ate, na boli  
bobe liŋgise mony na oboso boŋgo; \* na si 19  
doŋgamen pe o belabe pe mun'aŋgo; timbise  
mba ka mowó nya baboledi boŋgo. \* Na mo 20  
'asumwe, 'ala na saŋgo. Nde ke a dia etum  
uonē, na saŋgo 'ene mo, a bwea mo ndedi,  
apo, a ko mo o nyiŋgo, a sopa mo. \* Na 21  
muna a kwalane mo na: Ate, na boli bobe

## Lukasi 15.

- lingise mony na oboso bon̄go; nasi  
 don̄gamen pe o belabe pe mun'ango.  
 22 \* Nde sāngo a kwalane nde bautu bao na:  
 Wana mbot'a bosangi ni buki yese, lo botise  
 mo, son̄ge yondo o dia lao na betambi pe o  
 23 miende mao; \* lowane pe na y'esomb'a nya-  
 ka ya diwongi, lo bwe mo, esele biso di de,  
 24 di bwe munyēnge; \* ebanja nun mun'am  
 a ta a wo, nde a timbi pe lon̄ge; a ta  
 a pimbea, nde a diabe pe. Na babo ba  
 25 kumwa bwa munyēnge. \* Nde mun'ao nya  
 muturu a ta o eyidi, nde niponda a wuno, a  
 poino bebe na ndabo, na mo a sēnga ngombi  
 26 na sa la ngomo, \* na mo a bele muutu mowó,  
 27 a baise nje ye na. \* Na mo a kwalane mo  
 na: Mun'a son̄go a poi, nde son̄go a bo y'esom-  
 b'a nyaka ya diwongi, ebanja a kusi mo a  
 28 jai bwam. \* Na mo a linga, a si pule jingea.  
 29 Nde sāngo a ta a busa, a sosomeye mo. \* Na  
 mo 'alabe, a kwalane sāngo na: Ombwa, din  
 gita la mbu na má-bolea oa, nde na si bulele  
 to mbend'ango po; nde osiboli mba to mbodi  
 po, ná na bwe munyēnge na makom mam.  
 30 \* Nde kana nu mun'ango a poino, nu nyamse  
 bema bon̄go na bito ba mbamba, na oa o  
 31 bwea mo y'esomb'a nyaka ya diwongi. \* Na  
 mo a kwalane mo na: A muna, oa oe na mba  
 ponda yese, mambo mam mese me nde mon̄go.  
 32 \* Nde e ta e pula o bwa munyēnge na be  
 mutam; ebanja nun muna-son̄go a ta a wo,  
 nde a timbi pe lon̄ge, a ta a pimbea, nde a  
 diabe pe.

## Lukasi 16.

Nde a ta a kwalane bokweli bao na: Mbwan 16  
 ma moto mowó mu ta, muena mu ta mu bene  
 soele; nyena batano balaŋgwea mo, ná ema-  
 nyamse bema bao. \*Na mo a bele mo, a 2  
 kwalane mo na: Din na seŋgingo onyol'aŋgo  
 le nde ne? Bola bolaŋgi onyola ebol'aŋgo  
 ya soele, ebanja otiti pe ná obe soele. \*Na 3  
 soele ekwala na momene na: Nama-bwa ne,  
 kana saŋgo am a ma-sumwano mba o ebol'a  
 soele? Na si wele o pùla; na ma-bwa ison o  
 jakwa! \*Na bi nje na ma-bolano, ná na 4  
 sumwabe te o ebol'a soele, ba noŋgo mba o  
 mandabo mabu. \*Na mo a bele na momene 5  
 moto-te nya bewu ba saŋgo ao. A kwalane  
 nyaboso na: O aledi saŋgo am ewu ne? \*Na 6  
 mo a kwala na: Ebwe'a mamene ma mula.  
 Na mo a kwalane mo na: Noŋgo kalat'aŋgo  
 ny'ewu, ja wase, o wamse tila muatanu!  
 \*Ombusa nika na mo a kwalane nupepe na: 7  
 Oa pe o aledi ewu ne? Na mo akwala na:  
 Ebwe'a mamene ma mbasi. Na mo akwala ne  
 mo na: Noŋgo kalat'aŋgo ny'ewu o tile mu-  
 lombi. \*Nde saŋgo (ao) a ta a sesa soele 8  
 nisi tem na sim, ebanja eboli jaŋgwa; ebanja  
 bana ba nin wase be jaŋgwa o nyonon abu,  
 buka bana ba muenen. \*Nde na ma-laŋ- 9  
 gwea binyo na: Wekea binyomene  
 makom na bema ba wase besitem na  
 sim, ná yetena beboi te, ba noŋgo  
 binyo o minoko ma bwindea. \*Nu nye 10  
 jemea o lambo dibuki mese bosadi,  
 e pe jemea o dindene; nu pe nu sitem

## Lukasi 16.

na sīm o lambo dibuki mese bosadi,  
11 e pe nu sitem na sīm o dindene. \*Ye  
so te ná lo sita lo teme na sīm o bema ba  
wase be sitem na sīm, nja amende lakise  
12 binyo ba mbale? \*Nde yetena lo sita jemea  
o mambo ma nupepe, nja amende bole binyo  
13 manyu? \*To-muutu mowó a titi ná a bolea  
basaño baba: e be te ná a mende singe mo-  
wó, a tondo nune; to a mende tingame na  
mowó, a yaña nune. Lo titi ná lo bolea Loba,  
nde lo bolea pe bema ba wase.

14 Nde Farisai bata basenga man mese, nde  
kana batano batondo bema, na babo bayoye  
15 mo. \*Na mo a kwalane babo na: Binyo nde  
le ba, bena ba ma-tese babo momene na sīm  
oboso ba bato, nde Loba abī milema manyu;  
ebanja di diasam oboso ba bato, le nde nya-  
16 kaka oboso ba Loba. \*Mbenda na batoperi-  
ba-mudī bata nde natena Yohane; botea oten  
nde miaño-ma-bwam ma janea la Loba mi  
lañgwabeno, nde moto nyese am'ingea oten  
17 na nginya. \*E bobi ná mony na wase ba  
nyama, buka toti diwo o jasumwe o mbenda.  
18 \*To-nja nu m'esele munj'ao, nde a bā nupepe,  
a wite nde musonje; nu pe nu ma-bā nu ny'  
esabele na mome, a wite nde musonje.

19 Mbwan ma moto mowó mu ta, a ta a boto  
mboti ni m'ole nya tiki na mbom a bwam,  
a ta aja na munam, a be pe munyenge bunya-  
20 te. \*Nde mutuedi mowó pe a ta, dina lao  
na: Lasaro, a ta anaña o jombe lao, alonda  
21 na pola, \*a ta nde a pula julise momene na

## Lukasi 16.

mburu mita miko o tebed'a mbwan ma moto;  
nde mbo ita ipo, inyangwa pol'ao. \* Nde 22  
eta na, mutuedi ata a wo, na mo abambabe  
na angel o bwannga ba Abraham. Nde mbwan  
ma moto pe mu wedi, mu pulabe. \* Nde o 23  
mundi-ma-kwedi, ke e onyola taka, na mo a  
sumwa miso mao omony, 'ene Abraham etum  
'uone, na Lasaro o bwannga bao. \* Na mo a 24  
te musea, akwala na: A tete Abraham, bwea  
mba ndedi, olome Lasaro, na adubise sas'ao  
nya mune o madiba, a lokomeye eyem'am,  
ebanja na ma-taka bwambi o min misonji.  
\* Na Abraham a kwala na: A muna, ongele 25  
na o bole kusa mongo mambo ma bwam o  
pond'ango nya longe, nikamene pe nde Lasaro  
mambo ma bobe; nde tatan mo a ma-lokobe,  
nde oa pe o ma-taka. \* Nde buka nika, mu- 26  
sima ma njiba mutesebe oteten asu na binyo,  
na ba be 'uon ba ma-pula te tomba na binyo  
ba si wele, to ba be 'uo pe ba si wele tomba  
na biso. \* Na mo a kwala na: Na sosomedi 27  
so oa, ate, na olome mo o ndabo a Tete;  
\* ebanja na ben bona-sango ba bome batanu, 28  
na a bole babo mbon a bwambwam, na babo  
pe ba si ya be bapo o uan wum'a takise.  
\* Nde Abraham a timbisele nde na: Ba ben 29  
Mose na batoperi-ba-mudi; esele babo  
ba sengane babo. \* Na mo a kwala na: 30  
Kem, ate Abraham; nde yetena mowó nya  
bawedi apoi te na babo, ke ba mende jatele.  
\* Na mo a kwalane mo na: Ba si sengan te 31  
Mose na batoperi-ba-mudi, ke ba titi pe



## Lukasi 16. 17.

to ná ba tukwabe, yetena mowó nya bawedi a pumbo.

- 17 Nde a ta a kwalane bokweli bao na: Ye nde lambo di si ma-wele bolane, ná malambi ma titi ná mapo. Nde eboma na nu nyena 2 onyol'ao nde ma ma-pono. \* E wusa dolone mo, ke dale la nsañ di tiñgabe o nyingo ao, nde apimbabe o munja, buka yetena a lambi 3 mowó nya ban basadi. \* Lo a ngamene na binyo mene! Muna-songo a boli te bobe, do- 4 mea mo; 'ombwe te, lakise mo. \* Nde yetena a boli te bobe wusane oa ngedi samba o bunya, nde a timba pe na oa ngedi samba, a kwala na: N'ombwe, o lakise mo.
- 5 Na bamuloloma ba kwalane Saño na: 6 Batea biso jemea! \* Na Saño a kwala na: Lo ben te jemea ka mbolako a ewole, ke lena lo kwalane bon bwele ba ma ngolo na: Adubwe, o deme o munja, nde bo wusa se ngane (binyo).
- 7 \* Nde nja nyanyu nu ben muutu nu ma-seye mo ebolo, to tata beyembe, nde a kwalane mo, ponda a ma-wano o eyidi, na: Ya dibo- 8 kimene, o je o tebedi? \* A si ma-kwalane nde mo na: Bonsane nje na mendeno da, bomea oamene o boleye mba natē na bole da na nyo; ombusa nika nde oa pe o tata da na nyo e?
- 9 \* Ena a bola masoma na nu muutu, ebanja a boli mambo m'anabele mo e? Na m'ongele na: 10 kem. \* Nikamene pe na binyo, lo boli te mambo mese, mena m'anabele binyo, kwala na: Je nde bautu ba mbolon; di boli nje di tano di a ngamene bola.

## Lukasi 17.

Nde eta na, niponda atano 'ala o Yerusa- 11  
 lem, na mo atomba oteten a Samaria na Ga-  
 lilea. \*Nde niponda 'ingedino o mundi musadi 12  
 mowó, na dom la bato ba mulòngó ba bo-  
 mane mo, bateme etum, \*b'ase madoi mabu, 13  
 ba kwala na: A Yesu, Saño, bwea biso ndedi!  
 \*Nde 'enno babo, na mo akwalane babo na: 14  
 Ala, leele binyomene na prisi. Nde e ta na,  
 niponda b'alongo, ba ta ba sañgisabe. \*Nde 15  
 mowó nyabu, 'enno ná a bole, na mo atimba  
 ombusa, a sesa Loba na doi di asam, \*a ko 16  
 wase na boso o miende mao, asoma mo. Nde  
 mo ata nde mot'a Samaria. \*Na Yesu 'alabe, 17  
 akwala na: Seto dom nde di sañgisabe e?  
 ndedibua le ue? \*To-mowó asisobe nu timbi 18  
 o bola Loba edube, ke nun muen e? \*Na 19  
 mo akwalane mo na: Teme, o ale, jemea  
 longo di ongise oa!

Nde niponda atano, 'uabele na Farisai na: 20  
 Njika ponda janea la Loba di ma-pono e? a  
 ta'alabe, akwala na: Janea la Loba di si  
 ma-po na beombwedi ba miso. \*Basi 21  
 mende to kwala na: Ombwa le uan,  
 to uone; ebanja, ombwa, janea la Loba  
 le oteten anyu. \*Nde ata akwalane 22  
 bokweli bao na: Minya mi mende po, miena  
 lo mende pulise o jene bunya bowó ba Muna-  
 moto, nde lo si mende jene. \*Nde ba mende 23  
 kwalane binyo na: Ombwa uan, ombwa uone.  
 Lo s'ala, lo si bupe to. \*Ebanja kana mote- 24  
 mote, yetena emotomeye te, ema-panya o su  
 la mony diwo natena dine, nika nde Muna-

## Lukasi 17. 18.

25 moto a mendeno be o bunya bao. \* Nde 'an-  
 gamen sele taka gita na bangabe na nin  
 26 nyonon. \* Nde kana etano o minya ma Noa,  
 nikamene nde e mendeno pe be o minya ma  
 27 Muna-moto. \* Ba ta ba da, ba nyo, ba ba, ba  
 bolabe o diba, natena bunya Noa 'ingedino o  
 elimbi, na mpupe ma dibumbe mupo, mu  
 28 bole babo bese. \* Nikamene pe, kana e tano e  
 bolane o minya ma Lot: Bata bada, ba nyo,  
 29 b'anda, b'andise, ba sa, ba longa; \* nde o  
 bunya Lot 'asumweno o Sodom, wea na solfa  
 30 ba yole o mony, ba bumbise bese. \* Nikamene  
 pe nde e mendeno be o bunya Muna-moto a  
 31 ma-biisabeno. \* O bo bunya, nu nu mende  
 be omony a munyua, belongisan bao pe o  
 ndabo, a si siba o wase o nongo mo; nika-  
 mene pe na nu nye o monda asitimba ombusa  
 32 o ma me ombus'ao. \* Ongele munj'a Lot!  
 33 \* To-nja nu ma-pulise o sunga longe lao, a  
 mende pimba mo, nde to-nja nu ma-pimbe mo,  
 34 a mende timbise mo muenya. \* Na-langwea  
 binyo na: O bo bulu baba bamende nanga o  
 nongo diwo; mowo a ma-nongobe, nune 'esa-  
 35 bele. \* Baba ba mende sia mbasi muemba  
 mowo; mowo a ma-nongobe nune 'esabele.  
 36 \* Baba ba mende be o monda mowo; mowo  
 37 a ma-nongobe, nune 'esabele. \* Na babo b'  
 alabe, ba kwalane mo na: A Sango, o ueni?  
 Na mo a kwalane babo na: Wuma mbimba  
 mueno, oten pe nde mbela i ma-kotomeno.

18 Nde a ta a kwalane babo munia onyola

## Lukasi 18.

din, ná b'aṅgamen kane ponda yese, ba si  
 wolo, \* a kwala na: Mukaisedi mowó a ta o 2  
 mundi mowó, nu si ta nu bwa Loba bonḡo,  
 asi dube pe to moto. \* Nde mukusa mowó 3  
 mu ta o mu mundi, mu ta mupo na mo, mu  
 kwala na: Suṅga mba na musinger'am! \* Nde 4  
 asi ta 'emea etum a ponda; ombusa nika na  
 mo a kwala na momene na: Tona na si ma-  
 bwano Loba bonḡo, na si dube pe to moto,  
 \* na ma-suṅga te mu mukusa, ebanja mu ma- 5  
 takise mba, mu si ya be mu po o sukan, mu  
 domo mba o boso. \* Na Saṅgo a kwala 6  
 na: Seṅga nje mukaisedi nu sitem na sim a  
 kwalino! \* Nde Loba atiti ná asuṅga 7  
 baposobe bao, bena bam'eyane mo  
 muese na bulu, nde ena 'indea onyol'  
 abu e? \* Nā-langwea binyo, a mende 8  
 suṅga babo o son a ponda. Nde yetena  
 Muna-moto apoi te, a mende pe sò jemea  
 o wase e?

Nde ata atopo mun munia na doṅgo, bena 9  
 balakise na babo momene, ná batem na sim,  
 nde ba yaṅa bane. \* Bato baba ba ta b'ala 10  
 omony o tempel o kane, mowó a ta mot'a  
 Farisai, nune pe mukotedi. \* Farisai a ta a 11  
 teme, a kane na momene ninka na: A Loba,  
 na som oa, ná na titi ka bane bato, bato ba  
 ndumban, basitemnasim, bamisonje, to ka  
 nun mukotedi. \* Mba nama-kandane da woki- 12  
 te ṅgedi iba, na ma-bola pe doṅgo diwo la  
 dom njaṅgi onyola mese na ma-kusano. \* Nde 13  
 mukotedi a ta a teme etum 'uone, a si wele to

## Lukasi 18.

sumwa miso mao o mony, nde 'umba nde  
bwaŋga bao, a kwala na: A Loba, bwea  
14 mba mot'a bobe ndedi! \* Nā-laŋgwea  
binyo, nun asibi wase ombo'ao tesebe-na-sim,  
oboso na nune. Ebanja moto na moto ny'  
ase momene, a mende sibilabe; nde nu nu  
sibise momene, a mende jasabe.

(15—17: Mat. 19, 13—15. Marko 10, 13—16.)

15 Nde bata pe bawanea mo bana ná atape  
babo. Nde bokweli b'engo nika, na babo ba  
16 domea babo. \* Nde Yesu ata abele babo, a  
kwala na: Esele bana basadi ba ye na mba,  
lo si baŋgane babo; ebanja nik'abu nde ye  
17 janea la Loba. \* Nambale, nā-laŋgwea binyo,  
to-nja nu sima-nonge janea la Loba, ka muna  
nusadi, a si mende po oten.

(18—30: Mat. 19, 16—29. Marko 10, 17—30.)

18 Nde muanedi mowó ata'uele mo, a kwala  
na: A muleed'a bwam, na bole nje nde na  
19 kusa longe la bwindea e? \* Na Yesu akwa-  
lane mo na: Nje oma-belengo mba bwam e?  
To-mowó a titi bwam, ke mowómene, Loba.  
20 \* O bi mbenda na: O si wite musonje, o si  
bwa, osiiba, ositeme mbon a lobaŋgo, dube  
21 songo na nyongo. \* Na mo a kwala na:  
22 Na nenge man mese natena muut'am. \* Yesu  
aseŋgingo nika, na mo a kwalane mo na:  
Lambo diwo di dia di ma-pula na oa. An-  
dise mese o benno, o abane mo batuedi, nde  
o mende bene diwuta o mony; nde oye,  
23 o bupe mba. \* Nde aseŋgingo nika, na mo  
a bwa ndutu bwambi, ebanja ata mbwan

## Lukasi 18.

bwambi. \* Nde Yesu 'enno mo a ma-bwa 24  
ndutu, na mo akwala na: Njika bwambi  
yeno na bambwan o jingea o janea la Loba  
e! \* Ebanja e bobi na kamel o jingea o di- 25  
pondi la ndondoki, buka mbwan o jingea o  
janea la Loba. \* Na ba bena ba ta ba seŋga 26  
nika, ba kwala na: Nja so ena 'ongisabe e?  
\* Na mo a kwala na: Ma mena ma si ma-wele 27  
bolane na bato, mena ma wele bolane na  
Loba. \* Na Petro a kwala na: Ombwa, 28  
biso di esele mese, di bupe oa. \* Na mo a 29  
kwalan babo na: Nambale, nā-laŋgwea binyo,  
to-mowó a titi nu di mboa to muto to bona-  
saŋgo to saŋgo na nyaŋgo to bana onyola  
janea la Loba, \* nu si ma-kuse pe mo ŋgedi 30  
gita o nin ponda, nde o nine wase ni mende  
po pe longe la bwindea.

(31—34: Mat. 20, 17—19. Marko 10, 32—34.)

Na mo a nongo dom na baba na momene, 31  
a kwalan babo na: Ombwa, di m'ala omony  
o Yerusalem, nde mambo mese ma tilabe na  
batoperi-ba-mudi onyola Muna-moto mamende  
londa. \* Ebanja a mende bakabe na basibi; 32  
ba mende yoye mo na loa mo na to mo ma-  
lodi, \* nde ba mende dipa mo lonyanyo, ba 33  
mende pe bwa mo, nde o bunya bo londe  
milalo a mende pumbwa. \* Nde ba si ta ba 34  
soŋtane to-lambo onyola man, y'eyala e ta e  
wutame na babo, ba si ta ba soŋtane ma mambo  
ma kwalabe.

(35—43: Mat. 20, 29—34. Marko 10, 46—52.)

Nde e ta na, niponda a sisedino bebe na 35

## Lukasi 18. 19.

Yeriko, mot'a ndima mowó a ta a ja o  
 36 ngea o jakwa. \*Nde a seŋgino dimuti di  
 ma-tomba, na mo a baise neni nika nyeno.  
 37 \*Na babo balangwea mo ná Yesu nya Na-  
 38 saret nde a ma-tombe. \*Na mo a te musea  
 na: A Yesu mun'a Dawid, bwea mba ndedi!  
 39 \*Nde ba ba ta b'ala oboso, ba domea mo ná  
 aje na pi; na mo a beŋga nde te omony na:  
 40 A mun'a Dawid, bwea mba ndedi! \*Na  
 Yesu a teme, 'anea ná ba wane mo na mo. Nde  
 41 a poino bebe, na mo 'uele mo,\* a kwala na: Nje  
 o ma-pulano ná na boleye oa? Na mo a kwala  
 42 na: A Saŋgo, ná na kuse jene! \*Na Yesu  
 a kwalane mo na: Kusa jene; jemea loŋgo di  
 43 oŋgise oa! \*Na mo a kusa jene dibokimene,  
 a bupe mo, a sesa Loba. Nde dimuti lese di  
 enno nika, na mo di sesa Loba.

19 Na mo 'ingea, a tombea la Yeriko. \*Nde  
 ombwa, moto mowó, dina lao na Sakeo a ta,  
 nu ta muaned'a bakotedi, nde a ta mbwan.  
 3 \*Nde a ta a pula jene Yesu nja eno, nde a si  
 ta a wele onyola dimuti, ebanja a ta a wuta  
 4 mute. \*Na mo 'ala oboso, 'ondea omony a  
 bwele ba jaŋgolo o jene mo, ebanja la 'ten  
 5 nde a tano a bene o tomba. \*Nde niponda  
 Yesu a poino o ua wuma mene, na mo ombwa  
 omony, 'ene mo, a kwalane mo na: A Sakeo,  
 wamse siba wase; ebanja n'aŋgamen ja o  
 6 ndabo aŋgo oenŋe. \*Na mo a wamse siba,  
 7 a kusa mo na munyenŋe. \*Niponda b'enno  
 nika, na babo bese ba topo minyunyungu, ba  
 8 kwala na: 'Ingedi o ja na mot'a bobe! \*Na

## Lukasi 19.

Sakeo a teme, a kwalane Saŋgo na: Ombwa,  
a Saŋgo, na ma-bola doŋgo diwo la maba la  
bema bam na batuedi, nde na ta te na non-  
gone moto lambo na manyakisan, ke na ma-  
timbise nde mo ŋged' inei. \* Na Yesu a kwa- 9  
lane mo na: Oeŋge joŋgise dipoyedi nin  
ndabo; ebanja mo pe e nde mun' a Abraham.  
\*Ebanja Muna-moto a poi o pulise na 10  
joŋgise di dipimbedi.

(11—27: Mat. 25, 14—30.)

Nde niponda ba seŋgino man, na mo a bata 11  
pe munia, onyolana a ta bebe na Yerusalem,  
nà ná ba ta b'ŋgele na, janea la Loba di  
mende po dibokimene. \* A ta so a kwala na: 12  
Mot' a edube mowó, a ta 'ala o ekombo etum,  
o kusea momene janea la kiŋe na o timba  
pe. \* Na mo a bele dom la bautu bao, a bola 13  
babo dom la fund, a kwalane babo na: Oŋ-  
gwane mo natē na timba. \* Nde bato ba janea 14  
lao ba tá ba siŋge mo, na babo ba lomea mo  
muendi ombusa, ba kwala na: Di si ma-pula  
ná nu moto a be kiŋe omōny asu. \* Nde e ta 15  
na, niponda a boleno kusa janea lao la kiŋe,  
a timbino, na mo 'anea o bele ba bautu bena a  
bolino moni, ná a bie nje moto na moto a kusino  
onyola nyuŋga. \* Na nyaboso apo, a kwala na: 16  
A Saŋgo, fund aŋgo e len dom la fund. \* Na 17  
mo a kwalane mo na: Nik' e doli, a muut' a  
bwam, onyolana o ta jemea o lambo di buki  
mese' bosadi, o bene janea omōny a dom la  
mind. \* Na nu londe baba pe apo, a kwala 18  
na: A Saŋgo, fund aŋgo e tombwan itanu.



## Lukasi 19.

19 \* Na mo a kwalane pe nu na: Oa pe be omony  
 20 a mindi mitanu. \* Na nupepe pe apo, a  
 kwala na: A Saŋgo, ombwa fund aŋgo nin,  
 21 nyena na wutino o waŋgisi; \* ebanja na ta  
 na bwa oa boŋgo; ebanja oe mot' a bwambi,  
 o ma-noŋgo di o si neŋgeno, o m'umbwa pe di  
 22 o si saino. \* Na mo a kwalane mo na: O mu-  
 dumbu moŋgo nde na ma-kaiseno oa, a oa  
 muut'a bobe. O ta o bia ná ne mot'a bwa-  
 mbi, na ma-noŋgo di na si neŋgeno, na m'um-  
 23 bwa pe di na si saino; \* nje so o si bolino  
 moni mam o ndabo a ebale e? Nde o bepo-  
 24 yedi bam, na wusa noŋgo mo na museñ. \* Na  
 mo a kwalane ba ba ta ba teme bebe na: Non-  
 gone mo ni fund, lo bole mo nu nu ben dom.  
 25 \* Na babo ba kwalane mo na: A Saŋgo, a  
 26 ben dom. \* Nā-laŋgwea binyo, nu nu ben,  
 e mende bolabe mo, nde o nu nu si ben, e  
 27 mende noŋgobe na mo, dimene a benno. \* Nde  
 wana ban basiŋgeri bam uon, bena ba si ta  
 ba pula ná na be kiŋe omony abu, lo bwe babo  
 28 oboso bam. \* Nde a kwalino man, na mo 'ala  
 oboso jondea o Yerusalem.

(29—38: Mat. 21, 1—9. Marko 11, 1—10. Yoh. 12, 12—16.)

29 Nde e ta na, niponda a sisedino bebe o  
 Betfage na Betania, o mudoŋgo mu belabe  
 na, mudoŋgo ma njabi, na mo aloma bokweli  
 30 bao baba, \* a kwala na: Binyo ala o yi son  
 a mudi ye oboso banyu; lo poi te oten, lo  
 mende bomane mun'a esel a tiŋgam, nyena  
 omony ao to-moto a si tano a má-ja; wunja  
 31 mo, lo wane mo. \* Nde yetena moto 'uele te

## Lukasi 19.

binyo na, onyolanje lo ma-wunjano mo e? lo  
 kwala na: Saŋgo nde a ma-pule mo. \* Nde 32  
 ba ba lomabe bata b'ala, ba bomane kana a  
 kwalanno babo. \* Nde niponda ba wunjino 33  
 mun' a esel, na babenedi bao bakwalane babo  
 na: Nje lo ma-wunjano mun' a esel? \* Na 34  
 babo ba kwala na: Saŋgo nde a ma-pule mo.  
 \* Na babo ba wana mo na Yesu, ba latele 35  
 mbot' abu omony a mun' a esel, ba jese Yesu  
 omony ao. \* Nde kana a tano 'ala ba latele 36  
 mbot' abu o ŋgea. \* Nde niponda a tano a 37  
 má-sisea o besibedi ba mudoŋgo ma njabi, na  
 dimuti la bokweli bao lese di kumwa sesa  
 Loba na munyenŋe na doi la monymony, o-  
 nyola bebolo ba ŋginya bese b'engo, \* ba- 38  
 kwala na: Bonam na nu nu ma-po ka  
 kiŋe, o dina la Saŋgo! Musaŋgo mu-be  
 o mony, edube pe o jasame. \* Nde doŋgo 39  
 la Farisai ba dimuti, bata ba kwalane mo  
 na: A muleedi, domea bokweli boŋgo. \* Na 40  
 mo 'alabe, a kwala na: Nā-laŋgwea binyo,  
 yetena ban bajai na pī, ke madale ma  
 mende te misea.

Nde a sisedino bebe, 'engo mudi, na mo 41  
 'eya mbembe onyol'ao, \* a kwala na: O, o 42  
 wusabe o bia te o bon bunya boŋgo, ma mena  
 me onyola musaŋgo moŋgo e! Nde tatan so  
 ma wutam na miso moŋgo. \* Ebanja minya 43  
 mi mende po omony aŋgo, miena basiŋgeri  
 boŋgo ba mendeno diŋgele oa na kot'a-bila,  
 na jendele oa, na walamene oa o miri mese.  
 \* Nde ba mende sisa oa o minyaŋgadu, na 44

## Lukasi 19. 20.

bana bon<sub>o</sub> oteten an<sub>o</sub>, nde ba si mende je-  
sele to dale diwo di dia omony a dine oteten  
an<sub>o</sub>, onyolana osibi pond'a pepele lon<sub>o</sub>.

(45—48: Mat. 21, 12—16. Marko 11, 15—18. Yoh. 2, 13—16.)

- 45 Na mo'ala o tempel, a kumwa pa<sub>nga</sub> ba  
bena ba ta b'andise na ba ba ta b'anda oten,  
46 \* a kwalane babo na: E tilabe na: „Ndabo  
am nye nde ndabo a muka“; nde binyo lo  
timbise mo mulomba ma bato ba ndumban.  
47 \* Nde a ta a lee bunya-te o tempel, nde prisi  
indene na babiedi-ba-kalat'a-Loba ba ta ba  
pulise o bwa mo, nikamene pe na bato ba  
48 boso ba ekombo; \* nde ba si ta ba so neni  
ba ma-boolean; ebanja dimuti lese di ta di  
leleme o se<sub>ngane</sub> mo.

(20, 1—8: Mat. 21, 23—27. Marko 11, 27—33.)

- 20 Nde e ta na o bunya bowo, niponda a tano  
a lee dimuti o tempel, a langwa pe na mia<sub>ngo</sub>-  
ma-bwam, prisi indene na babiedi-ba-kalat'  
a-Loba ba ta ba teme muemba na baturu,  
2 \* ba kwalane mo na: Langwea biso, onyola  
njika nginya o ma-bolano man? to nja nu boli  
3 oa nin nginya e? \* Na mo'alabe, a kwalane  
babo na: Mba pe na tondi juele binyo eyala;  
4 lo langweye mba: \* Dubise la Yohane di ta  
5 nde o mony, nga na bato e? \* Na babo ba  
dutea na babo momene, ba kwala na: Di kwali  
te na: o mony, ke a mende kwala na: Nje so  
6 lo si dubeno mo e? \* nde di kwali pe te na:  
na bato, ke dimuti lese di mende ja<sub>ngwa</sub> biso  
madale; ebanja dimuti lese di bake bwam-  
bwam, na Yohane a ta nde mutoper'a-mudi.

## Lukasi 20.

\* Na babo b'alabe na, ba si bi o wuma di 7  
wuno. \* Na Yesu a kwalane babo na: To 8  
mba na si ma-laŋgwea so binyo onyola njika  
ŋginya na ma-bolano man.

(9—19: Mat 21, 33—46. Marko 12, 1—12.)

Na mo akumwa kwalane dimuti mun munia 9  
na: Moto mowó a ta a de mōnda ma lonyeŋ-  
geny, a bake mo na bapoŋge-mōnda, na mo  
'ala ekombo epepe onyola etum a ponda.  
\* Nde o ponda ni doŋgamen, na mo a loma 10  
muutu na bapoŋge-mōnda, ná ba bole mo doŋgo  
la bepuma ba mōnda ma lonyeŋgeny. Nde  
bapoŋge-mōnda ba ta nde ba dipa mo, ba tim-  
bise mo tete. \* Na mo a beŋga loma muutu 11  
nupepe; nde ba ta pe ba dipa nu, ba sambwele  
mo, ba timbise mo tete. \* Na mo a beŋga pete 12  
loma nu londe balalo, na babo ba ke mo be-  
baŋgo, ba pimba mo uone. \* Na saŋgo a 13  
mōnda ma lonyeŋgeny a kwala na: Na ma-  
bwa ne? Na ma-loma mun'am na tondino,  
pondapo ba mende bola mo edube. \* Nde ba- 14  
poŋge-mōnda b'enzo mo, na babo ba dutea  
na babo momene, ba kwala na: Nun nde e  
musaŋgwedi, esele biso di bwe mo, ná saŋgo  
di be lasu. \* Na babo ba pimba mo ombusa 15  
mōnda ma lonyeŋgeny, ba bwa mo. Saŋgo a  
mōnda ma lonyeŋgeny a mende so bolea babo  
ne? \* A mende po, a bwa ba bapoŋge-mōnda, 16  
a bola pe mōnda ma lonyeŋgeny na bapepe.  
Nde ba seŋgino nika, na babo ba kwala na:  
Nik' e be etum! \* Na mo 'ombwa babo, a 17  
kwala na: Din di tilabe le so nde ne, na:

## Lukasi 20.

„Dale lena baloŋgedi ba baŋgino, dímene nde  
 18 di timbi dale la toŋgo?“ \* To-nja nu ma-ko  
 omony a din dale, a mende bwea; nde to-nja  
 nyena di ma-koyeno 'mony, di mende nyoso  
 19 mo. \* Nde babiedi-ba-kalat'a-Loba na prisi  
 indene ba ta ba pula wele mo maa o nyolo o  
 ni pondamene, nde ba ta ba bwa dimuti boŋgo;  
 ebanja ba ta ba bia ná a topi nde mun munia  
 onyol' abu.

(20—26: Mat. 22, 15—22. Marko 12, 13—17.)

20 Nde ba ta ba somo mo, ba loma basomedi,  
 bena ba ta ba dimbele manyolo, biana be nde  
 batem-na-sim, ná ba dameye mo o betopedi,  
 o bake mo na janea na o ŋginy' a gobina.  
 21 \* Na babo b'uele mo, ba kwala na: A muleedi,  
 di bī ná o ma-topo na lee pe ka ni tem, o si  
 m'ombwa moto o beombwedi, nde o ma-lee  
 22 nde ŋge' a Loba ka mbale. \* E aŋgamen  
 biso o bola kaisa njaŋgi, ŋga e s' aŋgamen e?  
 23 \* Nde niponda a soino mawondon mabu, na mo  
 a kwalane babo na: Nje loma-kekanō mba e?  
 24 \* Leele mba denario! Edingedinge na dina  
 la nja din e? Na babo ba kwala na:  
 25 Kaisa. \* Na mo a kwalane babo na: Bola  
 so kaisa mambo ma kaisa, Loba pe  
 26 mambo ma Loba. \* Nde ba si ta ba wele  
 damea mo o y' eyala oboso ba dimuti; nde  
 ba ta ba nyaka onyola jalabe lao, na babo ba  
 ja na pī.

(27—40: Mat. 22, 23—33. 46. Marko 12, 18—27. 34.)

27 Nde doŋgo la Sadukai ba ta ba po, bena  
 ba ma-kwale ná bepumbwedi ba kwedi be titi,

## Lukasi 20.

b'uele mo, \*ba kwala na: A muleedi, Mose 28  
 'anedi biso na: Yetena muna-saŋgo a moto a  
 wedi te, nu ta nu bene muto, nde a si die  
 muna, muna-saŋgo a noŋge muto, a yeye muna-  
 saŋgo mbota. \*Bona-saŋgo samba ba ta so, 29  
 na nyaboso a bā muto, a wo, a si die muna;  
 \*nu londe baba pe a noŋgo muto, a wo, a si 30  
 die muna. \*Na nu londe balalo pe a noŋgo 31  
 mo; nikamene na samba nyese, ba wedi, ba  
 si di bana. \*Nde o sukan a bese muto pe a 32  
 wedi. \*O bepumbwedi ba kwedi so, a mende 33  
 be munj' a nja nyabu e? ebanja samba nye-  
 se ba ta ba bene mo ka muto. \*Na Yesu a 34  
 kwalane babo na: Bana ba nin wase ba ma-  
 bā, ba ma-bolabe pe o diba; \*nde ba bena 35  
 ba doŋgamen o kusa nine wase na bepum-  
 bwedi ba kwedi, ba si mende bā to bolabe o  
 diba; \*ebanja ba titi pe to ná ba wo, ebanja 36  
 be nde ka angel na bana ba Loba, kana beno  
 bana ba bepumbwedi. \*Nde ná bawedi ba 37  
 ma-pumbwabele, Mose pe a ta a leelee nika o  
 mbutu ma ngengele, kana a beleno Saŋgo,  
 Loba la Abraham na Loba la Isak na Loba  
 la Yakob. \*Nde Loba a titi la bawedi nde 38  
 la bawenya, ebanja bese be nde loŋge o-  
 nyol' ao. \*Na doŋgo la babiedi-ba-kalat' a- 39  
 Loba b'alabe, ba kwala na: A muleedi, o  
 kwali bwam. \*Nde ba si ta pe ba keka juele 40  
 to-lambo.

(41—44: Mat. 22, 41—45. Marko 12, 35—37.)

Na mo a kwalane babo na: Neni ba ma- 41  
 kwalano na, Kristo e nde mun'a Dawid e?

## Lukasi 20. 21.

42 \* Dawid momene a kwali o kalat'a-mienge  
na: „Saŋgo a kwalan Saŋgo am na: ja o dia  
43 lam la mom, \* natē na timbise basingeri boŋgo  
44 ebambu a mataŋga moŋgo“. \* Dawid a bele  
so mo Saŋgo, neni eno so mun'ao e?

(45—47: Mat. 23, 1. 5—7. 14. Marko 12, 38—40.)

45 Nde kana dimuti lese di tano di seŋga, na  
46 mo a kwalane bokweli bao na: \* Lo aŋga-  
mene onyola babiedi-ba-kalat'a-Loba, bena ba  
tondi daŋgwane mbot'a miaba, ba tondo pe  
masoma o madon na bejedi ba boso o ma-  
ndabo ma ndongamen na bejedi ba boso o  
47 mada; \* bena ba ma-bole mandabo ma mikusa,  
ba kane pe mika ma miaba onyola mawondon;  
ba mende beŋga kusa bekwesedi bendene.

(21, 1—4: Marko 12, 41—44.)

21 Na mo 'ombwa o mony, 'ene bambwan ba  
2 ma-wele mabea mabu o elimb'a njaŋgi. \* Nde  
a ta 'ene mutued'a mukusa a ma-wele loson  
3 la mioni loba. \* Na mo a kwala na: Nambale,  
nā-laŋgwea binyo, nun mutued'a mukusa a  
4 wele gita buka bese. \* Ebanja ban bese ba  
wele nde mabea onyola mbwan mabu, nde  
nun nde a wele onyola tue lao mese a tano  
a bene.

(5—24: Mat. 24, 1—21. Marko 13, 1—19.)

5 Nde niponda doŋgo ba tano ba kwala  
onyola tempel, neni e botisabeno na madale  
ma bwam na mabea ma ndon, na mo a kwa-  
6 la na: \* Man mese lo m'enenō, minya mi  
mende po, miena to dale diwo di si mendeno  
dia omony a dine, lena di si mende bulabele.

## Lukasi 21.

\* Nde ba ta b'uele mo, ba kwala na: A mu- 7  
 leedi, njika ponda so man mambo ma mendeno  
 be e? na nje e mende be eyemban, ponda  
 man ma mendeno bolane e? \* Na mo akwala 8  
 na: Lobia pon, ná lo si dimbabele ngea. Eba-  
 nja gita ba mende po o dina lam, ba kwala  
 na: Ye nde mba, na na: ponda e má-po; lo  
 si bupe babo. \* Nde yetena lo ma-senga te 9  
 onyola bila na mpungu, losi bwa bonggo; eba-  
 nja ma nde m'angamen sele bolane, nde su di  
 si ma-po dibokimene. \* Ombusa nika na 10  
 mo akwalane babo na: Tumba di mende teme  
 tengene tumba, janea pe tengene janea. \* Soa 11  
 la minyangadu dindene di mende be na njai  
 na mukele o wuma na wuma, na mambo ma  
 bonggo pe na beyemban bendene o mony ba  
 mende be. \* Nde oboso ba man mese ba 12  
 mende wele binyo maa o nyolo na takise  
 binyo, ba mende bake binyo o mandabo ma  
 ndongamen na o beboa, na walane binyo  
 oboso ba kihe na gobina onyola dina lam.  
 \* Nde nika e mende timba binyo mbon. \* Bi- 13 14  
 nyo noŋgo so o milema manyu, ná lo si sele  
 dutea nje lo mendeno ka; \* ebanja mba na 15  
 mende bola binyo mudumbu na dibie, bena  
 basingeri banyu bese ba titi ná ba wele te-  
 mene mo, na tengene mo beyala. \* Nde lo 16  
 mende pe na bakabe na basaŋgo na banyaŋgo  
 na bona-saŋgo na beyabe na makom, nde ba  
 mende bwa doŋgo lanyu, \* nde lo mende siŋ- 17  
 gabe na bese onyola dina lam. \* Nde to nyo 18  
 a mulopo manyu po, e si mende pimbea.



## Lukasi 21.

19 \* Onyola welisane lanyu lo mende  
 20 kusa midī manyu. \* Nde ponda lo  
 mendeno jene Yerusalem e diŋgabele na mi-  
 lon ma bila, bia so ná nyamse lao di má-po  
 21 bebe. \* Deŋge ba be o Yudea banye so o  
 midongo, nde ba be oten ba si busa, na be o  
 22 eyidi ba s'ingea oten; \* ebanja mi minya mie  
 nde minya ma timbisele, ná mese ma tilabe  
 23 ma londe. \* Eboma na bameme na banyon-  
 gise-bana o mi minya, ebanja ndutu nindene  
 e mende po omony a wase na malinga omony  
 24 a di tumba. \* Nde ba mende ko onyola bo-  
 woli ba po, nde ba mende nongobe mikoma  
 oteten a matumba mese, nde Yerusalem e  
 mende dakabele na basibi, natē pond'a ba-  
 sibi e londa.

(25—28: Mat. 24, 29. 30. Marko 13, 24—26.)

25 Nde beyemban be mende be o wei na o  
 modi na o ngengeti, na o wase pe bongo ba  
 matumba o juba onyola mumban ma munja  
 26 na ma bemune; \* bato ba mende wo onyola  
 bongo na tata la mambo ma mende po o mu-  
 ndi-ma-wase; ebanja nginy'a mony e mende  
 27 sousabe. \* Deŋge ba mende jene Muna-moto  
 a ma-wa o diwindiwindi na nginya na edube  
 28 endene. \* Nde yetena man ma botedi te o  
 bolane, tese binyomene, lo sumwe pe milopo  
 manyu omony, ebanja ke joŋgise lanyu di  
 ni-ya.

(29—33: Mat. 24, 32—35. Marko 13, 28—31.)

29 Na mo a kwalane babo munia na: Ombwa  
 30 bwele ba bongongi na miele mese! \* Yetena

## Lukasi 21. 22.

mi yai te beyadi, lo ma-bia na binyomene ke  
 l'en mo, ná loe di á bebe. \*Nikamene pe na 31  
 binyo, yetena l'en te man ma bolan, bia ná  
 janea la Loba je bebe. \*Nambale, nā-laŋgwea 32  
 binyo, nin nyoñon e si mende tomba natē man  
 mese ma bolane. \*Mony na wase ba me- 33  
 nde tomba; nde beyala bam besime-  
 nde tomba. \*Aŋgameye binyomene ná 34  
 milema manyu mi si dilisabe onyola nyo na  
 soki na mutaka ma mpuli ma da, nde bo bu-  
 nya bo poye binyo dibokimene; \*ebanja bo 35  
 mende po ka lambi omony a bese, ba jai o  
 mundi-ma-wase muese. \*Nde be epenye po- 36  
 nda yese na muka, ná lo wele nya mila na  
 man mese ma mende po, na o teme oboso ba  
 Muna-moto.

Nde a ta o tempel o muese, a lee; o bulu 37  
 pe a busa, a naŋga o mudoŋgo mu belabe na,  
 mudoŋgo ma njabi. \*Nde dimuti lese di ta 38  
 di po na mo o idiba, o seŋgane mo o tempel.

(22, 1, 2: Mat. 26, 1—5. Marko 14, 1. 2.)

Nde bunya-ba-bosaŋgi ba bewolo be si 22  
 puŋgwan esasaŋge, boena bo belabe na Pasah,  
 bo ta bo sisea bebe; \*nde prisi indene na 2  
 babiedi-ba-kalat'a-Loba ba ta ba pulise neni  
 ba ma-bwano mo; ebanja ba ta ba bwa di-  
 muti boŋgo.

(3—6: Mat. 26, 14—16. Marko 14, 10. 11.)

Nde Satan a ta 'iŋgea oteten a Yuda nu 3  
 belabe na: Iskariot, mowó nya dom na baba,  
 \*na mo 'ala, a kwalisane prisi indene na bā- 4

## Lukasi 22.

5 nedi ba bila, neni a ma-bakeno mo babo. \* Na babo ba bwa munyenge, ba bole o bola mo  
6 moni. \* Na mo 'emea, a kumwa pulise pond'a bwam o bake mo babo, e si be dimuti.

(7—23: Mat. 26, 17—29. Marko 14, 12—25.)

7 Nde bunya ba bewolo be si pungwan esa-  
saŋge bota bopo, boena ba tano b'aŋgamene  
8 bwa mun'a mudongi nya Pasah. \* Na mo  
a loma Petro na Yohane, a kwala na: Ala  
9 boŋsane biso Pasah, ná di de mo. \* Na babo  
ba kwalane mo na: O ueni o ma-pulano ná  
10 di boŋsane e? \* Na mo a kwalane babo na:  
Ombwa, lo ingedi te o mu mudi, moto a  
mende doŋgamene binyo nu bambe ew'a ma-  
diba; bupe mo o ndabo nyena a m'ingeano,  
11 \* lo kwalane saŋgo a mboa nya ni ndabo na:  
Muleedi m'ona, di kwalane oa na: O ueni  
ndabo a ben nyeno, nyena na ma-dano Pasah  
12 na bokweli bam? \* Nde a mende leele binyo  
tuŋ a mony nindene, ni nengebe mboŋga;  
13 lo boŋsane oten. \* Na babo b'ala, ba so kana  
a kwalanno babo, na babo ba boŋsane Pasah.  
14 \* Nde ponda epoino, na mo aja o tebedi na  
15 bamuloloma pe na mo. \* Na mo a kwalane  
babo na: Nata nyongi bwambi o da nin  
16 Pasah na binyo, obiana na ma-taka; \* ebanja  
nā-laŋgwea binyo, na si mende pe da mo tom,  
17 natē elonda o janea la Loba. \* Na mo a  
noŋgo dibonde, a bola masoma, a kwala na:  
18 Noŋgo din, lo abane mo na binyomene; \* eba-  
nja nā-laŋgwea binyo, na si mende pe nyo  
ben benyon ba lonyenjeny tom, natē janea

## Lukasi 22.

la Loba di po. \* Na mo a noŋgo ewolo, 19  
 a bola masoma, a bua mo, a bola mo  
 babo, a kwala na: Yen ye nde nyol'  
 am ni ma-bolabe onyol'anyu; bola  
 nika onyola joŋgelelam. \* Nikamene 20  
 pe na dibonde ombusa da l'ebiamu, a  
 kwala na: Din dibonde le nde male  
 ma penya o maya mam, mena mama-  
 komabe onyol'anyu. \* Nde ombwa, 21  
 dia la nu nu m'andise mba le na mba o te-  
 bedi. \* Ebanja Muna-moto a m'ala nde kana 22  
 e tesebeno, nde eboma na nu moto nyena na  
 mo nde am'andisabenno. \* Na babo ba kumwa 23  
 juanele na babo momene, njika mowó nyabu,  
 nu mende bole di lambo.

(25. 26: Mat. 20, 25—27. Marko 10, 42—44.)

Nde mutango pe muta mu busa oteten 24  
 abu, nja nyabu nu ma-laŋgabe nundene buka  
 bese. \* Na mo a kwalane babo na: Kiŋ'a 25  
 matumba i m'anea omony abu, baŋginya babu  
 pe babelabe na, basango b'edube. \* Nde seto 26  
 nika oteten anyu, nu nu buki bese oteten  
 anyu, a be nde ka nyamuutu, nyaboso pe ka  
 muboledi. \* Ebanja nja nu kolo buka nune, 27  
 nu nu ma-je o tebedi, nga nu nu ma-boleye e?  
 Seto nu nu ma-je o tebedi e? Nde mba ne  
 oteten anyu ka muboledi. \* Nde binyo nde 28  
 le ba bena ba tingham na mba o makekisan  
 mam. \* Nde na ma-bake binyo janea, kana 29  
 Tete a bakeno mo mba, \* ná lo de, lo nyo pe 30  
 o tebed'am o janea lam, na ja o konda o kaise  
 dom la matumba na maba ma Israel.

## Lukasi 22.

(31—34 : Mat. 26, 31—35. Marko 14, 27—31. Yoh. 13, 36—38.)

31 Na Saṅgo a kwala na: A Simon, Simon,  
ombwa Satan a sosomedi o seṅgwe binyo ka  
32 mbasi; \*nde mba na ta na kane onyol'aṅgo,  
ná jemea loṅgo di si bo; nde oa, ponda o  
33 mendeno jatele, o embe bona-soṅgo. \*Na  
mo a kwalane mo na: A Saṅgo, na boṅsan o  
34 wala o beboa na oa na o kwedi pe. \*Na  
mo a kwala na: A Petro, nā-laṅgwea oa,  
mom ma wuba musimende loṅgo oēnge, obia-  
na o ma-toḃo ṅged'ilalo, ná osi bī mba.

35 Na mo a kwalane babo na: Ponda natano  
na loma binyo e si be mukuta ma moni to  
ma londo, to betambi, lo ta lo taka lambo e?  
36 Na babo ba kwala na: To-lambo. \*Na mo  
a kwalane babo na: Nde tatan so nu nu ben  
mukuta ma moni, a noṅge mo, nikamene pe  
na mukuta ma londo, nde nu nu si ben, 'andise  
37 loki lao, 'ande pò. \*Ebanja nā-laṅgwea binyo,  
di di tilabe di aṅgamen londa na mba na:  
„A laṅgabe na baboledi ba bobe“; ebanja ma  
38 ma tilabe onyol'am mama-po o su. \*Na  
babo ba kwala na: A Saṅgo, po iba ye uan.  
Na mo a kwalane babo na: I doṅgamen.

(39—46 : Mat. 26, 30. 36—46. Marko 14, 26. 32—42.)

39 Nde a ta a busa, 'ala o mudoṅgo ma njabi,  
kaponda kolongone lao, bokweli bao pe ba  
40 ta ba bupe mo. \*Nde a poṅo ua wuma, na  
mo a kwalane babo na: Kane ná lo si ya  
41 be lo ko o makekisan. \*Na mo a panda  
na babo etum ka muko ma jaṅgwa la dale,  
42 a numa maboṅgo wase, a kane, \*a kwala na:

## Lukasi 22.

Ate, o tondi te, sumwa din dibonde na mba;  
 nde seto jemea lam, nde longo nde di bolane.  
 \* Na angel ni wu o mony e busea mo, ny' 43  
 embe mo. \* Nde niponda a tano o ewenj'a 44  
 kwedi, na mo a beŋga kane bwambi. Na  
 enyang'ao e timba ka maton ma maya, e ko  
 wase. \* Na mo ateme o muka, 'ala na bo- 45  
 kweli, a bomane babo ba kwedi iyo onyola  
 ndutu. \* Na mo a kwalane babo na: Nje lo 46  
 ma-kono iyo e? Teme, lo kane, lo si ya be  
 lo ko o makekisan.

(47—53: Mat. 26, 47—56. Marko 14, 43—49. Yoh. 18, 2—11.)

Ke a dia a ma-kwala, ombwa dimuti, na 47  
 nu nu belabe Yuda, mowó nya dom na baba,  
 a teme babo oboso, a sisea Yesu bebe o sopa  
 mo. \* Na Yesu a kwalane mo na: A Yuda, 48  
 o m'andise nde Muna-moto na sopa e? \* Nde 49  
 niponda ba ba ta na mo, b'enzo nje e mende  
 bolane, na babo ba kwala na: A Saŋgo, di ke  
 na po e? \* Na mowó nyabu a dipa muut' a prisi 50  
 nindene, a ke mo toi lao la mom. \* Na Yesu 51  
 'alabe, a kwala na: Esele, e ja na! Na mo a  
 tapa toi, a bole mo. \* Nde Yesu a ta a 52  
 kwalane prisi indene na bānedi ba tempel na  
 baturu, bena ba ta ba po onyol' ao, na: Lo busi  
 nde kana onyola mot' eban na po na be-  
 boŋgo; \* niponda na tano na binyo o tempel 53  
 bunya-te, lo si ta lo sambise maa o nyol' am.  
 Nde nin nye nde pond' anyu na nginy'a muititi.

(54—62: Mat. 26, 57. 58. 69—75. Marko 14, 53. 54 66—72, Yoh. 18,  
 12—18. 26—27.

Nde baputedino mo, na babo b'alané mo, 54

## Lukasi 22.

b'injane mo o ndabo a prisi nindene. Nde  
 Petro a ta a dia son etum ombusa, a bupe.  
 55 \* Nde ba botino wea oteten a eboko a teten,  
 ba jaino oten, na Petro a ja wase oteten abu.  
 56 \* Nde ngonderi po ny'engo mo a jai wase o  
 muenen, na mo ny'ombwa mo na si, e kwala  
 57 na: Nun pe a ta na mo. \* Na mo a tobo mo,  
 58 a kwala na: A muto, na si bi mo. \* Nde om-  
 busa son a ponda, nupepe pe 'ene mo, a kwala  
 na: Oa pe oe nde mowó nyabu. Na Petro  
 59 'alabe, a kwala na: A moto, seto mba. \* Nde  
 e tombino nga ngen po, na nupepe mowó  
 'embe nika, a kwala na: Nambale, nun pe a  
 ta na mo, ebanja mo pe e nde mot' a Galilea.  
 60 \* Na Petro a kwala na: A moto, na si bi nje  
 o ma-kwalano. Na dibokimene, ke a dia a  
 61 ma-kwala, na mom ma wuba mulongo. \* Na  
 Saŋgo a yombo, 'ombwa Petro, na Petro 'ongele  
 eyal' a Saŋgo, kana a kwalanno mo na: Obia-  
 na mom ma wuba muma-longo oenge, omende  
 62 tobo mba nged' ilalo. \* Na mo a busa 'eya  
 bwambi.

(63—65: Mat. 26, 67. 68. Marko 14, 65.)

63 Nde bato bena ba ta b'alea Yesu, ba ta ba  
 64 yoye mo, ba dipa mo, \* ba diba mo miso, ba  
 dipa mo o boso, b'uele mo, ba kwala na:  
 65 Langwea biso edinge, nja a dipi oa e? \* Ba  
 ta pe batopo gita la dibena dipepe lingise mo.

(66—71: Mat. 26, 59—66. Marko 14, 55—64.)

66 Nde bunya bo eseleno na muemba ma ba-  
 turu b'ekombo na prisi indene na babiedi-ba-  
 kalat' a-Loba ba kotone, na babo, b'alane mo

## Lukasi 22. 23.

o muemba mabu ma bakaisedi bandene, \* ba 67  
 kwala na: Yetena oe nde Kristo, langwea  
 biso. Na mo a kwalane babo na: To na lan-  
 gwea binyo, losima-dube; \* n' uele pete lo si 68  
 m'alabe, lo si m'esele to mba. \* Nde botea 69  
 tatan Muna-moto amende ja o dia la mom  
 la nginy'a Loba. \* Na babo bese bakwala 70  
 na: Oe so nde Mun'a Loba e? Na mo  
 akwalane babo na: Kana lokwalino,  
 ebanja ne nde mo. \* Na babo bakwala 71  
 na: O nje di ma-pulano pe mbon e? Ebanja  
 bisomene di sengi mo o mudumbu mao.

(23, 1—25: Mat. 27, 2. 11—31. Marko 15, 1—20. Yoh. 18, 28—19, 16.)

Na dimuti lese di teme, b' alane mo na Pi- 23  
 lato. \* Na babo bakumwa bake mo njom o 2  
 nyolo, bakwala na: Disoi nun ka mowó nu  
 ma-pungwe ekombo asu, ama-bangane o bola  
 kaisa njangi, akwala pe na, mo nde e Kristo,  
 kine. \* Na Pilato 'uele mo, akwala na: Oe 3  
 nde kin'a Bona-Yuda e? Na mo 'alabe, a  
 kwalane mo na: Kana okwalino. \* Na Pilato 4  
 akwalane prisi indene na mamuti na: Na  
 sisoi njom na nun moto. \* Na babo babeŋga 5  
 nde kwala na nginya na: A ma-pungwa ekombo  
 na beleedi bao o Yudea nyese, botea o Ga-  
 lilea natena uan. \* Nde Pilato aseŋgino 6  
 onyola Galilea, na mo abaise na, nga nu moto  
 e nde mot'a Galilea; \* nde aseŋgino, ná e 7  
 nde owasa janea la Herode, na mo aloma  
 mo na Herode, nyena nu ta pe o Yerusalem  
 o mi minya. \* Nde Herode 'enno Yesu, na 8  
 mo abwa munyenŋe bwambi, ebanja a ta a



## Lukasi 23.

pula jene mo etum a ponda, ebanja a ta a seŋga  
gita onyol'ao, a ta pe a pite o jene eyemban  
9 e bolabe na mo. \* Nde a ta 'uele mo gita la  
10 mambo, nde a si ta 'alabe mo to-lambo. \* Nde  
prisi indene na babiedi-ba-kalat'a-Loba ba ta  
ba teme oten, ba ta ba bake mo gita la njom  
11 o nyolo bwambi. \* Nde Herode pe na bona  
bao bata ba yaŋa mo, ba yoye pe mo, a botise  
mo mbot'a bosaŋgi, a timbise mo na Pilato.  
12 \* O bo bunya nde Herode na Pilato ba timbino  
dikom mowó na nune, ebanja ŋged'a boso ba  
ta bosaŋga mowó na nune.  
13 Nde Pilato a ta a kotele prisi indene na  
14 bānedi na dimuti, \* a kwalane babo na: Lo  
wanedi mba nun moto, ka mowó nu ma-puŋ-  
gwe ekombo, nde ombwa, na ta na wasa mo  
oboso banyu, nde nasisoj njom a ma mambo  
na nun moto, mena loma-bakeno mo o nyolo;  
15 \* to Herode pe, ebanja na ta na loma binyo  
na mo, nde ombwa, to-lambo lena di doŋgamen  
16 kwedi disi bolabe na mo. \* Onyola nika na  
17 ma-pula kokise mo na m'esele mo. \* Nde a  
ta 'aŋgamene josea babo mowó kaponda (koloŋ-  
18 gone la) bunya-ba-bosaŋgi. \* Na dimuti lese  
di te misea, di kwala na: Sumwa mo uone,  
19 'osea nde biso Baraba! \* Nde mo ata nde o  
beboa onyola mpuŋgu mu ta mu bolane o mundi  
20 na onyola bwa la moto. \* Na Pilato a kwa-  
21 lisane pete babo o pula jesele Yesu. \* Na  
babo bate misea, ba kwala na: Bomele mo o  
22 mbasa, bomele mo o mbasa! \* Na mo a kwalane  
babo ŋgedi ni londe ilalo, na: Njika bobe nun

## Lukasi 23.

a bolino e? Na si soi njom a kwedi na mo;  
 na ma-pula so kokise mo, na m'esele mo. \* Nde 23  
 bata nde ba walamene mo na madoi m'asam,  
 ba pula ná a bomabele o mbasa, nde madoi  
 mabu na ma prisi indene ma ta ma tombwane.  
 \* Na Pilato a bola mbako ná bepuledi babu 24  
 be bolane. \* Na mo 'osea babo nu nu welebe 25  
 o beboa onyola mpuŋgu na bwa la moto,  
 nyena ba pulino, nde a bake Yesu o jemea labu.

(26: Mat. 27, 32. Marko 15, 21.)

Nde kana batano b'alané mo, na babo ba 26  
 damea moto mowó, Simon nya Kyrēne, nu ta  
 nu wa o eyidi, ba bambele mo mbasa, o bambe  
 mo ombusa Yesu. \* Nde dimuti dindene 27  
 la bato di ta di bupe mo, na la bito bena ba  
 ta ba bola ndedi, b'eya pe onyol'ao. \* Na 28  
 Yesu ayombo na babo, akwala na: A ngonder'  
 a Yerusalem, lo s'eya onyol'am; nde eya nde  
 binyomene na bana banyu. \* Ebanja minya 29  
 mi mende po miena ba mendenó kwala na:  
 Bonam na bewombe, na mabum mena ma si  
 yai, na mabe mena ma si nyongise. \* Denge 30  
 ba mende kumwa kwalane midoŋgo na: Ko  
 omony asu! midoŋgo misadi pe na: Kumane  
 biso! \* Ebanja yetena ba ma-bola te ninka 31  
 na eboŋgo a penya, nje e mende be na eanji e?  
 \* Nde ba ta pe b'alané baboledi ba bobé ba- 32  
 pepe baba muemba na mo ná ba bwabe.

(33—49: Mat. 27, 33—56. Marko 15, 22—41. Yoh. 19, 17—30.)

Nde niponda ba poino o wuma i belabe na: 33  
 Wum'a bekekeleke ba mulopo, oten nde ba  
 bomeleno mo o mbasa, na ba baboledi ba

## Lukasi 23.

bobe pe, mowó o dia lao la mom, nune pe  
 34 o dimose. \* Na Yesu akwala na: Ate, la-  
 kise babo, ebanja basibi nje bama-  
 bolano. Nde bata b'aba mbot'ao, banyose  
 35 male onyol'ao. \* Nde dimuti di ta di teme  
 o jombwa. Nde bānedi pe bata bayoye mo,  
 muemba na babo, bakwala na: A ta a suŋga  
 bapepe, a suŋge so momene, yetena mo nde  
 36 e Kristo, Nuposobe nya Loba. \* Nde bato ba  
 bila pe ba ta bayoye mo, ba po, ba bola mo  
 37 benyon be ma-banye, \* bakwala na: Oe te kiñ'  
 38 a Bona-Yuda suŋga oamene. \* Nde betiledi  
 be ta be tilabe omony ao, o litera ya Grikia  
 na ya Roma na ya Bona-Heber, na: Nun nde  
 39 e kiñ'a Bona-Yuda. \* Nde mowó nya ba ba-  
 boledi ba bobe bena ba ta ba panabe, a yoye  
 mo na: Oe te Kristo, suŋga oamene na biso  
 40 pe. \* Na nune 'alabe, a domea mo, a kwala  
 na: To oa pe o si ma-bwa Loba bonŋo, kana  
 41 oeno o mulemlem ma muka e? \* Nde mu  
 tem na sim onyol'asu, ebanja biso di ma-kusa  
 nde nje etenŋen bebolo basu; nde nun a si  
 42 boli to-lambo la diwuse. \* Na mo akwalane  
 Yesu na: A Saŋgo, ongele mba, ke o poi o  
 43 janea lonŋo. \* Na mo akwalane mo na:  
 Nambale, nā-laŋgwea oa, o mende be  
 44 na mba o Paradisi oenŋe. \* Nde  
 eta nde y'á ŋga ŋen mutoba, na muititi mu  
 ko omony a ekombo yese natena ŋen dibua,  
 45 \* wei ita ibolone muenen mao; nde ekeŋan  
 46 a tempel eta e domea oteten. \* Na Yesu a  
 te musea o monymony, a kwala na: Ate, o

## Lukasi 23. 24.

maa mongo nde na bakene mudi mam.  
 Akwalino nika, na mo apatea. \* Nde muaned' 47  
 a bila 'enno nje ebolan, na mo asesa Loba,  
 akwala na: Nambale, nun moto ata nde nu-  
 tem-na-sim. \* Nde dimuti lese lena di ta di 48  
 po o jombwa, b'enno mambo ma bolan, na  
 babo b'umba mianga, ba yombo. \* Nde beko- 49  
 longon bao bese be ta be teme etum, na bito  
 pe bena ba ta ba bupe mo o wa la Galilea,  
 ba ta b'ene mambo mese.

(50—56: Mat. 27, 57—61. Marko 15, 42—47. Yoh. 19, 38—42.)

Nde ombwa, moto mowo dina lao na Yo- 50  
 sef, nu ta mowo nya bakaisedi bandene, mot'  
 a bwam na nu tem na sim, \* — mo asita a 51  
 bola jemea o muano mabu n'ebol'abu — o  
 Arimatia, mundi ma Yudea, nu ta nu tata  
 janea la Loba, \* mo ata 'ala na Pilato, aso- 52  
 somea onyola mbimba ma Yesu, \* asibise mo 53  
 wase, a wulele mo o mbom, a nengele mo o  
 songo ni poabe, nyena to-moto asitano a ma-  
 nanga. \* Nde eta nde bunya ba mbonsan, 54  
 ke bunya-ba-wumse pe bo ni-botea. \* Nde 55  
 bito, bena ba ta ba wa na mo o Galilea, ba  
 ta ba bupe, b'ombwa songo, na neni mbimba  
 mao mutano munengebele. \* Nde ba timbino 56  
 ombusa, na babo ba bonsane benumba na moki,  
 nde o bunya-ba-wumse ba ta ba wumse kaponda  
 mbenda.

(24, 1—12: Mat. 28, 1—8. Marko 16, 1—8. Yoh. 20, 1—13.)

Nde o bunya ba boso ba woki o mbat'a 24  
 idiba ba ta ba po o songo, ba wana benumba,

## Lukasi 24.

bena ba tano ba boñsane, doñgo (la bapepe)  
 2 pe bata na babo. \* Nde bata ba bomane  
 3 dale di sumwabe o songo. \* Nde b'ingedino  
 4 ba si soi mbimba ma Saño Yesu. \* Nde e  
 ta na, niponda ba tano b'uba onyola nika,  
 ombwa, na bato baba ba teme na babo na  
 5 mboti ima-panye. \* Nde kana batano babwa  
 boñgo, ba nuñge mioso o wase, na babo ba  
 kwalane babo na: Nje loma-puliseno nu nye  
 6 muenya o bawedi e? \* A titi uan, a pumbo.  
 Oñgele neni atano a kwalane binyo, niponda  
 7 a tano o Galilea, \* m'ona: Muna-moto 'aŋga-  
 men bakabe o maa ma bato ba bobo na bo-  
 mabele o mbasa na pumbwa pe o bunya bo  
 8 londe milalo. \* Na babo b'oñgele beyala bao,  
 9 \* b'asumwe o songo, ba lañgwea dom na mo-  
 10 wó na bane bese mambo mese. \* Nde bata  
 nde Maria Magdalena na Yohana na Maria,  
 nyaño a Yakobo, na bapepe bena bata na  
 babo, babo nde bata balañgwea bamuloloma  
 11 man mambo. \* Nde ben beyala beta nde  
 b'enene na babo ka minia, ba si ta ba dube  
 12 babo. \* Nde Petro a ta a teme, anya mila o  
 songo, a nuñgame la 'ten, 'ene nde mabato  
 ma mbom momene; na mo 'ala omboa, a  
 nyaka onyola di di bolan.

(13—35. Marko 16, 12. 13.)

13 Nde ombwa, baba babu bata b'ala o bo  
 bunyamene o son a mundi, dina lao na: Emaus,  
 muena muta etum na Yerusalem mumutoba  
 14 ma stadia. \* Nde bata bakwalisane na babo  
 momene onyola man mambo mese mena ma

## Lukasi 24.

ta ma bolane. \* Nde eta na, niponda ba tano 15  
 ba kwalisane na juanele na babo momene, na  
 Yesu momene apo bebe na babo, a kumwa  
 dangwa muemba na babo, \* nde miso mabu 16  
 ma ta m'embabe, ná ba s'emba mo. \* Na mo 17  
 a kwalané babo na: Njika ekwali yen lo ma-  
 kwalisaneno mowó na nune o ngea, nde lo  
 be pe na ndutu e? \* Na mowó, dina lao na: 18  
 Kleopa, 'alabe, a kwalané mo na: Oa momene  
 mowó nde oe muen nye o Yerusalem nyena  
 nu si bī mambo ma bolan oten o min minya  
 e? \* Na mo a kwalané babo na: Njika mambo? 19  
 Na babo ba kwalané mo na: Mambo onyola  
 Yesu nya Nasaret, nu ta mutoper'a-mudī,  
 nginya o bebolo na beyala oboso ba Loba na  
 bato bese; \* neni prisi indene na bānedi basu 20  
 ba bakeno mo o kwedi, ba bomele mo o mbasa.  
 \* Nde biso di ta di pite, ná mo nde e nu nu 21  
 mende sunge Israel; nde omony a man mambo  
 mese ye nde oenge bunya bo londe milalo,  
 ná man mambo ma bolanno. \* Nde doŋgo la 22  
 bito basu pe ba manymeye biso, bena ba ta  
 o soŋgo o mbat'a idiba, \* ba s'en mbimba mao, 23  
 ba poi, ba kwala na: b'en jene la angel, yena  
 i kwali ná e longe. \* Nde doŋgo lasu pe ba 24  
 ta b'ala o soŋgo, ba soi nikamene, kana bito  
 ba kwalino, nde ba s'en mo. \* Na mo akwa- 25  
 lane babo na: A binyo b'elemā na milema ma  
 bwala o dube mese batoperi-ba-mudī bakwa-  
 lino. \* Kristo a sita 'angamene taka 26  
 nika, nde 'inge a pe o edub'ao e? \* Na 27  
 mo a botea na Mose na batoperi-ba-mudī bese,

## Lukasi 24.

a teleye babo betiledi bese, bena be kwali  
 28 onyol'ao. \* Na babo bapo bebe na mu mundi  
 musadi, muena ba tano b'ala; na mo a bola  
 29 biana a ma-pula tomba. \* Na babo b'embe  
 mo, bakwala na: Ja na biso; ebanja ebiamu  
 e ni-ya, bunya pe bo ni-tongome. Na mo  
 30 'ingea o ja na babo. \* Nde eta na, niponda  
 ajaino na babo o tebedi, na mo anongo ewolo,  
 31 anamse, a bua mo, a bola mo babo. \* Na miso  
 mabu ma telame, na babo b'emba mo, na mo  
 32 a nyongo babo o miso. \* Na babo ba kwala  
 na babomene na: Milema masu mi si ta mi to  
 oteten asu, kana a tano a kwalisane biso o  
 33 ngea, a teleyeno pe biso betiledi e? \* Na  
 babo ba teme o ni ponda mene ba timba o  
 Yerusalem, ba bomane dom na mowó bakotom  
 34 na ba ba ta na babo, \* bena ba ta ba kwala  
 na: Saŋgo a pumbo nambale, 'enen na Simon.  
 35 \* Na babo balangwa mambo mabolan o ngea,  
 na neni b'embino mo onyola bua l'ewolo.

(36—49: Marko 16, 14—18. Yoh. 20, 19—23. 1 Ba-Kor. 15, 5.)

36 Nde niponda ba tano ba kwalisane onyola  
 mam mambo, na momene Yesu ateme oteten  
 abu, a kwalan babo na: Musango mu be na  
 37 binyo! \* Nde ba ta ba manymeye, na kana  
 ba tano ba bwa bongo, b'ongele na: b'en nde  
 38 mudī. \* Na mo a kwalan babo na: Nje lo  
 ma-bwano bongo e? onyolanje mongele ma  
 39 ma-pono o milema manyu e? \* Ombwa maa  
 mam na miende mam, ye nde mbamene; tapa  
 mba l'ene; ebanja mudī mu si ben eyobo na  
 40 bewese, kana lo m'enen mba na ben. \* Nde

## Lukasi 24.

a kwalino nika, na mo a leele babo maa mao  
na miende. \* Nde kana basitano bamá-dube 41  
onyola munyenge, nde bata nde banyaka, na  
mo a kwalane babo na: Lo ben lambo la da uan  
e? \* Na babo ba bola mo epas'a sue eangabe 42  
na ngus'a besambu ba bombo. \* Na mo a 43  
nongo mo, ada oboso babu. \* Na mo akwa- 44  
lane babo na: Ben nde be beyala bam, bena  
natano nakwalane binyo, ke nadia na binyo,  
ná mese m'angamen londa mena matilabe  
onyol'am o mbend'a Mose na o batoperi-ba-  
mudi na o mienge. \* Ombusa nika, a tele 45  
babo dibie onyola sontane la betiledi, \* akwa- 46  
lane babo na: Nika nde etilabeno, nika  
pe nde Kristo atano 'angamene taka, na  
pumbwa pe o kwedi o bunya bolonde  
milalo, \* na langwabe pe o dina lao 47  
jatele na lakise la miobe oteten a  
matumba mese, botea o Yerusalem.  
\*Nde binyo nde le mbon a man mambo. \* Nde 48 49  
ombwa, na ma-loma dikaki la Tete omony  
anyu; nde binyo ja o mudi ma Yerusalem  
natē lo botisabe na nginya ni ma-we o mony.

(50—53: Marko 16, 19. Bebolo 1, 4—14.)

Nde ata 'alane babo natena o Betania; 50  
'ase maa mao o mony, a namse babo. \* Nde 51  
eta na, niponda anamseno babo, na mo 'abane  
na babo, a nongobe o mony. \* Na babo b' 52  
owe mo, ba timba pe o Yerusalem na mu-  
nyenge mundene; \* nde bata o tempel ponda 53  
yese, ba sesa Loba ba bola pe na masoma.



# MIANGO MA BWAM

## KAPONDA YOHANE.

1 O beboteri eyala eta, nde eyala eta na  
 2 Loba, nde eyala eta nde Loba. \* Mulemlem  
 3 mu ta o beboteri na Loba. \* Mambo mese  
 ma ta nde ma wekabe na mo, to-lambo di  
 si ta di wekabe esi be na mo, o ma ma we-  
 4 kabe. \* Longe di ta nde na mo, nde longe  
 5 di ta nde muenen ma bato, \* nde muenen mu  
 ma-panya o muititi, nde muititi mu si ta mu  
 6 kasa mo. \* Moto mowó a ta a po nu lo-  
 7 mabe na Loba, dina lao na Yohane. \* Mo  
 a ta a po onyola mbon, ná a bole mbon onyola  
 8 muenen, ná onyol'ao bese ba dube. \* Mo a  
 si ta mu muenen, nde o bola mbon onyola mu  
 9 muenen. \* Muenen ma mbale muena mu ma-  
 panyise moto na moto, mu ta mu po o wase.  
 10 \* Mo a ta o wase, nde wase eta ewekabe na  
 11 mo, nde wase esi ta e bia mo. \* Mo a ta a  
 poye mambo mao, nde ba ba ta bao basi  
 12 kasi mo. \* Nde ba bena ba ta ba kasa mo a  
 boli babo nginya o timba bana ba Loba, ba  
 13 bena ba dube o dina lao, \* bena ba si yabe  
 na maya, to na jemea l'eyobo, to na jemea  
 14 la moto, nde na Loba. \* Eyala eta e  
 timba eyobo, e ja oteten asu, nde di en  
 bosaŋgi bao, bosaŋgi ka ba mpom ma  
 Muna nu wu na Tete, nu londi na nde-

## Yohane 1.

di na mbale pe. \*Yohane a boli mbon 15  
onyol'ao, a bele, a kwala na: Nun nde ata  
nu, na kwalino na: Nu nu ma-we mba ombusa  
emba oboso; ebanja ata mba oboso. \*Eba- 16  
nja o londa lao biso bese di kusi ndedi  
onyola ndedi. \*Ebanja mbenda e bolabe 17  
nde na Mose, ndedi na mbale ba wu nde na  
Yesu Kristo. \*To-moto a s'en Loba tom, 18  
mpom ma Muna muena mue o bwaŋga ba  
Tete, mo nde a ta a biise mo.

Nde nin nde nye mbon a Yohane, niponda 19  
Bona-Yuda ba Yerusalem ba lomno prisi na  
Bona-Lewi o juele mo na: Oe nde nja e?  
\*Na mo a pusele, a si tobi, a pusele na: Mba 20  
na titi Kristo. \*Na babo b'uele mo na: Nja 21  
so e? Oe nde Elia e? Na mo a kwala na:  
Na titi. Oe nde nu mutoper' a-mudi e? Na mo  
'alabe na: Kem. \*Na babo ba kwalane mo 22  
na: Nja so oeno e? ná di tate bola jalabe na  
ba ba lom biso. Nje o ma-kwalano onyol'ango  
momene e? \*Na mo a kwala na: Mba ne nde 23  
doi la mowó nu ma-laŋgwe o eyaŋ na: „Tese  
nge' a Saŋgo na sim“, kana mutoper' a-mudi  
Yesaia a kwalino. \*Nde ba bena bata ba 24  
lomabe bata nde na Farisai. \*Na babo b'uele 25  
mo, ba kwalane mo na: Nje so o ma-dubisenó,  
yetena o titi Kristo, to Elia, to nu mutoper'  
a-mudi e? \*Na Yohane 'alabe babo, a kwala 26  
na: Na ma-dubise nde na madiba, nde mowó  
a tem oteten anyu, nyena losibino, \*mo nde 27  
e nu nu ma-we mba ombusa nyena e mba

## Yohane 1.

oboso, nyena mba na si doṅgamen o wunja  
28 misinga ma betambi. \* Man ma bolan nde o  
Betania, o mune muri ma Yordan, wuma Yo-  
hane a tano a dubise.

29 O bone ba kiele Yohane 'ene Yesu a  
ma-ya na mo, na mo akwala na: Ombwa  
Mun'a-mudongi nya Loba, nu ma-sumwe  
30 bobe ba wase! \* Mo nde e nu, na kwalino  
na: Moto a ma-wa mba ombusa, nyena e mba  
31 oboso, ebanja ata mba oboso. \* Mba nasita  
na bia mo, nde na a biisabe na Israel, nika nde  
32 na poino o dubise na madiba. \* Nde Yo-  
hane a boli mbon, a kwala na: N'en Mudi  
muta muwa o mony ka mbeṅga, mu siba  
33 wase, muja omomy ao, \* nde na si ta na bia  
mo, nde nu nu lom mba o dubise na madiba,  
mo nde a kwalan mba na: Omomy a nu o  
mendeno jene Mudi muma-siba, muja omomy  
ao, mo nde e nu nu ma-dubise na Mudi Mu-  
34 sangi. \* Nde mba n'en, na boli pe mbon na  
mo nde e Mun'a Loba.

35 Nde o bone ba kiele Yohane a ta pete a  
36 teme na bokweli bao baba. \* Ombono Yesu  
ke ama-daṅgwa, na mo akwala na: Ombwa,  
37 Mun'a-mudongi nya Loba! \* Nde ban  
bokweli baba baseṅgi nika, na babo babupe  
38 Yesu. \* Na Yesu a yombo, 'ene babo ba ma-  
bupe, na mo akwalane babo na: Lo ma-pulise  
nde nje? Na babo bakwalane mo na: A rabi,  
nika nye nde na, a muleedi, o ma-ja nde ue  
39 e? \* Na mo akwalane babo na: Binyo ya  
jombwa! Na babo b'ala, b'ene wuma ama-

## Yohane 1.

jano, na babo ba ja na mo o bo bunya; nde  
eta nde dom la ngen. \* Andrea, muna-saango 40  
a Simon Petro, ata nde mowó nya bababane,  
bena ba ta basenga na Yohane, nde ba bu-  
peno mo. \* Mo asele doŋgamene muna-saango 41  
Simon, na mo a kwalane mo na: Di má-so  
Mesia, nika nye nde o tukwabe na, Kristo.  
\* Na mo 'alane mo na Yesu. Nde Yesu 'ombono 42  
mo, na mo a kwala na: Oe nde Simon, mun'a  
Yona, o mende belabe na, Kefa, nika nye  
nde o tukwabe na, Petro.

Nde o bone bakiele Yesu ata apula wala 43  
o Galilea, na mo a doŋgamene Filipo, a kwa-  
lane mo na: Bupe mba! \* Nde Filipo a ta 44  
nde mot'a Betsaida, o mudi ma Andrea na  
Petro. \* Filipo pe a doŋgamene Natanael, na 45  
mo a kwalane mo na: Di má-so nu nyena  
Mose a tano a tila o mbenda na batoperi-ba-  
mudi pe, Yesu, mun'a Yosef, nya Nasaret.  
\* Na Natanael a kwalane mo na: Lambo la 46  
bwam pe lena di wa o Nasaret e? Na Filipo  
a kwalane mo na: Ya jombwa! \* Yesu 'enno 47  
Natanael ama-ya na mo, na mo a kwala  
onyol'ao na: Ombwa, mot'a Israel nya mbale  
nu si ben mawondon. \* Na Natanael a kwa- 48  
lane mo na: O ueni obino mba e? Na Yesu  
'alabe mo na: Obiana Filipo ama-bele oa,  
ponda o tano owasa jaŋgolo, n'en oa. \* Na 49  
Natanael 'alabe mo na: A rabi, oa oe nde  
Mun'a Loba, oe nde Kiŋ'a Israel. \* Na Yesu 50  
'alabe, a kwalane mo na: Onyolana na kwalan  
oa na, n'en oa owasa jaŋgolo, o dube e? O

## Yohane 1. 2.

51 mende jene mambo mandene buka nika. \* Na mo a kwalane mo na: Iwie, iwie, nā-laŋgwea binyo, lo mende jene mony e telam, na angel a Loba im'ondea, i siba pe o wase omōny a Muna-moto.

2 0 bunya bo londe milalo diba dita o Kana nya Galilea, nyaŋgo a Yesu pe a ta oten.  
2 \* Yesu na bokweli bao pe ba ta ba belabe o  
3 di diba. \* Nde mao ma tano ma bó, na nyaŋgo  
4 a Yesu a kwalane mo na: Basi ben mao. \* Na Yesu a kwalane mo na: A muto, njika bwambo  
5 na benno na oa e? Pond'am e si poi. \* Na nyaŋgo a kwalane baboledi na: To-nje a ma-  
6 kwalaneno binyo, bola nde. \* Nde bewa ba madiba ba madale mutoba be ta be teme oten, kaponda bedemo ba saŋgise ba Bona-Yuda, ewo te e ta e nongo mamene maba to malalo.  
7 \* Na Yesu a kwalane babo na: Binyo londise be bewa na madiba. Na babo balondise mo  
8 natena o mpepele. \* Na mo a kwalane babo na: Binyo toa so, l'alanē mo mombwed'a-  
9 diba. Na babo b'alanē mo. \* Nde mombwed' a-diba a keki ma madiba mena ma timbi mao, nde a si ta a bia wuma ma wung, (baboledi, bena ba ta ba toa ma madiba nde ba ta ba  
10 bia), na mombwed'a-diba a bele mubaedi, \* a kwalane mo na: Moto na moto ama-sele nde tese mao ma bwam, nde ba má-nyo te, denge a ma-tese ma bobē, nde oa o nenge nde mao  
11 ma bwam natena tatan. \* Yen nde Yesu a botedino beyemban bao o Kana nya Galilea, na mo a biise edub'ao, nde bokweli bao ba

## Yohane 2.

dubeno mo. \* Ombusa nika na mo asiba 12  
o Kapernaum, mo na nyango na bona-saigo  
ba bome na bokweli bao, nde bas'indedi oten  
minya ma gita.

(14—16: Mat. 21, 12. 13. Marko 11, 15—17. Luk. 19, 45. 46.)

Nde Pasah nya Bona-Yuda e ta bebe, na 13  
Yesu 'ala omony o Yerusalem. \* Na mo a 14  
bomane o tempel bandise-nyaka na midongi  
na mbeŋga, na baweŋgisane-moni bajai wase.  
\* Na mo apongo diwopi la misiŋga, a paŋga 15  
bese o tempel na midongi na nyaka pe, a  
koma moni ma baweŋgisane-moni, akwese te-  
bedi wase, \* a kwalane bandise-mbeŋga na: 16  
Sumwa ben o uan, losi timbise ndabo a Tete  
ndabo a malongo. \* Na bokweli bao b'ongele 17  
na etilabe na: „Kod' a ndabo ango ebo mba.“  
\* Na Bona-Yuda b'alabe, ba kwalane mo na: 18  
Njika eyemban o ma-leeleno biso, nde o ma-  
bolano man mambo e? \* Na Yesu 'alabe, a 19  
kwalane babo na: Binyo bulele nin tempel,  
nde na ma-tese pe mo o minya milalo. \* Na 20  
Bona-Yuda ba kwalane mo na: Nin tempel  
eta elongabe muanei ma mbu na mutoba,  
nde oa o pula tese mo o minya milalo e?  
\* Nde ata nde akwala onyola tempel anyol' 21  
ao. \* Nde niponda a pumbwabeleno o kwedi, 22  
bokweli bao batimbi joungele na ata akwala  
nika, nde ba dubeno betiledi na eyala Yesu  
a kwalingo. \* Nde niponda a tano o Ye- 23  
rusalem o Pasah o bunya-ba-bosaŋgi, gita ba  
ta ba dube o dina lao onyolana b'en beye-  
mban bao a bolingo. \* Nde mo, Yesu, a si ta 24

## Yohane 2. 3.

a lakise momene na babo, ebanja a ta a bia  
25 babo bese, \* e si ta pe e aŋgamene mo, ná  
moto a bole mo mboñ onyola moto, ebanja  
momene a ta a bia nje ye oteten a moto.

3 Nde moto mowó ata nya Farisai, dina lao  
2 na Nikodemo, muaned'a Bona-Yuda. \* Mo

a ta apo na Yesu ya bulu, akwalane mo na:  
A rabi, di bī ná oa oe muleedi nu wu na Loba,  
ebanja to-moto a titi ná a wele bola ben  
beyemban oa o ma-bolano, e be te ná Loba e  
3 na mo. \* Na Yesu 'alabe, a kwané mo na:  
Iwie, iwie, nā-laŋgwea oa, yetena moto a si  
yabe pete penya, a titi ná 'ene janea la Loba.

4 \* Na Nikodemo akwalane mo na: Neni moto  
eno ná ayabe pe, ke a má-duna e? Ena 'ingea  
pete o dibum la nyaŋgo, nde ayabe pe e?

5 \* Na Yesu 'alabe na: Iwie, iwie, nā-laŋ-  
gwea oa, yetena moto a si yabe te na  
madiba na Mudī, a titi ná a wele jingea

6 o janea la Loba. \* Di di ma-yabe n'eyobo,  
le nde eyobo; di di ma-yabe na Mudī pe, le

7 nde mudī. \* O si nyaka ná na kwalanno oa

8 na: Binyo l'aŋgamen yabe penya. \* Ŋgo e  
ma-wuŋgea o wuma na wuma e tondino, nde  
o ma-seŋga nde mumban mao, nde osi ma-bia  
wuma e ma-wano, to wuma e m'alano. Nika  
nde yeno na moto nyese nu yabe na Mudī.

9 \* Na Nikodemo 'alabe, a kwané mo na:

10 Neni din jeno ná di bolane e? \* Na Yesu

'alabe, a kwané mo na: Oa oe nde muleed'a

11 Israel, nde o si bie din e? \* Iwie, iwie, nā-  
laŋgwea oa, biso di ma-topo di di bino, di ma-

### Yohane 3.

bola pe mboñ onyola di di enno, nde binyo  
lo si ma-kàsa mboñ asu. \* Yetena na kwalan 12  
te binyo onyola mambo ma wase, nde lo si  
dube, neni lo mendeno dube ke na kwalan  
binyo onyola mambo ma mony e? \* Nde to- 13  
moto a si ta 'ondea o mony, ke nu nu wu o  
mony, Muna-moto nyena nye o mony. \* Nde 14  
kana Mose a teseno nyama-bwaba o mony o  
eyañ, nika nde Muna-moto pe a mendeno te-  
sebe omony, \* ná to-nja nu dube mo, asima- 15  
nyama, nde a ma-bene loñge la bwindea.  
\* Ebanja ninka nde Loba a tondino wase, 16  
ná a boli mpom mao ma Muna, ná to-  
nja nu dube mo, asima-nyama, nde a  
ma-bene loñge la bwindea. \* Ebanja Loba 17  
asilom Mun'ao o wase, ná akaise wase, nde  
ná onyol'ao wase e suñgabe. \* Nu nu ma- 18  
dube mo asima-kaisabe, nde nu nu si ma-dube  
mo a má-bole kaisabe, onyolana asi dube dina  
la mpom ma Mun'a Loba. \* Nde mun nde 19  
mue muka, ná muenen mu ta mu po o wase,  
nde bato bata batondo muititi buka muenen,  
ebanja bebolo babu beta bobe. \* Ebanja to- 20  
nja nu ma-bole bobe, a ma-siñge muenen, a  
si ma-po o muenen, ná bebolo bao be si sambwa.  
\* Nde nu nu ma-bole mbale, a ma-po o muenen, 21  
ná bebolo bao be biane, onyolana be ma-bolabe  
nde o Loba.

Nde ombusa nika, Yesu a ta 'ala na bokweli 22  
bao o ekombo a Yudea, na mo a ja oten na  
babo, a dubise. \* Nde Yohane pe a ta a dubise 23



### Yohane 3.

o Enon, bebe na Salem, ebanja madiba gita  
ma ta oten, nde ba ta ba po na mo, ba dubi-  
24 sabe; \* ebanja Yohane a si ta a má-kwesabe  
25 o beboa. \* Nde mutango mu ta oteten a bo-  
kweli ba Yohane na mot' a Bona-Yuda onyola  
26 sangise. \* Nde ba ta ba po na Yohane ba  
kwalane mo na: A rabi, nu nu ta na oa o  
mune muri ma Yordan, nyena o bolino mboñ  
onyol'ao, ombwa, mo a ma-dubise, nde bese  
27 bam'ala na mo. \* Nde Yohane 'alabe, a kwala  
na: Moto a titi ná a wele nongo to-lambo,  
28 yetena di si bolabe na mo o mony. \* Binyo  
momene le mba mboñ ná na kwali na: Na titi  
Kristo, nde ne nde' nu nu lomabe mo oboso.  
29 \* Nu nu ben ewande, mo nde e mubaedi, nde  
dikom la mubaedi lena dima-teme, disengane  
pe mo, di ma-bwa munyenge bwambi onyola  
doi la mubaedi. Mun munyenge mam mu  
30 londi so tatan. \* Mo 'angamen nyaka, nde  
31 mba na nyange. \* Nu nu ma-we o mony, e  
omony a bese, nu nye na wase, e nde nya  
wase, a ma-tope pe nde onyola wase. Nu nu  
32 ma-we o mony, e omony a bese, \* a ma-bola  
pe nde mboñ onyola di a tano'ene na senga;  
33 nde to-moto a si ma-kasa mboñ ao. \* Nu nu  
ma-kase mboñ ao, a pusele ná Loba e mbale.  
34 \* Ebanja nu Loba alomno, ama-topo nde be-  
yala ba Loba; ebanja Loba a si ma-bola Mudi  
35 na dimene. \* Tete atondi Muna, nde ata pe  
36 a bake mambo mese o dia lao. \* Nu nu ma-  
dube Muna, a ben longe la bwindea. Nu  
nu si ma-sengane Muna, a si mende jene

### Yohane 3. 4.

lonḡe, nde maliḡa ma Loba ma ma-tiḡame  
omony ao.

Saḡo abino so ná Farisai bata basenga, 4  
ná Yesu ama-timbise gita bokweli na dubise  
pe buka Yohane, \*(tona Yesu momene a si 2  
tano a dubise, ke bokweli bao), \* na mo 'esele 3  
Yudea, a timba pe o Galilea. \* Nde nḡea e 4  
ta e bola mo, a toḡgwea la Samaria. \* Na 5  
mo a po o mudi ma Samaria mowó, dina  
lao na Sikar, beḡe na mōnda Yakob a bolino  
mun'ao Yosef. \* Nde toḡgo a Yakob eta 6  
oten. Nde kana Yesu a tano a wolo na londo,  
na mo aja wase o toḡgo. Nde eta nde o  
nḡen mutoba. \* Na muto mowó a wa o Sa- 7  
maria o toa madiba. Na Yesu a kwalane mo  
na: Bola mba nanyo! \* Ebanja bokweli bao 8  
bata b'ala o mudi o janda da. \* Na nu 9  
mut'a Samaria a kwalane mo na: Neni oa  
mot'a Bona-Yuda o ma-sosomeano mba mut'a  
Samaria o nyo e? (Ebanja Bona-Yuda ba si  
ta ba bene koloḡgone na bato ba Samaria).  
\* Nde Yesu 'alabe, a kwalane mo na: O bia 10  
te jabea la Loba na nja pe nun eno nu kwa-  
lan oa na: Bola mba na nyo, ke o wusa  
sosomea mo, nde a wusa bola oa madiba ma  
lonḡe. \* Na nu muto a kwalane mo na: A 11  
Saḡo, oa o si ben ewa o toane, toḡgo pe e  
poti wase; o ueni so o ma-kusano madiba ma  
lonḡe e? \* Oa o buki saḡo asu Yakob, nu 12  
boli biso nin toḡgo, nyena momene a nyodino  
na bana bao na beyembe bao e? \* Na Yesu 13  
'alabe, a kwalane mo na: To-nja nu ma-nyo

## Yohane 4.

- 14 man madiba, a ma-bwa pete nyoŋgi; \*nde  
nu nu ma-nyo man madiba mba na ma-bolano  
mo, a si mende pe bwa nyoŋgi naten a bwi-  
ndea; nde man madiba mba na ma-bolano mo,  
ma mende be oteten ao toŋgo a madiba, mena  
15 ma ma-buse naten' o loŋge la bwindea. \*Na  
nu muto a kwalane mo na: A Saŋgo, bola  
mba man madiba, nde na si bwa pe nyoŋgi,  
16 to po o uan o toa. \*Na Yesu a kwalane mo  
na: Ala bele mom' aŋgo, nde o timbe pe o  
17 uan. \*Na nu muto 'alabe, a kwalane mo na:  
Na si ben mome. Na Yesu a kwalane mo na:  
18 O kwali bwam na: na si ben mome. \*Ebanja  
o ta o bene bome batanu, nde nu o benno  
tatan, a titi mom' aŋgo, o din o kwali mbale.  
19 \*Na nu muto a kwalane mo na: A Saŋgo,  
20 na soĩ ná oa oe nde mutoper'a-mudĩ. \*Ba-  
saŋgo basu bata nde bakane o mun mudoŋgo,  
nde binyo lo ma-kwala na, o Yerusalem nde  
21 ye wuma b'aŋgamenno kane. \*Na Yesu a  
kwalane mo na: A muto, dube mba, ponda  
e ma-ya, nyena lo si mendenno kane Tete to o  
22 mun mudoŋgo to o Yerusalem. \*Binyo lo  
ma-kane nje lo si bino; biso di ma-kane nje  
di bino, ebanja joŋgise di ma-wa nde na Bona-  
23 Yuda. \*Nde ponda e ma-ya, ny'á pon tatan,  
nyena bakane-Loba ba mbale ba mende kane  
Tete o mudĩ na o mbale, ebanja Tete a ma-  
24 pula nde bena ba ma-kane mo nika. \*Loba  
le nde Mudĩ, ba ba ma-kane mo, b'aŋ-  
gamen kane mo o mudĩ na o mbale.  
25 \*Na nu muto a kwalane mo na: Nabĩ ná Mesia

## Yohane 4.

amende po, nu belabe Kristo, apoi te amende  
biise biso mambo mese. \*Na Yesu akwalane 26  
mo na: Mbamene nun nu ma-kwalisane oa.

O ua nde bokweli bao ba pino, na babo 27  
ba nyaka onyolana ata akwalisane muto.  
Nde to-mowó asikwali na: Nje oma-pulano?  
to: nje oma-kwalisaneno mo e? \*Na nu muto 28  
'esele ewa ao ya madiba, 'ala o mundi, a  
kwalane bato na: \*Binyo ya jombwa moto 29  
nu laŋgwedi mba mambo mese namá-bolano,  
nga e nde Kristo e? \*Na babo ba busa o 30  
mundi, ba po na mo. \*Nde oteten a ni 31  
pondamene bokweli ba sosomea mo, ba kwala  
na: A rabi, da! \*Na mo akwalane babo 32  
na: Na ben da o da lena lo si bino. \*Na 33  
bokweli ba kwala na babo momene na: Nga  
moto ata a wanea mo da e? \*Na Yesu a 34  
kwalane babo na: Da lam le nde, ná na bole  
jemea la nu nu lom mba, ná na domse ebol'  
ao. \*Binyo lo si ma-kwala na: Mumbwa mu 35  
dia miodi minei e? Ombwa, na ma-laŋgwea  
binyo, sumwa miso manyu, l'ombwe mionda,  
neni mi má-jolano onyola mumbwa. \*Nu nu 36  
m'umbwe a ma-kusa musauedi, a ma-kotele  
bepuma o loŋge la bwindea, ná babo babane,  
nu nu ma-se na nu nu m'umbwe, ba ma-bwa  
munyenŋe muemba. \*Ebanja o din nde yen 37  
eyala yeno mbale: Mowó a ma-sa, nune pe  
'umbwa. \*Na ta na loma binyo o jumbwa 38  
di lo si bolino ebolo, bapepe ba boli ebolo,  
nde binyo lo timban ebol'abu. \*Nde gita 39  
la bato ba Samaria ba mu mundi ba ta ba

## Yohane 4.

- dube mo onyola eyala nu muto a kwalino na: A langwedi mba mambo mese na má-bolano. \*Nde bato ba Samaria ba pino na mo, bata ba sosomea mo ná aje na babo.
- 41 Na mo aja na babo minya miba. \*Nde gita dipepe pe buka nika, bata ba dube onyola
- 42 eyal'ao, \*nde ba kwalane nu muto na: Di si dube pe onyola eyal'ango; ebanja biso momene di seŋgi, di bi pe, ná nun e nde Kristo nambale, Musuŋger'a wase.
- 43 Nde ombusa minya miba, na mo 'asumwe
- 44 oten, 'ala o Galilea. \*Ebanja Yesu momene a boli mboŋ, ná mutoper'a-mudi asi ben edube
- 45 o mundi mao. \*Nde a pino o Galilea, na bato ba Galilea ba kusa mo, ebanja bata b'ene mese atano a bola o Yerusalem o bunyaba-bosaŋgi; ebanja babo pe bata b'ala o
- 46 bunyaba-bosaŋgi. \*Na Yesu a po pe o Kanya Galilea, wuma a timbiseno madiba mao.
- 47 \*Nde muboled'a kiŋe mowó ata o Kapernaum, nyena mun'ao ata a boa. Nun a seŋgino ná Yesu a má-wa o Yudea, a má-po o Galilea, na mo 'ala na mo, asosomea mo, ná a sibe,
- 48 a bolise mun'ao, ebanja ata a pula wo. \*Na Yesu a kwalane mo na: Binyo lo s'en te
- 49 beyemban na betanyisedi, lo si ma-dube. \*Na muboled'a kiŋe a kwalane mo na: A Saŋgo,
- 50 siba obiana mun'am ama-wo. \*Na Yesu a kwalane mo na: Ala, mun'ango e loŋge. Na nu moto a dube y'eyala Yesu a kwalanno
- 51 mo, na mo 'ala. \*Nde niponda asibino wase, na bautu bao ba doŋgamene mo, ba langwea

## Yohane 4. 5.

mo na: Mun'aŋgo e loŋge. \* Na mo 'uele 52  
 babo ponda a botino ja bwam. Na babo ba  
 kwalane mo na: Kiele o ngen samba nde  
 ngo ny'eselene mo. \* Nde saŋgo a ta a so, 53  
 ná e ta nde o ni ponda Yesu akwalanno mo  
 na: Mun'aŋgo e loŋge. \* Na mo a dube na 54  
 ndabo ao nyese. \* Yen nde ye eyemban elonde 55  
 beba Yesu abolino pete ná a wuno o Yudea,  
 a poino o Galilea.

Ombusa nika bunya-ba-bosaŋgi ba Bona- 5  
 Yuda bota, na Yesu 'ondea o Yerusalem.  
 \* Nde o Yerusalem bebe na muna ma mu- 2  
 dongi, ebulu ewo ye oten, e belabe o bwambo  
 ba Bona-Heber na, Betesda, yena e ben ma-  
 bepe matanu. \* Oten nde gita la baboedi ba 3  
 tano baja, bandima, bamboko, bemedi, bena  
 ba ta ba tata puŋgwea la madiba. \* Ebanja 4  
 angel e ta be, ponda e poi te, e siba onyola  
 y'ebulu, e puŋgwa madiba. Nu nu ta nu sele  
 siba ombusa puŋgwea la madiba, ata a bole,  
 to-njika diboa a tano a boa. \* Nde moto mo- 5  
 wo a ta oten, nu ta nu bene diboa mualalo  
 ma mbu na lombi. \* Nde Yesu 'enno mo a 6  
 naŋga, a bia pe ná a má-ja nika etum a po-  
 nda, na mo a kwalane mo na: O tondi bole e?  
 \* Na mu mboedi mu timbisele mo na: A Saŋ- 7  
 go, na si ben moto nu ma-kwese mba o ebulu,  
 ke madiba ma puŋgwedi, na ma-be, ne te  
 onyola bewaledi, nupepe apo, asele siba oten  
 na mba. \* Na Yesu akwalane mo na: Teme, 8  
 nonŋgó nonŋgo loŋgo, o daŋgwe. \* Na nu moto 9

## Yohane 5.

- a bole dibokimene, a nòngó nòngó lao, a daŋgwa. Nde bo bunya bo ta nde bunya-
- 10 ba-wumse. \* Nde Bona-Yuda ba ta ba kwalanu nu nu ta nu bole na: Ye nde bunyaba-wumse; e s'aŋgamen oa o bambe nongó.
- 11 \* Na mo 'alabe babo na: Nu nu bolise mba nde a kwalan mba na: Nòngó nòngó longó,
- 12 o daŋgwe. \* Na babo b'uele mo na: Njika moto nu kwalan oa na: Nòngó nòngó longó,
- 13 o daŋgwe e? \* Nde nu nu ta nu bole a si ta a bia nja a tano, ebanja Yesu a ta a wengeteme, kana dimuti gita di tano o ua wuma.
- 14 \* Ombusa nika Yesu a doŋgamene mo o tempel, a kwalan mo na: Ombwa, o má-bole, o si bola pe bobe, di buki di di si ya be di poye oa.
- 15 \* Na nu moto 'ala, a laŋgwea Bona-Yuda ná
- 16 Yesu nde a bolise mo. \* Onyola nika Bona-Yuda ba ta ba takise Yesu, ba pulise o bwa mo, onyolana a boli din o bunya-ba-wumse.
- 17 Na Yesu 'alabe babo na: Tete a ma-bola natena tatan, mba penama-bola.
- 18 \* Onyola nika Bona-Yuda ba beŋga pulise o bwa mo, ebanja a si bulele bunya-ba-wumse momene, nde a kwali pe na, Loba nde e saŋgo nu yai mo; a timbise momene ka Loba.
- 19 \* Na Yesu 'alabe, a kwalan babo na: Iwie, iwie, ná-laŋgwea binyo, Muna a titi ná a bola to-lambo na momene ke asim'ene Tete a ma-bola mo, ebanja to-nje mo a ma-bolano,
- 20 Muna pe a ma-bola nde mo nikamene. \* Ebanja Tete a tondi Muna, a ma-leele pe mo mambo mese momene a ma-bolano, a mende pe

## Yohane 5.

leele mo bebolo bendene buka ben, ka nyena  
lo mende nyaka. \* Ebanja kana Tete a ma- 21  
pumbweleno bawedi, a timbise babo muenya,  
nikamene pe nde Muna a ma-timbiseno mue-  
nya to-nja a tondino. \* Ebanja Tete a si ma- 22  
kaise to-moto, nde a yokeye Muna muka muese,  
\* na bese ba bole Muna edube, kana ba ma- 23  
bolano Tete edube. Nu nu si ma-bole Muna  
edube, ke a si ma-bola pe Tete nu lom mo  
edube. \* Iwie, iwie, na-langwea binyo, to- 24  
nja nu ma-senge eyal'am, nde a dube pe nu  
nu lom mba, a ma-bene longe la bwindea, a  
si ma-po o muka, nde a ma-tomba kwedi, a  
o longe. \* Iwie, iwie, na-langwea binyo, pon- 25  
da e mende po, ny'a pon tatan, na bawedi  
ba mende sennga doi la Mun'a Loba, nde ba  
bena ba senge mo, ba mende be longe. \* Eba- 26  
nja kana Tete a benno longe na momene,  
nikamene pe nde a bolino Muna o bene longe  
na momene, \* nde a boli pe mo nginya o kaise 27  
muka, ebanja mo e Muna-moto. \* Lo si nyaka 28  
onyola nika; ebanja ponda e mende po,  
nyena bese be o songo ba mendeno sen-  
ga doilao; \* nde ba mende busa, ba bena 29  
ba boli bwam o bepumbwedi ba longe,  
na ba bena ba boli bobe o bepumbwedi  
ba muka. \* Na titi na na wele bola to- 30  
lambo na mbamene. Kana na ma-sengano,  
nikamene pe nde na ma-kaiseno, nde muka  
mam mutem; ebanja na si ma-pulise jemea  
lam, nde jemea la Tete nu lom mba. \* Ye- 31  
tana nama-bola mbon onyol'am mbamene, ke



## Yohane 5.

32 mboñ am e titi mbale. \*Nupepe e nu ma-  
bole mboñ onyol'am; nde na bi, ná mboñ  
nye mbale, nyena ama-bolano onyol'am.  
33 \*Binyo lo ta lo loma na Yohane, nde a boli  
34 mboñ onyola mbale. \*Nde mba na si ma-  
noño mboñ na moto, nde na ma-kwala nde  
35 man, ná binyo l'ongisabe. \*Mo a ta nde  
muenen mu m'onye na mu ma-panye; nde lo  
ta nde lo pula bwa munyenge o muenen mao  
36 onyola son a ponda. \*Nde na ben mboñ ni  
kolo buka nya Yohane; ebanja bebolo Tete  
a bolino mba, ná na bole, ben bebolo mene  
na ma-bolano, be ma-bola mboñ onyol'am, ná  
37 Tete a lom mba. \*Nde Tete nu lom mba,  
mo pe a boli mboñ onyol'am. Binyo lo si  
señgi to doi lao tom, lo s'en pe to beombwedi  
38 bao; \*nde lo si ben eyal'ao o ja oteten anyu,  
39 ebanja lo si dube nu a lomno. \*Wasa beti-  
ledi, ebanja lo m'ongele ná onyol'aonde  
lo ma-beneno longela bwindea; nde mo  
40 pe nde be ma-bole mboñ onyol'am, \*nde  
41 lo si tondi po na mba, ná lobene longé. \*Mba  
42 na si ma-noño edube na bato; \*nde na bi  
binyo, ná lo si ben ndol'a Loba oteten anyu.  
43 \*Mba na poi o dina la Tete, nde lo si ma-  
noño mba. Nupepe apoi te o dina lao mo-  
44 mene, mo nde lo mendeno noño. \*Neni  
leno ná lo dube, binyo ba bena lo ma-noñge  
nde edube na mowó na nune, nde losipulise  
45 edube e ma-we na Loba diwomene? \*Lo  
s'ongele, ná mba nde na mende walane binyo  
o muka oboso ba Tete; mowó e o ua nu

## Yohane 5. 6.

mende walanē binyo o muka, Mose, nu nyena  
lopitenō. \*Ebanja lo dube te Mose, ke lo 46  
wusa pe dube mba; ebanja mo a tili onyol'  
am. \*Nde yetena lo si dube betiledi bao, 47  
neni leno ná lo dube beyala bam e?

(6, 1—15: Mat. 14, 13—21. Marko 6, 32—44. Luk. 9, 10—17.)

Ombusa nika, na Yesu 'ala o mune muri 6  
ma munja ma Galilea, ma Tiberia. \*Nde 2  
dimuti dindene di ta di bupe mo, onyolana  
b'en beyemban a bolino na baboedi. \*Na 3  
Yesu 'ondea omony a mudongo, aja oten na  
bokweli bao. \*Nde Pasah, bunya-ba-bosangi 4  
ba Bona-Yuda, bo ta bebe.

Na Yesu a sumwa miso mao, 'ene ná di 5  
muti dindene di ma-ya na mo, na mo a kwa-  
lane Filipino na: O ueni di m'andano bewolo,  
ná ban ba de e? \*A ta nde a kwala nika o 6  
keka mo, ebanja momene a ta a bia nje a  
mendeno bola. \*Na Filipino 'alabe mo na: 7  
Bebwea ba denario beba ba bewolo besi  
dongamen babo, ná moto te anonge son.  
\*Na mowó nya bokweli bao, Andrea muna- 8  
sango a Simon Petro, a kwalane mo na:  
\*Muna mowó e o uan, nu ben bewolo betanu 9  
na sue iba; nde be so nje onyola ninka gita  
e? \*Na Yesu a kwala na: Bola bato ba je 10  
wase. Nde gita la bewudu di ta o ua wuma.  
Nde bome ba ta baja wase to lokoli lotanu.  
\*Na Yesu anongo bewolo, a bola masoma, 11  
a bola mo bokweli, bokweli pe na ba bena  
ba ta baja wase, nikamene pe na sue, ka-

## Yohane 6.

- 12 ponda ba tano ba pula. \*Nde b'ulino, na mo  
a kwalane bokweli bao na: Binyo kotele be-  
13 pasi be dia, ná to-lambo di si nyama. \*Na  
babo ba kotele, ba londe dom la besanja na  
beba ba bepasi ba bewolo betanu, bena ba  
14 ba ta ba da ba bukedino. \*Nde bato  
b'engo y'eyemban Yesu a bolino, ba kwala  
na: Nun e nde nu mutoper'a-mudi nambale,  
15 nu ma-ye o wase. \*Nde Yesu a soino, ná  
ba mende ya putea mo, o timbise mo kiñe,  
na mo a timba pe wengemeye omony a mu-  
doño musoloki.

(16—21: Mat. 14, 22—33. Marko 6, 45—52.)

- 16 Nde ebiamu epoino, na bokweli bao ba  
17 siba o munja, \*ba peye o bolo, b'ekamene o  
mune muri ma munja, o Kapernaum. Nde  
muititi mu ta mu má-ko, Yesu pe a si ta a  
18 má-po na babo, \*nde munja mu ta mu puñ-  
gwea, kana ngo nindene e tano e wuñgea.  
19 \*Nde ba tano ba dua muaba ma stadia na  
itanu to mualalo, b'ene Yesu ama-dañgwa  
omony a munja, à ya bebe na bolo, na babo  
20 ba bwa boño. \*Na mo a kwalane babo na:  
21 Ye nde mba, lo si bwa boño! \*Nde ba ta  
ba pula pele mo o bolo, na dibokimene bolo  
bo tuñge o wuma ba tano b'ala.  
22 Nde o bone ba kiele, dimuti lena di ta di  
teme o mune muri ma munja, bata b'ene ná  
bolo bopepe bo si ta oten, ke bowó mene boena  
bokweli ba tano ba peye na ná Yesu pe a si  
ta a peye na bokweli bao o bo bolo, nde bo-  
23 kweli momene nde ba ta b'ala. \*Nde miolo

## Yohane 6.

mi ta mi wa o Tiberia, bebe na ua wuma ba  
tano ba da bewolo, niponda Saŋgo a boleno  
bola masoma. \* Nde dimuti b'enzo, ná Yesu 24  
a si ta oten to bokweli bao, na babo ba peye  
o mi miolo, b'ala o Kapernaum o pulise Yesu.  
\* Nde ba soino mo o mune muri ma munja, 25  
ba kwalane mo na: A rabi, njika ponda o  
poino o uan e? \* Na Yesu 'alabe, a kwalane 26  
babo na: Iwie, iwie, nā-laŋgwea binyo, lo si  
ma-pulise mba onyolana l'en beyemban, nde  
onyolana lo dedi bewolo, nde l'uli. \* Lo si 27  
weka da lena di ma-nyame, nde da lena di  
ma-je o longe la bwindea, lena Muna-moto a  
mendeno bola binyo, ebanja nu nde Tete,  
Loba, momene a busiseno. \* Na babo bakwa- 28  
lane mo na: Nje so di ma-bolano, nde di bola  
bebolo ba Loba e? \* Na Yesu 'alabe, a kwa- 29  
lane babo na: Yen nde ye ebol'a Loba, ná  
lo dube nu mo a lomno. \* Na babo bakwa- 30  
lane mo na: Njika eyemban o ma-bolano, ná  
biso di ene, nde di dube oa e? Nje o ma-  
bolano e? \* Basaŋgo basu ba ta ba da mana 31  
o eyaŋ, kana etilabeno na: „A ta a bola babo  
bewolo be wu o mony o da.“ \* Na Yesu a 32  
kwalane babo na: Iwie, iwie, nā-laŋgwea  
binyo, seto Mose nde a boli binyo be bewolo  
be wu o mony, nde Tete nde ama-bole binyo  
ewol'a mbale e ma-we o mony. \* Ebanja 33  
ewol'a Loba ye nde ye, yena e ma-we o mony,  
nde e bola pe wase longe. \* Na babo bakwa- 34  
lane mo na: A Saŋgo, bola biso y'ewolo  
ponda yese. \* Na Yesu a kwalane babo na: 35

## Yohane 6.

- Mba nde ne ewol'a loṅge, nu nu ma-po na mba, a si mende pe bwa njai; nu pe nu madube mba, a si mende pe bwa nyoṅgi tom.
- 36 \* Nde na laṅgwedi binyo, ná binyo l'en mba,  
37 nde losidube. \* Mese Tete a ma-bolano mba, mama-po na mba; nu pe nu ma-po na mba,  
38 na si mende paṅga mo tom. \* Ebanja na wu o mony, seto o bola jemea lam, nde jemea  
39 la nu nu lom mba. \* Nde din nde le jemea la Tete nu lom mba, ná nasipimba to-lambo o mese a bolino mba, nde ná na pumbwele mo  
40 o bunya bo sukan. \* Ebanja din nde le jemea la nu nu lom mba, ná to-nja nu m'ene Muna, nde á dube mo, abene loṅge la bwindea, nde na mende pumbwele pe mo o bunya bo sukan.
- 41 Nde Bona-Yuda bata ba topo minyunyungu onyol'ao, onyolana a kwali na: Mba ne nde  
42 ewolo ewu o mony; \* ba kwala na: Seto Yesu, mun'a Yosef nun, nyena di bino saṅgo na nyaṅgo e? Neni a ma-kwalano na: Na wu  
43 nde o mony e? \* Na Yesu 'alabe, akwalane babo na: Lo si topo minyunyungu na binyo-  
44 mene. \* To-moto atiti ná a wele po na mba, e be te ná Tete nu lom mba a duti mo; nde mba pe na mende pumbwele mo o bunya bo  
45 sukan. \* E tilabe o batoperi-ba-mudi na: „Babo bese ba mende nde be baleabe na Loba.“ To-nja nu seṅgi na Tete, 'okwa pe na mo, a ma-  
46 po na mba. \* Seto ná moto a má-jene Tete, ke nu nu wu na Loba, mo nde 'en Tete.  
47 \* Iwie, iwie, ná-laṅgwea binyo, nu nu dube

## Yohane 6.

mba, a ben loṅge la bwindea. \* Mba nde 48  
 ne ewol'a loṅge. \* Basaṅgo banyu ba dedi 49  
 mana o eyaṅ, nde ba wedi. \* Yen nde ye 50  
 ewolo e wu o mony, ná moto a de mo, nde  
 asi wo pe. \* Mba nde ne ewol'a loṅge ewu 51  
 o mony. Moto a dedi te yen ewolo, a ma-be  
 loṅge natena o bwindea. Nde ewolo mba  
 nama-bolano, ye nde eyobo am, yena na  
 mendeno bola onyola loṅge la wase. \* Nde 52  
 Bona-Yuda bata ba kumwa taṅga na babo  
 momene, ba kwala na: Neni nun eno ná a  
 bola biso eyobo ao o da e? \* Na Yesu a 53  
 kwalane babo na: Iwie, iwie, nā-laṅgwea  
 binyo, yetena lo si dedi eyobo a Muna-moto,  
 lo nyo pe maya mao, ke lo si ma-bene loṅge  
 oteten anyu. \* Nu nu ma-de eyobo am, nde 54  
 a nyo pe maya mam, a ben loṅge la bwindea,  
 nde namende pumbwele mo o bunya bo sukan.  
 \* Ebanja eyobo am ye nde da la mbale, maya 55  
 mam pe me nde benyon ba mbale. \* Nu nu 56  
 ma-de eyobo am, a nyo pe maya mam, a ma-  
 ja oteten am, mba pe oteten ao. \* Kana Tete 57  
 nya loṅge a lomno mba, nde nabe nde loṅge  
 onyola Tete, nika pe nde nu nu ma-de mba,  
 amende be loṅge onyol'am. \* Yen nde ye 58  
 ewolo e wu o mony, seto ka basaṅgo banyu  
 ba dedino mana, nde ba wo. Nu nu ma-de  
 yen ewolo amende be loṅge, natena o bwindea.  
 \* A kwali nde man niponda a tano a lee o 59  
 ndabo a ndoṅgamen o Kapernaum.

Nde gita la bokweli bao ba seṅgingo nika, 60  
 ba kwala na: Ben be nde beyala ba bwambi,

## Yohane 6. 7.

- 61 nja ena a seṅga mo e? \* Nde Yesu a bino  
na momene ná bokweli bao ba ni-topo mi-  
nyunyungu onyol'ao, a kwalane babo na: Din  
62 nde di puṅgo binyo e? \* Ne so, yetena lo  
mende jene Muna-moto a m'abwa o mony o  
63 wuma a tano ṅged'a boso? \* Mudī nde mu  
ma-timbise muenya, eyobo e si m'ongisane.  
Beyala na ma-kwalano be nde mudī na loṅge.  
64 \* Nde doṅgo be o teten anyu bena basi dube.  
Ebanja Yesu a ta a bia natena beboteri, ba  
bena basi dube, na nja nye nu nu mende  
65 jandise mo. \* Na mo a kwala na: Onyola  
nika nde na kwalanno binyo na: To-moto a  
titi ná a wele po na mba, e be te ná e bo-  
66 labe mo na Tete. \* O ua nde gita la bokweli  
bao ba timbino ombusa, basidaṅgo pe na mo.  
67 Na Yesu a kwalane dom na baba na: Binyo  
68 pe lo tondi wala e? \* Na Simon Petro 'alabe  
mo na: A Saṅgo, dim'ala na nja e? Oa  
69 o ben beyala baloṅge la bwindea, \* nde  
biso didube, dimá-so pe, ná oa oe nde  
70 Kristo, Mun'a Loba. \* Na Yesu 'alabe  
babo na: Na si posi binyo dom na baba e?  
71 nde mowó nyanyu e Satan. \* A kwali nde  
nika onyola Yuda, mun'a Simon, Iskariot  
ebanja mo nde ata nu nu mende jandise mo,  
mowó nya dom na baba.
- 7 Nde ombusa nika Yesu a ta a daṅgwa o  
Galilea, ebanja asita apula daṅgwa o Yudea,  
onyolana Bona-Yuda ba ta ba pulise o bwa  
2 mo. \* Nde bunya-ba-bosaṅgi ba Bona-Yuda  
3 ba minoko bo ta bebe. \* Na bona-saṅgo ba

## Yohane 7.

kwalane mo na: Asumwe, o ale o Yudea, ná bokweli bon̄go b'ene bebolo bon̄go o ma-bolan̄o. \* Ebanja to-moto a si ma-bola lambo 4  
o diwuta, nu ma-pule ná a buse o mpoma. O ma-bola te ninka mambo, biise oamene na wase. \* Ebanja to bona-sāngo pe basita ba 5  
dube mo. \* Na Yesu a kwalane babo na: 6  
Pond'am e si poi, pond'anyu e ma-don̄gamene ponda yese. \* Wase e titi ná e sīnge binyo, 7  
nde e ma-sīnge mba, ebanja mba na ma-bola mbon̄ onyol'ao, ná bebolo bao be bobe. \* Binyo ala nde o bon bunya-ba-bosāngi, 8  
mba na si bedi wala o bon bunya-ba-bosāngi, ebanja pond'am esilondi. \* A kwalanno babo 9  
nika, na mo a dia o Galilea. \* Nde bona- 10  
sāngo ba boleno wala o bunya-ba-bosāngi, mo pe a timbi wala, nde seto o mpoma, nde ka diwuta. \* Nde Bona-Yuda bata bapulise mo 11  
o bunya-ba-bosāngi, ba kwala na: Nu e ue e? \* Nde gita la minyunyungu di ta oteten a di- 12  
muti onyol'ao; don̄go ba kwala na: E mot'a bwam, bane pe na: Kem, a ma-wondo bato. \* Nde to-moto a si ta a topo o mpoma onyol' 13  
ao onyola bon̄go ba Bona-Yuda.

Nde ke y'á oteten a bunya-ba-bosāngi, na 14  
Yesu 'ala o tempel, a lee. \* Nde Bona-Yuda 15  
bata banyaka, ba kwala na: Neni nun a bino betiledi, nde a s'okwe e? \* Na Yesu 'alabe, 16  
a kwalane babo na: Beleedi bam betiti bam, be nde ba nu nu lom mba. \* Yetena moto 17  
a ma-pula bola jemea lao, a mende bia onyola be beleedi, nga be wu nde na Loba, nga na



## Yohane 7.

- 18 ma-topo nde na mbamene. \* Nu nu ma-tope  
na momene, ama-pulise nde edub'ao momene;  
nde nu nu ma-pulise edub'a nu nu lom mo,  
19 mo nde e mbale, bobe pe botiti na mo. \* Seto  
Mose nde a boli binyo mbenda e? nde to-mo-  
wo nyanyu a si ma-bola yi mbenda. Nje lo  
20 ma-pulisen o bwa mba e? \* Na dimuti di  
alabe, di kwala na: O ben mudi ma bobe;  
21 nja nu ma-pulise o bwa oa e? \* Na Yesu  
'alabe, a kwalane babo na: Na boli ebolo  
22 ewo, nde binyo bese le manyaka. \* Onyola  
nika nde Mose a boli binyo bwendi, seto na  
bo wu nde na Mose, nde na batete, nde binyo  
23 lo m'enda moto o bunya-ba-wumse. \* Yetena  
moto a ma-kusa bwendi o bunya-ba-wumse,  
na mbend'a Mose e si bulea, nde lo lingane  
mba, na na bolise mot'a mususu o bunya-ba-  
24 wumse e? \* Lo si kaise onyola beombwedi,  
nde kaise muka mu tem.
- 25 Na doŋgo la bato ba Yerusalem ba kwala  
na: Seto nun nde ba pulisen o bwa e?  
26 \* Ombwa, a ma-topo na bwe, nde ba si ma-  
kwalane mo to-lambo. Bānedi ba soi na-  
27 mbale na nun e nde Kristo e? \* Nde di bi o  
ueni nun a wuno, nde Kristo a poi te, to-moto  
28 a si ma-bia wuma a wuno. \* Nde Yesu a ta  
a topo o tempel na doi di asam, ke ama-lee,  
a kwala na: E, binyo lo bi mba, lo bi pe o  
wuma na wuno! Nde na sipoi na mbamene,  
nde nu nu lom mba e mbale, nyena binyo lo  
29 si bino. \* Mba na bi mo, ebanja na wu nde  
30 na mo, mo pe nde a lom mba. \* Nde ba ta

## Yohane 7.

**ba**pula putea mo, nde to-moto a si **wele** mo **dia** o nyolo, ebanja pond'ao esi ta e má-po.  
\* Nde gita la ba dimuti bata badube mo, ba 31  
**kwala** na: Kristo apoi te ena abola beyemban  
**gita** buka ben nun ama-bolano e? \* Nde 32  
**Farisai** bata basenga, ná onyol'ao dimuti di  
**ma-topo** ninka minyunyungu. Na Farisai na  
**prisi** indene ba loma baboledi, ná ba puteye  
mo. \* Na Yesu akwala na: Son aponda nde 33  
**idia** mba o be na binyo, denge na m'ala na  
nu nu lom mba. \* Lo mende pulise mba, 34  
nde lo si mende so mba, wuma mba na ma-  
**beno**, lo si ma-wele po oten. \* Na Bona-Yuda 35  
**ba kwala** na babo momene na: O ueni nun a  
ma-pulano wala, ná di si mende so mo e? A  
ma-pula nde wala na bapambilan o Grikia o  
lee bato ba Grikia e? \* Neni yen eyala yeno, 36  
**akwalino** na: Lo mende pulise mba, nde lo  
si mende so mba, ná na: wuma na ma-beno,  
lo si ma-wele po oten e?

Nde o bunya bo sukan, o bunya bondene 37  
ba bunya-ba-bosaŋgi, Yesu a ta a teme, a te  
musea, akwala na: Moto ama-bwa te nyongi,  
a ye na mba, anyo. \* Nu nu dube mba, 38  
kana betiledi be kwalingo, miopi ma  
madiba ma louge mi mende busa o  
o nyol'ao. \* A kwali nde din onyola Mudī, 39  
muena ba badube mo bamendeno kusa, ebanja  
Mudī Musangi mu si ta, ebanja Yesu a si ta  
a má-busisabe. \* Nde gita la ba dimuti ba 40  
seŋgino ben beyala, ba kwala na: Nun e nde  
nu mutoper'a-mudī nambale. \* Bapepe ba 41

## Yohane 7. 8.

kwala na: Nun nde e Kristo. Bane pe ba  
kwala na: Kristo a ma-wa nde o Galilea e?  
42 \* Betiledi besikwali na: Kristo ama-wa nde  
o mbot'a Dawid na o mudi ma Betlehem,  
43 wuma Dawid a tano e? \* O nika jabane di  
44 timbi be oteten a dimuti onyol'ao. \* Nde  
donngo labu bata bapula putea mo, nde to-mo-  
wo a si ta a wele mo maa o nyolo.  
45 Nde baboledi bata batimba na prisi  
indene na Farisai, na babo bakwalane babo  
46 na: Onyolanje lo si wanno mo e? \* Na ba-  
boledi b'alabe na: To-moto a si topi ka nu  
47 moto ama-topono. \* Na Farisai b'alabe babo  
48 na: Binyo pe lo ma-wondobe pete e? \* To-  
mowo nya bānedi to nya Farisai a dube mo  
49 e? \* Nde din dimuti nde, lena di si bi mbenda —  
50 lou je omony abu! \* Na Nikodemo, mowo  
nyabu, nu ta nu po na mo o bulu, a kwa-  
51 lane babo na: \* Mbend'asu e ma-kaise moto  
obiana bama-sengane mo na bia nje a ma-  
52 bolano e? \* Na babo b'alabe, bakwalane mo  
na: Oa pe oe nde nya Galilea e? Wasa, o  
ene ná mutoper' a-mudi asima-busa o Galilea.  
53 \* Na moto na moto 'ala o nyao mboa.

8 Nde Yesu a ta 'ala o mudongo ma njabi.  
2 \* Nde o idibadiba na mo apo pe o tempel, na  
dimuti lese di po na mo, na mo aja wase, alee  
3 babo. \* Nde babiedi-ba-kalat' a-Loba na Fari-  
sai ba ta ba wana muto na mo, nyena nu ta  
nu putabele o musonje, na babo batese mo  
4 o teten, \* bakwalane mo na: A muleedi, nun

## Yohane 8.

muto a putabele o musonje. \* Nde Mose 'anedi 5  
biso o mbenda o jaŋgwa ninka madale; neni  
oa oma-kwalano e? \* Nde bata nde bakwa- 6  
lane mo din o keka mo, ná ba bene njom o  
alane mo o muka. Nde Yesu ata anuŋgame  
wase, a tila na mune o minyaŋgadu. \* Nde 7  
ba tiŋgamno juele mo, na mo a sumwa mu-  
lopo omony, a kwalane babo na: Nu nu si  
ben bobbe oteten anyu, asele jaŋgwa mo dale!  
\* Na mo anuŋgame pete wase, a tila o minyaŋ- 8  
gadu. \* Nde ba seŋgino nika, na babo ba 9  
busa mowó na mowó, botea baturu natena  
bautu, nde Yesu momene nde ata adia na nu  
muto nu ta nu teme o teten. \* Na Yesu a 10  
sumwa mulopo omony, nde a s'enne to-moto  
ke nu muto, na mo akwalane mo na: A muto,  
ba ba wan oa o muka be ue e? To-mowó  
asikwese oa e? \* Na mo akwala na: A 11  
Saŋgo, to-mowó. Na Yesu akwalane mo  
na: To mba pe na si ma-kwese so oa. Ala,  
osi bola pe bobbe tom.

Na Yesu akwalisane pete babo, akwala 12  
na: Mba nde ne muenen ma wase, nu nu  
ma-bupe mba, a simende daŋgwa o mui-  
titi tom, nde amende bene muenen ma  
longe. \* Na Farisai bakwalane mo na: Oa 13  
oma-bola mboŋ onyol'aŋgo momene; mboŋ  
aŋgo e titi mbale. \* Na Yesu 'alabe, a kwa- 14  
lane babo na: To na bola nde mboŋ onyol'  
am mbamene, mboŋ am nye mbale, onyolana  
na bi o ueni na wuno, na o ueni na m'alano;

## Yohane 8.

- nde binyo lo si bī o ueni na wuno, na o ueni  
15 na m'alano. \* Binyo lo ma-kaise kaponda  
16 eyobo, nde mba nasima-kaise to-moto. \* Nde  
to na ma-kaise nde, muka mam mue mbale,  
ebanja na titi mbamene mowó, nde biso na  
17 Tete nyena nu lom mba. \* E tilabe pe o  
mbend'anyu na: Mbon abato baba nye mbale.  
18 \* Mba na ma-bola mbon onyol'am, nde Tete  
nu lom mba, mo pe a ma-bola mbon onyol'am.  
19 \* Na babo ba kwalane mo na: Songo e o ue e?  
Na Yesu 'alabe na: Losibī mba, to Tete pe  
lo si bī. Lo bia te mba, ke lo wusa pe bia  
20 Tete. \* Yesu a ta nde a kwala ben beyala  
bebe na elimb'a njaŋgi, ke a ma-lee o tempel,  
nde to-moto a si ta a putea mo, ebanja pond'  
ao e si ta e má-po.
- 21 Na Yesu a kwalane pete babo na: Mba  
na m'ala, nde lo mende pulise mba, nde lo  
mende wo o bobe banyu. Wuma mba na  
22 m'alano, binyo lo si ma-wele po oten. \* Na  
Bona-Yuda ba kwala na: A ma-pula nde bwa  
momene, nde a ma-kwalano na: Wuma na  
23 m'alano, binyo lo si ma-wele po oten e? \* Na  
mo a kwalane babo na: Binyo lo wu nde na  
wase, mba na wu o mony; binyo le nde ba  
24 nin wase, mba na titi nya nin wase. \* Nika  
nde na kwalanno binyo na: Lo mende wo o  
miobe manyu, ebanja losidube te ná mba nu,  
25 ke lo mende wo o miobe manyu. \* Na babo  
ba kwalane mo na: Oa nja e? Na Yesu a  
kwalane babo na: Numene na má-laŋgweano  
26 binyo. \* Na ben mambo gita o topo na o

## Yohane 8.

kaise onyol'anyu; nde nu nulom mba e mbale,  
ma na seŋgino na mo, mo nde na ma-kwalano  
o wase. \* Nde ba si ta ba soŋtane, ná a ma- 27  
kwalane nde babo onyola Tete. \* Na Yesu 28  
a kwalane babo na: Yetena lo má-jondele te  
Muna-moto, deŋge lo mende bia, ná mba nu,  
nà na: na si ma-bɔla to-lambo na mbamene,  
nde kana Tete a ma-leeno mba, nikamene nde  
na ma-topono. \* Nu nu lom mba e na mba. 29  
Tete a si m'esele mba musoloki, ebanja na ma-  
bola nje e dolisan mo ponda yese. \* A kwa- 30  
lino man, na gita ba dube mo.

Na Yesu a kwalane Bona-Yuda ba dube 31  
mo na: Lo tiŋgam te o beyala bam, ke le  
bokweli bam nambale, \* nde lo mende bia 32  
mbale, nde mbale emende timbise binyo wo-  
nja. \* Na babo b'alabe mo na: Bisɔ je nde 33  
mbot'a Abraham, di si ta bakom bamoto tom.  
Neni o ma-kwalano na: Lo mende timba wo-  
nja? \* Na Yesu 'alabe babo na: Iwie, iwie, 34  
nā-laŋgwea binyo, to-nja nu ma-bole bobe,  
e nde mukom a bobe. \* Mukom a si ma-ja 35  
o ndabo ponda yese, muna a ma-ja ponda  
yese. \* Nde Muna a timbise te binyo 36  
wonja, ke lo ma-be wonja nambale.  
\* Na bī ná le nde mbot'a Abraham; nde lo 37  
ma-pulise bwa mba, ebanja eyal'am e si ma-  
koka na binyo. \* Na ma-topo nje n'enzo na 38  
Tete; binyo pe lo ma-bola nde nje l'enzo na  
saŋgo anyu. \* Na babo b'alabe, ba kwalane 39  
mo na: Abraham nde e saŋgo asu. Na Yesu  
a kwalane babo na: Le te bana ba Abraham,

## Yohane 8.

- 40 ke lo ma-bola bebolo ba Abraham. \*Nde lo  
ma-pulise bwa mba, moto nu kwalan binyo  
mbale, nyena na seŋgino na Loba. Abraham  
41 a si ta a bola nika. \*Binyo lo ma-bola bebolo  
ba saŋgo anyu. Na babo bakwalane mo na:  
Biso di si yabe o musonje; di ben nde saŋgo  
42 po, Loba. \*Na Yesu a kwalan babo na:  
Loba e te saŋgo anyu, ke lo wusa tondo  
mba; ebanja mba na wu nde na Loba, nde  
na poiŋo; ebanja na si poi na mbamene, mo  
43 nde alom mba. \*Nje losima-sontaneno bwa-  
mbo bam e? Ebanja lo si ma-wele seŋga  
44 beyala bam. \*Binyo lo wu nde na saŋgo  
(anyu) Satan, bepuledi ba saŋgo anyu pe nde  
lo ma-pulano bola. Mo a ta nde mot'ebwan  
natena o beboteri, nde asitem o mbale, eba-  
nja mbale etiti na mo. Ama-topo te lobaŋgo,  
ke a ma-topo nde lambo lao, ebanja e nde  
45 nyalobaŋgo na saŋgo ao. \*Nde onyolana  
46 mba na ma-topo mbale, lo si dube mba. \*Nja  
nyanyu nu ma-domele mba to onyola bobo  
bowo e? Nje so lo si ma-dubeno mba, ke na  
47 ma-kwala mbale e? \*Nu nye na Loba a ma-  
seŋga beyala ba Loba; onyola nika binyo lo  
si ma-seŋga, ebanja lo titi na Loba.
- 48 Na Bona-Yuda b'alabe, bakwalane mo  
na: Di si kwali bwam, na oe mot'a Samaria,  
49 o ben pe na mudī ma bobo e? \*Na Yesu  
'alabe na: Na si ben mudī ma bobo, nde na  
ma-bola Tete edube, nde binyo lo ma-yaŋa  
50 mba. \*Nde na si ma-pulise edub'am; mowó  
51 e nu ma-pulise mo na nu ma-kaise. \*Iwie,

## Yohane 8. 9.

iwie, nā-laŋgwea binyo, yetena moto  
a ma-neŋge eyal'am, a si mende jene  
kwedi natena o bwindea. \* Na Bona- 52  
Yuda ba kwalane mo na: Di soi so tatan, ná  
o ben mudī ma bobe. Abraham a wedi na ba-  
toperi-ba-mudī pe, nde oa o kwala na: Yetena  
moto a ma-neŋge eyal'am, a si mende jene  
kwedi natena o bwindea. \* Oa o buki saŋgo 53  
asu Abraham nu wedi e? Na batoperi-ba-  
mudī pe ba wedi. O ma-timbise nde oamene  
nja e? \* Na Yesu 'alabe na: Yetena na ma- 54  
sesa te mbamene, ke edub'am e titi to-lambo.  
Tete e nu ma-sese mba, nyena lo ma-kwalano  
na: E Loba lanýu; \* binyo lo si bī mo; nde 55  
mba na bī mo. Na kwali te ná na si bī mo,  
ke mba pe ne nde nyalobaŋgo ka binyo. Nde  
na bī mo, na ma-neŋge pe eyal'ao. \* Saŋgo 56  
anyu Abraham a ta a bwa munyenŋe o jene  
bunya bam; nde 'en mo, a bo pe munyenŋe.  
\* Na Bona-Yuda ba kwalane mo na: Oa o si 57  
poi to muatanu ma mbu, nde o ene Abraham  
e? \* Na Yesu akwalane babo na: Iwie, iwie, 58  
nā-laŋgwea binyo, obiana Abraham a ma-be,  
mba na ta. \* Na babo ba noŋgo madale o 59  
jaŋgwa mo, na Yesu a wuta momene, a busa  
o tempel.

Nde a tombino, na mo 'ene moto mowó nu 9  
yabe ndima. \* Na bokweli bao b'uele mo na: 2  
A rabi, nja a boli bobe, nun ŋga saŋgo ŋga  
nyaŋgo, nde a yabeno ndima e? \* Na Yesu 3  
'alabe na: To nun a si boli bobe, to saŋgo to  
nyaŋgo, nde ná bebolo ba Loba be biisabe



## Yohane 9.

- 4 na mo. \*N'angamen bola bebolo ba nu nu  
lom mba, kana yeno muese; bulu bo mende  
5 po boena moto atiti ná a bola ebolo. \*Kana  
6 nen o wase, ne muenen ma wase. \*A kwa-  
lino nika, na mo a to malodi o wase, a puñ-  
gwane malodi mutama, 'okise mu mutama o  
7 miso ma nu mot'a ndima, \*akwalane mo na:  
Ala joe o ebulu a Siloam, nika nye nde na:  
8 Lomabe. Na mo ala, 'oe, a wa na jene. \*Na  
bato-ba-teten-a-mboa na ba bata b'ene mo  
nged'a boso ka muakwedi, ba kwala na: Seto  
9 nun nde a ta a ja o jakwa e? \*Nde dongo  
ba ta ba kwala na: E, mo nu. Bane pe na:  
Kem, a wan nde mo. Na momene akwala  
10 na: Mbamene nu. \*Na babo ba kwalan mo  
11 na: Neni miso mongo matelamno e? \*Na  
mo 'alabe, a kwala na: Moto nu belabe Yesu  
nde a puño mutama, 'okise mba mo o miso,  
akwalane mba na: Ala joe o ebulu a Siloam.  
12 Nde n'alo, n'oeno, nde na timbino jene. \*Na  
babo ba kwalan mo na: E o ue e? Na mo  
a kwala na: Na si bi.
- 13 Na babo b'alan nu nu ta ndima na Fari-  
14 sai. \*Nde e ta nde bunya-ba-wumse ná Yesu  
15 a puñgono mutama, a teleno miso mao. \*Na  
Farisai pe b'uele mo, neni a kusino jene. Na  
mo a kwalan babo na: A wele nde mba mu-  
16 tama o miso, n'oe, nde n'engo. \*Na dongo  
la Farisai ba kwala na: Nu moto asiwu na  
Loba, ebanja asima-neñge bunya-ba-wumse.  
Bapepe pe ba kwala na: Neni mot'a bobo eno  
ná a bola ninka beyemban e? Nde jabane

## Yohane 9.

di ta oteten abu, \*Na babo bakwalane pete 17  
nu mot'a-ndima na: Oma-kwala na nje onyol'  
ao, kana a teleno miso mongo e? Na mo a  
kwala na: E nde mutoper'a-mudi. \*Nde 18  
Bona-Yuda ba si ta badube onyol'ao, ná a ta  
ndima, nde a timbi jene, natē ba bele saŋgo  
a nu nu timbi jene, na nyaŋgo, \*b'uele babo, 19  
ba kwala na: Mun'anyu nu, lo ma-kwalano,  
ná a yabe ndima e? Neni a n'enenō tatan e?  
\*Na saŋgo na nyaŋgo b'alabe, ba kwala na: 20  
Di bī ná mun'asu nun, nà ná a yabe ndima;  
\*nde di si bī neni a n'enenō tatan, nga nja 21  
nu tele miso mao, di si bī. A má-koka, 'uele  
mo, a topeye momene. \*Saŋgo nanyaŋgo ba 22  
ta ba kwala nika, ebanja ba ta ba bwa Bona-  
Yuda bongo; ebanja Bona-Yuda bata ba bole,  
ná moto a pusele te na, e nde Kristo, a ma-  
busisabe o ndabo a ndongamen. \*Onyola 23  
nika nde saŋgo na nyaŋgo ba kwalino na:  
A má-koka, 'uele momene.

Na babo ba bele pete nu moto nu ta ndi- 24  
ma ŋgedi nipepe, bakwalane mo na: Bola  
Loba edube; di bī, ná nu moto e mot'a bobē.  
\*Na mo 'alabe, a kwala na: Nga e mot'a 25  
bobē, nasi bī; nabī nde diwo mēne, ná nata  
ndima nde tatan na m'ene. \*Na babo ba 26  
kwalanē pete mo na: A boledi nde oa ne e?  
Neni a teleno miso mongo e? \*Na mo 'alabe 27  
babo na: Na má-laŋgwea binyo, nde losiseŋgi.  
Nje lo ma-pulano pete seŋga e? Binyo pe lo  
ma-pula timba bokweli bao e? \*Na babo ba 28  
loa mo, ba kwala na: Oa nde oe mokwel'ao,

## Yohane 9. 10.

- 29 biso je nde bokweli ba Mose. \*Biso di bi  
 ná Loba a ta a kwalisane Mose, nde di si bi  
 30 o ueni nu a wuno. \*Na nu moto 'alabe, a  
 kwalane babo na: Ninka nye manyaka, ná  
 binyo lo si bi o ueni a wuno, nde á tele mba  
 31 miso. \*Di bi nde ná Loba a si ma-seŋgane  
 babobe, nde yetena moto a ma-bwa te Loba  
 boŋgo, nde a bola pe jemea lao, mo nde a  
 32 ma-seŋganeno. \*Natena kwaŋkwaŋ e si seŋ-  
 gabe, ná moto a tele miso ma mowó nu yabe  
 33 ndima. \*Nun a si wu te na Loba, ke a titi  
 34 ná a wele bola to-lambo. \*Na babo b'alabe,  
 ba kwalane mo na: O yabe pon nde o bobe,  
 nde o ma-pula lee biso e? Na babo ba kyo-  
 mele mo o eboko.
- 35 Nde Yesu a ta a seŋga ná ba kyomele mo  
 o eboko, nde a doŋgamenno mo, na mo a  
 36 kwalane mo na: O dube Mun'a Loba e? \*Na  
 mo 'alabe, a kwala na: A Saŋgo, e nde nja,  
 37 ná na dube mo e? \*Na Yesu a kwalane mo  
 na: O má-jene mo, nu nu ma-kwalisane oa e  
 38 nde mo. \*Na mo a kwala na: A Saŋgo, na  
 39 dube, na mo a ko wase, 'owe mo. \*Na Yesu  
 a kwala na: Na poi o muka o nin wase, ná  
 ba bena ba si m'ene b'ene, ba pe bena ba  
 40 m'ene ba timbe ndima. \*Nde Farisai bena  
 ba ta na mo ba seŋgino nika, na babo b'uele  
 41 mo na: Biso pe je ndima e? \*Na Yesu a  
 kwalane babo na: Le te ndima, ke lo si wusa  
 bene bobe. Tatan so lo ma-kwala na: di  
 m'ene, bobe banyu bo ma-tika na binyo.
- 10 Iwie, iwie, nā-laŋgwea binyo, nu nu si

## Yohane 10.

m'ingeye la jombe o dibemba la midongi, nde  
 alanda nde la wuma ipepe, mo e nde muibedi  
 na mot'ebwan. \*Nde nu nu m'ingeye la 2  
 jombe, e nde mutater'a midongi. \*Mo nde 3  
 mutater'a jombe a ma-teleyeno, nde midongi  
 pe misenga doi lao, nde a ma-bele midongi  
 mao na mina, abusise mo. \*Nde abusise te 4  
 midongi mao, na mo a teme mo oboso, nde  
 midongi mi kumwa bupe mo; ebanja mi bi  
 doi lao. \*Nde mi titi na mi bupe muen, mi 5  
 ma-nya nde mo mila; ebanja mi si bi doi la  
 ben. \*Yesu a ta a kwalane babo mu munia, 6  
 nde ba si ta ba sontane nje a tano a kwalane  
 babo. \*Na Yesu a kwalane pete babo 7  
 na: Iwie, iwie, na-langwea binyo, mba nde  
 ne jombe la midongi. \*Bese bena ba ta ba 8  
 sele po oboso bam, be nde bibedi na bato  
 b'ebwan, midongi mi si ta mi sengane babo.  
 \*Mba nde ne jombe. Yetena moto 'ingedi na 9  
 mba, a mende jongisabe, a mende jingea na  
 busa, a dia wum'a bededi. \*Muibedi asima- 10  
 po, ke o jiba na o bwa na o nyamse. \*Mba 11  
 na poi, na ba bene longe na njoasoa. \*Mba 12  
 nde ne mutater'a bwam. Mutater'a bwam  
 a ma-bola longe lao onyola midongi. Nu nu  
 kakabe, nyena atiti mutateri, nu siben mi-  
 dongi, 'en te na njo ema-ya, na mo 'esele mi-  
 dongi, a nya mila; na njo eputea, epambilane  
 midongi. \*Nde nu nu kakabe ama-nya, ebanja 13  
 a kakabe nde, a si dube midongi. \*Mba nde 14  
 ne mutater'a bwam, na bi bam, bam pe ba bi  
 mba; \*kana Tete a bino mba, mba pe na bia 15

## Yohane 10.

- Tete. Nde na m'esele loṅge lam onyola mi-  
16 doṅgi. \* Na ben pe midoṅgi mipepe, miena  
mi titi ma din dibemba, n'aṅgamen pe wana  
mo, nde mi mende seṅga doi lam, nde dibe-  
mba diwo di mende be na mutateri mowó.  
17 \* Onyola nika nde Tete a tondino mba, onyo-  
lana na ma-bola loṅge lam, ná na ma-noṅgo  
18 pe mo. \* To-moto a si ma-noṅgone mba mo,  
nde na ma-bola mo na mbamene. Na ben  
ṅginya o bola mo, na ben pe ṅginya o noṅgo  
pe mo. Ben beanedi nde na kusino na Tete.  
19 \* Jabane di ta pete di timba be oteten a Bona-  
20 Yuda onyola ben beyala. \* Nde gita labu  
ba ta ba kwala na: A ben mudī ma bobe, a  
ma-boa pe na njou; nje loma-seṅganeno mo e?  
21 \* Bane pe ba kwala na: Ben beyala be titi  
ba moto nu ben mudī ma bobe. Mudī ma  
bobe muena mu tele miso ma bandima e?  
22 Nde bunya ba joṅgele la tele la tempel o  
Yerusalem bo ta bo po. Nde eta nde pond'  
23 epupa. \* Nde Yesu a ta a daṅgwa o tempel  
24 o dibepe la Salomo. \* Na Bona-Yuda ba diṅ-  
gele mo, ba kwalane mo na: Natena njika  
ponda o ma-tikiseno midī masu onyola penda e?  
25 Yetena oe nde Kristo, pusele biso nika. \* Na  
Yesu 'alabe babo na: Na má-laṅgwea binyo,  
nde lo si dube; hebolo na ma-bolano o dina la  
26 Tete, be ma-bola mboṅ onyol'am. \* Nde binyo  
lo si dube, ebanja lo titi na midoṅgi mam, kana  
27 na kwalanno binyo. \* Midoṅgi mam mi  
ma-seṅga doi lam, na bī mo, mima-bupe  
28 pe mba. \* Nde na ma-bola mo loṅge la

## Yohane 10.

bwindea; nde misimende nyama tom  
natena o bwindea, nde to-moto asi  
mende sua mo o dia lam. \*Tete nu boli 29  
mba mo, abuki bese, to-moto atiti ná  
asua mo o dia la Tete. \*Biso na Tete 30  
je nde mowó.

Na Bona-Yuda banongo pete madale o jañ- 31  
gwa mo. \*Na Yesu 'alabe babo na: Na má- 32  
leele binyo gita la bebolo ba bwam, bena be  
wu na Tete; onyola njika ebolo so lo m'añ-  
gwanó mba madale e? \*Na Bona-Yuda b' 33  
alabe mo na: Di si m'añgwa oa madale onyola  
ebol'a bwam, nde onyola dibena, na onyolana  
oe nde moto, nde o timbise oamene Loba.  
\*Na Yesu 'alabe babo na: E si tilabe o mbend' 34  
anyu na: „Na kwali na, binyo le maloba e?“  
\*Yetena a bele te babo maloba bena eyal'a 35  
Loba e poyedino, — nde betiledi be titi ná  
be wele bulabele, — \*lena lo wele kwalane 36  
nu nyena Tete asangiseno, a loma pe mo o  
wase, na: Oma-topo dibena, onyolana nakwali  
na: ne Mun'a Loba e? \*Yetena nasima-bola 37  
bebolo ba Tete, losidube mba. \*Nde yetena 38  
na ma-bola mo, dube so bebolo, yetena lo si  
dube mba, ná lo bie, lo dube pe, ná Tete e  
oteten am, mba pe oteten ao.

Na babo ba pula pete putea mo, na mo a 39  
busa o maa mabu. \*Na mo 'ala pete o mune 40  
muri ma Yordan, o wuma Yohane a tano a  
sele dubise, na mo a ja oten. \*Nde gita ba 41  
ta bapo na mo, bakwala na: Yohane a si  
boli to eyemban, nde mese Yohane akwalino

## Yohane 10. 11.

42 onyola nun moto me mbale. \* Nde gita bata  
ba dube mo oten.

- 11 Nde moto mowó a ta a boa, Lasaro nya  
Betania, o mundi ma Maria na muna-nyaño  
2 Marta. \* (E ta nde nu Maria, nyena nu ta  
ny'okise Yesu, a tuta pe miende mao na nyo  
3 ao, ndom'ao Lasaro nde a ta a boa). \* Nde  
bona-nyaño ba bito bata balomea mo muendi  
o kwala na: A Saño, ombwa, nu o tondino  
4 a ma-boa. \* Yesu a seŋgino nika, na mo a  
kwala na: Din diboa di titi la kwedi, nde  
onyola edub'a Loba, ná Mun'a Loba a busi-  
5 sabe onyol'ao. \* Nde Yesu ata a tondo Marta  
na muna-nyaño nya muto, na Lasaro pe.  
6 \* A seŋgino ná a ma-boa, na mo a ja pete o  
7 ua wuma a tano minya miba. \* Nde ombusa  
nika na mo akwalane bokweli bao na: Esele  
8 biso di ale pete o Yudea. \* Na bokweli ba  
kwalane mo na: A rabi, tatan nde Bona-Yuda  
batano ba pula jaŋgwa oa madale, nde o pula  
9 pete wala oten e? \* Na Yesu 'alabe na:  
Bunya bo si ben nde dom la ngen na iba e?  
Moto a ma-daŋgwa te o muese a si ma-kobo  
dibao, ebanja a m'ene muenen ma nin wase.  
10 \* Nde moto a ma-daŋgwa te o bulu a ma-kobo  
11 dibao; ebanja muenen mutiti na mo. \* A  
kwali nika, nde ombusa nika na mo a kwa-  
lane babo na: Dikom lasu Lasaro akwedi iyo,  
12 nde na m'ala o jumwele mo. \* Na bokweli  
ba kwalane mo na: A Saño, akwedi te iyo,  
13 ke a mende joŋga. \* Nde Yesu a ta nde a  
kwala onyola kwed'ao, nde babo bata nde

## Yohane 11.

b'ongele na, a kwali nde onyola wumse la iyo. \* Ombusa nika Yesu a teleye babo na: 14 Lasaro a wedi; \* nde nama-bwa munyenge 15 onyol'anyu, ná nasita oten, ná binyo lo dube; nde esele biso di ale na mo. \* Na Tomasi, 16 nu belabe Mawasa, a kwalane bane bokweli na: Esele biso di ale, di wo na mo.

Nde Yesu a poino a bomane mo á o songo 17 minya minei. \* Nde Betania bata bebe na 18 Yerusalem, to dom la stadia na itanu. \* Nde 19 gita la Bona-Yuda bata bapo na Marta na Maria o jembe babo onyola ndom'abu. \* Marta 20 a sengino ná Yesu ani-ya, na mo 'ala o don-gamene mo; nde Maria ata aja o ndabo. \* Na Marta a kwalane Yesu na: A Sango, 21 o be te o uan, ke muna-nyango am asi wedi. \* Nde to tatan na bi ná to-nje o ma-sosomeano 22 Loba, Loba a ma-bola oa. \* Na Yesu akwa- 23 lane mo na: Muna-nyongo a mende pumbwa. \* Na Marta a kwalane mo na: Na bi ná a 24 mende pumbwa o bepumbwedi ba bunya bo sukan. \* Na Yesu a kwalane mo na: Mba 25 nde ne bepumbwedi na longé; nu nu dube mba amende be longé, to a wo nde. \* Nde to-nja nu ma-be longé nde 26 adube mba, asimende wo natena o bwindea. O dube nika e? \* Na mo akwa- 27 lane mo na: E, a Sango, na dube, ná oa oe nde Kristo, Mun'a Loba, nu ma-po o wase. \* Nde akwalino nika na mo 'ala, a bele muna- 28 nyango Maria o esoka, akwala na: \* Muleedi 29 amá-po, ama-bele oa. \* Nun a sengino nika, 30



## Yohane 11.

31 na mo a wamse teme, 'ala na mo. \* Nde Yesu  
 a si ta a má-po o mundi, ata nde o ua wuma  
 32 Marta a doŋgamenno mo. \* Nde Bona-Yuda  
 bena bata na mo o ndabo o jembe mo, b'  
 enno ná Maria a wamse teme, abusa, na babo  
 babupe mo, bakwala na: A m'ala nde o soŋgo  
 33 o jeya oten. \* Nde Maria apoino o ua wuma  
 Yesu a tano, 'enno mo, a ko wase o miende  
 mao, a kwalane mo na: A Saŋgo, o be te o  
 34 uan, ke muna-nyaŋgo am a si wedi. \* Nde  
 Yesu 'enno mo a m'eya, Bona-Yuda bata na  
 mo pe b'eya, aliŋga o mudī mao, teten ao  
 35 pe e puŋgwea, \* a kwala na: O ueni lo neŋ-  
 geno mo e? Na babo ba kwalane mo na: A  
 36 Saŋgo, ya jombwa. \* Na Yesu akoma misodi.  
 \* Na Bona-Yuda ba kwala na: Ombwa te neni  
 37 a tondino mo e! \* Na doŋgo labu ba kwala  
 na: Nun nu tele miso ma mot'a-ndima, a si  
 38 weli pe bola ná nun a si wo e? \* Na Yesu  
 a liŋga pete oteten ao, na mo'ala o soŋgo.  
 Nde eta nde mulomba, dale pe di naŋga  
 39 omony ao. \* Na Yesu a kwala na: Binyo  
 sumwa dale! Na Marta, muna-nyaŋgo a nu  
 nu wedi, a kwalane mo na: A Saŋgo, a ni-  
 40 numba, ebanja y'á minya minei. \* Na Yesu  
 a kwalane mo na: Nasikwalan oa na, o dube  
 41 te o mende jene edub'a Loba e? \* Na babo  
 ba sumwa dale o wuma nu nu ta nu wo a  
 tano a naŋga. Na Yesu a sumwa miso mao  
 omony, a kwala na: Ate, na som oa, ná o  
 42 seŋgan mba. \* Na bī ná o ma-seŋgane mba  
 ponda yese; nde na kwali nde nika onyola

## Yohane 11.

dimuti di tem o uan, ná ba dube ná oa nde  
olom mba. \* A kwalino nika, na mo a bele 43  
na doi dindene na: A Lasaro busa! \* Na nu 44  
nur ta nu wo abusa, akakabe miende na maa  
na mabato ma songo, boso pe bo kakabe na  
wangisi. Na Yesu akwalane babo na: Wunja  
mo, 'ale. \* Nde gita la Bona-Yuda bena ba 45  
ta ba po na Maria, b'enzo nje Yesu a bolino,  
na babo ba dube mo.

Nde dongo labu bata b'ala na Farisai, ba 46  
langwea babo nje Yesu a bolino. \* Na prisi 47  
indene na Farisai ba kotele muemba ma ba-  
kaisedi bandene, ba kwala na: Di ma-bolea  
ne, kana nu moto ama-bolano gita la beyem-  
ban e? \* Di esele te mo nika, ke bese ba 48  
mende dube mo, nde bato ba Roma ba mende  
po, ba mende nongone biso wum'asu na bato  
basu. \* Nde mowó nyabu, Kaifa, nu ta prisi 49  
nindene o mu mbu mene, akwalane babo na:  
Lo si bi to-lambo, \* lo si m'ongele to ná e añ- 50  
gamen biso ná moto mowó a wo onyola ekombo,  
ná ekombo yese e si nyama. — \* Nde a si 51  
kwali nika na momene, nde onyolana a ta  
prisi nindene o mu mbu mene, a topi nde be-  
dinge; ebanja Yesu a ta 'angamene wo onyola  
ekombo, \* nde seto onyola y'ekombo momene, 52  
nde ná a kotele pe bana ba Loba ba pambilan  
o jakotone diwo. — \* Botea bo bunya so nde 53  
bawekino muano o bwa mo. \* Nde Yesu 54  
a si ta pe a dangwa o mpoma oteten a Bona-  
Yuda, nde a ta 'asumwe oten, 'ala o epas'a  
wuma eta bebe na eyan, o mundi mu belabe

## Yohane 11. 12.

Efrem, oten nde ajaino na bokweli bao.  
55 \* Nde Pasah nya Bona-Yuda eta bebe. Nde  
gita la ba y'epasi bata b'ala omony o Yeru-  
salem, obiana Pasah ema-po, o sangise babo  
56 momene. \* Nde bata bapulise Yesu, ba teme  
o tempel, ba kwalane mowó na nune na: Lo  
m'ongele na nje e? A si mende po o bunya-  
57 ba-bosangi e? \* Nde prisi indene na Farisai  
ba ta babola mbenda, ná moto a bi te wuma  
eno a langwe, ná ba puteye mo.

(12, 1—8: Mat. 26, 6—13. Marko 14, 3—9.)

12 Nde Yesu a ta a po o Betania minya mu-  
toba oboso ba Pasah, o wuma Lasaro nu nu  
ta nu wo a tano, nyena Yesu a pumbweleno  
2 o kwedi. \* Nde bata b'ipele mo da l'ebiamu  
oten, Marta ata a bolea babo; Lasaro pe ata  
mowó nya ba bata baja o tebedi na mo.  
3 \* Nde Maria a ta anongo fund po nya joki  
la niti la nardo la mususedi mundene, 'okise  
mo Yesu o miende, na mo a tuta pe miende  
mao na nyo ao; nde ndabo eta elonda na  
4 enumb'a di joki. \* Nde mowó nya bokweli  
bao, Yuda, mun'a Simon, Iskariot, nu nu mende  
5 jandise mo, a kwala na: \* Onyolanje ba s'  
andisenó di joki onyola bebwea ba denario  
6 belalo ba bola mo batuedi e? \* A kwali nika  
seto na ata adube onyola batuedi, nde ebanja  
ata mot'a-jiba, mo pe nde ata anenge mu-  
kuta ma moni, a bambe ma mā-welebe oten.  
7 \* Na Yesu akwala na: Esele mo, anenge nde  
8 din onyola bunya ba pulame lam. \* Ebanja

## Yohane 12.

lo ben batuedi ponda yese na binyo, nde lo  
siben mba ponda yese. \* Nde dimuti la Bona- 9  
Yuda dindene di bino, ná e oten, na babo ba  
po, seto onyola Yesu momene, nde ná b'ene  
pe Lasaro apumbweleno o kwedi. \* Nde prisi 10  
indene i ta i weka muano, ná ba bwe pe La-  
saro, \* onyolana onyol'ao gita la Bona-Yuda 11  
b'alo, ba dube Yesu.

(12—19: Mat. 21, 1—11. Marko 11, 1—10. Luk. 19, 29—40.)

Nde o bone ba kiele dimuti dindene lena 12  
di ta di po o bunya-ba-bosaŋgi, di seŋgino ná  
Yesu a ma-ya o Yerusalem, \* na babo ba 13  
nongo beyenge, b'ala doŋgamene mo, ba te  
misea na: „Hosana, bonam na nu nu ma-po  
o dina la Saŋgo, Kiŋ'a Bona-Israel.“ \* Nde 14  
Yesu a ta aso son a esel, na mo aja oten, kana  
e tilabeno na: \* „Osibwa bongo, a ngonder'a 15  
Sion, ombwa Kiŋ'a aŋgo e ma-ya, ejai omony  
a mun'a esel.“ \* Nde bokweli bao ba si ta 16  
ba soŋtane nika nged'a boso, nde niponda  
Yesu a busisabeno, na babo batimba joŋgele,  
ná din di ta di tilabe onyol'ao, nde ba boli pe  
din na mo. \* Ebanja dimuti lena di ta na mo, 17  
niponda a beleno Lasaro o soŋgo, nde apum-  
bwele pe mo, di ta di bola mboŋ; \* onyola 18  
nika nde dimuti di tano di ala o doŋgamene  
mo, ebanja ba seŋgi, ná a boli yen eyemban.  
\* Nde Farisai ba ta bakwalane babo momene 19  
na: Ombwa te, lo titi ná lo toŋgwele to-lambo;  
ombwa, wase e má-bupe nde mo.

Nde doŋgo la bato ba Grikia bata oteten 20  
a ba, bena bata b'ala omony, o kane o bunya-

## Yohane 12.

- 21 ba-bosaṅgi; \* babo ba ta ba po na Filipino nya  
 Betsaida o Galilea, basosomea mo, ba kwala  
 22 na: A saṅgo, di ma-pula jene Yesu. \* Nde  
 Filipino ata 'ala, a laṅgwea Andrea, na Andrea  
 23 na Filipino pe balaṅgwea Yesu. \* Na Yesu  
 'alabe babo, a kwala na: Ponda emá-po, ná  
 24 Muna-moto a ma-busisabe. \* Iwie, iwie, nā-  
 laṅgwea binyo, diso la mbasi di si kwedi te  
 o minyaṅgadu, nde di wo, di ma-ja nde muso-  
 loki; nde di wedi te, di ma-wana bepuma gita.  
 25 \* Nu nu tondi loṅge lao, a mende pimba mo;  
 nde nu nu singe loṅge lao o nin wase, a  
 26 mende kombe mo o loṅge la bwindea. \* Moto  
 ama-bolea te mba, eseḷe mo abupe mba; nde  
 o wuma mba neno, oten nde muboled'am pe  
 amendeno be. Nde moto ama-bolea te mba,  
 27 Tete amende bola mo edube. \* Tatan mulema  
 mam mu puṅgwedi; na ma-kwala so na nje?  
 Ate, suṅgamba onyola nin ponda? Nde o-  
 nyola nikamene nde na poino onyola nin ponda.  
 28 \* Ate, busise dina loṅgo! Na doi di wa  
 o mony na: Nata na busise mo, nde na  
 29 mende pete busise mo. \* Nde dimuti lena  
 di ta di teme bebe, di seṅgino nika, di kwala  
 na: Ngad'a Loba nde etopi. Bane pe na:  
 30 Angel nde e kwalisan mo. \* Na Yesu 'alabe,  
 a kwala na: Di doi di si wu onyol'am, nde  
 31 onyol'anyu. \* Tatan nde muka ma nin wase  
 mueno, tatan nde muaned'a nin wase a ma-  
 32 pimbabeno o uone. \* Nde mba n'ondabele  
 te na wase, na mende duta bese na mba.  
 33 \* Nde a kwali nde din, o leeḷe njika kwedi

## Yohane 12.

amendeno wo. \* Na dimuti di alabe mo na: 84  
Di sengi o mbenda, ná Kristo ama-ja bebe  
bese, neni so oa oma-kwalano ná Muna-moto  
a mende jondabele o mony e? Nja e nu Muna-  
moto e? \* Na Yesu a kwalane babo na: 85  
Muenen mudia pe nde na binyo son aponda.  
Binyo dangwa kana lo benno muenen, esi ya  
be muititi mukoye binyo. Nu nu ma-dangwe  
o muititi a si bi wuma a m' alano. \* Kana lo 86  
benno muenen, dube muenen, ná lo timbe bana  
ba muenen.

Yesu a kwalino man, na mo 'asumwe, a 87  
wuta momene oboso babu. Nde tona abolino  
ninka beyemban bendene oboso babu, basita  
ba dube mo, \* ná eyal'a mutoper'a-mudi Ye- 88  
saia elonde, a kwalino na: „A Saŋgo, nja nu  
dube miaŋgo masu e? Enam'a Saŋgo pe e  
biisabe na nja e?“ \* Onyola nika basita ba 39  
wele dube, ebanja Yesaia a kwali pete na:  
\* „Ata a dimse miso mabu, 'enyise pe mulema 40  
mabu, ná ba s'ene na miso, to sontane na  
mulema, ná b'atele, nde na bolise babo.“ \* Nika 41  
nde Yesaia a kwalino, onyolana ata 'ene bo-  
saŋgi bao, nde a kwalino pe onyol'ao. \* Nde 42  
to e be na nika, gita la bānedi ba ta ba dube  
mo, nde onyola Farisai basita ba pusele nika,  
ná ba si ya be ba busisabe o ndabo a ndon-  
gamen. \* Ebanja bata batondo edub'a bato, 43  
buka edub'a Loba. \* Nde Yesu a bele, akwala 44  
na: Nu nu dube mba, seto mba nde adubeno,  
nde nu nu lom mba. \* Nu pe nu m'ene mba, 45  
am'ene nu nu lom mba. \* Napoi nde o wase 46

## Yohane 12. 13.

ka muenen, ná moto na moto nu dube mba,  
 47 asima-ja o muititi. \* Nde yetena moto a ma-  
 senğa te beyala bam, nde asinenge mo, mba  
 na si ma-kaise mo; ebanja na si poi o kaise  
 48 wase, nde o suŋga wase. \* Nu nu ma-yañe  
 mba, nu si ma\*nonge pe beyala bam, a ben  
 nu nu ma-kaise mo; eyala na tano na kwala,  
 mo nde e mende kaise mo o bunya bo sukan;  
 49 \* ebanja na si ta na kwala na mbamene, nde  
 Tete nu lom mba, mo nde 'anedi mba nje  
 n'aŋgamenno kwala na nje n'aŋgamenno topo.  
 50 \* Nde na bi ná beanedi bao be longe la  
 bwindea. To-nje so na ma-kwalano, kana Tete  
 a kwalanno mba, nika nde na ma-kwalano.

13 Nde oboso ba bunya-ba-bosaŋgi ba Pasah,  
 Yesu a bino ná pond'ao e má-po, ná a m'asum-  
 we o nin wase a m'ala na Tete, kana a tano  
 a tondo bao bena ba ta o wase, a ta a tondo  
 2 babo natena o su. \* Nde onyola da l'ebiamu,  
 niponda Satan a boleno bola Yuda, mun'a  
 Simon, Iskariot, o mulema, ná 'andise mo,  
 3 \* Yesu a bino ná Saŋgo a má-bake mambo  
 mese o maa mao, ná ná a ta a wa na Loba,  
 4 nde a ma-timba pe na Loba, \* na mo a teme  
 o da, a songwa mboti, a nongo tauedi, a boto  
 5 mo, \* a koma madiba o pok'a joe, na mo a  
 kumwa joa miende ma bokweli, a tuta pe mo  
 6 na tauedi a tano a boto. \* Nde a pino na  
 Simon Petro, na mo a kwalane mo na: A  
 7 Saŋgo, oa nde o m'oe mba miende e? \* Na  
 Yesu 'alabe, a kwalane mo na: Nje na ma-

### Yohane 13.

bolano o si bi mo tatan, nde o mende bia mo  
 ombusa nika. \* Na Petro a kwalane mo na: 8  
 O sim'oa miende mam tomtom. Na Yesu  
 'alabe mo na: Nas'ou te oa, ke o siben dongo  
 na mba. \* Na Simon Petro a kwalane mo na: 9  
 A Saŋgo, seto miende mam momene so, nde  
 maa na mulopo pe. \* Na Yesu a kwalane mo 10  
 na: Nu ny'oabe asi ma-pula pe joe ke miende,  
 ebanja mo nyese a saŋgi; binyo pe lo saŋgi,  
 nde seto bese. \* Ebanja a ta a bia nu nu 11  
 mende jandise mo, onyola nika nde a kwalino  
 na: Seto binyo bese nde lo saŋgi. \* Nde a 12  
 boleno joa babo miende, abotino pe mbot'ao,  
 ajaino o tebedi, na mo a kwalane babo na:  
 Lo binje na boledino binyo e? \* Binyo lo 13  
 ma-bele mba muleedi na saŋgo, nde lo kwali  
 bwam, ebanja ne nde nikamene. \* Ye so te 14  
 na mba, muleedi na saŋgo, n'ou te binyo  
 miende, binyo pe l'aŋgamen joane mowó na  
 nune miende. \* Ebanja na boli nde binyo 15  
 eyemban, na binyo pe lo bole kana na  
 boledino binyo. \* Iwie, iwie, nā-laŋgwea 16  
 binyo, muutu a si buki saŋgo ao, to nu pe  
 nu lomabe, asibuki nu nu lom mo. \* Lo bi 17  
 te nika, bonam na binyo, ke lo ma-bola  
 mo. \* Nasima-kwala onyola binyo bese; na 18  
 bi banja na posino, nde ná betiledi be londe  
 na: „Nu nu ma-de ewolo na mba, a sumo  
 taŋga lao lingise mba.“ \* Na ma-laŋgwea bi- 19  
 nyo nika tatan, obiana di ma-bolane, ná di  
 bolan te, binyo lo dube ná mba nu. \* Iwie, 20  
 iwie, nā-laŋgwea binyo, nu nu ma-nonŋe nu



## Yohane 13.

mba na lomno, a ma-nongo nde mba; nde nu nu ma-nonge mba, a ma-nongo nde nu nu lom mba.

(21—30: Mat. 26, 21—25. Marko 14, 18—21. Luk. 22, 21—23.)

- 21 Nde Yesu a kwalino nika, na mudī mao mu pungwea, na mo a bola mbon, a kwala na: Iwie, iwie, nā-laŋwea binyo, mowó nya-  
 22 nyu a mende jandise mba. \*Nde bokweli ba ta ba kumwa jombwane mowó na nune, ba  
 23 nyaka njika mowó a ma-kwalano. \*Nde mowó nya bokweli bao, nu Yesu a tano a tondo,  
 24 a ta a semeye o bwaŋga ba Yesu o tebedi. \*Mo nde Simon Petro a tano a pepe, ná a baise  
 25 nja a kwalino. \*Na mo a semeye o bwaŋga ba Yesu, a kwalane mo na: A Saŋgo, nja na e?  
 26 \*Na Yesu 'alabe na: Nu nyena na ma-dubisenon tambu, nde na bola mo, ke mo nu. Na mo a dubise tambu, a bola mo Yuda, mun'a  
 27 Simon, Iskariot. \*Nde ombusa tambu na Satan 'ingea oteten ao. Na Yesu a kwalane  
 28 mo na: Nje o ma-bolano, wamse bola. \*Nde to-mowó nya ba ba ta baja o tebedi a si ta a sontane onyola njika lambo a kwalanno mo  
 29 nika. \*Dongo ba ta b'ongele na, onyolana Yuda nde a ta 'alea mukuta ma moni, nde Yesu a kwalanno mo na: Anda nje e aŋga-  
 30 men biso onyola-bunya-ba-bosaŋgi, to ná a bole batuedi son a lambo. \*Nde a nongino tambu, na mo a busa dibokimene. Nde eta nde bulu.  
 31 Nde a busino, na Yesu a kwala na: Tatan nde Muna-moto a busisabeno, nde Loba pe

## Yohane 13. 14.

a busisabe onyol'ao. \* Yetena Loba a busi- 32  
sabe onyol'ao, ke Loba pe a mende busise  
mo onyol'ao momene, nde a mende wamse  
busise mo. \* A bana, na dia pe nde na binyo 33  
son a ponda; lo mende pulise mba, nde kana  
na kwalanno Bona-Yuda: wuma na m'alamo,  
binyo lo si ma-wele po oten, nikamene pe nde  
na ma-laŋgweano binyo tatan. \* Na ma- 34  
bola binyo mbend'a penya, ná lo ton-  
done mowó na nune, kana na tano na  
tondo binyo, ná binyo pe lo tondone  
mowó na nune. \* O din nde bese ba 35  
mendeno bia, ná le bokweli bam, ye-  
tena lo ben ndolo na mowó na nune.

(36—38: Mat. 26, 33—35. Marko 14, 29—31. Luk. 22, 31—34.)

Na Simon Petro a kwalane mo na: A Sañ- 36  
go, o ueni o m'alamo e? Na Yesu 'alabe mo  
na: Wuma na m'alamo, o titi ná o wele bupe  
mba tatan; nde o mende bupe mba ombusa  
nika. \* Na Petro a kwalane mo na: A Saño, 37  
onyolanje na titino ná na wele bupe oa tatan  
e? Na tondi jesele lonje lam onyol'ango.  
\* Na Yesu 'alabe mo na: O tondi jesele lonje 38  
lonjo onyol'am e? Iwie, iwie, ná-laŋgwea  
oa, mom ma wuba mu si mende lonjo natē o  
tobo mba ŋged'ilalo.

O s'esele milema manyu mipuŋgwea, dube 14  
nde Loba, dube pe na mba. \* O ndabo a 2  
Tete gita la bejedi be oten, e titi te nika ke  
na wusa laŋgwea binyo. Na m'ala o bohsane  
binyo wuma. \* Nde n'alo te, na bohsane pe 3  
binyo wuma, na mende pe timba, na nonjo

## Yohane 14.

- binyo na mbamene, ná o wuma mba neno,  
4 binyo pe lo be nde oten. \*Nde o wuma na  
m'alanó binyo lo bī mó, lo bī pe na ngea.  
5 \*Na Tomasi a kwalane mó na: A Saño, biso  
di si bī o wuma o m'alanó, nde neni jeno ná  
6 dibia ngea e? \*Na Yesu a kwalane mó na:  
Mba nde ne ngea na mbale na longē;  
to-moto a sima-po na Tete ke onyol'am.  
7 \*Lo bī te mba, ke lo'wusa pe bia Tete. Nde  
8 botea tatan lo bī mó, lo má-jene pe mó. \*Na  
Filipo a kwalane mó na: A Saño, leelee biso  
9 Tete, nde nika ema-dongamene biso. \*Na  
Yesu a kwalane mó na: A Filipo, na má-ja  
na binyo nin ponda nyese, nde osibie te mba  
e? Nu ny'en mba, 'en nde Tete. Neni oeno  
10 ná o kwala na: Leelee biso Tete e? \*O si dube  
ná mba ne oteten a Tete, Tete pe e oteten  
am e? Ben beyala na ma-kwalaneno binyo,  
na sima-kwala mó na mbamene, nde Tete nu  
jai oteten am, mó nde a ma-bole bebolo bao.  
11 \*Dube mba ná ne oteten a Tete, Tete pe e  
oteten am; to e titi te nika, binyo dube mba  
12 onyola bebolo mene. \*Iwie, iwie, nā-langwea  
binyo, nu nu dube mba, mó pe a mende bola  
be bebolo bena mba na ma-bolanó, nde a  
mende pe bola bebolo bendene bena be buki  
13 ben, ebanja mba na m'ala na Tete. \*Nde  
to-nje lo mendenó sosomea o dina lam, na  
mende bola, ná Tete a busisabe o Muna.  
14 \*Yetena lo mende sosomea lambo o dina lam,  
na mende bola mó.  
15 Lo tondi te mba, ke lo mende nenge mbend'

## Yohane 14.

am, \*nde mba pe na mende sosomea Tete, 16  
nde a mende bola binyo Mongwanedi nupepe,  
ná a je na binyo natena o bwindea. \*Mudi 17  
ma mbale, muena wase e titi ná e kusa, eba-  
nja e si m'ene mo, e si bi pe to mo. Nde bi-  
nyo lo bi mo, ebanja mu ma-ja na binyo, nde  
mu mende pe be oteten anyu. \*Na si mende 18  
dia binyo nyue; na mende po na binyo. \*E 19  
dia pe nde son a ponda, wase e si mende pe  
jene mba, nde binyo lo mende jene mba; eba-  
nja mba ne lonje, nde binyo pe lo mende be  
lonje. \*O bo bunya mene lo mende bia, ná 20  
mba ne oteten a Tete, binyo pe le oteten am,  
mba pe oteten anyu. \*Nu ny'aledi mbend' 21  
am, anenge pe mo, mo nde e nu nu tondi  
mba. Nu nu tondi mba a mende tondobe na  
Tete, mba pe na mende tondo mo, na mende  
pe biise mbamene na mo. \*Na Yuda, 22  
seto Iskariot, a kwalane mo na: A Saŋgo,  
nje e bolan, nde o ma-pulano nde biise oa-  
mene na biso, seto na wase e? \*Na Yesu 23  
'alabe, a kwalane mo na: Moto a tondi te  
mba, a mende nenge eyal'am, nde Tete a me-  
nde tondo mo, nde di mende po na mo, di  
pongo bejedi na mo. \*Nde nu nu si tondi 24  
mba, a si ma-nenge beyala bam. Nde eyala  
lo ma-sengano e titi yam, nde ya Tete nu  
lom mba.

Na ta na kwalane binyo man mambo, ni- 25  
ponda na tano naja na binyo. \*Nde Mongwa- 26  
nedi, Mudi Musaŋgi, muena Tete a mendeno  
loma o dina lam, mo nde mu mende lee binyo

mambo mese, na wana pe mambo mese o joñ-  
 27 gele lanyu, mena na kwalanno binyo. \*Na ma-  
 dia musaño na binyo, na ma-bola binyo  
 musaño mam. Seto ka wase ema-bo-  
 lano, nde mba na ma-bolano binyo. Lo  
 s'esele mulema manyu mu puñgwea, to  
 28 jesele mo mu bwa boño. \*Lo señgi ná  
 na kwalanno binyo na: Na m'ala, nde na ma-  
 timba pe na binyo. Lo tondi te mba, ke lo  
 wusa nde bwa munyenge kana na kwalino  
 na: na m'ala na Tete, ebanja Tete a buki  
 29 mba. \*Na lañgwedi so binyo tatan, obiana  
 30 di ma-bolane, ná di bolan te, lo dube. \*Na  
 si mende pe kwalisane binyo gita; ebanja  
 muaned'a wase ama-po, nde asi ben njom  
 31 na mba. \*Nde ná wase e bie, ná na tondi  
 Tete, nde na ma-bola pe nde kana Tete 'anedi-  
 no mba, binyo teme, esele biso di asumwe  
 o uan.

15 Mba nde ne bwele ba mbale, Tete nde e  
 2 mupongedi. \*Mukanjo na mukanjo mue na  
 mba, nde mu si ye bepuma, ama-sumwa mo;  
 nde mu mu ma-ye bepuma, ama-sawele mo,  
 3 ná mu ye bepuma gita buka nika. \*Binyo  
 lo má-saंगा onyola eyala na kwalanno binyo.  
 4 \*Binyo batame na mba, nde mba pe na binyo.  
 Kana mukanjo mu si ma-weleno ya bepuma  
 na momene, ke mu si batam na bwele; nika-  
 mene pe na binyo, ke lo si batam na mba.  
 5 \*Mba nde ne bwele, binyo le nde mikanjo.  
 Nu nu ma-batame na mba, mba pe na mo,  
 mo nde ama-ye bepuma gita; ebanja esi be

## Yohane 15.

mba, lo titi ná lo wele bola to-lambo.  
 \*Moto a si batam te na mba, a ma-pimbabe o 6  
 uone, ka mukango, nde mu m'anje; nde ba ma-  
 kotele mo, ba pimba mo o wea, na mo mi dia.  
 \*Yetena lo batam na mba, beyala bam pe beba- 7  
 tame na binyo, lena lo sosomea to-nje lo ma-  
 pulano, nde dimende bolabe binyo. \*Onyola  
 din nde Tete a ma-busisabeno, ke lo ma-ya 8  
 bepuma gita, nde lo ma-timba pe bokweli bam.  
 Kana Tete a tano a tondo mba, nika nde 9  
 mba pe na tano na tondo binyo. Binyo tiñ-  
 game o ndol'am. \*Lo ma-neñge te mbend' 10  
 am, ke lo ma-tiñgame o ndol'am, kana mba  
 natano na neñge mbend'a Tete, nde na tiñgam  
 o ndol'ao. \*Na ta na kwalane binyo man, 11  
 ná munyenge mam mu be na binyo, ná mu-  
 nyenge manyu mu londe. \*Mbend'am nye 12  
 nde nin, ná lo tondone mowó na nune, ka  
 mba na tano na tondo binyo. \*To-moto a si 13  
 ben ndolo nindene buka nin, ná a ma-bola  
 lonje lao onyola makom mao. \*Binyo le 14  
 makom mam, ke lo ma-bola nje n'anedino bi-  
 nyo. \*Na si ma-bele pe binyo bautu, ebanja 15  
 muutu a si ma-bia nje saño a ma-bolano; nde  
 na ta na bele binyo makom, ebanja mese na  
 tano na seña na Tete, na biise binyo mo.  
 \*Seto binyo nde lo posi mba, nde mba nde 16  
 na posi binyo, na tese pe binyo, ná l'ale lo  
 ye bepuma, nde bepuma banyu beje, ná to-  
 nje lo ma-sosomeano Tete o dina lam, a bole  
 binyo. \*Din nde na m'aneano binyo, ná lo 17  
 tondone mowó na nune.

## Yohane 15. 16.

- 18 Yetena wase e siṅge binyo, lo bia ná e  
19 sele nde siṅge mba na binyo. \*Lo be te ba  
wase, ke wase e wusa tondo mambo mao;  
nde onyolana lo titi ba wase, nde mba nde na  
posi binyo o wase, onyola nika nde wase e  
20 siṅgeno binyo. \*Binyo ongele eyala na tano  
na kwalane binyo na: Muutu asi buki saṅgo.  
Ba takise te mba, ke ba mende pe takise bi-  
nyo; ba neṅge te eyal'am, ke ba mende pe  
21 neṅge eyal'anyu. \*Ba mende bola binyo man  
mese onyola dina lam, ebanja ba si bi nu nu  
22 lom mba. \*Na si po te nde na kwalane babo,  
ke ba si wusa bene bobe; nde tatan so ba si  
23 ben njom onyola bobe babu. \*Nu nu siṅge  
24 mba, a ma-siṅge pe Tete. \*Na si boli te be-  
bolo oteten abu bena to-moto a si bolino, ke  
ba si wusa bene bobe; nde tatan so b'en mo,  
25 nde ba siṅge mba na Tete. \*Nde ná eyala  
e tilabe o mbend'abu, e londe na: „Ba siṅge  
mba e si be njom.“
- 26 Nde yetena Mongwanedi a poi te, nyena  
na mendeno lomea binyo nu ma-we na Tete,  
Mudi ma mbale, muena mu ma-buse na Tete,  
27 mo nde mu mende bole mboñ onyol'am. \*Nde  
binyo pe lo mende bola mboñ, ebanja lo ta  
16 na mba natena o beboteri. \*Na kwalan  
nde binyo man mambo, ná binyo lo si sonjo.  
2 \*Ba mende busise binyo o ndabo a ndongamen.  
Nde ponda e mende po, ná to-nja nu ma-bwe  
binyo, a m'ongeṅge ná a ma-bolea nde Loba.  
3 \*Nde ba mende bola binyo man, ebanja basi  
4 bi Tete to mba. \*Na kwalan nde binyo man

## Yohane 16.

mambo, ná ponda e poi te, l'óngéle ná na ta nakwalane binyo mo. Nasita nakwalane binyo mo o beboteri, ebanja na ta na binyo.

Nde tatan so na m'ala na nu nu lom mba, 5  
nde to-mowó nyanyu a si m'uele mba na: O ueni o m'alano e? \*Nde onyolana nakwalan 6  
binyo man, milema manyu milondi na ndutu.  
\*Nde na ma-langwea binyo mbale, e doli na 7  
binyo ke n'alo. Ebanja na s'alo te, Mongwa-  
nedi a si mende po na binyo, nde n'alo te, na  
mende lomea binyo mo. \*Nde a poi te, a 8  
mende kwese wase onyola bobé na onyola  
tème-la-sim na onyola muka. \*Onyola bobé, 9  
ebanja ba si dubé mba; \*onyola thème-la-sim, 10  
ebanja na m'ala na Tete, nde lo si mende pe  
jene mba; \*onyola muka, ebanja muaned'a 11  
wase a kaisabé. \*Na ben pe gita o langwea 12  
binyo, nde lo titi ná lo wele mo tatan. \*Nde 13  
mo a poi te, mu Mudí ma mbale, mu mende  
dangwane binyo o mbale nyese; ebanja mu  
si mende topo na momene, nde to-nje mu  
mendenó seŋga, mo nde mu mendenó topo, na  
ma ma mende po, mo nde mu mendenó biise  
binyo. \*Mu mende busise mba, ebanja mu 14  
mende nongo onyola mam, nde mu biise mo  
binyo. \*Mese Tete a benno, me nde mam; 15  
onyola nika nde nakwalino, ná mu mende  
nongo onyola mam, nde mu biise mo binyo.

Son a ponda, ke lo si m'ene pe mba; nde 16  
son a ponda pe, lo mende jene mba; ebanja  
na m'ala na Tete. \*Na dongo la bokweli 17  
bao bakwala na babo momene na: Din akwa-



## Yohane 16.

- lanno biso le nde ne: son a ponda, ke lo si  
 m'ene mba; nde son a ponda pe, lo mende  
 18 jene mba; na: na m'ala na Tete e? \* Na  
 babo ba kwala na: Ninka a kwalino na: son  
 a ponda, nye nde ne e? Di si bi nje a ma-  
 19 kwalano. \* Nde Yesu a bino, na ba ma-pula  
 juele mo, na mo a kwalane babo na: Binyo  
 lo ma-wasa oteten anyu onyola di na kwalino  
 na: son a ponda, ke lo si m'ene pe mba; nde  
 20 son a ponda pe, lo mende jene mba e? \* Iwie,  
 iwie, na-laŋgwea binyo, binyo lo mende jeya  
 na te misea ma mbembe, nde wase e mende  
 bwa munyengete; binyo lo mende bwa ndutu,  
 nde ndut'anyu e mende timba munyengete.  
 21 \* Muto e te onyola yadi a ma-bene ndutu,  
 ebanja pond'ao emá-po; nde a má-ya te muna,  
 a si m'ongete pe ndutu onyola munyengete, na  
 22 moto ayabe o wase. \* Nikamene pe na binyo,  
 lo ben ndutu tatan; nde na mende pete jene  
 binyo, nde milema manyu mi mende bwa  
 munyengete, nde to-moto a si mende nongone  
 23 binyo munyengete manyu. \* Nde o bo bunya  
 lo si mende juele mba to-lambo. Iwie, iwie,  
 na-laŋgwea binyo, to-nje lo mendeno sosomea  
 24 Tete o dina lam, a mende bola binyo. \* Natena  
 tatan lo si sosomedi to-lambo o dina lam. Binyo  
 sosomea, nde lo mende kusa, na munyengete  
 25 manyu mulonde. \* Nata nde na kwalane binyo  
 man o minia; nde ponda e ma-ya, nyena na  
 si mende pe kwalisane binyo o minia, nde na  
 mende laŋgwea binyo na bwe onyola Tete.  
 26 \* O bo bunya lo mende sosomea o dina lam,

## Yohane 16. 17.

nde na si ma-kwalane binyo, ná na mende so-  
somea Tete onyol'anyu; \* ebanja Tete momene 27  
atondi binyo, ebanja binyo lo ta lo tondo  
mba, lo dube pe ná na wu nde na Loba. \* Na 28  
wu nde na Tete napoi o wase; na m'esele  
pete wase na ma-timba na Tete. \* Na bokweli 29  
bao ba kwalane mo na: Ombwa, tatan o ma-  
topo na bwe, o si ma-topo pe o munia. \* Tatan 30  
so di bi, ná oa o bi mambo mese, o si ma-pula  
ná moto 'uele oa; onyola nika di dube, ná  
oa owu na Loba. \* Na Yesu 'alabe babo na: 31  
Tatan lo dube e? \* Ombwa, ponda e ma-ya, 32  
ny'á pon tatan, nyena lo mende pambilane,  
moto te o nyao mboa, nde lo mende dia mba  
musoloki. Nde na titi musoloki, ebanja Tete  
ena mba. \* Nata nde na kwalane binyo 33  
man, ná lo bene musango oteten am. O  
wase loma-bene ndutu, nde embe mi-  
lema, mba namá-buka wase.

Nde Yesu akwalino man, na mo asumwa 17  
miso mao omony, akwala na: Ate, ponda e  
má-po; busise Mun'ango, ná Mun'ango pe a  
busise oa; \* kana o bolino mo nginya omony 2  
a beyobo bese, ná bese o bolino mo, a bole  
babo longe la bwindea. \* Din nde le longe 3  
la bwindea, ná ba bie oa, di Loba la  
mbale diwomene, na nu o lomno Yesu  
Kristo. \* Nata na busise oa o wase, namá- 4  
bole ebolo yena o bolino mba ná na bole.  
\*Tatan so busise mba, Ate, na oamene na 5  
y'edube na tano na bene na oa, obiana wase  
e ma-be.

## Yohane 17.

- 6 Na ta na biise dina loṅgo na bato bena o  
bolino mba na wase. Bata nde boṅgo, oa  
nde o boli mba babo, nde ba neṅge eyal'aṅgo.
- 7 \* Ba bi ná mese o bolino mba, ma wu nde na  
8 oa; \* ebanja na boli babo be beyala o bolino  
mba, nde ba nongi mo, ba bi pe nambale, ná  
na wu nde na oa, nde ba dube pe, ná oa nde  
9 o lom mba. \* Na ma-sosomea nde onyol'  
abu, na si ma-sosomea onyola wase, nde onyola  
ba bena o bolino mba, ebanja be nde boṅgo.
- 10 \* Na mambo mam mese me nde moṅgo, moṅgo  
11 pe mam, nde na ma-busisabe onyol' abu. \* Mba  
na titi pe o wase, nde babo be o wase, nde  
mba na ma-ya na oa. A Tete nya bosaṅgi,  
neṅge babo o dina loṅgo, ba bena o bolino  
12 mba, ná ba be nde mowó kana biso. \* Ni-  
ponda na tano na babo, na neṅge babo o dina  
loṅgo, ba bena o bolino mba, na ta na tata  
babo, nde to-mowó nyabu a si nyam, kemun'a  
13 dibumbe, ná betiledi be londe. \* Nde tatan so  
na ma-ya na oa, nde na ma-kwala man o wase,  
ná ba bene munyenge mam mu londe na babo.
- 14 \* Nata na bola babo eyal'aṅgo, nde wase eta  
e siṅge babo, ebanja ba titi ba wase, kana mba  
15 pe na titino nya wase. \* Na si ma-sosomea ná  
o sumwe babo o wase, nde ná o tate babo onyola  
16 bobe. \* Ba titi ba wase, kana mba na titino  
17 nya wase. \* Saṅgise babo o mbal'aṅgo;  
18 eyal'aṅgo ye mbale. \* Kana oa olomno mba  
o wase, nikamene nde mba pe na ma-lomano  
19 babo o wase. \* Nde na ma-saṅgise mbamene  
onyol'abu, ná ba be pe basaṅgisabe o mbale.

## Yohane 17. 18.

Nde na si ma-sosomea onyol'abu momene, 20  
nde na onyola ba pe bena ba mende dube  
mba, onyola eyal'abu, \* ná babo bese ba be 21  
nde mowó, kana oa, Ate, oeno oteten am, mba  
pe oteten ango, ná babo pe ba be nde mowó  
oteten asu, ná wase edube, ná oa nde o lom  
mba. \* Nde edube yena o bolino mba, mo nde 22  
na bolino babo, ná ba be nde mowó, kana biso  
jeno mowó; \* mba oteten abu, oa pe oteten 23  
am, ná ba be nde mowó o ka ni londi, ná  
wase ebie ná oa nde o lom mba, o tondi pe  
babo kana o tondino mba. \* Ate, ba bena o 24  
bolino mba, na ma-pula ná o wuma mba neno,  
babo pe ba be na mba, ná b'ene edub'am o  
bolino mba, ebanja oa o ta o tondo mba obiana  
wase ema-bokabe. \* A Tete nu tem na sim, 25  
wase esibī oa; nde mba nabī oa, ban pe ba  
bī, ná oa nde o lom mba. \* Na ta pe na biise 26  
babo dina longo, namende pete biise mo, ná  
ndolo nyena o tano o tondo mba, e be oteten  
abu, na mba pe oteten abu.

Nde Yesu a kwalino man, na mo a busa 18  
na bokweli bao, 'ala o mune muri ma tongo  
a Kidron, o wuma mōnda mu tano, oten nde  
mo na bokweli bao b'ingedino.

(18, 2—11: Mat. 26, 47—56. Marko 14, 43—52. Luk. 22, 47—53.)

Nde Yuda pe nu ta ny'andise mo, a ta 2  
a bia ua wuma, ebanja Yesu na bokweli bao  
bata ba yoko kotone oten. \* Na Yuda anongo 3  
muemba ma bato-ba-bila na baboledi ba prisi  
indene na ba Farisai, a po oten na kate na

## Yohane 18.

- 4 betrukañ na beyei ba bwemba. \*Nde Yesu  
a bīno mese mama-po omony ao, na mo a busa,  
5 a kwalane babo na: Lo ma-pulise nja e? \* Na  
babo b'alabe mo na: Yesu nya Nasaret. Na  
Yesu a kwalane babo na: Mba nun! Nde Yuda  
nu ta ny'andise mo, mo pe a ta a teme na  
6 babo. \*Nde Yesu a kwalanno babo na: Mba  
nun, na babo ba timba ombusa, ba ko wase.  
7 \*Na mo 'uele pete babo na: Lo ma-pulise  
nja e? Na babo bakwala na: Yesu nya Na-  
8 saret. \*Na Yesu 'alabe na: Nakwalan binyo,  
ná mba nun. Lo ma-pulise te mba, ese le ban  
9 b'ale. \*Ná eyala a kwalino e londe na: Ba  
10 bena obolino mba, to-mowó asinyam. \*Nde  
Simon Petro a ta a bene po, na mo a songwa  
mo, a dipa muut'a prisi nindene, a ke mo toi  
lao la mom; dina la nu muutu di ta na, Malko.  
11 \*Na Yesu a kwalane Petro na: Timbise po  
a ngo o dibambu. Na si nyo dibonde lena Tete  
a bolino mba e?

(12—27: Mat. 26, 57—75. Marko 14, 53—72. Luk. 22, 54—71.)

- 12 Na muemba ma bato-ba-bila na muaned'a-  
bila na baboledi ba Bona-Yuda ba ngo Yesu,  
13 ba kaka mo, \*ba sele walane mo omboa Ana,  
mo a ta nde sa ngo a diba nya Kaifa, nu ta  
14 prisi nindene o mu mbu mene. \*Nu Kaifa  
mene nde a ta a bola Bona-Yuda malea ná e  
angamen ná moto mowó a wo onyol'ekombo.  
15 \*Nde Simon Petro na mokweli nupepe ba ta  
ba bupe Yesu. Nde nune mokweli a ta a biane  
na prisi nindene, na mo 'ingea na Yesu o  
16 eboko a prisi nindene. \*Nde Petro a ta a

## Yohane 18.

teme ombusa o jombe. Na nune mokweli nu ta nu biane na prisi nindene a busa, a kwalisane ngonderi ni ta ni tata jombe, na mo 'ingele Petro. \* Na ni ngonderi, ni ta ni tata 17 jombe, e kwalane Petro na: Oa pe o titi nde mowó nya bokweli ba nu moto e? Na mo a kwala na: Na titi. \* Nde bautu na baboledi 18 bena ba ta ba teme, bata babota we'a makalando, ebanja ngo e ta, nde ba ta b'olo; nde Petro pe a ta a teme na babo, 'olo. \* Nde 19 prisi nindene e ta ny'uele Yesu onyola bokweli bao na onyola beleedi bao. \* Na Yesu 'alabe 20 mo na: Na ta na topo o mpoma na wase, na ta nalee o ndabo a ndongamen na o tempel ponda yese, o wuma Bona-Yuda bese ba makotoneno, na si ta na topo to-lambo o diwuta. \* Nje o m'ueleno mba e? Uele ba ba ta ba 21 senga nje na kwalanno babo; ombwa, babi nje na tano na kwala. \* Nde a kwalino nika, na 22 mowó nya baboledi nu ta nu teme oten, a dipa Yesu dibumbe o lama, a kwala na: O m'alabe nde prisi nindene nika e? \* Na 23 Yesu 'alabe mo na: Na topi te bobe, bola mbon onyola bo bobe; nde na topi te bwam, nje so oma-dipano mba e? \* Na Ana aloma 24 mo na ngata omboa Kaifa prisi nindene. \* Nde 25 Simon Petro a ta a teme, 'olo. Nde ba ta ba kwalane mo na: Oa pe o titi nde mowó nya bokweli bao e? Na mo a tobo, a kwala na: Na titi. \* Na mowó nya bautu ba prisi ni- 26 ndene, eyab'a nu nyena Petro a keno toi, a kwala na: Na s'en oa o mōnda na mo e?

## Yohane 18.

27 \* Na Petro a tobo pete, nde dibokimene mom  
ma wuba mu longo.

(18, 28—19, 15: Mat. 27, 2. 11—30. Marko 15, 1—19.

Luk. 23, 1—25.)

28 Na babo ba sumwa Yesu omboa Kaifa, b'  
alane mo o ndabo a muka. Nde eta nde o  
mbat'a idiba. Nde babo momene ba si ta b'  
ingea o ndabo a muka, na basi ya be ba  
timbise babo momene mbindo, nde na ba wele  
29 da Pasah. \* Nde Pilato ata abusa na babo,  
akwala na: Njika njom lo benno na nu moto  
30 e? \* Na babo b'alabe, bakwalane mo na:  
A si be te mot'a bobe, ke di si wusa bake mo  
31 na oa. \* Na Pilato akwalane babo na: Binyo  
nongo mo, kaise mo kaponda mbend'anyu.  
Na Bona-Yuda bakwalane mo na: Esi bolabe  
32 biso nginya o bwa moto. \* Na eyal'a Yesu e  
londe, yena akwalino o leele njika nyai akwedi  
33 a mendeno wo. \* Na Pilato 'ingea pe o  
ndabo a muka, a bele Yesu, akwalane mo na:  
34 Oe nde kin' a Bona-Yuda e? \* Na Yesu 'alabe  
mo na: O kwali nde din na oamene, nga ba-  
35 pepe nde ba langwedi oa onyol'am e? \* Na  
Pilato 'alabe na: Ne nde mot'a Bona-Yuda e?  
Ekombo ango na prisi indene nde ba bake oa  
36 na mba; nje o bolino e? \* Na Yesu 'alabe  
na: Janea lam titi la nin wase. Janea lam  
di be te la nin wase, ke baboledi bam nde  
ba wusa jane, na nasi bakabe na Bona-Yuda.  
37 Nde tatan so janea lam di titi la uan. \* Na  
Pilato akwalane mo na: Oe so nde kine e?  
Na Yesu 'alabe na: Kana o kwalino, ne

## Yohane 18. 19.

kiñe. Nde na yabe nde, na poi pe nde  
 o wase onyola din, ná na bole mbon  
 onyola mbale. To-nja nye nya mbale  
 ama-senga doi lam. \*Na Pilato akwalane 38  
 mo na: Nje ye mbale e? Nde akwalino din,  
 na mo a busa pete na Bona-Yuda, a kwalane  
 babo na: Nasiso njom na mo. \*Nde ye nde 39  
 kolongone lanyu, ná na m'osea binyo mowó  
 o Pasah; lo tondi so ná n'oseye binyo kiñ'a  
 Bona-Yuda e? \*Na babo bese bate pete 40  
 misea, ba kwala na: Seto mo, nde Baraba.  
 Nde Baraba a ta nde mot'ebwan.

Nde ombusa nika, na Pilato a nongo Yesu 19  
 abola mo ná ba dipe mo lonyanyo. \*Na 2  
 bato-ba-bila balonga ekot'a ngengele, ba tese  
 mo o mulopo mao, ba botise pe mo loki lo  
 mole, bapo na mo, \*ba kwala na: Masoma na 3  
 oa, a kiñ'a Bona-Yuda, na babo ba dipa mo  
 mabumbe o malama. \*Na Pilato a busa pete, 4  
 akwalane babo na: Ombwa, nama-busise mo  
 na binyo, ná lo bie ná na si di njom na mo.  
 \*Na Yesu a busa, a boto ekot'a ngengele na 5  
 loki lo mole. Na mo akwalane babo na:  
 Ombwa te nun moto! \*Nde prisi indene na 6  
 baboledi b'enzo mo, ba te misea, ba kwala  
 na: Bomele mo o mbasa, bomele mo o mbasa!  
 Na Pilato akwalane babo na: Binyo nongo  
 mo lo bomele mo o mbasa, mba na si di njom  
 na mo. \*Na Bona-Yuda b'alabe mo na: Biso 7  
 di ben mbenda, nde onyola ni mbenda 'anga-  
 men wo, ebanja a timbise momene Mun'a Loba.  
 \*Nde Pilato a sengino nika, na mo a beŋga 8



## Yohane 19.

9 bwa bonḡo, \*'inḡea pete o ndabo a muka, a  
 kwalane Yesu na: O wu nde ue e? Nde  
 10 Yesu asiboli mo jalabe. \*Na Pilato akwa-  
 lane mo na: O sima-pelane mba e? O si bī ná  
 na ben ṅginya o bomele oa o mbasa, na ben  
 11 pe ṅginya o jesele oa e? \*Na Yesu 'alabe  
 na: O si wusa bene ṅginya omony am, e si be  
 te ná e bolabe na oa o mony. Onyola nika  
 nu nu bake mba na oa, a ben bobe bondene  
 12 buka oa. \*O ua nde Pilato a tano a  
 pula jesele mo. Na Bona-Yuda ba te misea,  
 ba kwala na: O esele te nun, ke otiti dikom  
 la kaisa; to-nja nu timbise momene kiṇe, ke  
 13 a tenḡen nde kaisa. \*Nde Pilato a seṅgino  
 ben beyala, na mo a busise Yesu, aja wase  
 o konda, o wuma i belabe na: Ndek'a madale,  
 14 o bwambo ba Bona-Heber na, Gabata. \*Nde  
 e ta nde bunya ba mboṅsan ma Pasah, ṅen  
 mutoba. Na mo akwalane Bona-Yuda na:  
 15 Ombwa te kiṇ'anyu! \*Na babo ba te misea  
 na: Alane mo o uone, alane mo o uone, bo-  
 mele mo o mbasa! Na Pilato akwalane babo  
 na: Na bomele kiṇ'anyu o mbasa e? Na prisi  
 indene b'alabe na: Di si ben kiṇe, ke kaisa  
 momene.

(16—80: Mat. 27, 31—50. Marko 15, 20—37. Luk. 23, 26—46.)

16 Na mo a bake babo mo, ná a bomabele o  
 mbasa. Na babo ba nonḡo Yesu, b'alane  
 17 mo. \*Na mo abambe mbas'ao, a busa o wuma  
 i belabe na: Wum'a bekekeleke ba mulopo,  
 18 o bwambo ba Bona-Heber na, Golgota; \*oten  
 nde ba bomeleno mo o mbasa, na bapepe baba

## Yohane 19.

pe na mo, o muri na muri, nde Yesu oteten.  
 \* Na Pilato atila betiledi, a bate mo o mbasa, 19  
 nde eta etilabe na: Yesu nya Nasaret, kin'a  
 Bona-Yuda. \* Nde gita la Bona-Yuda ba ta 20  
 balanga ben betiledi, ebanja wuma Yesu a  
 bomabeleno o mbasa i ta bebe na mudi, nde  
 beta be tilabe o bwambo ba Bona-Heber na  
 ba Grikia na ba Roma. \* Na prisi indene 21  
 ya Bona-Yuda i kwalane Pilato na: O si tila  
 na: Kin'a Bona-Yuda, nde na: mo nde akwali  
 na: ne nde kin'a Bona-Yuda. \* Na Pilato 22  
 'alabe na: Di na tilino, na ma-bole nde tila.  
 \* Nde bato-ba-bila ba boleno bomele Yesu o 23  
 mbasa, ba nongo mbot'ao, b'aba mo mongo  
 manei, mot'a-bila te lao dongo, na loki pe.  
 Nde loki di si ta di bene mbaongo, di ta nde  
 dilongabe mususu mony na wase. \* Na babo 24  
 ba kwalane mowó na nune na: Os'esele biso  
 dinyaua mo, di nyose nde male onyol'ao, nga  
 nja a kuse mo. Ná betiledi belonde na: „B'  
 aban mbot'am na babomene, nde ba nyose  
 male onyola loki lam.“ Nika nde bato-ba-  
 bila ba bolino. \* Nde nyaango ao, na muna- 25  
 nyaango a nyaango ao, Maria munj'a Kleopa,  
 na Maria Magdalena ba ta ba teme bebe na  
 mbas'a Yesu. \* Yesu 'enno nyaango na nu 26  
 mokweli a tano atondo a tem bebe, na mo a  
 kwalane nyaango na: A muto, ombwa mun'  
 aango nu. \* Na mo akwalane pe nu mokweli 27  
 na: Ombwa, nyongu nu. Botea o ni ponda  
 nde nu mokweli anongino mo ombo'ao. \* O- 28  
 mbusa nika, Yesu a bino ná mambo mese ma

## Yohane 19.

- boi, ná betiledi be londe, na mo a kwala na:  
 29 Na ma-bwa nyongi. \*Nde ewa eta e teme ua wuma, elonda na benyon be ma-banye. Na babo ba londise swam na beyon be ma-banye, ba wele mo omony a esosoŋo, ba bake  
 30 mo o mudumbu. \*Yesu anyodino be benyon be ma-banye, na mo a kwala na: Mese ma boi, na mo a yole mulopo, a patea.  
 31 Nde Bona-Yuda bata ba sosomea Pilato, ná miende mabu mi buabe na ba sumwabe, ebanja eta nde bunya ba mboŋsan, ná mbimba mi si ma-ja o mbasa o bunya-ba-wumse, ebanja bo bunya-ba-wumse bota nde bunya bondene.  
 32 \*Nde na bato-ba-bila ba poino, ba bua nya boso miende na nune nupepe pe, nu ta nu  
 33 bomabele na mo o mbasa. \*Nde ba poino na Yesu, b'engo ná a má-wo, ba si bū pe mo  
 34 miende, \*nde mowó nya bato-ba-bila a numa mo joŋgo o mbanj'ao, na dibokimene maya na  
 35 madiba ba busa. \*Nde nu ny'en nika a boli mboŋ, nde mboŋ ao nye mbale; nde a bī pe ná a ma-kwala mbale, ná binyo pe lo dube.  
 36 \*Nde din di bolan, ná betiledi be londe na:  
 37 „To ewes' ao ewo e si mende buabe.“ \*Nde betiledi bepepe pe be kwali na: „Ba mende jene nu ba numno.“

(38—42: Mat. 27, 57—61. Marko 15, 42—47. Luk. 23. 50—55.)

- 38 Nde ombusa nika Yosef nya Arimatia, nu ta mokwel'a Yesu, nde o ka diwuta onyola boŋgo ba Bona-Yuda, a ta a sosomea Pilato, ná a ma-sumwa mbimba ma Yesu. Nde Pilato 'esele mo. Na mo apo, a sumwa mbimba ma

## Yohane 19. 20.

Yesu. \* Nikodemo pe a ta a po, nu nu ta nu 39  
 po na Yesu nged'a boso o bulu, a wana mire  
 na aloe be puñgwabe to ebwea fund. \* Na 40  
 babo banongo mbimba ma Yesu, bakaka mo  
 na be benumba onyola mbom, ka edemo a  
 Bona-Yuda ya pule etano. \* Nde mōnda mu 41  
 ta o ua wuma a bomabeleno o mbasa, nde  
 songo a penya pe e ta onyola mu mōnda,  
 nyena to-moto a si ta a má-neñgebe. \* Oten 42  
 nde ba neñgeno Yesu onyola bunya ba mboñ-  
 san ba Bona-Yuda, ebanja songo e ta bebe.

(20, 1-18: Mat. 28, 1-10. Marko 16, 1-11. Luk. 24, 1-12.)

Nde o bunya ba boso ba woki, Maria Mag- 20  
 dalena a ta a po o songo, o mbat'a idiba, ke  
 muititi mu dia, 'ene dale disumwabe o songo.  
 \* Na mo 'ala, a po na Simon Petro na nune 2  
 mokweli nupepe Yesu a tano a tondo, a kwa-  
 lane babo na: Ba sumo Saño o songo, nde  
 di si bi wuma ba neñgeno mo. \* Na Petro a 3  
 busa na nune mokweli, b'ala o songo. \* Nde 4  
 babo babane ba ta b'ala muemba, nde nune  
 mokweli a wamse dangwa buka Petro, a sele  
 po o songo, \* a nuñgame, 'ene mbom enaŋga; 5  
 nde asita 'ingea oten. \* Nde Simon Petro a 6  
 ta a wa mo ombusa, 'ingea o songo, 'ene  
 mbom enaŋga, \* na wañgisi ni ta o mulopo 7  
 mao e si ta e naŋga na mbom, nde e ta nde  
 ewulabele, enaŋga yao wuma. \* Nde na nune 8  
 mokweli, nu sele po o songo pe 'ingedino,  
 na mo 'ene, a dube pe. \* Ebanja ba si ta ba 9  
 má-sontane betiledi ná 'aŋgamen pe pumbwa  
 o kwedi. \* Nde bokweli ba timbino pe o mboa. 10

## Yohane 20.

- 11 Nde Maria a ta a tēme o mbasan ma sōngo,  
'eya. Nde kana a tano 'eya, a ta a nuṅgame  
12 o sōngo, \* 'ene angel iba, iboti mboti i ma-  
saṅge, i jai po o mulopo, nine pe o miende,  
o wuma mbimba ma Yesu mutano mu naṅga.  
13 \* Na mo ikwalane mo na: A muto, nje o  
m'eyano e? Na mo a kwalane babo na:  
Ebanja basumo saṅgo am, nde nasibi wuma  
14 ba neṅgeno mo. \* Nde a kwalino nika, na mo  
a yombo, 'ene Yesu a tem, nde asi ta a bia  
15 ná Yesu nu. \* Na Yesu a kwalane mo na:  
A muto, nje o m'eyano e? O ma-pulise nja  
e? Nde ata 'oṅgele na, e nde mupoṅge-mōnda,  
na mo a kwalane mo na: A Saṅgo, yetena oa  
nde o sumo mo, laṅgwea mba wuma o neṅ-  
16 geno mo, nde nam'ala noṅgo mo. \* Na Yesu  
a kwalane mo na: A Maria! Na mo a yombo,  
a kwalane mo na: Rabuni, nika nye nde na,  
17 muleedi. \* Na Yesu a kwalane mo na: O si  
tapa mba, ebanja nas'abo o mony omboa Tete.  
Ala nde na bona-saṅgo am, o kwalane babo  
na: Nam'abwa omony na Saṅgo am na Saṅgo  
anyu pe, na Loba lam na Loba lanyu pe.  
18 \* Na Maria Magdalena apo, a laṅgwea bokweli  
na: N'en Saṅgo, a kwalan pe mo man mambo.

(19—23: Marko 16, 14—18. Luk. 24, 36—49.)

- 19 Nde ebiamu ya bo bunya ba boso ba woki  
e poino, ke mombe ma kwesam, o wuma bo-  
kweli ba tano ba kotome onyola boṅgo ba  
Bona-Yuda, na Yesu apo, a tēme oteten abu,  
a kwalane babo na: Musaṅgo mu be na binyo!  
20 \* Nde a kwalino nika, na mo a leelee babo maa

## Yohane 20.

na mbanj'ao. Nde bokweli bata babwa mu-  
nyeṅge, niponda b'ēno Yesu. \*Na Yesu a 21  
kwalane pete babo na: Musango mu be na  
binyo! Kana Tete a lomno mba, nikamene  
nde mba pe na ma-lomano binyo. \*Nde a 22  
kwalino din, na mo a wuṅgea babo muudi, a  
kwalane babo na: Binyo kusa Mudī Mu-  
saṅgi! \*To banja loma-lakiseno mi- 23  
obe mima-lakisabe babo, to banja pe  
lo m'embeno miobe, mi m'embabende.

Nde Tomasi, mowó nya dom na baba, nu 24  
belabe Mawasa, asita na babo, niponda Yesu  
a tano apo. \*Na bane bokweli ba kwalane 25  
mo na: Di en Saṅgo. Na mo a kwalane babo  
na: Ebe te ná n'en bebaba ba tono o maa  
mao, na wele pe mune mam o ebab'a tono,  
nde na wele pe dia lam o mbanj'ao, ke na  
simende dube tom. \*Nde ombusa minya 26  
lombi bokweli bata pete oten, Tomasi pe a  
ta na babo. Na Yesu apo, niponda mombe  
ma tano ma kwesame, a teme o teten, a kwala  
na: Musango mu be na binyo! \*Na mo a 27  
kwalane Tomasi na: Wana mune mongo o  
uon, ombwa pe maa mam; wana pe na dia  
longo, o wele mo o mbanj'am, nde o si be pe  
nu si ma-dube, nde o dube nde. \*Na Tomasi 28  
'alabe, a kwalane mo na: A Saṅgo am na  
Loba lam. \*Na Yesu a kwalane mo na: 29  
A Tomasi, ebanja o en mba, nde o dubeno.  
Bonam na ba bas'en, nde ba dube.

Yesu a boli pe gita la beyemban bepepe 30  
oboso ba bokweli bao, bena be si tilabe o nin

31 kalati. \*Nde man nde ma tilabe, ná lo dube  
ná Yesu e nde Kristo Mun'a Loba, ná onyola  
jemea lo ma-bene loŋgē o dina lao.

- 21 Nde ombusa nika, Yesu a leelee pete mo-  
mene na bokweli bao o munja ma Tiberia.  
2 Nde a leelee nde momene ninka: \*Bata wuma  
iwo, Simon Petro na Tomasi, nu belabe Ma-  
wasa, na Natanael nya Kana o Galilea, na  
bana ba Sebedeo na bokweli bao bapepe baba.  
3 \*Na Simon Petro a kwalane babo na: Na  
m'ala o musombo. Na babo ba kwalane mo  
na: Bisō pe di m'ala na oa. Na babo ba  
busa, ba peye o bolo, nde ba si bo to-lambo o  
4 bo bulu mene. \*Nde bunya bo eseleno Yesu  
a ta a teme o saua; nde bokweli ba si ta ba  
5 bia ná Yesu nu. \*Na Yesu a kwalane babo  
na: A bana, lo ben lambo la da e? Na babo  
6 b'alabe mo na: Kem. \*Na mo a kwalane  
babo na: Pimba epese o dia la mom la bolo,  
nde lo mende kusa. Na babo ba pimba, nde  
ba si ta ba wele jomba mo onyola gita la sue.  
7 \*Na nune mokweli Yesu a tano a tondo, a  
kwalane Petro na: Saŋgo nu! Nde Simon  
Petro a seŋgino ná Saŋgo nu, na mo a boto  
loki lao, (ebanja a ta nde musamba), a ko o mu-  
8 nja. \*Nde bane bokweli bata bapo na bolo,  
(ebanja ba si ta etum na mudi, nga bebwea  
9 ba mabongo beba), ba duta epese na sue. \*Nde  
ba temno o mudi, na babo b'ene we'a ma-  
10 kalando, sue na bewolo pe omōny ao. \*Na  
Yesu a kwalane babo na: Binyo wanea mba  
11 sue onyola yi lo bono tatan. \*Na Simon Petro

## Yohane 21.

'ondea, a duta epese o mundi, elonda na ebwe'a  
sue indene na muatanu na ilalo. Nde tona  
itano gita nika, epese esita enyauea. \*Na 12  
Yesu a kwalane babo na: Binyo ya da. Nde  
to-mowó nya bokweli asita a wele juele mo  
na: Oe nde nja e? Ebanja bata babia ná  
Saño nu. \*Na Yesu a po, a noño ewolo, a 13  
bola babo, nikamene pe na sue. \*Nin ngedi 14  
nde elonde ngedi ilalo, ná Yesu a leeleno  
momene na bokweli bao ombusa pumbwa lao  
la kwedi.

Nde ba boleno da, na Yesu a kwalane Si- 15  
mon Petro na: A Simon, mun'a Yona, o tondi  
mba buka ban e? Na mo a kwala na: E, a  
Saño, obĩ ná na tondi oa. Na mo a kwalane  
mo na: Dese bana bam ba midongi! \*Na 16  
mo a kwalane pete mo ngedi ni londe iba na:  
A Simon, mun'a Yona, o tondi mba e? Na  
mo a kwala na: E, a Saño, obĩ ná na tondi  
oa. Na mo a kwalane mo na: Tata midongi  
mam! \*Na mo a kwalane pete mo, ngedi ni 17  
londe ilalo na: A Simon, mun'a Yona, o tondi  
mba e? Na Petro a bwa ndutu, ebanja a  
kwalan mo ngedi ni londe ilalo na: O tondi  
mba e? Na mo a kwalane mo na: A Saño,  
oa o bĩ mambo mese, o bĩ ná na tondi oa.  
Na Yesu a kwalane mo na: Dese midongi  
mam. \*Iwie, iwie, nā-laŋgwea oa, niponda 18  
otano mpesa o ta o bomea oamene, o ta pe o  
daŋgwa to ueni o tondino, nde ni ponda o  
mendeno duna, o mende sambise maa moño,  
nde nupepe a mende bomea oa, 'alane pe oa



## Yohane 21.

- 19 o wuma o si tondino. \*Nde ata nde akwala  
din o leelee njika nyai a kwedi a mendeno  
busise Loba. Nde akwalino din, na mo a  
20 kwalane mo na: Bupe mba! \*Na Petro a  
yombo, 'ene nu mokweli Yesu a tondino ama-  
bupe, mo nde ata pe a semeye o bwan-  
bao onyola da, a kwala na: A Saŋgo, nja nu  
21 mende jandise oa e? \*Petro 'enno mo, na mo  
a kwalane Yesu na: A Saŋgo, nde nun pe e?  
22 \*Na Yesu a kwalane mo na: Na tondi te, ná  
aje natē na po, o ben njika bwambo oten e?  
23 Oa bupe nde mba! \*Nde eyala eta epambi-  
lane oteten a bona-saŋgo, ná nu mokweli a  
si mende wo. Nde Yesu asita a kwalane mo  
na, a si mende wo, nde na, na tondi te ná  
aje natē na po, o ben njika bwambo oten e?  
24 Nde mo nde e nu mokweli nu ma-bole  
mboñ onyola man, nu tili pe man, nde di bi  
25 ná mboñ ao nye mbale. \*Nde gita la  
mambo mapepe pe me, mena Yesu a bolino,  
mena ma tilabe te diwo-diwo, na m'onge-  
le ná to wase momene esi wusa jalea yi kalati yena  
i wusa tilabe.

# BEBOLO BA BAMULOLOMA.

Na domse miaño ma boso, a Teofilo, 1  
 onyola mese Yesu a botedino o bola na o lee,  
 \* natena bo bunya boena a noñgoben omony, 2  
 ombusa bola lao la beanedi na bamuloloma  
 onyola Mudī Musañgi, babena aposino, \* bena 3  
 a leeleno momene muenya ombusa taka lao,  
 na gita la beyemban, kana a leeleno momene  
 na babo muanei ma minya, a kwalisane pe  
 babo onyola janea la Loba. \* Nde niponda 4  
 atano aja na babo, 'anedi babo ná ba s'asum-  
 we o Yerusalem, nde b'engele nde dikaki la  
 Tete, lena lo señgino na mba. \* Ebanja Yo- 5  
 hane a ta nde a dubise na madiba, nde binyo  
 lo mende dubisabe na Mudī Musañgi, seto  
 etum ombusa min minya. \* Nde ba ba ta ba 6  
 kotome b'uele mo, ba kwala na: A Saño, o  
 ma-timbise janea na Israel penya o nin po-  
 nda e? \* Na mo akwalane babo na: Es'an- 7  
 gamen binyo o bia ponda to ebe, Tete a te-  
 seno o nginy'ao momene; \* nde lo mende kusa 8  
 nginya, yetena Mudī Musañgi mu poi omony  
 anyu, nde lo mende be mboñ am o Yerusalem  
 na o Yudea nyese na o Samaria, natena o  
 masu ma wase pe. \* Nde akwalino man, 9  
 na mo a noñgobe omony kana ba tano b'  
 ombwa, na diwindiwindi di kasa mo, di nyon-  
 gise mo o miso mabu. \* Nde kana ba tano 10  
 basoke miso mabu o mony, ponda 'alono,

## Bebolo ba bamuloloma 1.

- ombwa, bato baba ba ta ba teme na babo na  
11 mboti i ma-saŋge, \*bena ba ta pe ba kwala  
na: A bato ba Galilea, nje lo temno, lo sokeno  
miso o mony? Nun Yesu mene nu nongobe  
na binyo o mony, a mende pe timba nikamene,  
12 kana l'enzo mo a m'ala o mony. \*Nde ombu-  
sa nika, na babo ba timba pe o Yerusalem  
wa o mudoŋgo mu belabe na, mudoŋgo ma  
njabi, muena mue bebe na Yerusalem, etum  
a londo la bunya-ba-wumse.
- 13 Nde b'ingedino, na babo b'ondea o tun a  
mony, nyena batano baja, Petro na Yakobo,  
na Yohane na Andrea, Filipo na Tomasi,  
Bartolomeo na Mateo, Yakobo mun'a Alfeo  
na Simon Selote na Yuda mun'a Yakobo.
- 14 \*Babo bese ba ta batangame o muka na o  
besosomedi na mulema mowó, na bito pe na  
Maria, nyaŋgo a Yesu, na bona-saŋgo ba bome.
- 15 \*Nde o mi minya Petro a ta a teme oteten  
a bokweli, a kwala na, (nde dimuti lena di ta  
16 di kotome di ta to ebwea bato na muaba): \*A  
bato, bona-saŋgo! Betiledi beta beangamene  
londa, bena Mudi Musangi mu seleno biise o  
mudumbu ma Dawid, onyola Yuda nu timbi  
mudied'a ba bena ba ta ba putea Yesu.
- 17 \*Ebanja a ta alaŋgabe pulisane biso, a ta pe  
18 a kusa doŋgo o yen ebolo. \*Mo a kusi so  
mōnda onyola musauedi ma bobo, nu ta nu  
ko wase polongo, adomea teten, na mea mao  
19 mese mi komea wase, \*lena di ta di biane na  
bese bena bajai o Yerusalem, ka nyena mu  
mōnda mu timbi belabe o bwambo babu na,

## Bebolo ba bamuloloma 1. 2.

Akeldama, nika nye nde na, mōnda ma maya.  
\*Ebanja etilabe o kalat'a-mienge na: „Bejedi 20  
bao betimbe embamba, to-moto a si ja oten“,  
na na: „Nupepe akuse ebol'ao.“ \*Moto mowó 21  
so nya ba bato bena bata badaŋgwa na biso  
ponda yese, niponda Saŋgo Yesu atano 'ingea  
na busa oteten asu, \*botea o dubise la Yo- 22  
hane natena o bo bunya, boena a noŋgobenó  
na biso o mony, a timbe mbon a bepumbwedi  
muemba na biso. \*Na babo ba tese baba, 23  
Yosef nu belabe Barsaba, nu ta pe nu posobe  
dina na Yusto, na Matia, \*na babo ba kane, 24  
ba kwala na: Oa, a Saŋgo, nu bi milema ma  
bese, leele njika mowó nya ban baba o po-  
sino, \*o noŋgo bejedi ba yen ebolo na mun 25  
muloloma, bena Yuda 'asumweno o wala o  
yao wuma. \*Na babo ba bola babo male, 26  
na male ma koye Matia, na mo a batabe na  
dom la bamuloloma na mowó.

Nde niponda bunya ba muatanu bolon- 2  
dino, babo bese ba ta ba kotone wuma iwo  
na mulema mowó. \*Na dibokimene mumban 2  
muwa o mony, biana juŋga la mudi mundene,  
mulondise ndabo nyese ba tano baja. \*Na 3  
l'eme lo domedi, kana la wea, lo poye babo,  
loja omony amoto namoto nyabu, \*na babo 4  
bese ba londa na Mudi Musaŋgi, ba kumwa  
topo na l'eme lopepe, kana Mudi mu bolino  
babo o topo. \*Nde Bona-Yuda, bato ba dube 5  
bena ba wu o matumba mese mena mata  
owasa mony, ba ta baja o Yerusalem. \*Nde 6  
mu mumban mu seŋganno, dimuti di ta di ko-

## Bebolo ba bamuloloma 2.

- tone, di nyaka, ebanja moto na moto a seŋgi babo ba ma-topo o bwambo bao a yabanno.
- 7 \* Nde babo bese ba ta banyaka, batanya, ba kwalane mowó na nune na: Ombwa, ban bese ba ma-tope ba titi nde bato ba Galilea e?
- 8 \* Nde neni di ma-seŋgano babo moto-te o
- 9 bwambo basu di yabanno e? \* Bato ba Partia na Media na Elam na ba bajai o Mesopotamia na Yudea na Kapadokia na Ponto na Asia
- 10 \* na Frigia na Pamfilia na o Egipto na o epas' a Libia, bebe na Kirēne, na bato ba Roma
- 11 bajai o uan, \* Bona-Yuda na bembon na bato ba Kreta na Arabia, — di ma-seŋga babo ba ma-topo o miambo masu bebolo bendene ba
- 12 Loba! \* Na babo bese ba nyaka, b'uba, ba kwalane mowó na nune na: Ninka nye nde
- 13 ne e? \* Bapepe ba ta ba bola makeko, ba kwala na: Balondi nde na mao ma nyeŋgeny.
- 14 Na Petro ateme na dom na mowó, 'ase doi lao, akwalane babo na: A bato ba Yudea na binyo bese lo jai o Yerusalem, esele din di biane na binyo, lele pe matoi o seŋga beyala
- 15 bam. \* Ebanja ban ba si soki, kana lo m'ongeleno, ebanja tatan ye nde ngen ilalo ya
- 16 bunya. \* Nde din le nde nje ekwalabe na
- 17 mutoper'a-mudi Yoel na: \* „Loba a ma-kwala na: e mende be o minya mi sukan, na mende koma Mudi mam omomy a beyobo bese, na bana banyu ba bome na ba bito pe bamende langwa bedinge, mpesa manyu pe mi mende jene mene, midun manyu pe mi mende nanga
- 18 ndoti. \* Nde o mi minya na mende koma

## Bebolo ba bamuloloma 2.

Mudi mam omōny a bautu bam ba bome na  
ba bito, nde bamende laŋgwa bediŋge. \* Nde 19  
na mende bola betanysedi omōny o dibobe,  
na beyemban o wase, maya na wea na mu-  
tumbe ma itutu. \* Wei imende timba muititi, 20  
modi pe maya, obiana bunya ba Saŋgo bo-  
ndene na ba bosaŋgi boma-po. \* Nde emende 21  
be ná to-nja nu ma-bele dina la Saŋgo, a  
mende joŋgisabe.“ \* A bato ba Israel, seŋga 22  
ben beyala: Yesu nya Nasaret, moto nu pu-  
sabele na Loba oteten anyu na bebolo ba  
ŋginya na betanysedi na beyemban, bena Loba  
a bolino onyol'ao oteten anyu, kana binyo  
momene lo bino, \* mo nde, kana a tano a ba- 23  
kabe onyola muano mutesebe, na onyola  
dibie la Loba lena di ma-sele bie mese, lo  
noŋgino, lo bomele mo o mbasa onyola maa  
ma ba ba si ben mbenda, lo bwa mo. \* Mo 24  
nde Loba apumbweleno, na ka wunja la ses'a  
kwedi; kana e sitano ewele bolane, ná 'ala-  
bele na mo. \* Ebanja Dawid a kwali onyol' 25  
ao na: „Na m'ene Saŋgo am oboso bam ponda  
yese; ebanja e o dia lam la mom, ná na si  
soa. \* Onyola nika mulema mam mu bo mu- 26  
nyenŋe, eyem'am pe e sombise; e, eyobo am  
pe emende wumse o dipita, \* ebanja o si 27  
mende jesele mudi mam o mundi-ma-kwedi,  
to jesele Musanŋer' aŋgo o jene eboru. \* O 28  
biise mba maŋgea ma lonŋe; omende londise  
mba na munyenŋe oboso boŋgo.“ \* A bato, 29  
bona-saŋgo, nena na-laŋgwea binyo na bwe  
onyola saŋgo asu nya mbambe Dawid: Mo

## Bebolo ba bamuloloma 2.

a wedi, a pulabe pe; songo ao nye na biso  
30 natena bon ba oenge. \*Nde kana a tano so  
mutoper'a-mudi, a bia pe na Loba a kanedi  
mo songo, na mbot'a edue ao e je o bejedi  
31 bao, \*kana aseleno jene nika, ata nde atopo  
onyola bepumbwedi ba Kristo, na mudi mao  
mus'esabele o mudi-ma-kwedi eyobo ao pe  
32 as'en eboru. \*Nun Yesu mene nde, Loba a  
pumbweleno; mo nde biso bese jeno mbon.  
33 \*Kana 'ondabeleno so na dia la mom la Loba,  
a kusino pe dikaki la Mudi Musangi na Tete,  
mo nde a kom din, lo m'enenen tatan, lo ma-  
34 seengano pe. \*Ebanja Dawid a si ta 'ondea  
o mony; nde a kwali na: „Saŋgo a kwalan  
35 Saŋgo am na: Ja o dia lam la mom, \*natē  
na timbise basingeri boŋgo ebambu a mataŋga  
36 moŋgo“. \*Ndabo a Israel nyese e bie so  
bwambwam, na Loba a timbise nun Yesu,  
nyena lo bomeleno o mbasa, Saŋgo na Kristo.  
37 Nde ba seengino nika, na mo esolo babo  
o mulema, na babo ba kwalan Petro na bane  
bamuloloma na: A bato, bona-saŋgo, di boleye  
38 ne e? \*Na Petro a kwalan babo na: Binyo  
atele, moto na moto nyanyu a dubisabe  
o dina la Yesu Kristo, onyola lakise  
la miobe; nde lo mende kusa jabea la  
39 Mudi Musangi. \*Ebanja dikaki le nde lanyu  
na bana banyu na bese pe bena be etum, bena  
40 Saŋgo, Loba lasu, a mendeno bele o po. \*A  
ta pe a bola babo mbon na jomele pe na gita  
la beyala bepepe, m'ona: Esele binyo lo ongi-  
41 sabe na nin nyonon a mpeŋga. \*Ba so bena

## Bebolo ba bamuloloma 2. 3.

ba ta ba nōngo eyal'ao, bata ba dubisabe; nde  
bata ba batabe o bo bunya to lokoli la midī  
lolalo.

Nde ba ta ba tīngame o beleedi ba bamu- 42  
loloma na o jalatane na o bua l'ewolo na  
o mika. \*Nde bōngo bo ta bo kōye midī 43  
mese; nde gita la betanysedi be ta be bolane  
na bamuloloma. \*Nde bese bena ba ta ba 44  
timba dube bata nde wuma iwo, bata ba bene  
mambo mese pūlapula; \*nde ba ta b'andise 45  
mambo mabu na bema babu pe, b'abane mo  
bese, kaponda e tano e pula na moto na moto.  
\*Nde kana ba tano ba tīngame bunyate o 46  
tempel na mulema mowó, ba bua pe ewolo o  
mboa, \*ba ta ba nōngo da na munyenge na 47  
mulema mowó, basesa Loba, ba bene pe ndedi  
na dimuti lese. Nde Saŋgo a ta a bata bu-  
nya-te o muemba, ba bena ba ta b'oŋgisabe.

Nde Petro na Yohane ba ta b'ondea mu- 3  
emba mowó o tempel, o pond'a muka, ŋgeñ  
dibua. \*Nde moto mowó nu ta mboko na- 2  
tena dibum la nyaŋgo a ta a bambabe, nyena  
ba tano ba jese bunya-te o jombe la tempel,  
lena di belabe na: la bwam, o jakwa mabea  
na ba ba m'ingeye o tempel. \*Niponda nun 3  
'enno Petro na Yohane ba ma-pula jīngea o  
tempel, na mo a sosomea onyola jabea. \*Nde 4  
Petro a ta 'ombwa mo na Yohane pe, a kwala  
na: Ombwa biso! \*Na mo 'ombwa babo na 5  
sī, 'engele o kusa lambo na babo. \*Na Petro 6  
a kwala na: Na si ben silba to gol; nde di



### Bebolo ba bamuloloma 3.

- na benno, mo nde na ma-bolano oa: o dina la Yesu Kristo nya Nasaret, teme, o daŋgwe.
- 7 \* Na mo a kwe mo o dia la mom, a tese mo, na dibokimene mataŋga mao na mongea ma
- 8 timba jembame; \* na mo 'aŋgwe mony, a teme, a daŋgwa, 'inŋea na babo o tempel, a daŋgwa,
- 9 'aŋgwe, a sesa Loba. \* Na dimuti lese di ene
- 10 mo a ma-daŋgwa, a ma-sesa pe Loba. \* Nde ba ta b'emba mo, ná e nde nu nu ta nu ja o jombe la bwam o njako, na babo balonda na manyaka na betanysemi onyola di di bolan na mo.
- 11 Nde niponda a tiŋgamno na Petro na Yohane, dimuti lese di ta di kotone na babo na manyaka, o dibepe di belabe, la Salomo.
- 12 \* Nde Petro 'enno nika, na mo 'alabe dimuti na: A bato ba Israel, nje loma-nyakano onyola din? to nje lo m'ombwano biso, biana biso nde di boli mo a daŋgwa onyola ŋginy'asu mo
- 13 mene na dube lasu la Loba? \* Loba la Abraham na la Isak na la Yakob, Loba la basan-go basu nde, a busise muut'ao Yesu, nyena binyo lo bakeno, lo tobino oboso ba Pilato,
- 14 niponda mo a bakono o jesele mo. \* Binyo lo tobi Nyabosaŋgi na Nutemnasim, lo soso-meye nde ná mot'ebwan a bolabe binyo.
- 15 \* Lo bo muaned'a lonŋe, nyena Loba 'umwe-
- 16 leno o kwedi, onyola din biso je mboŋ. \* Nde onyola jemea o dina lao, mo nde nu nyena lo m'eneno, lo bino pe, dina lao nde di embe mo; na jemea lena le onyol'ao mo nde di boli mo din ja la bwam oboso ba binyo beŋe.

### Bebolo ba bamuloloma 3. 4.

\*Na so nde, a bonate, na bī ná lo boli nde 17  
mo onyola bodimbea, kana bānedi banyu pe.  
\*Nde Loba nde ata alondise nika, ma mena 18  
a seleno biise onyola mudumbu ma batoperi  
bao ba mudī bese, ná Kristo a take. \*Binyo 19  
atele so, lo tukwe, ná miobe manyu mi tutabe;  
\*ná pond'a jembame e po, wa o boso ba Sañ- 20  
go, ná a lome pe Yesu Kristo nu sele tesebe  
onyol'anyu, \*nyena mony e aŋgamenno kasa, 21  
natena pond'a betimbisedi ba mambo mese,  
nyena Loba a kwalino o mudumbu ma batoperi  
bao ba mudī ba bosangi, natena o bwi-  
ndea. \*Ebanja Mose a kwalan batete na: 22  
„Saŋgo Loba lanyu a mende busiseye binyo  
mutoper'a-mudī oteten a bona-saŋgo anyu kana  
mba; mo nde l'aŋgamenno seŋgane o mese  
a mendeno kwalane binyo. \*Nde e mende be, 23  
ná mudī na mudī muena mu si mende seŋgane  
nu mutoper'a-mudī mumende nyamsabe oteten  
a tumba. \*Nde batoperi-ba-mudī bese botea 24  
o Samuel na ombusa, bese bena bata batopo,  
bata ba laŋgwa pe onyola min minya. \*Bi- 25  
nyo le nde bana ba batoperi-ba-mudī na ba  
male, mena Loba a teseno na basaŋgo basu,  
niponda a kwalanno Abraham na: „O mbot'  
aŋgo pe nde matumba ma wase mese ma  
mendeno namsabe.“ \*Na binyo nde Loba a 26  
seleno pumbwele muut'ao Yesu, a lom pe mo  
o namse binyo o jatele la moto na moto na  
bobe bao.

Nde niponda ba tano ba kwalane dimuti, 4  
na prisi na muaned'a tempel na Sadukai ba

## Bebolo ba bamuloloma 4.

- 2 po na babo, \*e ta e bwese babo ndutu onyolana ba ta ba lee dimuti, ba langwa pe bepup  
3 mbwedi ba kwedi o Yesu. \*Na babo ba wele babo maa o nyolo, ba wele babo o beboa natena bone ba kiele; ebanja e ta nde ebiamu.
- 4 \*Nde gita la ba bena ba ta ba senga eyala ba ta ba dube; nde musongi ma bome muta mu timba be to lokoli lotanu.
- 5 Nde idiba i poino bānedi babu na baturu na babiedi-ba-kalat'a-Loba ba ta ba kotone o  
6 Yerusalem, \*Ana prisi nindene, na Kaifa na Yohane na Alesanda na bese bena ba ta o  
7 mbia ma prisi nindene; \*na babo ba tese babo oteten, b'uele na: O njika nginya to o  
8 njika dina lo bolino din e? \*Na Petro alonda na Mudī Musangi a kwalane babo na: A binyo bānedi b'ekombo na baturu ba Israel,  
9 \*yetena di wasabe te oenge onyola ebol'a bwam e bolabe na mot'a diboa, yena onyol'  
10 ao 'oṅgisabeno, \*e biane na binyo bese na bato ba Israel bese, ná o dina la Yesu Kristo nya Nasaret, nyena lo bomeleno o mbasa, nyena Loba a pumbweleno o kwedi, onyol'ao nde nun a temno oboso banyu na ja la bwam.
- 11 \*Mo nde e dale lena di bangabe na binyo  
12 balongedi, lena di timbi dale la tongo. \*Jon-gise pe dititi na nupepe, to dina dipepe pe dititi owasa mony, lena di bolabe bato, lena onyol'ao di m'oṅgisabeno.
- 13 Nde b'enzo bokenju ba Petro na Yohane, ba soino pe ná be nde bato ba s'oko na ba bodimbea, na babo ba nyaka, ba ta pe ba bia

## Bebolo ba bamuloloma 4.

babō bwambwam ná bata nde na Yesu. \*Nde 14  
niponda b'énno nu moto nu bolisabe a tem  
na babō, na babō ba sibene to-lambo o tim-  
bisele teṅgene mo. \*Na babō b'anea babō o 15  
busa o jakotone la muano, na babō ba kwali-  
sane mowó na nune, bakwala na: \*Di boleye 16  
ban bato ne e? Ebanja eyemban e bian e  
bolan na babō, yena e bian na bese bena  
bajai o Yerusalem, di titi ná di tobo mo.  
\*Nde ná e si beṅga kyamane oteten a dimuti, 17  
esele biso di kimeye babō bwambwam, ná ba  
sikwalane pe to-moto to-lambo o di dina.  
\*Na babō ba bele babō, b'anea babō ná ba 18  
si topo to lee onyola dina la Yesu tomtom.  
\*Na Petro na Yohane b'alabe, ba kwalane 19  
babō na: Binyomene kaise, ṅga e teṅgen  
oboso ba Loba, o seṅgane binyo buka Loba.  
\*Ebanja di titi ná di wele jesele o topo ma 20  
mena di enno di seṅgino pe. \*Na babō ba 21  
beṅga nde kimea babō, b'esele babō, kana  
ba si soino neni ba ma-kokiseno babō onyola  
dimuti, ebanja bese bata basesa Loba onyola  
di di bolan. \*Ebanja nu moto a ta a buka 22  
muaneṅi ma mbu, nyena yen eyemban a bolise  
e bolabeno.

Nde niponda b'esabeleno, na babō b'ala 23  
na bona babu, ba laṅgwea babō mese mena  
prisi indene na baturu ba kwalanno babō.  
\*Nde ba seṅgino nika, na babō b'ase ma- 24  
doi mabu na Loba na mulema mowó, ba  
kwala na: A Saṅgo, oa oe Loba nu weki  
mony na wase na munja na mese me oten,

## Bebolo ba bamuloloma 4.

- 25 \* nu kwali onyola mudumbu ma muut'año  
Dawid na: „Onyolanje basibi ba ma-toisenö,  
na matumba ma ma-duteano nambo m'ewolo  
26 e? \* Kin'a wase ima-teme, bānedi pe ba  
kotone, teṅgene Saño na teṅgene Krist' ao.“  
27 \* E, nambale, ba kotom o mun mundi teṅgene  
muut'año nya bosangi Yesu, nyena o okisenö,  
Herode na Pontio Pilato muemba na basibi  
28 na matumba ma Israel, \* o bola nje dia loṅgo  
na muano moṅgo ba selenö tese, ná e bolane.  
29 \* Nde tatan so, a Saño, ombwa bekima babu,  
bola pe bautu boṅgo o laṅgwa eyal' aṅgo  
0 na bokenju boese, \* ná o sambise la dia loṅgo  
onyola bolise, beyemban na betanyisedi be bo-  
lane onyola dina la muut'año nya bosangi  
31 Yesu. \* Nde ba boleno kane, wuma yena ba  
tano ba kotone ita isoa, na babo bese ba  
londa na Mudi Musangi, ba kwala pe eyal'a  
Loba na bokenju.  
32 Nde dimuti la badube di ta nde mulema  
mowó na mudi mowó; nde to-mowó a si ta a  
kwala onyola to lambo diwo la mambo mao  
a tano a bene, ná le nde lao, nde mese mata  
33 nde babo pūlapula. \* Nde bamuloloma ba ta  
ba bola mboñ na ṅginya nindene onyola be-  
pumbwedi ba Saño Yesu, ndedi nindene pe  
34 e ta omony a babo bese. \* Ebanja to-mowó  
asita oteten abu nu ta nu taka; ebanja bese  
bena ba ta ba bene mionda na mandabo bata  
b'andise mo, ba wana musauedi ma mambo  
35 b'andisenö, \* ba neṅge mo o miende ma ba-  
muloloma; nde e ta e abane na moto nyese,

## Bebolo ba bamuloloma 4. 5.

kaponda e tano e pula onyol'ao. \* Nde Yoses, 36  
 nu ta pe nu posobe dina na bamuloloma na:  
 Barnaba, nika nye nde o tukwabe na: Mun'  
 a belokomedi, mot'a bona-Lewi, nu yabe o  
 Kipro, \* a ta a bene mōnda, 'andise mo, a wana 37  
 musauedi, a wele mo o miende ma bamuloloma.

Nde moto mowó, dina lao na Anania na 5  
 munj'ao Safira, a ta 'andise mōnda, \* a wengele 2  
 doŋgo la musauedi, munj'ao pe a ta a bia  
 nika, a wana doŋgo, a nenge mo o miende ma  
 bamuloloma. \* Na Petro akwala na: A Ana- 3  
 nia, onyolanje Satan alondiseno mulema mon-  
 go, ná o toponē Mudī Musangi lobaŋgo, o wen-  
 gele pe na doŋgo la musauedi ma mōnda e?  
 \* Niponda mutano mudia na oa, musita nde 4  
 mongo e? mu andisabeno pe, mu si ta mu dia  
 o nginy' aŋgo e? Onyolanje o wekino nika  
 o mulema mongo e? O si topon bato lobaŋgo,  
 nde Loba. \* Nde Anania a seŋgino ben beyala, 5  
 na mo a ko wase, a patea. Na boŋgo bo-  
 ndene bo koye beše, bena ba ta baseŋga nika.  
 \* Na mpesa ma bato mi teme, mi wulele mo, 6  
 mi busane mo, mi pule mo. \* Nde e ta na, o 7  
 tomba to ngeŋ ilalo, na munj'ao nyena a si  
 ta a bia nje e bolan, 'inŋea. \* Na Petro a 8  
 kwalane mo na: Laŋgwea mba, ŋga lo andise  
 nde mōnda nika e? Na mo a kwala na: E,  
 nikamene. \* Na Petro a kwalane mo na: 9  
 Onyolanje lopulino muano o kekise Mudī ma  
 Saŋgo e? Ombwa, mataŋga ma ba bena ba  
 pule mom'aŋgo me oboso ba jombe, bamende  
 pe bambe oa. \* Na mo a ko wase dibokimene 10

## Bebolo ba bamuloloma 5.

- o miende mao, a patea. Na mi mpesa ma bato miingea, mi bomane mo awedi, na babo ba busane mo, ba pule mo bebe na mom'ao.
- 11 \* Na bongō bondene bo koye muemba muese na bese bena ba sengi nika.
- 12 Nde gita la beyemban na betanyisedi be ta be bolane na maa ma bamuloloma, oteten a dimuti, nde babo bese ba ta ba kotone na
- 13 mulema mowó o dibepe la Salomo. \* Nde to-mowó nya bapepe a si ta a keka o lata na babo, nde dimuti di ta di ombwea babo bo-
- 14 ndene. \* Nde eta e beŋga batabe na babo, ba bena bata ba dube Saŋgo, dimuti la bome na
- 15 bito pe, \* ka nyena' bata ba busise baboedi o maŋgea, ba neŋge babo o manongo na o kadi, ná ŋga Petro a poi te, edingeding'ao yena
- 16 e ko omony a mowó nyabu. \* Nde dimuti la mindi mi dingele pe di ta di kotone o Yerusalem, ba wana baboedi na batakisabe na midī mi si saŋgi, nde babo bese ba ta ba bolisabe.
- 17 Nde prisi nindene e ta e teme na bese ba ta na mo, bena bata nyañ-la-jemea la Sadukai,
- 18 ba londa na kodi, \* na babo ba wele bamuloloma maa mabu o nyolo, ba wele babo o beboa
- 19 ba mpoma. \* Nde angel a Saŋgo e ta e tele mombe ma ndabo a beboa o bulu, e busise
- 20 babo, e kwala na: \* Binyo ala, lo teme, lo laŋgweye dimuti o tempel beyala bese ba din
- 21 longe. \* Ba sengino nika, na babo b'ingea o tempel ya idibaidiba, ba lee. Nde prisi nindene e ta e po na ba bata na mo, na babo ba bele muemba ma bakaisedi bandene na

## Bebolo ba bamuloloma 5.

muemba ma baturu ba Bona-Israel muese;  
na babo baloma o ndabo a beboa o wana  
babo. \*Nde baboledi ba p<sub>o</sub>ino oten, ba si 22  
boman babo o beboa; na babo ba timba, ba  
biise nika, \*bakwala na: Di boman ndabo a 23  
beboa e kwesam bwambwam, batatedi pe ba  
tem o mombe, nde di teleno di si boman to-  
moto oten. \*Nde ba se<sub>o</sub>ngino ben beyala, 24  
prisi na muaned'a tempel na prisi indene,  
na babo b'uba onyol'abu, nje nika e men-  
deno be. \*Nde moto mowó a ta a po, a 25  
la<sub>o</sub>ngwea babo na: Ombwa, ba bato lo we-  
leno o beboa, be o tempel, batem, ba ma-  
lee dimuti. \*Na muanedi 'ala na baboledi 26  
bao, a wana babo, seto na nginya, ebanja ba  
ta ba bwa dimuti bon<sub>o</sub>go, ná ba si ya be b'  
a<sub>o</sub>ngwabe madale. \*Nde ba wanno babo, na 27  
babo ba t<sub>o</sub>se babo oboso ba muano, na prisi  
nindene 'uele babo, \*e kwala na: Di si ta di 28  
anea binyo na iwie, ná losilee o din dina e?  
Nde ombwa, lo má-londise Yerusalem na be-  
leedi banyu, nde lo ma-pula pe wana maya  
ma nu moto om<sub>o</sub>ny asu. \*Na Petro 'alabe 29  
na bamuloloma, a kwala na: E a<sub>o</sub>ngamen  
o se<sub>o</sub>ngane Loba buka bato. \*Loba la ba- 30  
sa<sub>o</sub>ngo basu apumbwele Yesu, nyena binyo lo  
bono na pane la mony a ebon<sub>o</sub>go. \*Mo nde 31  
Loba 'ase<sub>o</sub> na dia la mom o be muanedi na  
musu<sub>o</sub>ngeri, o bola Israel jatele na lakise la  
miobe. \*Nde biso pe je mbo<sub>o</sub>ñ ao onyola ben 32  
beyala na Mudí Musa<sub>o</sub>ngi pe, muena Loba a  
bolino ba bena bama-se<sub>o</sub>ngane mo. \*Nde ba 33



## Bebolo ba bamuloloma 5.

seŋgino nika, na mo e ke babo mulema, na babo ba weka muano o bwa babo.

- 34 Nde mot'a Farisai mowó a ta a teme o muemba ma bakaisedi bandene, dina lao na Gamaliel, muleed' a-mbenda nu ta nu bene edube na dimuti lese, 'anea ná ba busise babo
- 35 muloloma son a ponda. \* Na mo a kwalane babo na: A bato ba Israel, l'aŋgamene binyomene onyola ban bato, nje lo ma-pulano
- 36 bola. \* Ebanja oboso ba min minya, Teuda a ta a teme, akwala na e lambo, to bebwea ba bato benei be ta be batame na mo; mo a bwabe, na bese bena ba ta ba batame na mo ba pambilan, ba nyamsabe. \* Ombusa nun, Yuda
- 37 nya Galilea a ta a teme, o pond' a noŋgobe la musongi, a ta pe a yombise gita la bato o bupe mo; mo pe a wedi, nde bese bena ba
- 38 ta ba batame na mo, ba ta ba pambilane. \* Nā-laŋgwea so binyo na: Embe dia na ban bato, ese le babo. Yetena mun muano to yen ebolo
- 39 ye te ya bato ke emende bulea; \* nde ye te ya Loba, ke lo titi ná lo wele bulele mo; lo si ya
- 40 belo sobeka ba ba m'anane Loba. \* Na babo ba seŋgane mo, ba bele bamuloloma, ba dipa babo lonyanyo, b'anea babo, ná basikwala o dina
- 41 la Yesu, na babo b'esele babo. \* Na babo b'asumwe na munyenge o boso ba muemba ma bakaisedi bandene, onyolana ba ta nde ba doŋgamen o kusa ison onyola dina lao.
- 42 \* Nde basita b'esele o lee bunya-te o tempel na o mandabo, na laŋgwa pe miango-ma-bwam ma Yesu Kristo.

## Bebolo ba bamuloloma 6.

Nde o mi minya, niponda bokweli ba tim- 6  
 bino tondo, minyunyungu mi ta mi busa na  
 Bona-Yuda ba Grikia lingane ba Bona-Heber,  
 onyolana mikusa mabu mi ta mi bangisanebe  
 o jabane la da la bunya-te. \* Nde dom na 2  
 baba ba ta ba bele dimuti la bokweli, ba kwala  
 na: E si dolon biso, na di esele eyal'a Loba,  
 nde di boleye nde tebedi. \* Binyo ombwa so, 3  
 a bonate, onyola bato samba oteten anyu,  
 bena ba ben dina la bwam, ba londi na Mudi  
 Musangi na dibie pe, bena di ma-teseno onyola  
 yen ebolo. \* Nde biso di ma-pula tingame o 4  
 muka na o ebol'a eyala. \* Nde y'eyala e ta 5  
 edolise dimuti lese, na babo ba poso Stefano,  
 moto nu londi na jemea na Mudi Musangi,  
 na Filipino na Prokoro na Nikano na Timon  
 na Parmena na Nikolao, embon a Antiokia.  
 \* Na babo ba tese babo oboso ba bamuloloma, 6  
 na babo ba kane, ba nenge maa omony abu.  
 \* Nde eyal'a Loba e ta e tondo, musongi ma 7  
 bokweli pe o Yerusalem mu ta munyaka bo-  
 ndene bwambi; dimuti dindene la prisi pe di  
 ta di sibise momene owasa jemea.

Nde Stefano nu ta nu londa na ndedi na 8  
 nginya, a ta a bola betany sedi na beyemban  
 bendene oteten a dimuti. \* Nde dongo la ba 9  
 ndabo a ndongamen, nyena ni belabe na: nya  
 Ba-Libertini na nya Ba-Kirēne na nya Ba-  
 Alesandria na nya ba ba ta o Kilikia na  
 Asia, ba ta ba teme, ba bolane miedi na Ste-  
 fano. \* Nde ba si ta ba wele tengene dibie 10  
 na Mudi, bena a tano a kwalane. \* Na babo 11

## Bebolo ba bamuloloma 6. 7.

ba senjele bato, ba kwala na: Bisō di senḡi a  
12 topi dibena liḡise Mose na Loba. \* Ba puḡ-  
gwa dimuti na baturu na babiedi-ba-kalat'a-  
Loba, ba po, ba damea mo, b'alanē mo oboso  
13 ba muemba ma bakaisedi bandene; \* ba tese  
mboḡ a lobaḡo, ba kwala na: Nun moto a  
si m'esele o topo beyala liḡise uan wum'a  
14 bosanḡi na mbenda; \* ebanja di ta di senḡa  
mo a kwali na: Nun Yesu nya Nasaret a mende  
bulele uan wuma, na tukwa pe bedemo bena  
15 Mose a bakeno biso. \* Nde niponda bese bena  
ba ta o muemba ma bakaisedi bandene ba  
sokeno mo miso o nyolo, na babo b'ene boso  
bao ka boso ba angel.

7 Na prisi nindene ekwala na: Man mambo  
2 me nika e? \* Na mo a kwala na: A bato,  
bona-saḡo na batete, binyo senḡa: Loba la  
bosanḡi a ta a busea saḡo asu Abraham, ni-  
ponda a tano o Mesopotamia, obiana a ma-ja  
3 o Haran; \* a kwalanē mo na: „Asumwe o  
ekombo aḡo na o mbia moḡo, ala o ekombo  
4 yena na mendeno leelee oa.“ \* Na mo 'asumwe  
o ekombo a bato ba Kaldea, aja o Haran.  
O ua nde, ombusa kwed'a saḡo ao, a ta a  
jese mo o yen ekombo, binyo lojaino tatan.  
5 \* Nde a si ta a bola mo saḡo oten, to taḡa  
diwo, nde a ta a kakane o bola mo o be yao  
na mbot'ao ombus'ao, niponda a si tano a  
6 má-bene muna. \* Nde Loba a ta a kwala  
ninka na: „Mbot'aḡo e mende be ben o  
ekombo epepe, nde ba mende timbise babo  
bakom, ba mende tuse babo bebwea ba mbu

## Bebolo ba bamuloloma 7.

benei.“ \*Loba m'ona: „Nde na mende kaise 7  
y'ekombo yena bamendeno bolea, nde ombusa  
nika ba mende jasumwe oten, ba mende bolea  
mba o uan wuma.“ \*Nde ata a bola mo 8  
male ma bwendi. Nika nde ayaino Isak, 'enda  
mo o bunya bo londe lombi, Isak pe Yakob,  
Yakob pe dom la basango ba mbambe na  
baba. \*Nde basango ba mbambe bata ba 9  
konone Yosef, na babo b'andise mo o Egipto;  
nde Loba ata na mo, \*ata a sunga mo o mi- 10  
takisan mao mese, a bola mo ndedi na dibie  
oboso ba Farao, kin'a Egipto, na nun ajese  
mo muanedi omony a Egipto na omony a  
ndabo ao nyese. \*Nde njai eta eko o ekombo 11  
a Egipto yese na o Kanaan, na ndenge ni-  
ndene, nde basango basu ba si ta ba so da.  
\*Nde Yakob a sengino na mbasi ye o Egipto, 12  
na mo a loma basango basu nged'a boso.  
\*Nde o ngedi ni londe iba Yosef a ta 'em- 13  
babe na bona-sango, na mbia ma Yosef mu  
timba biabe na Farao. \*Na Yosef a loma o 14  
bele sango ao Yakob na mbia mao muese,  
musamba ma midi na mitanu. \*Na Yakob a 15  
siba o Egipto, a wo, mo na basango basu pe.  
\*Na babo ba wanabe o Sikem, ba pulabe o 16  
songo nyena Abraham 'andino na mususedi  
ma silba o bana ba Hemo, o Sikem. \*Nde 17  
kana pond'a dikaki di sisedino bebe, nyena  
Loba a kanedino Abraham songo, bato bata  
ba tondo, ba timba gita o Egipto, \*natē kiñe 18  
nipepe e busa, ni si ta ni bia Yosef. \*Mo nde 19  
ata a weka misomba onyola tumba lasu, a

## Bebolo ba bamuloloma 7.

tuse basaŋgo basu, a bola ná miēnge mabu  
20 ma bana mi pimbabe, ná mi si toŋgwa. \* O  
ni ponda mene nde Mose a yabeno, nde a ta  
a dolo beomwedi oboso ba Loba, a boŋgwabe  
21 miodi milalo o ndabo a saŋgo ao. \* Nde a  
pimbabeno, na mun'a muto nya Farao a  
noŋgo mo, a boŋgwa mo o'be mun'ao momene.  
22 \* Nde Mose a ta a leabe o dibie la bato ba  
Egipto lese, a ta pe ŋginya o beyala bao na  
23 bebolo pe. \* Nde muanei ma mbu mulonde-  
dino mo, e ta e poye mo o mulema, o jombwa  
24 bona-saŋgo ao, bana ba Israel. \* Nde 'enno  
mowó a ma-takisabe, na mo a diŋgea mo, a  
kuna nu nu takisabe, a bwa mot'a Egipto.  
25 \* Nde a ta 'oŋgele na, bona-saŋgo ba mende  
soŋtane, ná Loba a ma-bola babo joŋgise o  
26 dia lao; nde ba si ta ba soŋtane. \* Nde o  
bone bunya bo bupe, a ta apoye babo, ke ba  
ma-taŋga mutaŋgo, a ta a pula dolisane babo  
o be musaŋgo, a kwala na: A bato, binyo le  
nde bona-saŋgo, onyolanje lo ma-bolano mowó  
27 na nune bobe e? \* Nde nu nu ta nu bola  
nune bobe, a nimele mo, a kwala na: Nja a  
tese oa muanedi na mukaisedi omony asu e?  
28 \* Oma-pula pe bwa mba, kana obono mot'a  
29 Egipto kiele e? \* Na Mose anya mila onyola  
y'eyala, a timba be muen o ekombo a Midian,  
30 wuma a yaino bana ba bome baba. \* Nde  
muanei ma mbu mulondino, na angel a Saŋgo  
e busea mo o eyaŋ a mudoŋgo ma Sinai o wea  
31 im'onye ya mbutu. \* Nde Mose 'enno mo,  
na mo anyaka onyola di jene. Nde a sisedino

## Bebolo ba bamuloloma 7.

o jombwa, na doi la Saṅgo di poye mo na:  
\* „Mba ne nde Loba la basaṅgo boṅgo, Loba 32  
la Abraham, na Loba la Isak, na Loba la  
Yakob.“ Na Mose a timba soa mukambilan,  
a si ta a keka o jombwa oten. \* Na Saṅgo a 33  
kwalane mo na: „Soṅgwa betambi o miende  
moṅgo, ebanja ua wuma otemno, ye nde mi-  
nyaṅgadu misaṅgi. \* N'en mitakisan ma bona 34  
bam o Egipto bwambwam, na seṅgi pe na sun-  
jumea labu, na sibi wase o suṅga babo. Ya  
so, na ma-loma oa o Egipto.“ \* Nun Mose 35  
mene nyena ba tano ba tobo, ba kwala na:  
Nja a tese oa muanedi na mukaisedi e? mo  
nde Loba a lomno muanedi na musuṅgeri na  
dia la angel, nyena ni ta ni busea mo o mbutu.  
\* Mo nde abusise babo kana a bolino betany- 36  
sedi na beyemban o Egipto na o Munja-inu-  
mole na o eyaṅ muaneṅi ma mbu. \* Mo nde 37  
e nu Mose nu kwalan bana ba Israel na:  
„Saṅgo, Loba lanyu a mende busiseye binyo  
mutoper'a-mudi oteten a bona-saṅgo anyu,  
kana mba; lo seṅganṅe nde mo.“ \* Mo nde e 38  
nu nu ta o muemba o eyaṅ oteten a angel,  
ni ta ni kwalisane mo o mudoṅgo ma Sinai,  
na (oteten a) basaṅgo basu pe, nu kusi beyala  
ba loṅge o bola biso; \* nyena basaṅgo basu 39  
basi tano ba pula seṅganṅe, nde ba nimele  
nde mo, ba yombo na milema mabu o Egipto,  
\* ba kwalane Aron na: „Poṅgea biso maloba 40  
mena mama-teme biso oboso; ebanja nun Mose  
nu busise biso o Egipto di si bi nje e bolan  
na mo.“ \* Na babo ba poṅgo mun'a nyaka 41

## Bebolo ba bamuloloma 7.

- o mi minya, ba wanea yi isaño jabea, ba  
bwa munyenge onyola bebolo ba maa mabu.
- 42 \* Na Loba a yombo, a bake babo o bolea di-  
muti la mony; kana etilabeno o kalat'a ba-  
toperi-ba-mudi na: A ndabo a Israel, lo wanedi  
mba nyam'a mabea na mabea muanei ma
- 43 mbu o eyan e? \* Lo nongi munoko ma Molok  
na ngenget'a loba lanyu Refan, njimbiri yena  
lo pongino o jowe mo; nde na mende jese
- 44 binyo ombusa Babilon.“ \* Basango basu  
ba ta babene munoko ma mbon o eyan, kana  
nu nu ta nu kwalisane Mose 'anedino o pongo
- 45 mo, kaponda eyembilan yena 'enno; \* muena  
basango basu, niponda bakusino mo, ba tano  
ba wana na Yosua o ekombo a basibi, bena  
Loba apaingino oboso ba basango basu, natena
- 46 minya ma Dawid, \* nu kusi ndedi oboso ba  
Loba, nu sosomedi pe, na a kuseye Loba la
- 47 Yakob bejedi. \* Nde Salomo a ta a longea mo  
48 ndabo. \* Nde Nyasam a si ma-ja o ma ma  
pongobe na maa, kana mutoper'a-mudi a kwa-
- 49 lino na: \* „Mony nde nye bejedi bam, wase pe  
ebambu a matanga mam; Sango m'ona: njika  
ndabo lo ma-longeano mba, njika wuma ye
- 50 ya wumse lam e?“ \* Seto dia lam nde di  
51 pongi man mese e? \* A binyo banyingo a  
bwambi na basendabe o milema na matoi,  
lo ma-tengene Mudi Musangi ponda yese, kana
- 52 basango banyu, nikamene pe binyo. \* Njika  
mutoper'a-mudi mowó basango banyu basi  
takisenó e? ba bo pe ba bena basele langwe  
onyola bepoyedi ba nu Nutemnasim, nyena

## Bebolo ba bamuloloma 7. 8.

lo timbino tatan bandisedi na bato b'ebwan.  
 \*Binyo bena lo kusi mbenda ka beanedi ba 53  
 angel, nde lo si neṅge mo.

Nde ba seṅgino man, e ta e ke babo mu- 54  
 lema, na babo ba da masonga lingise mo. \*Na 55  
 mo alonda na Mudī Musaṅgi, 'ombwa o mony,  
 'ene bosaṅgi ba Loba na Yesu a tem o dia  
 la mom la Loba, a kwala na: Ombwa, na m'  
 ene mony etelam, Muna-moto pe a tem o dia  
 la mom la Loba. \*Na babo ba te misea na 56  
 doi la monymony, bajue matoi, bakomea mo  
 o nyolo na mulema mowó, ba sokele mo  
 ombusa mundi, b'aṅgwa mo madale. \*Nde 57  
 bato ba mboṅ bata ba wele mbot'abu o miende  
 ma mpesa ma moto mowó, nu belabe na: Saul;  
 \*bata b'aṅgwa Stefano madale, nu ta nu 58  
 kane, a kwala na: A Saṅgo Yesu, noṅgo  
 mudī mam! \*Na mo a numa maboṅgo, a te 59  
 musea monymony na: A Saṅgo, o si neṅgele  
 babo bon bobe. Nde a kwalingo man, na  
 mo a ko iyo.

Nde Saul a ta a dolisane kwed'ao. Nde o 8  
 bo bunya takise dindene di ta dipo omony a  
 muemba o Yerusalem; nde bese bata ba pam-  
 bilane o ekombo a Yudea na Samaria, ke ba-  
 muloloma momene. \*Nde bato ba ma-bwe 2  
 Loba boṅgo bata ba pule Stefano, b'eya mo  
 bwambi. \*Nde Saulo ata anyamse muemba, 3  
 'inṅea o ndabo na ndabo, a duta bome na  
 bito, a bake babo o beboa.

Ba so bena bata ba pambilane, bata ba 4  
 yenga, ba laṅgwa eyala. \*Nde Filipo ata a 5



## Bebolo ba bamuloloma 8.

- siba o mundi ma Samaria mowó, a langwea  
6 babo Kristo. \* Nde mamuti mata ma lele  
mato i na mulema mowó o ma malangwabe  
na Filipino, niponda ba sengino, b'enzo pe be-  
7 yemban a bolino. \* Ebanja gita bena bata  
ba bene midí mi si sangi mita mi busa na  
babo, mite misea monymony; gita la banjem-  
8 bele na bamboko bata ba bolisabe. \* Nde  
9 munyenge mundene muta o mu mundi. \* Nde  
moto mowó dina lao na Simon ata asele be  
o mu mundi, nu ta nu sese ngambi, nu ta  
ny'ubise bato ba Samaria, a kwala na, e mo-  
10 wó nundene. \* Mo nde bese batano b'om-  
bwea, basadi na bandene, ba kwala na: Nun  
11 nde e nginy'a Loba, ni belabe nindene. \* Nde  
bata nde b'ombwea mo, ebanja a ta 'ubise  
12 babo etuma ponda na ngamb'ao. \* Nde niponda  
batano ba dube Filipino, nu ta nu langwea  
babo miango-ma-bwam ma janea la Loba na  
ma dina la Yesu Kristo, na babo ba dubisabe,  
13 bome na bito. \* Nde Simon momene pe a ta  
a dube, a dubisabe, a batame na Filipino. Nde  
'enzo beyemban na bebolo ba nginya bendene  
14 bena be bolan, na mo a nyaka. \* Nde ba-  
muloloma o Yerusalem ba sengino ná Samaria  
ba nongi eyal'a Loba, na babo balomea babo  
15 Petro na Yohane. \* Na babo ba siba, ba  
kane omony abu, ná ba kuse Mudí Musangi.  
16 \* Ebanja mu si ta mu ko omony a to-mowó  
nyabu, ba ta nde ba dubisabe o dina la Sango  
17 Yesu momene. \* Na babo ba nenge maa  
omony abu, na babo ba kusa Mudí Musangi.

## Bebolo ba bamuloloma 8.

\* Nde Simon 'enno ná Mudī Musaŋgi mu bo- 18  
labe onyola neŋgele la maa ma bamuloloma  
omony, na mo a wanea babo moni, \* a kwala 19  
na: Bola pe mba nin ŋginya, ná to-nja na  
neŋgeleno dia omony, a kuse Mudī Musaŋgi.  
\* Na Petro a kwalanē mo na: Moni mongo 20  
mu ale o dibumbe muemba na oa, onyolana  
o m'ōngele o kusa jabea la Loba onyola  
moni. \* Oa o si ben dongo to saŋgo o yen 21  
eyala; ebanja mulema mongo musitem oboso  
ba Loba. \* Atele so na bon bobe bongo, so- 22  
somea pe Loba, ná ŋga joŋgele la mulema  
mongo jena di lakisabe oa. \* Ebanja na m' 23  
ene oa oe o mbongi a njongi, okakabe pe o  
bobe. \* Na Simon 'alabe, a kwala na: Binyo 24  
sosomea Saŋgo onyol'am, ná to-lambo la ma  
mena lo kwalino di si po omony am. \* Nde 25  
babo niponda babolenō bola mboŋ na laŋgwa  
eyal'a Loba ba ta ba timba o Yerusalem, ba  
laŋgwea gita la mindi misadi ma Samaria eyal'  
a Loba.

Nde angel a Saŋgo e ta e kwalanē Filipino, 26  
ekwala na: Teme, ala o mikondo o ŋgea ni  
ma-we o Yerusalem walea o Gasa, nyena  
nye eyaŋ. \* Na mo a teme, 'ala. Nde ombwa, 27  
mot'a Etiopia, soele na mowó nya-ŋginya nya  
Kandake nyaŋgo-a-mundi nya bato ba Etiopia,  
nu ta nu tesebe omony a bema bao bese, a  
ta a po o Yerusalem o kane, \* nde ata o be- 28  
timbedi, a ja omony a ebamban ao, a laŋga  
mutoper' a-mudi Yesaia. \* Na Mudī mukwa- 29  
lanē Filipino na: Ala oten, o batame na ye

## Bebolo ba bamuloloma 8.

30 ebamban. \* Na Filipino 'ala oten, a seña mo  
a ma-laŋga mutoper' a-mudi Yesaia, na mo a  
31 kwala na: Oson̄tan nje oma-laŋgano e? \* Na  
mo a kwala na: Neni neno ná na wele, yetena  
moto a silee mba e? Na mo a sosomea Fi-  
32 lipo ná 'ondeye, a je na mo. \* Nde epas'a  
betiledi, yena a tano a laŋga e ta nde na:  
„A ta a diabele ka mudon̄gi o bwabe, na ka  
mun'a mudon̄gi a ma-beno mbuke oboso ba  
musenjed'ao, nika nde a si tano a tele mu-  
33 dumbu mao. \* O besibisedi bao muka mao  
muta musumwabe. Nja nu mende laŋgwe  
nyon̄on ao e? Ebanja lon̄ge lao di ma-sum-  
34 wabe na wase. \* Na ni soele ny' alabe Filipino,  
ekwala na: Na sosomedi oa, mutoper' a-mudi  
a kwali nde din onyola nja e? onyol'ao mo-  
35 mene, nga onyola nupepe e? \* Na Filipino a  
tele mudumbu mao, a botea na ben betiledi,  
a laŋgwea mo miaŋgo-ma-bwam ma Yesu.  
36 \* Nde kana ba tano b'ala o n̄gea, na babo  
bapo o madiba; na ni soele ekwala na:  
Ombwa, madiba man; nje em'eke mba o  
37 dubisabe e? \* Na Filipino akwala na: O dube  
te na mulema muese, yena e wele bolane.  
Na mo 'alabe, a kwala na: Na dube ná Yesu  
38 Kristo e Mun'a Loba. \* Na mo a bola doi  
ná ebamban y'embame, na babo babane ba  
siba o madiba, Filipino na ni soele; na mo a  
39 dubise mo. \* Nde niponda bawuno o madiba,  
na Mudi ma Saŋgo musumwa Filipino, nde ni  
soele e s'en pe mo; nde e ta nde 'ala o n̄ge'  
40 ao na munyen̄ge. \* Nde Filipino ata asobe o

## Bebolo ba bamuloloma 8. 9.

Asdod, a ta a yeŋga, a laŋgwea mindi mese  
miaŋgo-ma-bwam, natē a po o Kaisarea.

Nde Saulo ata a dia ama-koma wei a be- 9  
kima na y'ebwan liŋgise bokweli ba Saŋgo,  
ata 'ala na prisi nindene, \* a pulane mo kalati 2  
onyola mandabo ma ndoŋgamen o Damasko,  
ná yetena a soi doŋgo bena be o nin ŋgea,  
bome na bito, a wane babo na ŋgata o Yeru-  
salem. \* Nde e ta na o londo lao, ná apoino 3  
bebe na Damasko, na dibokimene muenen mu  
wu o mony mu panyea mo muri na muri.  
\* Na mo ako wase, aseŋga doi dikwalan mo 4  
na: A Saulo, a Saulo, nje o ma-takiseno mba e?  
\* Na mo akwala na: A Saŋgo, oa nja e? Na 5  
Saŋgo a kwala na: Ne nde Yesu nyena o ma-  
takiseno. E mende be bwambi na oa o soso  
joŋgo. \* Na mo akwala na musoasoan na 6  
betanysedi na: A Saŋgo, nje o ma-pulano ná  
na bole e? Na Saŋgo a kwalane mo na:  
Teme, ala o mu mudi, e mende laŋgwabele  
oa, nje o aŋgamenno bola. \* Nde bato bena ba 7  
ta o londo muemba na mo, ba ta ba ko dimume,  
kana ba tano ba seŋga doi, nde ba s'ene to-  
moto. \* Na Saulo a teme o wase; nde a teleno 8  
miso mao, a s'ene to-moto. Na babo ba daŋ-  
gwane mo na maa, b'injane mo o Damasko.  
\* Nde a si ta 'ene minya milalo, a si de, a si 9  
nyo to-lambo.

Nde mokweli mowó a ta o Damasko, dina 10  
lao na: Anania; mo nde Saŋgo a kwalanno  
o jene na: Anania! Na mo akwala na: Mba

## Bebolo ba bamuloloma 9.

- 11 nun, a Saṅgo. \* Na Saṅgo a kwalane mo na:  
Teme, ala o ṅgea ni belabe na: ni tem, baise  
o ndabo a Yuda mowó nu ma-belabe na:  
Saulo nya Tarso, ebanja ombwa, a ma-kane,  
12 \* 'en pe o jene moto nu ma-belabe na: Anania,  
a poi na mo, a neṅgele mo dia omony, ná a  
13 kuse jene. \* Na Anania 'alabe na: A Saṅgo,  
na seṅgi na gita onyola nu moto, njika gita  
la bobe a bolino basaṅgeri boṅgo o Yerusalem;  
14 \* o uan pe a ben ṅginya na prisi indene, o  
15 kaka bese, bena ba ma-bele dina loṅgo. \* Na  
Saṅgo a kwalane mo na: Ala, ebanja nun e  
mba ewa na posino o bambe dina lam oboso  
16 ba basibi na kiṅe na bana ba Israel. \* Ebanja  
mba namende leelee mo, njika gita 'aṅgamenno  
17 taka onyola dina lam. \* Na Anania 'ala,  
'iṅgea o ndabo, a neṅge maa omony ao, a  
kwala na: A muna-saṅgo Saulo, Saṅgo a lom  
mba, Yesu nyena nu busedi oa o ṅgea, nyena  
o wuno, ná o kuse pe jene, o londe pe na  
18 Mudī Musaṅgi. \* Na dibokimene eko o miso  
19 mao ka beanya, a kusa pe jene, \* na mo a  
teme, a dubisabe, ada, a kusa pe ṅginya. Nde  
20 Saulo a ta na bokweli ṅgus'a minya. \* Na  
dibokimene a laṅgwa Yesu o mandabo ma  
21 ndoṅgamen, ná e nde Mun'a Loba. \* Nde  
bese bena ba ta ba seṅga nika, ba nyaka, ba  
kwala na: Seto nun nde a ta a nyamse ba  
bena ba ma-bele din dina o Yerusalem, nde  
a poi pe nde uan onyola nikamene, o wana  
22 babo na ṅgata omboa prisi indene e? \* Nde  
Saulo a ta nde a beṅga be ṅginya, a ta a wa-

## Bebolo ba bamuloloma 9.

lamene Bona-Yuda bena bata baja o Damasko, kana a tano a teleye na, nun nde e Kristo.

Nde niponda gita la minya mi londino, na 23 Bona-Yuda ba weka muano o bwa mo. \* Nde 24 mu muano mabu mu timbi biane na Saulo. Nde bata pe batata mombe ma mundi, muese na bulu, ná babwe mo. \* Nde bokweli bata 25 ba nongo mo ya bulu, ba sibise mo o esanja o edima. \* Nde Saulo a pino o Yerusalem, 26 na mo a keka o lata momene na bokweli; nde bese bata ba bwa mo bongo, ba si ta ba dube ná e mokweli. \* Nde Barnaba a ta a 27 nongo mo na momene, a wana mo na bamuloloma, alaŋgwea babo, neni 'enno Saŋgo o ŋgea, na nje a kwalanno mo, na neni a tano alaŋgwa na bokenju o dina la Yesu. \* Nde 28 o Yerusalem a ta 'iŋgea na babo a busa pe, alaŋgwa na bokenju o dina la Saŋgo Yesu, \* a ta pe a kwalisane na juanele na bato ba 29 Grikia; nde bata ba pulise o bwa mo. \* Nde 30 bona-saŋgo basengino nika, na babo ba wana mo o Kaisarea, ba loma mo o Tarso. \* Na 31 nde muemba, mu ta mu bene musaŋgo o Yudea nyese na Galilea na Samaria, mu loŋga, mu daŋgwa o bongo ba Saŋgo, mu tondo onyola jembe la Mudī Musangi.

Nde eta na, niponda Petro a tano a yeŋga 32 o wuma yese, a ta a po na basaŋgeri bena bata baja o Lida. \* A ta a bomane moto 33 mowó oten, dina lao na: Enea, nu ta nu naŋga o nongo mbu lombi, a ta a boa njembele.

## Bebolo ba bamuloloma 9. 10.

- 34 \* Na Petro a kwalane mo na: A Enea, Yesu Kristo a ma-bolise oa; teme, oamere pongo nongo longo! Na mo a teme dibokimene.
- 35 \* Na bese bena bata baja o Lida na Saron b'ene mo, na babo b'atele na Sango.
- 36 Nde mokwel'a muto mowó a ta o Yope, dina lao na: Tabita, nika nye nde o tukwabe na: Iseru. Mo a ta alonda na bebolo ba bwam na mabea onyola batuedi, bena a bo-
- 37 lino. \* Nde e ta na o mi minya, a ta a boa, a wo, na babo b'okise mo, ba nengele mo o
- 38 tuñ a mony. \* Nde kana Lida batano bebe na Yope, na bokweli pe ba sengino ná Petro e oten, na babo baloma bato baba na mo, ba sosomeye mo na: O s'indea o po na biso.
- 39 \* Na Petro a teme, 'ala na babo; nde a pino, na babo b'alane mo o tuñ a mony, na mikusa ma bito mese mi po na mo, mi eya, mi leelee mo maloki na mboti, bena Iseru a tano a
- 40 pongo, niponda a tano na babo. \* Na Petro a busise bese, anuma mabongo wase, a kane, na mo a yombo na mbimba, a kwala na: A Tabita, teme! Na mo a tele miso mao, nde
- 41 'enno Petro na mo a ja. \* Na mo a bola mo dia, a tese mo. Na mo a bele basangeri na
- 42 mikusa, a tese mo oboso babu muenya. \* Nde e ta e biane o Yope nyese, na gita ba dube
- 43 Sango. \* Nde e ta na, a ta a ja o Yope gita la minya, omboa Simon muponge-beyobo.
- 10 Nde moto mowó a ta o Kaisarea, dina lao na: Kornelio, muaned'a-bila nya muemba 2 muena mu belabe na: ma Italia, \* a ta nde mot'

## Bebolo ba bamuloloma 10.

a bwam nu ma-bwe Loba bon̄go na ndabo ao  
nyese, nu ta nu bola bato gita la mabea ma  
batuedi, nu ta pe nu kane na Loba ponda  
yese. \* A ta 'ene o jene bwambwam, nga 3  
ngen̄ dibua ya bunya, angel a Loba epo na  
mo, ekwalane mo na: A Kornelio! \* Na mo 4  
'ombwa mo, a manyme, a kwala na: Nje,  
a Sāgo! Na mo a kwalan̄e mo na: Mika  
mon̄go na mabea mon̄go, bapoi o mony o jon-  
gele oboso ba Loba; \* na nde loma bato o Yope, 5  
o bele Simon, nu belabe pe Petro, \* nu jai 6  
omboa moto mowó Simon, muponge-beyobo,  
nyena ndabo ao nye bebe na munja, mo a  
mende langwea oa nje o angamenno bola.  
\* Nde angel ni kwalisan mo ny'asunweno, 7  
na mo a bele bato bao baba na mot'a-bila  
mowó nu dube Loba, nya ba bena bata na  
mo ponda yese, \* a langwea babo mambo 8  
mese, a loma babo o Yope.

Nde o bone ba kiele niponda ban ba tano 9  
o n̄gea, ba sisedino bebe na mudi, na Petro  
'ondea omony a munyua o kane, o n̄gen̄ mu-  
toba. \* Na mo a bwa njai, a pula da. Nde 10  
niponda ba tano ba bon̄sane, na jene di poye  
mo. \* Na mo 'ene mony etelam, ewa pe e 11  
ma-siba, ka sanje a mbom nindene, ni tin-  
gabe o matōngo man̄ei, e ma-sibisabe o wase.  
\* Oten nde nyama yese ya miendi minei ya 12  
wase na nyam'a eyidi na nyama im'onḡe  
manyolo wase na lonon la mony ba tano.  
\* Na doi dipo na mo na: A Petro, teme, bwa, 13  
ode! \* Na Petro a kwala na: A Sāgo, tom- 14



## Bebolo ba bamuloloma 10.

- tom! ebanja na si dedi lambo la lonyonyo to  
15 di sisan̄gi tom. \* Na doi dipoye pete mo na:  
Ma Loba a san̄giseno, o s'an̄gamen timbise  
16 mo lonyonyo. \* Nika e bolan n̄ged'ilalo, na  
17 dibokimene ewa e non̄gobe o mony. \* Nde  
niponda Petro a tano a nyaka na momene,  
nje di jene 'enno leno, nde ombwa, ban bato  
bena ba lomabe na Kornelio, ba ta ba má-  
18 baise ndabo a Simon, ba teme o jombe, \* ba  
bele, b'uele na, n̄ga Simon nu belabe pe  
19 Petro a jai uan e? \* Nde ke Petro a dia a  
ma-dutea onyola di jene, na Mudī mukwalane  
mo na: Ombwa, bato balalo ba ma-pulise oa,  
20 \* teme, siba wase, o ale na babo, o si dīnga  
penda, ebanja mba nde na lom babo.
- 21 Na Petro a siba wase na ba bato bena ba  
lomabe na Kornelio, a kwala na: Ombwa, mba  
nun, nyena lo ma-pulisen̄o; njika njom e wan  
22 binyo e? \* Na babo ba kwala na: Kornelio,  
muaned'a-bila, moto nu tem na sim, nu ma-  
bwe Loba bon̄go, nu ben dina la bwam o  
ekombo a Bona-Yuda yese, a kusi beanedi na  
angel a bosan̄gi, o bele oa po o ndabo ao  
23 na o sēnga beyala na oa. \* Na mo a bele  
babo o j̄ingea, a jese babo. Nde o bone ba  
kiele a ta a teme, 'ala na babo; nde don̄go  
la bona-san̄go ba Yope pe bata b'ala na mo.  
24 \* Nde o bone bobupe bata bapo o Kaisarea;  
nde Kornelio a ta a tata babo, a ta a má-ko-  
25 tele mbia mao na makom mao ma tina. \* Nde  
Petro 'in̄gedino, na Kornelio apo don̄gamene  
26 mo, a ko wase o miende mao, 'owe mo. \* Na

## Bebolo ba bamuloloma 10.

Petro a tēse mo, a kwala na: 'Teme, mba pe  
 ne nde moto. \* Nde kana atano akwalisane 27  
 mo, na mo 'inģea, a bomane gita ba kotom.  
 \* Na mo akwalane babo na: Binyomene lobī 28  
 neni e titino wonja na mot'a Bona-Yuda o  
 lata to jingea na mot'a tumba dipepe; nde  
 Loba a leele mba, ná na si laŋga to-moto lo-  
 nyonyo to nu si saŋgi. \* Onyola nika, ni 29  
 ponda nabelabeno, na poi, esi be baŋga. Na  
 m'uele so, njika njom lobeleno mba e? \* Na 30  
 Kornelio a kwala na: Oenģe minya minei na  
 ta na kandane da natena ninka pondamene,  
 nata na kane o ndabo am o nģen dibua, nde  
 ombwa, na moto mowó a teme oboso bam na  
 mboti ni ma-panye, \* akwala na: A Kornelio, 31  
 muka moŋgo mu seŋgabe, mabea moŋgo pe  
 ma poi o joŋgele oboso ba Loba. \* Loma so 32  
 o Yope o bele moto mowó Simon nu belabe  
 pe Petro, a jai o ndabo a Simon mupoŋge-  
 beyobo, bebe na munja; a poi te, a mende  
 kwalisane oa. \* Na dibokimene nde nalomno 33  
 na oa; nde o boli bwam, ná o poino. Bisó  
 beše je so uan oboso ba Loba o seŋga mese  
 m'anabele oa na Loba.

Na Petro a tele mudumbu mao, a kwala 34  
 na: Na má-soŋtane nambale, ná wanda  
 la moto di titi na Loba, \* nde o tumba- 35  
 te nu nu ma-bwe mo boŋgo, a bola pe  
 teme-la-sim, ena a kasabe na mo. \* Eya- 36  
 la yena Loba a lomno na Bona-Israel o laŋ-  
 gwa musaŋgo onyola Yesu Kristo, mo nde  
 e Saŋgo a beše, — \* lo bī din lambo mene 37

## Bebolo ba bamuloloma 10.

lena di ta di pambilane o Yudea nyese, botea  
o Galilea, ombusa dubise lena Yohane alaŋ-  
38 gono. \*Yesu nya Nasaret, neni Loba 'okiseno  
mo na Mudī Musangi na nginya, nu ta nu  
daŋgwa o bola bwam na bolise bese bena  
ba ta ba takisabe na Satan; ebanja Loba a ta  
39 na mo. \*Nde biso je mboŋ onyola mese a  
bolino o ekombo a Yudea na o Yerusalem,  
40 mo nde ba paneno o bwele, ba bwa mo. \*Mo  
nde Loba a pumbweleno o bunya bo londe  
41 milalo, a bola mo o jenene na bato, \*seto na  
bato bese, nde na biso bamboŋ bena ba poso-  
be na Loba pond'a boso, biso bena di dedi  
na mo, di nyo pe na mo, ombusa pumbwa  
42 lao o kwedi. \*Nde 'anedi biso o laŋgwea  
bato bese na bola pe mboŋ, ná mo nde e  
mukaised'a bapenya na bawedi, nu tesebe  
43 na Loba. \*Onyol'ao nde batoperi-ba-mudi  
bese ba ma-bolano mboŋ, ná onyola dina lao,  
moto na moto nu dube mo, a ma-kusa lakise  
la miobe.

44 Ke Petro a dia a ma-topo ben beyala, na  
Mudī Musangi mu ko omony a bese, bena ba  
45 ta ba seŋga be beyala. \*Nde badube ba ba-  
bwendi bena ba ta ba po na Petro, ba ta ba  
nyaka, ná jabea la Mudī Musangi di ta pe  
46 di komabe omony a basibi; \*ebanja ba ta ba  
seŋga babo ba ma-topo na l'eme, ba sesa pe  
47 Loba. Na Petro a kwala na: \*Nja ena a  
baŋgane madiba, ná ban ba si dubisabe, bena  
48 ba kusi Mudī Musangi kana biso e? \*Na mo  
'anea babo o dubisabe o dina la Saŋgo. Na

## Bebolo ba bamuloloma 10. 11.

babō ba sosomea mo o ja na babō ŋus'a minya.

Nde bamuloloma na bona-saŋgo, bena ba 11  
ta o Yudea bata ba seŋga, ná basibi pe ba  
noŋgi eyal'a Loba. \*Nde niponda Petro a 2  
poino o Yerusalem, na ba bena bata ba wa  
na babwendi batopone mo bwambo, \*bakwala 3  
na: Oa o inġedi na bato ba s'endabe, o dedi  
pe na babō. \*Na Petro a botea, a laŋgwea 4  
babō kana m'aledino, a kwala na: \*Mba na 5  
ta na kane o mudi ma Yoŋe, na mba n'ene  
o jene ewa e ma-siba, ka sanje a mbom ni-  
ndene, ni sibisabe o mony o matoŋgo manei,  
na mo epo natena oboso bam. \*Nde n'ombo 6  
no oten, na mba n'ene nyam'a miende minei  
ya wase, na nyam'a eyidi na nyama im'oŋge  
manyolo wase na lonon la mony. \*Nde na 7  
ta na seŋga doi di kwalan mba na: A Petro,  
bwa, o de! \*Nde mba nata na kwala na: 8  
Tomtom, a Saŋgo! ebanja lambo la lonyonyo  
to di si saŋgi, di s'inġedi o mudumbu mam  
tom. \*Na doi di alabe mba o mony nġedi 9  
ni londe iba na: Ma Loba a saŋgiseno, oa o  
s'aŋgamen timbise mo lonyonyo. \*Nika eta 10  
ebolane nġed'ilalo, na mese ma noŋgobe pe  
o mony. \*Nde ombwa, o mulemlem ma po- 11  
nda bato balalo bata bateme oboso ba nda-  
bo, nyena na tano na ja, bena ba wu o Kaisa-  
rea, ba lomabe na mba. \*Na Mudi mu kwa- 12  
lane mba o wala na babō, esi be diŋga penda.  
Nde ban bona-saŋgo mutoba pe bata b'ala  
na mba, na biso di po o ndabo a nu moto.

## Bebolo ba bamuloloma 11.

- 13 \* Na mo a laŋgwea biso, neni 'enno angel o  
ndabo ao, etem, ekwalane mo na: Loma bato  
o Yope, o bele Simon nu belabe pe Petro,  
14 \* mo a mende laŋgwea oa beyala, bena oa  
o mendeno joŋgisabe na ndabo aŋgo nyese.  
15 \* Nde niponda nabotedino o laŋgwa, na Mudī  
Musaŋgi mu ko omony abu kana omony asu  
16 o beboteri. \* Nde na ta n' ongele eyal' a Saŋgo,  
kana a kwalino na: „Yohane ata a dubise na  
madiba, nde binyo lo mende dubisabe na Mudī  
17 Musaŋgi.“ \* Kana Loba a bolino so babo mu-  
lemlem ma jabea kana biso, niponda di dube-  
no Saŋgo Yesu Kristo, na ta nja, ná na wusa  
18 wele jeka Loba e? \* Nde ba seŋgino man,  
na babo baja na pi, ba sesa Loba, ba kwala  
na: Loba a boli pe so na basibi jatele onyola  
longe.
- 19 Nde ba so bena ba ta ba pambilane botea  
o takise lena di ta di po omony a Stefano,  
ba ta ba yeŋga, ba po natena o Fenikia na  
Kipro na Antiokia, e si be laŋgwa eyala na  
20 to-moto ke na Bona-Yuda momene \* Nde  
doŋgo la bato ba Kipro na Kirēne ba ta  
oteten abu, babo ba ta ba po o Antiokia, ba  
ta ba kwalane pe Ba-Griki, ba laŋgwa mian-  
21 go-ma-bwam ma Saŋgo Yesu. \* Nde dia  
la Saŋgo di ta na babo, na musoŋgi mundene  
22 mu dube, mu atele na Saŋgo. \* Nde miango  
mabu mi ta mi po o matoi ma muemba o  
Yerusalem, na babo ba loma Barnaba ná 'ale  
23 o Antiokia. \* Nde a poino, 'enno nded' a Loba,  
na mo a bwa munyenge, 'omele bese o tiŋga-

## Bebolo ba bamuloloma 11. 12.

me na Saṅgo na mulema mu bole. \*Ebanja 24  
 a ta nde mot'a bwam nu londi na Mudi Mu-  
 saṅgi na jemea. Nde dimuti dindene di ta  
 di latabe na Saṅgo. \*Nde Barnaba a ta pe 25  
 'ala o Tarso o pulise Saulo; \*nde asoṁo mo, 26  
 na mo a wana mo o Antiokia. Nde e ta na,  
 ba ta ba kotome o muemba mbu mowó, balee  
 dimuti dindene, bokweli pe basele nde belabe  
 bonakristo o Antiokia.

Nde o mi minya mene batoperi-ba-mudi 27  
 bata ba wa o Yerusalem, ba po o Antiokia.  
 \*Na mowó nyabu, dina lao na: Agabo, a teme, 28  
 alee onyola Mudi, ná njai nindene emende  
 po o mudi-ma-wase muese, nyena ni kwedi  
 owasa Klaudio. \*Nde mowó na mowó nya 29  
 bokweli a ta a weka muano o lomea bona-  
 saṅgo bajai o Yudea joṅgwane, moto-te ka-  
 ponda a welino, \*kana ba bolino pe, ba ta 30  
 baloma mo na baturu o dia la Barnaba na  
 Saulo.

Nde o ni ponda mene Herode kiṅe a ta 12  
 a wele doṅgo la ba muemba maa o nyolo o  
 takise babo. \*Na mo a bwa Yakobo, muna- 2  
 nyaṅgo a Yohane na po.

Nde 'enno ná e dolisan Bona-Yuda, na 3  
 mo a beṅga pe putea Petro; nde e ta nde o  
 minya ma bewolo be si puṅwan esasaṅge.  
 \*A ta a putea mo, a wele mo o beboa, a ta 4  
 a bake mo na miemba minei ma bato-ba-bila,  
 muemba te bato bane, o tata mo, nde a ta  
 apula tese mo oboso ba dimuti ombusa Pasah.  
 \*Petro a ta so a welebe o beboa, nde mu- 5

## Bebolo ba bamuloloma 12.

- emba mu ta mu bola muka onyol'ao na Loba  
6 ponda yese. \*Nde niponda Herode a tano  
a ni-ya tese mo oboso (ba dimuti), o bo bulu  
mene Petro a ta a ko iyo oteten a bato-ba-  
bila baba, a kwesabe na ngokobi iba, oboso  
ba jombe pe batatedi bata ba tata ndabo a  
7 beboa. \*Nde ombwa, angel a Saango e po,  
na muenen mu panya o tuñ; na mo e dipa  
Petro o muri mowó, ny'umwele mo, e kwala  
na: Wamse teme! Na ngokobi iko mo o  
8 maa. \*Na angel e kwalané mo na: Bomea  
oamene, o bote pe betambi bongo. Na mo a  
bola nika. Na mo e kwalané mo na: Wele  
9 mbot'aango o nyolo, o bupe mba. \*Na mo a  
busa, a bupe mo, nde a si ta a bia ná di di  
bolan na angel le mbale, a ta nde 'ongele na,  
10 'en nde jene. \*Nde bata ba tomba batatedi  
ba boso na ba londe baba, ba po o jombe la  
beyei, lena di ma-buse la mundi; di ta di te-  
lame na momene, na babo ba busa, ba dangwa  
ngea po, na dibokimene angel ny'asumwe na  
11 mo. \*Nde nyolo e timbedino Petro, na mo  
a kwala na: Tatan na bi so nambale, ná Saan-  
go a lom angel ao, a sungi pe mba o dia la  
12 Herode na mapita ma Bona-Yuda mese. \*Nde  
niponda a boleno bake, na mo a po o ndabo  
a Maria, nyaango a Yohane, nu belabe pe  
Marko, nyena oten nde gita batano ba kotone,  
13 bakane. \*Nde niponda 'umbino o jombe di-  
sadi la jombe, na ngonderi po e busa, dina  
14 lao na: Rode, o seña; \*nde 'embino doi la  
Petro, na mo a sitele jombe onyola munyenge,

## Bebolo ba bamuloloma 12.

nde 'ingea nde, a kwala na: Petro atem o  
jombe. \*Na babo ba kwalane mo na: Oma- 15  
boa njou. Na mo 'embe ná ye nika. Na  
babo ba kwala na: Ye nde angel ao. \*Nde 16  
Petro a ta nde a beŋga jumba; nde ba teleno,  
na babo b'ene mo, ba nyaka. \*Na mo a siki- 17  
meyer babo dia o ja na pi, a langwea babo,  
neni Saŋgo a busiseno mo o beboa, a kwala  
na: Langwea Yakobo man na bona-saŋgo. Na  
mo a busa, ala o wuma ipepe.

Nde bunya bo eseleno, manyaka ma si ta 18  
masadi oteten a bato-ba-bila, nje e bolan na  
Petro. \*Nde Herode 'ueleno onyol'ao; a si 19  
soino mo, na mo a wasa batatedi, 'anea o  
bwa babo; na mo 'asumwe o Yudea, 'ala o  
Kaisarea, a ja oten.

Nde a ta bosiŋga na bato ba Tiro na Si- 20  
don. Na babo ba po na mo na mulema mo-  
wó, ba timbiŋe Blasto, soel'a kiŋe, dikom labu,  
ba sosomea onyola musaŋgo, ebanja bekombo  
babu be ta nde be kusa da lao na ya kiŋe.  
\*Nde o bunya bo posobe, Herode a ta a boto 21  
mbot'a kiŋe, a ja o bejedi ba muka, a bene  
betopedi na babo. \*Na dimuti di teye mo 22  
misea na: Doi la Loba di, seto la moto. \*Na 23  
dibokimene angel a Saŋgo e dipa mo, onyo-  
lana a si boli Loba edube; na miwu mida mo,  
na mo a wo. \*Nde eyal'a Loba e ta e 24  
nyaka, e tondo pe. \*Nde Barnaba na Saulo 25  
bata ba wa o Yerusalem, niponda badomseno  
ebolo, ba noŋgo pe Yohane, nu belabe pe  
Marko muemba na babo.



## Bebolo ba bamuloloma 13.

- 13 Nde o muemba muta o Antiokia batoperi-  
ba-mudī na baleedi ba ta oten: Barnaba, na  
Simeon nu belabe Niger, na Lukio nya Kirē-  
ne, Manahen nu ta nu bongwabe muemba  
2 na Herode tetrarki, na Saulo. \*Nde niponda  
ba tano ba bene ndongamen a Saŋgo, ba kan-  
dane pe da, na Mudī Musangi mu kwala na:  
Tindea mba Barnaba na Saulo onyola ebolo  
3 na beleno babo. \*Na babo ba kandane da,  
ba kane, ba nengele maa omony abu, ba loma  
babo.
- 4 Ba so, bena ba lomabe na Mudī Musangi,  
b'ala o Seleukia, o ua nde b'ekamenno na  
5 bolo o Kipro. \*Nde ba poino o Salami, na  
babo ba laŋgwa eyal'a Loba o mandabo ma  
ndongamen ma Bona-Yuda; nde ba ta pe ba  
bene Yohane ka muboled'abu.
- 6 Nde niponda ba daŋgono temene eyondi  
yese natena o Pafosi, na babo ba bomane  
mot'a-ŋgambi mowó, mutoper'a-lobaŋgo, mot'a  
7 Bona-Yuda, dina lao na: Bar-Yesu. \*Mo a ta  
na gobina Sergio Paulo, mot'a dibie, nu bele  
Barnaba na Saulo, a pula seŋgane babo eyal'a  
8 Loba. \*Nde nu mot'a-ŋgambi Elima, — eba-  
nja nika nde dina lao leno o tukwabe, — a  
ta a teŋgene babo, a ta a pula yombise gobina  
9 na jemea. \*Nde Saulo, nu belabe pe Paulo,  
nu ta nu londa na Mudī Musangi, 'ombwa  
10 mo, \*a kwala na: A oa mun'a Satan, nu  
londi na mawondon mese na bobe boese, mu-  
singer'a teme-la-sim lese, o si ma-wolo o yo-  
11 mbise mangea ma tem ma Saŋgo e? \*Nde

### Bebolo ba bamuloloma 13.

tatan, ombwa, dia la Saŋgo di ma-po omōny  
aŋgo, o mende be ndima, o si mende jene wei  
son a ponda. Na dibokimene mbà na muititi  
ba kōye mō, na mō a kumwa yeŋga, a pulise  
bato ba ma-daŋgwane mō na dia. \*Gobina 12  
'enno nje e bolan, na mō a dube, kana a tano  
a nyaka onyola beleedi ba Saŋgo.

Nde Paulo na muemba mao ba ta b'asumwe 13  
na bolo o Pafosi, b'ekamene o Perge nya Pam-  
filia. Nde Yohane a ta 'asumwe na babo, a  
timba o Yerusalem. \*Nde babo b'asumweno 14  
o Perge, ba temene londo, ba po o Antiokia  
nya Pisidia, na babo b'inŋea o ndabo a ndoŋ-  
gamen o bunya-ba-wumse, ba ja wase. \*Nde 15  
ombusa laŋga la mbenda na batoperi-ba-mudi,  
na bānedi ba ndabo-a-ndoŋgamen ba loma na  
babo, ba kwala na: A bato, bona-saŋgo, ye-  
tena lo ben te eyal'a jomele onyola dimuti,  
lo kwala nde. \*Na Paulo a teme, a sikimeye 16  
dia, a kwala na: A bato ba Israel na binyo  
babwe-Loba boŋgo, seŋga! \*Loba la ban bato 17  
a posi basaŋgo basu, 'ase di tumba niponda  
di tano muen o Egipto, abusise babo oten na  
enama e asam, \*a welisane babo muaneŋi ma 18  
mbu o eyaŋ, \*anyamse matumba samba o 19  
ekombo a Kanaan, a bola babo ekombo abu  
saŋgo. \*Nde ombusa nika, na mō a bola 20  
babo bakaisedi to bebwea ba mbu beneŋi na  
muatanu, natena Samuel mutoper'a-mudi. \*O 21  
ua nde ba sosomedino onyola kiŋe, na Loba  
a bola babo Saulo, mun'a Kis, mot'a tumba  
la Benyamin, muaneŋi ma mbu. \*Na asumono 22

### Bebolo ba bamuloloma 13.

mo, na mo a busiseye babo Dawid o be kiñe,  
nyena a bolino mboñ, a kwala na: „Na soi  
Dawid, mun'a Isai, moto kaponda mulema  
23 mam, nu mende bole jemea lam lese.“ \* O  
mbot'ao nde Loba a wanedingo Israel musuñ-  
24 geri Yesu, kaponda dikaki, \* niponda Yohane  
a tano a sele lañgwea dimuti la Israel dubise  
25 la jatele, obiana a ma-busa. \* Nde niponda  
Yohane a domseno londo lao, na mo a kwala  
na: Nje lo m'ongeleno ná mba ne e? Na titi  
mo, nde ombwa, ama-wa mba ombusa, nyena  
na si doñgamen o wunja betambi o miende  
26 mao. \* A bato, bona-saño, bana ba tumba  
la Abraham, na binyo babwe-Loba-boñgo ote-  
ten anyu, binyo nde eyal'a din joñgise e lo-  
27 mabeleno. \* Ebanja ba bajai o Yerusalem na  
bānedi babu basita ba bia mo, nde balondise  
pe madoi ma batoperi-ba-mudi, mena malañ-  
gabe o bunya na bunya-ba-wumse-te, onyola  
28 kwese mo muka, \* nde tona ba si soino njom  
a kwedi na mo, ba sosomedi te Pilato o bwa  
29 mo. \* Nde niponda balondisen o mese mena  
ma tilabe onyol'ao, na babo ba sibise mo o  
30 eboñgo, ba wele mo o soñgo. \* Nde Loba a  
31 pumbwele mo o kwedi. \* Na mo, o gita la  
minya, a busea ba bena ba ta ba wa na mo  
o Galilea jondea o Yerusalem, bena be pe  
32 mboñ ao tatan na dimuti. \* Nde biso di wa-  
nedi binyo miango ma dikaki, lena di bolabe  
33 basango basu, \* ná Loba alondise mo na biso,  
bana babu, kana a pumbweleno Yesu; kana  
e tilabeno pe o muenge mu londe miba, na:

### Bebolo ba bamuloloma 13.

„Oa oe nde mun'am; oenge nde na yaino oa.“

\*Nde ná à pumbwele mo, ná a si timba pe o 34  
eboru, a kwali ninka na: „Namende bola bi-  
nyo mabea ma ndedi ma Dawid ma mbale.“

\*Onyola nika a kwali pe o wuma ipepe 35  
na: „Osimende jesele Musanger'ango o jene  
eboru.“ \*Ebanja Dawid, niponda a boleno 36  
bolea jemea la Loba o pond'ao, a kwedi iyo,  
a kotobele na basango bao, nde 'en eboru.

\*Nde nu nyena Loba a pumbweleno, a s'en 37  
eboru. \*E biane so na binyo, a bato na bona- 38  
sango, ná onyol'ao nde lakise la miobe di ma-  
langwabeleno binyo, ná onyola mese mena  
losita lowele tesebe na sim o mbend'a Mose,  
\*o nun nde moto na moto nu ma-dube, ama- 39  
tesebeno na sim. \*L'angamene so, ná di di 40  
kwalabe na batoperi-ba-mudi di silonda omony  
anyu, na: \* „Ombwa, a binyo bamayañako, 41  
lonyake, lonyame pe, ebanja nama-bola ebolo  
o minya manyu, yena lo si wusano dube, ke  
moto a langwedi binyo mo.“

Nde babusino, na babo ba sosomea babo, 42  
ná ba langweye pete babo ben beyala o bone  
bunya-ba-wumse bo ma-bupe. \*Nde ndonga- 43  
men ebuledino, na gita la Bona-Yuda na be-  
mbon be ma-bwe Loba bonggo, ba bupe Paulo  
na Barnaba, na babo ba kwalisane babo, b'  
omele babo o tingame o nded'a Loba. \*Nde 44  
o bunya-ba-wumse bo bupe, bebe na mundi  
muese muta mukotome o seña eyal'a Loba.  
\*Nde Bona-Yuda b'enzo dimuti, na babo ba 45  
londa na kodi, bakwala lingise ma makwala-

## Bebolo ba bamuloloma 13. 14.

- be na Paulo; bakwala lingise, batopo dibena.
- 46 \* Na Paulo na Barnaba bakwala na bwe na: Eyal'a Loba eta e aŋgamene sele laŋgwabe na binyo; nde kana loma-baŋgano mo, losima-laŋgano pe binyomene ka badoŋgamen onyola loŋge la bwindea,
- 47 ombwa, dima-yombo so na basibi. \* Ebanja nika nde Saŋgo 'anedino biso na: „Na tese oa muenen onyola basibi, ná obe joŋgise natena masu ma wase.“
- 48 \* Nde basibi ba seŋgino nika, na babo ba bwa munyenŋe, ba sesa eyal'a Saŋgo, nde bese bena bata batesebe onyola loŋge la
- 49 bwindea, ba ta ba dube. \* Nde eyal'a Loba
- 50 eta epambilane o y'epasi yese. \* Nde Bona-Yuda bata bapungwa bito b'edube, bena ba ta ba bwa Loba bonŋo, na miome ma bato ma mundi, ba wana takise omony a Paulo
- 51 na Barnaba, ba paŋga babo o epas'abu. \* Na babo ba pupwa diburu o miende mabu omony
- 52 abu, bapo o Ikonion. \* Nde bokweli bata ba londa na munyenŋe na Mudī Musanŋi.
- 14 Nde eta na o Ikonion, ba ta b'ala o ndabo a ndoŋgamen nya Bona-Yuda muemba mowó, nde bata ba laŋgwa na ka nyena dimuti dindene la Bona-Yuda na Bona-Griki
- 2 ba ta ba dube. \* Nde Bona-Yuda bena basi ta ba dube ba ta bapungwa na senjele midi
- 3 ma basibi tenŋene bona-saŋgo. \* Nde bata ba ja oten pond'a bwambwam, bata bakwala na bokenju o Saŋgo, nu boli mboŋ o eyal'a nded'ao, a bola ná beyemban na betanyisedi bebo-

## Bebolo ba bamuloloma 14.

lane onyola maa mabu. \*Nde dimuti la mu- 4  
 ndi dita di abane; doŋgo bata na Bona-Yuda,  
 doŋgo pe na bamuloloma. \*Nde niponda ba- 5  
 sibi na Bona-Yuda, muemba na bānedi babu,  
 ba tano o ya takise na jaŋgwa babo madale,  
 \* na babo ba seŋga nika, ba nya mila o mindi 6  
 ma Likaonion, o Listra na Derbe na y'epasi  
 yese. \*Oten nde ba tano ba laŋgwa miango- 7  
 ma-bwam.

Nde moto mowó a ta aja wase o Listra, 8  
 nu sita nu bene ŋginya o miende, nu ta mbo-  
 ko natena o dibum la nyaŋgo, nu sita nu  
 daŋgwa tomtom. \*Mo a ta a seŋga betopedi 9  
 ba Paulo. Na mo 'ombwa mo, nde 'enno, ná  
 a ben jemea o bolisabe, \* na mo a kwala na 10  
 doi la monymony na: Teme na sim o miende  
 moŋgo! Na mo 'aŋgwe, a daŋgwa. \*Nde 11  
 mamuti m'enno nje Paulo a bolino, na babo  
 b'ase madoi mabu, ba kwala o bwambo ba  
 Likaonion na: Maloba matimbi bowan babato,  
 ma sibi wase na biso. \*Na babo ba bele 12  
 Barnaba na: Seusi, Paulo pe na: Herme, eba-  
 nja mo nde ata mutoperi. \*Nde pris'a Seusi 13  
 nyena e ta e ja oboso ba mudi, a ta a wana  
 nyaka na makana ma mbonji o mombe, a ta  
 a pula bola mabea muemba na mamuti. \*Nde 14  
 bamuloloma, Barnaba na Paulo, ba seŋgino,  
 na babo ba nyaua mboti, ba nya oteten a di-  
 muti, ba te misea, \*ba kwala na: A bato, nje 15  
 lo ma-bolano nika? Bisó pe je nde bato ka-  
 po ka binyo, nde di ma-laŋgwea nde binyo  
 miango-ma-bwam, ná l'atele na man mambo

## Bebolo ba bamuloloma 14.

- m'ewolo o Loba la loṅge, nu weki mony na wase na munja na mambo mese me oten,
- 16 \*nyena ny'esele matumba mese, o ponda ni
- 17 tombi, o daṅgwa mabu maṅgea. \*Nde a si ta 'esele momene e si be bola mboṅ, kana a bolino mambo ma bwam; a ta a bola biso o mony mbua na pond'a tute, a londise milema
- 18 masu na da na munyenḡe. \*Nde ba kwalino nika, e ta te bwambi na babo, o jembe di-
- 19 muti ná ba si bola babo mabea. \*Nde Bona-Yuda ba ta ba wa o Antiokia na Ikonion, b'embe mamuti, b'aṅgwa Paulo madale, ba duta mo ombusa mundi, b'oṅgele na, a wedi.
- 20 \*Nde bokweli ba diṅgeleno mo, na mo ateme, 'iṅgea o mundi. Nde o bone ba kiele a ta 'asumwe muemba na Barnaba, b'ala o Derbe.
- 21 Nde ba boleno laṅgwea mu mundi mianḡo-ma-bwam, ba timbisenḡe pe gita bokweli, na babo ba timba pe o Listra na Ikonion na
- 22 Antiokia, \*b'embe midī ma bokweli, b'omele babo o tiṅgame o jemea, na ná di m'iṅgea nde o janea la Loba oteten a gita la ndeṅge.
- 23 \*Nde ba ta ba posea babo baturu o muemba-te, ba bake babo na Saṅgo o muka na kan-
- 24 dane la da, nyena ba tano ba dube. \*Na babo ba tomba oteten a Pisidia, ba po o Pam-
- 25 filia, \*ba laṅgwa eyala o Perge, ba siba o
- 26 Atalia. \*O ua nde b'asumwenḡo na bolo, b'ala o Antiokia, o wuma yena ba tano ba bakabe o nded'a Loba onyola ebolo, yena ba
- 27 domsenḡo. \*Nde ba poino, na babo ba kotele muemba, ba laṅgwa mese Loba a bolino na

## Bebolo ba bamuloloma 14. 15.

babo, na neni a teleyeno basibi jombe la jemea.  
\*Nde bata baja na bokweli pond'a bwam- 28  
bwam.

Nde doŋgo bata ba wa o Yudea, balee 15  
bona-saŋgo na: Lo s'endabe te kaponda be-  
demo ba Mose, ke lo titi ná l'oŋgisabe. \*Nde 2  
niponda bwambo na mutaŋgo mundene ba-  
timbino be oteten abu na Paulo na Barnaba,  
na babo ba tese ná Paulo na Barnaba, na  
doŋgo labu la bapepe, b'ale omony na ba-  
muloloma na baturu, o Yerusalem, onyola  
mi miuedi. \*Nde muemba muta mu ala o 3  
te babo o ŋgea, na babo ba tomba Fenikia  
na Samaria, bata balaŋgwa onyola jatele la  
basibi, ba bwese bona-saŋgo bese munyen-  
ge mundene. \*Nde ba poino o Yerusalem, na 4  
babo ba kusabe na muemba na bamuloloma  
na baturu, balaŋgwa mese Loba a bolino na  
babo. \*Nde doŋgo la ba nyan-la-jemea la 5  
Farisai bena bata ba dube, bata ba teme, ba  
kwala na: B'aŋgamen jenda babo, na janea  
babo o neŋge mbend'a Mose.

Nde bamuloloma na baturu bata bakoto- 6  
me o jombwea onyola di lambo. \*Nde mu- 7  
taŋgo mundene mu kwedino, na Petro a teme,  
a kwalane babo na: A bato, bona-saŋgo, lo  
bi, ná o pond'a ni tombi Loba a posi oteten  
asu, ná onyola mudumbu mam basibi basenge  
eyal'a miaŋgo-ma-bwam, ba dube pe. \*Nde 8  
Loba nu bi milema, a boli babo mboŋ, kana  
abolino babo Mudī Musaŋgi kapo kana biso,  
\*a si boli nyai iba oteten asu na babo, kana 9



## Bebolo ba bamuloloma 15.

- 10 a saŋgiseno milema mabu onyola jemea. \*Nje  
so lo ma-kekano Loba tatan, o wele ekokoso  
o nyingo a bokweli, yena to basaŋgo basu  
11 to biso di si tano di wele bambe? \*Nde di  
dube nde o joŋgisabe onyola nded'a  
12 Yesu Kristo, kapo kana babo. \*Nde di-  
muti lese dita dija na pi, disenga neni Paulo  
na Barnaba ba tano ba laŋgwa, njika beye-  
mban na betanysedi bendene Loba a bolino  
onyol'abu oteten a basibi.
- 13 Nde ba boleno kwala, na Yakobo 'alabe,  
a kwala na: A bato, bona-saŋgo, seŋgane  
14 mba! \*Simon a laŋgo, neni Loba a pepeleno  
nged'a boso o noŋgea dina lao bato o basibi;  
15 \*beyala ba batoperi-ba-mudi pe betengen na  
16 din, kana e tilabeno na: \* „Ombusa nika na  
mende pe timba, na loŋga pete munoko ma  
Dawid muena mubuledi, na loŋga pete bebu-  
17 lele bao na timbiŋe mo bwam, \*na bane bato  
bena ba dia, ba pulise Saŋgo, na matumba  
mese pe, mena omony abu dina lam di ma-  
belabeno, nika nde Saŋgo a kwalino, nu ma-  
18 bole man.“ \*Loba a bi bebolo bao beŋe na-  
19 tena o beboteri. \*Onyola nika, joŋgele lam  
le nde na, basi takise ba bena b'atele na Loba  
20 o basibi, \*nde b'ane ye nde babo o jesele  
mbindo a losaŋgo na misonje, na mambo ma  
21 tim na maya pe. \*Ebanja Mose a ben nate-  
na kwan o mundi na mundi ba bena ba ma-  
laŋgwe mo, kana a ma-laŋgabeno o bunya-  
ba-wumse te o mandabo ma ndoŋgamen.
- 22 Na bamuloloma na baturu na muemba mu-

## Bebolo ba bamuloloma 15.

ese ba bole o poso bato oteten abu na loma babo o Antiokia muemba na Paulo na Barnaba, Yuda nu belabe pe Barsaba na Sila, bato bena ba ta badiedi oteten a bona-saŋgo, \*ba 23 lomea babo betiledi o maa mabu na: Bamuloloma na baturu na bona-saŋgo ba som bona-saŋgo bena ba wu na basibi o Antiokia na o Siria na o Kilikia. \*Kana di seŋgino ná doŋ- 24 go lasu b'alo, ba bwese binyo ndutu na beyala, ba puŋgo midī manyu, ba kwala na: lo aŋga-men jendabe na neŋge mbenda, bena di s'anedino to-lambo, \*biso di kotone so na mulema 25 mowó, di bole o poso bato, o loma babo na binyo, muemba na bandolo basu Barnaba na Paulo, \*bato bena ba boli midī mabu onyola 26 dina la Saŋgo asu Yesu Kristo. \*Di lom so 27 nde Yuda na Sila, bena ba mende pe laŋgwea binyo milelem ma mambo na mudumbu. \*Ebanja eta edolisane Mudī Musaŋgi na biso, 28 ná di si bambele binyo muuna mupepe, ke man mambo mena ma titi ná m'esabele, \*ná lo 29 esele mada ma losaŋgo na maya na mambo ma tim na misonje. Lo tati te binyomene onyola man, ke lo boli bwam. Lo ja bwam! \*Na babo b'esanele, ba po o Antiokia; nde 30 ba koteleno dimuti, na babo ba bake kalati. \*Nde balaŋgino mo, na babo ba bwa mu- 31 nyenŋe onyola di lokomea. \*Nde Yuda na 32 Sila, bena ba ta pe batoperi-ba-mudī, ba ta b'omele, b'embe pe bona-saŋgo na gita la beyala. \*Nde ba tano baja son a ponda, na 33 babo b'esanele bona-saŋgo na nusaŋgo, ba

## Bebolo ba bamuloloma 15. 16.

34 timba na ba bena balom babo. \* Nde Sila  
 35 a ta a bole o dia. \* Nde Paulo na Barnaba  
 bata baja o Antiokia, bata balee eyal'a  
 Saŋgo, balaŋgwa miango-ma-bwam muemba  
 na gita la bapepe pe.

36 Nde ombusa ŋus'a minya, na Paulo a kwa-  
 lane Barnaba na: Esele biso di ale pete, di  
 ombwe bona-saŋgo o mindi mese, mena di  
 37 laŋgono eyal'a Saŋgo, neni bajaino. \* Nde  
 Barnaba ata pe apula noŋgo Yohane nu be-  
 38 labe Marko. \* Nde Paulo asita 'oŋgele nika  
 ka bwam, o noŋgo mo nyena nu ta ny' asumwe  
 na babo o Pamfilia, nu sita ny'ala na babo  
 39 o ebolo. \* Onyola nika mutango mundene  
 mutimbi be, ka nyena bata b'abane; na Bar-  
 naba a noŋgo Marko, 'ala na bolo o Kipro.  
 40 \* Nde Paulo a ta a poso Sila o wala na mo,  
 'ala, kana abolen bakabe o nded'a Loba na  
 41 bona-saŋgo. \* Nde ata atomba oteten a Siria  
 na Kilikia, 'embe miemba.

16 Na mo a po o Derbe na Listra. Nde om-  
 bwa, mokweli mowó a ta oten, dina lao na:  
 Timoteo, mun'a ŋgon o Bona-Yuda, nu ta nu  
 2 dube, nde saŋgo a ta nde mot'a Grikia, \* nu  
 ta nu bene dina la bwam na bona-saŋgo o  
 3 Listra na Ikonion. \* Mo nde Paulo atano a  
 pula ná 'ale na mo, na mo anongo mo, 'enda  
 mo onyola Bona-Yuda, bena bata o y'epasi;  
 ebanja bese bata babia saŋgo ao, ná e nde  
 4 mot'a Grikia. \* Nde kana ba tano ba tomba  
 o mindi, bata babake babo o neŋge mi mieka  
 miena mi tesebe na bamuloloma na baturu o

## Bebolo ba bamuloloma 16.

Yerusalem. \* Nde miemba mi ta mi beṅga 5  
jembamē o jemea, mitòṅdo o musòṅgi bunya-  
te. \* Na babo batomba oteten a Frigia 6  
na ekombo a Galatia, kana Mudi Musanggi mu  
tano mubaṅgane babo o laṅgwa eyal'a Loba  
o Asia. \* Nde ba pòino o Misia, na babo ba 7  
keka o wala o Bitinia; nde Mudi ma Yesu  
mu s'esele babo.

Na babo batomba Misia, ba siba o Troa. 8  
\* Nde Paulo a ta 'ene jene o bulu; mot'a 9  
Masedonia mowó a temē, asosomea mo, akwala  
na: Ya uon o Masedonia, o oṅgwane biso!  
\* Nde 'enno di jene, na díbokimene di pula 10  
wala o Masedonia, kana di tano di bole na,  
Saṅgo nde a bele biso, o laṅgwea babo miaṅgo-  
ma-bwam. \* Na biso di asumwe o Troa na 11  
bolo, di temene na sim wala o Samotrake, nde  
o bone ba kiele pe o Neapoli; \* nde o ua 12  
pe o Filipi, muena mue mudi ma bosó o  
epas'a Masedonia, mudi ma mbumwa. Nde  
di ta di ja o mu mudi ṅgus'a minya. \* Nde 13  
o bunya-ba-wumse di ta di busa o mbusa  
mudi o mopí, wuma bejedi ba muka betano,  
di ja wase, di kwalisane bito, bena ba ta ba  
kotone oten. \* Nde muto mowó, dina lao na: 14  
Lidia, nu ta muandised'a mabato ma mole ma  
tiki, o mudi ma Tiatira, nu ta nu bwa Loba  
boṅgo, a ta a seṅga; mo nde Saṅgo a teleno  
mulema, ka nyena a ta a noṅgo jaṅgameye  
onyola ma ma kwalabe na Paulo. \* Nde a 15  
dubisabeno na ndabo ao pe, na mo asosomea,  
akwala na: Lo laṅgi te mba ka mowó nu

## Bebolo ba bamuloloma 16.

dube Saṅgo, ya o ndabo am, lo je oten. Na mo 'embe biso.

- 16 Nde eta na, niponda di tano diala o wum'a muka, muut'a ṅgonderi mowó a ta a doṅga-mene biso, nyena nu ta nu bene mudī ma edinge, nu ta nu wanea basango bao gita la
- 17 museñ onyola topo la bedinge. \* Mo a ta a bupe Paulo na biso, a te musea, a kwala na: Ban bato be nde bautu ba Loba L'asam, bena
- 18 ba ma-laṅgweye binyo ṅge'a joṅgise. \* A ta a bola nika gita la minya. Nde Paulo a ta a bwa ndutu, a yombo, a kwalanē mu mudī na: Nam'anea oa o dina la Yesu Kristo, busa na mo! Na mo mu busa o ni ponda
- 19 mene. \* Nde basango bao b'enne ná dipita la museñ mabu diboi, na babo baputea Paulo na Sila, ba duta babo o wum'a don oboso ba
- 20 bānedi. \* Nde ba wanno babo oboso ba bā-nedi, na babo ba kwala na: Ban bato ba ma-bola mpuṅgu o mudi masu; be nde Bona-
- 21 Yuda, \* ba ma lee bedemo bena bes'aṅgamen biso o noṅgo to o bola, kana jeno bato ba
- 22 Roma. \* Dimuti pe dita di teme muemba na babo liṅgise babo; na bānedi ba bola ná ba soṅgwane babo mboti, ba dipe babo lonyanyo.
- 23 \* Nde ba boleno dipa babo mbeti gita, na babo ba wele babo o beboa, b'anea mukwese-
- 24 bato-o-beboa o bomele babo bwambwam. \* A kusino ninka beanedi, na mo a wele babo o beboa ba teten, akwese miende mabu onyola ebo'a muṅgaṅga.

- 25 Nde oteten a bulu Paulo na Sila ba ta ba

## Bebolo ba bamuloloma 16.

kane, ba sesa Loba. Nde bato ba beboa ba  
 ta basenga nika. \* Na dibokimene soa la 26  
 minyangadu dindene di ko, ka nyena bedima  
 ba ndabo a beboa beta be soa. Na diboki-  
 mene mombe mese matelame, na beboa be  
 osea na bese. \* Nde mukwese-bato-o-beboa 27  
 a wuno iyo, 'enno mombe ma ndabo a beboa  
 matelam, na mo a songwa po, a pula bwa  
 momene, ebanja ata 'ongele na, bato-ba-beboa  
 ba bombi. \* Na Paulo a te na doi la mony- 28  
 mony, a kwala na: O s'ense oamene ndutu;  
 ebanja biso bese je uan. \* Na mo a pula 29  
 muenen, a wamse jingea, asoa mukambilan,  
 a ko wase oboso ba Paulo na Sila, \* a busane 30  
 babo, a kwala na: A bate, na bole nje, nde  
 n'ongisabe e? \* Na babo bakwala na: Dube 31  
 Saŋgo Yesu Kristo, nde o mende joŋ-  
 gisabe na ndabo aŋgo pe. \* Na babo 32  
 balangwea mo eyal'a Loba na bese bata o  
 ndabo ao. \* Na mo a noŋgo babo na mo- 33  
 mene o ni pond'a bulu mene, oà babo mbim-  
 bilaki, na dibokimene momene a dubisabe na  
 bato bao bese. \* Na mo 'alane babo o ndabo 34  
 ao, a poŋgea babo da, a bwa munyenŋe na  
 ndabo ao nyese, ná a timbi dube Loba. \* Nde 35  
 bunya bo eseleno, na bānedi ba loma babo-  
 ledi, o kwala na: Esele ba bato b'ale. \* Na 36  
 mukwese-bato-o-beboa alangwea Paulo ben  
 beyala na: Bānedi ba lom o jesele binyo;  
 binyo busa so, l'ale na musaŋgo. \* Na Paulo 37  
 a kwalane babo na: Ba boli ná di dipabe o  
 mpoma e si be kaisabe, biso bato ba Roma,

## Bebolo ba bamuloloma 16. 17.

ba kwese biso o beboa, nde tatan ba ma-bu-  
 sise biso o diwuta e? Seto nika, babomene  
 38 ba ye, ba busise biso. \* Na baboledi ba lañ-  
 gwea bānedi ben beyala. Nde baseñgino ná  
 be nde bato ba Roma, na babo babwa boño,  
 39 \* ba po, ba kwalisane babo, ba busise babo,  
 40 basosomea babo o jesele mundi mabu. \* Na  
 babo ba busa o beboa, b'ala omboa Lidia.  
 Nde b'enne bona-saño, na babo b'omele  
 babo, b'ala.

17 Na babo ba tomba oteten a Amfipoli na  
 Apolonia, ba po o Tesalonika, wuma ndabo a  
 2 ndongamen nya Bona-Yuda etano. \* Na Paulo  
 'ingea na babo, kaponda kolongone lao, a  
 kwalisane babo minya ma wumse milalo o  
 3 betiledi, \* a teleye na lee babo, ná Kristo a  
 ta 'angamene taka na pumbwa pe o kwedi,  
 na ná nun nde e Kristo, Yesu, nyena na ma-  
 4 langweano binyo. \* Nde doño labu ba timbi  
 dube, ba latabe na Paulo na Sila, na dimuti  
 dindene la bato ba Grikia, babwe-Loba-boño,  
 5 na bito b'edube gita. \* Nde Bona-Yuda ba  
 ta ba bwa kodi, ba noño doño la bato ba  
 bobe ba ma-temetemene, ba bola dimuti di ko-  
 tone, ba puñgwa mundi, ba teme oboso ba  
 ndabo a Yason, ba pulise o wana babo oboso  
 6 ba dimuti. \* Nde ba s'enne babo, na babo  
 ba duta Yason na doño la bona-saño oboso  
 ba basaño ba mundi, ba te misea na: Ban  
 bena ba puño mundi-ma-wase bapoi pe uan.  
 7 \* Yason a jese babo, ban bese nde ba ma-bu-  
 lele mbend' a kaisa, kana ba ma-kwalano na,

## Bebolo ba bamuloloma 17.

nupepe nde e kiñe, Yesu. \* Nde bata ba 8  
puñgwa milema ma dimuti na ma basango  
ba mundi, kana ba señgino man. \* Na babo 9  
ba nonggo tunge na Yason na bapepe, b'  
esele babo.

Na dibokimene bona-sango baloma Paulo na 10  
Sila ya bulu o Berea. Bapoino oten, na babo  
b'ala o ndabo a ndongamen. \* Ban bata bwam 11  
buka ba Tesalonika; bata banonggo eyala na  
jemea la bwam lese, ba wasa betiledi bunya-  
te, na nga ye nika. \* Nde gita labu bata 21  
ba dube, na gita la bito b' edube na bome  
ba Grikia pe. \* Nde Bona-Yuda ba Tesalonika 13  
basengino, na eyal'a Loba ema-langwabe pe  
na Paulo o Berea, na babo bapo oten o  
puñgwa mamuti. \* Na dibokimene bona-sango 14  
baloma Paulo o wala natena o munja; nde  
Sila na Timoteo bata badia oten. \* Nde ba 15  
bena bata badiele Paulo, ba wana mo o Aten.  
Nde ba kusino beenedi onyola Sila na Timoteo,  
na ba wamse po na mo, kana ba welino, na  
babo ba timba o mboa.

Nde niponda Paulo a tano 'engele babo o 16  
Aten, na mudī mao mulinga oteten ao, kana  
'enno mundi mulondi na njimbiri. \* A ta a 17  
kwalisane o ndabo a ndongamen na Bona-  
Yuda na babwe-Loba bonggo, na o don pe  
bunya-te na ba bena a tano a dongamene. \* Nde 18  
dongo la babiedi ba Epikuro na Ba-Sitoa  
bata ba kwalisane mo; dongo bata bakwala  
na: Nje nu mot'a etopetope a ma-pulano  
kwala e? Bane pe na: A m'enene ka mubi-



## Bebolo ba bamuloloma 17.

sed'a maloba ma penya; ebanja ata alaŋgwa  
miaŋgo-ma-bwam ma Yesu na bepumbwedi  
19 pe. \* Na babo ba noŋgo mo, b' alane mo o  
Areopago, ba kwala na: Jena di seŋga neni  
ben beleedi ba penya beno, bena o ma-laŋ-  
20 gwanō e? \* Ebanja o ma-wana ben ba mambo  
o matoi masu; di ma-pula so bia, neni man  
21 meno. \* Nde bato ba Aten beše na ben bena  
ba jai oten, ba si ta ba bene ponda onyola la-  
mbo dipepe, ke o laŋgwa na seŋga lambo la  
22 penya. \* Na Paulo a teme oteten a Areo-  
pago, a kwala na: A bato ba Aten, na m' ene  
ná le bato ba m' owe maloba bwambi o mambo  
23 mese. \* Ebanja niponda na tano na daŋgwa  
o jombwa mambo manyu lo m' oweno, na soi  
pe diyo, lena di tilabe oten na: Onyola Loba  
di si bian. Na ma-laŋgwea so binyo nu nyena  
24 lo m' oweno, esi be bia. \* Loba nu weki wase  
na mambo mese me oten, mo, kana eno Saŋgo  
a mony na wase, a si ma-ja o mandabo ma  
25 loŋgabe na maa, \* a si ma-boleabe pe to na  
maa ma bato, biana lambo di ma-pula na mo,  
mo nde a ma-bole beše loŋge na wei na mambo  
26 mese. \* Nde a boli ná o maya mowó matumba  
mese ma bato majai o mudi-ma-wase mu-  
ese, kana a teseno ponda itesebe oboso, na  
27 mioyo ma bejedi babu, \* ná ba pulise Loba,  
ná ŋga bena ba seŋga mo, ba so mo, tona a  
28 titino etum to na mowó nyasu; \* ebanja  
oteten ao nde jeno loŋge, di ma-daŋ-  
gwanō, jeno pe; kana doŋgo la bapoŋge-  
mieŋge banyu pe ba kwalino na: Je nde mbot'

## Bebolo ba bamuloloma 17. 18.

ao. \* Kana jeno so mbot'a Loba, di s'an- 29  
 gamen jonjele, ná Loba le nde bowan ba gol  
 to silba to dale, bewekedi ba dibie na lambo  
 lena moto a soino. \* Loba a tombise pond'a 30  
 bodimbea, nde tatan a m'anea bato bese wuma  
 yese o jatele, \* kana a teseno bunya, boena 31  
 amendeno kaise mundi-ma-wase o teme-la-sim,  
 onyola moto mowó, nyena a posino onyol'ao,  
 kana a teleyeno jemea na bese, ná a pum-  
 bweleno mo o kwedi. \* Nde basengino onyola 32  
 bepumbwedi ba kwedi, na dongo ba bola ma-  
 keko, bane pe ba kwala na: Di mende pete  
 sengane oa onyol'ao ngedi nipepe. \* Nika 33  
 nde Paulo 'asumweno oteten abu. \* Nde 34  
 dongo la bome ba ta babatame na mo, bena ba  
 dube, bena oteten abu e ta Dionisio, mot'a  
 Areopago na muto mowó dina lao na: Damari,  
 na bapepe pe na babo.

Ombusa nika na mo 'asumwe o Aten, a 18  
 po o Korinto. \* Na mo aso mot'a Bona-Yuda 2  
 mowó, dina lao na: Akwila, nu yabe o Ponto,  
 nu ta nu wa o Italia ombusa son a ponda,  
 na munj'ao Priskila, onyolana Klaudio a ta  
 'anea Bona-Yuda bese o jasumwe o Roma.  
 \* Na mo 'ingea na babo, nde kana a tano a 3  
 bola mulemlem ma ebolo, na mo aja na babo,  
 a bola ebolo; nde o ka ebol' abu ba ta nde  
 baponge-minoko. \* Nde ata alaŋgwa o ndabo 4  
 a ndongamen o bunya-ba-wumse te, a bola  
 Bona-Yuda ba dube na bato ba Grikia pe.  
 \* Nde niponda Sila na Timoteo ba wuno o 5  
 Masedonia, Paulo a ta 'embabe na Mudi o

## Bebolo ba bamuloloma 18.

- bola Bona-Yuda mboñ, ná Yesu e nde Kristo.
- 6 \* Nde ba bañgino, ba topino pe dibena, na mo  
a souse mboti, a kwalane babo na: Maya  
manyu ma be o mulopo manyu! Botea tatan
- 7 na m'ala na basibi na ka ni sañgi. \* Na mo  
'asumwe oten, 'ala o ndabo a moto mowó,  
dina lao na: Yusto, nu ta nu bwa Loba  
boñgo, nyena ndabo ao e ta bebe na ndabo
- 8 a ndongamen. \* Nde Krispo, muaned'a ndabo  
a ndongamen, a ta a dube Saño na ndabo  
ao nyese; na gita la bato ba Korinto, bena  
bata ba seña, bata ba dube, ba dubisabe.
- 9 \* Nde Saño ata a kwalane Paulo onyola  
jene o bulu na: O si bwa boñgo, topo nde, o
- 10 si ja na pi. \* Ebanja ne na oa, to-moto  
a si mende tapa oa o bola oa bobee;  
ebanja na ben bato gita o mun mundi.
- 11 \* Na mo aja oten mbu mowó na miodi mu-  
toba, a lee babo eyal'a Loba.
- 12 Nde niponda Galion atano gobina o Akaia,  
Bona-Yuda bata ba teme na mulema mowó  
lingise Paulo, ba wana mo oboso ba bejedi
- 13 ba muka, \* bakwala na: Nun ama-londo bato
- 14 o jowe Loba e si be kaponda mbenda. \* Nde  
niponda Paulo a tano a pula wuta mudumbu,  
na Galion a kwalane Bona-Yuda na: A Bona-  
Yuda, e be te lambo disitem to ebol'a bobee,  
ke na wusa señgane binyo, kana e a ngamenno.
- 15 \* Nde ye te miuedi onyola beleedi, na mina  
na mbend'anyu, binyomene ombwa nika; mba
- 16 na si ma-pula be mukaisedi onyol' ao. \* Na mo
- 17 a pañga babo oboso ba bejedi ba muka. \* Na

## Bebolo ba bamuloloma 18.

bato ba Grikia bese ba noŋgo Sostene, mu-  
aned' a ndabo a ndoŋgamen, ba dipa mo oboso  
ba bejedi ba muka; nde Galion asita a dube  
to-lambo onyol' ao. \* Nde Paulo a ta pe 18

aja minya gita, na mo anáŋgane bona-saŋgo,  
'ala o Siria na bolo, na Priskila na Akwila  
pe na mo, niponda a boleno senje mulopo o  
Kenkrea, ebanja a ta a bene male. \* Na mo 19  
apo o Efeso, na mo a dia babo oten; nde  
a ta 'ala o ndabo a ndoŋgamen, a kwalisane  
Bona-Yuda. \* Nde basosomedino mo o jindea 20  
na babo son, a si ta 'emea, \* a náŋgan nde 21  
babo, akwala na: O ka yese, n' aŋgamen jukea  
o Yerusalem o bunya-ba-bosaŋgi bo ma-ye;  
na mende pe timba na binyo, ke Loba lo  
emedi. Na mo 'asumwe na bolo o Efeso, \* a 22  
po o Kaisarea, 'ondea omony, a somno mu-  
emba, na mo a siba pe o Antiokia. \* Nde 23  
'indedingo oten son a ponda, na mo 'ala, a tomba  
oteten ekombo a Galatia na Frigia ewo-ewo,  
'embe bokweli bese.

Nde mot'a Bona-Yuda mowó a ta apo o 24  
Efeso, dina lao na: Apolo, nu yabe o Alesan-  
dria, moto nu bi betopedi, nu ta pe nginya  
o betiledi. \* A ta a leabe nge'a Saŋgo, a ta 25  
alaŋgwa na mudī mu m'onye, a lee pe na  
nginya onyola Saŋgo, nde a ta nde a bia du-  
bise la Yohane momene. \* Mo a ta a botea 26  
o kwala na bokenju o ndabo a ndoŋgamen.  
Nde Akwila na Priskila ba seŋgino mo, na  
babo ba noŋgo mo na babo momene, ba beŋga  
teleye mo nge'a Loba. \* Nde a tano a pula 27

## Bebolo ba bamuloloma 18. 19.

wala londo o Akaia, na bona-sango ba batea  
mo nginya onyol'ao, ba tilea bokweli, ná ba  
kase mo. A poino oten, a ta' ongwane gita,  
28 onyola ndedi, ba bena bata ba dube. \* Ebanja  
ata a tobise Bona-Yuda na nginya o mpoma,  
kana a tano a teleye na betiledi, ná Yesu e  
nde Kristo.

19 Nde e ta na, niponda Apolo a tano o Ko-  
rinto, na Paulo niponda a domseno londo lao  
o bekombo ba mony, a po o Efeso, a bomane  
2 dongo la bokweli, \* na mo a kwalane babo  
na: Lo kusi Mudí Musangi niponda lo dubeno  
e? Na babo ba kwalane mo na: Kem, di si  
3 sengi to nga Mudí Musangi mue. \* Na mo  
a kwalane babo na: Lo dubisabe so o nje e?  
Na babo ba kwala na: O dubise la Yohane.  
4 \* Na Paulo a kwala na: Yohane a ta a dubise  
dubise la jatele, kana a langwedino dimuti,  
ná ba dube nu nyena nu mende po ombus'ao,  
5 nika nye nde o Kristo Yesu. \* Nde ba sengi  
nika, na babo ba dubisabe o dina la  
6 Sango Yesu. \* Nde Paulo a nengeleno babo  
maa omony, na Mudí Musangi mu po omony  
abu, na babo ba topo na l'eme, ba langwa  
7 pe bedinge. \* Nde bese ba ta nde to dom la  
bato na baba.

8 Nde a ta 'ala o ndabo a ndongamen, a  
langwa na bokenju, kana a tano a kwala mio-  
di milalo onyola janea la Loba, a bola babo  
9 ba dube. \* Nde dongo b'enyiseno milema,  
ba si dube, ba topo bobe onyola ni ngea oboso  
ba dimuti, na mo 'asumwe na babo, a pandise

## Bebolo ba bamuloloma 19.

bokweli na babo, a laŋgwa bunya-te o esukul' a mowó, Tirano. \* Nika e bolan mbu miba, 10 ka nyena bese bena ba ta baja o Asia, ba ta ba seŋga eyal'a Saŋgo, Bona-Yuda na bato ba Grikia. \* Loba a ta pe a bola bebolo 11 ba ŋginya bendene onyola maa ma Paulo, \* ka nyena bata basumwa waŋgisi na tauedi 12 o nyol'ao, ba neŋgele mo omony a baboedi, na maboa m'asumwe na babo, na midī ma bobe mi busa.

Nde doŋgo la balondedi ba Bona-Yuda pe, 13 bena ba ta ba yeŋga, ba ta ba keka o bolane dina la Saŋgo Yesu omony a ba bata ba bene midī ma bobe, ba kwala na: Di ma-kana binyo soŋgo o Yesu, nyena Paulo a ma-laŋgwanō. \* Nde ba ta nde bana ba bome samba ba prisi 14 nindene nya Bona-Yuda, Sikeua, bena ba boli nika. \* Na mudī ma bobe mu alabe, mukwala 15 na: Na bī Yesu, na bī pe onyola Paulo; nde binyo pe ba-nja e? \* Na nu moto nyena mudī 16 ma bobe mu tano oteten, 'aŋgwe omony abu, a buka babo, ka nyena ba ta ba busa mila o ni ndabo na misamba na bebaŋgo. \* Nde din 17 di ta di biane na Bona-Yuda bese na bato ba Grikia, bena ba ta baja o Efeso, na bongo bokoye bese, na dina la Saŋgo Yesu di busi-sabe bondene. \* Nde gita la ba bena ba ta 18 ba dube, bata ba po, ba pusele, ba biise bebolo babu. \* Nde gita bena bata ba bola misomba 19 ma mambo, ba wana kalat'abu, ba dise mo oboso ba bese; nde ba ta ba soŋgele mususedi mao, na babo ba so mo muatanu ma lokoli

## Bebolo ba bamuloloma 19.

20 la drakma. \* Nika nde eyal'a Saŋgo e tano e nyaka, e timba be ŋginya.

21 Man mese malondino, na Paulo a bole o mudī o tomba oteten a Masedonia na Akaia na o wala o Yerusalem, a kwala na: Na wu  
22 te oten, ke n'aŋgamen pe jene Roma. \* Na mo aloma baba ba baboledi bao o Masedonia, Timoteo na Erasto, nde momene a ta a dia son a ponda o Asia.

23 Nde o ni pondamene mpuŋgu mundene  
24 muta mu ko onyola ni ŋgea; \* ebanja moto mowó, dina lao na: Demetrio, mot'a boluli ba silba, nu ta nu poŋgo tempel a silba ya Diana, a ta a wanea baboledi museŋ mundene.

25 \* Mo a ta a kotele babo, na ba pe bena bata b'oŋgwane onyola ye ebolo, a kwala na: A bato, lo bi ná di ben nde bema basu na yen  
26 ebolo, \* nde lo m'ene, lo ma-seŋga pe, ná seto o Efeso momene, nde o Asia nyese pe, nun Paulo a tukono, a yombise pe gita la dimuti, kana a ma-kwalano na: Ma ma wekabe na  
27 maa ma titi maloba. \* Nde seto din lambo lasu momene nde di ma-pule nyame, nde tempel a loba dindene Diana pe e si ma-pula pe laŋgabe to-lambo, bondene bao bo mende nyama, boena Asia nyese na mundi-ma-wase

28 ba m'oweno. \* Ba seŋgino nika, na babo ba londa na malinga, ba te misea, ba kwala na:  
29 Diana la bato ba Efeso di kolo! \* Nde mundi muese mu timbi be mpuŋgu, na babo ba dubwa mila o ndabo a jakotone na mulema

## Bebolo ba bamuloloma 19.

mowó, ba duta Gayo na Aristarko, bato ba Masedonia, bena bata muemba ma londo ma Paulo. \*Nde niponda Paulo a tano a pula 80 wala oteten a dimuti, bokweli ba s'esele mo.

\*Dongo la bānedi ba Asia pe, bena bata 81 makom mao, bata ba loma o sosomea mo, ná a s'ala o ndabo a jakotone. \*Nde dongo ba 82 ta ba te misea onyola lambo diwo, bane pe dipepe; ebanja jakotone di ta mpuṅgu, dongo dindene di si ta di bia lambo ba tano ba kotone. \*Nde bata ba busise Alesandro o dimuti, 83 kana Bona-Yuda batano ba nimele mo oboso. Nde Alesandro a ta a sikimeye dia, a pula tobea momene oboso ba dimuti. \*Nde ba 84 soino, ná e nde mot'a Bona-Yuda, na babo bese ba te misea na doi diwo, to ṅgeṅ iba, na: Diana la bato ba Efeso di kolo! \*Nde 85 mutilé'd'a mundi a ta a loko dimuti, a kwala na: A bato ba Efeso, njika moto nye nu si bī ná mundi ma Efeso mue nde mubongwed'a Diana dindene, na nya edingedinge ewu o mony e? \*Kana penda e titino so onyola 86 din, lo angamen ja na pī, lo si bola lambo epanypany. \*Lo wan ban bato uan, bena 37 ba titi badumbedi ba tempel, ba si topi to di-bena lingise loba lanyu. \*Ye so te ná De- 88 metrio na baboledi be na mo, ba ben te bwa-mbo na moto, ke minya ma muka mie, na gobina pe, b'alane mowó na nune o muka. \*Nde lo ben te lambo onyola mambo mapepe, 39 ke lena di wele bolisabe o jakotone la ponda mbenda. \*Jena di wele belabe o muka onyola 40



bon bunya ba oenge, onyola mpuṅgu, nde njom e titi nyena jena di wele tobea bisomene onyola mun mpuṅgu. Nde a kwalino nika, na mo a bola jakotone di kyamane.

- 20 Nde etoise e boino, na Paulo a bele bokweli, a soma babo, a nāngane babo, 'ala o  
 2 Masedonia. \* Nde a tombino oteten a be bekombo, 'omelene babo na gita la beyala, na mo a po o ekombo a Grikia. Nde a jai oten  
 3 miodi milalo. \* Nde a tano a pula wala o Siria na bolo, nde Bona-Yuda ba ta ba somo mo, na mo a bole o yombo tongwea la Ma-  
 4 sedonia. \* Nde ba ta badaṅwane mo natena o Asia, Sopater nya Berea, Aristarko na Sekundo ba Tesalonika, na Gayo nya Derbe na Timoteo, nde ba Asia pe Tikiko na Trofimo.  
 5 \* Ban ba ta b'ala oboso, b'engele biso o Troa.  
 6 \* Nde biso di ta di asumwe o Filipi na bolo, ombusa minya ma bewolo be si puṅwan esa-  
 saṅge, di po na babo o Troa o minya mitanu, wuma di jaino minya samba.  
 7 Nde o bunya ba bosu ba woki, niponda bokweli ba kotomno o bua l'ewolo, Paulo a ta a kwalisane babo, kana a tano a pula jasumwe o bone ba kiele, nde a ta a tingame  
 8 kwala natena oteten a bulu. \* Nde gita la betrukan di ta o tun a mony, wuma ba tano  
 9 ba kotome. \* Nde mpesa mowó dina lao na: Eutiko, nu ta nu ja o winda, a ta a potu iyo, kana Paulo a tano a tingame kwala, na iyo i buka mo, a ko wase natena ndeki ni londi  
 10 ilalo, a pondobe mbimba. \* Nde Paulo a ta

## Bebolo ba bamuloloma 20.

a siba, a ko omony ao, a tuka mo bwàngá, a kwala na: Losibwa ndutu, ebanja mudi mao mue na mo. \*Na mo 'ondea omony, a bua 11 ewolo, a da, a kwalisane pe gita na babo natena jesele la bunya; nde na mo 'asumweno. \*Na babo bawana nu muna muenya, bakusa 12 lokomea gita. \*Nde biso di ta di ala oboso 13 na bolo, di po o Aso, di ta di pula nongo Paulo oten; ebanja nika nde a tano 'anea, kana momene a tano a pula tongwea la mundi. \*Nde 14 a poino na biso o Aso, na biso di pele mo, di ala o Mitilene. \*O ua nde di tano di po o 15 bone ba kiele tengene Kiosi; o bone bo bupe di ta di temene wala o Samosi, di ja o Trogilion; nde o bone bo bupe di ta di po o Mileto. \*Ebanja Paulo a ta a bole ná a ma- 16 tomba Efeso, ná a si ya be a tombea ponda o Asia, ebanja a ta a wamse, o be o Yerusalem o bunya-ba-bosaŋgi ba muatanu, yetena e weli te be.

Nde o Mileto a ta aloma o Efeso, o bele 17 baturu ba muemba. \*Nde bapoino na mo, 18 na mo a kwalane babo na: Lo bi neni na tano na binyo ponda yese, natena bunya ba boso, boena napoino o Asia, \*kana natano na bolea 19 Saŋgo na sibise-la-nyolo lese, na misodi na makekisan, mena ma poyedi mba onyola mitakisan ma Bona-Yuda. \*Kana na si wutino 20 to-lambo lena le museŋ, lena nasilaŋgwedino binyo, na lee binyo o mpoma na o mandabo, \*kana na bolino mboŋ na Bona-Yuda na bato 21 ba Grikia onyola jatele na Loba na jemea o

## Bebolo ba bamuloloma 20.

- 22 Saŋgo asu Yesu Kristo. \*Nde tatan ombwa,  
na m'ala o Yerusalem, ka mowó nu kakabe  
o mudī, nasibī nje emende koye mba oten.
- 23 \*Buka te ná Mudī Musāngi mu ma-bola mba  
mboñ o mundi-te, mu ma-kwala na, ngata na
- 24 ndenge ba m'engele mba. \*Nde na si dube  
to diwo la man, na si ma-laŋga to longe lam  
ka lambo la tiki na mba, o domse londo lam  
na munyenge na ebolo yena na kusino na  
Saŋgo Yesu, o bola mboñ onyola miaŋgo-ma-
- 25 bwam ma nded'a Loba. \*Nde tatan ombwa,  
na bī ná binyo lo si mende pe jene boso bam,  
bese bena na tano na tomba oteten abu na
- 26 laŋgwa la janea la Loba. \*Onyola nika na  
ma-bola binyo mboñ o bon ba oenge, ná na
- 27 saŋgi na maya ma bese. \*Ebanja na si wuti  
to-lambo, ka nyena nasilaŋgwedi binyo mua-
- 28 no ma Loba muese. \*Binyo nongo so jaŋ-  
gameye na binyomene na onyola di-  
bembalese, lena Mudī Musāngi mu tese-  
no binyo bombwedi, o dese muemba ma  
Loba, muena 'andino na maya mao mo-
- 29 mene. \*Na bī ná ombusa jasumwe lam njo  
ikwany imende po oteten anyu, yena isi
- 30 mende jesele dibemba. \*Oten anyu momene  
pe bato ba mende busa, bena ba mende tope  
mambo ma mpena, o duta bokweli ombus'
- 31 abu. \*Onyola nika ja epenye, 'onge le ná na  
si ta n'esele mbu milalo, bulu na muese o
- 32 jomele moto na moto na misodi. \*Nde tatan,  
a bonate, na ma-bake so binyo na Loba na  
eyal'a nded'ao, nyena nu ben nginya o loñ-

## Bebolo ba bamuloloma 20. 21.

gise binyo na bola pe binyo saŋgo oteten a  
 basaŋgeri bese. \*Na si ta na pulane to-mowó 33  
 silba to gol to mboti. \*Binyomene lo bī, 34  
 neni man maa mam ma tano ma bolea onyola  
 ma mena ma ta mā-pule na mba na onyola  
 ba bata na mba. \*Nata nalee binyo o mese, 35  
 ná e aŋgamen o bola ebolo nika na joŋgwane  
 babobi, na joŋgele eyal'a Saŋgo Yesu, kana  
 a kwalino na: Bola le bonam buka kusa.  
 \*Nde a kwalino din, na mo a numa mabongo 36  
 wase, a kane na babo bese. \*Nde mbembe 37  
 gita e ta na bese, ba koye Paulo o nyingo,  
 basopa mo, \*kana ba tano ba bwa ndutu 38  
 buka mese, onyola eyala a kwalino na, ba si  
 mende pe jene boso bao. Na babo ba daŋ-  
 gwane mo natena o bolo.

Nde niponda e tano, ná di tumno bisomene 21  
 na babo, di nimeleno, na biso di temene na  
 sim, di po o Kosi, nde o bone bo bupe o  
 Rodo, na o ua o Patara. \*Nde di bomanno 2  
 bolo boena bo ta bo ala o Fenikia, na biso  
 di peye oten, di nimele. \*Nde di poino o je- 3  
 nene la Kipro, di dino mo la dimose, na biso  
 di temene bodu wala o Siria, di tuŋge o Tiro,  
 ebanja oten nde bolo bo tano bo te muuna.  
 \*Nde di soino bokweli, na biso di ja oten 4  
 minya samba. Babo ba ta ba laŋgwea Paulo  
 onyola Mudi, ná a s'ondea o Yerusalem. \*Nde 5  
 e ta na, niponda minya mitombedino biso,  
 na biso di asumwe wala o londo lasu. Nde  
 babo bese na bito na bana ba ta b'ala te  
 biso o ŋgea natena ombusa mundi, nde o saua

## Bebolo ba bamuloloma 21.

- 6 di ta di numa mabon̄go wase, di kane, \* nde  
 di nānganno mowó na nune, na biso di peye  
 7 o bolo, babo pe batimba o mboa. \*Nde  
 biso di ta di domse londo la bodu wa o Tiro,  
 di tun̄ge o Ptolemeo, di soma bona-sāngo, di  
 8 ja na babo bunya bowó. \*Nde o bone ba  
 kiele di ta di asumwe, biso bena di ta na Paulo,  
 di po o Kaisarea, di in̄gea o ndabo a Filipo,  
 mulāngwedi, nu ta mowó nya samba, di ja  
 9 na mo. \*Mo ata abene bana ba bito baneĩ,  
 10 ngonderi, bena bata balāngwa bedin̄ge. \*Nde  
 di jaino oten ngus'a minya, na mutoper'a-  
 mudĩ mowó, dina lao na: Agabo a ta a wa  
 11 o Yudea, a po na biso. \*Na mo a non̄go  
 ngod'a Paulo, a kaka momene maa na miende,  
 a kwala na: Ninka nde Mudĩ Musan̄gi mu  
 ma-kwalano na: Moto nu ben nin ngodi  
 Bona-Yuda ba mende kaka mo nika o Yeru-  
 12 salem na bake mo o maa ma basibi. \*Nde  
 di sēngino nika, na biso na ba bata ua wuma,  
 13 disosomea mo, ná a s'ondea o Yerusalem. \*Na  
 Paulo 'alabe na: Nje lo ma-bolano na, lo m'eya-  
 no na souse mba mulema e? Ebanja na bōn-  
 san seto o kakabe momene, nde o wo pe o Yeru-  
 14 salem, onyola dina la Sāngo Yesu. \*Nde ni-  
 ponda asitano awele jekabe, na biso di ja na  
 pĩ, di kwala na: Jemea la Sāngo di bolane!  
 15 Nde ombusa mi minya di ta di bōnsane o  
 16 jondea o Yerusalem. \*Nde don̄go la bokweli  
 ba Kaisarea bata b'ala na biso o wana na  
 jese biso omboa Mnason, mot'a Kipro, mu-  
 dun a mokweli.

## Bebolo ba bamuloloma 21.

Di poino o Yerusalem, na bona-saŋgo ba 17  
kasa biso na munyenge. \*Nde o bone ba 18  
kiele Paulo a ta 'alane biso omboa Yakobo,  
baturu bese pe ba ta ba po oten. \*Nde a 19  
boleno soma babo, na mo a laŋgwa mese, di-  
wodiwo, mena Loba a bolino o basibi onyola  
ebol'ao. \*Nde ba seŋgino nika, na babo ba 20  
sesa Saŋgo, ba kwalane mo na: A munate,  
o en njika gita la lokoli la Bona-Yuda le  
bena ba dube, nde babo bese be pe kodi onyo-  
la mbenda. \*Nde ba laŋgwabele onyol'aŋgo, 21  
ná o ma-lee Bona-Yuda bese bena bajai oteten  
a basibi, ná b'esele Mose, o kwala na, ba  
s'enda bana babu, to daŋgwa kaponda mieka.  
\*Ne so? O ka yese dimuti di mende kotone, 22  
ebanja ba mende seŋga, ná o poi. \*Bola so 23  
din di ma-kwalaneno oa. \*Bato banji bena 24  
biso bena ba ben male; noŋgo babo, o saŋ-  
gise oamene muemba na babo, o saue onyol'  
abu, ná ba senje milopo mabu; nde bese ba  
mende seŋga, ná ma ba laŋgwabeleno onyol'  
aŋgo ma titi to-lambo, nde ná oamene pe o  
ma-daŋgwa o ka neŋge la mbenda. \*Nde 25  
onyola ka basibi bena ba dube, di ta di bola  
beanedi, dibole pe, ná ba s'aŋgamen neŋge  
to-lambo la man, ke ná ba tate babomene  
onyola mada ma losaŋgo na maya na mambo  
ma tim na misonje. \*Na Paulo a noŋgo ba 26  
bato, a saŋgise momene muemba na babo o  
bone bo bupe, 'ala o tempel, a biise belondedi  
ba minya ma saŋgise, natena onyola moto  
na moto nyabu jabea di wanabe.

## Bebolo ba bamuloloma 21.

- 27 Nde niponda minya samba mi tano mi ni-  
ya bo, na Bona-Yuda ba Asia b'ene mo o  
tempel, ba puŋgwa dimuti lese, ba wele mo  
28 maa o nyolo, \*ba te misea na: A bato ba  
Israel, oŋgwane! Moto mene nun, nu ma-  
lee bese o wuma yese lingise yen ekombo na  
yin mbenda na uan wuma; a wan pe na bato  
ba Grikia o tempel, a timbise uan wum'a bo-  
29 saŋgi mbindo. \*Ebanja bata b'ene Trofimo,  
mot'a Efeso, o mudi na mo, mo nde ba tano  
30 b'oŋgele ná Paulo 'injan mo o tempel. \*Nde  
mudi muese muta mu soa, na dimuti diko-  
tone. Na babo ba putea Paulo, ba duta mo,  
ba busane mo o tempel, na dibokimene mo-  
31 mbe ma kwesabe. \*Nde niponda ba tano ba  
pula bwa mo, na miaŋgo mi po omony na  
muaned'a boso nya muemba ma bato-ba-bila,  
32 ná Yerusalem nyese e puŋgwedi. \*Na dibo-  
kimene a noŋgo bato-ba-bila na bānedi ba  
bila, a siba wase, apo na babo. Nde b'engo  
muaned'a boso na bato-ba-bila, na babo b'  
33 esele o dipa Paulo. \*Na muaned'a boso a  
sisea bebe, a noŋgo mo, 'anea o kwese mo  
na ŋgokobi iba, 'uele nja eno na nje abolino.  
34 \*Na doŋgo ba te misea onyola lambo diwo,  
bane pe dipepe, oteten a dimuti. Nde a si  
tano a wele bake to-lambo bwam onyola  
etoise, na mo 'anea ná b'alane mo o ndabo  
35 a bato-ba-bila. \*Nde a poŋo o dikala, eta  
na, a ta a bambabe na bato-ba-bila onyola  
36 manyakisan ma dimuti; \*ebanja dimuti la  
bato di ta di bupe, di te misea na: Alane mo

## Bebolo ba bamuloloma 21. 22.

uone! \*Nde Paulo, niponda ba tano ba ni- 37  
 ya jinjele mo o ndabo a bato-ba-bila, na mo  
 a kwalane muaned'a boso na: Nena na kwa-  
 lane oa lambo e? Na mo a kwala na: O bi  
 Grikia e? \*Otiti so nu mot'a Egipto nu ta 38  
 nu bola mpungu o min minya, nu busan lo-  
 koli la bato b'ebwan lonei o eyan e? \*Na 39  
 Paulo a kwala na: Mba ne nde mot'a Bona-  
 Yuda nya Tarso, mot'a somsom nya mu mu-  
 ndi mundene ma Kilikia; na sosomedi oa, bola  
 mba wonja o kwalisane dimuti. \*A bolino 40  
 mo wonja, na Paulo a teme o dikala, a siki-  
 meye dimuti dia. Nde ba kwedino na sao  
 bwambwam, na mo a kwalane babo na bwa-  
 mbo ba Bona-Heber, a kwala na:

A bato, bona-saango na batete, sena mu- 22  
 tobo mam na binyo tatan. \*Nde ba sengino 2  
 na a ma-kwalane babo o bwambo ba Bona-  
 Heber, na babo ba bena ko na sao. Akwa-  
 la na:

Mba ne nde mot'a Bona-Yuda, na yabe 3  
 nde o Tarso o Kilikia, nde na bongwabe nde  
 o mun mundi, na leabe nde o matanga ma  
 Gamaliel, kaponda nginy'a mbend'a batete,  
 nata mot'a kodi onyola Loba, kana binyo  
 bese leno oenge; \*na ta na takise nin ngea 4  
 natena o kwedi, kana na tano na kaka na  
 bake o beboa, bome na bito, \*kana prisi ni 5  
 ndene na muemba ma baturu muese beno mba  
 mbon, bena na tano na kusane kalati onyola  
 bona-saango; na ta n'ala o Damasko, o wana  
 pe ba bena bata oten na ngata o Yerusalem,



## Bebolo ba bamuloloma 22.

- 6 ná ba kokisabe. \* Nde e ta na, niponda na  
tano n'ala, na poino bebe na Damasko, na  
dibokimene, oteten a muese, muenen mundene  
muena mu wu o mony, mu panyea mba muri  
7 na muri. \* Na mba nako wase, naseŋga doi,  
di kwalane mba na: A Saulo, a Saulo, nje o  
8 ma-takiseno mba e? \* Na mba n'alabe na:  
Oa nja, a Saŋgo? Na mo a kwalane mba na:  
Mba ne nde Yesu nya Nasaret, nyena o ma-  
9 takiseno. \* Nde ba bena bata na mba, bata  
b'ene muenen, ba manymeye; nde ba si ta ba  
10 seŋga doi la nu nu ta nu kwalisane mba. \* Na  
mba na kwala na: Na bole nje, a Saŋgo? Na  
Saŋgo a kwalane mba na: Teme, ala o Da-  
masko, oten nde emendeno laŋgwabele oa ma-  
11 mbo mese, mena m'anabele oa o bola. \* Nde  
na si tano na wele pe jene onyola bosaŋgi ba  
mu muenen, na mba na diabele na maa na  
muemba mam ma londo, na po o Damasko.  
12 \* Nde moto mowó, Anania, moto nu ma-bwe-  
Loba boŋgo kaponda mbenda, nu ta nu bene  
dina la bwam na Bona-Yuda bese bena ba  
13 ta baja oten, \* a ta a po na mba, a teme, a  
kwalane mba na: A munate Saulo, ombwa  
omony! Na mba n'ombwa mo omony o ni  
14 pondamene. \* Na mo a kwala na: Loba la  
basango basu nde asele pose oa oboso, o bia  
jemea lao na jene Nutem-na-sim na seŋga doi  
15 o mudumbu mao. \* Ebanja omende be mbon  
onyol'ao na bato bese onyola ma o enno, o  
16 seŋgino pe. \* Tatan so, nje o m'indeano e?  
Teme, o dubisabe, miobe mongo mi oabe, o

## Bebolo ba bamuloloma 22.

bele dina la Saṅgo. \* Nde e ta na, niponda 17  
na timbino pe o Yerusalem, na kanno o tempel,  
na mba na kusa jene, n'ene mo, \* kana akwa- 18  
lanno mba na: Wamse, o asumwe o Yerusalem  
mila, ebanja ba si mende kasa mboñ aṅgo  
onyol'am. \* Na mba na kwala na: A Saṅgo, 19  
babomene ba bi, ná mba nde nata na kwese  
o beboa ba bena ba ta ba dube oa, na dipa  
pe babo o mandabo ma ndoṅgamen; \* niponda 20  
maya ma Stefano, mboñ aṅgo, ma tano ma  
komabe, mba pe nata na teme oten, nata na  
dolisane kwed'ao, nata na tata mbot'a ba bena  
ba ta ba bwa mo. \* Na mo a kwalane mba 21  
na: Ala, ebanja na ma-pula loma oa etum  
oteten a basibi.

Nde bata basengane mo natena yen eyala, 22  
na babo b'ase madoi mabu, ba kwala na:  
Sumwa ninka moto o wase, ebanja es'aṅga-  
men ná a be lonḡe. \* Nde niponda ba tano 23  
ba te misea, ba pimba mbot'abu uone, b'aṅ-  
gwa diburu omony, \* na muaned'a boso 'anea 24  
ná b'injele mo o ndabo a bato-ba-bila, akwala  
na, ba wase mo na dipa la lonyanyo, ná a  
bie onyola njika njom ba ma-teyeno mo nika  
misea. \* Nde niponda ba boleno kaka mo 25  
onyola ka misiṅga, na Paulo a kwalane mua-  
ned'a bila nu ta nu teme oten na: Ye binyo  
wonja o dipa mot'a Roma, esi be kaisabe e?  
\* Muaned'a bila a sengino nika, na mo 'ala, 26  
a laṅgwea muaned'a boso nika, akwala na:  
Nje o ma-pulano bola e? Nu moto e nde  
mot'a Roma. \* Na muaned'a boso a po, a 27

## Bebolo ba bamuloloma 22. 23.

- kwalane mo na: Laingwea mba, oe nde mot'a  
28 Roma? Na mo a kwala na: E. \* Na muaned'a boso 'alabe na: Na kusedi nde mba-mene nin wonja, o be mot'a Roma na musauedi mundene. Na Paulo a kwala na: Mba na  
29 yabe nde oten. \* Na dibokimene b'esele mo, ba bena bata ba pula wasa mo. Nde muaned'a boso a ta a bwa bonjo, niponda a seŋgingo ná e nde mot'a Roma, onyolana a boli mo a kwesabe.
- 30 Nde o bone ba kiele ata a pula wasa bwambwam, njika njom Bona-Yuda ba benno na mo, na mo awunja mo, 'anea ná prisi indene na muemba ma bakaisedi bandene muese ba kotone, asibane Paulo, atese mo oboso babu.
- 23 Nde Paulo a ta 'ombwa muemba ma bakaisedi bandene, a kwala na: A bato, bona-saŋgo, na ta na daŋgwa na mulema ma bwam muese oboso ba Loba natena bon ba oenge.
- 2 \* Na prisi nindene Anania 'anea ba bata ba teme bebe na mo, o dipa mo o mudumbu.
- 3 \* Na Paulo a kwalane mo na: Loba a mende dipa oa, edima etukabe pembe! Ojai o kaise mba kaponda mbenda, nde o anea o dipa mba
- 4 lingise mbenda e? \* Na ba bata ba teme bebe a kwala na: O ma-loa nde prisi nindene
- 5 nya Loba e? \* Na Paulo a kwala na: A bonate, na si ta na bia, ná e nde prisi nindene, ebanja e tilabe na: „O si topo bobe onyola
- 6 muaned'a ekombo aŋgo.“ \* Nde Paulo a bino ná doŋgo diwo be Sadukai, bane pe Farisai, na mo ate musea o muemba ma ba-

## Bebolo ba bamuloloma 23.

kaisedi bandene na: A bato, bonasaŋgo, mba  
ne nde mot'a Farisai, mun'a mot'a Farisai;  
nama-kaisabe onyola mapita na bepumbwedi  
ba kwedi. \*Nde a kwalino nika, na jabane 7  
di timba be oteten a Farisai na Sadukai, na  
dimuti di abane. \*Ebanja Sadukai ba ma- 8  
kwala na, bepumbwedi be titi, to angel, to  
mudi; nde Farisai bam'emea mabane. \*Nde 9  
etoise endene e ta e timba be, na babiedi-ba-  
kalat'a-Loba ba muemba ma Farisai ba teme,  
batanga, ba kwala na: Disiso lambo la bobe  
na nun moto; yetena mudi nde mu kwalisan  
mo, to angel, di titi na dianane Loba. \*Nde 10  
mutango mutimbino be bondene, na muaned'a  
boso a bwa bonggo, na Paulo a bia nyauabe  
na babo, na mo 'anea muemba ma bato-ba-  
bila o siba wase, o sua mo oteten abu, na  
ba wane mo o ndabo a bato-ba-bila. \*Nde 11  
o bulu bo bupe, Saŋgo a ta a teme na mo, a  
kwala na: Embe mulema, ebanja kana o bo-  
lino mbon onyol'am o Yerusalem, nikamene  
nde o mendeno pe bola mbon o Roma.

Nde bunya bo eseleno na donggo la Bona- 12  
Yuda ba kotone, ba nyo male, ba kwala na,  
basima-da to nyo natē ba bwa Paulo. \*Nde 13  
ba ta nde buka muanei ma bato, bena banyo-  
di ma male. \*Ba ta b'ala na prisi nindene 14  
na baturu, ba kwala na: Di nyodi male, na  
di si ma-keka to-lambo natē di bwa Paulo.  
\*Binyo na muemba ma bakaisedi bandene 15  
biise so muaned'a boso, na a sibane mo na  
binyo kiele, ka biana lo ma-pula nde beŋga

### Bebolo ba bamuloloma 23.

- wasa bwam onyol'ao; nde biso di ma-leleme  
16 o bwa mo obiana ama-po bebe. \* Nde mun'a  
mome nya mun'a-nyaŋo a Paulo nya muto  
a seŋgiŋo onyola mu muano, na mo apo, 'ala  
17 o ndabo a bato-ba-bila, a laŋgwea Paulo. \* Na  
Paulo a bele mowó nya bānedi ba bila, a  
kwala na: Alane mun mpesa ma moto na  
muaned'a boso, ebanja a ben lambo o kwa-  
18 lane mo. \* Na mo a noŋgo mo, alane mo na  
muaned'a boso, a kwala na: Nu mot'a beboa  
Paulo a bele mba, a sosomedi ná nawane mun  
mpesa ma moto na oa, onyolana a ben lambo  
19 o laŋgwea oa. \* Na muaned'a boso a kwe  
mo dia, 'ala o muri mowó, a baise mo na:  
20 Nje so o benno o laŋgwea mba e? \* Na mo  
a kwala na: Bona-Yuda ba weki muano o so-  
somea oa, ná osibane Paulo kiele o muemba  
ma bakaisedi bandene, ka biana ba ma-pula  
21 nde beŋga wasa bwam onyol'ao. \* Nde oa  
o si seŋgane babo, ebanja ba ma-somo mo  
buka muanei ma bato, bena banyodi male, ná  
ba si ma-da to nyo, natē ba bwa mo; ba boŋsan  
22 tatan, ba m'eŋgele nde dikaki na oa. \* Na  
muaned'a boso 'esele mu mpesa ma moto, a  
kwalane mo na: O si laŋgwea to-moto, ná o  
biise mba man.
- 23 Na mo a bele bānedi ba bila baba, a kwala  
na: Boŋsane bebwea ba bato-ba-bila beba, ná  
b'ale o Kaisarea, na musamba ma bato ba  
ma-je omony a wosi na bebwea beba ba bato  
24 ba moŋgo, o ŋgeŋ ilalo ya bulu; \* ba boŋsane  
pe na beyembe o jese Paulo omony ao, ná

## Bebolo ba bamuloloma 23. 24.

ba wane mo ka bwam na gobina Feliksi.  
 \*Na mo a tila kalati na ben beyala na: 25  
 \*Klaudio Lisia alomedi gobina Feliksi nya 26  
 edube masoma. \*Bona-Yuda bata ba putea 27  
 nun moto, bata ba pula bwa mo, nde na  
 pino na muemba ma bato-ba-bila na sungi  
 mo, na mba na timba seŋga ná e nde mot'a  
 Roma. \*Nde kana natano napula bia njom 28  
 nyena babenno na mo, na mba nasibane mo  
 o muemba mabu ma bakaisedi bandene. \*Na 29  
 mba na so ná baben nde mjom na mo onyola  
 muedi ma mbend'abu, nde a si bene njom  
 nyena ni doŋgamen kwedi to beboa. \*Nde 30  
 e biisabeno mba, ná Bona-Yuda ba ma-somo  
 mo, nde na mba na lomno mo dibokimene na  
 oa, n'anea pe babene-njom na mo o kwala  
 oboso boŋgo mambo babenno na mo. Ja bwam!

Na bato-ba-bila ba noŋgo Paulo, kana e 31  
 anabeleno babo, b'alane mo o bulu o Anti-  
 patri; \*o bone ba kiele b'esele bato ba ma- 32  
 je omony a wosi o walane mo, na babo ba  
 timba o ndabo a bato-ba-bila. \*Nde bane ba 33  
 pino o Kaisarea, na babo ba bake gobina  
 kalati, batese pe na Paulo oboso bao. \*Nde 34  
 gobina alaŋgino kalati, na mo abaise o njika  
 ekombo eno. Nde a seŋgino ná a wu nde o  
 Kilikia, na mo akwala na: \*Namende wasa 35  
 oa, ke babene-njom na oa pe ba poi. Na  
 mo 'anea ná ba neŋge mo o ndabo a muka  
 nya Herode.

Ombusa minya mitanu prisi nindene Ana- 24  
 nia ata asiba muemba na baturu na mutoperi

## Bebolo ba bamuloloma 24.

- 1 mowó Tertulo, ban ba ta ba biise gobina liñ-  
2 gise Paulo. \* Nde a belabeno, na Tertulo a  
3 botea o nengele njom, a kwala na: \* Bisó di  
kusi musaño mundene onyol'año, onyola  
beombwedi boño pe yen ekombo e kusi gita  
la mambo ma bwam, bisó di ma-noño man  
wuma yese na ponda yese, na gita la masoma,  
4 a Feliksi nya edube endene. \* Nde ná na si  
wolise oa, na sosomedi oa ná o seŋgane bisó  
5 na pem, kaponda bwam boño. \* Di soi nun  
moto mubumbisedi na muwane-mpuñgu oteten  
a Bona-Yuda bese, bena ba jai o mudi-ma-  
wase, na mudied'a boso nya nyan-la-jemea  
6 la bato ba Nasaret, \* nu ta pe nu keka o  
timbise tempel mbindo, nde na bisó di pute-  
dino mo, di ta di pula kaise mo kaponda mbend'  
7 asu. \* Nde muaned'a boso Lisia a ta a siba,  
a noño mo na ŋginya nindene o maa masu,  
8 \*'anea ba ba ben njom na mo o po na oa,  
nde oamene oena o wele wasa mo, ná o bake  
onyola mese mena di benno njom na mo.  
9 \* Nde Bona-Yuda pe bata balata na mo, ba  
kwala na, ye nikamene.
- 10 Nde Paulo, gobina a pepeno mo o kwala,  
a ta 'alabe na: Kana na bino ná oe mukai-  
sedi omony a yen ekombo gita la mbu, nena  
11 na tobea mbamene na munyenge. \* Kana  
oeno ná o wele so, e si buki dom la minya na  
miba, ná n'alono omony o Yerusalem o kane.  
12 \* Nde ba si soi mba to o tempel ná na ta na kwa-  
lisane moto, to weka mpuñgu o dimuti, to o  
13 mandabo-ma-ndongamen, to o mudi; \* ba titi

## Bebolo ba bamuloloma 24.

to na bateleye man mena ba bakeno mba  
tatan. \*Nde nama-pusele nde oa din, ná 14  
kaponda ngea nyena bama-beleno nyan-la-  
jemea, nama-bolea nde Loba la basango bam  
nika, kana nama-dubeno mese matilabe o  
mbenda na batoperi-ba-mudi, \*nde na ben pe 15  
di dipita na Loba, lena babo momene pe ba  
m'engeleno, ná bepumbwedi be mende be, ba  
batem-na-sim na basitem-na-sim. \*Onyola 16  
nika nama-kekise pe mbamene o bene  
mulema musiben misan o ka yese, obo-  
so ba Loba na bato. \*Nde na poi nde 17  
ombusa ngus'a mbu o wana mabea ma ba-  
tuedi onyola ekombo am na mabea ma Loba.  
\*O din nde ba tano ba so mba o tempel, ni- 18  
ponda na tano na sangise mbamene, e si be  
mpungu to etoise. \*Nde dongo la Bona-Yuda 19  
ba Asia bata b'angamene be uan oboso bongu  
o numa mba njom, yetena ba ben lambo na  
mba. \*To ban momene bakwale, njika ebol'a 20  
bobe ba soino na mba, niponda na tano na  
teme oboso ba muemba ma bakaisedi bandene,  
\*e be te yen eyala ewo, yena na teno musea, 21  
niponda na temno oteten abu, na: Onyola  
bepumbwedi bakwedi nde na ma-kaisabeno  
na binyo oenge.

Nde Feliksi asengino nika, na mo asisele 22  
bwambo oboso, kana atano abia bwambwam  
onyola ka nin ngea, a kwala na: Muaned'a  
boso Lisia a poi te wase, na mende wasa  
bwambo banyu. \*Na mo 'anea muaned'a 23  
bila o nenge mo, nde a bobise pe mo, a si



## Bebolo ba bamuloloma 24. 25.

baŋgane to-mowó nya bato bao o bolea mo  
 24 to po na mo. \*Nde ombusa ŋus'a  
 minya Feliksi a ta a po na munj'ao Drusila,  
 nu ta ŋgon a Bona-Yuda, a bele Paulo, a seŋ-  
 25 gane mo onyola jemea o Kristo. \*Nde Paulo  
 a laŋgono onyola teme-la-sim na lamba-la-  
 nyolo na muka mu mende po, na Feliksi a  
 bwa boŋgo, 'alabe na: Sele wala tatan; na  
 26 kusi te pond'a bwam, na mende bele oa. \*A  
 ta pe nde a pite, ná moni mu mende bolabe  
 mo na Paulo ná a wunje mo, onyola nika a  
 27 ta a yoko bele mo, a kwalisane mo. \*Nde  
 mbu miba mi tombino, na Porkio Festo a po  
 timba o bejedi ba Feliksi; nde kana Feliksi  
 atano apula dolisane Bona-Yuda, na mo a  
 dia Paulo o beboa.

25 Nde Festo a timbino o bejedi ba gobina,  
 na mo, ombusa minya milalo, 'asumwe o Kai-  
 2 sarea, 'ondea o Yerusalem. \*Na prisi indene  
 na bato ba boso ba Bona-Yuda ba biise mo  
 3 liŋgise Paulo, ba sosomea mo, \*ba pula din  
 ka ndedi na mo, ná a bole mo a ye o Yeru-  
 salem, nde ba ta nde bapula somo mo, ná ba  
 4 bwe mo o ŋgea. \*Na Festo a kwala na,  
 Paulo a neŋgebe o Kaisarea, momene pe a  
 5 mende ala oten son a ponda. \*M'ona: Onyola  
 nika, bānedi banyu ba sibe muemba na mba,  
 nde lambo le te na nu moto, balaŋgwe njom.  
 6 \*Nde atano na babo, seto buka minya lombi  
 to dom, na mo a siba pe o Kaisarea, o bone  
 ba kiele a ja o bejedi ba muka, 'anea o wana  
 7 Paulo. \*Nde a poino, na Bona-Yuda bena

## Bebolo ba bamuloloma 25.

bata ba wa o Yerusalem ba teme diŋgele mo,  
ba wana gita la njom indene liŋgise Paulo,  
yena ba si tano ba wele teleye, \* kana Paulo 8  
a tano a tobea momene ninka na: Na si boli  
to diwuse diwo liŋgise mbend'a Bona-Yuda,  
to tempel to kaisa. \* Nde Festo a ta a pula 9  
dolisane Bona-Yuda, na mo 'alabe Paulo, a  
kwala na: O tondi jondea o Yerusalem o  
kaisabe oten na mba onyola man e? \* Na 10  
Paulo a kwala na: Na tem oboso ba bejedi ba  
muka ba kaisa, uan nde n'angamenno kaisabe.  
Na si boli Bona-Yuda lambo la bobo, kana oa-  
mene o bino bwambwam. \* Lambo lam di si tem 11  
so te, nde na bola pe lambo di dongamen kwedi,  
na si ma-baŋga o wo; nde yetena lambo di  
titi o man mena ba ma-bakeno mba, to-moto  
a titi na a bake mba na babo. Na ma-bele  
nde muka ma kaisa. \* Na Festo a kwalisane 12  
bamvano, 'alabe na: O bele muka ma kaisa,  
o mende nde wala na kaisa.

Nde ombusa ngus'a minya, kiŋe Agripa 13  
na Bernike ba ta ba po o Kaisarea o soma  
Festo. \* Nde bajaino oten ngus'a minya, na 14  
Festo a biise kiŋe bwambo ba Paulo, a kwala  
na: Moto mowó a diabe na Feliksi o beboa,  
\* nyena onyol'ao prisi indene na baturu ba 15  
Bona-Yuda ba biiseno mba, niponda na poino  
o Yerusalem, ba pulise kwesabe lao la muka.  
\* Na mba n'alabe babo na: E titi kolongone 16  
la bato ba Roma o bake moto, obiana nu nu  
ma-bakabe njom ama-tesebe oboso ba babake  
mo njom, nde a ben epolo o tobea momene

## Bebolo ba bamuloloma 25.

- 17 onyola njom ba bakeno mo. \* Nde ba p<sup>o</sup>ino  
uan, na si ta na dia bwambo dikaki, na ta na  
ja o bejedi ba muka o bone bo bupe, n'anea  
18 o wana nu moto. \* Nde babake mo njom  
ba temno, ba si ta ba wana njom, ka nyena  
19 na tano n'ongele, \* bata nde ba bene ngus'a  
miuedi lingise mo, onyola jowe labu la Loba  
na onyola mowó, Yesu, nu wedi, nyena onyol'  
20 ao Paulo a kwalino ná e lonje. \* Nde niponda  
na si tano na bake onyola bewasedi ba man  
mambo, na mba na kwala na, nga a tondi wala  
o Yerusalem o kaisabe oten onyola man ma-  
21 mbo. \* Nde Paulo a beleno bekaisedi bendene,  
ná a nengebe onyola mbako a kaisa, na mba  
n'anea ná a nengebe natē na loma mo na  
22 kaisa. \* Na Agripa a kwalane Festo ná: Na  
wusa tondo seŋgane nu moto momene. Na  
mo a kwala na: O mende seŋgane mo kiele.  
23 Nde o bone ba kiele Agripa na Bernike  
ba ta ba po na leele la nyolo dindene, b'ingea  
o ndabo a muka na bānedi na miome ma bato  
ma mudi, nde Festo 'anedino, na babo ba  
24 wana Paulo. \* Na Festo a kwala na: A kiŋe  
Agripa, na binyo bato bese bena lo kotomno  
uan na biso, lo m'ene nun moto uan nyena  
onyol'ao dimuti lese la Bona-Yuda di soso-  
medino mba, o Yerusalem na o uon, ba te  
25 misea na, a s'aŋgamen pe be lonje. \* Nde  
mba na ta na so, ná a si boli to-lambo lena  
di doŋgamen kwedi; nde kana momene a be-  
leno muka ma kaisa, na mba na bole o loma  
26 mo. \* Nde na si ben lambo di bake o tilea

## Bebolo ba bamuloloma 25. 26.

saṅgo am; onyola nika na tēse mo oboso banyu, sepon oboso boṅgo, a kiṅe Agripa, ná bewasedi be dom tē, na bene nje nama-tilano.  
 \*Ebanja e m'enene na mba mbamba o loma 27  
 mot'a beboa, e si be lee njom nye omony ao.

Na Agripa a kwalane Paulo na: Oe won- 26  
 ja o topea oamene. Na Paulo a sambise dia,  
 a tobea momene na: \*Nā-bwa munyenge, 2  
 a kiṅe Agripa, ná nena na wele tobea mbamene oboso boṅgo oenge onyola mese na bakabeno njom na Bona-Yuda, \*sepon onyolana 3  
 o bi bedemo bese ba Bona-Yuda na miuedi. Onyola nika na sosomedi oa o seṅgane mba na welisane. \*Loṅge lam natena muut'am, 4  
 kana di tano natena o beboteri oteten a ban bato na o Yerusalem, Bona-Yuda bese ba bi mo, \*bena ba ta ba bia mba pond'a boso, 5  
 yetena ba tondi bola mboṅ, kana na tano na daṅwa kaponda nyañ-la-jemea di buki mese o ka neṅge la mbenda o jowe lasu la Loba, ka mot'a Farisai. \*Nde tatan na ma-teme 6  
 oboso ba muka onyola dipita la dikaki lena di bolabe basaṅgo basu na Loba, \*o di mene 7  
 nde dom la matumba na maba ma ekombo asu ma piteno o po, o bolea la Loba lena di tiṅgam bulu na muese. Onyola din dipita nde, a kiṅe Agripa, na ma-bakabeno njom na Bona-Yuda. \*Onyolanje e ma-laṅgabeno ote- 8  
 ten anyu ka lambo di si ma-dubabe, yetena Loba ama-pumbwele bawedi? \*Mba na ta 9  
 nadube na mbamene, ná n'aṅgamen bola gita liṅgise dina la Yesu nya Nasaret. \*Nde na 10

## Bebolo ba bamuloloma 26.

- boli pe nikamene o Yerusalem, nakwese gita la basangeri o beboa, kana na tano na kusa nginya na prisi indene; nde ba ma-bwabe
- 11 pete, mba pe nata na bola jemea oten. \* Na ta na kokise babo gita la ngedi o mandabo ma ndongamen mese, na nyakisane babo o topo dibena, nde kana na tano na londa na bosinga buka dimene, na ta pe na takise na
- 12 babo natena o mindi mipepe. \* Nikamene nde nata pe n'ala o Damasko na nginya na
- 13 beantedi ba prisi indene. \* Nde oteten a muese, a kihe, niponda na tano o ngea, na mba n'ene muenen, muena mu wu o mony, muena mu buki wei panya, mu panyea mba na ba
- 14 ba ta na mba muri na muri. \* Nde biso bese di kwedino wase, na mba na seŋga doi di kwalane mba o bwambo ba Bona-Heber na: A Saulo, a Saulo, nje oma-takiseno mba e? E
- 15 mende be bwambi na oa o soso mongo. \* Na mba na kwala na: Oa nja, a Saŋgo? Na mo a kwala na: Mba ne nde Yesu nyena o matakiseno; nde teme, o teme o miende mongo!
- 16 \* Ebanja onyola din nde na busedino oa, o tese oa muboledi na mboŋ a man mena o enno, na ma pe mena namendeno pete busea
- 17 oa. \* Na ma-suŋga oa na ban bato na basibi pe, bena oteten abu nde namendeno loma oa
- 18 tatan, \* o tele miso mabu, ná b'atele o muititi, ba timbe o muenen, na o nginy'a Satan o timba na Loba, ná ba kuse lakise la miobe na saŋgo oteten a ba bena basangisabe onyola
- 19 jemea na mba. \* Onyola nika, a kihe Agripa,

## Bebolo ba bamuloloma 26.

na si ta na yaña jēne di wu o mony, \* nde na 20  
ta na sele laŋgwea ba be o Damasko na o  
Yerusalem, na o ekombo a Yudea yese na  
basibi pe, ná b'atele, ba timbe na Loba, ba  
bole bebolo bena be doŋgamen jatele. \* Onyola 21  
din nde Bona-Yuda ba tano ba putea mba o  
tempel, ba pula bwa mba. \* Nde kana na 22  
kusino joŋgwane na Loba natena bon bunya,  
na tem, na bola pe mboŋ oboso ba basadi na  
bandene; nde na si ma-topo to-lambo, ke ma  
batoperi-ba-mudi ba kwalino, ná ma mende  
bolane, na Mose pe, \* ná Kristo 'aŋgamen 23  
taka, na laŋgwa muenen, ka nyaboso  
o bepumbwedi ba kwedi, o yen ekombo  
na basibi pe.

Nde niponda atano a tobea momene nika, 24  
na Festo akwala na doi la monymony na: A  
Paulo, o ma-boa njou! Dibie la bwambi di  
ma-timbise oa njou. \* Na mo akwala na: 25  
A Festo nya edube, nasima-boa njou, na ma-  
topo nde beyala ba mbale na ba dibie.  
\* Ebanja kiŋe nyena na ma-kwalisaneno na 26  
bokenju ebi onyola man; ebanja nabi bwam-  
bwam, ná to-diwo la man disi wutam na mo,  
ebanja man masibolan o wum'a diwuta. \* A 27  
kiŋe Agripa, o dube batoperi-ba-mudi e? Na  
bi ná o dube. \* Na Agripa a kwalane Paulo 28  
na: Na son ninka o ma-bola mba na timba  
motakristo. \* Na Paulo akwala na: Na ma- 29  
pula ná Loba, ná to na son to na gita, seto  
oa momene, nde bese pe bena bama-sengane  
mba oenge, ba timbe ninka ka mba, nde seto

## Bebolo ba bamuloloma 26. 27.

30 ben beboa. \* Nde a kwalino man, na kiñe  
e teme na gobina na Bernike na ba ba ta ba  
31 ja na babo, \* nde b'alongo o esoka, na babo  
ba kwalisane mowó na nune, ba kwala na:  
Nu moto a si boli to-lambo lena di doŋgamen  
32 kwedi to ngata. \* Na Agripa akwalane Festo  
na: Nu moto ena 'esabele wonja, e wusa be  
a si bele te muka ma kaisa.

27 Nde e boino, ná di ma-bene bodu wala o  
Italia, na babo ba bake Paulo na doŋgo la  
bato ba beboa bapepe muaned'a bila, dina lao  
na: Yulio, nya muemba-ma-bila ma Augusto.  
2 \* Na biso di peye o bolo ba Adramitia, boena  
bota bo ala o mindi ma Asia, na biso di  
omba mboŋga, di nimele, nde Aristarko pe  
mot'a Masedonia nya Tesalonika a ta na  
3 biso. \* Nde o bone ba kiele, na biso di  
tunge o Sidon. Nde Yulio ata muyao na  
Paulo, ata a bola mo wonja o wala na makom  
4 mao o kusa diboŋgo na babo. \* O ua nde di  
nimeleno, di tombea owasa Kipro, onyolana  
5 ngo e ta etengene biso, \* di tomba munja ma  
Kilikia na Pamfilia, di po o Mira o Lukia.  
6 \* Nde muaned'a bila a soino bolo ba Alesandria,  
boena bota bo ala o Italia, na mo a tombele  
7 biso oten. \* Nde dita di bene bodu ba mbeñe  
gita la minya, e ta pe biso bwambi o po o  
Knido; nde ngo e si tano ny'esele biso o ba-  
tame, na biso di tombea owasa Kreta, bebe na  
8 Salmone. \* E ta biso bwambi o tomba mo,  
na biso di po o wuma iwo, dina lao na: Be-

## Bebolo ba bamuloloma 27.

teṅgu-ba-bwam, bena be ta beḅe na mundi  
ma Lasaia.

Nde kana ponda gita etano etomba, bodu 9  
pe bo tano bo timba be ndutu, onyolana pond'a  
kandane la da e ta e tomba, na Paulo 'omele  
babō, \*a kwalane babō na: A bato, na m'ene 10  
ná bon bodu bomende be ndutu nambolon ni-  
ndene, seto onyola muuna na bolo momene, nde  
onyola loṅge lasu pe. \*Nde muaned'a-bila a 11  
ta a dube musina na saṅgo a bolo buka ma  
ma kwalabe na Paulo. \*Nde kana eteṅgu e 12  
si tano bwam o tombise epupa oten, na doṅgo  
dindene di bole o jasumwe oten, ná nga bena  
ba wele po o Feniki, eteṅgu a Kreta, o tombise  
epupa oten, yena e m'ombweye o mikondo-ma-  
mbeṅge na poṅgo-a-mbeṅge. \*Nde ṅgo a 13  
mikondo e tano e wuṅgea son, na babō b'oṅ-  
gele na, ba má-kusa nje ba pulino, b'omba  
diyo, ba sambane beḅe na Kreta. \*Nde ombusa 14  
son a ponda ewuṅgusu a ṅgo e ta e koye babō,  
yena e ma-belabe na, poṅgo-a-jeru; \*nde kana 15  
bolo botano bo bambabe, bosita bo wele teṅ-  
gene ṅgo, na biso di esele mo, di kumwa woṅ-  
gwa. \*Nde di poino beḅe na son a eyondi, 16  
e belabe na: Klauda, e ta biso bwambi o jomba  
kuṅga; \*nde b'ombino mo, na babō ba bolane 17  
mambo ma joṅgwane, ba kaka bolo. Nde ba  
ta ba bwa boṅgo o ko o Sirte, na babō ba  
sibise mboṅga, ba kumwa woṅgwa. \*Nde 18  
di takino na mūdi bwambi, na babō ba pimba  
muuna o bone ba kiele, \*o bone bo londe mi- 19  
lalo pe bisomene di pimba beloṅgisan ba bolo



## Bebolo ba bamuloloma 27.

- 20 na masu maa. \*Nde niponda gita la minya  
to wei to ngengeti ba si tano ba panya, mudi  
mundene pe mu tano mu ko, na o sukan ma-  
21 pita ma longē mese ma bo. \*Nde kana ba  
si tano ba da etum a ponda, na Paulo ateme  
oteten abu, a kwala na: A bato, e ta e aŋga-  
mene o seŋgane mba, ná di s'asumwe o Kreta;  
ke di si wusa kusa nin ndutu na mbolon.  
22 \*Tatan so, na m'omele binyo o jembe mu-  
lema, ebanja mbolon a longē e si mende be  
23 oteten anyu, ke bolo mene. \*Ebanja angel  
a Loba nu nyena neno nyao, nyena na ma-bo-  
24 leano, e ta e teme na mba bon bulu, \*e kwala  
na: O si bwa bongo, a Paulo! Omende teme  
oboso ba kaisa; nde ombwa, Loba 'abedi oa  
bese bena be o bon bodu muemba na oa.  
25 \*Onyola nika embe milema, a bato, ebanja  
na dube Loba, ná e mende be nika, kana a  
26 kwalanno mba. \*Nde di aŋgamen nde semeye  
o eyondi ewo.
- 27 Nde niponda bulu bo londe dom na minei  
bo pino, niponda di tano di woŋgwa-woŋgwa-  
ne o Adria, na oteten a bulu bato-ba-bolo  
28 b'ongele na, ba ma-sisea bebe na mudi. \*Nde  
ba pimbino jaŋga, na babo ba so muaba ma  
miaŋga, nde ba pimbino pete jaŋga ombusa  
son a ponda, na babo ba so dom la miaŋga  
29 na mitanu. \*Nde ba bono bongo, ná basiya  
be b'ongomeye omony a dale, na babo ba  
pimba miyo maneŋ la sina, ba pula ná bunya  
30 bo ese. \*Nde bato-ba-bolo ba tano ba pula  
nya mila jasumwe o bolo, ba sibiseno kuŋga

## Bebolo ba bamuloloma 27.

o madiba, kana ba tano ba bola biana ba ma-  
 pula nde pimba miyo la ndenge, \* na Paulo 31  
 a kwalane muaned'a bila na bato-ba-bila na:  
 Ban ba sijai te o bolo, lo titi ná l'ongisabe.  
 \*Na bato-ba-bila ba ke misinga ma kunga, 32  
 b'esele mo e ko wase. \*Nde natena jesele 33  
 la bunya Paulo ata 'omele bese o nongo da,  
 a kwala na: Ye nde oenge bunya bo londe  
 dom na minei, ná lo m'engeleno, lo jaino e  
 si be da, lo si dedino to-lambo. \*Onyola nika 34  
 na sosomedi binyo o nongo da, ebanja ye nde  
 onyola jongise lanyu; ebanja to nyo a mulopo  
 e si mende nyama na to-mowó nyanyu. \*A 35  
 kwalino din, na mo a nongo ewolo, a bola  
 Loba masoma oboso ba babo bese, a bua mo,  
 a kumwa da. \*Na babo bese b'embe milema, 36  
 babo pe ba nongo da. \*Nde biso bese ba 37  
 bolo dita bebwea ba midī beba na musamba  
 na mutoba. \*Nde b'ulino, na babo ba wamise 38  
 bolo, ba pimba mbasi o munja.

Nde bunya bo eseleno ba si ta ba bia mu 39  
 mundi, nde ba ta b'ene etengu, yena e ta e  
 bene saua ni nangedi, nyena ba tano ba pula  
 bola bolo o jongomeye oten, yetena e weli be  
 nika. \*Na babo ba ke miyo, b'esele mo ma 40  
 ko o munja, ba wunja pe misinga ma pai a  
 sina muemba mowó, b'omba mboŋg'a ndenge  
 tengene ngo, ba soke wala o sua. \*Nde ba 41  
 pino o wuma yena i ben madiba miri mi-  
 bane, na bolo bo banjea, ndenge e tika poko-  
 poko, nde sina e ta e bulea na nginy' a bemu-  
 ne. \*Nde bato-ba-bila ba ta ba weka muano 42

## Bebolo ba bamuloloma 27. 28.

o bwa bato ba beboa, ná to-mowó a si nya  
 43 mila na nyoi. \*Nde muaned' a bila, a ta a  
 pula suŋga Paulo, a tonse babo o muano ma-  
 bu, 'anea ná ba bena ba bī nyoi ba sele siba  
 44 o madiba, b'ale o mudi, \*bane pe doŋgo  
 omōny a bebambu, doŋgo pe o bebulele ba  
 bolo. Nika nde e bolanno, ná bese ba ta  
 b'ōngisabe, ba po o mudi.

28 Nde di oŋgisabeno, na biso di seŋga ná  
 2 dina la y'eyondi le nde Malta. \*Nde ba  
 ben ba bato ba ta ba leele biso muyao mu-  
 ndene, ebanja ba ta ba bota wea, bajese biso  
 bese, onyola mbua ni ta ni yole na onyola  
 3 ŋgo. \*Nde Paulo a koteleno ŋgat' a wea, a  
 wele mo o wea, na pe e busa onyola ebadad'a  
 4 wea, y'alanē mo o dia. \*Nde ba ben ba bato  
 b'ēno ni nyama epanam mo o dia, na babo  
 ba kwalane mowó na nune na: O ka yese,  
 nu moto e nde mot'ebwan, nyena tona 'ōngi-  
 sabeno o munja, makunako mas'esele mo o  
 5 be lonje. \*Na mo a pépe nyama o wea, a  
 6 si kuse to-lambo la bobe. \*Nde babo ba ta  
 b'ēngele ná a mende tulame, to ko wase mbim-  
 ba dibokimene. Nde b'ēngelēno gita, b'ēno,  
 ná to-lambo la bobe di si boli mo, na babo  
 ba tukwa joŋgele, ba kwala na, e nde Loba.  
 7 Nde o epas' a ua wuma, mot' a boso nya  
 eyondi, dina lao na: Publio, a ta a bene mi-  
 onda, a ta a noŋgo biso o mbo'ao, a jese biso  
 8 minya milalo na muyao. \*Nde e ta na, saŋgo  
 a Publio a ta a naŋga na ŋgo na diboa la  
 maya. Paulo a ta 'iŋgea na mo, a kane, a

## Bebolo ba bamuloloma 28.

ne<sup>n</sup>gele maa om<sup>o</sup>ny ao, a bolise mo. \*Din 9  
di bolanno, na bapepe ba eyondi pe bena ba  
ta ba boa, ba po, ba bolisabe. \*Bata ba leele 10  
biso gita la bedube, nde ponda di tano di ni-  
mele, na babo ba bola biso mambo ma ta ma  
pula na biso.

Nde ombusa mi<sup>o</sup>di milalo di ta di nimele 11  
na bolo ba Alesandria, boena bo ta bo tom-  
bise epupa o ye eyondi, boena bo ta bo bene  
eyemban a Dioskuri. \*Nde di tu<sup>o</sup>ngen<sup>o</sup> o Sira- 12  
kusi, na biso di ja oten minya milalo. \*O 13  
ua nde di tano di yombo, na biso di po o Re-  
gion; nde ombusa bunya bowo, kana ngo a  
mikondo e tano e wungea, na biso di po o  
Puteoli o bunya bo londe miba. \*Oten nde 14  
di tano di so bona-sango, na babo ba sosomea  
biso o ja na babo minya samba; nika so nde  
di po<sup>o</sup>ino o Roma. \*O ua nde bona-sango 15  
bena ba ta ba se<sup>n</sup>ga onyol' asu, ba tano ba po  
o dongamene biso natena o Api Forum na Tres  
Tenebre. Paulo 'enno babo, na mo a soma  
Loba, na mulema pe mu embame mo. \*Nde 16  
niponda di po<sup>o</sup>ino o Roma, na muaned'a bila  
a bake bato ba beboa na muaned'a boso, nde  
Paulo a ta a kusa wonja o ja na momene na  
mot'a-bila nu ta nu tata mo.

Nde e ta na, ombusa minya milalo, na 17  
Paulo a bele bato ba boso ba Bona-Yuda.  
Nde ba kotomno, na mo a kwalane babo na:  
A bato, bona-sango, tona na si bolino lambo  
lingise ekombo asu na bedemo ba batete, na  
ta te na bakabe na ngata wa o Yerusalem,

## Bebolo ba bamuloloma 28.

- 18 o maa ma bato ba Roma. \*Babo ba ta ba  
wasa mba, ba pula jesele mba wonja, onyo-  
19 lana njom a kwedi e si ta na mba. \*Nde  
Bona-Yuda ba tano ba topo lingise nika, na  
mo e bola mba o bele muka ma kaisa; seto  
ná na ben njom a muka lingise ekombo am.  
20 \*Onyola nikamene nde na tano na sosomea  
o jene binyo na kwalisane binyo; ebanja  
onyola dipita la Israel nde na jaino o nin  
21 ngokobi. \*Na babo ba kwalane mo na: Biso  
di si kusi kalati onyol'ango ni wu o Yudea,  
to mun'a-sango pe a si poi, nu biise to kwala  
22 lambo la bobe onyol'ango. \*Nde di ma-pula  
bia na oa, nje o m'ongelene; ebanja e bian  
na biso onyola din nyan-la-jemea, ná e ma-  
23 topobe lingise mo o wuma yese. \*Na babo  
ba teseye mo bunya, na gita ba po na mo o  
bejedi bao, bena ateleyeno a bolino pe mbon  
onyola janea la Loba, a kwalisane babo onyola  
Yesu, o mbend'a Mose na batoperi-ba-mudi,  
24 botea idiba natena ebiamu. \*Nde dongo ba  
ta ba timba dube onyola ma a kwalino, bane  
25 pe ba si dube. \*Nde ba wanjaneno na babo  
momene, na babo b'ala, niponda Paulo akwa-  
lino yen eyala ewo na: Mudi Musangi mu  
kwali bwam onyola Yesaia mutoper' a-mudi  
26 na basango basu, \*kana mu kwalino na:  
„Ala na ban bato, o kwale na: O senga lo  
mende senga, nde lo si ma-sontane, o jene lo  
27 mende jene, nde lo si ma-bake. \*Ebanja mi-  
lema ma ban bato mi timbi pibo, matoi mabu  
pe ma dibi o senga, miso mabu pe ma kukam

## Onyola bato ba Roma 1.

o jene, ná ba s' ene na miso mabu, to seŋga na matoi mabu, to soŋtane na milema mabu, ná b'atele, nde na bolise babo. \*E biane 28 so na binyo, ná din joŋgise la Loba dilomabe na basibi; babo ba mende pe seŋga mo. \*Nde akwalino man, na 29 Bona-Yuda b'asumwe, bata ba bene gita la mutango na babo momene.

Nde Paulo ata aja mbu mamususu miba 30 o bejedi bao momene atano akaka, akasa bese bena bata bapepele mo, \*alangwa ja- 31 nea la Loba, alee onyola Yesu Kristo na bokenju boese, e si be jekabe.

---

## KALAT' A PAULO

### ONYOLA BATO BA ROMA.

---

Paulo, muut'a Yesu Kristo, nu belabe o 1 be nyamuloloma, nu posobe o langwa miaŋgo-ma-bwam ma Loba, \*miena atano asele 2 bola dikaki na batoperi bao ba mudī o betiledi ba bosangi, \*onyola Mun'ao, nyena nu 3 yabe o mbot'a Dawid, kaponda eyobo, \*nu 4 tesebe na ŋginya ka Mun'a Loba, kaponda mudī ma bosangi, onyola bepumbwedi ba kwedi ba Yesu Kristo Saŋgo asu, \*nyena 5 onyol'ao nde di kusino ndedi na ebol'a muloloma o weka seŋgane la jemea oteten a basibi bese, onyola dina lao; \*bena oteten 6

## Onyola bato ba Roma 1.

- abu binyo pe leno baposo<sub>be</sub> ba Yesu Kristo,  
7 \* onyola batondobe na Loba bese be o Roma,  
basan<sub>geri</sub>, bena baposo<sub>be</sub>. Ndedi e be na  
binyo na musa<sub>ngo</sub> mu ma-we na Loba, Tete  
na Sa<sub>ngo</sub> Yesu Kristo!
- 8 O ka lambo la boso na ma-soma Loba lam  
onyola Yesu Kristo, onyola binyo bese, ná  
jemea lanyu di ma-la<sub>ngwabe</sub> o mundi-ma-wase  
9 mue<sub>se</sub>. \* Ebanja Loba e mbo<sub>n</sub> am, nu nyena  
na ma-bole<sub>no</sub> na mud<sub>i</sub> mam o mia<sub>ngo</sub>-ma-  
bwam ma Mun'ao, kana na si m'esel<sub>eno</sub> o  
10 jon<sub>gele</sub> binyo, \* na ma-sos<sub>omea</sub> nde ponda  
yese o mika mam, nga nena na wele to<sub>ng</sub>-  
wele, na jemea la Loba, o po na binyo.  
11 \* Ebanja ne nyon<sub>gi</sub> o jene binyo, ná na bole  
binyo don<sub>go</sub> la jabea la mud<sub>i</sub>, o jembe binyo,  
12 \* nika nye nde na: ná mba pe n'embabe  
oteten anyu onyola jemea lasu la mowó na  
13 nune, lanyu na lam pe. \* Nde nasima-pula  
ná din di be idimbe na binyo, a bonate, ná  
ngedi gita na ta na bole o po na binyo (nde  
na ta n'ekabe natena oen<sub>ge</sub>), ná na bene pe  
bepuma oteten anyu, kana oteten a basibi  
14 bapepe. \* Ne nde mot'ewu na bato ba Grikia  
15 na ben ba bato, na badibie na b'elemā. \* Onyo-  
la nika, kana yen<sub>o</sub> na mba, na bon<sub>san</sub>, o  
la<sub>ngwea</sub> pe binyo be o Roma mia<sub>ngo</sub>-ma-bwam.  
16 \* Ebanja na si ma-bwa ison onyola  
mia<sub>ngo</sub>-ma-bwam ma Kristo; ebanja  
mie nde nginy'a Loba onyola jon<sub>gise</sub>  
na moto na moto nu ma-dube, oboso  
Bona-Yuda, nikamene pe na Grikia.

## Onyola bato ba Roma 1.

\* Ebanja teme-la-sim la Loba dima- 17  
biisabe oten, lena di ma-we o jemea  
onyola jemea, kana etilabeno na: „Nu-  
temnasim a mende be longe onyola  
jemea.“

Ebanja malinga ma Loba ma biisabe o 18  
mony omony a bobe boese na ka ni si tem  
na sim nya bato, bena b'eki mbale onyola  
ka ni si tem na sim. \* Ebanja di lena di ma- 19  
wele biabe onyola Loba, di bian oteten abu,  
ebanja Loba a biise mo babo; \* ebanja ka ao 20  
ni si m'enene, nika nye nde na, nginy'ao nya  
bwindea na be lao la Loba, ba m'enebe onyola  
dutea o bebolo bao, natena beboteri ba wase,  
ka nyena ba si bene njom. \* Ebanja, tona ba 21  
tano babia Loba, basita basesa mo ka Loba,  
to bola mo masoma; nde ba timbi nde ewolo  
o mongele mabu, mulema mabu m'elema pe  
mu timbi muniti. \* Niponda ba sesino babo 22  
momene ka badibie, ba timbi belemā, \* ba 23  
wengisan bosaŋgi ba Loba, nu si ma-tombe,  
o bowan ba njimbir' a moto nu ma tombe, na  
ya lonon, na ya nyam' a miende minei na i m'  
onge manyolo o wase. \* Onyola nika Loba 24  
pe a bake babo onyola bepuledi ba milema  
mabu o mbindo, o sambwele manyolo mabu na  
babo momene; \* ba bena ba wengisan mbal' a 25  
Loba lobaŋgo, b'owe, ba bolea pe bewekedi  
buka muwekedi, nyena nu ma-sesabe o bwindea.  
Amen. \* Onyola nika Loba a bake babo o 26  
bepuledi ba bosambo; ebanja bito babu  
ba wengisan edemo eangamen o ngea ni



## Onyola bato ba Roma 1. 2.

27 s'aṅgamen; \* nikamene pe bome b'esele  
edemo eaṅgamen na bito, b'onya na bepuledi  
babu o mowó na nune, bome na bome ba  
bolane mambo ma ison, nde bakusi musauedi  
mu aṅgamen onyola elemā abu na babo mo-  
28 mene. \* Nde kana ba baṅgingo o jalea Loba o  
dibie labu, Loba a baka babo o joṅgele la  
29 mbamba, o bola nje es'aṅgamen, \* ba londi  
na nyai yese ya mambo ma sitem na sim,  
misonje, diwinako, mukubo, bobe; ba londi n'  
ekon, ebwan, mitaṅgo, mawondon, misomba  
30 ma bobe; \* bato ba milaṅgo, baminda, basiṅ-  
geri ba Loba, badipama, bakumba, basese babo  
momene, babusise mambo ma bobe, basima-  
31 seṅgane-basaṅgo na banyaṅgo. \* basiben-dibie,  
batukwe-mudumbu, basiben-ndolo, basima-  
32 komabele-musaṅgo, basiben-ndedi; \* bamene  
nde, tona ba bino bekaisedi ba Loba be tem,  
ná ba bena ba ma-bole man mambo b'aṅgamen  
nde kwedi, ba si ma-bola nika momene, nde  
ba ma-bwa pe munyenṅe onyola ba ba ma-  
bole mo.

2 Na nde, a moto nu ma-kaise, to-nja oeno,  
o si ben njom ni ma-suele oa. Ebanja kana  
o ma-kaiseno nupepe, o ma-kwese nde oamene;  
ebanja oa nu ma-kaise o ma-bola milemlem  
2 ma mambo mene. \* Nde di bi ná bekaisedi  
ba Loba be ma-po kaponda mbale, omony a  
3 ba ba ma-bole ma mambo. \* Nde, a moto nu  
ma-kaise ba bena ba ma-bole man mambo, nde  
oamene o bola milemlem, o m'oṅgele ná o  
4 mende joṅga na bekaisedi ba Loba e? \* To,

## Onyola bato ba Roma 2.

o ma-yaña nde njoaso'a bwambao na pī na  
welisane lao, o si bī ná bwam ba Loba bo  
ma-nimele nde oa o jatele e? \*Nde kaponda 5  
bwambi boṅgo na mulema moṅgo mu si tondi  
jatele o ma-kotele nde oamene malinga o bunya  
ba malinga na bebisedi ba bekaisedi ba Loba  
be tem na sim, \* nu mende bole moto na moto 6  
kaponda bebolo bao: \*ba bena ba ma-pulise 7  
na ka welisane o bola la bwam bosangi na  
edube na mambo ma si ma-nyame, loṅge la  
bwindea; \*nde bampungu, bena ba si dube 8  
mbale, nde ba dube nde ka ni si tem na sim,  
malinga na pidi. \*Mitakisan na boṅgo omony 9  
a mudī ma moto na moto-te nu ma-bole bobe,  
Bona-Yuda oboso na Grikia pe; \*nde bosangi 10  
n'edube na musaṅgo omony a moto nyese nu  
ma-bole bwam, Bona-Yuda oboso na Grikia  
pe. \*Ebanja wanda la moto dititi na 11  
Loba. \*Ebanja bese bena ba boli bobe 12  
esibe mbenda, ba mende pe nyama esibe  
mbenda; na bese pe bena ba boli bobe owasa  
mbenda, ba mende kaisabe onyola mbenda.  
\*Ebanja seto basengedi ba mbenda nde ba 13  
ma-teme na sim oboso ba Loba; nde baboledi  
ba mbenda nde ba mende tesebe na sim.  
\*Ebanja yetena basibi, bena ba si ben mbenda, 14  
ba ma-bola te na babomene bebolo ba mbenda,  
ke babo so bena ba si ben mbenda be nde  
mbenda na babo momene, \*ebanja ba ma-lee 15  
ná ebol'a mbenda etilabe o milema mabu,  
doi la milema mabu pe di ma-bola mbon otan,  
moṅgele mabu pe ma ma-bake mowó na nune

## Onyola bato ba Roma 2.

16 njom to suele nde, \* o bo bunya, boena Loba  
amendeno kaise mambo ma wutam ma bato,  
kaponda miango mam ma bwam, onyola Yesu  
Kristo.

17 Oa o ma-bele te oamene mot'a Bona-Yuda,  
18 o lakise na mbenda, o sese onyola Loba, \* o  
bia jemea, o wasa ma mama-pule, kana oma-  
19 leabeno o mbenda, \* o langa oamene, ka nu  
dongamen o be mudangwane-bandima, na  
20 muenen ma ba be o muititi, \* mutese-belema  
na sim, muleed'a mienge, kana o benno mu-  
21 kuku ma dibie na mbale o mbenda; \* oa nu  
ma-lee so bapepe, o si ma-lee oamene e? Oa  
22 o ma-langwa na: bas'iba, nde o m'iba e? \* O  
ma-kwala na: ba si wite musonje, nde o ma-  
wite e? O ben losango, nde o ma-dumba tempel  
23 e? \* O ma-sese onyola mbenda, nde o ma-  
sambwele Loba onyola bulele la mbenda e?  
24 \* „Ebanja dina la Loba di ma-loabe oteten a  
basibi onyol'anyu,“ kana e tilabeno.

25 Ebanja boendi bo ma-wana nde museh,  
yetena o ma-nenge mbenda; nde oe te mubu-  
lele-mbenda, ke boendi bonggo bo timbi nde  
26 ka ni titi boendi. \* Nde yetena nu s'endabe  
a ma-bola te mieka ma mbenda, k'ao ni titi  
27 boendi e si mende langabe boendi e? \* Na  
nde, nu s'endabe kaponda eyobo, nu ma-  
nenge mbenda, amende kaise oa nu ma-bu-  
lele mbenda, to o ben nde litera na boendi.  
28 \* Ebanja seto nu nde e mot'a Bona-Yuda,  
nyena nye nde o ka beombwedi, seto boendi  
29 pe to bo, boena bo bolabe nde o eyobo, \* nde

## Onyola bato ba Roma 2. 3.

nu nde e mot'a Bona-Yuda nyena nye mo o diwuta oteten, boendi pe bon boena bo mabolabe o mulema, o mudī, seto o litera, nyena musesakō mao mu titi na bato, nde na Loba.

Njika petane so Bona-Yuda ba benno, to, 3  
nje ye museh ma boendi? \*Gita o ka yese. 2  
Ka lambo la boso, ná beyala ba Loba be bakábe na babo. \*Ebanja ye njika lambo e? 3  
Yetena doŋgo di si ta di dube, mayaŋako mabu ma mende bulele mbal'a Loba e? \*Tomtom! 4  
Nde buka nika, Loba á leelee nde momene ka mbale na bato bese ka balobaŋgo, kana etilabeno na: „ná otesebe na sim o beyala boŋgo, ná obuke pe, ke oma-kaisabe.“ \*Nde yetena 5  
k'asu ni si tem na sim, e ma-tese te teme-lasim la Loba, jena di kwala na nje e? Loba e nu si tem na sim, ke ama-po na malinga e? (Na ma-kwala kaponda bedemo ba bato.)  
\*Tomtom! Ebanja neni Loba eno ná a kaise 6  
so wase e? \*Nde yetena mbal'a Loba e 7  
timbi te kola onyola edub'ao onyola lobaŋgo lam, nje so na ma-kaisabeno pe ka mot'a bobe e? \*Nde onyolanje di sima-bolano (kana 8  
ba ma-senjeleno biso, na kana doŋgo ba ma-kwalano, ná biso di ma-kwala na:) „Esele biso, di bole bobe, ná bwam bo buse oten?“  
Bena bekwesedi babu be tenge.

Nje so e? Bisō di petan e? Tomtom! 9  
Ebanja di leelee oboso onyola Bona-Yuda na Grikiā, ná babo bese be owasa bobe,  
\*kana etilabeno na: „Nutenasim a titi, to 10  
mowó a titi; \*nyadibie a titi, to mowó nu ma- 11

### Onyola bato ba Roma 3.

- 12 pulise Loba; \* babo bese ba timbi ombusa,  
babo bese ba timbi mbolon, nu ma-bole bwam  
13 a titi, to mowó a titi. \* Nyingo abu nye nde  
songo ni telam, bama-wondone na beyeme  
babu, eabad'a pe ye owasa bepopo babu,  
14 \* mudumbu mabu mulondi na malou na njoŋgi.  
15 16 \* Miende mabu mi wam o koma maya, \* di-  
bumbe na ndenge nde be o mangea mabu;  
17 18 \* nde basibi nge'a musango. \* Bongo ba Loba  
19 bo titi oboso ba miso mabu. " \* Nde dibí ná  
to-nje mbenda e ma-kwalano, e ma-kwala nde  
mo na ba bena be owasa mbenda, ná mudumbu  
ma bese mu dibabe, wase nyese pe e bakabe  
20 o bekaisedi ba Loba; \* onyolana to eyobo ewo  
e si ma-tesebe na sim oboso bao, onyola be-  
bolo ba mbenda; ebanja onyola mbenda nde  
dibie la miobe di ma-wano.  
21 Nde tatan so teme-la-sim la Loba di biisabe  
esibe onyola mbenda, di bolabe mbon onyola  
22 mbenda na batoperi-ba-mudi, \* teme-la-sim la  
Loba, onyola jemea o Yesu Kristo, onyola  
23 bese na omonya bese bena badube. \* Ebanja  
nyai iba ititi; ebanja babo bese ba  
boli bobbe, basiben bosaŋgi bo wu na  
24 Loba, \* kana batesebeno na sim na  
wonja, onyola nded'ao, onyola dikoti  
25 lena le o Kristo Yesu, \* nyena Loba a  
seleno tese yom'a dikoti, onyola jemea o  
maya mao, ná alee teme lao la sim, onyola  
tombise la miobe, miena mi bolabe o ponda  
26 ni tombi, owasa welisane la Loba, \* ná aleele  
teme lao la sim o nin pond'a tatan, ná a be

### Onyola bato ba Roma 3. 4.

nu tem na sim na nu ma-tese ná sim nu nyena  
nye nya jemea o Yesu. \* Musesako mue 27  
so ue e? Mu titi pe. Onyola njika mbenda  
e? Nya bebolo e? Kem, nde onyola mbend'a  
jemea. \* Ebanja di ma-kaise nde ná 28  
moto a ma-tesebe na sim onyola je-  
mea esibe bebolo ba mbenda. \* To, 29  
Loba le nde Loba la Bona-Yuda momene e?  
a titi pe la basibi e? E, e pe la basibi.  
\* Ebanja e nde Loba di womene nu mende 30  
tese boendi na sim onyola jemea, na ka ni  
titi boendi onyola jemea. \* Di ma-bulele so 31  
mbenda onyola jemea e? Tomtom! Nde di  
ma-tese nde mbenda.

Nje so di ma-kwalano onyola saŋgo asu 4  
Abraham, ná a so i kaponda eyobo e? \* Yetena 2  
Abraham a tesebe te na sim onyola bebolo,  
ke a ben musesako, nde seto na Loba. \* Ebanja 3  
betiledi bema-kwala na nje e? „Nde Abraham  
a dube Loba, na nika elaŋgabe mo onyola teme-  
la-sim.“ \* Nu so, nyena nu ma-bole ebolo, mu- 4  
sauedi musi ma-laŋgabe onyol'ao onyola ndedi;  
nde onyola ewu. \* Nde nu nyena nu si ma- 5  
bole ebolo, nde a dube nu nyena nu ma-  
tese mot'a bobe na sim, jemea lao di  
ma-laŋgabe mo onyola teme-la-sim.  
\* Kana Dawid pe akwalino bonam onyola 6  
moto, nyena Loba a ma-laŋgano teme-la-sim,  
esibe onyola bebolo, m'ona: \* „Bonam na ba 7  
bena mawuse mabu malakisabeno, miobe mabu  
pe mi kurumane. \* Bonam na nu moto, nyena 8  
Saŋgo a si ma-laŋgano bobe.“

## Onyola bato ba Roma 4.

- 9 Bon bonam so boe nde onyola boendi,  
nga onyola ka ni titi boendi pe e? Ebanja  
di ma-kwala na: Jemea di laŋgabe na Abraham  
10 onyola teme-la-sim. \* Neni so di tano di laŋ-  
gabe na mo e? Ponda a tano o boendi, nga  
o ka ni titi boendi e? Seto o boendi, nde o  
11 ka ni titi boendi. \* Nde a kusi eyemban a  
boendi ka mboŋ a teme-la-sim la jemea, lena  
a tano a bene o ka ni titi boendi, ná a be  
saŋgo a bese, bena ba dube o ka ni titi  
boendi, ná teme-la-sim di laŋgabe pe na babo,  
12 \* na saŋgo a baboendi pe, o ba bena batiti  
baboendi momene, nde ba ma-daŋgwe pe o  
mataŋga ma jemea, lena saŋgo asu Abraham  
a tano a bene, niponda a tano o ka ni titi  
13 boendi. \* Ebanja seto onyola mbenda  
nde dikaki di tano di bolabe Abraham na  
mbot'ao, ná a be musaŋgwed'a wase, nde  
14 onyola teme-la-sim la jemea. \* Ebanja yetena  
bambenda nde be basaŋgwedi, ke jemea di  
15 timbi ewolo, dikaki pe di bolone. \* Ebanja  
mbenda ema-weka malinga; nde wuma mbenda  
16 e titino, to diwuse pe di titi oten. \* Onyola  
nika ye nde onyola jemea, ná e be onyola  
ndedi, ná dikaki di be ŋginya na mbota nyese,  
seto na ni nyena nye nya mbenda momene,  
nde na ni pe nyena nye nya jemea la Abra-  
17 ham, nyena nye saŋgo a biso bese; \* (kana  
e tilabeno na: „Na tese oa saŋgo a matumba  
ma gita“), oboso ba Loba lena a dubeno ka  
mowó nu ma-pumbwele bawedi, nu ma-bele  
18 pe ma mena ma titi, ná mabe; \* nyena nu ta

## Onyola bato ba Roma 4. 5.

nu dube o dipita, tona dipita di si tano, ná  
 a timbe saŋgo a matumba ma gita, kana e  
 tano e kwalabe na: „Nika nde mbot'aŋgo e  
 mendeno be“; \*nde a sita a bobo o jemea, 19  
 asita'ombwa nyol'ao ni ta ni má-wo, onyo-  
 lana ata bebe na ebwea mbu, to esal'a Sara,  
 yena eta e má-wo; \*nde kana a tano 'ombwa 20  
 dikaki la Loba, a sita a diŋga penda na ka  
 ni si dube; nde ata ŋginya o jemea, a bola  
 Loba edube, \*ata a bake bwambwam, ná 21  
 nje a kakanno ena a bola pe mo. \*Onyola 22  
 nikamene eta pe e laŋgabe na mo onyola  
 teme-la-sim.

Nde nika e si tilabe onyol'ao momene, ná 23  
 e laŋgabe na mo, \*nde onyol'asu pe, bena e 24  
 mendeno laŋgabe, yetena di dube nu nyena  
 nu pumbwele Saŋgo asu Yesu o bawedi;  
 \*nyena nu ta nu bakabe onyola miobe masu, 25  
 na pumbwabele pe onyola tesebe lasu la sim.

Kana di tesebeno so na sim onyo- 5  
 la jemea, diben musaŋgo na Loba,  
 onyola Saŋgo asu Yesu Kristo, \*nyena 2  
 onyol'ao nde dikusino beŋgedi onyola jemea  
 o nin ndedi di temedino, di m'asese pe nde  
 onyola dipita la bosangi ba Loba. \*Nde seto 3  
 din momene, di m'asese pe onyola ndutu, kana  
 di bino, ná ndutu ema-wana welisane,  
 \*welisane pe di ma-wana sontane, 4  
 sontane pe di ma-wana dipita, \*nde 5  
 dipita di sima-solisane, ebanja ndol'a  
 Loba e komabe o milema masu, onyola Mudī



## Onyola bato ba Roma 5.

- 6 Musangi, muena mu bolabe biso. \* Ebanja  
niponda di tano di dia di bobi, Kristo a wedi  
7 onyola babobe o ponda ni tengen; \* ebanja  
ye bwambi na moto o wo onyola mowó nu  
tem na sim, onyola lambo la bwam pondapo  
8 moto ena a wo. \* Nde Loba a leelee ndol'ao  
na biso o din, ná Kristo a wedi onyol'asu,  
9 niponda di tano di dia bato ba bobé. \* Di  
mende so beŋga joŋgisabe onyol'ao na ma-  
linga, kana di tēsebeno na sim o maya mao.  
10 \* Ebanja yetena di ta di kusa dolisane na  
Loba onyola kwed'a Mun'ao, niponda di tano  
basingeri, ke di mende beŋga joŋgisabe, onyola  
11 longe lao, kana di kusino dolisane; \* nde  
seto din momene, di m'ásese pe onyola Loba,  
onyola Saŋgo asu Yesu Kristo, nyena onyol'  
ao di kusino dolisane tatan.
- 12 Onyola nika so, kana onyola moto mowó  
nde bobé bo pōino o wase, kwedi pe onyola  
bobé, nikamene nde kwedi etombedingo na  
13 bato bese, ebanja bese baboli bobé. \* Ebanja  
bobé bota o mudi ma wase natena ponda  
mbenda, nde bobé bo si ma-laŋgabe, ke mbenda  
14 e titi; \* nde kwedi eta te eanea botea ponda  
Adam natena o Mose, na omony a ba pe,  
bena basiboli bobé kaponda bowan ba bobé  
ba Adam, nyena nye eyembilan a nu nu mende  
15 po. \* Nde seto kana ko la bobé leno, nika-  
mene pe na jabea la ndedi. Ebanja yetena  
onyola bobé ba mowó gita ba wedi, ke nded'a  
Loba na jabea o nded'a moto mowó, Yesu  
Kristo, ba beŋgi po njoasoa omony a gita.

## Onyola bato ba Roma 5. 6.

\* Nde seto kana onyola mowó nu boli bobe, 16  
 nikamene pe na jabea; ebanja muka mu wu  
 nde na moto mowó onyola bekwesedi, nde  
 jabea la ndedi di poi nde na gita la miobe  
 onyola tesebe-la-sim. \* Ebanja yetena onyola 17  
 ko la bobe la mowó kwedi ny'anedi onyola  
 mowó, ke ba bena bama-kuse njoaso'a ndedi  
 na nya jabea la teme-la-sim, ba mende janea  
 o longe buka nika, onyola mowó, Yesu Kristo.  
 \* Na so nde, kana onyola ko la bobe 18  
 la mowó bekwesedi be poino na bato  
 bese, nikamene pe onyola teme-la-sim  
 la mowó, tesebe-la-sim la longe di  
 poi na bato bese; \* ebanja kana onyola 19  
 mayanako ma moto mowó gita batimbisabeno  
 babobe, nikamene pe onyola sengane la mowó  
 gita ba ma-timbisabe batem-na-sim. \* Nde 20  
 mbenda esongam nde oteten, ná bobe bo beñge  
 be nginya; nde wuma bobe boeno nginya,  
 ndedi ebeñgi nde be oten njoaso, \* ná kana 21  
 bobe bo tano bo anea o kwedi, nikamene pe  
 ndedi ny'aneye onyola teme-la-sim onyola  
 longe la bwindea onyola Yesu Kristo, Saño  
 asu.

Di ma-kwala so na nje e? Di ma-tingame 6  
 o bobe, ná ndedi e ma-beñga kola e? \* Tom- 2  
 tom! Biso jena di wedi na bobe, neni di ma-  
 beno pe longe na mo? \* To, lo si bi, ná biso 3  
 bese bena di dubisabe o Kristo Yesu, di dubi-  
 sabe nde o kwed'ao? \* Di pulabe so na mo 4  
 onyola dubise o kwedi, ná kana Kristo a  
 pumbwabeleno o kwedi onyola bosangi ba

## Onyola bato ba Roma 6.

- Tete, nikamene pe na biso di dangwe o longe  
5 la penya. \* Ebanja di lati te na mo onyola  
bowan ba kwed'ao ke di mende pe be nika o  
6 bepumbwedi bao, \* kana di bino, na mudun  
asu nya moto a bomabele o mbasa na mo, na  
nyol'a bobe enyame, na di si bolea pe bobe.  
7 \* Ebanja nu nu wedi a tesebe na sim na bobe.  
8 \* Nde yetena di wedi na Kristo, di dube, na  
9 di mende pe be longe na mo, \* kana di bino,  
na Kristo nu pumbwabele o kwedi, a si ma-  
wo pe; kwedi e si ben pe janea omony ao.  
10 \* Ebanja kwedi nyena a wedino, a wedi mo  
ngedi po, onyola bobe; longe lena eno, e nde  
11 onyola Loba. \* Nikamene la nga pe binyo ka  
bawedi onyola bobe, nde ba be longe onyola  
Loba, o Kristo Yesu, Sa ngo asu.  
12 Lo s'esele so bobe bo anea o manyolo  
manyu ma ma-wo, o se ngane bepuledi bao.  
13 \* Lo si bake to belongi banyu na bobe, ka  
bewesan ba ka ni si tem na sim, nde bake  
binyomene na Loba, ka ba be longe onyola  
kwedi; na belongi banyu pe, ka bewesan ba  
14 teme-la-sim na Loba. \* Ebanja bobe bo si  
mende janea omony anyu, ebanja lo titi owasa  
15 mbenda, nde owasa ndedi. \* Ne so? Di  
bole bobe, ebanja di titi owasa mbenda, nde  
16 owasa ndedi e? Tomtom! \* Lo si bi, na nu  
nyena lo ma-bakeno binyomene ka bakom  
o se ngane, le nde bakom ba numene lo ma-  
se nganeno; to e be nde bobe onyola kwedi,  
17 to se ngane onyola teme-la-sim? \* Nde masoma  
na Loba, na lo ta nde bakom ba bobe, nde

## Onyola bato ba Roma 6. 7.

lo timbi seṅgane na mulema nyai a beleedi,  
 nyena lo tano lo bakabe. \* Kana lo timbino 18  
 wonja na bobe, lo timbi bakom ba teme-la-sim.  
 \* Na ma-topo nde kaponda betopedi ba bato 19  
 onyola bobo l'eyobo anyu. Ebanja kana lo  
 bakeno belongi banyu o bolea la mbindo na  
 bulele la mbenda omony a bulele la mbenda,  
 nikamene pe tatan, bakeno belongi banyu o bolea  
 la teme-la-sim onyola saṅgisabe. \* Ebanja 20  
 niponda lo tano bakom ba bobe, lo ta wonja  
 na teme-la-sim. \* Njika bepuma lo tano lo 21  
 bene o ni pondamene e? Beta nde nyai  
 nyena lo ma-bwano ison tatan, ebanja su lao  
 le nde kwedi. \* Nde tatan, kana lo timbino 22  
 be wonja na bobe, nde lo timba bakom ba  
 Loba, lo ben bepuma banyu onyola saṅgisabe,  
 nde su le nde lonḡe la bwindea. \* Ebanja 23  
 musauedi ma bobe mue nde kwedi;  
 nde jabea la ndedi la Loba le nde  
 lonḡe la bwindea, o Kristo Yesu,  
 Saṅgo asu.

To, a bonate, losibi, — na ma-kwala nde 7  
 na bato babi mbenda —, ná mbenda em'anea  
 moto etum, kana moto a ma-beno lonḡe e?  
 \* Ebanja muto nu ben mome atinḡam na 2  
 mom'ao onyola mbenda, kana eno lonḡe;  
 nde mome awedi te, ke a wunjabē na mbend'a  
 mome. \* Na so nde, ponda mome eno lonḡe, 3  
 ama-belabe mut'a musonje, ke alati na mome  
 nupepe; nde mome awedi te, ke e wonja na  
 mbenda, ka nyena asi ma-be pe mut'a musonje,  
 ke a bai mome nupepe. \* Nikamene, a bonate, 4

## Onyola bato ba Roma 7.

- binyo pe lo ta lo bwabe na mbenda onyola nyol'a Kristo, ná lo be na nupepe, nu nu pumbwabele o kwedi, ná lo yeye Loba bepuma.
- 5 \* Ebanja niponda di tano o eyobo, bepuledi ba bobe bena mbenda e pumbwabeleno, be ta nginya o belongi basu, o yeya kwedi bepuma.
- 6 \* Nde tatan so di wunjabe na mbenda, kana di wedino na di lena di tano di kakabe, kanyena di ma-bolea nde tatan o bedemo ba penya ba mudī, seto o bedemo ba kwan ba litera.
- 7 Di ma-kwala so na nje? mbenda nye bobe e? Tomtom! Nde nasiwusa bia bobe, e si be te onyola mbenda; ebanja nasiwusa bia ekon, yetena mbenda e si kwali na: „O si konone!“
- 8 \* Nde bobe bo kusi njom onyola mbenda, bo pumbwele oteten am nyai a bepuledi yese.
- 9 Ebanja esibe mbenda, ke bobe bo wedi. \* Nde mba na ta longe o ponda ni tombi, esibe mbenda. Nde mbenda epoino, bobe bo pumbo.
- 10 \* Nde mba na wedi; nde etimbi be, ná mbenda nyena nye onyola longe, etimbi nde be mba onyola kwedi. \* Ebanja bobe bo kusi njom onyola mbenda, bo wondi mba, bo bo pe mba
- 12 onyol'ao. \* Mbenda nye so nde bosangi, beanedi pe be bosangi, be tem na sim, be pe
- 13 na bwam. \* Di le bwam di timbi so nde be mba kwedi e? Tomtom! Nde bobe, ná bo bianē ka bobe, bo wanedi mba kwedi onyola di le bwam, ná bobe bo be bobe buka dimene onyola mbenda.
- 14 Ebanja di bī, ná mbenda nye mudī, nde

## Onyola bato ba Roma 7. 8.

mba ne nde eyobo, n'andisabe owasa bobe.  
\*Ebanja na si bī nje nama-bolano; ebanja di 15  
na ma-pulano, na si ma-bola mo, nde di na  
singeno, mo nde nama-bolano. \*Nde yetena 16  
na ma-bola di na si ma-pulano, ke na ma-bola  
jemea lam na mbenda, ná nye bwam. \*Na 17  
so nde, e titi pe mba nu ma-bole, nde bobe  
boena boma-je oteten am. \*Ebanja na bī, ná 18  
oteten am, nika nye nde o eyobo am, lambo  
la bwam di si ma-ja oten. Naben bepuledi o  
bola la bwam, nde bola di titi. \*Ebanja 19  
bwam boena na ma-pulano, na si ma-bola mo;  
nde bobe boena na si ma-pulano, mo nde na  
ma-bolano. \*Nde na ma-bola te di na si ma- 20  
pulano, ke e titi pe mba nu ma-bole mo, nde  
bobe boena boma-ja oteten am. \*Na soi so 21  
nde nin mbenda onyol'am, ná mba nu ma-  
pule bwam, bobe bo batam na mba. \*Ebanja 22  
nā bwa munyenge onyola mbend'a Loba,  
kaponda mot'a-teten; \*nde nam'ene mbenda 23  
nipepe o beloŋgi bam, nyena ni m'anane  
mbend'a sontane lam, e ma-timbise mba mu-  
koma owasa mbend'a bobe nye o beloŋgi bam.  
\*A mba mot'a ndenge, nja a mende 24  
sunge mba na nin nyol'a kwedi e?  
\*Masoma mabe na Loba, onyola Saŋgo 25  
asu Yesu Kristo! Mbamene na ma-bolea  
so mbend'a Loba na sontane, nde n'eyobo pe  
mbend'a bobe.

Bekwesedi be titi pe so na ba bena be o 8  
Kristo Yesu, bena ba si ma-daŋgwe kaponda  
eyobo, nde kaponda Mudī. \*Ebanja mbend'a 2

## Onyola bato ba Roma 8.

- Mudi ma loṅge o Kristo Yesu e timbise mba  
3 wonja na mbend'a bobe na nya kwedi. \* Ebanja  
di lena mbenda esitano ewele bola, onyolana  
e ta e bobo onyola eyobo, mo nde Loba a  
bolino, kana a lomno Mun'ao, o bowan ba  
eyobo a bobe na onyola bobe pe, a kwese  
4 bobe o eyobo; \* ná dilena mbenda ema-pulano,  
di londisabe oteten asu, biso bena di si ma-  
dangwe kaponda eyobo, nde kaponda Mudi.  
5 \* Ebanja ba bena be kaponda eyobo, bam'  
oṅgele nde mambo ma eyobo, nde ba bena  
6 be kaponda Mudi, mambo ma Mudi. \* Ebanja  
joṅgele la eyobo le nde kwedi, nde joṅgele  
7 la Mudi loṅge na musango, \* onyolana joṅgele  
la eyobo le nde bosinga tengene Loba; ebanja  
di si ma-sibise momene owasa mbend'a Loba,  
8 di titi pe to ná di wele bola nika. \* Nde ba  
bena be o eyobo, Loba a titi ná a wele dolisane  
9 babo. \* Nde binyo lo titi o eyobo, nde o  
Mudi, yetena Mudi ma Loba mujai oteten  
anyu. Nde nu nu si ben Mudi ma Kristo, a  
10 titi nyao. \* Nde yetena Kristo e oteten anyu,  
ke nyolo e wedi onyola ka bobe, nde mudi  
11 mue loṅge onyola ka teme-la-sim. \* Nde yetena  
Mudi ma nu nyena nu pumbwele Yesu o kwedi,  
mujai te oteten anyu, ke nu nu pumbwele  
Kristo o kwedi, amende pe timbise manyolo  
manyu ma ma-wo penya, onyolana Mudi mao  
mujai oteten anyu.  
12 Na so nde, a bonate, di titi ewu na eyobo,  
13 o be loṅge kaponda eyobo. \* Ebanja le te  
loṅge kaponda eyobo, ke lo mende wo; nde

## Onyola bato ba Roma 8.

yetena lo ma-bwa bebolo ba eyobo onyola  
Mudī, ke lomende be loŋge. \*Ebanja bese 14  
ba ma-diabele na Mudī ma Loba, be  
nde bana ba Loba. \*Ebanja lo si kusi 15  
mudī ma mukom, o bwa pete boŋgo, nde lo  
kusi mudī ma ka muna, o mumene nde di ma-  
kwalano na: Aba, Tete! \*Mudī momene mu 16  
ma-bola mboŋ na mudī masu, ná je nde bana  
ba Loba. \*Je so te bana, ke je pe basañ- 17  
gwedi: Basañgwedi ba Loba na basañgwedi  
muemba na Kristo, yetena dima-taka te mu-  
emba na mo, ná di ma-busisabe pe muemba  
na mo.

Ebanja na m'ōngele ná matakisan ma nin 18  
ponda ma titi to-lambo teŋgene bo bosaŋgi  
boena bo mende bisabe na biso. \*Ebanja be- 19  
tatedi ba penyepenye ba bewekedi be ma-tata  
bebisedi ba bana ba Loba. \*Ebanja bewekedi 20  
be sibisabe nde owasa ka ni ma-nyame, seto  
onyola jemea labu, nde onyola nu nu sibise  
mo o dipita, \*onyolana mo, bewekedi pe, be 21  
mende timba wonja na bolea la ka ni ma-  
nyame, o wonj'a bosaŋgi nya bana ba Loba.  
\*Ebanja di bī, ná bewekedi bese be ma-su- 22  
njumeye, be naŋga pe o ses'a yadi muemba  
mowó natena tatan. \*Nde seto din momene, 23  
nde biso momene pe, bena diben bepuma ba  
boso ba Mudī, di ma-sunjumeye na biso mo-  
mene, kana di ma-tatano timbisabe lasu la ka  
bana, besuŋgedi ba manyolo masu. \*Ebanja 24  
di oŋgisabe onyola dipita. Nde dipita ba m'  
eneno di titi dipita; ebanja di ba m'eneno o



## Onyola bato ba Roma 8.

- 25 nje pe ba ma-piten<sub>o</sub> mo e? \* Nde di ma-pite  
te ma mena di si m'enen<sub>o</sub>, ke di ma-tata mo  
26 na pi. \* Nikamene Mudī pe mu m'ongwane  
bobo lasu. Ebanja di si bī nje di ma-kanen<sub>o</sub>,  
kana y'aṅgamen<sub>no</sub>, nde Mudī momene mu ma-  
topea biso na sunjumeye lena di si ma-wele  
27 topobe. \* Nde nu nu ma-wase milema, a bi  
nje ye jongele la mudī, ebanja mu ma-topea  
28 basangeri, kaponda jemea la Loba. \* Nde  
dibī, ná mambo mese mama-bolea nde  
bwam na ba batondi Loba, na ba bena  
29 ba belabe kaponda jemea la Loba. \* Ebanja  
ba bena abino oboso ba ponda, asele pe tese  
babo, o timbisabe kapo na bowan ba Mun'ao,  
ná mo a be mun'a boso oteten a bona-saṅgo  
30 gita. \* Nde ba bena a seleno tese, a bele pe  
babo; nde ba bena a beleno, a tese pe babo  
na sim; nde ba bena atesen<sub>o</sub> na sim, a timbise  
pe babo bosaṅgi.
- 31 Nje so di ma-kwalano onyola man mambo  
e? Loba e te na biso, nja ena a teṅgene  
32 biso e? \* Nu nu sita nu wengele Mun'  
ao momene, nde aboli nde mo onyola  
bis<sub>o</sub> bese, neni atitino ná abola biso  
mambo mese na wonja, muemba na mo  
33 e? \* Nja ena a bake njom na ba Loba  
a posino e? Ye nde Loba nu tese na  
34 sim. \* Nja ena akwese e? Ye nde Kristo  
nu wedi, nde buka nika, a pumbwa-  
bele pe, nu jai o dia la mome la Loba,  
35 nu ma-topeye pe biso. \* Nja ena apandise  
bis<sub>o</sub> na ndol'a Kristo e? Ndeṅge, to bonḡo,

## Onyola bato ba Roma 8. 9.

to matakisan, to njai, to musamba, to ndutu,  
to po e? \*Kana e tilabeno na: „Onyol'ango 36  
di ma-bwabe bunya boese, di ma-laŋgabe ka  
midongi mi ma-bwabe.“ \*Nde o man mese 37  
di ma-buka ka ni peti onyola nu nu tondi  
biso. \*Ebanja na bake bwambwam, ná 38  
to kwedi to loŋge, to angel to manea,  
to ŋginya, to mambo ma tatan to ma  
mende po, \*to kanjo to njiba, to njika 39  
nyai a bewekedi bepepe, batiti ná ba  
pandise biso na ndol'a Loba nye o  
Kristo Yesu, Saŋgo asu.

Na ma-topo mbale o Kristo, na si ma-topo 9  
lobaŋgo, kana mulema mam pe muma-bolano  
mba mbon o Mudi Musaŋgi, \*ná na ben ndutu 2  
nindene na sese ponda yese o mulema mam.  
\*Ebanja na wusa tondo, ná mbamene na 3  
pandisabe na Kristo, onyola bona-saŋgo am,  
bena be tumba lam, kaponda eyobo, \*bena 4  
be Bona-Israel, bena ka-bana nyeno nyabu,  
na bosanŋi na male na bola la mbenda na  
bolea la Loba ná makaki, \*bena basaŋgo 5  
beno babu, na bena Kristo pe a wuno, kaponda  
eyobo, nyena nye omony a mese, Loba nu ma-  
sesabe o bwindea na bwindea. Amen.

Nde seto ná eyal'a Loba ekwedi. Ebanja 6  
seto bese bena ba wu na Israel nde, be Bona-  
Israel; \*seto bese bena be mbot'a Abraham 7  
to nde, be bana; nde „o Isak nde mbot'ango  
e mendeno belabe;“ \*nika nye nde na: seto 8  
bana b'eyobo nde be bana ba Loba, nde bana

## Onyola bato ba Roma 9.

- ba dikaki nde ba mende langabe ka mbota.
- 9 \*Ebanja yen eyala ye nde eyal'a dikaki na:  
„Na mende timba o ninka ponda, nde Sara  
10 a mende bene muna.“ \*Nde seto nika mo-  
mene, e ta pe nika na Rebeka, niponda a non-  
11 gino deme na mowó, saŋgo asu Isak. \*Ebanja  
obiana bana basiyabe, ke basiboli to-lambo  
la bwam to la bobe, — ná jemea la Loba  
di teme kaponda beposedi ba wonja, seto  
onyola bebolo, nde onyola nu nu ma-bele —,  
12 \*eta ekwalabe na mo na: „Nyamuturu a  
13 mende bolea nyamuutu.“ \*Kana e tilabeno  
na: „Na ta na tondo Yakob, na siŋge Esao.“  
14 Di ma-kwala so na nje e? Ka ni si tem  
15 nye na Loba e? Tomtom! \*Ebanja mo a  
kwalan Mose na: „Nu nyena nama-leele  
ndolo, na ma-leele nde mo; nu pe na  
ma-bweano ndedi, na ma-bwea nde mo.“  
16 \*E titi so onyola pula, to musuŋga ma  
17 moto, nde onyola nded'a Loba. \*Ebanja  
betiledi bekwalan Farao na: „onyola dinmene  
nde na busiseno oa, ná na leelee ŋginy'am onyol'  
aŋgo, ná dina lam pe di biisabe o bekombo  
18 beŋe.“ \*Ama-bwea so nde ndedi na nu nyena  
a tondino bwea ndedi, a m'enyise pe nu nyena  
19 a tondino jenyise. \*Oe so na okwalane mba  
na: Nje pe so a ma-bolano pe misan e? Ebanja  
20 nja ena atengene jemea lao? \*Nde, a moto,  
oa pe nja, o ka muka na Loba e? Yoma e  
pongobe yena ekwalaŋe nu nu pongi mo na:  
21 Onyola nje o pongino mba ninka e? \*To, m'  
umbwe-loŋgo a si ben ŋginya onyola weya,

## Onyola bato ba Roma 9.

o poŋgo o mulemlem ma mbondo ewa ewo  
onyola bolane l'edube, epepe pe onyola bolane  
di titi edube e? \* Nde ye pe te ná Loba a ta 22  
a pula leelee malinga na biise pe nginy'ao, a  
welisan te na welisane dindene bewa ba ma-  
linga, bena beaŋgamen dibumbe; \* ná a leelee 23  
mbwaŋ ma bosaŋgi bao onyola bewa ba ndedi,  
bena a seleno tese onyola bosaŋgi, \* kana a 24  
beleno pe biso, seto o Bona-Yuda momene,  
nde o basibi pe? \* Kana a kwalanno Hosea 25  
na: „Ba bena ba si ta tumba lam, na mende  
bele babo tumba lam, na etond'am pe, nu  
nyena a si ta etond'am.“ \* „Nde e mende be 26  
na: o wuma yena e tano e kwalabe babo na,  
lo titi tumba lam, oten nde ba mendeno belabe  
na: bana ba Loba la loŋge.“ \* Nde Yesaia pe 27  
ate musea onyola Israel na: „To musoŋgi ma  
Bona-Israel mu be nde ka mukoko ma sauwa,  
ebindi nde emende joŋgisabe; \* ebanja Saŋgo 28  
amende londise eyal'ao o wase na ka ni londi  
na ka pem.“ \* Kana Yesaia pe a seleno 29  
kwala na: „Yetena Saŋgo Sebaot a si diele  
te biso mbota, ke di wusa nde be ka Sodom,  
di timbisabe pe ka Gomora.“

Dima-kwala so na nje e? Ná basibi, bena 30  
ba si ta bapulise teme-la-sim bakusino teme-  
la-sim, di teme-la-sim, lena di ma-we o jemea,  
\* nde Israel bena ba ta bapulise mbend'a 31  
teme-la-sim, ba si poi o mbend'a teme-la-sim.  
\* Onyola nje so e? Ebanja kana ba si tano 32  
bapulise mo onyola jemea, nde onyola bebolo,  
ba sonji nde onyola dale di ma-sonjisane,

## Onyola bato ba Roma 9. 10.

33 \* kana e tilabeno na: „Ombwa nama-tese o Sion dale di ma-sonjisane na dale la lambi, nu nu dube mo, a si mende solisabe.“

10 A bonate, bepuledi ba mulema mam na besosomedi bam na Loba onyol'abu be nde 2 onyola jonngise labu. \* Ebanja na ma-bola mbon onyol'abu, ná baben kodi onyola Loba, 3 nde seto kaponda dibie. \* Ebanja kana basi tano babia teme-la-sim la Loba, nde bapulise nde o tese labu teme-la-sim, basita basibise 4 babomene owasa teme-la-sim la Loba. \* Ebanja Kristo nde e su la mbenda onyola teme-la-sim onyola moto na moto nu ma-dube.

5 Ebanja Mose a tili onyola teme-la-sim la mbenda na: „Nu nu ma-bole man, a mende 6 be longe onyol'ao.“ \* Nde teme-la-sim la jemea di ma-kwala ninka na: „O si kwala o mulema mongo na: nja a mende jabwe o mony?“ Nika nye nde na: o sibise Kristo o 7 wase. \* To, „nja a mende sibe o njiba e?“ Nika nye nde na: o busise Kristo o kwedi. 8 \* Nde di ma-kwala na nje e? „Eyala ye oa bebe o mudumbu mongo na o mulema mongo.“ Nde ye nde eyal'a jemea, yena di ma-lang- 9 wano. \* Ebanja yetena o ma-pusele na mudumbu, ná Yesu e nde Saŋgo, nde odube pe o mulema mongo, ná Loba apumbwele mo o 10 kwedi, o mende jonngisabe. \* Ebanja na mulema nde ba ma-dubeno onyola teme-la-sim, na mudumbu pe nde ba ma-puse- 11 leno onyola jonngise. \* Ebanja betiledi be ma-kwala na: „Moto na moto nu ma-dube mo,

## Onyola bato ba Rmeo 10.

a si mende solisabe.“ \* Ebanja nyai iba i titi 12  
oteten a Bona-Yuda na Grikia; ebanja babo  
bese baben nde Saŋgo po, nyena nye mbwan  
omony a bese, bena ba ma-bele mo. \* „Ebanja 13  
to-nja nu ma-bele dina la Saŋgo, a mende  
joŋgisabe.“ \* Nde neni beno ná ba bele nu 14  
nyena ba si dubeno e? neni beno ná ba dube  
nu nyena basiseŋgino onyol'ao e? neni beno  
ná basenga esibele mulaŋgwedi e? \* Nde neni 15  
beno ná ba laŋgwa, yetena ba si lomabe e?  
Kana etilabeno na: „Njika bwam mataŋga  
ma ba bama-laŋgwe musaŋgo meno, bena ba  
ma-laŋgwe miaŋgo-ma-bwam e.“ \* Nde seto 16  
bese nde ba ma-seŋgane miaŋgo-ma-bwam.  
Ebanja Yesaia a kwali na: „A Saŋgo, nja nu  
dube belaŋgwedi basu e? \* Jemea di ma- 17  
wa so nde o besenġedi, besenġedi pe o  
eyal'a Loba.

Nde na ma-kwala na: Seto bese nde bata 18  
basenga e? E, (ba seŋgi), mumban mabu mu  
daŋgo o wase nyese, beyala babu pe natena  
o masu ma wase.“ \* Na ma-kwala so na: 19  
Israel basita basontane e? Mose asele kwala  
na: „Na mende bwese binyo kodi onyola  
tumba lena di titi tumba, na mende liŋgise  
binyo onyola tumba lena disiben dibie.“ \* Nde 20  
Yesaia a kwali na bwe na: „Na sobe na ba  
bena ba si pulise mba, na biise mbamene na  
ba bena basi baise onyol'am.“ \* Nde akwala 21  
Israel na: „Nasambise maa mam bunya boese  
na tumba lena di si ma-seŋgane na la dipama.“

## Onyola bato ba Roma 11.

- 11 Nama-kwala so na: Loba a pimbi so tumba  
lao e? Tomtom! Ebanja mba pe ne nde mot'  
a Israel, o mbot'a Abraham, o tumba la Ben-  
2 yamin. \* Loba a si pimbi tumba lao, lena a  
seleno poso. To, losibi, nje betiledi bekwa-  
lino onyola Elia, neni atopino oboso ba Loba  
3 lingise Israel, m'ona: \* „A Saŋgo, ba bo ba-  
toperi bonŋo ba mudī, babulele miyo monŋo,  
mbamene mowó nde na dia, nde ba ma-pulise  
4 pe lonŋe lam.“ \* Nde jalabe la Loba dikwa-  
lan mo na nje e? „Na diele mbamene lokoli  
la bato samba, bena ba si num mabonŋo o  
5 wase oboso ba Bāl.“ \* Nikamene pe nde o  
nin ponda tatan ebindi ye, kaponda beposedi  
6 ba ndedi. \* Nde ye te onyola ndedi, ke etiti  
pe onyola bebolo, ebanja ndedi e si wusa pe  
be ndedi. Nde ye te onyola bebolo, ke etiti  
pe onyola ndedi; ebanja ebolo e si wusa pe be  
7 ebolo. \* Ye so nde ne? Ma Israel ba puliseno,  
ba si kusi mo, ba ba posobe nde ba kusi mo,  
8 bane bapepe b'enyisabe, \* kana etilabeno na:  
„Loba a boli babo mudī m'ekumkum, miso  
mena ma si m'ene, na matoi pe mena ma si  
9 ma-seŋge“, natena bon ba oenge. \* Dawid pe  
a kwali na: „Tebed'abu e timbe babo lambi  
10 na diwoto na esonjisan na betimbisedi, \* miso  
mabu ma timbe muniti, ná ba s'ene, nie pe  
na monŋo mabu ponda yese.“  
11 Nama-kwala so na: Ba sonji nde, ná ba  
ko e? Tomtom! Nde onyola ko labu jonŋise  
12 di poyedi basibi, o bwese babo kodi. \* Nde  
yetena ko labu le te mbwañ ma mudi-ma-

## Onyola bato ba Roma 11.

wase, siba labu pe mbwan ma basibi, musongi mabu mulondi mu mende so beŋga buka nika.  
\* Nde nama-laŋgwea binyo, basibi, na: Kana 13  
neno nyamuloloma nya basibi, na ma-busise ebol' am, \* ŋga nena na bwese ba bena be bam 14  
ba nyolo kodi, o joŋgise doŋgo labu. \* Ebanja 15  
pimbabe labu le te dolisane la mundi-ma-wase, ke noŋgobe labu disimende nde be loŋge di  
ma-we na bawedi e? \* Nde yetena mapupa 16  
me te bosangi, ke dibomba lese pe le bosangi; mianga me te bosangi ke mikanjo pe mie  
bosangi. \* Nde yetena doŋgo la mikanjo mi 17  
buabe te, nde oa, nyena o ta bopuma bo ma-banye, obatabe oteten abu, nde okusa doŋgo  
o mianga na o diwoŋgi la bopuma ba bwam, \* o si sesa oamene lingise mikanjo; nde o m' 18  
asese te, (bia) na seto oa nde o bambe mianga, nde mianga nde mi bambe oa. \* Nde oe so 19  
na o kwala na: Mikanjo mi ta mi buabe, na mba na batabe oten. \* O kwali bwam! Ba 20  
buabe, ebanja ba si ta ba dube, nde oa o tem onyola jemea. O si be kumba, nde bwa boŋgo!  
\* Ebanja Loba a si weŋgele te mikanjo ma 21  
botina momene, ke atiti na a weŋgele to oa.  
\* Onyola nika ombwa bwam na iwie a Loba, 22  
iwie na ba bena ba kwedi, nde bwam pe na oa, yetena o tingam o bo bwam; e titi te nika,  
ke oa pe o mende kebe. \* Nde babo pe yetena 23  
ba si tingam o ka ni si dube, ba mende pe batabe (o bo botina mene); ebanja Loba ena  
a bate babo pete. \* Ebanja yetena oa o ta o 24  
kebe o bopuma bo ma-banye, ka ponda bewe-



## Onyola bato ba Roma 11.

kedi bao, nde o batabe o bopuma ba bwam na ka ni sikolongon, ba so bena be babotina ba si mende be nga batabe o botina babu mome ne buka nika e?

- 25 A bonate, na si ma-pula wuta binyo yen esoka, ná lo s'ongele dibie na binyomene. Jenyisabe di poyedi dongo la Israel, natena  
26 belondedi ba basibi be bole jingea, \*na nika Israel nyese e mende jongisabe. Kana e tila-beno na: „Musungeri a mende wa o Sion nu  
27 ma-sumwe bobbe na Yakob, \*man nde me male mam na babo, ponda namendeno sumwa miobe  
28 mabu.“ \*Kaponda miango-ma-bwam be nde basingeri onyol'anyu; nde kaponda beposedi  
29 batondobe onyola basango. \*Ebanja mabea na bebedi ba Loba ba titi na ba tukwabe.  
30 \*Ebanja kana binyo, o ponda ni tombi, lo sita losengane Loba, nde tatan lo kusi ndedi  
31 onyola mayanako mabu; \*nikamene pe babo basima-sengane tatan, ná onyola ndedi binyo  
32 lo kusino babo pe ba kuse ndedi. \*Ebanja Loba a kwese bese o mayanako, ná a bweye bese ndedi.

- 33 E se njib'a mbwan na jangwa na dibie la Loba! E se ka ni si ma-wele wasabe nye o bekaisedi bao, njib'a ma-  
34 ngea mao pe esi wele sobe! \*Ebanja nja a soi jongele la Sango e? To, nja a  
35 ta mubole-malea nyao e? \*To, nja ata a sele bola mo lambo lena di timbisabe  
36 pe mo? \*Ebanja mambo mese ma wu nde na mo, me nde onyol'ao na o timba

## Onyola bato ba Roma 11. 12.

na mo. Edube e be na mo o bwindea na  
bwindea! Amen.

Na m'omele so binyo, a bonate, onyola 12  
nded'a Loba, ná lo bole manyolo manyu jabea  
la muenya, la bosaŋgi, lena di ma-dolisane  
Loba, lena le nde bolea lanyu la Loba di  
teŋgen. \* Lositese binyomene kapo na nin 2  
wase, nde lo weŋgisane binyomene, onyola  
timbise la penya la moŋgele manyu, ná lo  
wele wasa nje ye jemea la Loba la bwam  
na di dolisan mo na di londi.

Ebanja onyola nded'a Loba ni bolabe mba, 3  
na ma-laŋgwea moto na moto oteten anyu,  
ná a s'oŋgele momene jasame buka kana y'  
aŋgamenno, nde a be jaŋgameye o bene dimene,  
kaponda Loba a bolino moto na moto dimene  
la jemea. \* Ebanja kana di benno beloŋgi 4  
gita o nyolo po, nde beloŋgi bese be si bene  
mulemlem ma ebolo, \* nikamene pe biso gita, 5  
je nde nyolo po o Kristo, nde moto te eloŋgi  
mowó na nune. \* Nde kana di benno gita la 6  
nyai a mabea, kaponda ndedi ni bolabe biso, —  
ye te laŋgwa la bedinge, di be kaponda dimene  
la jemea, \* ye te ebol'a bolea la muemba, o 7  
ebol'a bolea la muemba; ye te muleedi, o  
ebol'a lee; \* ye te nu m'omele, o jomele; nu 8  
nu m'abeye, na mulema mowó; nu nu m'aneye,  
na titimbe; nu nu ma-bweye ndedi, na mu-  
nyenge.

Ndolo esibene mawondon. Bèna 9

## Onyola bato ba Roma 12. 13.

- 10 di le bobe tingame na bwam. \* Lo be  
muyao o ndol'a bona-saŋgo mowó na nune;  
11 sele bolane edube mowó na nune! \* Lo si be  
munyongó o nginy'ebolo! Onya o mudí. Bo-  
12 lane ponda kana ema-pulano. \* Bwa mu-  
nyenŋe o dipita, welisane o ndutu;  
13 be titimbe o muka. \* Abane na basangeri  
14 di di ma-pule. Embame o jese ben. \* Namse  
15 ba ba ma-takise binyo; namse, losiloa. \* Bwa  
munyenŋe na ba ba ma-bwe munyenŋe;  
16 eya pe na ba ba m'eye. \* Be nde jonŋele  
diwo mowó na nune. Los'onŋele mambo m'  
asam, nde sibise binyomene na mambo ma  
17 sibi. Los'onŋele binyomene dibie. \* Lo si  
timbisele bobe onyola bobe. Ombwea mambo  
18 me bwam oboso ba bato bese. \* Yetena e  
weli be, kana ema-beno na binyo, be musaŋgo  
19 na bato bese. \* A bandolo, lo si kuna binyo-  
mene, nde bola malinga (ma Loba) bejedi;  
ebanja e tilabe na: Makunako me nde mam,  
mba nde na mende timbisele, nika nde Saŋgo  
20 a kwalino. \* Musinger'aŋgo e so te njai, dese  
mo; e te nyongi, nyose mo. O boli te nika,  
ke om'onŋe nde makalando ma wea o mulopo  
21 mao. \* O s'esele ná bobe bo buke oa, nde  
bukane bwam bobe.
- 13 Moto na moto a sibise momene owa-  
sa janea, diben nginya omony ao.  
Ebanja to janea diwo di titi, lena di si  
wu na Loba; to-njika wuma manea  
2 meno, matesebe nde na Loba. \* Onyola  
nika to-nja nu yañ janea, a yañ nde mieka

### Onyola bato ba Roma 13.

ma Loba; nde ba bama-yañe ba mende kusea  
babomene muka. \*Ebanja bānedi ba titi boñgo 3  
onyola bebolo ba bwam, nde ba bobe. O si  
ma-pula so te be boñgo na janea, bola bwam,  
nde o mende kusa musesako na mo. \*Ebanja 4  
mo le nde muboled'a Loba, onyola bwam  
boñgo. Nde o boli te bobe, bwa boñgo; ebanja  
di si m'alea po n'ewolo, ebanja le nde mubole-  
led'a Loba o timbisele malinga na nu nu ma-  
bole bobe. \*Onyola nika y'añgamen o sibise 5  
moto momene, seto onyola malinga momene,  
nde onyola mudī pe. \*Onyola nikamene nde 6  
lo ma-bolano pe njañgi, ebanja be nde babo-  
ledi ba Loba, bena bama-tiñgame o yen  
ebolo mene. \*Bola so moto na moto nje e 7  
ma-pule na mo: Njañgi na nu nyena njañgi  
ny'añgamenno, diuti na nu nyena diuti di  
añgamenno, boñgo na nu nyena boñgo bo  
añgamenno, edube na nu nyena edube y'  
añgamenno.

Lo s'alea to-moto ewu, ke o tondone mowó 8  
na nune. Ebanja nu nu tondi nupepe a lon-  
dise nde mbenda. \*Ebanja yin: „O si wite 9  
musonje, o si bwa, o si iba, o si teme mboñ a  
lobaño, o si konone“ na yine mbenda yese,  
ilati nde onyola yen eyala na: „Tondo muna-  
nyoñgo ka oamene.“ \*Ndolo e si ma-bola 10  
nupepe bobe; nika nde ndolo nyeno  
belondisedi ba mbenda.

Nde (bola) man, kana lo bino ponda, ná 11  
ponda'wa o iyo e má-po; ebanja joñgise di á  
biso bebe tatan, buka ponda di botedino dube.

## Onyola bato ba Roma 13. 14.

12 \* Bulu bo ni-ya tomba, muese mue bebe; esele  
 so biso di songwe bebolo ba muititi, nde di  
 13 bote bewesan ba muese. \* Esele biso di dangwe  
 bwam kana muese, seto o mudesi na soki,  
 seto o dibaŋgaŋe-bekobi na mambo matiti  
 14 konji, seto o mitaŋgo na ekon, \*nde boto  
 Saŋgo Yesu Kristo, losikombe eyobo onyola  
 bepuledi ba bobe.

14 Kasa nu nu bobi o jemea, nde seto o diŋ-  
 2 gisane penda onyola mongele. \* Mowó a  
 dube na ena a da mese, nde nu nu bobi, a  
 3 ma-da nde da la tete. \* Nu nu ma-de, a si  
 yaña nune nu si ma-de; nu pe nu si ma-de,  
 a si kaise nu nu ma-de; ebanja Loba a kasi  
 4 mo. \* Nja nye oa o kaise muut'a moto nu-  
 pepe e? A tem te, ke a tem nde na nyao saŋgo,  
 to a ko pe nde, ke na nyao saŋgo. Nde a  
 mende teme, ebanja Loba ena 'embe mo, ná  
 5 a teme. \* Moto mowó ama-dube bunya bowó  
 buka bone, nupepe ama-laŋga minya mese  
 kapo; esele moto te a bake onyola mongele  
 6 mao bwambwam. \* Nu nu ma-dube minya,  
 ama-dube nde mo onyola Saŋgo; nu pe nu  
 si ma-dube minya, asima-dube nde mo onyola  
 Saŋgo. Nu nu ma-de, ama-da nde onyola  
 Saŋgo, ebanja ama-bola Loba masoma; nu  
 nu si ma-de, asima-da nde onyola Saŋgo, mo  
 7 pe ama-bola nde Loba masoma. \* Ebanja  
 to-mowó nyasu asima-be longe onyol'  
 ao momene, to-mowó pe asima-wo  
 8 onyola momene. \* Je te longe, ke je  
 nde longe onyola Saŋgo; dima-wo

## Onyola bato ba Roma 14.

pete, ke di ma-wo nde onyola Saŋgo. Onyola nika, to di be so nde loŋge, to di wo nde, ke je nde ba Saŋgo. \* Onyo- 9  
la din nde Kristo a wedino, a pumbwa pe, ná a be Saŋgo omony a bawedi na omony a bapenya. \* Nde oa, nje o ma- 10  
kaiseno muna-soŋgo e? To oa nupepe pe, nje o ma-yaŋano muna-soŋgo e? Ebanja biso be se di mende nde teme oboso ba bejedi ba muka ba Kristo. \* Ebanja etilabe na: „Saŋgo 11  
a kwali na: Kana neno loŋge, dibonŋo te di mende nuŋgame oboso bam, eyeme te e mende pusele Loba.“ \* Moto nyese so oteten asu amen- 12  
de bola bolangi na Loba onyol'ao momene.

Onyola nika los'esele biso di kaisane mowó 13  
na nune, nde ombwea nde din, ná to-mowó a si bola muna-nyaŋgo esonjisan to lambi. \* Na bi, na bape pe bwambwam o Saŋgo Yesu, 14  
ná to-lambo di titi lonyonyo na momene, ke nu nu ma-laŋge mo lonyonyo nde, leno lonyonyo. \* Ye so te na muna-nyonŋo ama-sonjo onyola 15  
da loŋgo, ke osima-daŋgwa pe kaponda ndolo. Onyola da loŋgo osinyamse nu nyena Kristo a wedino onyol'ao. \* Los'esele so, ná bwam 16  
banyu boloabe. \* Ebanja janea la Loba 17  
di titi o da na nyo, nde teme-la-sim na musaŋgo na munyenŋe o Mudí Musanŋi. \* Nu nu ma-boleye Kristo o man 18  
mambo, mo nde Loba ama-dolisaneno, bato pe ba ma-tondo mo. \* Onyola nika 19  
esele biso di bupe ma mena ma ma-bole musaŋgo na loŋgisane mowó na nune. \* O si 20

## Onyola bato ba Roma 14. 15.

nyamse ebol'a Loba onyola da loṅgo. Mambo  
mese me bosaṅgi, nde ye bobe na nu moto  
21 nu ma-de mo na esonjisan. \* Ye bwam, ke  
o si ma-da nyama, to nyo mao, to bola nyai  
a lambo, nyena onyol'ao muna-songo a ma-  
22 sonjono, to ko, to timba bobo. \* Oa o ben  
jemea: bene mo na oamene oboso ba Loba.  
Bonam na nu nu si ma-kaise momene onyola  
23 ma a boleno bake ka bwam. \* Nde nu nu  
ma-dinge penda nde a da, a kwesabe, ebanja  
e si ta e bolane na jemea. Nde mese mena  
ma si ma-bolane na jemea me nde bobe.

15 Nde biso bena je ṅginya, di aṅgamen we-  
lisane bobo la ba ba titi ṅginya, nde seto  
2 dolisane biso momene. \* Moto na moto oteten  
asu a dolisane nde muna-saṅgo onyola bwam  
3 na onyola loṅgisane. \* Ebanja to Kristo pe  
asita a dolisane momene, nde kana etilabeno  
na: „Malou ma ba bena ba lou oa, makwedi  
4 omony am.“ \* Ebanja mese mena ma tilabe  
o pond'a boso ma tilabe nde onyola beleedi  
basu, ná di bene dipita onyola welisane na  
5 lokomea la betiledi. \* Nde Loba la welisane  
na la lokomea a bole binyo lobe nde jonjele  
6 diwo oteten anyu, kaponda Yesu Kristo, \* ná  
lo sese Loba, Tete nya Saṅgo asu Yesu Kristo,  
7 na jalatane na mudumbu mowó. \* Onyola  
nika nongo mowó na nune, kana Kristo a  
8 nongingo binyo onyola besesedi ba Loba. \* Nde  
nā-kwala na: Yesu Kristo a ta a timba mu-  
boled'a boendi onyola mbal'a Loba, o jembe  
9 makaki ma bolabe batete, \* ná basibi pe ba

## Onyola bato ba Roma 15.

sese Loba onyola nded'ao, kana etilabeno na:  
Onyola nika na ma-sesa oa oteten a basibi,  
na ma-longea pe dina longo sesa.“ \* Nde a 10  
kwali pe na: „A basibi, bwa munyengetse na  
bona bao.“ \* Ngedi nipepe pe na: „Sesa 11  
Sango, binyo basibi bese, matumba mese ma  
sese mo.“ \* Yesaia pe m'ona na: „Muanga 12  
ma Isai mumende busa, na nu nu ma-teme o  
janea omony a basibi; na mo nde basibi ba  
mendeno pite.“ \* Nde Loba la dipita alondise 13  
binyo na munyengetse muese na musango o jemea,  
na lo bengetse be mbwan o dipita onyola nginy'  
a Mudi Musangi.

A bonate, mbamene na bake bwambwam 14  
onyol'anyu, na binyomene lo londi na bwam,  
lolondisabe pe na dibie lese, lodongamen pe  
o jomanele mowó na nune. \* Nde tona, a bo- 15  
nate, na tiledi binyo na bokenju, o ka bola  
binyo na l'ongetse mo, onyola ndedi nyena e  
bolabe mba na Loba, \* na na be muboled'a 16  
Yesu Kristo na basibi, o bola ebol'a bo-  
sangi ya miango-ma-bwam ma Loba, na  
bolabe la basibi o jabea di dolisane mo, lena  
di sangisabe onyola Mudi Musangi. \* Na m' 17  
asese so nde o Kristo Yesu o mambo ma  
Loba. \* Ebanja na titi na na kwala lambo 18  
lena Kristo asi bolino onyol'am, o bola basibi  
na ba be bama-sengane onyola eyala na be-  
bolo, \* onyola nginy'a beyemban na betany- 19  
sedi, onyola nginy'a Mudi Musangi, ka nyena  
na domse miango-ma-bwam ma Kristo, botea



## Onyola bato ba Roma 15.

o Yerusalem na o ni teten nyese, natena o  
20 Iliriko. \*Nde o man nata na nongo mo ka  
lambo l'edube, o langwa miango-ma-bwam,  
seto o wuma dina la Kristo di tano di má-  
biisabe, ka nyena na si ma-longa o bebokedi  
21 ba bapepe, \*nde kana etilabeno na: „Ba bena  
e si tano e má-langwabe onyol'ao, ba mende  
jene mo, ba pe bena basita basenga to-lambo,  
ba mende sontane.“

22 Onyola nikamene nde, na tano na tonsabe  
23 gita la ngedi o po na binyo. \*Nde tatan so  
kana na si benno pe wuma o ben bekombo,  
nde na bene pe nyongi min mbu mese, o po  
24 na binyo, \*yetena na mende wala o Spania,  
na mende po na binyo, ebanja na pite na, na  
ma-tomba te o londo lam, na mende jene  
binyo; ná binyo pe lo tata diele mba oten,  
ke na sele bole bwese mbamene son a mu-  
25 nyenge na binyo. \*Nde tatan na m'ala o  
26 Yerusalem o bolea basangeri. \*Ebanja e ta  
y'enene bwam na Masedonia na Akaya o sangá  
njaŋgi onyola batuedi bena be oteten a basaŋ-  
27 geri o Yerusalem. \*E ta y'enene babo  
bwam, nde e ta pe ewu na babo; ebanja ye-  
tena basibi ba kusi te dongo o bema babu ba  
mudi, ke babo pe b'aŋgamen bolea babo na  
28 bema ba nin wase. \*Na domse te din, na  
bake pe babo yen epuma, ke na ma-tombea  
29 oteten anyu wala o Spania. \*Nde na bi na,  
na ma-po te na binyo, na mende po na bonam  
bo londi ba miango-ma-bwam ma Kristo.

30 Nde na m'omele binyo, a bonate, onyola

## Onyola bato ba Roma 15. 16.

Saño asu Yesu Kristo na ndol'a Mudī pe,  
ná loembe muka na Loba onyol'am muemba  
na mba, \* ná na suṅgabe na ba basi dube o 31  
Yudea, na ná njaṅgi nam'alaneno o Yerusalem  
e dolisane basaṅgeri, \* ná na ye na binyo na 32  
munyenṅe onyola jemea la Loba, nde na  
bwese mbamene munyenṅe muemba na binyo.  
\* Loba la musaño a be na binyo bese. Amen. 33

Na bake binyo muna-nyaño asu Febe, 16  
nyena nye muboled'a muemba o Kenkrea,  
\* ná lo kase mo o Saño, kana y'aṅgamenno 2  
onyola basaṅgeri, 'oṅgwane pe mo o mambo  
mese, mena a ma-pulano joṅgwane lanyu;  
ebanja mo pe a ta moṅgwanedi onyola gita  
na onyol'am pe. \* Soma Priskila na Akwila, 3  
muemba mam ma baboledi o Kristo Yesu,  
\* bena baboli nyiṅgo abu onyola loṅge lam, 4  
bena seto mbamene mowó nde na ma-bole  
babo masoma, nde na miemba ma basibi  
mieṣe pe. \* Soma pe muemba mue o ndabo 5  
abu. Soma Epeneto, etond'am, nyena nye  
nya boso o Kristo o Asia. \* Soma Maria 6  
nyena nu nṅgi ndutu gita onyol'asu. \* Soma 7  
Antroniko na Yunia, beyabe bam, na muemba  
mam ma beboa, bena ba busi dina oteten a  
bamuloloma, bena ba seṣe na mba o Kristo.  
\* Soma Amplia, etond'am o Saño. \* Soma 8 9  
Urbano muemba masu m'ebolo o Kristo, na  
Stakis, etond'am. \* Soma Apele, nu sobe 10  
mbale o Kristo. Soma Bona-Aristobulo.  
\* Soma Herodion, eyab'am. Soma Bona-Nar- 11

## Onyola bato ba Roma 16.

- 12 kiso, bena be o Saŋgo. \* Soma Trifena na Trifosa, bena ba ma-nonge ndutu o ebol'a Saŋgo. Soma Persis nya ndolo, nyena ni  
13 nongi ndutu gita o ebol'a Saŋgo. \* Soma Rufosi, nu posobe o Saŋgo, na nyaŋgo ao  
14 nyena nye pe nyaŋgo am. \* Soma Asinkrito na Flegon na Herma na Patroba na Herme  
15 na bona-saŋgo bena be na babo. \* Soma Filogo na Yulia na Nereo na ar'ao, na Olimpa  
16 na basaŋgeri bese be na babo. \* Somane mowó na nune na sopa la bosangi. Miemba ma Kristo mese mi som binyo.
- 17 Nde na m'omele binyo, a bonate, l'anga-mene onyola ba bena ba ma-wane jabane na malambi, lingise beleedi bena l'okono, panda  
18 etum na babo. \* Ebanja nika bato ba si ma-bolea Saŋgo asu Kristo, nde dibum labu, nde onyola beyala babu ba bwam na be nyengenye ba ma-wondo milema ma ba bena ba si ma-  
19 pendane. \* Ebanja dube lanyu di má-biane na bese; onyola nika na ma-bwa munyenge onyol'anyu; nde nā-pula ná lo be jaŋgwa onyola bwam na basisontan onyola bobe.
- 20 \* Nde Loba la musaŋgo a mende dakea Satan owasa mataŋga manyu o son a ponda. Nded'a Saŋgo asu Yesu Kristo e be na binyo.
- 21 Timoteo, muemba mam m'ebolo, na Lukio na Yason na Sosipater, beyabe bam, ba som  
22 binyo. \* Mba, Tertio, nu tili nin kalati, na  
23 som binyo o Saŋgo. \* Gaio nu jese mba, nu ma-jese pe muemba muese, a som binyo. Erasto, munenge-njaŋg'a mundi, a som binyo,

## I Onyola bato ba Korinto 1.

na muna-nyaŋgo Kuarto pe. \* Nded'a Saŋgo 24  
asu Yesu Kristo e be na binyo bese. Amen.

Nde (na baka binyo) na nu nyena nu ma- 25  
wele jembe binyo, kaponda miaŋgo mam ma  
bwam na belangwedi onyola Yesu Kristo,  
kaponda bebisedi b'esoka, yena eta ewutame  
etum a ponda, \*nde e biisabe tatan, elangwabe 26  
pe na basibi bese, onyola betiledi ba batoperi-  
ba-mudi, kaponda beanedi ba Loba la bwindea,  
onyola sengane la jemea, \*na di Loba diwo- 27  
mene la dibie nde (na bakeno binyo), onyola  
Yesu Kristo, nyena nye edube o bwindea na  
bwindea. Amen.

---

## KALAT'A PAULO

NYA BOSO

### ONYOLA BATO BA KORINTO.

---

Paulo, nu belabe o be nya muloloma nya 1  
Yesu Kristo onyola jemea la Loba, na Sostene,  
muna-saŋgo asu, \*onyola muemba ma Loba 2  
mue o Korinto, basaŋgisabe o Kristo Yesu,  
ba bena ba belabe o be basaŋgeri, na bese pe  
bena ba ma-bele dina la Saŋgo asu Yesu  
Kristo, o wuma yese, wum'abu na yasu pe.  
\*Ndedi e be na binyo, na musaŋgo mu ma- 3  
we na Loba, Saŋgo asu, na Saŋgo Yesu  
Kristo.

Na ma-soma Loba lam ponda yese onyol' 4

## I Onyola bato ba Korinto 1.

- anyu onyola nded'a Loba, ni bolabe binyo o  
5 Kristo Yesu, \* ná oteten ao lo timbisabe  
mbwañ o mambo mese, o betopedi bese na  
6 dibie lese; \* kana mboñ onyola Yesu Kristo  
7 ny'embabeno oteten anyu, \* ka nyena lo titi  
ombusa o to-njika jabea la Mudí, nde lo ma-  
tata bebisedi ba Saño asu Yesu Kristo.  
8 \* Nu mende pe jembe binyo natena o su, ná  
lo si bene misan onyola bunya ba Saño asu  
9 Yesu Kristo. \* Loba le mbale, nyena onyol'  
ao nde lo belabeno, onyola jalatane la Mun'  
ao Yesu Kristo, Saño asu.
- 10 Nde na m'omele binyo, a bonate, onyola  
dina la Saño asu Yesu Kristo, ná binyo  
bese lo be nde eyala ewo, lo s'esele jabane  
di be oteten anyu, nde lo timbe nde lata o  
11 soñtane diwo na jonjele diwo. \* Ebanja e  
biisabe mba onyol'anyu, a bonate, ná bona  
12 Kloe, ná mitaño mie oteten anyu. \* Na ma-  
kwala nde onyola din, ná moto te oteten  
anyu a ma-kwala na: Mba ne nde nya Paulo,  
mba pe nya Apolo, mba pe nya Kefa, mba  
13 pe nya Kristo. \* Kristo 'aban e? Paulo nde  
a ta a bomabele o mbasa onyol'anyu e? Nga  
14 lo dubisabe nde o dina la Paulo? \* Na som  
Loba, ná na si dubise to-mowó nyanyu, ke  
15 Krispo na Gaio, \* ná moto asiya be a kwala  
16 na, na dubise nde o dina lam. \* Na dubise  
pe nde bona Stefana; na si bi nga na dubise  
17 pe nupepe buka nika. \* Ebanja Kristo a si  
lom mba o dubise, nde o laŋgwa miaño-ma-

## I Onyola bato ba Korinto 1.

bwam, seto na beyala ba dibie, ná mbas'a Kristo esi timba ewolo.

Ebanja eyal'a mbasa ye nde elemā 18  
onyola ba bena bama-nyame, nde ye  
nde nginy'a Loba onyola biso bena di  
m'ongisabe. \*Ebanja etilabe na: „Namende 19  
nyamse dibie la babiedi, na bulele pe sontane  
la bajangwa.“ \*Mubiedi e ue? Mubied'a 20  
kalat'a Loba pe e ue? Bakwaledi ba nin  
wase be ue? Loba a si timbise dibie la nin  
wase elemā? \*Ebanja kana wase onyola 21  
dibie lao, esitano ebia Loba o dibie la Loba,  
e ta e dolisane Loba, o sunga ba bama-dube,  
onyola elem'a belangwedi. \*Ebanja Bona- 22  
Yuda bama-pulise beyemban, Grikia pe bam'  
uele onyola dibie, \*nde biso di ma-langwa 23  
nde Kristo nu bomabele o mbasa, esonjisan  
onyola Bona-Yuda na elemā pe onyola basibi,  
\*nde Kristo nginy'a Loba na dibie la Loba 24  
onyola ba ba belabe, Bona-Yuda na Grikia.  
\*Ebanja elem'a Loba ye dibie buka bato, 25  
bobo la Loba pe le nginya buka bato.

Ebanja ombwa te bebeledi banyu, a bonate, 26  
seto gita la ba dibie kaponda eyobo nde be,  
seto gita la banginya, seto gita la bato ba  
mina, \*ebanja mambo m'elemā ma wase nde 27  
Loba a posino, ná a sambwele badibie; na  
mambo ma bobi ma wase pe nde Loba a  
posino, ná a sambwele ma nginya. \*Mambo 28  
ma sibi ma wase na mambo mayanabe pe  
nde Loba a posino, na ma pe mena ma titi,  
ná anyamse ma mena me, \*ná to eyobo ewo 29

## I Onyola bato ba Korinto 1. 2.

30 e si bene jasese oboso ba Loba. \* Onyol'ao  
nde binyo leno o Kristo Yesu, nu timbi  
biso dibie dima-we na Loba, na teme-  
31 la-sim na sangisabe na jongisabe, \* na,  
kana etilabeno na: „Nu nu ma-sese, a sese  
nde o Sang'o.“

2 Mba pe, a bonate, niponda na tano na po  
na binyo, na si poi na binyo na beyala be  
asam to dibie dindene o langwea binyo mbon  
2 a Loba. \* Ebanja na sita na pula bia to-  
lambo oteten anyu, ke Yesu Kristo, nu bo-  
3 mabele o mbasa. \* Nde nata nde oteten anyu  
4 na bobo na bong'o na soasoane dindene. \* Eyal'  
am pe na belangwedi bam basita beyala ba  
dibie ba mulondon, nde o bebisedi ba Mudi  
5 na ba nginya, \* na jemea lanyu di si be o dibie  
la bato, nde o nginy'a Loba.

6 Nde dima-topo dibie na ba bakoki o sonta-  
ne; nde seto dibie la nin wase, to la banedi  
7 ba nin wase, bena bama-timbe ewolo. \* Nde  
dima-topo nde dibie la Loba o esoka, lena  
di wutam, lena Loba ateseno oboso ba ponda  
8 onyola bosangi basu, \* lena to-mowó nya  
banedi ba nin wase a si bino, ebanja ba bia  
te mo, ke ba si wusa bomele Sang'o nya  
9 bosangi o mbasa. \* Nde kana etilabeno na:  
„Mambo mena diso dis'enzo, to toi di  
si sengino, mena ma si poi o mulema  
ma moto, mena Loba a bonsanno ba ba  
10 tondi mo. \* Nde biso nde Loba a biise-  
no mo, onyola Mudi mao. Ebanja Mudi  
muma-wasa mambo mese, na njib'a Loba pe.

## I Onyola bato ba Korinto 2. 3.

\* Ebanja njika moto nu bī mambo ma moto, 11  
ke mudī ma moto, muena mue oteten ao.  
Nikamene pe to-moto asibī mambo ma Loba,  
ke Mudī ma Loba. \* Nde biso disikusi mudī 12  
ma wase, nde Mudī mu ma-we na Loba, o  
sontane ma mena ma bolabe biso jabea na  
Loba, \* mena di ma-kwalano pe, seto o beyala 13  
bena dibie la bato di ma-leeno, nde bena Mudī  
mu ma-leeno, kana di ma-tengeveno mambo  
ma Mudī na mambo ma Mudī. \* Mot'a eyobo 14  
asi ma-kasa mambo ma Mudī ma Loba; ebanja  
me nde elemā na mo, a titi ná a wele bia  
mo, ebanja ma ma-wasabe nde kaponda Mudī.  
\* Nde mot'a mudī a ma-wasa mambo mese, 15  
nde momene a si ma-wasabe na to-moto.  
\* „Ebanja nja a bī jongele la Saŋgo, ná ena a 16  
lee mo e?” Nde biso diben jongele la Kristo.

Mba pe a bonate, na si ta na wele kwali- 3  
sane binyo ka bato ba mudī, nde ka bato  
b'eyobo, ka mienge ma bana o Kristo. \* Na 2  
ta nde na nyose binyo manyongo, seto da la  
mbale; ebanja lo si ta lo wele mo, lo titi ná  
lo wele pe to mo tatan. \* Ebanja lo dia nde 3  
b'eyobo. Ebanja kana ekon, mitaŋgo na  
jabane ba diano oteten anyu, lo titi so nde  
b'eyobo, lo si ma-dangwa nde kaponda bedemo  
ba bato e? \* Ebanja mowó a ma-kwala te na: 4  
Mba ne nde nya Paulo, nupepe pe na: Mba  
ne nde nya Apolo, lo titi so nde bedemo ba  
bato e?

Apolo e so nje e? Paulo pe nje e? Be 5  
nde baboledi, bena onyol'abu nde lo dubeno;



### I Onyola bato ba Korinto 3.

- nde moto te kaponda dimene Saŋgo a bolino  
6 mo. \* Mba na ta na de, Apolo pe a kom ma-  
7 diba; nde Loba nde a boli bonyaki. \* Na so  
nde, nu nu ma-de a titi to-lambo, to nu nu ma-  
kome madiba, nde Loba nu ma-bole bonyaki.  
8 \* Nde nu nu ma-de na nu nu ma-kome madiba  
be nde kapo, moto te a mende kusa mao  
9 musauedi kaponda ebol'ao. \* Ebanja je  
nde baboledi muemba na Loba; nde binyo le  
nde monda ma Loba na bolongi ba Loba.  
10 \* Kaponda nded'a Loba, ni bolabe mba, na ta  
na boka bebokedi, ka mulonge-ndabo nya  
dibie; nupepe a ma-longa omony ao. Nde  
moto te ombwe, neni a ma-longano omony ao.  
11 \* Ebanja to-moto a titi na awele boka  
bebokedi bepepe, ke ben bena be bo-  
12 kabe, bena be Kristo Yesu. \* Nde yetena  
moto a ma-longa te omony a ben bebokedi,  
gol, silba, madale ma tiki, bebongo, bewudu,  
13 salaka, \* ke ebol'a moto te e mende biisabe;  
bunya bo mende biise mo, ebanja bo mende  
biisabe na wea, kana ebol'a moto te e tano,  
14 wea nde i mende biise mo. \* Yetena ebol'a  
moto e tingam te, yena a longino omony ao,  
15 ke a mende kusa musauedi. \* Nde ebol'a  
moto e di te wea, a mende bolone mo, nde  
momene a mende jongisabe, nde na ka wea.  
16 Lo si bi na binyo le nde tempel a Loba,  
Mudi ma Loba pe mujai oteten anyu e?  
17 \* Nde nu nu ma-nyamse tempel a Loba, Loba  
pe a mende nyamse mo; ebanja tempel a Loba  
18 nye bosangi, mo nde binyo leno. \* To-moto

## I Onyola bato ba Korinto 3. 4.

a si wondo momene. Yetena moto oteten anyu  
a m'onge te ná e dibie o nin wase, esele  
mo a sele timba elemā, ná a timbe dibie.  
\* Ebanja dibie la nin wase le nde elemā 19  
na Loba. Ebanja e tilabe na: „A ma-putea  
ba dibie o jaŋgwa labu,“ \* na na: „Saŋgo a 20  
bī monge ma badibie, ná me nde ewolo.“  
\* To-moto a si sese so onyola bato. Ebanja 21  
mese me nde manyu; \* to e be nde Paulo, 22  
to Apolo, to Kefa, to wase, longe to kwedi,  
mambo ma tatan to ma mende po, mese me  
nde manyu, \* nde binyo le nde ba Kristo, 23  
nde Kristo pe nya Loba.

Nika so nde esele moto alaŋge biso, ka 4  
baboledi ba Kristo na soele ya besoka ba  
Loba. \* Nde e ma-pulabe nde na soele ná 2  
i so be mbale. \* Nde ye nde mba lambo disadi 3  
o kaisabe na binyo, to ná bunya ba moto; nde  
to mbamene na si ma-kaise mbamene. \* Ebanja 4  
na si bī to-lambo onyol'am mbamene; nde to  
na, na si tesebe na sim onyola nika, ebanja  
nu nu ma-kaise mba e nde Saŋgo. \* Onyola 5  
nika, lo si kaise obiana ponda e ma-po, natena  
Saŋgo a po, nu mende pe busise o muenen  
ma ma wutam o muititi, na biise pe miano  
ma milema; denge so moto na moto a mende  
kusa lao sesa na Loba.

A bonate, na nongi nde nika onyola mba- 6  
mene na onyola Apolo onyola k'anyu, ná  
binyo l'okwe na biso na: lo si kata ma ma  
tilabe, ná to-moto a si londomeye onyola mowó  
liŋgise nupepe. \* Nja a tese oa nya boso e? 7

## I Onyola bato ba Korinto 4.

- Nje o benno yena o si kusino e? Nde o kusi te, nje so o m'aseseno, biana o si kusi nde e?
- 8 \* Lo má-julisabe, lo má-ko mbwañ, lo timbi bānedi esibe wa na biso. E wusa be bwam, ke binyo le bānedi, ka nyena biso pe jena di
- 9 anea muemba na binyo. \* Ebanja na m'ongele na, Loba a tese biso bamuloloma ka basukan, ka bato ba bakabe o kwedi, kanyena di timbi lambo di m'ubeabe na wase na angel na
- 10 bato. \* Biso je nde belemā onyola Kristo, nde binyo le dibie o Kristo; biso di bobi, binyo le nginya; binyo le b'edube, biso di
- 11 titi b'edube. \* Natena tatan di ma-bwa njai, di ma-bwa nyongi, je musamba, di ma-dipabe,
- 12 di si ben mboa, \* di ma-nongo ndutu o bola ebolo na maa masu. Ba ma-loa biso, nde biso di ma-namse nde; ba ma-takise biso, nde
- 13 di ma-welisane; \* ba ma-sambwele biso, nde biso di ma-sosomea. Di timbi ka dibunje la mundi-ma-wase, ka mbindo a mese natena tatan.
- 14 Na si ma-tilea binyo man o solise binyo, nde o jomele binyo ka bana bam ba ndolo.
- 15 \* Ebanja tolo bene nde dom la lokoli la baleedi o Kristo, ke losi ben te gita la basango. Ebanja mba nde na yai binyo o Kristo Yesu onyola
- 16 miango-ma-bwam. \* Na m'omele so binyo, be
- 17 babupedi bam. \* Onyola nika nde na tano na lomea binyo Timoteo, nyena nye mun'am nya ndolo na nya mbale o Sango, mo a mende bola binyo lo ongele mangea mam o Kristo, kana na ma-leeno wuma yese o muemba te.

## I Onyola bato ba Korinto 4. 5.

\* Nde dongo di ta di londomeye, ka biana na 18  
 si ma-po na binyo. \* Nde na mende po na 19  
 binyo son a ponda, ke Saŋgo 'emedi, o bia  
 seto beyala ba ba ba ma-londomeye, nde  
 nginya. \* Ebanja janea la Loba di titi o 20  
 beyala, nde o nginya. \* Nje lo ma-pulano 21  
 e? Na tate nde po na binyo n'ebongo, nga  
 na ndolo na mudī ma pī e?

Nde e ma-seŋgabe pe ná musonje mue 5  
 oteten anyu, nde na nyai a musonje nyena e  
 si ma-bolabe to na basibi, ná mowó nyanyu  
 a bai munj'a saŋgo. \* Nde lo londomedi pe 2  
 nde, esibe to bwa ndutu, ná nu nu boli nika  
 a busisabe oteten anyu. \* Mba nyena nu 3  
 s'ukedi na nyolo, nde n'ukedi o mudī, na má-  
 bole bakwa, ka mowó ny'ukedi wase, onyola  
 nu nu boli nika, \* ná biso di kotome o dina 4  
 la Saŋgo asu Yesu Kristo, binyo na mudī  
 mam, muemba na nginy'a Saŋgo asu Yesu  
 Kristo, \* o bake mo na Satan, onyola dibumbe 5  
 l'eyobo, ná mudī mu oŋgisabe o bunya bá  
 Saŋgo asu Yesu.

Jasese lanyu di si doli: Lo si bī ná son a 6  
 esasaŋge e ma-saŋgise mbondo muese? \* Pimba 7  
 esasaŋg'a kwañ, ná lo timbe mbondo ma penya,  
 kana binyo leno ka ni titi esasaŋge. Ebanja  
 mun'asu nya mudongi a má-bwabe onyol'asu,  
 Kristo. \* Esele so biso di neŋge bunya ba 8  
 bosangi, seto na esasaŋg'a kwañ, to na esa-  
 saŋg'a diwinako na bobe, nde o mbondo mu  
 titi esasaŋge ma bosangi na mbale. \* Na ta 9

## I Onyola bato ba Korinto 5. 6.

- na tilea binyo o nine kalati na: lo si yokise  
10 binyomene na bato ba musonje. \* Nik' e titi  
onyola bato ba misonje ba nin wase, to ba-  
ikoki, to bandumban, to baboleye-losaŋgo;  
ebanja ye te nika, ke lo aŋgamen nde jasumwe  
11 o nin wase. \* Nde na ta nde na tilea binyo,  
ná lo si yokise binyomene, yetena mowó e te  
nu belabe muna-saŋgo, nde a be mot'a muson-  
je, to ikoki, to muboleye-losaŋgo, to mutope-  
dibena, to musokedi, to mot'a ndumban, nika  
12 nyai a moto lo si dane to mo. \* Ebanja na  
ben njika bwambo o kaise ba be o eboko?  
13 Lo si ben nde o kaise ba be oteten e? \* Nde  
Loba nde a ma-kaise ba be o eboko. Nde  
busise nde nya bobe oteten anyu.
- 6 Mowó nyanyu, a ben te bwambo na nu-  
pepe, ena 'ala muka oboso ba basitem-na-sim,  
2 seto oboso ba basangeri e? \* To, lo si bi ná ba-  
sangeri ba mende kaise wase e? Nde yetena  
wase e ma-kaisabe te na binyo, lo si donga-  
3 men so o kaise mambo masadisadi e? \* Lo  
si bi ná di mende kaise angel e? Nde na  
4 mambo ma nin wase e? \* Lo ben so te mi-  
ambo onyola mambo ma nin wase, tese so ba  
5 ba yañabe o muemba o be bakaisedi. \* Na  
ma-kwala nde man o solise binyo. Nya dibie  
a titi oteten anyu, to-mowó, nu ma-wele  
6 bakwe muka oteten a bona-saŋgo, \* ke na  
muna-saŋgo a m'alané nde muna-saŋgo o  
7 muka, nde na oboso ba ba ba si dube e? \* O  
ka yese, ye nde lambo la mbolon onyol'anyu,  
o bene miambo mowó na nune. Onyola nje

## I Onyola bato ba Korinto 6.

lo si tondino kusa bobe buka wana miambo e?  
Onyola nje lo si tondino dumbabe buka wana  
miambo e? \*Nde binyo momene pe nde lo 8  
ma-bole bobe, lo ma-dumbe pe, nde na bona-  
saŋgo anyu momene.

To, lo si bi, ná basitem-na-sim ba si mende 9  
saŋgwa janea la Loba e? Lo si wondobe!  
Bato ba musonje, to baboleye-losaŋgo, to  
babwe-diba, to babobi na bepuledi, to babole-  
bobe na bome, \*to bibedi, to baikoki, to 10  
basokedi, to batope-dibena, to bandumban ba  
si mende saŋgwa janea la Loba. \*Nde doŋgo 11  
lanyu lo ta nika, nde l'owabe, lo saŋgisabe,  
lo tesebe na sim, onyola dina la Saŋgo asu  
Yesu na onyola Mudí ma Loba lasu.

Mambo mese me mba wonja o bola, nde 12  
seto mese nde ma-ma-wane museñ. Mambo  
mese me mba wonja o bola, nde to-lambo  
di s'aŋgamen bene nginya omony am. \*Mada 13  
me nde onyola dibum, dibum pe onyola mada;  
nde Loba a mende nyamse babo babane. Nde  
nyolo e titi onyola musonje, nde onyola Saŋgo,  
na Saŋgo pe onyola nyolo. \*Nde Loba a ta 14  
a pumbwele Saŋgo, nde a mende pe pumbwele  
biso onyola nginy'ao. \*Lo si bi ná manyolo 15  
manyu me nde beloŋgi ba Kristo e? Na  
noŋge so beloŋgi ba Kristo na timbise mo  
beloŋgi ba musonje e? Tomtom! \*To, lo si 16  
bi ná nu nu lati na mut'a musonje e nde  
nyolo po na mo? Ebanja e kwalabe na:  
„Babane ba mende nde be eyobo ewo.“ \*Nde 17  
nu nu lati na Saŋgo e nde mudí mowó na

## I Onyola bato ba Korinto 6. 7.

18 mo. \* Nya musonje mila! Bobe na bobe moto  
a ma-bolano boe nde ombusa nyolo, nde nu  
nu ma-wite musonje, a ma-bola nde bobe lingise  
19 nyol'ao momene. \* To, lo si bi ná nyol'anyu  
nye nde tempel a Mudi Musaŋgi, muena mu  
jai oteten anyu, nyena lo kusino na Loba,  
20 nde lotiti na binyo momene e? \* Ebanja  
binyo l'andabe na mususedi mundene.  
Busise so Loba na nyol'anyu na mudi  
manyu, bena be ba Loba.

7 Nde onyola man mambo lo tiledino mba:  
2 Ye bwam na moto, ná a si tapa muto. \* Nde  
onyola ka musonje, moto te a bene nyao  
3 muto, muto te nyao mome. \* Mome a bole  
munj'ao nje y'aŋgamen na mo, muto pe nika-  
4 mene na mom'ao. \* Muto a si ben nginya  
omony a nyol'ao, nde mome; nikamene pe  
mome a si ben nginya omony a nyol'ao, nde  
5 muto. \* Lo si pandisane mowó na nune, e be  
te onyola jemea la babane onyola doŋgo la  
ponda, ná lo bene ponda onyola kandane la  
da na muka; nde ombusa nika lo doŋgamene  
pe, ná Satan a si kekise binyo, onyola k'anyu  
6 ni bobi. \* Nde na ma-kwala nde man o ka  
7 bola wonja, seto ka mbenda. \* Mba na wusa  
tondo, ná bato bese ba be ka mba; nde moto  
te a ben lao jabea na Loba, mowó ninka, nune  
8 pe nane. \* Nde na ma-kwalane ba basi bai na  
mikusa na, e doli na babo, ke bajai ka mba;  
9 \* nde yetena ba si weli te janea nyolo, ese  
le babo ba bā; ebanja ye bwam o bā, buka dia  
mulema wea.

## I Onyola bato ba Korinto 7.

Nde ba ba bai na m'anea babo, bwam- 10  
bwam seto mba, nde Saŋgo, ná muto a s'abane  
na mom'ao. \* 'Aban te, a si bā pe, to a timbe 11  
dolisane na mom'ao; nikamene pe mome,  
a s'esele munj'ao. \* Nde mba na ma-kwalane 12  
bane bapepe, seto Saŋgo, na: Muna-saŋgo  
a ben te muto nu si dube, nde a tondo ja na  
mo, a s'esele mo. \* Nikamene pe yetena 13  
muto a ben te mome nu si dube, nde a tondo  
ja na mo, a s'esele mome. \* Ebanja mome 14  
nu si dube a saŋgisabe onyola muto, muto nu  
si dube pe a saŋgisabe onyola muna-saŋgo.  
E si be te nika, ke bana banyu ba si saŋgi,  
nde tatan be bosan̄gi. \* Nde nu nu si dube 15  
'aban te, esele mo 'abane. Muna-saŋgo nya  
mome to nya muto a si kakabe na nika; o  
musan̄go nde Loba a beleno biso. \* Ebanja, 16  
a muto, o bī ŋga o mende suŋga mom'aŋgo e?  
To oa, a mome, o bī ŋga o mende suŋga  
munj'aŋgo e? \* Nde ninka momene 17  
nde: Moto te a daŋgwe kana Saŋgo a bolino  
mo, kana Loba a beleno mo! Nika nde na  
ma-teseno o miemba mese. \* Moto a belabe 18  
te ka mowó ny'endabe, a si pulise o kusa ka  
ni s'endabe. Moto a belabe te o ka ni s'  
endabe, a s'endabe. \* Boendi botiti to-lambo, 19  
ka ni s'endabe pe e titi to-lambo; nde nen̄ge  
la mbend'a Loba. \* Moto te a je o bebeledi 20  
bena a tano a belabe. \* O belabe te mukom, 21  
o si bwa ndutu; nde o weli te timba wonja,  
bolane nde mo. \* Ebanja mukom nu belabe 22  
o Saŋgo, e wonja o Saŋgo; nikamene pe



## I Onyola bato ba Korinto 7.

wonja ni belabe, nye nde mukom a Kristo.  
23 \* L'andabe na mususedi mundene, lo si timba  
24 bakom ba bato. \* A bonate, moto na moto  
kana a belabeno, a je nde nikamene na Loba.  
25 Nde onyola ka ngonderi na si ben beenedi  
ba Saŋgo; nde na ma-bola malea mam, ka  
mowó nu kusi ndedi na Saŋgo, ná na be mbale.  
26 \* Na m'onge so na: din nde le bwam onyola  
ndut' a nin ponda, ná edoli na moto aja  
27 nika. \* O tingham te na muto o si pula wunjabe;  
28 oe te mulamba o si pulise muto. \* Nde to o  
bā nde, o si boli bobe; ngonderi pe e bai te  
e si boli bobe; nde ban ba mende kusa ndutu  
onyol'eyobo. Nde na wusa tondo wengele  
29 binyo. \* Nde nama-kwala nde man, a bonate,  
ponda e wutisabe. Botea tatan ye nde na:  
ba bena ba ben bito, ba be nde ka ba si ben;  
30 \* ba pe ba m'eye ka ba si m'eye; ba pe ba  
ma-bwe munyenge, ka ba si ma-bwe munyenge;  
31 ba pe ba m'ande, ka ba si ben; \* ba pe ba  
ma-bolane nin wase, ka ba si ma-bolane;  
ebanja beombwedi ba nin wase be ma-tomba.  
32 \* Nde na wusa tondo, ná lo si bene mitaka.  
Nu nu si bai a m'ombwea nde mambo ma  
33 Saŋgo, neni a ma-dolisaneno Saŋgo. \* Nde  
nu nu bai a m'ombwea nde mambo ma wase,  
34 neni a ma-dolisaneno munj'ao. \* Nde muto  
na ngonderi pe be nyai iba. Nu nu si bai  
a m'ombwea nde mambo ma Saŋgo, ná a be  
bosangi o nyolo na mudí; nde nu nu bai  
a m'ombwea nde mambo ma wase, neni a ma-  
35 dolisaneno mom'ao. \* Nde na ma-kwala nde

## I Onyola bato ba Korinto 7. 8.

man onyola museñ manyu, seto o soñge binyo  
diwongo o nyingo, nde onyola bedemo ba  
bwam na o tingame na Saño, esibe jabane.  
\* Nde yetena mowó am'ongele na ena a bola 36  
mun'ao nya ngonderi bobe ke a tombedi  
pond'a diba, nde onyola nika (diba) di anga-  
men te be, a bole nje a tondino; esele babo  
ba bā, a si boli bobe. \* Nde nu nu bake bwam- 37  
bwam o mulema mao, a si bene lambo di nya-  
kisan mo, a bene pe nginya omony a je-  
mea lao, nde a bole o mulema mao, o neñge  
mun'ao nya ngonderi, mo a boli bwam. \* Onyo- 38  
la nika, nu nu ma-bole o diba, a ma-bola  
bwam; nu pe nu si ma-bole o diba, a ma-bola  
bwam buka nika. \* Muto a tingam etum kana 39  
mome eno lonje; nde mom'ao a wedi te, ke  
e wonja o bā to-nja a tondino; nde o Saño  
momene. \* Nde ama-be bonam buka nika, 40  
kaponda jonjele lam, ke a jai nika. Nde na  
m'ongele na, mba pe naben Mudī ma Loba.

Nde onyola mambo ma bolabe jabea o lo- 8  
saño, dibī, ná biso bese diben dibie. Dibie  
di ma-londomeye, nde ndolo e ma-longisane.  
\* Nde yetena mowó am'ongele na, a bī lambo, 2  
ke a si bī te to-lambo, kana 'angamenno bia.  
\* Nde yetena mowó a tondi Loba, ke a biabe 3  
na mo. \* Onyola da la mambo so ma bolabe 4  
jabea o losaño, dibī ná isaño i titi to-lambo  
o mundi-ma-wase, to Loba dipepe di titi, ke  
diwomene. \* Nde tona doño dima-belabeno 5  
maloba, to o mony, to o wase, kana gita la

## I Onyola bato ba Korinto 8. 9.

- 6 maloba leno, na gita la basango, \* ke  
Loba diwomene nde le onyol'asu,  
Tete, nyena na mo nde mambo mese  
meno, biso pe onyol'ao, na Sango po,  
Yesu Kristo, nyena onyol'ao nde ma-  
7 mbo mese meno, biso pe onyol'ao. \* Nde  
din dibie di titi na bese. Dongo be bena  
bakolongon o mongele mabu onyola losango  
natena tatan, bama-da nde mo ka jabea  
la losango, na mulema mabu, kana mu bo-  
8 bino, mu timba winda. \* Nde da di si ma-  
leele biso oboso ba Loba. To dida, di si ma-  
benga be bwam; to di si dedi, di si ma-benga  
9 timba bosadi. \* Nde be jangameye, na nin  
wonj'anyu esitimba lambi onyola ba ba bobi.  
10 \* Ebanja yetena mowó a m'ene oa, nu ben  
din dibie, o ma-ja o da o ndabo a losango, mu-  
lema mao, kana a bobino, mu si mende jembabe  
11 o da mabea ma losango e? \* Nika so muna-  
sango nu bobi a ma-nyamsabe onyola dibie  
12 longo, nyena onyol'ao Kristo a wedino. \* Nde  
lo ma-bola te nika bobe na bona-sango, l'emele  
milema mabu mi bobi, ke lo ma-bolane nde  
13 Kristo bobe. \* Onyola nika, yetena da lam  
di ma-sonjise te muna-sango am, ke na si ma-  
da pe nyama natena o bwindea, na nasi bola  
muna-sango am a sonjo.
- 9 Na titi nyamuloloma e? Na titi wonja e?  
Na si ta n'ene Yesu Kristo, Sango asu e?  
2 Lo titi ebol'am o Sango e? \* Na titi te nya-  
muloloma na bapepe, ke ne na binyo; ebanja  
binyo nde le eyemban a muloloma mam o

## I Onyola bato ba Korinto 9.

Saŋgo. \*Din nde le suŋga lam la nyolo na 3  
 ba ba ma-pule bolaŋgi na mba. \*Di si ben 4  
 ŋginya o da na nyo e? \*Di si ben ŋginya 5  
 o daŋgwane muna-nyaŋgo asu mowó ka muto,  
 kana bamuloloma bapepe na bona-saŋgo ba  
 Saŋgo na Kefa e? \*To biso na Barnaba 6  
 momene nde, di si ben ŋginya o jesele ebol'a  
 maa e? \*Nja am'ale o bila, nde a sauea 7  
 momene e? Nja ade monda ma lonyeŋgeny,  
 nde aside bepuma bao e? Nja ama-boŋgwe  
 dibemba la beyembe, nde a si nyo manyoŋgo  
 mao e? \*Na ma-kwala nde man mambo ka- 8  
 ponda bedemo ba bato, mbenda esima-kwala  
 mo e? \*E tilabe o mbend'a Mose na: „O si 9  
 kaka mudumbu ma nyaka ni ma-sose mbasi.“  
 Loba am'ombwea nde nyaka e? \*O ka yese 10  
 asikwali nde mo onyol'asu e? Ebanja e tilabe  
 nde onyol'asu, ná nu nu ma-se minyaŋgadu, a  
 se mo na dipita, nu pe nu ma-sose mbasi, a sose  
 mo o dipita la kusa doŋgo. \*Disai te mambo 11  
 ma mudí onyol'anyu, ye nde lambo dindene  
 ke di m'umbwa mambo manyu m'eyobo e?  
 \*Yetena bapepe ba ma-bene te doŋgo o mambo 12  
 manyu, biso di si bene buka nika e? Nde  
 biso di si ta di bolane nin ŋginya, nde di ta  
 di welisane mese, ná dis'eka miaŋgo-ma-bwam  
 ma Kristo. \*Lo si bī ná ba bena ba ma-bole 13  
 ebol'a bosan̄gi, ba ma-dea nde onyola tempel  
 e? ba pe bena ba ma-boleye diyo la jabea,  
 ba ben nde doŋgo na diyo e? \*Nikamene pe 14  
 nde Saŋgo a teseno onyola ba ba ma-laŋgwe  
 miaŋgo-ma-bwam, ná ba deye nde onyola

## I Onyola bato ba Korinto 9.

- 15 miaŋgo-ma-bwam. \* Nde mba nasita na bola nika tom. Na si ma-tila tō man, ná ma bolabe nika na mba; ebanja ye bwam na mba o wo, buka ná moto a nyamse musesako mam.
- 16 \* Ebanja na ma-laŋgwa tē miaŋgo-ma-bwam, kē na si ben musesako; ebanja n'aŋgamen bola mō. Ebanja eboma na mba, kē na si ma-
- 17 laŋgwa miaŋgo-ma-bwam. \* Ebanja na ma-bola tē mō na wonja, kē na ma-kusa musauedi; nde na si ma-bola tē mō na wonja, kē ye nde
- 18 ebolo e bakabe na mba. \* Nje sō ye musauedi mam e? Kē na, kana na ma-laŋgwano miaŋgo-ma-bwam, na bole miaŋgo-ma-bwam mi si bene mususedi, ka nyena na si tano na bolane ŋginy'
- 19 am onyola miaŋgo-ma-bwam. \* Ebanja tona neno wonja na beše, na timbiše nde mbamene mukom onyola beše, ná na kuse gita labu.
- 20 \* Na timbi be mot'a Bona-Yuda onyola Bona-Yuda, ná na kuse Bona-Yuda; onyola ba pe be owasa mbenda ka mowó nye owasa mbenda, tona na titino owasa mbenda, ná na kuse ba
- 21 be owasa mbenda; \* onyola ba pe ba si ben mbenda ka mowó nu si ben mbenda, tona na titino mowó nu si ben mbend'a Loba, nde nye o mbend'a Kristo, ná na kuse ba ba si ben
- 22 mbenda. \* Na timbi be nu bobi onyola babobi, ná na kuse babobi. Na timbi mese onyola
- 23 beše, ná na suŋge doŋgo o ka yese. \* Nde nama-bola nde man mese onyola miaŋgo-ma-bwam, ná na bene doŋgo oten.
- 24 Losibi ná ba bena bama-nye mila onyola penda, babo beše ba ma-nya nde, nde mowó

## I Onyola bato ba Korinto 9. 10.

nde a ma-kuse bowen e? Binyo lo nya so  
nika, ná lo kuse mo. \*Moto na moto pe nu 25  
m'ane am'ia mese; babo o kusa ekot'a beyadi  
e ma-nyame, nde biso e si ma-nyame. \*Mba 26  
na ma-nya so nika, seto ka mowó nu si bake;  
na m'ana nde nika, seto ka mowó nu ma-dipe  
ngo; \*nde nama-domo nyol'am, nama-timbise 27  
mo ka mukom, e si ya be na langwedi te ba-  
pepe, mbamene na bangabe.

Ebanja a bonate, na si ma-pula ná e be 10  
idimbe na binyo, ná basango basu bese bata nde  
owasa diwindiwindi, bese ba ta pe ba tomba  
oteten a munja, \*bese bata pe ba dubisabe o 2  
Mose o diwindiwindi na o munja, \*bese bata pe 3  
ba da mulemlem ma da la Mudí, \*bese bata 4  
pe ba nyo mulemlem ma benyon ba Mudí —  
ebanja banyodi o dale la Mudí, lena dita di  
dangwa na babo, nde di dale di ta nde  
Kristo — \*nde Loba asita adolisane dongo 5  
labu dindene; ebanja ba ta ba pimbabe wase  
o eyan. \*Nde man mambo mabolan nde, obe 6  
beyemban na biso, ná biso di sipulise mambo ma  
bobe, kana ban ba puliseno. \*Lo si timba to 7  
bowedi ba losango, ka dongo labu, kana e  
tilabeno na: Dimuti di ta di ja wase o da na  
nyo, na babo ba teme pe o joka loko. \*Lo 8  
si wite to musonje, kana dongo labu ba bolino,  
nde bakwedi wase muaba ma lokoli na lolalo  
o bunya bowó. \*Lo si kekise to Kristo, kana 9  
dongo labu bakekisen mo, nde babwabe na  
nyama miaba. \*Lo si topo to minyunyungu, 10  
kana dongo labu ba topino, nde ba nyamsabe

## I Onyola bato ba Korinto 10.

- 11 na munyamsedi. \* Nde man mabolan nde na babo k'eyemban; nde ma tilabe nde onyola jomele lasu, biso bena masu ma ponda ma
- 12 poino. \* Onyola nika, nu nu m'onge nā a tem, 'ombwe a siya be ako. \* Kekise di si kweledi binyo, ke kana moto ama-kusano; nde Loba e mbale, nu si mende jesele nā binyo lo kekisabe buka di lo welino, nde a mende pe weka su na kekise, ka nyena l'ena lo wele mo.
- 14 Onyola nika, a bandolo, nya jowe la lo-  
15 saŋgo mila. \* Nama-kwalane nde binyo ka badibie, binyomene kaise nje na ma-kwalano.
- 16 \* Dibonde la bonam, lena di ma-namseno, di titi nde latane la maya ma Kristo e? Ewolo di ma-buano, etiti nde latane la nyol'a Kristo
- 17 e? \* Ebanja ye nde ewolo ewo, nikamene pe biso gita je nde nyolo po; ebanja biso bese
- 18 di ben nde doŋgo o ewolo ewo. \* Ombwa te Israel kaponda eyobo! Ba bena bama-de
- 19 mabea, ba si latane nde na diyo e? \* Nje so nama-kwalano o ninka e? Nā isaŋgo ye lambo
- 20 e? to jabea la losaŋgo le lambo e? \* Kem, nde mambo basibi bama-bolano jabea, bama-bola nde mo jabea na Satan, seto na Loba. Nde nasi ma-pula nā lobene latane na Satan.
- 21 \* Lo titi nā lo nyo dibonde la Saŋgo na dibonde la Satan pe; lo titi nā lo wele bene doŋgo o tebed'a Saŋgo na o tebed'a Satan
- 22 pe. \* To, di nyakisane nde Saŋgo e? Je nginya buka mo e?
- 23 Mambo mese me wonja, nde seto mese nde

## I Onyola bato ba Korinto 10. 11.

ma ma-wane museñ; mambo mese me wonja,  
nde seto mese nde ma ma-longisane. \* To- 24  
moto a si pulise mambo mao, nde mambo ma  
nupepe. \* Mese ma m'andisabe o don la 25  
nyama, da mo, lo si wasa, ebanja onyola be-  
kaisedi ba mulema. \* „Ebanja wase nye nde 26  
nya Saño na belondedi bao.“ \* Nde yetena 27  
mowó nya basidube a bele te binyo, nde lo  
tondo wala, da mese ma tesebe binyo oboso,  
losi wasa, ebanja onyola bekaisedi ba mulema.  
\* Nde mowó a kwalan te binyo na: Nin nye 28  
nde nyama ni ta ni bolabe jabea o isaño,  
lo si da onyola nu nu biise binyo nika, na  
onyola bekaisedi ba mulema. \* Na si ma-kwala 29  
onyola bekaisedi ba mulema moño, nde ba  
nupepe. Ebanja onyola nje wonj'am nyeno na  
e kaisabe na bekaisedi ba mulema ba nupepe  
e? \* Nama-da te lambo na masoma, onyola nje 30  
na ma-loabenõ pe onyola ma na ma-bolano  
masoma e? \* To lo ma-da so nde, to lo 31  
ma-nyo nde, to lo ma-bola nde njika  
lambo, bola mese onyola edub'a Loba.  
\* Losi bola njom ni ma-sonjisane, to na Bona- 32  
Yuda to na Grikia to na muemba ma Loba,  
\* kana mba pe nama-dolisaneno bese o mese, 33  
kana na si ma-puliseno ma me museñ onyol'  
am, nde onyola bagita, ná b'ongisabe. \* Binyo 11  
be babupedi bam, kana mba pe neno nya Kristo.

Na ma-sesa binyo, a bonate, ná l'ongele 2  
mba o mambo mese, lonege pe mieka, kana  
na bolino mo binyo. \* Nde na ma-pula biise 3



## I Onyola bato ba Korinto II.

binyo, ná mulopo ma mome na mome mue  
nde Kristo, nde mulopo ma muto mue nde  
4 mome, mulopo ma Kristo pe Loba. \* Mome  
na mome nu ma-kane to nu ma-tope bedinge  
na mulopo mu kuruman, a sambwele nde  
5 mulopo mao. \* Muto na muto nu ma-kane,  
to nu ma-tope bedinge na mulopo mu telam  
a sambwele nde mulopo mao; ebanja nika nye  
6 nde kapo biana a senjebe nde. \* A sitondi te  
kurumane mulopo, a senje pe so mo. Nde  
yetena ye ison na muto o ke nyo to senje  
7 mo, a kurumane so. \* Mome as'a ngamen kuru-  
mane mulopo, ebanja mo e bowan na edub'a  
8 Loba, nde muto e nde edub'a mome. \* Ebanja  
mome asiwu na muto, nde muto nde a wu na  
9 mome. \* Onyolana mome asiwekabe to onyola  
10 muto, nde muto nde onyola mome. \* Onyola  
nika muto a bene eyemban a nginya o mu-  
11 lopo onyola ka angel. \* Nde tona, mome  
a titi o Sango esibemuto, to muto pe esibem  
12 mome. \* Ebanja kana muto awuno na mome,  
nikamene pe mome onyola muto; nde mese  
13 ma ma-wa nde na Loba. \* Kaise na binyo-  
mene, nga y'a ngamen, ná muto a kane na  
14 Loba na mulopo mu telam? \* Bewekedi mo-  
mene besilee binyo, ná ye ison na mome ke  
15 a ben nyo a miaba e? \* Nde yetena muto  
a ben te nyo a miaba, ye nde edube na mo  
e? Ebanja nyo ibolabe nde mo ka ekuruman.  
16 \* Nde yetena mowó e te mutonde-mitango, a  
bie, ná biso disi ben nika kolongone, to miemba  
ma Loba.

## I Onyola bato ba Korinto II.

Nde na ma-bola beanedi onyola din, na 17  
si ma-sesa nika, ná lo si ma-kotome onyola  
bwam, nde onyola bobe. \* Ka lambo la boso, 18  
na seŋgi, ná lo kotom te o muemba, jabane  
di ma-be oteten anyu, nde na dube pe nika  
son. \* Ebanja jabane di aŋgamen be oteten 19  
anyu, ná ba be mbale oteten anyu, ba biisabe.  
\* Lo ma-kotome so te, ke da la Saŋgo dititi ná 20  
di wele nongo; \* ebanja moto te a ma-sele 21  
nongo lao dongo o bededi, nde mowó a bwa njai,  
nune pe asoko. \* Losiben mandabo o da na 22  
nyo e? To lo ma-yaŋa nde muemba ma Loba,  
na sambwele pe ba bena ba si ben to-lambo e?  
Na kwalane so binyo na nje e? Na sese binyo e?  
Na si ma-sesa binyo o nika. \* Ebanja na 23  
kusi nde na Saŋgo di lena na bakeno  
binyo, ná Saŋgo Yesu o bo bulu'andi-  
sabeno, ata anongo ewolo, \* a bola ma- 24  
soma, abua mo, akwala na: Nongo, lo  
de, yen yende nyol'am, ni buabe onyol'  
anyu, bola nika onyola jonjele lam.  
\* Nikamene pe na dibonde ombusa da, 25  
akwala na: Din dibonde le nde male  
ma penya o maya mam; bola nika, to-  
njika ponda loma-nyono mo, onyola  
jonjele lam. \* Ebanja ponda na ponda lo 26  
ma-dano yen ewolo, lonyo pe din dibonde, lo  
ma-laŋgwa nde kwed'a Saŋgo natē apo.  
\* Onyola nika nu nu ma-de yen ewolo, a nyo 27  
pe dibonde la Saŋgo na ka ni s'aŋgamen, a  
ben njom o nyolo na maya ma Saŋgo. \* Moto 28  
a wase momene, nde to a ma-da yen ewolo,

## I Onyola bato ba Korinto II. 12.

29 anyo pe din dibonde. \*Ebanja nu nu ma-de  
na nyo ka ni s'aṅgamen, a ma-da nde na  
nyoye pe momene muka, kana a si ma-bolano  
30 nyol'a Saṅgo edube. \*Onyola nika gita la  
baboedi na babobi be oteten anyu, gita pe  
31 ba kwedi iyo. \*Nde di kaise te biso mo-  
32 mene, ke di si wusa pe kaisabe. \*Nde kana  
di ma-kaisabeno, di ma-kokisabe na Saṅgo,  
33 ná di si kwesabe muemba na wase. \*Onyola  
nika, a bonate, yetena lo kotom onyola da,  
34 engele mowó na nune. \*Nde moto a ma-  
bwa te njai, a de o mboa, ná lo si kotome  
onyola bekaisedi. Mane mapepe na mende  
tese mo, yetena na poi.

12 Nde onyola mabea ma Mudī, a bonate, na  
2 si ma-pula ná lo be bodimbea. \*Lo bī ná  
niponda lo tano basibi, lo ta lo diabele o lo-  
saṅgo la mbuke, to neni lo tano lo diabele.  
3 \*Onyola nika na ma-biise binyo, ná to-moto  
nu ma-tope o Mudī ma Loba, a si ma-kwala  
na: Malou na Yesu; to-moto pe a titi ná a  
kwala na: Yesu e nde Saṅgo, esibē o Mudī  
4 Musangi. \*Nde mabea ma Mudī me  
nyai na nyai, nde Mudī mowómene.  
5 \*Bebolo pe benyai na nyai, nde Saṅgo  
6 pomene. \*Nde bebolo ba ṅginya pe  
be nyai na nyai; nde Loba diwomene,  
7 nu ma-bole mese oteten a bese. \*Nde  
bebisedi ba Mudī bebolabe na moto-te onyola  
8 museñ ma bese. \*Ebanja na mowó e bolabe  
onyola Mudī, betopedi ba jaṅgwa; nupepe be-

## I Onyola bato ba Korinto 12.

topedi ba dibie, kaponda mulemlem ma Mudī;  
\* nupepe jemea o mulemlem ma Mudī; nupepe 9  
jabea la bolise maboa, o mu Mudī mowómene;  
\* nupepe bebolo ba betanysemi; nupepe langwa 10  
la bedinge; nupepe jemba la midī; nupepe  
nyai a l'eme; nupepe teleye la l'eme. \* Nde 11  
man mese mulemlem ma Mudī mowó nde mu  
ma-bole mo, muena mu m'abane na moto-te,  
kaponda mu ma-pulano.

Ebanja kana nyolo nyeno po, nde e bene 12  
belongi gita, nde belongi bese ba nyolo po,  
tona beno gita, belati nde nyolo po, nikamene  
pe na Kristo. \* Ebanja biso di dubisabe nde 13  
o Mudī mowó onyola nyolo po, to di be nde  
Bona-Yuda to Grikia, to bakom to wonja,  
bisó bese di nyosabe pe nde Mudī mowó.  
\* Ebanja nyolo pe etiti elongi ewo, nde gita. 14  
\* To muende mukwala na: Kana na titino 15  
dia, na titi nya nyolo, ke mue te nde ma  
nyolo. \* To toi pe di kwala na: Kana na 16  
titino diso, na titi nya nyolo, ke le te nde la  
nyolo. \* Nyolo nyese e be te diso, beseṅgedi 17  
be wusa be ue e? Nyese e be te beseṅgedi,  
seṅga l'enumba di wusa be ue e? \* Nde 18  
Loba a tese so belongi, ewo te na momene  
o nyolo, kana a tondino. \* Mese ma be te 19  
elongi ewomene, ke nyolo e wusa be ue e?  
\* Nde belongi be so gita, nde nyolo pomene. 20  
\* Diso di titi ná di kwalane dia na: Na si ben 21  
lambo bolane oa; to mulopo pe kwalane  
miende na: Nasiben lambo bolane binyo. \* Nde 22  
buka nika, be belongi ba nyolo bena be m'

## I Onyola bato ba Korinto 12. 13.

- 23 enene ka bobo, be ma-pulabe, \*nde be pe  
bena bem'enene na biso biana besiben edube  
o nyolo, bemene nde di ma-bolano edube buka  
bene; be pe bena besim'enene bwam, mo nde  
24 di ma-doliseno, \*ebanja be bena be bwam be  
si ma-pula nika. Nde Loba a lati nyolo, a boli  
be bena besibi edube endene buka bene,  
25 \*ná jabane di si be o nyolo, ná beloŋgi be  
bene jombwea la bwam ewo na yene na  
26 jalatane diwo. \*Nde eloŋgi ewo e ma-taka  
te, beloŋgi bese be ma-taka muemba na mo;  
eloŋgi ewo e bolabe pe te edube, beloŋgi  
bese be ma-bwa munyenŋe muemba na mo.  
27 Nde binyo le nde nyol'a Kristo na beloŋgi,  
28 moto te yao epasi. \*Nde Loba a tese doŋgo  
o muemba: o ka boso bamuloloma, ni londe  
iba batoperi-ba-mudi, ni londe ilalo baleedi,  
ombusa nika bebolo ba betanysedi, denŋe bo-  
lise la baboedi, bola la joŋgwane, janea, nyai  
29 a l'eme. \*Bese nde be bamuloloma e? Bese  
nde be batoperi-ba-mudi e? Bese nde be  
baleedi e? Bese nde ba ben bebolo ba be-  
30 tanysedi e? \*Bese nde ba ben jabea la bolise  
baboedi e? Bese nde ba ma-tope l'eme e?  
31 Bese nde ba ma-wele teleye mo e? \*Nde  
binyo pulise mabea m'asam. Nde na ma-pula  
leele binyo ŋgea ni peti.

- 13 To na topo nde na l'eme la bato na la  
angel, nde na si bene ndolo, ke ne nde ka  
ebenye e ma-bole mumban, to ka muken mu  
2 ma-tope. \*To na bene pe nde laŋgwa la be-

## I Onyola bato ba Korinto 13.

dinge, na bia pe besoka bese na dibie lese;  
to nabene pe nde jemea lese, ka nyena nena  
na sumwa midongo, nde na si bene ndolo, ke  
na titi to-lambo. \* To n'abane pe nde bema 3  
bam bese na batuedi; to na bola nde nyol'  
am o disabe, nde nasi bene ndolo, ke e si ma-  
tombwane mba to-lambo.

Ndolo e ma-welisane nye pe muyao, ndolo 4  
esima-konone, ndolo esi m'asese, esima-londo-  
meyer, \* e si ma-bola edemo e si doli, e si ma- 5  
pulise onyola momene, esima-lingisabe, ke e  
kumwabe, e si ma-laŋga bobe. \* E si ma-bwa 6  
munyenge onyola bobe, nde e ma-bwa mu-  
nyenge onyola mbale. \* E ma-dibele mese, e 7  
ma-dube mese, e ma-pite mese, e ma-sibise  
nyolo onyola mese.

Ndolo e si ma-bo. Laŋgwa la bedinge di 8  
ma-bo, l'eme loma-sua, dibie di ma-bo. \* Ebanja 9  
dibie lasu le nde epasi n'epasi, laŋgwa lasu  
la bedinge pe epasi n'epasi. \* Nde di di londi 10  
di poi te, ke di l'epasi n'epasi di ma-tomba.  
\* Niponda na tano muutu, na ta nde na topo 11  
ka muutu, na ta nde na dutea ka muutu, na  
ta pe nde n'ongele ka muutu; nde na poino  
moto na mba na bole mambo ma muutu.  
\* Ebanja tatan di m'ene nde o jene o minia; 12  
nde ombusa nika, boso na boso. Tatan na  
ma-bia nde epasi n'epasi, nde ombusa nika  
namende bia kana mbamene nabiabeno. \* Nde 13  
tatan man malalo nde mama-tingame:  
jemea, dipita na ndolo; nde ndolo nde  
ebuki mane mese bondene.

## I Onyola bato ba Korinto 14.

- 14 Bupe ndolo ombusa, pulise mabea ma Mudī,  
nde ka lambo la boso, ná lo tope bedinge.
- 2 \* Ebanja nu nu ma-tope l'eme asima topo na  
bato, nde na Loba; ebanja to-moto a si ma-  
sontane mo, nde a ma-topo nde besoka o
- 3 mudī. \* Nde nu nu ma-tope bedinge, a ma-  
topo nde na bato, onyola longisane na jomele
- 4 na lokomea. \* Nu nu ma-tope l'eme, a ma-  
longise nde momene; nde nu nu ma-tope be-
- 5 dinge ama-longise muemba. \* Na wusa tondo  
ná binyo bese lo tope l'eme, nde buka nika  
na wusa tondo ke lo ma-topo nde bedinge.  
Ebanja nu nu ma-tope bedinge a buki nu nu  
ma-tope l'eme; e be te ná ama-teleye pe mo,
- 6 ná muemba mu kuse longisane. \* Na nde, a  
bonate, na poi te na binyo ka mowó nu ma-  
tope l'eme, njika museñ na wusano bola binyo,  
na si kwalisan te binyo o bebisedi, to o dibie,  
to o langwa la bedinge to o beleedi e?
- 7 \* Mambo ma si ben longe, mena ma ma-bole  
mumban, ka isese to ndinga, ba si ma-bola te  
nyai a madoi ka bwam, nja a mende sontane  
nje e longobe o isese to jobabe o ndinga e?
- 8 \* To museba pe, mu boli te doi di si bake,
- 9 nja ena a boñsane onyola bila e? \* Nikamene  
pe nde yeno, yetena lo si ma-topo te beyala  
be bake na eyeme, neni beno ná ba sontane  
ma mā-kwalabe e? Ke lo ma-kwalisane nde
- 10 ngo. \* Gita la nyai a miambo ye o mundi-  
ma-wase, nde to bowó bo titi boena ba si ma-
- 11 sontaneneno. \* Nde yetena na si bī te janda la  
bwambo, ke na ma-be nde muen na nu nu ma-

## I Onyola bato ba Korinto 14.

tope, nu nu ma-tope pe muen na mba. \* Nika- 12  
mene pe na binyo, kana loma-puliseno mabea  
ma Mudī, ombwea nde onyola longisane la  
muemba, ná lo bene njoasoa. \* Onyola nika 13  
nu nu ma-tope l'eme, a kane, ná a wele pe  
teleye mo. \* Ebanja yetena na ma-kane te na 14  
l'eme, ke mudī mam mu ma-kane, nde sontane  
lam di si ma-bola to-lambo oten. \* Nje so e? 15  
Na ma-kane o mudī na ma-kane pe na sontane;  
na ma-longo mienge na mudī, na ma-longo pe  
na sontane. \* Ebanja yetena o ma-namse te 16  
na mudī, neni nu nu jai o bejedi ba nu  
s'oko, eno ná a kwala Amen onyola bola longo  
la masoma, kana a si bino nje o ma-kwalano  
e? \* Ebanja o ma-bola nde masoma ka bwam, 17  
nde nupepe a si ma-longisabe. \* Na ma-bola 18  
masoma na Loba, ná na ma-topo l'eme buka  
binyo bese. \* Nde o muemba na tondi topo 19  
beyala betanu na sontane lam, ná na longise  
pe bane bapepe, buka dom la lokoli la beyala  
na l'eme.

A bonate, lo si timba bana o sontane, nde 20  
lo be nde bana o bobe, nde o sontane timba  
ka bato ba koki. \* E tilabe o mbenda na: 21  
„Na mende kwalisane din tumba na ben ba  
l'eme, na ben ba bepopo, nde to nika ba si  
mende sengane mba, nika nde Saŋgo a kwa-  
lino.“ \* Na so nde l'eme le nde eyemban, 22  
seto na ba ba dube, nde na ba basi dube; nde  
langwa la bedinge di titi onyola ba basi dube,  
nde onyola ba ba dube. \* Muemba muese mu 23  
kotom so te, nde bese ba topo nde l'eme,



## I Onyola bato ba Korinto 14.

- bato ba s'oko, to basi dube ba poi te, basi mende kwala na, lo ma-b<sup>o</sup>a ndé njou e?
- 24 \* Nde yetena bese ba ma-langwa te bedinge, nde mowó nu si dube, to nu s'oko a po, a mende kokisabe na bese na kaisabe pe na
- 25 bese, \* mambo ma mulema mao ma wutam ma mende biisabe, nde a mende ko o boso bao, 'owe Loba, a pusele ná Loba e oteten anyu nambale.
- 26 Neni so, a bonate? Lo kotom te, mowó nyanyu te a ben muenge, a ben beleedi, a ben topo la l'eme, a ben bebisedi, a ben teleye, nde mese ma bolane nde onyola longisane.
- 27 \* Ba ma-topo te l'eme, ba tope nde baba, to o ka yese balalo, nde mowó mowó, nde moto
- 28 a teleye mo. \* Nde nu ma-teleye a titi te, ba je na pi o muemba, ba tope nde na babo
- 29 momene na Loba pe. \* Batoperi-ba-mudi pe ba tope nde baba to balalo, nde bane bapepe
- 30 ba kaise. \* Nde bebisedi be poyedi te mowó
- 31 nu jai wase, nya boso a je na pi. \* Ebanja binyo bese lena lo wele topo bedinge, mowó
- 32 mowó, ná bese ba leabe, b'omabele pe. \* Midí ma batoperi-ba-mudi, mie owasa janea la
- 33 batoperi-ba-mudi; \* ebanja Loba a titi Loba la mpungu, nde la musango, kana o miemba
- 34 mese ma basangeri. \* Bito ba je na pi o miemba; esibolabe babo wonja o topo, nde ba sibise nde babomene, kana mbenda ekwa-
- 35 lino. \* Nde ba ma-pula te jokwa lambo, ba baise nde bome babu o mboa. Ebanja ye lambo la ison na muto o topo o muemba.

## I Onyola bato ba Korinto 14. 15.

\* N̄ga eyal'a Loba ewu nde na binyo e? 36  
 N̄ga e poyedi nde binyo momene e? \* Ye- 37  
 tena mowó a m' on̄gele te na, e mutoperi-a-  
 mudī to nu ben jabea la Mudī, a bie, ná man  
 na ma-tileano binyo, me nde mbend'a Sāngo.  
 \* Nde moto a sitondi te s̄ontane nika, a ja 38  
 nde. \* Na nde, a bonate, pulise topo la bedinge, 39  
 nde lo s'eka topo la l'eme. \* Mambo mese 40  
 ma bolane nde na bedemo ba bwam, na ka  
 ni tem bwam pe.

A bonate, na ma-biise binyo onyola mian̄go- 15  
 ma-bwam miena na lāngwedino binyo, miena  
 lo kusino, miena lo temedino, \* miena onyol' 2  
 ao nde lo m' on̄gisabeno, lo t̄ingam te na njika  
 beyala na ta na lāngwea binyo, e be te ná ke  
 lo dube nde n'ewolo. \* Ebanja na sele nde 3  
 bola binyo, ka lambo la boso, nje mbamene  
 na kusino: ná Kristo a wedi onyola miobe  
 masu, kaponda betiledi, \* na ná a ta a p̄ulabe, 4  
 na ná a ta a pumbwabele o bunya bo londe  
 milalo, kaponda betiledi, \* na ná a ta 'enene 5  
 na Kefa, ombusa nika pe na dom na baba.  
 \* Ombusa nika a ta 'enene na bona-sāngo, 6  
 buka to bebwea betanu o n̄gedi po, bena  
 dōngo labu dindene be lōnge natena tatan,  
 dōngo pe ba má-ko iyo. \* Ombusa nika a 7  
 ta 'enene na Yakobo, ombusa pe na bamulo-  
 loma bese. \* Nde o sukan a bese 'enen pe 8  
 na mba, ka mowó nu yabe obiana pond'ao  
 e ma-po. \* Ebanja mba ne nde nusadi, buka 9  
 bamuloloma bese, ka nyena na si dōngamen

## I Onyola bato ba Korinto 15.

- o belabe nya muloloma, ebanja nata natakise  
10 muemba ma Loba. \*Nde onyola nded'a  
Loba ne nde nje neno, nde nded'ao na mba  
e si ta ewolo, ebanja na boli ebolo gita buka  
babo bese, nde seto mba, nde nded'a Loba  
11 nyena nye na mba. \*To e be so nde mba,  
to babo — nika nde di ma-langwano, nika-  
mene pe nde lo tano lo dube.
- 12 Nde yetena Kristo a langwabe te ná a  
pumbwabele o kwedi, neni so dongo oteten  
anyu ba ma-kwalano na: bepumbwedi ba kwedi  
13 be titi? \*Yetena bepumbwedi ba kwedi be  
14 titi, ke Kristo pe asi pumbwabele; \*nde  
Kristo asi pumbwabele te, ke belang-  
wedi basu bende ewolo, ke jemea  
15 lanyu pe le nde ewolo. \*Ke biso pe  
di ma-sobe nde mbon a lobaŋgo ya Loba,  
ebanja di boli mbon onyola Loba, ná a pumb-  
wele Kristo, nyena a si pumbweleno, yetena  
16 ye ná bawedi ba si ma-pumbwabele. \*Ebanja  
yetena bawedi ba si ma-pumbwabele, ke to  
17 Kristo pe asi pumbwabele; \*nde Kristo a si  
pumbwabele te, ke jemea lanyu je nde ewolo,  
18 ke lodia o miobe manyu, \*ke ba pe ba kwedi  
19 iyo o Kristo ba nyam nde. \*Yetena o din  
longe mene nde di piteno Kristo, ke je nde  
bato ba ndenge buka bato bese.
- 20 Nde Kristo a pumbwabele so o kwedi, ka  
21 mot'a boso o ba ba kwedi iyo. \*Ebanja  
kana onyola moto mowó kwedi epoino, ni-  
kamene pe bepumbwedi ba kwedi onyola moto  
22 mowó. \*Ebanja kana o Adam bese ba ma-

## I Onyola bato ba Korinto 15.

won<sub>o</sub>, nikamene pe o Kristo bese ba matimbisabe lon<sub>ge</sub>. \* Nde moto te nyao ponda: 23  
nyaboso Kristo, ombusa nika ba bena be ba  
Kristo, o bepoyedi bao; \* den<sub>ge</sub> su di ma-po, 24  
ponda a ma-baken<sub>o</sub> janea na Loba Tete, a  
ma-bolen<sub>o</sub> manea mese na nginya yese na  
ngum yese. \* Ebanja 'angamen janea nat<sub>e</sub> 25  
a nen<sub>gele</sub> basingeri bese owasa mata<sub>nga</sub> mao.  
\* Musingeri nu sukan nu mende nyamsabe e 26  
nde kwedi. \* „Ebanja a nen<sub>gele</sub> mese owasa 27  
mata<sub>nga</sub> mao.“ Nde a kwali te na mese ma  
sibisabe owas'ao, ke e telam na nu nu sibise  
mese owas'ao a titi o musongi. \* Nde yetena 28  
mese ma sibisabe te owas'ao, den<sub>ge</sub> momene,  
Muna pe, a mende sibise momene owasa nu nu  
sibise mese owas'ao, na Loba abe mese na mese.

E titi te nika, ke ba ba ma-dubisabe onyola 29  
bawedi ba ma-bolea ne? Yetena bawedi ba  
si ma-pumbwa te, ke onyola nje ba ma-dubi-  
sabeno pe onyola bawedi e? \* Onyola nje so 30  
di endedino na ndutu ponda yese e? \* Iwie, 31  
nambale, onyola musesako manyu na benno  
o Kristo Yesu, Sango asu, nama-wo bunyate.  
\* Yetena, kaponda bedemo ba bato, n'anan te 32  
nyama i kwany o Efeso, na ben njika muse<sub>n</sub>  
oten e? Yetena bawedi ba si ma-pumbwa te,  
esele so biso di de, di nyo pe, ebanja kiele  
di ma-wo. \* Lo si wondobe: Kolongone 33  
la bob<sub>e</sub> di ma-nyamse bedemo ba bwam.  
\* Be penya ka bwam, lo si bola bob<sub>e</sub>; ebanja 34  
dongo lanyu ba si bi to-lambo onyola Loba,  
na ma-kwala nde man o solise binyo.

## I Onyola bato ba Korinto 15.

35 Nde moto ena a kwala na: Neni bawedi  
 ba ma-pumbwabeleno e? ba mende busane  
 36 njika nyolo e? \*'Elemā! Ma o ma-sano, ma  
 37 si wedi te, ma si ma-pumea. \*Ma pe o ma-  
 sano, o si ma-sa nyolo ni mende be, nde  
 musoloki ma mbolako, to e be nde mbasi, to  
 38 nyai nipepe; \*nde Loba a ma-bola mo nyolo,  
 kana a tondino, nde nyai a mbolako te nyao  
 39 nyolo. \*Seto nyama yese nde ye nyai po:  
 nyai po nye nde nya bato, nipepe pe nya  
 beyembe, nipepe pe nya sue, nipepe pe nya  
 40 lonon. \*Manyolo ma mony me, na manyolo  
 ma wase pe; nde bosangi ba ma ma mony  
 boe nyao nyai, ba ma ma wase pe nyai  
 41 nipepe. \*Bosangi bopepe boe nde ba wei,  
 bosangi bopepe pe ba modi, bosangi bopepe  
 pe ba ngengeti; ebanja ngengeti po e ma-  
 42 tukwa na nipepe o bosangi. \*Nikamene pe  
 na bepumbwedi ba kwedi. Ema-sabe o ka  
 ni ma-nyame, nde emende pumbwabele  
 43 o ka ni sima-nyame. \*Ema-sabe na ka  
 ni siben edube, nde emende pumbwa-  
 bele na bosangi. Ema-sabe na bobo,  
 nde emende pumbwabele na nginya.  
 44 \*Ema-sabe nyol'a eyobo, nde emende pumbwa-  
 bele nyol'a mudī. Nyol'a eyobo nye te, ke  
 45 nyol'a mudī pe nye. \*E tilabe pe nika na:  
 „Mot'a boso, Adam, a timbi mudī ma longē;  
 46 Adam ni sukan mudī muma-bole longē.“ \*Nde  
 di la mudī di titi la boso, nde di l'eyobo, nde  
 47 ombusa di la mudī. \*Mot'a boso a wu nde  
 o wase, e nde nya wase; moto nu londe baba

## I Onyola bato ba Korinto 15.

e nde Saṅgo ni wu o mony. \* Kana nya wase 48  
eno, nikamene nde ba wase pe beno; kana  
nya mony eno, nikamene nde ba mony pe  
beno. \* Nde kana di tano di bene bowan ba 49  
nya wase, nikamene pe nde di mendeno bene  
bowan ba nya mony.

Nde na ma-kwala nde man, a bonate, ná 50  
eyobo na maya ba titi na ba saṅgwa janea la  
Loba, to ka ni ma-nyame, e si ma-saṅgwa ka  
ni si ma-nyame. \* Ombwa, na ma-laṅgwea 51  
binyo esoka, seto biso bese nde di mende ko  
iyo, nde biso bese di mende tukwabe, \* dibo- 52  
kimene o bepolimedi ba miso, o museba mu  
sukan. Ebanja museba mu mende topo, nde  
bawedi bamende pumbwabele na ka ni si ma-  
nyame, nde biso di mende tukwabe. \* Ebanja 53  
ni ka ni ma-nyame ny'aṅgamen nde boto ka  
ni si ma-nyame, ni ka ni ma-wo pe ny'aṅgamen  
boto ka ni si ma-wo. \* Nde ni ka ni ma-nyame 54  
e boti te ka ni si ma-nyame, ka ni ma-wo pe  
e boti te ka ni si ma-wo, denge eyala etilabe  
e mende londa na: \* Kwedi e minyabe o 55  
bebukedi: A kwedi muse mongo mue ue?  
A mudi-ma-kwedi bebukedi bonggo be  
ue e? \* Nde muse ma kwedi mue nde 56  
bobe, nde nginy'a bobe nye nde mbenda.  
\* Nde masoma mabe na Loba, nu boli 57  
bisobebukedi onyola Saṅgo asu Yesu  
Kristo. \* Onyola nika, a bonate, embame, 58  
lo si soa, beṅga be nginya o ebol'a Saṅgo;  
kana lo bino ná ebol'anyu etiti ewolo o  
Saṅgo.

## I Onyola bato ba Korinto 16.

- 16 Nde onyola ka njaŋgi onyola basan̄geri,  
binyo pe bola kana natesen̄o onyola miemba  
2 ma Galatia. \* O bunya ba boso ba woki te,  
mowó na mowó nyanyu te a wen̄gele nje a  
welino, ná napoi te e si pule pe ná ba kotele  
3 njaŋgi. \* Nde na poi te, bato binyo lo posino  
na mende loma babo na kalati, ná b'alan̄e  
4 joŋgwane lanyu o Yerusalem. \* Nde yetena  
(njaŋgi) e don̄gamen te, ná mbamene pe n'ale,  
5 ke bena b'ala muemba na mba. \* Nde  
na mende po na binyo, ke na bole tomba  
Masedonia; ebanja na mende tombea la Mase-  
6 donia, \* nde pondapo na mende ja na binyo,  
to tombise epupa, ná lo tata diele mba to  
7 ueni na m'alano. \* Ebanja seto o n̄gea mo-  
mene nde na ma-pulano jene binyo nin n̄gedi,  
ebanja na pite o ja na binyo son a ponda  
8 bwambwam, ke Saŋgo 'emedi. \* Nde na ma-  
ja o Efeso natena bunya ba komabe la Mudĩ  
9 Musan̄gi; \* ebanja jombe dindene l'ebolo di  
telam onyol'am, nde gita la basin̄geri pe be.  
10 Nde Timoteo a poi te, ombwa ná a ja  
oteten anyu esib̄e boŋgo; ebanja mo ama-  
11 bola ebol'a Saŋgo kana mba. \* Moto a si yaña  
so mo! L'esele mo na musan̄go, ná a ye na  
mba; ebanja nam'en̄gele mo muemba na bona-  
12 saŋgo. \* Nde onyola ka muna-saŋgo asu  
Apolo, na ta n'omele mo gita, ná a ye na  
binyo muemba na bona-saŋgo; nde a si ta a  
pula tomtom ná a ma-po tatan, nde a mende  
13 po, ke akusi pond'a bwam. \* Be penya,  
embame o jemea, be ka bome, be n̄ginya.

## I Onyola bato ba Korinto 16.

\* Esele mambo manyu mese ma bolane o 14 ndolo.

Nde na m'omele binyo, a bonate, lo bi 15 ndabo a Stefana, ná nye nde epum'a boso o Akaia, na neni ba bolino babo momene onyola bolea la basangeri; \* ná binyo pe lo sibise 16 binyomene owas'abu na owasa moto te nu ma-bole ebolo na nongo pe ndutu muemba na babo. \* Na ma-bwa munyenge onyola 17 bepoyedi ba Stefana na Fortunato na Akaiko, ebanja babo balondise di lena di ta di pula binyo. \* Ba ta b'embe mudī mam na manyu 18 pe. Binyo bia so nika bato!

Miamba ma Asia mese mi som binyo. 19 Akwila na Priskila na muemba mue o ndabo abu basom binyo gita o Saŋgo. \* Bona-saŋgo 20 bese basom binyo. Somane mowó na nune na sopa la bosangi. \* Masoma ma mba Paulo 21 na dia lam. \* Yetena moto a si tondi te Saŋgo 22 Yesu Kristo, malou ma be omōny ao. Saŋgo asu ama-po! \* Nded'a Saŋgo asu Yesu Kristo, 23 e be na binyo. \* Ndol'am e be na binyo bese 24 o Kristo Yesu. Amen.





## KALAT' A PAULO

nya mbusa

### ONYOLA BATO BA KORINTO.

---

- 1 Paulo nyamuloloma nya Yesu Kristo onyola jemea la Loba, na muna-saŋgo asu Timoteo pe, onyola muemba ma Loba muena mue o Korinto muemba na basaŋgeri beŋe  
2 be o Akaia. \* Ndedi e be na binyo na musaŋgo mu ma-we na Loba, Saŋgo asu, na Saŋgo Yesu Kristo.
- 3 Masoma ma be na Loba na Tete nya Saŋgo asu Yesu Kristo, Tete nya ndedi na Loba la  
4 lokomea lese, \* nu ma-lokomeye biso o ndut' asu yese, ná biso pe di wele lokomeye ba bena be o to-njika ndutu na di lokomea mene lena bisomene pe di kusino lokomea na  
5 Loba. \* Ebanja kana di benno betakedi ba Kristo gita, nikamene pe nde di ma-kusano  
6 lokomea gita onyola Kristo. \* Nde di matakisabe te, ke ye nde onyola lokomea na joŋgise lanyu; nde di ma-kusa pete lokomea, ke ye nde onyola lokomea lanyu, lena di mallele momene o welisane la mulemlem ma  
7 betakedi bena biso pe di ma-takano. \* Nde dipita lasu pe onyol'anyu di sikimedi, kana di bino, ná kana lo benno doŋgo o betakedi,  
8 nikamene pe na o lokomea. \* Ebanja, a bonate,

## II Onyola bato ba Korinto 1.

di si ma-pula ná e be idimbe na binyo, onyola ndutu nyena di kusino o Asia, ná di ta di takisabe bwambi buka dimene, ka nyena di si ta pe di bene dipita la loŋge. \* E, bisomene 9 di ta di má-bole na di mende wo, ná di si lakise na bisomene, nde na Loba nu ma-pumbwele bawedi, \* nyena nu sungi biso na nika kwedi, 10 nu mende pete sunge; na mo nde di weleno dipita lasu, ná a mende pete beŋga sunga biso. \* Kana binyo pe lo latino o joŋgwane 11 onyola sosomea onyol'asu, ná masoma ma bolabe onyol'asu na gita la bato onyola jabea la ndedi, lena di kusino onyola gita la bato. \* Ebanja din nde le jasese lasu: Mboŋ a 12 mulema masu, ná di ta di daŋgwa o mudi ma wase, nde sepon oboso banyu, o bosaŋgi na mbal'a Loba, seto o dibie la wase, nde o nded'a Loba. \* Ebanja di si ma-tilea binyo 13 to-lambo, ke ma mena lo ma-laŋgano, lo masontaneno pe; nde na pite ná lo mende sontane mo o ka yese, kana lo sontanno biso son, \* ná je nde jasese lanyu, kana binyo pe 14 leno lasu o bunya ba Saŋgo Yesu.

O din dipita nde na tano na pula po na 15 binyo nged' a boso, ná lo kuse ndedi nipepe, \* o tombea oteten anyu wala o Masedonia, 16 na wa pe o Masedonia timba na binyo, na o diabele na binyo wala o Yudea. \* Kana na 17 tano so na pula nika, e ta nde mba joŋgele la wuruwuru e? To ma na ma-pulano, na ma-pula nde mo kaponda eyobo, ná ē, ē, e be pe nde mba kem, kem? \* Nde kana Loba 18

## II Onyola bato ba Korinto 1. 2.

leno mbale, nika pe nde eyal'asu e si ta na  
19 binyo ē na kem. \*Ebanja Mun'a Loba, Yesu  
Kristo, nu laŋgwabe oteten anyu onyol'asu,  
onyol' am na Silwano na Timoteo, e si ta ē na  
20 kem, nde e timbi nde ē oteten ao. \*Ebanja  
to-njika gita makaki ma Loba meno,  
o mo nde ē na amen beno, onyola sesa  
21 la Loba onyol asu. \*Nde nu nu m'embe  
biso muemba na binyo o Kristo, nu ta pe ny'  
22 okise biso, e nde Loba, \*nu bate pe biso  
eyemban, nu boli pe tunge a Mudī o milema  
masu.

23 \*Nde na ma-bele Loba ka mboñ omony a  
mudī mam, ná na si ta nde na po pe o Korinto o  
24 ka wengele binyo. \*Seto ná di m' anea jemea  
lanyu, nde je nde bongwanedi ba munyengete  
manyu; ebanja lo ma-teme nde onyola jemea.

2 Nde na bole nde na mbamene ná na si po  
2 pete na binyo na ndutu. \*Ebanja na ma-  
bwese te binyo ndutu, nja pe so a ma-bwese  
mba munyengete, ke seto nu nu ma-bwesabe  
3 ndutu na mba e? \*Nde na tiledi nde binyo  
din lambo mene, ná na poi te na si kusa ndutu  
na ba bena n'aŋgamenno kusane munyengete,  
kana na benno dipita na binyo bese ná mun-  
yengete mam mue pe nde munyengete ma binyo  
4 bese. \*Ebanja na tiledi binyo na gita la  
misodi o gita la ndutu na bonggo ba mulema,  
seto ná lo bwe ndutu, nde ná lo bie ndolo  
5 nyena na benno, sepon na binyo. \*Nde yetena  
mowó a boli te lambo la ndutu, ke a si bwese  
mba ndutu, nde epasi ewo (ná na si kwala

## II Onyola bato ba Korinto 2.

ka bwambi) na binyo bese pe. \*Nde e don- 6  
gamen onyola mowó nya ninka din kokise  
lena di bolabe mo na gita lanyu; \*tatan so 7  
ka ni tengen nika, binyo lakise nde mo na  
lokomea, e si ya be nya ninka mowó a loisabe  
na ndut'a bwambi. \*Onyola nika na m'omele 8  
binyo ná lo leele ndolo na mo. \*Ebanja on- 9  
yola nika nde na tano na tilea binyo, ná na  
keke binyo, nga lo ma-seŋgane o mambo mese.  
\*Nde nu nyena lo ma-lakiseno, mba pe na 10  
ma-lakise mo; ebanja di na má-lakiseno (ye-  
tena na lakise lambo), na lakise nde mo onyol'  
anyu oboso ba Kristo, \*ná di si ya be di 11  
lemsabe na Satan; ebanja misomba mao mi si  
wutam na biso.

Nde niponda na pino o Troa onyola lang- 12  
wa la miango-ma-bwam ma Kristo, jombe di  
telabeno mba o Saŋgo, \*na si ta na bene 13  
wumse o mudí mam, ebanja na si ta na bomane  
muna-saŋgo am Tito, nde na ta na naŋgane  
babo, n'ala o Masedonia. \*Nde masoma ma 14  
be na Loba, nu ma-bole biso bebukedi ponda  
yese o Kristo, nu ma-biise pe enumb'a dibie  
lao onyol'asu wuma yese. \*Ebanja je nde 15  
na Loba enumb'a pwepwe ya Kristo oteten  
a ba bena ba m'ongisabe na oteten a ba bena  
ba ma-nyame: \*ban enumb'a kwedi onyola 16  
kwedi; bane pe enumb'a loŋge onyola loŋge.  
Nja a dongamen onyola ninka e? \*Ebanja 17  
bisó di titi ka gita, bena ba ma-puŋgwe eyal'a  
Loba, nde di ma-topo nde o Kristo oboso ba  
Loba o ka mbale na ka ni wu na Loba.

## II Onyola bato ba Korinto 3.

- 3 Di ma-botea pete o sesa bisomene? Nga  
e ma-pula pe biso ka doŋgo la bato o jalea  
kalat'a musesak<sub>o</sub> o po na binyo, to kalat'a  
2 musesak<sub>o</sub> ni ma-we na binyo e? \* Binyo nde  
le kalat'asu, ni tilabe o milema masu, nyena  
3 ni bian na laŋgabe na bato bese. \* Lo bian  
ná le kalat' a Kristo, ni poŋgobe na biso, ni  
si tilabe na tinte, nde na mudī ma Loba la  
loŋge, seto o bebapa ba madale, nde o bebapa  
4 ba eyobo ba mulema. \* Nde di ben nde ninka  
5 lakise na Loba onyola Kristo. \* Seto na di  
doŋgamen o joŋgele lambo na bisomene, kana  
di ma-wa nde na bisomene, nde doŋgamene  
6 lasu di ma-wa nde na Loba, \* nu ma-bole  
biso ná di doŋgamene o be baboledi ba male  
ma penya, seto ma litera, nde ma mudī. Eban-  
ja litera ema-bwa, nde mudī mu ma-timbise  
nde penya.
- 7 Nde yetena ebol'a kwedi yena e ben litera  
i poabe o madale, e busan te nika bosangi,  
ka nyena Bona-Israel ba si ta ba wele jom-  
bwa boso ba Mose, onyola bosangi ba boso  
8 bao, boena bo ta bo ma-tombe: \* neni ebol'a  
mudī e si mendeno bene bosangi buka nika?  
9 \* Ebanja yetena ebol'a bekwesedi ye te bo-  
sangi, ke ebol'a teme-la-sim e mende bene  
10 bosangi bo pakapakan. \* Ebanja di di tim-  
bisabe bosangi, di si timbisabe bosangi pem-  
bisane na bone onyola bosangi bo pakapakan.  
11 \* Ebanja yetena busa la di lena di ma-nyame,  
di ta te bosangi, ke di lena di ma-tiŋgame di  
mende be o bosangi buka nika.

## II Onyola bato ba Korinto 3. 4.

Kana di benno so nika dipita, di ma-bolane 12  
bokenju bondene, \* seto ka Mose nu ta nu wele 13  
ekuruman o boso bao, ná Bona-Israel ba si  
wele jene su la di lena di ma-nyame; \* nde 14  
mongele mabu ma ta m'enyisabe. Ebanja  
natena bon ba oenge ye ekuruman e dia e  
nanga o langa la male ma kwan, esibe telame,  
ebanja e sumwabe nde o Kristo. \* Nde natena 15  
oenge, to-njika ponda Mose a ma-langabe te,  
ekuruman e ma-nanga o milema mabu. \* Nde 16  
b'atele te o timba na Saŋgo, ekuruman e ma-  
sumwabe. \* Nde Saŋgo e nde Mudī, nde 17  
wuma Mudī ma Saŋgo mueno, oten nde  
wonja nyeno. \* Nde biso bese bena di m' 18  
ombwe bosangi ba Saŋgo o jene na boso bo  
telam, di ma-tukwabe o mulemlem ma bowan  
o bosangi na o bosangi, ka ni ma-we na  
Saŋgo a Mudī.

Onyola nika so kana di benno ninka ebolo, 4  
kana di kusino ndedi, di si ma-wolo, \* nde di 2  
bole nde mambo ma diwuta ma ison mese,  
kana di si ma-dangwano na mawondon, to puŋ-  
gwa eyal'a Loba; nde di ma-leele nde biso-  
mene o mulema ma moto te oboso ba Loba  
onyola bebisedi ba mbale. \* Nde miango 3  
masu ma bwam mi wutam te, ke mi wutam  
nde na ba ba ma-nyame, \* bena oteten 4  
abu Loba la mun mundi-ma-wase a dimseno  
mongele ma ba bena ba si dube, ná muenen  
ma miango-ma-bwam ma bosangi ba Kristo,  
nyena nye bowan ba Loba, mu si panyea babo.  
\* Ebanja di si ma-langwa bisomene, nde Kristo 5

## II Onyola bato ba Korinto 4.

Yesu, ka Saṅgo, bisomene pe ka baboledi  
6 banyu onyola Yesu. \* Ebanja Loba, nu kwali  
na: muenen mu buse o muititi, a panyi o mi-  
lema masu onyola muenen ma dibie la bosaṅgi  
ba Loba, oboso ba Kristo.

7 Nde di ben nde ninka diwuta la bema o  
bewa ba weya, ná ṅginya ni pakapakan e be  
8 nde nya Loba, seto na biso, \* jena di endedi  
na ndutu wuma yese, nde di si nyosobe te,  
9 di bwesabe boṅgo, nde di si boḃe te, \* di taki-  
sabe, nde di si kyomabe te, di kwesabe wase,  
10 nde di si bwabe te. \* Di ma-daṅgwane nde  
kwed'a Yesu o manyolo masu ponda yese,  
ná lonḡe la Yesu pe di biisabe o manyolo  
11 masu. \* Ebanja biso jena je lonḡe di bakabe  
o kwedi ponda yese onyola Yesu, ná lonḡe  
la Yesu pe di biisabe o eyobo asu e ma-wo.  
12 \* Nika so nde kwedi e ma-bola oteten asu,  
13 nde lonḡe oteten anyu. \* Nde kana di benno  
mulemlem ma mudī ma jemea, kana e  
tilabeno na: „Na dube, nika nde na to-  
pino“, nika nde biso pe di ma-dube, onyola  
14 nika pe nde di ma-topono; \* kana di bino  
ná nu nu pumbwele Yesu, a mende pe pumb-  
wele biso muemba na Yesu na tese biso  
15 muemba na binyo. \* Ebanja mambo mese  
ma bolabe nde onyol'anyu, ná ndedi ni timbi  
kolē onyola bagita e beṅge kolise masoma  
16 onyola edub'a Loba. \* Onyola nika di si ma-  
bobo, nde to mot'asu nya eyobo anyama nde, ke  
nya teten a ma-timbisabe penya bunya na bun-  
17 ya te. \* Ebanja ndut'asu ni bobinyena

## II Onyola bato ba Korinto 4. 5.

nye sona ponda, e ma-wekea nde biso  
na ka ni pakapakan dimene la bodi-  
lo la bosangi ba bwindea, \* na biso 18  
bena di si m'ombwe mambo ma m'e-  
nebe, nde mambo masi m'enebe. Eban-  
ja mambo mam'enebe me nde elo-  
longe, nde mambo masi m'enebe me  
bwindea.

Ebanja di bi na, yetena ndabo asu nya 5  
wase nya munoko e bulabele te, di ben bo-  
longi bolongabe na Loba, ndabo ni sipongobe  
na maa, nyena nye bwindea o mony. \* Nde 2  
o nin nde di ma-sunjumeano na be pe nyongi  
o botisabe omony (ao) na ndabo asu nya mony,  
\* yetena, di si mende sobe musamba, to di bo- 3  
tisabe nde. \* Ebanja kana jeno o mun munoko 4  
di ma-sunjumea na bwa pe ndutu, onyolana  
di si ma-pula songwabe mboti, nde botisabe  
omony, na man ma ma-wo ma minyabe na  
longe. \* Nde nu nu boisan biso onyola din 5  
lambo e nde Loba, nu boli pe biso tung'a  
Mudi. \* Je so ponda yese na mulema mu 6  
embam, kana di bino na, ni ponda di ma-jano  
o nyolo, je etum na Sango; \* ebanja di ma- 7  
dangwa nde o jemea, seto o beombwedi.  
\* Nde je nde na mulema mu embam, di wusa 8  
pe tondo buka nika o jasumwe o nyolo, o be  
omboa na Sango. \* Onyola nika di ma-wele 9  
nginya nyese oten o dolisane mo, to di be  
nde omboa, to di titi omboa: \* Ebanja biso 10  
bese dimende biane oboso ba bejedi ba  
muka ba Kristo, na moto na moto akuse



## II Onyola bato ba Korinto 5.

kaponda abolino o nyolo, to e be bwam to bobe.

- 11 Kana di bino so bongo ba Saŋgo, di ma-  
duta bato, nde di bian na Loba. Na pite pe  
12 na, di bian pe o milema manyu. \* Seto ná  
di ma-sesa pe nde bisomene na binyo, nde di  
ma-bola nde binyo njom a jasese onyol'asu,  
ná lo bene lambo onyola ba bena ba ma-sese  
13 nde o beombwedi, seto o mulema. \* Mulopo  
mu pambilan te biso, ke je nde onyola Loba,  
di jai te bwam, ke je nde onyol'anyu.  
14 \* Ebanja ndol'a Kristo e ma-duta biso, kana  
di ma-kaiseno na: Yetena mowó a wedi onyola  
15 bese, ke bese nde ba wedi; \* nde a wedi nde  
onyola bese, ná ba bena be longe ba si be pe  
longe onyol'abu momene, nde onyola nu nu  
16 wedi onyol'abu, nu pumbo pe. \* Onyola  
nika botea tatan di si ma-bia pe to-moto ka-  
ponda eyobo; to dita pe nde di bia Kristo  
kaponda eyobo, ke di si ma-bia pe mo nika  
17 tatan. \* Onyola nika, yetena moto e te  
o Kristo, ke e nde bewekedi ba penya.  
Mambo ma kwan ma má-tomba, ombwa,  
18 mese ma má-timba penya. \* Nde mese  
ma wu nde na Loba, nu dolisan biso na mo-  
mene onyola Kristo, nu boli pe biso ebol'a  
19 dolisane, \* ninka, ná e ta nde Loba, nu doli-  
san wase na momene o Kristo, kana a si  
laŋgedino babo miobe mabu, nde a tese nde  
20 oteten asu eyal'a dolisane. \* Bisó je so  
nde bamuloloma onyola Kristo, ka biana Loba  
a ma-bola nde jomele onyol'asu, di ma-so-

## II Onyola bato ba Korinto 5. 6.

somea so onyola Kristo: Dolisane na Loba.  
\* Nu nyena nu sita nu bia bobe, a tim- 21  
bise mo bobe onyol'asu, ná bise di timbe  
teme-la-sim la Loba oteten ao.

Kana jeno baboledi muemba (na Loba) di 6  
m'omele binyo, ná lo si kusa nded'a Loba  
n'ewolo. \* Ebanja a ma-kwala na: „Nata na 2  
sengane oa o ponda ny'angamen, o bunya ba  
jongise pe n'ongwan oa.“ Ombwa tatan ye  
nde ponda ny'angamen, ombwa tatan ye nde  
bunya ba jongise. \* Ka ba bena ba si ma-bole 3  
moto to-lambo di ma-sonjisane, ná ebol'asu e si  
sabe; \* nde omambo mese di ma-leele nde bise 4  
momene ka baboledi ba Loba, o gita la welisane,  
o matakisan, o ndutu, o bonggo, \* o mbeti, 5  
o beboa, o mpungu, o bebolo ba ndutu, o  
epenye, o kandane la da, \* o bosangi, o dibie, 6  
o betatedi ba pi, o muyao, o Mudī Musangi,  
o ndolo ni titi mawondon, \* o eyal'a mbale, 7  
o nginy'a Loba, onyola bewesan ba teme-la-sim  
o dia la mom na la dimose, \* onyola 8  
edube na bosambo, onyola busa dina  
la bobe na la bwam, kana bato bama-  
wondon, nde ba be nde ba mbale, \* kana 9  
ba si biabe, nde ba biabe nde, kana ba  
ma-wo, nde ombwa je longe, kana ba  
ma-kokisabe, nde ba si bwabe, \* kana 10  
ba ma-lebe, nde ba bwa nde munyenge  
ponda yese, kana batuedi, nde ba be  
nde ba ma-timbise gita mbwan, kana  
ba si ben to-lambo, nde ba bene nde  
mambo mese.

## II Onyola bato ba Korinto 6. 7.

- 11 A bato ba Korinto, mudumbu masu mu  
telam onyol'anyu, mulema masu mu sànjam.
- 12 \* Lo si ben wuma i walamen oteten asu, nde  
lo ben nde wuma i walamen oteten anyu.
- 13 \* Binyo timbise so mulemlem ma kamene (na  
ma-kwalane nde binyo ka bana), bola pe teten
- 14 anyu e sanjame. \* Lo si lata muen ekokoso  
na ba ba si dube. Ebanja njika bwambo teme-  
la-sim di benno na ka ni si tem na sim? To  
njika kolongone muenen mu benno na muititi?
- 15 \* Kristo na Belial ba tengen ne? To njika  
dongo nu nu dube a benno na nu nu si dube?
- 16 \* Njika dolisane tempel a Loba e benno na  
losango? Ebanja binyo le nde tempel a Loba  
la longe, kana Loba a kwalino na: „Na mende  
ja oteten abu na dangwa pe oteten abu, na  
mende be Loba labu, babo pe ba mende be
- 17 bona bam.“ \* Onyola nika binyo busa na babo,  
lo tindame na babo, nika nde Sango a kwalino,  
lo si tapa to-lambo la mbindo, nde na mende
- 18 kasa binyo, \* nde na mende be binyo Sango,  
nde binyo pe bana bam ba bome na ba bito,  
nika nde Sango nya ngum a kwalino.
- 7 A bandolo, kana di benno so ninka makaki,  
esele biso di sangise bisomene na nyai a  
mbindo yese ya eyobo na ya mudī, na londise
- 2 bosangi o bonggo ba Loba. \* Teleye biso  
bejedi o milema manyu; di si boli to-moto  
bobe, di sinyamse to-moto, di si dedi to yom'a
- 3 moto. \* Na si ma-kwala nika o kwese binyo.  
Ebanja na kwali nged'a boso, ná binyo le o  
milema masu o wo muemba mowó na be pe

## II Onyola bato ba Korinto 7.

longe muemba mowó. \*Na ben bokenju gita 4  
na binyo, na m'asese gita onyol'anyu, na  
londi na lokomea, na ben njoaso'a munyenge,  
o ndut'asu yese. \*Ebanja niponda di pino 5  
o Masedonia, eyobo asu e si ta e bene wumse,  
ke ndutu o miri mese; o eboko bewenji, oteten  
bongo. \*Nde Loba nu ma-lokomeye ba ba 6  
sibi, a lokomedi biso onyola bepoyedi ba Tito;  
\*nde seto onyola bepoyedi bao momene, nde 7  
onyola lokomea lena a lokomedino onyol'anyu,  
kana a biiseno biso nyong' anyu, mbemb'anyu,  
nginy'anyu onyol'am, ka ni boli mba na benga  
bwa munyenge. \*Ebanja na bwese te binyo 8  
ndutu onyola kalat'am na si m'ombwe. Tona  
n'ombweno (ebanja na m'ene ná nine ka-  
lati e ta e bwese binyo ndutu onyola son a  
ponda), \*na ma-bwa nde munyenge tatan, seto 9  
onyolana lo bwesabe ndutu, nde na lo bwesabe  
ndutu o jatele. Ebanja lo bwesabe ndutu  
kaponda jemea la Loba, ná lo si kusa mbolon  
na biso o to-lambo. \*Ebanja ndut'a Loba 10  
ema-weka nde jatele onyola joŋgise  
lena di si ma-wane jombwe, nde ndut'  
a mudi-ma-wase ema-weka nde kwedi.  
\*Ebanja ombwa, di bwesabe la ndutu mene 11  
kaponda jemea la Loba, njika iwie di wekino  
onyol'anyu, nde na suŋga la nyolo pe na  
manyaka na bongo na nyongi na kodi, na  
kokise! O ka yese lo leelee binyomene, ná lo  
saŋgi na bo bwambo. \*Na so nde man na 12  
tiledino binyo, na si tili onyola nu nu bolise  
ndutu, to onyola nu nu bolisabe ndutu, nde

## II Onyola bato ba Korinto 7. 8.

- o biise kod'anyu onyol'asu oteten anyu oboso  
18 ba Loba. \* Onyola nika di kusi lokomea.  
Nde onyola lokomea lasu di ta pe di beŋga  
bwesabe munyeŋge onyola munyeŋge ma Tito,  
ná mudí mao mu embabe na binyo bese.  
14 \* Nika so nde na si ta na sambwa, yetena na ta  
n'asese na mo onyol'anyu; nde kana mese  
ma tano mbale mena di tano di kwalane binyo,  
nikamene pe nde jasese lasu na Tito di timbino  
15 be mbale. \* Nde teten ao pe e beŋgi nde lata  
na binyo, ke a m'onge seŋgane la binyo  
bese, kana lo kasino mo na boŋgo na soasoane.  
16 \* Na ma-bwa munyeŋge ná nena na bene mu-  
lema mu embam onyol'anyu o mambo mese.

- 8 Nde a bonate, di ma-biise binyo nded'a  
2 Loba ni bolabe miemba ma Masedonia, \* kana  
o gita la kekise la ndutu njoaso'a munyeŋge  
mabu na tue labu dindene ba timbino kola  
onyola mbwan mabu ma saŋga la mulema.  
3 \* Ebanja kana ba welino (na ma-bola mbon  
nika), ē, buka kana ba welino, e ta nde jemea  
4 labu la wonja momene, \* ba sosomedi pe biso  
na besosomedi gita onyola ka ni ndedi na  
5 jalatane o bolea la basangeri. \* Nde ba si  
boli kana di piteno, nde ba sele nde bola babo  
momene na Saŋgo na biso pe onyola jemea  
6 la Loba, \* ka nyena di ta di omele Tito, ná  
kana a botedino ŋged'a boso, a tiŋgame nde  
nikamene o londise pe nin ndedi oteten anyu;  
7 \* ná kana binyo leno oboso o mambo mese,  
o jemea, o betopedi, o dibie na o ŋginya

## II Onyola bato ba Korinto 8.

nyese na o ndolo na biso, nikamene be pe  
oboso o nin ndedi. \* Na si ma-kwala ninka 8  
ka janea, nde o ka keka mbal'a ndol'anyu  
onyola nginy'a bapepe. \* Ebanja lo bi 9  
nded'a Saŋgo asu Yesu Kristo, kana  
a timbino tue onyol'anyu, niponda a  
tano mbwan, ná onyola tue lao, binyo  
lo timbe mbwan. \* Nde na ma-bola nde 10  
jongele lam o man; ebanja man ma dolon  
binyo, kana lo botedino o mbu mutombi, seto  
bola momene, nde jemea pe; \* tatan so lon- 11  
dise pe bola, ná kana leleme la jemea londise  
pe di be nde nikamene, kaponda nginya  
lo benno. \* Yetena jemea la bwam le te, ke 12  
e dolisan nde kaponda moto a benno, seto  
kaponda a si benno. \* Ebanja seto ná bapepe 13  
ba bobisabe, nde binyo lo kuse ndutu, nde ná  
e be nde kapo. \* Tut'anyu e m'ongwane nde 14  
taka labu o nin pond' a tatan, nde tut'abu  
pe e timbe jongwane taka lanyu, ná ka yese  
i be kapo, \* kana etilabenon na: „Nu nu kotele 15  
gita, a si ta a petane, nu pe nu kotele ngusu,  
a si ta a taka.

Nde masoma ma be na Loba nu boli mu- 16  
lemlem ma jombwea la nginya onyol'anyu o  
mulema ma Tito, \* ebanja a ta a kasa jomele 17  
lasu, nde kana a tano a bene jombwea la  
nginya na momene, a ta 'ala na binyo na  
wonja. \* Nde di ta pe di loma muemba na 18  
mo muna-saŋgo, nu ben musesako na miemba  
mese onyola ka miaŋgo-ma-bwam, \* nde seto 19  
nika momene, a posobe pe na miemba o daŋg-

## II Onyola bato ba Korinto 8. 9.

wa na biso o mambo ma nin ndedi, nyena di  
ma-bolano onyola edub'a Saŋgo momene, na  
20 onyola jemea lasu la bwam, \* o ka jeka, ná ba  
si ya be ba topo bobe onyol'asu onyola nin  
21 njaŋgi nindene ni ma-kotobele na biso. \*Ebanja  
di m'ombwea nde mambo me bwam, seto oboso  
ba Saŋgo momene, nde oboso ba bato pe.  
22 \*Di ta pe di loma muna-saŋgo asu mowó  
muemba na babo, nyena di soino iwie o gita  
la mambo gita la ŋgedi, nde a beŋgi be iwie  
23 onyola dipita dindene a benno na binyo. \*To  
e be nde onyola Tito, e nde muemba mam  
na muboledi na binyo muemba na mba, to  
onyola bona-saŋgo asu, be nde bamalomabe  
24 na miemba, edub'a Kristo. \*Binyo leele so  
mbal'a ndol'anyu na nya musesako masu na  
babo onyol'anyu oboso ba miemba.

9 Nde onyola bolea la basan̄geri e si ma-pula  
2 ná na tileye pe binyo. \*Ebanja na bi jemea  
lanyu la bwam, lena na ma-seseño onyol'anyu  
oboso ba bato ba Masedonia, ná Akaia ba ta  
ba boŋsane natena o mbu mu tombi; iwie i wu  
3 na binyo pe i ta i duta gita. \*Nde na ta na lo-  
ma bona-saŋgo ná jasese lasu onyol'anyu di si  
timba ewolo o din lambo, nde kana na kwa-  
4 lino lo be nde ba boŋsan, \*e si ya be bato  
ba Masedonia ba poi te muemba na mba, ba so  
binyo ka ba si boŋsan, na biso (na si tondi  
kwala na: binyo) di sambwa onyola din lambo.  
5 \*O nika na ta n'onge le ka bwam o jomele  
bona-saŋgo ná ba sele po na binyo oboso, o  
sele boŋsane bwam banyu lo kakanno oboso,

## II Onyola bato ba Korinto 9.

ná lo bon̄sane ka bonam, seto ka ikoki.  
\*Nde na ma-kwala nde din na: Nu nu ma- 6  
se son, amende pe nde jumbwa son,  
nu pe nu ma-se o bonam, amende pe  
nde jumbwa o bonam. \*Nde moto te 7  
kaponda am'ongeleno o mulema mao, nde  
seto na pidi to onyola manyakisan; ebanja  
Loba atondi nu nu ma-bole na mun-  
yenge. \*Nde Loba a ben nginya o koma 8  
ndedi nyese omony anyu njoasoa, ná lo bene  
ponda yese o mambo mese ka ni dongamen,  
na ka ni peti pe onyola bebolo ba bwam bese,  
\*kana etilabeno na: „A miasele, a boli batuedi, 9  
teme lao la sim di tingam natena o bwindea.“  
\*Nde nu nu ma-bole mbolako na musedi, a 10  
mende pe bola ewolo onyola da, na tondise mbo-  
lako anyu na bola bonyaki na bepuma ba teme  
lanyu la sim, \*ná lo be mbwan o mambo 11  
mese onyola sanḡa la mulema lese, lena di  
ma-weke masoma na Loba onyol'asu. \*Ebanja 12  
bola la din jongwane di si ma-bole mutaka  
ma basangeri momene, nde di m'alea pe onyola  
bola la gita la masoma na Loba, \*kana ba 13  
ma-sesano Loba onyola bwam ba yen ebolo,  
onyola sengane la pusele lanyu la jemea o  
miango-ma-bwam ma Kristo na onyola sanḡa  
la mulema la njañg'anyu onyol'abu na onyola  
bese, \*kana ba ma-bwano nyongi onyol'anyu 14  
o muka mabu onyol'anyu, onyola njoaso'a  
nded'a Loba nyena nye na binyo. \*Masoma 15  
ma be na Loba onyola jabea lao di si ma-  
wele langwabe.



## II Onyola bato ba Korinto 10.

- 10 Nde mbamene Paulo na m'omele binyo onyola pi na bwam ba Kristo, mba nyena ne te na binyo na ma-bene sibise-la-nyolo, nde  
2 ne te etum n'anya ngum na binyo. \* Nde na sosomedi na ne te na binyo na s'angamen janya ngum na ninka nginya, nyena na m'on-geleno o bolane tengene dongo, bena ba m'ongele onyol'asu na di ma-daŋgwa nde  
3 kaponda eyobo. \* Ebanja tona di ma-daŋg-wano o eyobo, di si m'ana kaponda eyobo.  
4 \* Ebanja bewesan ba bila basu be titi ba eyobo, nde be nginya oboso ba Loba onyola  
5 bulele la mandabo ma nginya, \* kana di ma-buleleno mongele na jasame lese lena di m'ase momene tengene dibie la Loba, di timbise pe mongele mese mukoma o sengane  
6 la Kristo, \* di lelem pe o kuna mayanako mese, ke yetena sengane lanyu di ma-londa te.  
7 Ombwa man me o boso banyu! Mowó a lakise te na momene ná e nde nya Kristo, a duteye pe na: kana mo eno nya Kristo,  
8 biso pe je nde nikamene. \* Ebanja to na sese nde son bwambwam onyola nginy'asu, nyena Saŋgo a bolino biso onyola longise lanyu, seto onyola bulele lanyu, ke na si mende sambwa,  
9 \* ná na s'enene biana na ma-pula nde bwese  
10 binyo bonggo onyola kalati. \* Ebanja ba ma-kwala na: kalati ye bodilo na nginya, nde jukea la wase la nyolo di bobi, betopedi pe  
11 be titi to-lambo. \* Esele nika moto 'ongele na, kana jeno o betopedi onyola kalati ke je etum, je pe nde nikamene o bebolo ke di

## II Onyola bato ba Korinto 10. 11.

ukedi wase. \* Ebanja di si ma-keka o laŋga 12  
bisomene ka doŋgo la bato, to menene biso-  
mene na ba bena ba ma-sese babo momene.  
Nde babo ba si ben dibie, kana ba ma-meneneno  
babo momene na babo momene, ba pembisane  
pe babo momene na babo momene. \* Nde 13  
biso di si ma-sese buka dimene, nde kaponda  
moyo ma dimene, muena Loba la dimene a  
bolino biso, muena di ma-pono na binyo.  
\* Ebanja di si ma-katise bisomene buka dimene, 14  
biana di si poi na binyo, ebanja di poi na binyo  
o miaŋgo-ma-bwam na Kristo. \* Di si ma-sese 15  
buka dimene o bebolo ba bato bapepe, nde di  
ben dipita, ná yetena jemea lanyu di ma-nyaka  
te, ke di mende timba bondene bwambi oteten  
anyu, kaponda moyo masu, \* ka nyena jena 16  
di wele laŋgwa miaŋgo-ma-bwam o bepasi  
be ombus' anyu, esibē sese o ma ma bolan  
o moyo m'ebolo ma bapepe. \* Nu nu ma-sese, 17  
esele mo a sese nde o Saŋgo; \* ebanja seto 18  
nu nu ma-sese momene, mo nde a ma-sobe  
mbale, nde nu nyena Saŋgo a ma-sesano.

Na wusa tondo ná lo welisane son a elemā 11  
na mba. E, lo mende welisane mo na mba.  
\* Ebanja kodi na ma-bwano na binyo nye nde 2  
kod'a Loba; ebanja na wandedi binyo mome,  
o teseye Kristo ngonder'a bosangi, \* nde nā- 3  
bwa boŋgo, e si ya be, kana nyama-bwaba  
e wondino Ewa na misomba mao, mongele  
manyu ma nyamsabe o jasumwe na mulema  
mowó ma Kristo. \* Ebanja yetena mowó a 4  
poi te, nu ma-laŋgwe Yesu nupepe, nyena

## II Onyola bato ba Korinto 11.

biso di si laŋgono, to yetena lo kusi te mudi mupepe, muena lo si tano lo kusa, to miaŋgo-ma-bwam mipepe miena lo si tano lo dube, 5 lo ta lo welisane mo bwambwam. \* Ebanja na m'ongele na, na si dia ombusa o to-lambo 6 na ban bamuloloma ba pokopoko. \* Ebanja ne te nu s'oko o betopedi, ke seto o dibie, nde di ta di biise mo oteten anyu na bato 7 bese o mambo mese. \* Nga na boli nde bobe kana na sibiseno mbamene, na binyo l'ondabele, kana na laŋgwedino binyo miaŋgo-ma- 8 bwam ma Loba tete e? \* Na ta na dane mine 9 miemba bema o bola ebolo oteten anyu, \* niponda pe na tano oteten anyu na tano pe na taka, na si ta muuna na to-mowó nyanyu; ebanja bona-saŋgo bena ba wu o Masedonia bata b'ongwane mutaka mam. O mambo mese na ta n'embe mbamene, na na si be muuna na binyo, nde na mende pe jembe mbamene. 10 \* Kana mbal'a Yesu nyeno na mba, din jasese di si mende jekabe na mba, o bepasi ba Akaia. 11 \* Onyola nje? Ebanja nasitondi binyo e? Loba 12 a bi nika. \* Nde man na ma-bolano, na mende pe beŋga bola mo o pawa njom na ba bena ba ma-pule njom, na o ma ba ma-seseno ba 13 sobe kana biso. \* Ebanja nika bato be nde bamuloloma ba lobango, baboledi ba mawondon, bena ba ma-dimbele manyolo mabu ka 14 bamuloloma ba Kristo. \* Nde nika e titi manyaka, ebanja Satan momene pe a ma-dim- 15 bele nyolo ka angel a muenen; \* e titi so lambo dindene, ke baboledi bao pe ba ma-dimbele

## II Onyola bato ba Korinto 11.

manyolo ka baboledi ba tēme-la-sim, bena su labu di mende nde be kaponda bebolo babu.

Na ma-kwala pete: moto a s'ōngele mba 16 ka elemā. Nde ye te nika, nōngo pe mba ka elemā, ná mba pe na sese son. \* Man na 17 ma-topono na si ma-topo mo kaponda Saŋgo, nde kana elemā, o lakise la din jasese. \* Kana 18 gita ba ma-seseño kaponda eyobo, mba pe na ma-sese so. \* Ebanja binyo lo ma-welisane 19 belemā na ka munyenge, ebanja le dibie. \* Onyolana lo ma-welisane yetena moto a 20 ma-timbise binyo bakom, yetena moto a ma-da te binyo, yetena moto a ma-londo binyo, yetena moto a m'ase momene, yetena moto a ma-dipa te binyo o boso. \* Na ma-kwala nde 21 ninka onyola ison am; biso di ta di bobo onyola nika. Nde onyola ma mena moto a ma-sekemeyeno (na ma-kwala nde k'elemā), mba pe nena na sekemeye. \* Be nde Bona-Heber? 22 Mba pe ne nde nikamene. Be nde Bona-Israel? Mba pe ne nde nikamene. Be nde mbot'a Abraham? Mba pe ne nde nikamene. \* Be nde baboledi ba Kristo? (Na ma-topo 23 k'elemā.) Mba na buki: o bebolo gita bwambi, o mbeti gita bwambi, o beboa buka dimene, o kwedi gita la ŋgedi. \* Na kusi na Bona- 24 Yuda ŋged'itanu muanei ma misinga e be te wutise mowó; \* na dipabe mawopi ŋged'ilalo, 25 n'angwabe madale ŋgedi po, na taki o munja ŋged'ilalo na bwea la bolo, na ta o njib'a munja muese mowó na bulu bowó; \* o ma- 26 londo gita la ŋgedi, ndutu o miopi, ndutu na

## II Onyola bato ba Korinto 11. 12.

bato ba ndumban, ndutu na tumba lam, ndutu  
na basibi, ndutu o mindi, ndutu o beyidi,  
ndutu o munja, ndutu oteten a bona-saṅgo ba  
27 mawondon, \*o bebolo na mutaka; o ja l'epeṅye  
gita la ṅgedi, o njai na nyōṅgi, o gita la  
28 kandane la da, o ṅgo na musamba. \*Omony  
a mane mese ma ma-po, walamene la bunya  
te le omomy am na jombwea onyola miemba  
29 mese. \*Nja nu ma-bobe, nde mba na si bobe?  
30 Nja ba ma-sonjiseno, nde na s'onye? \*Yetena  
jasese di aṅgamen te be, na ma-sese nde bobo  
31 lam. \*Loba na Tete nya Saṅgo asu Yesu  
Kristo, nu namsabe o bwindea na bwindea,  
32 a bī ná na si ma-topo lobaṅgo. \*O Damasko  
gobina owasa kiṇe Areta, a ta a tata mudi  
33 ma bato ba Damasko o putea mba. \*Nde na  
ta nde na sibisabe o esanja onyola winda o  
edima, nde n'ōṅgino o maa mao.

12 Jasese di aṅgamen be, nde di si ma-dolise  
to-lambo; na ma-po so nde na beenedi na  
2 bebisedi ba Saṅgo. \*Na bī nde moto o Kristo,  
nu bambabe natena o mony ni londe ilalo, o  
dom la mbu na minei mi tombi, (ṅga a ta nde  
o eyobo, na si bī, ṅga a si ta o eyobo, na si bī,  
3 Loba nde a bī). \*Nde na bī nde onyola nu  
moto mene (ṅga a ta nde o eyobo, ṅga a si ta  
4 o eyobo, na si bī, Loba a bī), \*ná a ta a bam-  
babe o Paradisi, a seṅgi beyala be si ma-wele  
topobe, bena be s'esabele moto o topo.  
5 \*Onyola numene nde na ma-seseno, nde na si  
ma-sese onyola mbamene, ke onyola bobo lam.  
6 \*Nde to na pula nde sese, ke na titi elemā,

## II Onyola bato ba Korinto 12.

ebanja na ma-topo mbale. Nde na m'embe  
mbamene, e si ya be moto a laŋga mba buka  
ka a m'enenō mba, a ma-seŋganō pe na mba.  
\* Nde ná na s'ase mbamene onyola bebisedi 7  
be pakapakan, ngeŋgele e bolabe mba o eyobo,  
angel a Satan o domele mba losilo, ná na  
s'ase mbamene. \* Onyol'ao nde na sosomedino 8  
Saŋgo ŋged'ilalo, ná ny'asumwe na mba. \* Na 9  
mo a kwalane mba na: Nded'am e doŋga-  
men na oa; ebanja nginy'am e ma-bo-  
lisabe o bobo. Onyola nika na tondi so nde  
sese onyola bobo lam, ná nginy'a Kristo e je  
oteten am. \* Onyola nika na dolisan bobo na 10  
makumwan, na ndutu, na matakisan, na ma-  
tusan onyola Kristo; ebanja na bobi te, denge  
na ma-be nginya.

Na timbi elemā; ebanja binyo lo nyakisan 11  
mba. Ebanja na ta n'aŋgamene sesabe na  
binyo; ebanja na si dia ombusa o to-lambo  
na ban bamuloloma ba pokopoko, tona na  
titino to-lambo. \* Beyemban ba bamuloloma 12  
be bolabe oteten anyu o welisane lese, onyola  
beyemban na betanysedi na bebolo ba nginya.  
\* Njika lambo lena le, lena lo yeusabeno na 13  
mine miemba mipepe, ke dinmene, ná na si ta  
muuna na binyo? Binyo lakise nde mba bon  
bobe. \* Ombwa, nin nde nye ŋgedi ni londe 14  
ilalo na boŋsanno o po na binyo, nde na si  
mende pe to be muuna na binyo; ebanja na  
si ma-pulise mambo manyu, nde binyo. Ebanja  
seto bana nde ba ma-kombeye basaŋgo, nde  
basaŋgo nde ba ma-kombeye bana. \* Nde 15

## II Onyola bato ba Korinto 12. 13.

- mba na tondi nde o bola na bolabe pe onyola  
midĩ manyu. Yetena na tondi te binyo bwambi,  
16 mba na tondobe nde son e? \*E be so nde  
na: mba na si ta muuna na binyo; nde na ta  
17 joa, na putedi binyo na musomba. \*Na ta  
na dane binyo bema onyola mowó nya ban  
18 na tano na loma na binyo? \*Mba na ta na  
sosomea Tito na loma pe muna-saŋgo mowó  
na mo, Tito nde a dan binyo bema e? Di si  
ta nde di daŋgwa na mudĩ mowó mene? Seto  
19 o mulemlem ma mataŋga e? \*Binyo  
lo m'onge le nin ponda nyese na, di ma-pula  
nde suŋga nyolo na binyo. Di ma-topo nde  
oboso ba Loba o Kristo. A bandolo, mambo  
20 mese me nde onyola loŋgise lanyu. \*Ebanja  
nā-bwa bonḡo, ná na poi te na si mende so  
binyo kana na tondino, mbamene pe n'o sobe  
na binyo kana lo si tondino; ná e si ya be  
mitaŋgo mi be na kodi na malinga na jabane  
na minda na besoka na pimbimbi na mpuŋgu,  
21 \*ná e si ya be na poi te, Loba lam a sibise  
mba oteten anyu, ka nyena n'aŋgamen bwa  
ndutu onyola gita bena ba boli bobe ŋged'a  
boso, nde ba s'atele onyola mbindo na misonje  
na munyosi ba bolino.
- 13 Nin nde nye ŋged'ilalo na ma-pono na  
binyo. Lambo na lambo te di mende tesebe  
2 o mudumbu ma mboñ iba to ilalo. \*Na ta  
na kwala ŋged'a boso, nde na ma-kwala pe  
mo tatan oboso, ka biana na ta n'ukea wase  
ŋgedi ni londe iba, nde na s'ukedino tatan,  
nà ba bena ba boli bobe ŋged'a boso na

## II Onyola bato ba Korinto 12.

bane bapepe bese, na poi te ngedi nipepe,  
na si mende wengele. \* Onyolana lo ma-pula 3  
eyemban, ná Kristo nde a ma-tope oteten am,  
nyena nu si bobi onyol' anyu, nde nye nginya  
oteten anyu. \* Ebanja tona a bomabeleno o 4  
mbasa onyola bobo, nde ete longe onyola  
nginy'a Loba. Nikamene biso pe di bobi  
oteten ao, nde di mende be longe na mo  
onyola nginy'a Loba onyol' anyu.

Keka binyomene nga le o jemea, wasa 5  
binyomene. To lo si bi binyomene, ná Kristo  
e oteten anyu e? E be te ná lo titi mbale.  
\* Nde na pite ná lo bi ná biso je mbale. 6  
\* Nde di ma-kane na Loba, ná lo si bola to- 7  
lambo la bobe, seto ná di enene ka bambale,  
nde ná binyo lo'bole bwam, nde biso di be  
nde ka ba titi mbale. \* Ebanja di si ma-wele 8  
bola to-lambo teenge mbale, nde onyola  
mbale. \* Ebanja di ma-bwa munyenge yetena 9  
bisu di bobi, nde binyo lo be nginya. Din pe  
nde di ma-sosomeano, ná lo tesebe ka ni teenge.  
\* Onyola nika nde na ma-tilang man mambo, 10  
kana na s'ukedino wase, ná n'ukedi te na  
s'angamen be bwambi, kaponda nginya nyena  
Sango a bolino mba onyola longise, seto onyola  
bulele.

O sukan, a bonate, bwa munyenge, teme 11  
ka ni teenge, bene lokomea, be joungele diwo,  
ja na musango, nde Loba la ndolo na la  
musango a mende be na binyo. \* Somane 12  
mowó na nune na sopa la bosangi. Basangeri  
bese ba som binyo. \* Nded'a Sango asu 13



## Onyola bato ba Galatia 1.

Yesu Kristo n'etond'a Loba na latane  
la Mudī Musangi babe na binyo  
bese. Amen.

---

# KALAT' A PAULO

## ONYOLA BATO BA GALATIA.

---

- 1 Paulo nya muloloma seto na bato, to onyola  
moto, nde onyola Yesu Kristo na Loba Tete,  
2 nu pumbwele mo o kwedi, \* muemba na  
bona-saango bese bena be na mba, onyola  
3 miemba ma Galatia. \* Ndedi e be na binyo  
na musaango mu ma-we na Loba Tete na Saango  
4 asu Yesu Kristo pe, \* nu boli momene onyola  
miobe masu, na a saunge biso onyola nin was'a  
bobe nya tatan, kaponda jemea la Loba na  
5 Saango asu, \* na mo nde edube e be o bwindea  
na bwindea, Amen.
- 6 Na nyaki, na lo wamse sumwabe na nu  
nyena nu bele binyo o nded'a Kristo, (o timba)  
7 onyola miango-ma-bwam mipepe; \* tona mi-  
pepe mi titino, ke doango be te, bena ba ma-  
pungwe binyo, bena ba ma-pule tukwe miango-  
8 ma-bwam ma Kristo. \* Nde to biso, to angel  
ni wu o mony nde, e ma-langwea te binyo  
miango-ma-bwam mipepe, buka mi di langwe-  
9 dino binyo, lou di be omoy ao. \* Kana na  
kwalino nged'a boso, na ma-kwala pete nde  
nikamene: Moto a ma-langwea te binyo miango-  
ma-bwam, buka mi lo kusino, lou di be omoy

## Onyola bato ba Galatia 1.

ao. \* N̄ga na ma-kwala nde ninka o duta 10  
bato, n̄ga Loba? N̄ga na ma-pulise nde o  
dolise bato e? Nata te na dia o pula  
dolise bato, ke na si wusa be muut'a  
Kristo.

Nde na ma-biise binyo, a bonate, ná miaŋgo- 11  
ma-bwam miena mi laŋgwabe na mba, mi titi  
kaponda bato. \* Ebanja to mba pe na si kusi 12  
mo na moto, na s'okwabele to mo, nde na kusi  
nde mo onyola bebiisedi ba Yesu Kristo.  
\* Ebanja lo ta lo seŋga onyola bedaŋgwedi 13  
bam ba kwan kaponda jowe la Loba la Bona-  
Yuda, ná na ta na takise muemba ma Loba  
buka dimene, na nyamse pe mo, \* na ta na 14  
buka gita la muemba mam ma tumba lam o  
jowe la Loba la Bona-Yuda, kana na tano  
kodi bwambi onyola mieka ma batete. \* Nde 15  
niponda e tano e dolise Loba, nu wandi mba  
natena o dibum la yeye, nu bele pe mba  
onyola nded'ao, \* o biise mba Mun'ao, ná 16  
na laŋgwe mo oteten a basibi, dibokimene na  
si kwalisan to eyobo na maya; \* na s'alo to 17  
o Yerusalem na ba bena ba ta bamuloloma  
oboso na mba; nde n'alo nde o Arabia, na  
mba na timba pe o Damasko. \* Nde ombusa 18  
mbu milalo nde n'ondeding o Yerusalem o  
biane na Petro, nde na ta naja na mo dom  
la minya na mitanu. \* Nde na s'en nde nya- 19  
muloloma nupepe, ke Yakobo muna-saŋgo a  
Saŋgo. \* Nde man na ma-tileano binyo tatan, 20  
ombwa, oboso ba Loba, na si ma-topo lobaŋgo.  
\* Ombusa nika na ta na po o bepasi ba 21

## Onyola bato ba Galatia 1. 2.

22 Siria na Kilikia. \* Ke na si bian te boso na  
23 boso na miemba ma Kristo o Yudea, \* nde  
ba ta nde ba seŋga na: Nu nu ta nu takise biso  
nged'a boso, a ma-laŋgwa tatan mulemlem  
ma jemea, lena a tano a nyamse nged'a boso,  
24 \* na babo ba sesa Loba onyol'am.

2 Nde ombusa dom la mbu na minei na ta  
n'ondea pete o Yerusalem muemba na Barnaba,  
2 n'alane pe na Tito. \* Nde nata n'ala kapon-  
da bebisedi, na ta na tindea babo miango-ma-  
bwam, miena na ma-laŋgwano oteten a basibi,  
bwambwam na ba bena ba ta ba boso, ná na  
si ya be na daŋgwa tete, to ke na daŋgo nde  
3 tete. \* Nde to Tito nu ta na mba, tona eno  
mot'a Grikia, ba si ta ba nyakisane mo o jen-  
4 dabe. \* Nde e ta nde onyola bona-saŋgo ba  
mawondon bena ba ta b'inŋea oten na ka  
isolo, bena ba poi o somo wonj'asu di benno  
na Kristo Yesu, ná ba timbise biso bakom,  
5 \* bena di si tindedingo bejedi to ngen po o  
seŋgane babo, ná mbal'a miango-ma-bwam  
6 e tiŋgame na binyo. \* Nde onyola ba bena  
be ba boso, to neni ba tano nged'a boso, ye  
nde mba kapo (ebanja Loba a si m'ombwea  
boso ba moto), ebanja babo ba boso ba si ta  
7 ba batea mba to-lambo, \* nde ka nipepe, niponda  
b'enzo, ná na bakabe miango-ma-bwam onyola  
ka ni titi boendi, kana Petro pe a bakabeno  
8 onyola boendi, \* (ebanja nu nu ta nginya na  
Petro onyola muloloma ma boendi, a ta pe  
9 nginya na mba onyola basibi;) \* nde ba soino  
ndedi ni bolabe mba, Yakobo na Kefa na

## Onyola bato ba Galatia 2.

Yohane, bena ba ma-laŋgabe ka betembu, ba boli mba na Barnaba dia la mom la jalatane, ná biso di ale na basibi, babo pe na boendi: \* Nde na, di ongele nde batuedi, lambo lena 10 na tano pe nginya o bola.

Nde niponda Kefa a poino o Antiokia, na 11 ta na temene mo boso na boso, ebanja a ta a bene misan. \* Ebanja a ta a da na basibi 12 obiana dongo la bato di ma-wa na Yakobo; nde ba poino na mo 'embame, a wengele momene, ebanja a ta a bwa ba boendi bonggo. \* Bane Bona-Yuda pe ba ta ba dimbele nyolo 13 muemba na mo, ka nyena na Barnaba nyese pe a ta a dutabe na dimbele labu la nyolo. \* Nde niponda n'enzo ná ba si ma-dangwa 14 bwam kaponda mbal'a miango-ma-bwam, na mba na kwalane Petro oboso ba bese na: Yetena oa, oe mot'a Bona-Yuda, nde o bolea k'edemo a basibi, seto ka Bona-Yuda, neni so o ma-nyakisaneno basibi ná ba boleye k'edemo a Bona-Yuda e? \* Bisu je nde 15 Bona-Yuda kaponda yabe lasu, seto bato ba bobe ba wu na basibi. \* Nde kana di bino 16 ná moto a si ma-tesebe na sim onyola bebolo ba mbenda, nde onyola jemea o Yesu Kristo momene, nikamene nde biso pe di timbino dube o Kristo Yesu, ná di tesebe na sim onyola jemea o Kristo, seto onyola bebolo ba mbenda, ebanja onyola bebolo ba mbenda to eyobo e si mende tesebe na sim. \* Nde yetena biso- 17 mene, jena di ma-pulise o tesebe na sim o Kristo, di sobe te bato ba bobe, ke Kristo e

### Onyola bato ba Galatia 2. 3.

- 18 nde muboled'a bobe e? Tomtom! \* Ebanja yetena na ma-loŋga pe ma mena na buleleno, ke na ma-timbise nde mbamene mubulele-  
19 mbenda. \* Ebanja mba na wedi na mbenda onyola mbenda, ná na be loŋge onyola Loba;  
20 na bomabele o mbasa na Kristo. \* Ne loŋge, nde etiti pe mba, nde Kristo nde e loŋge oteten am. Din loŋge nama-benotatan o eyobo, na ma-bende mo o jemea la Mun'a Loba, nyena nu ton-di mba, nu boli pe momene onyol'am.  
21 \* Na si ma-timbise nded'a Loba ewolo; ebanja yetena teme-la-sim di ma-wa te o mbenda, ke Kristo a wedi nde tete.

- 3 A ba Galatia b'elemā, nja a wondi binyo, ná lo si seŋgane mbale e? binyo bena Yesu Kristo a tano a telame o miso manyu oteten  
2 anyu, ka nu bomabele o mbasa! \* Na tondi nde jokwa din diwo mene na binyo: Lokusi nde Mudī onyola bebolo ba mbenda, nga  
3 onyola belangwedi ba jemea? \* Le nde belemā nika? Lo botedi o mudī, nde lo ma-pula  
4 bolise tatan o eyobo? \* Lo ta nde lo welisane di gita la mambo tete e? Yetena ye nde  
5 tete nambale! \* Nu so nu ma-bole binyo mudī, nu ma-bole pe bebolo ba nginya oteten anyu, a ma-bola nde mo onyola bebolo ba  
6 mbenda nga onyola laŋgwa la jemea? \* Kana „Abraham a dubeno Loba, nde e laŋgabe mo  
7 onyola teme-la-sim.“ \* Binyo bia so ná ba bena be ba jemea, babo nde be bana ba

### Onyola bato ba Galatia 3.

Abraham. \* Nde kana betiledi be seleno jene, 8  
ná Loba a mende tese basibi na sim onyola  
jemea, be sele bola Abraham miaŋgo-ma-bwam  
na: „Onyol'aŋgo nde matumba mese ma men-  
deno namsabe.“ \* Na so nde ba bena be ba 9  
jemea ba namsabe muemba na Abraham nya  
jemea. \* Ebanja bese bena be onyola bebolo 10  
ba mbenda, be owasa lou. Ebanja e tilabe  
na: Lou le omony a moto na moto nu si ma-  
tiŋgame o mambo mese mena ma tilabe o  
kalat'a mbenda, o bola mo. \* Ebanja e bian 11  
ná to-moto a si ma-tesebe na sim oboso ba  
Loba onyola mbenda. „Ebanja nutem na sim  
a mende nde be loŋge onyola jemea.“ \* Nde 12  
mbenda esi wu onyola jemea, „nde nu nu  
ma-bole mo a mende be loŋge onyol'ao.“  
\* Kristo a koti biso na lou la mbenda, 13  
niponda atimbino lou onyol'asu,  
ebanja e tilabe na: „Lou je omony  
a moto na moto nu panam o eboŋgo“,  
\* ná bonam ba Abraham bopo na basibi o 14  
Kristo Yesu, ná di kuse dikaki la Mudi on-  
yola jemea.

A bonate, na ma-kwala kaponda edemo a 15  
bato: To e be nde male ma moto, ma má-  
tiŋgame te, to-moto a si ma-bulele pe mo, to  
bata lambo oten. \* Makaki mata so ma 16  
bolabe Abraham na mbot'ao. A si kwali na:  
na mbota, ka ya gita, nde ka po: „na mbot'  
aŋgo“, nyena nye Kristo. \* Nde na ma-kwala 17  
nde na: Male ma tiŋgabe oboso na Loba  
onyola Kristo, ma titi ná ma bulabele onyola

## Onyola bato ba Galatia 3. 4.

mbenda ni poi ombusa bebwēa ba mbu benei  
18 na mualalo, ná e nyamse dikaki. \* Ebanja  
yetēna sàngo di ma-kusabe tē onyola mbenda,  
ke di titi pē onyola dikaki; nde Loba 'abedi  
mō Abraham onyola dikaki ka ndedi.

19 Mbenda nye sō nje? E ta nde e batabe  
onyola miobe, (natē mbota ni ben dikaki e pō),  
nde e ta nde e tēsebe na angel onyola dia la  
20 muwaledi: \* Nde muwaledi a si ma-be onyola  
21 mowó; nde Loba le nde diwomene. \* Mbenda  
e ma-tēngene sō makaki ma Loba e? Tomtom!  
Ebanja mbenda, nyena ni ma-wele timbise  
penya, e bolabe tē, ke tēme-la-sim di wusa wa  
22 o mbenda nambale. \* Nde betiledi be kuke  
mese owasa bobē, ná dikaki lena di ma-we o  
jemea o Yesu Kristo, di bolabe ba bena ba  
23 dubē. \* Nde obiana jemea di ma-po, di ta di  
kukabe owasa mbenda, di nēngebe onyola  
24 jemea, lena di mēnde biisabe. \* Nika sō  
nde mbenda e timbingo be muleed' asu  
onyola Kristo, ná dī tēsebe na sim  
25 onyola jemea. \* Nde kana jemea di pōino  
26 di titi pē owasa muleedi. \* Ebanja binyo  
bese le bana ba Loba onyola jemea  
27 o Kristo Yesu. \* Ebanja bese bena ba  
28 dubisabe o Kristo, ba boti nde Kristo. \* Oten e  
titi mot'a Bona-Yuda tō nya Grikiā, oten e titi  
mukom tō wonja, oten e titi mome tō muto,  
ebanja binyo bese le nde mowó o Kristo Yesu.  
29 \* Nde le tē ba Kristo, ke le pē mbot'a Abra-  
ham, basaṅgwedi kaponda dikaki.

4 Nde na ma-kwala na: ponda musaṅgwedi

## Onyola bato ba Galatia 4.

a diano muutu, a si ma-tukwa na mukom, tona  
eno saŋgo a mese, \*nde a ma-be nde owasa 2  
babongwedi na soele natena ni ponda ni  
tesebe na saŋgo. \*Nikamene pe na biso. 3  
Niponda di tano bana di ta nde di timbisabe  
bakom ba beleedi ba boso ba wase. \*Nde 4  
niponda belondedi ba ponda bepoino,  
Loba alom Mun'ao, ayabe na muto,  
asibisabe owasa mbenda, \*ná a kote 5  
ba be owasa mbenda, ná di nonngobe ka  
bana. \*Nde kana leno bana, Loba alom 6  
Mudi ma Mun'ao o milema masu, mu ma-  
kwale na: Aba, Tete. \*Na so nde o titi pe 7  
mukom nde muna, nde oe te muna, ke oe pe  
nde musangwed'a Loba onyola Kristo.

Nde o ni ponda mene, niponda lo si tano 8  
lo bia Loba, lo ta nde lo bolea maloba, mena  
ma titi maloba kaponda bewekedi; \*nde tatan 9  
kana lo timbino bia Loba, to bwambwam lo  
biabenon na Loba, neni lo ma-timbano pe o be-  
leedi ba boso, bena be bobi na ba tue, bena  
lo ma-pulano pete botea bolea? \*Lo ma-neŋge 10  
minya na miodi na ponda na mbu, \*na ma- 11  
bwa bonggo, ná na boli nde ebolo tete oteten  
anyu. \*Na sosomedi binyo, a bonate, timba 12  
ka mba, kana mba pe neno ka binyo. Lo si  
boli mba to-lambo la bobe. \*Lo bi, ná na 13  
ta nde na langwea binyo miango-ma-bwam  
nged'a boso onyola bobo la eyobo, \*nde 14  
makekisan mena na tano na bene o eyobo  
am, lo si ta lo yaŋa mo to baŋga mo, nde lo  
ta nde lo kasa mba ka angel a Loba, ē, ka



## Onyola bato ba Galatia 4.

- 15 Kristo Yesu momene. \* Bonam banyu boe  
so ue? Ebanja na ma-bola mbon onyol'anyu,  
ná yetena e wele te bolane, lo wusa songwa  
16 miso manyu, lo bola mba mo. \* Na má-timba  
so nde musinger'anyu, ebanja na langwedi  
17 binyo mbale? \* Ba si ma-bwa kod'a bwam  
onyol'anyu, ba ma-pula nde jeka binyo, ná  
18 binyo lo bene kodi onyol'abu. \* Bwa la kodi  
di doli ponda yese o mambo ma bwam, nde  
19 seto na ke n'ukedi nde wase na binyo. \* A  
bana bam basadi, bena na ma-yanō pete na  
sese, natena Kristo a wekabe oteten anyu.  
20 \* Na wusa tondo o jukea na binyo tatan na  
tukwa pe doi lam; ebanja n'ubi onyol'anyu.  
21 \* Binyo bena lo ma-pule be owasa mbenda,  
langwea mba, lo si seŋgi onyola mbenda e?  
22 \* Ebanja e tilabe na: Abraham a ta a bene  
bana ba bome baba; mowó na mut'a mukom,  
23 nune pe na mut'a wonja. \* Nde nu nya  
mut'a mukom ayabe nde kaponda eyobo,  
nde nu nya mut'a wonja onyola dikaki.  
24 \* Nde man me nde ka munia; ebanja nika  
nye nde male maba, mowó ma mudoŋgo ma  
Sinai ma ma-ye bana o ka be mukom, nika  
25 nye nde Hagar; \* ebanja Hagar e nde mu-  
doŋgo ma Sinai o Arabia, muena mu tenŋen  
na Yerusalem nya tatan, ebanja e mukom  
26 muemba na bana bao. \* Nde Yerusalem nya  
mony nye nde wonja, nyena nye nyaŋgo asu.  
27 \* Ebanja e tilabe na: Bwa munyenŋe, a ewombe,  
e si ma-ye, abwele doi o kokomeye, oa nu si  
ma-naŋga o ses'a yadi; ebanja nu nu sasabe

## Onyola bato ba Galatia 4. 5.

a ben bana buka nu nu ben mome. \* Nde a 28  
bonate, binyo le nde bana ba dikaki kaponda  
Isak. \* Nde kana o ni pondamene, nu nu yabe 29  
kaponda eyobo a tano a takise nu nu yabe  
kaponda mudi, nikamene nde yeno pe tatan.  
\* Nde betiledi be kwali na nje? „Paŋga mut'a 30  
mukom na mun'ao; ebanja mun'a mut'a mu-  
kom a s'aŋgamen be musaŋgwedi muemba na  
mun'a mut'a wonja.“ \* Na so nde, a bonate, 31  
biso di titi bana ba mut'a mukom, nde ba  
mut'a wonja.

Kristo a timbise biso wonja o be wonja. 5  
Binyo teme so bwam, lo s'esele ná lo timbisabe  
pe o ekokoso a mukom. \* Ombwa, mba Paulo 2  
na ma-laŋgwea binyo na: Yetena l'endabe te,  
Kristo a si ma-tombwane binyo to-lambo.  
\* Na ma-bola pete mbon na moto na moto 3  
ny'endabe, ná 'aŋgamen nde londise mbenda  
yese. \* Lo pandisabe na Kristo, binyo bena 4  
lo ma-pule tesebe na sim onyola mbenda; lo  
busi o ndedi. \* Ebanja di ma-tata nde o Mudi 5  
dipita la teme-la-sim onyola jemea. \* Ebanja 6  
o Kristo Yesu to boendi to ka ni titi boendi  
ba si ma-toŋgwele to-lambo, nde jemea di ma-  
bole o ndolo. \* Lo ta lo daŋgwa bwam. Nja 7  
'eki binyo ná lo si seŋgane mbale e? \* Din 8  
dutabe di si ma-wa na nu nu bele binyo.  
\* Son a esasaŋge e ma-saŋgise mbondo muese. 9  
\* Na pite na binyo o Saŋgo, ná lo si bene 10  
joŋgele dipepe. Nde nu nu ma-puŋgwe bin-  
yo, a mende bambe muka mao, to-nja eno.  
\* Nde mba, a bonate, yetena na dia te na 11

## Onyola bato ba Galatia 5.

ma-laŋgwa boendi, nje so na ma-takisabeno  
pe? Ebanja ke esonjisan a mbasa e má-  
12 sumwabe. \*E wusa be bwam, ba ba ma-  
puŋgwe binyo, babo momene ba keye na pem.

- 13 A bonate, lo belabe onyola wonja, nde lo  
si bolane wonja onyola njom a eyobo, nde  
14 bolea mowó na nune onyola ndolo. \*Ebanja  
mbenda elondi o yen eyala ewo na: „Tondo  
15 muna-nyoŋgo ka oamene.“ \*Nde yetena lo  
ma-kukwane na dane mowó na nune, ombwa  
bwam, ná lo si nyamsabe na mowó na nune.  
16 Nde na ma-kwala na: Daŋgwa o mudī,  
17 nde lo simende bola bepuledi b'eyobo. \*Ebanja  
mpuli m'eyobo mu ma-teŋgene mudī, nde ma  
mudī pe eyobo; man mabane ma teŋgen mowó  
18 na nune, ná lo si bola ma lo ma-pulano. \*Nde  
lo ma-diabele te na mudī, ke lo titi owasa  
19 mbenda. \*Nde bebolo b'eyobo be bian,  
be nde: Musonje, mbindo, munyosi,  
20 \*jowe la losaŋgo, bolane la miaŋga,  
boŋga, mitaŋgo, kodi, malinga,  
kwandane, jabane, pandisane, ekon,  
21 ebwan, \*soki, mudesi na nika mam-  
bo, onyol'ao nde nama-laŋgweano  
binyo oboso, kana natano nalaŋg-  
wea binyo oboso, ná ba bama-bole  
nika, basimende saŋgwa janea la  
22 Loba. \*Nde bepuma ba Mudī be nde:  
Ndolo, munyenge, musaŋgo, weli-  
sane, muyao, bwam, jemea, pi, konji,  
23 24 \*mbenda etiti teŋgene man. \*Nde ba

## Onyola bato ba Galatia 5. 6.

bena be ba Kristo, ba bomele eyobo na  
 mulema ma wadiwadi na bepuledi ba bobē  
 o mbasa. \* Yetena je tē longē onyola Mudī, 25  
 esele biso di dangwe pe o Mudī. \* Lo s'esele 26  
 biso di bē edub'a ewolo, o tē penda mowó na  
 nune na konone mowó na nune.

A bonate, yetena diwuse di bambe tē moto, 6  
 binyo bato ba mudī tēse mō bwam na mudī  
 ma pī; nde o ombwe pe oamene, ná oa pe  
 o si ya be o kekisabe. \* Mowó tē a bambe 2  
 muuna ma nupepe, nika nde lo ma-londisenō  
 mbend'a Kristo. \* Nde yetena mowó am' 3  
 ongele na, e lambo, nde a si bē to-lambo, ke  
 a ma-wondo nde momene. \* Moto tē a wase 4  
 yao ebolo, nde a mende bene edub'ao na  
 momene, seto na nupepe; \* ebanja moto tē a 5  
 mende bambe mao muuna. \* Nu nu ma-kuse 6  
 beleedi o eyala, a bole nu nu ma-lee mō  
 doŋgo o bema bese.

Lo si wondobe, Loba a si m'okwabe; 7  
 ebanja di moto a ma-sano, mō pe nde  
 a mendenō jumbwa. \* Nu nu ma-se o 8  
 eyobo a mende nde jumbwa dibumbe  
 onyola eyobo, nde nu nu ma-se o mudī,  
 a mende jumbwa longela bwindea on-  
 yola mudī. \* Lo s'esele biso di wolo o bola 9  
 la bwam; ebanja o pond'ao di mende jum-  
 bwa, ke di si woli. \* Na so nde kana di 10  
 benno ponda, esele biso di bole bwam  
 na bese, sepon na muemba masu ma  
 jemea.

## Onyola bato ba Efeso 1.

- 11 Ombwa, njika tila dindene na tiledino binyo  
12 na dia lam. \* Ba bena ba ma-pule muenen  
m'eyobo ba ma-nyakisane binyo o jendabe,  
nde ye nde onyolana ba si takisabe onyola  
13 mbas'a Kristo. \* Ebanja to babo momene  
bena b'endabe ba si ma-nenge mbenda; nde  
ba ma-pula ná lo endabe, ná ba sese onyola  
14 manyolo manyu. \* Nde e be etum na mba o  
jasese, ke o mbas'a Saŋgo asu Yesu Kristo,  
nyena onyol'ao wase e bomabele mba o  
15 mbasa, mba pe na wase. \* Ebanja o Kristo  
Yesu boendi bo titi to-lambo to ka ni titi  
16 boendi, nde bewekedi ba penya. \* Nde bese  
bena ba ma-dangwe kaponda mu mueka, mu-  
saŋgo mu be omony abu na ndedi, na omony  
17 a Israel nya Loba pe. \* Botea tatan to-moto  
a si takise pe mba, ebanja na ben ndo a Yesu  
18 o nyol'am. \* A bonate, nded'a Saŋgo asu  
Yesu Kristo e be na midi manyu. Amen.

---

## KALAT' A PAULO

### ONYOLA BATO BA EFESO.

---

- 1 Paulo nya muloloma nya Yesu Kristo  
onyola jemea la Loba, onyola basaŋgeri be  
2 o Efeso na badube o Kristo Yesu. \* Ndedi  
e be na binyo na musaŋgo mu ma-we na  
Loba, Saŋgo asu, na Saŋgo Yesu Kristo.  
3 Masoma mabe na Loba na Tete nya  
Saŋgo asu Yesu Kristo, nu namse biso

## Onyola bato ba Efeso 1.

na bonam ba mudī boese, onyola mambo ma mony o Kristo, \*kana a posino 4  
biso oteten ao, obiana wase ema-bokabe, o  
be bosangi na ka ni titi misan oboso bao,  
o ndolo, \*a sele tese biso oboso o be bana 5  
na mo, onyola Kristo Yesu, kaponda e doli-  
sanno jemea lao, \*onyola sesa la bosangi 6  
ba nded'ao, nyena onyol'ao a bwedino biso  
ndedi o nu nu tondobe, \*nyena oteten ao 7  
di benno dikoti onyola maya mao, nika nye  
nde na, lakise la miobe, kaponda mbwan ma  
nded'ao, \*nyena a komno njoasoa omony 8  
asu, o dibie lese na sontane lese. \*Kana a 9  
biiseno biso esok'a jemea lao, kaponda jemea  
lao, lena a seleno tese oboso oteten ao \*onyola 10  
bolane la belondedi ba ponda, o lata pete  
mambo mese owasa mulopo mowó o Kristo,  
ma mena me o mony na ma pe me o wase,  
oteten ao, \*nyena onyol'ao di timbisabeno 11  
basangwedi, kana di seleno tesebe oboso,  
kaponda jemea la nu nu ma-bole mese, ka-  
ponda muano ma jemea lao, \*ka nyena di 12  
be onyola sesa la bosangi bao; biso jena di  
ta di sele pite o Kristo, \*nyena oteten ao 13  
binyo pe lo sengino eyal'a mbale, miango-ma-  
bwam ma jongise lanyu, nyena oteten ao lo  
dubeno pe, lo batabeno pe eyemban na Mudi  
Musaŋgi ma dikaki, \*muena mue tuŋg'a 14  
saŋgo lasu, onyola suŋga la ma me mao, on-  
yola sesa la bosangi bao.

Onyola nika mba pe, kana na sengino 15  
onyola jemea, lena je na binyo o Saŋgo Yesu,

## Onyola bato ba Efeso 1. 2.

16 na onyola ndolo na basan̄geri bese, \* na si  
m'esele o bola masoma onyol'anyu, na  
17 m'on̄gele pe binyo o muka mam, \* ná Loba  
la Sāngo asu Yesu Kristo, Tete nya bosāngi,  
a bole binyo mudī ma dibie na ma bebisedi  
18 o sōntane lao, \* miso ma milema manyu  
ma panyisabe, ná lo wele bia nje ye dipita  
la bebedi bao, na nje ye mbwān ma bosāngi  
19 ba sāngo lao, oteten a basan̄geri, \* na nje  
ye bondene bo pakapakan ba nginy'ao na  
biso bena di dube, kaponda beboledi ba nginy'a  
20 ngum ao, \* nyena a bolino o Kristo, niponda  
a pumbweleno mo o kwedi, a jese pe mo o dia  
21 lao la mom o bejedi ba mony, \* omony a  
beanedi bese na nginya na ngum na jasame  
na mese mena ma ben dina, seto o nin wase  
22 momene, nde na o nine pe ni mende po, \* a  
sibise pe mese owasa matānga mao, a boli  
pe mo o be mulopo omony a mese ma muemba,  
muena mue nyol'ao, belondedi ba nu nu ma-  
londise mese o mese.

2 Nde binyo pe, niponda lo tano lo wo o  
2 mawuse na miobe, \* mena lo tano lo dāngwa  
o ponda ni tombi, kaponda nyon̄on a nin  
wase, kaponda muaned'a janea la ngo, nya  
mudī muena mu ma-bole natena tatan oteten  
3 a bana ba si dube, \* bena pulisane babo biso  
bese pe di ta di dāngwea o ponda ni tombi,  
o bepuledi ba eyobo asu, kana di tano di bola  
bepuledi b'eyobo na ba mon̄gele, nde di be  
pe bana ba malinga kaponda bewekedi, kana  
4 bane bapepe. \* Nde Loba lena le mbwān o

## Onyola bato ba Efeso 2.

ndedi, onyola ndol' ao nindene, nyena a ton-  
dino biso, \* a ta a timbise biso penya muemba 5  
na Kristo, biso, bena di ta di wo o miobe,  
(lo ongisabe nde onyola ndedi), \* a pumbwele 6  
pe biso muemba na mo, ajese biso muemba  
na mo o bejedi ba mony o Kristo Yesu,  
\* na o ponda ni mende po a leele mbwañ ma 7  
nded' ao mu pakapakan o bwam (bao) na biso  
o Kristo Yesu. \* Ebanja lo ongisabe on- 8  
yola ndedi onyola jemea, seto na ka  
anyu, le nde jabea la Loba, \* seto 9  
onyola bebolo, na moto a siya be a  
sese, \* ebanja je nde ebol' ao e wekabe o 10  
Kristo Yesu onyola bebolo ba bwam, bena  
Loba aseleno tese oboso, na di dañgweye oten.

Onyola nika onge, na o ponda ni tombi, 11  
binyo, basibi o eyobo, lo ta lo belabe o ka  
ni titi boendi na di di belabe boendi o eyobo,  
boena bo ma-bolabe na maa, \* na o ni ponda- 12  
mene lo ta lo pandisabe na Kristo, lo si ta  
lo bene doñgo o mboa Israel, lo ta nde ben  
na male ma dikaki, lo si ta lo bene dipita,  
lo ta nde o wase esibe bia Loba. \* Nde tatan 13  
o Kristo Yesu, binyo, bena lo ta etum o ponda  
ni tombi, lo sisedi bebe o maya ma Kristo.  
\* Ebanja mo nde e musango masu; nu timbise 14  
mabane diwo, nu pam pe edima yena e ta  
e keñabe, kana anyamseno o eyobo ao bosinga,  
\* mbend' a beanedi o mieka, ka nyena a weke 15  
babane oteten ao momene mot' a penya mowo,  
nde akome musango, \* adolisane babane na Loba 16  
o nyolo po onyola mbasa, kana a bono bosinga



## Onyola bato ba Efeso 2. 3.

17 onyol'ao momene; \*nde a poi, a laŋgo mu-  
saŋgo na binyo bena lota etum, na ba pe  
18 bena bata bebe, \*ebanja onyol'ao nde biso  
babane di benno biŋgedi na Tete o mudī mowó.  
19 \*Na so nde lotiti pe ben na njan,  
nde l'á nde somsom a bato ba mundi  
muemba na basanġerina bona ndabo a  
20 Loba, \*lolongabe omōny a bebokedi  
ba bamuloloma na batoperi-ba-mudī,  
bena Yesu Kristo momene eno dale  
21 la toŋgo, \*na mo nde boloŋgi boese bo ma-  
latabeno, bo ma-nyakano onyola tempel a  
22 bosanġi o Saŋgo, \*na mo nde binyo pe lo  
ma-longabeno onyola bejedi ba Loba o mudī.

3 Onyola nika mba Paulo, mot'a beboa nya  
2 Kristo Yesu, onyol'anyu basibi, — \*yetena  
lo seŋgi te onyola ebol'a nded'a Loba, yena  
3 e bolabe mba onyol'anyu, \*ná e biisábe mba  
onyola bebisedi, esoka, kana na tilino oboso  
4 na ŋus'a beyala, \*bena lo ma-laŋga te mo  
lo ma-wele sò soŋtane lam o esok'a Kristo,  
5 \*yena e si ta e biisabe na bana ba bato o yine  
nyoŋon, kana e biisabeno tatan na bamulo-  
loma bao ba bosanġi na batoperi-ba-mudī, o  
6 mudī: \*ná basibi pe be basanġwedi na  
bembon na baben-doŋgo o dikaki lao o Kristo  
7 onyola miaŋgo-ma-bwam, \*miena na timbino  
be muboledi, kaponda jabea la nded'a Loba  
nyena ni bolabe mba, kaponda beboledi ba  
8 ŋginy'ao. \*Na mba, nyena nye bosadi buka  
basanġeri bese nde, nin ndedi e bolabeno, o  
laŋgwea basibi mbwaŋ ma Kristo muena mu

### Onyola bato ba Efeso 3. 4.

si ma-wele wasabe, \* na o bola bese ná 9  
b'ene nje ye ebol'a esoka, yena e ta ewu-  
tame natena o bwindea o Loba nu weki  
mambo mese, \* ná e biisabe tatan na manea 10  
na nginya o bejedi ba mony, onyola ka mu-  
emba, dibie la Loba la nyai na nyai, \* kaponda 11  
jemea la bwindea lena a wekinō o Kristo Yesu,  
Saŋgo asu, \* nyena onyol' ao di benno bokenju 12  
na biŋgedi o dipita, onyola jemea na mo.  
\* Onyola nika na ma-sosomea, ná lo si wolo 13  
onyola matakisan mam, mena na benno onyol'  
anyu, mena me nde edube na binyo.

Onyola nika na ma-numa mabongo mam 14  
na Tete nya Saŋgo asu Yesu Kristo, \* nu 15  
nyena mbia mese o mony na o wase  
ba benno dina, \* ná a bole binyo 16  
kaponda mbwañ ma bosaŋgi bao, ná  
l'embabe na nginya onyola Mudī mao  
o mot'a teten, \* ná Kristo a je o mile- 17  
ma manyu onyola jemea, lo bene mi-  
aŋga, lo sikimeye pe o ndolo, \* ná lo 18  
wele bia muemba na basaŋgeri bese nje ye  
tindame na bwaba na njiba na jasame, \* o 19  
bia ndol'a Kristo nyena ni buki mabie mese,  
ná lo londisabe onyola belondedi ba Loba  
bese.

\* Nde nu nyena nu ma-wele bole 20  
njoasoa buka mese di ma-sosomeano na soñ-  
tane, kaponda nginya ni ma-bole oteten asu,  
\* na mo nde edube e be o muemba na o Kristo 21  
Yesu onyola nyonon yese ya bwindea na  
bwindea. Amen.

Na m'omele so binyo, mba mot'a beboa o 4

## Onyola bato ba Efeso 4.

Saṅgo, o daṅgwa ka ny' aṅgamen belabe lena lo  
2 belabeno, \*na sibise la nyolo lese na pi, na  
3 welisane, o welisane mowó nanune ndolo, \*obe  
    ṅginya o neṅge jalatane la mudī onyola jatiṅg-  
4 ane la musaṅgo. \*Nyolo po na Mudī mowó,  
    kana lo belabeno o dipita diwo la be-  
5 labe lanyu. \*Saṅgo po, jemea diwo,  
6 dubise diwo. \*Loba diwo na Tete nya  
    bese, nu nyena nye omōny a bese na  
7 onyola bese na oteten a bese. \*Nde  
    mowó na mowó nyasu te ndedi e bolabe  
8 kaponda dimene la jabea la Kristo. \*Onyola  
    nika a kwali na: „'Abo o mōny, 'alan mukoma  
9 o mukoma, a boli mabea na bato.“ \*Nde din  
    na: 'abo, le nde nje, e si be te na, a sele  
10 siba o bepasi ba wase wase. \*Nu nu sibi  
    e pe nde nu ny'abo o mōny a mōny yese,  
11 ná a londise mambo mese. \*Nde momene a  
    tese pe doṅgo bamuloloma, doṅgo pe batoperi-  
    ba-mudī, doṅgo pe balaṅgwedi, doṅgo pe bata-  
12 teri na baleedi, \*onyola boṅsane la basaṅgeri  
    onyola ebol'a bolea onyola loṅgise la nyol'a  
13 Kristo, \*natena biso bese di po o jalatane  
    la jemea na dibie la Mun'a Loba, na moto  
    nu koki, na dimene la mute la belondedi ba  
14 Kristo, \*ná di si be pe miēnge ma bana  
    bena ba ma-yombisabe na yeṅgisabe na ṅgo  
    a beleedi te onyola mawondon ma bato, o  
    misomba onyola malambi ma dimbele la ṅgea,  
15 \*nde di be nde mbale o ndolo, di nyake o  
    mambo mese na mo, nyena nye mulopo, Kristo;  
16 \*nyena na mo nde nyolo nyese e latabeno,

## Onyola bato ba Efeso 4.

e tĩngabe pe onyola tĩnga la joĩngwane te, kaponda dimene la ebol'a elongi te, o bola bonyaki ba nyolo onyola longise la momene o ndolo.

Din so nde na ma-kwalano, na bola pe 17 mboñ o Saño, ná lo si daĩgwa pe kana bane basibi o joĩngele labu l'ewolo, \*bena ba 18 timbi muititi o dibie labu, be etum na longē la Loba, onyola bodimbea boena boe na babo, onyola jenyisabe la milema mabu, \*bena 19 kana ba si ma-seĩgano pe sese, ba bake babo momene o munyosi onyola bola la mbindo te o mukubo. \*Nde binyo lo s'oko Kristo nika, 20 \*yetena ye ná lo seĩgi onyol'ao, lo leabe pe 21 onyol'ao, kana yeno mbale o Yesu: \*ná lo 22 soĩgwe mudun a moto, kaponda bedaĩgwedi banyu ba boso, nu nyamse momene o bepuledi ba mawondon, \*nde lo timbise binyo- 23 mene penya o mudĩ ma joĩngele lanyu, \*lo 24 bote mot'a penya, nu wekabe kaponda Loba o teme-la-sim na bosaiĩgi ba mbale.

Onyola nika sumwa lobaĩgo, topo mbale 25 moto te na muna-saĩgo, ebanja je nde beloĩgi na mowó na nune. \*Lo lĩnga, nde lo si bola 26 bobe, lo s'esele wei i sibe a binyo wase onyola malinga manyu, \*lo si tindele to Satan bejedi. 27 \*Nu nu m'ibe a s'iba pe, nde a bole nde 28 ebolo, a kuse bao bema na mao maa, ná a bene o bola batuedi. \*Lo s'esele to eyal'a 29 bobe e busa o mudumbu manyu, nde ma ma doli onyola longisane, kaponda yeno ná e pulabe, ná e bole museñ na ba ba ma-seĩge.

## Onyola bato ba Efeso 4. 5.

30 \* Lo si bwese Mudi Musangi ma Loba ndutu,  
muena lo batabeno eyemban natena bunya ba  
31 jongise. \* Esele njongi nyese na pidi na  
malinga na etois'a miambo na dibena ba be  
32 etum na binyo muemba na bobe boese. \* Nde  
lo be muyao mowó na nune, na ndedi, lo la-  
kisane mowó na nune, kana Loba pe a laki-  
seno binyo o Kristo.

5 Binyo be so bato ba m'embilane Loba, ka  
2 bana ba ndolo, \* lo dangwe pe o ndolo, kana  
Kristo a tano a tondo biso, a bola momene  
onyol'asu ka musangise na jabea na Loba  
onyola pwepwe nya enumba e nyengeny.  
3 \* Musonje na nyai a mbindo te, to mukubo  
lo s'esele mo ma tubabe to dina oteten anyu,  
4 kana e angamenno na basangeri, \* nikamene  
pe mambo ma mbindo na betopedi ba mbamba  
to mambo ma ma-yoisane mena ma s'anga-  
men, nde bwambwam lo bola nde masoma.  
5 \* Ebanja lo bi bwambwam, na to mot' a mu-  
sonje, to mot'a mbindo, to mutonde-bema,  
nyena nye nde ka muboleye-losango, a si ben  
6 sango o janea la Kristo na Loba. \* Lo s'esele  
to-moto a wondo binyo na beyala b'ewolo,  
ebanja onyola man mambo nde malinga ma  
Loba ma ma-pono omony a bana ba si dube.  
7 8 \* Lo si lata so muemba na babo. \* Ebanja  
binyo lo ta muititi o ponda ni tombi, nde  
tatan le muenen o Sango, dangwa so ka bana  
9 ba muenen, \* (ebanja bepuma ba muenen be  
nde nyai a bwam yese na teme-la sim na  
10 mbale), \* kana lo ma-wasano nje e ma-doli-

## Onyola bato ba Efeso 5

sane Saṅgo, \* na lo si bene latane na bebolo 11  
ba muititi, bena be si ma-tombwane, nde buka  
nika, sambwele nde mo. \* Ebanja ma mena 12  
ma ma-bolabe na babo o diwuta, me ison to o  
topo lao momene. \* Nde mese mama-sam- 13  
bwabele na muenen mama-busa o mpoma.  
Ebanja mese ma ma-buse o mpoma me nde  
muenen. \* Onyola nika a kwali na: Umwe 14  
oa nu naṅga o iyo, asumwe na bawedi, nde  
Kristo a mende panyise oa. \* Ombwa so neni 15  
lo ma-daṅgwano ka ni teṅgen, seto ka belemā,  
nde ka badibie. \* ka nyena lo bolane ponda 16  
bwam, ebanja minya mie bobe. \* Onyola 17  
nika lo si timba elemā, nde bia nje ye jemea  
la Saṅgo. \* Lo si soko mao, din di ma-wana 18  
dibumbe, nde lo londa na mudī, \* ka nyena 19  
lo kwalisane mowó na nune o mieṅge na  
mieṅge ma sesa na belongi ba mudī, lo  
lonṅea na jobea Saṅgo o milema manyu;  
\* lo bole pe masoma ponda yese onyola 20  
mambo mese na Loba Tete, o dina la Saṅgo  
asu Yesu Kristo. \* Sibise binyomene owasa 21  
mowó na nune o boṅgo ba Kristo.

Bito ba sibise babo momene owasa bome 22  
babu, kana onyola Saṅgo. \* Ebanja mome e 23  
nde mulopo ma muto, kana Kristo pe eno  
mulopo ma muemba, kana momene pe eno  
musuṅger'a nyolo. \* Nde kana muemba mu 24  
sibisabeno owasa Kristo, nikamene pe bito  
pe na bome babu o mambo mese. \* Binyo 25  
bome tondo bito banyu, kana Kristo pe a ton-  
dino muemba, nde a boli momene onyol'ao,

## Onyola bato ba Efeso 5. 6.

26 \* ná a saŋgise mo, kana 'ouno mo onyola jo-  
27 kele la madiba o eyala, \* ná a teseye mo-  
mene muemba ma bosangi, esibe ton to dipe-  
ny to lambo la nika, nde ná mu be bosangi  
28 na ka ni titi misan. \* Nikamene pe nde  
bome b'aŋgamenno tondo bito babu kana  
manyolo mabu momene. Nu nu ma-tonde  
29 munj'ao, a tondi nde momene. \* Ebanja to-  
moto a si siŋge eyobo ao to ponda, nde a ma-  
boŋgwa nde mo na poŋgo pe mo, kana Saŋgo  
30 pe (a ma-bolano) na muemba, \* ebanja je nde  
beloŋgi ba nyol'ao, na eyobo ao na bewese  
31 bao pe. \* „Onyola nika moto a mende dia  
saŋgo na nyaŋgo, nde a tiŋgame na munj'ao,  
nde babo babane ba mende nde be eyobo  
32 ewo.“ \* Yen esoka e kolo; nde mba na ma-  
33 kwala nde mo o ka Kristo na muemba. \* Nde  
binyo pe, mowó na mowó nyanyu te, a tonde  
munj'ao kana momene, nde muto pe a bwe  
mom'ao boŋgo.

6 A bana, seŋgane basaŋgo banyu na ban-  
yaŋgo banyu o Saŋgo; ebanja nika nye bwam.  
2 \* „Dube soŋgo na nyoŋgo“, ni nde nye  
3 mbend'a boso na dikaki na: \* „ná o kuse  
bwam, o bene pe loŋge la bwaba o wase.“  
4 \* Binyo basaŋgo pe, lo si bola liŋgise bana,  
banyu, nde boŋgwa nde babo o boŋgo na o  
malea ma Saŋgo.

5 Binyo bautu seŋgane basaŋgo banyu ka-  
ponda eyobo na boŋgo na soasoane, nde na  
6 mulema mowó, kana onyola Kristo, \* seto  
na ka bolea-la-miso, ka badolise-bato, nde ka

## Onyola bato ba Efeso 6.

bautu ba Kristo, bena ba ma-bole jemea la  
Loba na mulema; \* bena ba ma-boleye na 7  
jemea la bwam ka onyola Saŋgo, seto onyola  
bato, \* kana lo bino, ná to-njika lambo la 8  
bwam moto a ma-bolano, a mende kusa mu-  
lemlem na Saŋgo, to a be mukom to wonja.  
\* Binyo basaŋgo pe, bola mulemlem na babo, 9  
esele bekima, kana lo bino, ná binyo na babo  
lo ben Saŋgo o mony, nyena wanda la moto  
di titi na mo.

O sukan, a bonate, be nginya o 10  
Saŋgo na o nginy'a ngum ao. \* Boto 11  
bewesan ba Loba, ná lo wele temene misomba  
ma Satan, \* ebanja di si ben o janane eyobo 12  
na maya, nde manea na baŋginya na bānedi  
ba wase ba mun muititi na muemba ma midī  
ma bobe o bejedi ba mony. \* Onyola nika 13  
noŋgo bewesan ba Loba, ná lo wele teme o  
bunya ba bobe, ná lo wele buka mese nde  
lo teme pe. \* Lo teme so, bedue banyu be 14  
tiŋgabe na mbale, botisabe na ngut'a bwaŋga  
nya teme-la-sim, \* miende mi botisabe betambi 15  
ba mboŋsan ma miaŋgo-ma-bwam ma musaŋgo.  
\* Nde o mony a mese noŋgo ngub'a 16  
jemea, nyena loma-weleno dimsane  
moŋgo ma wea ma nyabobe. \* Lo 17  
noŋgo mbidi ma joŋgise na po a mudī,  
nyena nye eyal'a Loba; \* lo kane ponda 18  
yese na muka muese na besosomedi o mudī,  
lo be pe na epenye o titimbe nyese na besoso-  
medi onyola basaŋgeri bese, \* na onyol'am 19  
pe, ná o tele la mudumbu mam eyala e bolabe



## Onyola bato ba Efesò 6.

- mba, o biise esok'a miango-ma-bwam na bo-  
20 kenju, \* miena neno nyamuloloma o ngokobi,  
ná na be bokenju onyol'ao, kana n'angamenno  
langwa.
- 21 Nde ná lo bie kana na jaino na nje na ma-  
bolano, Tikiko, muna-sango nya ndolo na  
muboled'a mbale o Sango, a mende biise binyo  
22 mambo mese, \* nyena na lomedino binyo  
onyola ninkamene, ná lo bie kana di jaino,  
23 nde a lokomeye pe milema manyu. \* Musango  
mu be na bona-sango na ndolo na jemea, lena  
di ma-we na Loba Tete na Sango Yesu Kristo.  
24 \* Ndedi e be na bese bena ba tondi Sango asu  
Yesu Kristo na ka ni si ma-timbeye.

---

## KALAT'A PAULO

### ONYOLA BATO BA FILIPI.

---

- 1 Paulo na Timoteo bautu ba Yesu Kristo,  
onyola basangeri bese o Kristo Yesu, bena  
be o Filipi, muemba na bombwedi na baboledi.
- 2 \* Ndedi e be na binyo na musango mu ma-we  
na Loba, Sango asu, na Sango Yesu Kristo.
- 3 Na ma-soma Loba lam, ponda na ponda  
4 na m'ongeleno binyo, \* ponda yese o mika  
mam mese onyola binyo bese, kana na ma-  
5 bolano muka mam na munyenge, \* onyola  
latane lanyu o miango-ma-bwam botea o  
6 bunya ba boso natena tatan, \* kana na  
pitenno din, ná nu nu botedi ebol'a bwam

## Onyola bato ba Filipi 1.

oteten anyu a mende pe domse mo nate-  
na bunya ba Yesu Kristo. \* Kana e aŋga- 7  
menno na mba o joŋgele nika onyola binyo  
bese, ebanja na ben binyo o mulema mam, o  
beboa bam na o suŋga na jembe la miaŋgo-  
ma-bwam, binyo bese ka babene-doŋgo o  
nded'am. \* Ebanja Loba e mboŋ am kana 8  
nenŋ nyonŋi onyola binyo bese na ndol'a  
mulema nya Kristo. \* Nde na ma-sosomea 9  
nde, ná ndol'anyu e beŋge nde kola o dibie  
lese na o jemba lese la mambo, \* o so ma 10  
mena ma titi kapo, ná lo be ka ni saŋgi na  
ni si ben misan natena bunya ba Kristo, \* lo 11  
londe na bepuma ba teme-la-sim, bena be ma-  
we onyola Yesu Kristo, onyola edube na  
sesa la Loba.

Nde na tondi biise binyo, a bonate, ná 12  
mambo ma kweledi mba m'aledi nde onyola  
toŋgwele la miaŋgo-ma-bwam, \* ka nyena 13  
beboa bam be timbi biane kana o Kristo o  
ndabo a muka nyese na o bane bese pe, \* na 14  
gita la bona-saŋgo pe ba pite o beboa bam  
o Saŋgo, ba beŋgi be ŋginya o topo eyala  
na bokenju. \* Nde doŋgo ba ma-laŋgwa nde 15  
Kristo onyola ekon namutaŋgo; doŋgo pe onyola  
njom a bwam. \* Doŋgo onyola ndolo, kana 16  
ba bino ná na naŋga nde uan onyola suŋga  
la miaŋgo-ma-bwam. \* Bane ba ma-laŋgwa 17  
nde Kristo onyola musuŋga seto o ka mba-  
le, ebanja ba m'onŋele o jondele ndutu o  
beboa bam. \* Nika nye so nje? Ke na o 18  
ka yese Kristo nde ama-laŋgwabe, to e be

## Onyola bato ba Filipi 1.

- nde na ka mawondon to ka mbale, onyola  
dinmene nde na ma-bwano munyenge, nde  
19 namende pe bwa munyenge. \*Ebanja na bi  
na din di mende timba onyola jongise lam  
onyola muka manyu na jongwane la mudi  
20 ma Yesu Kristo, \*kaponda betatedi bam na  
dipita lam, na na si mende sambwabele o  
to-lambo, nde na bokenju boese kana ponda  
yese, nikamene pe na tatan Kristo ama-  
kolisabe o nyol'am, to e be nde onyola longe  
21 to onyola kwedi. \*Ebanja Kristo nde e  
22 longe lam, kwedi pe museh. \*Nde yetena  
le nde longe la eyobo, ke ye nde mba bepu-  
ma ba ebolo; o nika so na si bi nje na ma-  
23 posono. \*Ebanja n'endedi o miri mibane:  
Ne nyongi o jasumwe o be na Kristo,  
24 ebanja nika nye bwam bo tombi; \*nde  
o ja o eyobo le lambo di ma-pule bwambwam  
25 onyol'anyu. \*Nde na bi, kana na piteno din,  
na namende ja, nde namende ja na binyo  
bese onyola bonyaki banyu na munyenge ma  
26 jemea, \*na musesako manyu o Kristo Yesu  
onyol'am mu kole, yetena na poi pete na  
binyo ngedi nipepe.
- 27 Nde din momene nde, dangwa kana e an-  
gamenno kaponda miango-ma-bwam ma Kristo,  
na to na po nde, nde n'ene binyo, to na s'ukedi  
nde, nde na senga onyol'anyu, na senge na  
lo tem o mudu mowó, lo m'ana pe na mulema  
mowó onyola jemea la miango-ma-bwam;  
28 \*lo si bwesabe bongó o to-lambo na basingeri,  
nika nye nde eyemban a dibumbe onyol'abu,

## Onyola bato ba Filipi 1. 2.

nde ya jōngise onyol'anyu, nde nika e wu  
nde na Loba; \*ebanja e bolabe binyo, o ka 29  
Kristo, seto o dube mo momene, nde o taka  
pe onyol'ao, \*kana lo benno mulemlem ma 30  
ewenji kana lotano l'ene na mba, lo ma-  
seŋgano pe onyol'am tatan.

Jomele le so te o Kristo, loko la mulema 2  
la ndolo le te, latane la mudī le te, ndol'a  
mulema na ndedi be te, \*londise so munyenŋe 2  
mam, ná lo be nde jōngele diwo, kana lo  
benno mulemlem ma ndolo, lo be pe mulema  
mowó na jōngele diwo, \*lo si bola to-lambo 3  
onyola diwanje na pula la edub'ewolo, nde  
o ka sibise-la-nyolo mowó te 'oŋgele nune  
nupepe bondene buka momene; \*to-mowó a 4  
s'ombwea mambo mao momene, nde mambo  
ma bane bapepe pe. \*Bene din jōngele 5  
oteten anyu lena di ta pe na Kristo Yesu,  
\*nyena, tona atano bowan ba Loba, 6  
a si ta alaŋga mo ka lambo la ndumban,  
o be kapo na Loba, \*nde a timbise nde 7  
momene ewolo, kana a nōngino bowan  
ba mukom, a timba beombwedi ka moto,  
a sobe pe bedemo ka moto; \*a sibise mo- 8  
mene, kana a tano abene seŋgane nate-  
na o kwedi, ē, natena o kwed'a mbasa.  
\*Onyola nika Loba pe ata 'ase mo, a 9  
bola mo dina lena diasam buka mina  
mese, \*ná o dina la Yesu maboŋgo 10  
mese ma nuŋgame, ma ba be o mony na  
ma ba be o wase, na ma ba pe be owasa  
mun mundi-ma-wase, \*na ná beyeme 11

## Onyola bato ba Filipi 2.

bese be pusele, ná Yesu Kristo nde e Saŋgo, onyola edub'a Loba Tete.

- 12 Na so nde, a bandolo, kana lo tano lo bene seŋgane ponda yese, seto kana o jukea lam la wase momene, nde buka nika tatan kana na s'ukedino: bolea joŋgise lanyu  
13 na boŋgo na soasoane. \*Ebanja ye nde Loba nu ma-weke oteten anyu o jemea  
14 na bola, kaponda dolisane lao. \*Bola mambo mese esibe minyunyungu na dinga  
15 la penda, \*na lo be ka ni si ben misan na ni si ben njom, bana ba Loba esibe diwuse oteten a nyoŋon a mpeŋga na ni tabilan, bena oteten abu nde lo ma-panyano ka muenen o  
16 mundi-ma-wase, \*kana lo m'aleano eyal'a Loba na kaŋ, onyola jasese lam o bunya ba Kristo, ná na si ta na daŋgwa tete, to bola  
17 ebolo tete. \*Nde to mbamene na bolabe nde jabea onyola din jabea na ebol'a prisi ya jemea lanyu, ke na ma-bwa nde munyenŋe,  
18 munyenŋe muemba na binyo bese. \*Nika-mene nde binyo pe bwa munyenŋe, munyenŋe muemba na mba.

- 19 Nde na pite o Saŋgo Yesu o wamse loma Timoteo na binyo, ná mba pe na kuse jem-  
20 bame, ke na seŋgi neni lo jaino. \*Ebanja na si ben nupepe, nu ben nika joŋgele, nyena nu m'ombweye mambo manyu na ka mbale.  
21 \*Ebanja bane bese ba ma-pulise nde mabu  
22 mambo, seto mambo ma Yesu Kristo. \*Nde lo bi ka ao nya mbale, ná ka muna a ma-boleano saŋgo, nika nde a tano a bola muem-

## Onyola bato ba Filipi 2. 3.

ba na mba onyola miaŋgo-ma-bwam. \* Mo so 23  
nde na piten<sub>o</sub> o loma dibokimene, ke n'en neni  
ka e m'aleano na mba. \* Nde na pite o Saŋgo, 24  
ná mbamene pe na mende po son a ponda.

Nde e ta y'enene mba ka lambo di aŋga- 25  
men o lomea binyo muna-saŋgo Epafrodito,  
muboledi, na mowó nu m'ane muemba na  
mba, mot' anyu nya muloloma na muboled'a  
joŋgwane lam; \* ebanja a ta nyongi onyola 26  
binyo bese, a ta pe a bwa ndutu bwambi,  
ebanja lo ta lo seŋga na a ta a boa. \* Nde 27  
a ta pe a boa nikamene bebe na kwedi, nde  
Loba a bwedi mo ndedi, nde seto onyola mo-  
mene mowó, nde onyol'am pe, ná na si bene  
ndutu omony a ndutu. \* Na wamse so nde 28  
loma mo, ná l'en te mo, lo bwe munyenŋe,  
ná ndut'am pe e sibe son. \* Binyo kasa so 29  
mo o Saŋgo na munyenŋe mulondi, na jalea  
pe ba nika n'edube. \* Ebanja onyola ebol'a 30  
Kristo nde a tano bebe na kwedi, kana a si  
tano a dube onyola lonŋe lao, ná a londe  
bolea mba di lena di ta pete di pula onyola  
joŋgwane lanyu na mba.

Nde o sukan, a bonate, bwa munyenŋe 3  
o Saŋgo! O tilea binyo milelem ma mam-  
bo e si ma-wolise mba, nde ninka e ma-bola  
nde binyo ná lo bake bwambwam. \* L'aŋga- 2  
mene na mbo, l'aŋgamene na baboledi b'ebolo ba  
bobe, l'aŋgamene na jendajendane. \* Ebanja 3  
biso je nde boendi, biso bena di ma-boleye o  
mudi ma Loba, di sese pe o Kristo Yesu,  
di si bene dipite o eyobo; \* tona mbamene pe 4

### Onyola bato ba Filipi 3.

- na wusano bene mambo o japite o eyobo.  
Yetena mowó a m'ongele na, a ben japite  
5 o eyobo, ke mba na ben buka nika. \* Na ta  
n'endabe o bunya bo londe lombi, na wu nde o  
tumba la Israel o mbia ma Benyamin, mot'a  
Bona-Heber nu wu na Bona-Heber, o ka mben-  
6 da, mot'a Farisai; \* o ka kodi mutakise-  
muemba, o ka teme-la-sim ka nu si ben misan  
7 o mbenda. \* Nde ma mena ma ta mba museñ,  
na lañgi nde mo ka mbolon onyola ka Kristo.  
8 \* E, nambale, na ma-lañga nde mese ka mbo-  
lon onyola jasame di peti la dibie la Kristo  
Yesu, Saño am, nyena onyol'ao nde na bo-  
lonno mese, na lañga pe mo ka dibunje, ná  
9 na kuse Kristo; \* na sobe pe oteten ao, seto  
o bene lam teme-la-sim momene, lena di ma-  
we o mbenda, nde la jemea o Kristo, teme-  
la-sim lena di ma-we na Loba onyola jemea,  
10 \* ná na bie mo na nginy'a pumbwa lao na  
jalatane o taka lao, kana na ma-timbisabeno  
11 bowan na kwed'ao, \* ná nga nena na po o  
bepumbwedi ba kwedi.
- 12 Seto ná na má-kusa mo, to ná na keng-  
enge, nde na ma-bupe nde mo ombusa, ná  
nga nena na kusa di lena onyol'ao nde mba  
13 pe na kusabeno na Kristo Yesu. \* A bonate,  
na si ma-lañga mbamene ka mowó nu ma-bole  
kuse, nde lambo diwo nde, na ma-dimbea  
ma me ombusa, nde na ma-sambise maa  
14 o mambo me oboso, \* ná-nya mila o  
su, o bowen ba bebukedi ba bebeledi ba  
Loba ba mony o Kristo Yesu.

### Onyola bato ba Filipi 3. 4.

Bese so bena be na kengege, esele biso di 15  
be nde nika jengele; nde lo ben te jengele dipepe  
o to-njika lambo, ke Loba a mende biise binyo  
mo. \* Nde ninka nde, di lena di ma-kusano, 16  
esele biso di dangweye oten. \* A bonate, be 17  
babupedi bam, ombwa pe ba bena ba ma-  
dangwe nika, kana lo benno biso ka eyem-  
bilan. \* Ebanja gita ba ma-dangwa, bena na 18  
langwedino binyo onyol'abu gita la ngedi,  
nde na ma-kwala pe mo tatan na misodi, na  
be nde basingeri ba mbas'a Kristo. \* Bena 19  
su labu le nde dibumbe, bena Loba labu le  
nde dibum, edub'abu pe ye nde o ison abu,  
bena ba m'engele nde mambo ma wase.  
\* Nde ekombo asu ya somsom ye nde o 20  
mony, o yemene nde di m'engeleno Sa-  
ngo Yesu Kristo ka musingeri, \* nye- 21  
na nu mende tukwe nyol'asu ni sibi,  
na etimbe bowan na nyol'a bosaangi  
bao, kaponda nginya nyena a ma-wele-  
no pe sibise mambo mese owas'ao.

Na nde, a bonate ba ndolo, bena na ma- 4  
bwano nyongi, munyenge mam na ekot'am,  
teme nde nika o Sango, a bandolo. \* Na 2  
m'omele Euodia, na m'omele pe Sintike o be  
nde jengele diwo o Sango. \* E, na ma-soso- 3  
meye pe oa, a muenj'am nya ebolo nya  
mbale, ongwane babo, bena ba ta b'ana ewe-  
nji muemba na mba o miango-ma-bwam,  
muemba na Klemensi na mane makom man  
m'ebolo, bena mina mabu ma tilabe o kalat'a  
longe. \* Bwa munyenge o Sango ponda 4



## Onyola bato ba Filipi 4.

- yese; na ma-kwala pete: Bwa munye-  
5 nge! \*Esele pi anyu nya mulema e  
biane na bato bese. Saŋgo e bebe.  
6 \*Losibe mutaka onyola to-lambo,  
nde o mambo mese esele bepuledi  
banyu be biane oboso ba Loba o muka  
na besosomedi na bola la masoma.  
7 \*Nde musaŋgo ma Loba muena mu  
buki mabie mese mumende jembe mi-  
lema manyu na mongele manyu o  
8 Kristo Yesu. \*Nde o sukan, a bonate, to-  
njika lambo le mbale na l'edube na di tem  
na sim na le konji na di tondobe na di doli  
miaŋgo, to-njika lambo le edemo a bwam,  
9 to-nje ye musesako, l'ongele nde mo. \*Ma  
pe mena l'okono, lo kusino, lo seŋgino, l'enno  
na mba, bola nde mo; nde Loba la musaŋgo  
a mende be na binyo.  
10 Nde na bo munyenge mundene o Saŋgo,  
ná lo timbi pete bene jombwea la penya  
onyol'am; kana lo tano lo bene jongele o-  
11 nyola nika, nde lo si bene ponda. \*Seto  
onyola mutaka nde na ma-kwalano nika,  
ebanja n'oko o welisane to-njika nyai a loŋ-  
12 ge na ma-beno. \*Na bi welisane longe di  
sibi na longe di asam; n'oko o mambo mese  
lambo na lambo, o jula na bwa la njai, o  
13 tute na o take. \*Na ma-wele mese onyola  
14 nginy'a nu nu m'embe mba. \*Nde lo boli  
bwam kana lo latino na mba o ndut'am.  
15 \*Nde binyomene pe lo bi, a bato ba Filipi,  
ná o beboteri ba miaŋgo-ma-bwam, niponda

## Onyola bato ba Kolosi 1.

n'asumweno o Masedonia, to muemba mowó  
mu si ta mulata na mba o musongi ma bu-  
sise na kusa, ke binyomene. \* Ebanja o 16  
Tesalonika pe lo ta lo lomea mba jongwane  
ngedi po to iba. \* Seto ná na ma-pulise nde 17  
jabea, nde na ma-pulise nde bepuma, bena  
be ma-tonde onyola musongi manyu. \* Na 18  
ben mambo mese, ma peti pe na peta; na  
kusi njoasoa, niponda na kusino mambo manyu  
na Epafrodito, enumb'a pwepe, jabea la  
bwam lena di ma-dolisane Loba. \* Loba lam 19  
a mende londise mutaka manyu muese, ka-  
ponda mbwan mao o edube, o Kristo Yesu.  
\* Edube e be nde na Loba, Saŋgo asu, o 20  
bwindea na bwindea. Amen.

Soma musaŋgeri te o Kristo Yesu. Bona- 21  
saŋgo be na mba ba som binyo. \* Basaŋgeri 22  
bese ba som binyo, sepon ba ba ndabo a kaisa.  
\* Nded'a Saŋgo asu Yesu Kristo e be na 23  
mudi manyu. Amen.

---

## KALAT' A PAULO

### ONYOLA BATO BA KOLOSI.

---

Paulo nyamuloloma nya Yesu Kristo onyola 1  
jemea la Loba, na muna-saŋgo Timoteo,  
\* onyola basaŋgeri be o Kolosi na bona-saŋgo 2  
ba dube o Kristo. Ndedi e be na binyo na

## Onyola bato ba Kolosi 1.

musango muma-we na Loba, Sango asu, na Sango Yesu Kristo.

- 3 Di ma-bola masoma na Loba, Sango a Sango  
asu Yesu Kristo, ponda yese di ma-kaneno  
4 onyol'anyu, \* kana di sengino onyola jemea  
lanyu o Kristo Yesu na onyola ndolo, nyena  
5 lo benno na basangeri bese, \* onyola dipita  
di nengebele binyo o mony, lena lo sengino  
onyol'ao nged'a boso o eyal'a mbale ya  
6 miango-ma-bwam, \* miena mi poi na binyo,  
kana mieno pe o mundi-ma-wase muese, mi  
ma-yano bepuma, mi tondo pe, kana oteten  
anyu pe, botea bo bunya boena lo sengino  
7 mo, lo soino nded'a Loba o mbale, \* kana  
l'okono na Epafra, muenj'asu ny'ebolo nya  
ndolo, nyena nye muboled'a mbale nya Kristo  
8 onyol'anyu, \* nu langwedi pe biso onyola  
9 ndol'anyu nya mudī. \* Onyola nikamene biso  
pe, natena bo bunya di sengino nika, di si  
m'esele o kane na sosomea onyol'anyu, na  
lo londisabe na dibie la jemea lao, na jangwa  
10 lese na sontane la mambo ma mudī, \* o  
dangwa kana e angamenno onyola Sango o-  
nyola dolisane (lao) lese, o ya bepuma o  
11 ebol'a bwam te, \* na nyaka pe o dibie la  
Loba, l'embabe na nginya nyese, kaponda  
ngum a bosangi bao onyola pi nyese na we-  
12 lisane na ka munyenge. \* o bola masoma na  
Tete, nu boli biso na di dongamene o kusa  
13 dongo o sango la basangeri o muenen, \* nu  
sungi biso o nginy'a muititi, a timbise biso o  
14 janea la Mun'ao nya ndolo, \* nyena onyol'ao

## Onyola bato ba Kolosi 1.

di benno joŋgise, lakise la miobe, \* nyena 15  
nye bowan ba Loba nu si m'eneŋe, nya  
boso o bewekedi bese. \* Ebanja na mo 16  
nde mambo mese ma wekabeno, ma me  
o mony na ma me o wase, ma ma m'enebe  
na ma ma si m'enebe, to e be nde bejedi  
ba bānedi to manea to miome to ŋginya;  
mambo mese ma wekabe nde na mo na  
o timba na mo. \* Mo nde e o boso na mese, 17  
mese pe m'alane nde onyol'ao. \* Mo pe nde 18  
e mulopo ma nyolo, nika nye nde na: ma  
muemba. Mo nde e beboteri, nya boso nu  
busi o kwedi, ná mo a be nya boso o mambo  
mese. \* Ebanja e ta e dolisane (Loba) ná 19  
belondedi bese beja oteten ao, \* na o doli- 20  
sane mese onyol'ao o timba na mo, kana a  
komno musaŋgo onyola maya ma mbas'ao,  
onyol'ao, to e be nde mambo me o wase, to  
ma me omony. \* Binyo bena lo ta ben o 21  
ponda ni tombi na basingeri o mongele manyu  
o bebolo ba bobe; \* nde tatan a dolisan binyo, 22  
onyola nyol'a eyobo ao onyola kwedi, o tese  
binyo bosangi na ka ni si ben misan na ka  
ni si ben njom oboso bao; \* ke yetena lo 23  
tiŋgam o jemea na ka ni sikimedi na ny'em-  
bam, ka nyena lo si sumwabe na dipita la  
miaŋgo-ma-bwam, miena lo seŋgingo, miena mi  
laŋgwabe na bewekedi bese be owasa mony,  
miena mba Paulo na timbino muboledi.

Tatan na ma-bwa munyenŋe onyola mata- 24  
kisan mam onyol'anyu, nde na ma-londise o  
nyol'am, ma ma ma-pule o matakisan ma

## Onyola bato ba Kolosi 1. 2.

Kristo onyola nyol'ao, nyena nye muemba,  
25 \*muena na timbino muboled'ao, kaponda ebol'a  
soele ya Loba, yena e bolabe mba onyol'anyu,  
26 o londise eyal'a Loba, \*esoka yena e ta e  
wutame botea o bwindea na nyonon yese, nde  
27 e biisabe tatan na basangeri bese, \*bena Loba  
a tano a pula biise, nje ye mbwan ma bosangi  
ma yen esoka na basibi, nika nye nde Kristo  
28 oteten anyu, dipita la bosangi, \*nyena di  
ma-langwano, kana di m'omeleno moto na  
moto, na lee pe moto na moto o dibie lese,  
na di tese moto na moto na kengege o Kri-  
29 sto; \*onyola ka nikamene nde na ma-bolano  
pe ebolo, na m'anano kaponda beboledi, bena  
be ma-bole na nginya oteten am.

2 Nde na ma-pula na lo bie njika ewenji na  
m'anano onyol'anyu na onyola ba be o Lao-  
dikea na onyola bese bena ba s'en boso bam  
2 o eyobo, \*na milema mabu mi embabe,  
mi latabe o ndolo, na onyola mbwan  
muese ma mbaki ni londi nya dibie, onyola  
3 sontane la esok'a Loba, Kristo, \*nyena  
oteten ao mawuta mese ma dibie na ma  
4 sontane ma wutamno. \*Nama-kwala nde  
nika na moto a si punywa binyo na betopedi  
5 ba mulondon; \*ebanja to na s'ukedi nde o  
eyobo, ke n'ukedi te na binyo o mudī, nde  
na ma-bwa munyenge, na m'ene pe neni mam-  
bo mese ma m'aleano bwam oteten anyu, na  
6 jemea lanyu di embam o Kristo. \*Kana lo  
kusino so Saigo Yesu Kristo, dangwa nika-  
7 mene oteten ao; \*lo sikimeye na bokabe

## Onyola bato ba Kolosi 2.

oteten ao , lo embame onyola jemea, kana lo leabeno, lo koleye oten o bola la masoma.

Lo aṅgameye, ná moto a si nyamse binyo 8  
onyola beleedi ba dibie namawondon m'ewolo  
kaponda mieka ma bato, kaponda beleedi ba  
boso ba wase, nde seto kaponda Kristo.  
\*Ebanja belondedi ba be la Loba bese 9  
bejai oteten ao o beombwedi ba nyolo,  
\*binyo pe lo londisabe nde oteten ao, nyena 10  
nye mulopo ma janea na ṅginya te, \*nyena 11  
oteten ao l'endabeno na boendi bo si bolabe  
na maa, onyola soṅgwa la nyol'a eyobo, o  
boendi ba Kristo; \*niponda lo pulabeno na 12  
mo o dubise, nyena oteten ao lo pumbwabeleno  
pe muemba na mo onyola jemea o ṅginy'a  
Loba, nu pumbwele mo o kwedi. \*Binyo 13  
pe, bena lo ta lo wo o bobe na o ka ni titi  
boendi ny'eyobo anyu, a ta a pumbwele  
muemba na mo, kana a lakiseno biso miobe  
mese, \*kana a dimseno kalat'ewu nyena ni 14  
ta ni teṅgene biso onyola ka mieka, nyena  
ni ta ni epe biso, a sumo mo, kana a bomeleno  
mo o mbasa; \*a suane pe manea na ṅginya 15  
beyei ba bwemba, a sambwele babo o mpoma,  
kana a tano a sombise omomy abu onyol'ao.

Lo s'esele so to-moto a kaise binyo onyola 16  
da to benyon, to onyola ka bunya ba bosaṅgi  
to modi ma penya to bunya ba wumse;  
\*mambo mena me nde edingeding'a ma ma 17  
mende po, nde nyolo nye nde nya Kristo.  
\*Lo s'esele to-moto a londone binyo bowen 18  
ba bwemba, nyena nu dolisan momene o sibise

## Onyola' bato ba Kolosi 2. 3.

la nyolo na bolea la angel, nyena nu ma-  
lande o mambo mena a s' enno, nyena nu ma-  
londomeye tete onyola dibie la eyobo ao;  
19 \* nde a silate na mulopo, muena na mo nde  
nyolo nyese e ma-kusano jongwane na lata  
pe onyola mongea na matinga, nde e nyaka  
20 o bonyaki ba Loba. \* Yetena lo wedi te na  
Kristo onyola beleedi ba boso ba wase, nje  
lo m'eseleno ba teseye pe binyo mieka, biana  
21 le pe nde longe o wase? \* (Kana ba ma-  
kwalano na:) „O s'alea din, o si keka dine,  
22 o si tapa di.“ — \* Mambo mena mese ma tesebe  
nde o nyama onyola ka bolane — kaponda  
23 mieka na beleedi ba bato, \* bena be ben  
beombwedi ba dibie o bolea la Loba la babo  
momene na o sibise la nyolo na o takise la  
nyolo, nde seto na nika e ben jongwane o jeka  
bongwa la eyobo.

3 Lo pumbwabele so te na Kristo, pulise  
mambo me o mony, wuma Kristo ajaino o  
2 dia la mom la Loba. \* Tese mongele manyu  
o mambo me o mony, seto o mambo me  
3 o wase. \* Ebanja lo wedi, longe lanyu  
pe di wutam muemba na Kristo o Loba.  
4 \* Ponda Kristo, longe lanyu, a mende  
no biisabe; denge binyo pe lo mende  
5 biisabe muemba na mo o bosaŋgi. \* Binyo  
bwa so beloŋgi banyu bena be o wase:  
museje, mbindo, mulema ma wadiwadi, be-  
puledi ba bobo na mukubo, muena mue nde  
6 bolea la losaŋgo, \* mambo mena onyol'ao  
nde malinga ma Loba ma ma-pono omony a

### Onyola bato ba Kolosi 3.

bana ba si dube, \* mena oteten ao binyo pe 7  
lo tano lo dangwea o ponda ni tombi, niponda  
lo tano loŋge oten. \* Nde tatan binyo pe 8  
sumwa man mese: malinga, pidi, bobe, dibena,  
betopedi ba ison o mudumbu manyu. \* Lo si 9  
topone mowó na nune lobaŋgo, kana lo soŋ-  
gono mudun a moto na bebolo bao, \* nde 10  
lo boto mot'a penya, nyena nu timbisabe penya  
onyola dibie, kaponda bowan ba muweked' ao;  
\* o wuma yena e titino mot'a Grikia na mot'a 11  
Bona-Yuda, boendi na ka ni titi boendi, muen,  
mot'a Sikite, mukom, wonja, nde Kristo nde  
e mese o mese.

Binyo boto so, ka baposobe na Loba, ba- 12  
sangéri na batondobe: nded'a mulema, bwam,  
sibise la nyolo, pī, welisane; \* welisane mowó 13  
na nune, lakisane pe mowó na nune, yetena  
mowó a ben njom na nune nupepe; kana Kristo  
a lakiseno binyo, binyo pe bola nikamene.  
\* Nde omony a man mese ndolo, nyena nye 14  
latane la k'a keŋgeŋge. \* Musango ma Kristo 15  
pe mu aneye o milema manyu, muena onyol' ao  
pe nde lo belabeno o nyolo po; lo be pe na  
masoma. \* Esele eyal'a Kristo e je ote- 16  
ten anyu njoasoa o dibie lese, o lee na  
jomanele mowó na nune na mienge ma  
sesa na ma bosangi na belongi ba  
Mudi, lo loŋgeye Loba onyola ndedi o  
milema manyu. \* Nde mese pe loma- 17  
bolano o beyala to o bebolo, bola mese  
o dina la Saŋgo Yesu, na bola pe ma-  
soma na Loba Tete onyol' ao.



## Onyola bato ba Kolosi 3. 4.

- 18 **A** bito, sibise binyomene owasa bome banyu,  
19 kana e aṅgamenno o Saṅgo. \* A bome, tondo  
20 bito banyu, lo si be njongi na babo. \* A bana,  
seṅgane basaṅgo na banyaṅgo o mambo mese,  
ebanja nika nde nye lambo di dolisan o Saṅgo.  
21 \* A basaṅgo, lo si bola lingise bana banyu,  
22 ba si ya be ba kakame. \* A bautu, seṅgane  
basaṅgo banyu kaponda eyobo o mambo mese,  
seto na bolea la miso ka badolise-bato, nde  
na mulema mowó ka babwe Loba boṅgo.  
23 \* Mese lo ma-bolano, bola mo na mulema, ka  
24 biana Saṅgo, seto bato, \* kana lo bino ná  
lo ma-kusa musauedi ma sàṅgo na Saṅgo;  
25 bolea Saṅgo Kristo. \* Ebanja nu nu boli bobe  
a mende pe nde kusa ka bobe a bolino, wanda  
4 la moto di titi. \* A basaṅgo, bola bautu  
banyu nje ye bwam na y'aṅgamen, kana lo  
bino ná binyo pe lo ben Saṅgo o mony.
- 2 Lo tiṅgame o muka, lo be pe epenye oten  
3 na bola la masoma; \* lo kane pe na onyol'asu,  
ná Loba a teleye biso jombe la eyala, o topo  
esok'a Kristo, yena onyol'ao pe nde neno o  
4 ṅgata; \* ná na biise mo, neni n'aṅgamenno  
5 topo. \* Daṅgwa na dibie o ba be o eboko,  
6 kana lo ma-bolaneno ponda ka bwam. \* Beto-  
pedi banyu be be nde ponda yese na ndolo,  
be nyenṅisabe na waṅga, ná lo bie neni lo  
aṅgamenno bola jalabe na moto na moto.
- 7 **K'**am nyese na jedino, Tikiko muna-saṅgo  
nya ndolo na muboled' a mbale na muenj'am  
nya ebolo o Saṅgo, a mende biise binyo mo,  
8 \* nyena na lomno na binyo onyola nikamene

## Onyola bato ba Kolosi 4.

ná lo bie neni k'asu e m'aleano, ná 'embe pe milema manyu, \* muemba na Onesimo, muna- 9 saŋgo nya mbale na nya ndolo, nyena nye nde mowó nyanyu. Babo ba mende biise binyo mambo mese me o uon.

Aristarko, muenj'am nya beboa, a som binyo, 10 na Marko, mulal'a Barnaba, nyena lo kusino beanedi onyol'ao, yetena a poi te na binyo, kasa mo, \* na Yesu, nu belabe Yusto, bamene 11 nde be baboendi bena be muemba mam ma ebolo onyola janea la Loba, babo nde ba timbi lokomea lam. \* Epafra a som binyo, nyena 12 nye mowó nyanyu, muut'a Kristo, nu m'ane ponda yese onyol'anyu o muka, ná lo teme na k'a kengeŋge, lo bake pe bwambwam o jemea la Loba lese; \* ebanja na ma-bola 13 mboŋ onyol'ao, ná a ben ebolo gita onyol'anyu na onyola ba be o Laodikea na o Hierapoli. \* Lukasi mot'a miaŋga nya ndolo, na Demasi 14 ba som binyo. \* Soma bona saŋgo be o Lao- 15 dikea na Nimfa na muemba mue o ndabo ao. \* Nde lo bole te laŋga nin kalati oteten anyu, 16 bola ná e laŋgabe pe o muemba ma Laodikea, nde binyo pe lo laŋge nya Laodikea. \* Lo 17 laŋgweye pe Arkipo na: Nonŋo jaŋgameye onyola ebolo, yena o kusino o Saŋgo, ná o londise mo. \* Masoma ma mba Paulo na dia 18 lam. Ongele ngat'am. Ndedi e be na binyo. Amen.

# KALAT' A PAULO

## NYA BOSO ONYOLA BATO BA TESALONIKA.

---

- 1** Paulo na Silwano na Timoteo onyola muemba ma bato ba Tesalonika, o Loba Tete na Saŋgo Yesu Kristo. Ndedi e be na binyo na musaŋgo mu ma-we na Loba, Saŋgo asu, na Saŋgo Yesu Kristo.
- 2** Di ma-soma Loba ponda yese onyola binyo bese, kana di ma-tubano mina manyu o mika
- 3** masu, \* kana di m'ongeleno ebol'anyu ya jemea ponda yese na ebol'anyu ya ndolo na tingame lanyu la dipita onyola Saŋgo asu Yesu Kristo, oboso ba Loba, Saŋgo asu.
- 4** \* Ebanja, a bonate ba tondobe na Loba, di bi
- 5** posobe lanyu, \* ebanja miaŋgo masu ma bwam mi si poi na binyo o eyala momene, nde o nginya na o Mudī Musangi na o mbaki ni londi, kana lo bino njika nyai a bato di tim-
- 6** bino be oteten anyu onyola k'anyu. \* Nde binyo pe lo timbi babupedi basu na ba Saŋgo pe, kana lo nongingo eyala o gita la mitakisan
- 7** na munyenge ma Mudī Musangi, \* ka nyena lo timbi eyembilan na badube bese o Mase-
- 8** donia na o Akaia. \* Ebanja na binyo nde eyal'a Saŋgo e busino mumban, seto o Masedonia na Akaia momene, nde o wuma yese jemea lanyu na Loba di ta di busa, ka nyena

## I Onyola bato ba Tesalonika 1. 2.

e si ma-pula biso o kwala lambo onyol'ao.  
\* Ebanja babo momene ba ma-laŋgwa onyol' 9  
anyu, njika biŋgedi di tano di bene oteten  
anyu, na neni l'ateleno o timba na Loba,  
l'asumweno na losaŋgo, o bolea Loba la loŋge  
na la mbale, \* na o jeŋgele Mun'ao nu ma- 10  
we o mony, nyena a pumbweleno o kwedi,  
Yesu, nu mende suŋge biso na malinga ma  
ma-ye.

Ebanja binyo momene lo bi, a bonate, 2  
ná jingea lasu na binyo di si ta tete, \* nde 2  
tona di takisabeno, di kusino pe bobe o Filipi  
oboso, di ta te bokenju o Loba lasu o laŋg-  
wea binyo miaŋgo-ma-bwam ma Loba o gita  
la bewenji. \* Ebanja jomele lasu di titi onyola 3  
mawondon to onyola ka ni titi mbale to o-  
nyola misomba, \* ebanja kana di laŋgabeno 4  
na Loba ka badoŋgamen o bakabe miaŋgo-  
ma-bwam, nikamene nde di ma-topono, seto  
ka badolise-bato, nde Loba, nu ma-wase mile-  
ma masu. \* Ebanja di si ta di busise to ŋgedi 5  
po beyala ba mulondon, kana lo bino, to mi-  
somba ma mpuli ma bema; Loba le mboŋ,  
\* di si ta to di pulise edube na bato, to na 6  
binyo, to na bapepe, tona jeno ná di ase  
bisomene ka bamuloloma ba Kristo, \* nde di 7  
ta nde oteten anyu na mwē. Kana nyaŋgo  
a ma-boŋgwano mieŋge mao ma bana, \* nika- 8  
mene nde di tano di bene ndolo na binyo, e  
ta pe e dolisane biso o bola binyo seto miaŋgo-  
ma-bwam ma Loba momene, \* nde na midī  
masu momene pe, ebanja lo ta l'á ndolo na

## I Onyola bato ba Tesalonika 2.

- 9 biso. \* Ebanja, a bonate, lo m'ongele ebol' asu na ndut'asu, kana di tano di bola ebolo muese na bulu, ná di si be muuna na to mowó nyanyu, ponda di tano di langwa miango-ma-
- 10 bwam ma Loba na binyo. \* Binyo le mbon na Loba pe, njika bosangi na ka ni tem na sim na ni si ben misan di tano na binyo bena
- 11 lo dube, \* kana binyomene lo bino, ná di ta na binyo ka saango na bana bao o jomele
- 12 na jembe mowó na mowó nyanyu te, \* na bola mbon ná lo dangwe ka e angamenno oboso ba Loba, nyena nu bele binyo onyola janea lao na bosangi bao.
- 13 Onyola nikamene nde biso pe di si mawolono o bola masoma na Loba, kana eyal'a Loba, yena lo kusino na biso, lo si nongi mo ka eyal'a moto, nde kana yeno nambale ka eyal' a Loba, kana yeno pe nginya oteten
- 14 anyu bena ba dube. \* Ebanja binyo, a bonate, lo timbi babupedi ba miemba ma Loba o Kristo Yesu, miena me o Yudea, ebanja binyo pe lo kusi milemlem ma mitakisan na bato b'ekombo anyu, kana babo pe ba kusino na
- 15 Bona-Yuda; \* bena ba bo pe Saango Yesu na batoperi-ba-mudi, ba takise pe na biso, ba si dolisane Loba, ba tengene pe na bato
- 16 bese, \* ba bangane biso o topo na basibi ná b'ongisabe, ná ba benge londise miobe mabu; nde malinga ma má-po omony abu onyola su.
- 17 Nde biso, a bonate, kana di tano di sumwabe na binyo onyola son a ponda, onyola ka jenene la boso, seto na mulema, di ta nde di

## I Onyola bato ba Tesalonika 2. 3.

beṅga pula jene boso banyu na nyongi nin-  
dene. \* Onyola nika di ta di pula po na binyo, 18  
mbamene Paulo ngedi po to iba, nde Satan ata  
'ekabiso. \* Ebanjanje ye dipita lasu to munyen- 19  
ge to ekot'a jasese, etiti te binyo, oboso ba  
Saṅgo asu Yesu Kristo o bepoyedi bao? \* Eban- 20  
ja binyo nde le edub'asu na munyenge masu.

Onyola nika, kana di si tano pe di wele 3  
welisane, di ta di bole, o dia mbamene mowó  
o Aten, \* nde di ta di loma Timoteo, muna- 2  
saṅgo asu na muboled'a Loba na muenj'  
asu nya ebolo o miango-ma-bwam ma Kristo,  
o jembe binyo na jomele binyo, onyola ka  
jemea lanyu, \* ná to-moto a si soa na min 3  
mitakisan. Ebanja binyomene lo bi, ná onyola  
nikamene nde di tesebeno. \* Di ta pe di laṅg- 4  
wea binyo oboso, niponda di tano na binyo,  
ná di mende kusa mitakisan, kana e timbino  
pe bolane kana lo bino. \* Onyola nika kana 5  
na si tano pe so na wele welisane, nika nde  
na lomno mo, o bia jemea lanyu, nga muke-  
kisedi nde a kekise binyo, ná ebol'asu e timbe  
ewolo. \* Nde tatan so, kana Timoteo a wuno 6  
na binyo, a poino na biso, a wanedi biso  
miaṅgo ma bwam onyola jemea lanyu na  
ndol'anyu, na ná lo ben pe biso ponda yese  
o jongele la bwam, le pe nyongi o jene biso,  
kana biso pe jeno o jene binyo; \* onyola nika, 7  
a bonate, di timbi kusa lokomea onyol'anyu,  
o ndut'asu yese na mitakisan onyola jemea lan-  
yu; \* ebanja je longe tatan, kana lo temno 8  
na nginya o Saṅgo.

## I Onyola bato ba Tesalonika 3. 4.

9 Ebanja njika masoma jeno ná di bola na  
Loba onyol'anyu, onyola munyenge muese,  
muena di ma-bwano onyol'anyu oboso ba Loba  
10 lasu, \* kana di ma-sosomeano bwambi muese  
na bulu o jene boso banyu na o londise ma  
11 ma ma-pule o jemea lanyu? \* Nde momene,  
Loba Saŋgo asu, na Saŋgo asu Yesu Kristo,  
12 a boŋsane biso ngea o po na binyo. \* Nde  
Saŋgo a bole binyo lo tonde, lo kole pe o  
ndolo na mowó na nune na onyola bese pe,  
13 kana biso pe jeno na binyo, \* ná 'embe mi-  
lema manyu o be ka ni si ben misan o bosan-  
gi oboso ba Loba Saŋgo asu o bepoyedi ba  
Saŋgo asu Yesu Kristo muemba na basan-  
geri bao bese.

4 O sukan, a bonate, di sosomedi na jomele  
pe binyo o Saŋgo Yesu, kana lo kusino na  
bisó neni l'angamenno dangwa na o dolise  
2 Loba, beŋga nde nyaka buka nika; \* ebanja  
lo bi njika beanedi di bolino binyo onyola  
3 Saŋgo Yesu. \* Ebanja din nde le jemea  
la Loba, saŋgisabe lanyu, ná lo be etum  
4 na musonje, \* nde moto na moto oteten anyu  
a bie neni a ma-kusano yao ewa o ka ni saŋgi  
5 na edube, \* seto o bepuledi ba bobe, ka  
6 basibi, bena ba si bi Loba; \* ná to-mowó  
a si dane to lemse muna-saŋgo o ebolo, ebanja  
Saŋgo nde e mukunedi onyola man mese,  
kana di biiseno binyo oboso, di bola pe mbon  
7 onyol'ao. \* Ebanja Loba a si bele biso onyola  
8 mbindo, nde onyola saŋgisabe. \* Onyola nika  
so nu nu ma-yaŋe, a si ma-yaŋa moto, nde

## I Onyola bato ba Tesalonika 4.

Loba nu boli pe Mudī mao ma bosangi oten anyu.

Nde onyola tondone la bona-saṅgo e si 9  
ma-pula o tilea binyo, ebanja binyo momene  
lo leabe na Loba o tondone mowó na nune.  
\* Ebanja lo ma-bola nika na bona-saṅgo bese 10  
be o Masedonia nyese. Nde di m'omele binyo,  
a bonate, ná lo beṅge nyaka buka nika, \* na 11  
ná lo keke pe na ṅginya nyese o ja na pī,  
ná moto te a bole mao mambo, a bole pe  
ebolo na mao maa momene, kana di anedino  
binyo; \* ná lo daṅgwe bwam oboso ba ba 12  
be o eboko, ka nyena lo si bene mutaka na  
to-moto.

Nde a bonate, di si ma-pula ná lo be bodim- 13  
bea onyola ba ba kwedi iyo, ná lo bwe ndutu  
ka ba bena ba si ben dipita. \* Ebanja yetena 14  
di dube ná Yesu a wedi, nde a pumbo pe, nika-  
mene pe Loba a mende wana ba ba kwedi iyo  
onyola Yesu muemba na mo. \* Ebanja di ma-lai- 15  
gwea binyo din na eyal'a Saṅgo: Biso bena  
je lonḡe nde di dia pe o bepoyedi ba Saṅgo,  
di si mende be oboso na ba ba kwedi iyo.  
\* Ebanja Saṅgo momene a mende wa o mony 16  
na bedomedi ba muaned'a bila na doi la  
muaned' a angel na museba ma Loba, nde  
bawedi o Kristo ba mende sele pumbwa,  
\* nde to deṅge biso bena je lonḡe, di dia pe, 17  
di mende nonḡobe muemba na babo o ma-  
windi wala na Saṅgo o ṅgo, na nika so nde  
di mendeno be na Saṅgo bebe bese. \* Loko- 18  
mea so mowó na nune na ben beyala.



## I Onyola bato ba Tesalonika 5.

- 5 Nde onyola ponda na bebe, a bonate, e  
2 s'angamen ná e tilabele binyo, \* ebanja bi-  
nyomene lo bi bwambwam, ná bunya ba Saŋgo  
3 bo mende nde po ka muibedi o bulu. \* Ba  
ma-kwala te na: Tatan ye musaŋgo na pi,  
denge dibumbe di ma-po omony abu diboki-  
mene, ka ses'a yadi na mut'a deme, nde ba  
4 si mende wele nya mila. \* Nde binyo, a  
bonate, lo si be o muititi, ná bo bunya bo  
5 poye binyo ka muibedi. \* Ebanja binyo bese  
le nde bana ba muenen na bana ba muese;  
6 di titi ba bulu to ba muititi. \* Lo s'esele so  
biso di ko iyo ka bane bapepe, nde di je nde  
7 penya n'epenye. \* Ebanja ba bena ba ma-  
ko iyo, ba ma-ko nde iyo o bulu, ba ba ma-  
8 soke pe, ba ma-soko nde o bulu; \* nde biso,  
kana jeno ba bunya, esele biso di be epenye,  
di bote ngut'a bwaŋga nya jemea na ndolo,  
9 na mbidi ma dipita la joŋgise. \* Ebanja  
Loba a si tese biso onyola maliŋga, nde o  
saŋgwa joŋgise onyola Saŋgo asu Yesu Kristo,  
10 \* nyena nu wedi onyol'asu, ná, to di ja nde  
penya to di ko iyo, di be nde longe muemba  
11 na mo. \* Onyola nika omele mowó na nune  
na lonigise pe mowó na nune, nikamene kana  
lo ma-bolano.
- 12 Nde di sosomedi binyo, a bonate, ná lo  
bie ba bena ba ma-bole ebolo oteten anyu,  
bena ba tesebe omony anyu o Saŋgo, ba m'o-  
13 mele pe binyo, \* ná lo laŋge babo bondene  
bwambi o ndolo, onyola ka ebol'abu, Be  
14 musaŋgo na babo. \* Nde di m'omele binyo,

## I Onyola bato ba Tesalonika 5.

a bonate, omele ba ba ma-daŋgwe ka mpeŋga,  
embe ba milema mi bobi, oŋgwane babobi,  
bene welisane na bese. \* Aŋgameye ná to 15  
moto a si timbisele bobe onyola bobe, nde  
ponda yese bupe nde nje ye bwam mowó  
na nune, nikamene pe na bese. \* Bwa mu- 16  
nyenge ponda yese; \* kane ponda yese; 17  
\* bola masoma onyola mese, ebanja nika nde 18  
nye jemea la Loba o Kristo Yesu na binyo.  
\* Lo si dimse Mudí; \* lo si yaña topo la 19 20  
bedinge. \* Wasa mese, alea di le bwam. 21  
\* Panda etum na mese mam'enene ka 22  
bobe.

Nde Loba la musaŋgo momene, a 23  
saŋgise binyo na weletete, ná midí  
manyu na milema na manyolo banen-  
gebe na keŋgeŋge, esibe misan o  
bepoyedi ba Saŋgo asu Yesu Kristo.  
\* Nu nu bele binyo embale, amende pe bola 24  
nika. \* A bonate, kane onyol'asu. \* Soma 25 26  
bona-saŋgo bese na sopa la bosangi. \* Na 27  
ma-kanea binyo soŋgo o Saŋgo, ná nin kalati  
elaŋgabe na bona-saŋgo ba bosangi bese.  
\* Nded'a Saŋgo asu Yesu Kristo ebe na 28  
binyo. Amen.

## KALAT' A PAULO

nya mbusa

### ONYOLA BATO BA TESALONIKA.

---

- \* 1 Paulo na Silwano na Timoteo onyola muemba ma bato ba Tesalonika o Loba Saŋgo  
2 asu na Saŋgo Yesu Kristo. \* Ndedi e be na binyo na musaŋgo mu ma-we na Loba, Saŋgo asu, na Yesu Kristo.
- 3 Di aŋgamen bola masoma na Loba onyol' anyu ponda yese, a bonate, kana e aŋgamenno nika, ebanja jemea lanyu di ma-nyaka, ndol'a binyo bese nya moto na moto, mowó  
4 na nune pe, e ma-tondo, \* ka nyena di masese onyol' anyu o miemba ma Loba onyola welisane lanyu na jemea lanyu o mitakisan manyu mese na ndeŋge nyena lo ma-welisa-  
5 nenó; \* nika nye nde eyembilan a muka ma Loba mu tem na sim, ná lo be badoŋgamen onyola janea la Loba, lena onyol' ao pe nde  
6 lo ma-takano; \* ke yetena ye lambo di tem na sim na Loba, o timbisele mitakisan na ba  
7 ba ma-takise binyo, \* nde binyo bena lo matakisabe pe wumse muemba na biso, o ponda Saŋgo Yesu a ma-biisabenó o wa la mony  
8 muemba na angel a ŋginy' ao, \* o misonji ma wea, o ponda a ma-bolano makunako na ba bena ba si bī Loba na ba si ma-dube miaŋgo-ma-bwam ma Saŋgo asu Yesu Kristo,

## II Onyola bato ba Tesalonika 1. 2.

\* bena ba mende kuse bekokisedi, dibumbe la 9  
bwindea, lena di ma-we oboso ba Saŋgo na  
bosaŋgi ba ŋginy'ao, \* ponda a mendeno po 10  
o busise momene oteten a basangeri bao na  
ka ni m'ubisane o bese bena ba dube o bo  
bunya, (ebanja mboŋ asu eta e dubabe na binyo).

Onyola nikamene nde di ma-kaneno pe 11  
onyol'anyu ponda yese, ná Loba lasu a  
laŋge binyo ka badoŋgamen onyola belabe  
lanyu, a londise pe munyeŋge muese onyola  
bwam na ebol'a jemea o ŋginya; \* ná dina 12  
la Saŋgo asu Yesu Kristo di busisabe onyol'  
anyu, binyo pe onyol'ao, kaponda nded'a  
Loba lasu na nya Saŋgo Yesu Kristo.

Nde di sosomedi binyo, a bonate, onyola 2  
ka bepoyedi ba Saŋgo asu Yesu Kristo na  
onyola jakotone lasu na mo, \* ná lo si wamse 2  
puŋgwabe milopo to bwesabe boŋgo to onyola  
mudi to onyola eyala to onyola kalati, nye  
biana ewu nde na biso, ka biana bunya ba  
Saŋgo bo má-po. \* To-moto a si wondo binyo 3  
o to-njika ka; ebanja o ka yese timba la  
mbusa di aŋgamen sele po, mot'a bobbe pe  
a biisabe, mun'a dibumbe, \* nyena nu ma- 4  
teŋgene na jase pe momene omony a mese  
mena ma belabe Loba to ma bosaŋgi, ka nyena  
a ma-jese momene o tempel a Loba, a leelee  
momene ka Loba. \* Lo si m'onge pe ná na 5  
ta na laŋgwea binyo man mambo niponda na  
tano na binyo? \* Tatan lo bi so nje e m' 6  
eke, ná atate nde biisabe a pond'ao. \* Ebanja 7  
esok'a ka ni si ben mbenda e má-botea bolane,

## II Onyola bato ba Tesalonika 2. 3.

- nde nu nu m'eke mo natena tatan, 'a<sup>u</sup>ngamen  
8 nde sele sumwabe o ngea, \* to denge nu nu  
si ben mbenda a ma-biisabe, nyena Sa<sup>u</sup>ngo Yesu  
a menden<sup>o</sup> nyamse na wei a mudumbu mao  
na sinele pe mo onyola bebiisedi ba bepoyedi  
9 bao, \* nu nyena bepoyedi bao be ma-be nde  
kaponda nginy'a Satan o nginya nyese na  
10 beyemban na betanysedi ba loba<sup>u</sup>ngo, \* na o  
mawond<sup>o</sup>n mese ma ka ni si tem na sim onyola  
ba ba ma-nyame, ebanja ba si ta ba kasa ndol'a  
11 mbale ná b'ongisabe. \* Onyola nika Loba  
a ma-lomea babo nginy'a mawond<sup>o</sup>n, ná ba  
12 dube loba<sup>u</sup>ngo, \* ná bese ba kaisabe bena ba  
si ta ba dube mbale, nde ba dolisane nde ka  
ni si tem na sim.
- 13 Nde biso di a<sup>u</sup>ngamen bola masoma na Loba  
onyol'anyu ponda yese, a bonate ba tondobe  
na Sa<sup>u</sup>ngo, ebanja Loba a posi binyo natena  
o beboteri onyola jo<sup>u</sup>ngise, onyola sa<sup>u</sup>ngisabe  
14 la mud<sup>i</sup> na jemea o mbale, \* onyol'ao pe  
nde a beleno binyo onyola mia<sup>u</sup>ngo masu ma  
bwam, onyola kusa la bosa<sup>u</sup>ngi ba Sa<sup>u</sup>ngo asu  
15 Yesu Kristo. \* Binyo teme so na nginya, a  
bonate, lo tingame na mieka miena lo tano  
lo leabe, to e be nde onyola eyala to onyola  
16 kalat'asu. \* Nde momene Sa<sup>u</sup>ngo asu Yesu  
Kristo na Loba, Sa<sup>u</sup>ngo asu, nu tondi biso nu  
boli pe lokomea la bwindea na dipita la bwam  
17 o ndedi, \* a lokomeye milema manyu, 'embe  
pe mo onyola ebol'a bwam na eyal'a bwam te.
- 3 O sukan, a bonate, kane onyol'asu ná  
eyal'a Sa<sup>u</sup>ngo e da<sup>u</sup>ngwe e busisabe pe kana

## II Onyola bato ba Tesalonika 3.

oteten anyu. \* na ná di suṅgabē na bato ba 2  
inpeṅga na ba bobē; ebanja jemea di titi  
lambo la bese. \* Nde Saṅgo e mbale nyena 3  
nu mende jembe na tata binyo onyola nya-  
bobē. \* Nde di ben mapite na binyo o Saṅgo, 4  
ná lo ma-bola lo mende pete bola ma di  
m'aneano binyo. \* Nde Saṅgo a tese milema 5  
manyu o ndol'a Loba na o welisane la Kristo.

Nde di m'anea binyo, a bonate, o dina la 6  
Saṅgo asu Yesu Kristo, ná lo pandise binyo-  
mene etum na muna-saṅgo te nu ma-daṅgwe  
ka ni s'aṅgamen, seto kaponda mieka ba  
kusino na biso. \* Ebanja binyomene lo bi 7  
neni lo aṅgamenno jembilane biso; ebanja biso  
di si ta di daṅgwa ka ni s'aṅgamen oteten  
anyu, \* di si dedi to ewol'a moto tete, nde 8  
di boli nde ebolo na ndutu na ṅginya muese  
na bulu, ná di si be muuna na to-mowó nyanyu.  
\* Seto ná e si ta biso wonja nika, nde o bola 9  
bisomene na binyo ka eyembilan, ná lo embi-  
lane biso. \* Ebanja dinmene nde di tano di 10  
anea binyo, niponda di tano na binyo, na:  
Nu nu si m'emeye o bola ebolo, to mo pe  
a si da. \* Ebanja di ma-seṅga ná doṅgo lanyu 11  
ba ma-daṅgwa ka ni s'aṅgamen, ba si ma-bola  
ebolo, nde ba ma-longalóngane nde o mambo  
ma bapepe. \* Nde nika nyai a bato di m'anea 12  
babo na jomele pe o Saṅgo asu Yesu Kristo,  
ná ba bole ebolo na ka pī, ba de yabu ewolo  
momene. \* Nde a bonate, binyo lo si wolo o 13  
bola la bwam. \* Nde yetena mowó a si ma- 14  
dube te eyal'asu ya nin kalati, embilane mo,

## I Onyola Timoteo 1.

ka nyena lo si bene kolongone na mo, ná a  
15 bwesabe ison. \* Lo si nongo mo ka musingeri,  
16 nde l'omele nde mo ka muna-sango. \* Nde  
Sango a musango momene a bole binyo mu-  
sango ponda yese o ka yese. Sango a be na  
17 binyo bese! \* Masoma ma mba Paulo na dia  
lam, nika nde nye eyemban o kalati te, nika  
18 nde na ma-tilano. \* Nded'a Sango asu Yesu  
Kristo e be na binyo bese. Amen.

---

## KALAT' A PAULO NYA BOSO ONYOLA TIMOTEO.

---

- 1 Paulo, nyamuloloma nya Yesu Kristo, kapon-  
da beanedi ba Loba, musunger'asu, na Sango
- 2 Kristo Yesu, dipita lasu, \* onyola Timoteo,  
mun'am nya mbale o jemea. Ndedi na ndolo  
na musango mu ma-we na Loba, Sango asu,  
na Kristo Yesu, Sango asu.
- 3 Kana na tano n'omele oa o dia o Efeso,  
niponda na tano n'ala o Masedonia, (na ma-  
bola pe nde nikamene tatan) ná o aneye  
dongo la bato ná ba silee nyai a beleedi
- 4 nipepe, \* ba s'ombwea to onyola minia to  
ndando a mbia ni si ben su, nyena ni ma-  
wane nde penda buka bolea la Loba la
- 5 bwam o jemea. \* Nde su la mbenda le nde  
ndolo ni ma-we o mulema mu sangi na mudi
- 6 ma bwam na jemea di si ben mawondon, \* o

## I Onyola Timoteo 1.

man mene nde dongo ba pambilanno, ba yombo  
onyola betopedi b'ewolo, \* ba pula be baleedi 7  
ba mbenda, nde ba si sontane nje ba ma-kwa-  
lano, to onyola ma mena ba ma-yikiyeno na  
nginya. \* Nde di bi ná mbenda nye bwam, 8  
yetena moto a ma-bolane mo ka ny'aangamen  
na mbenda, \* kana di bino ná mbenda e si 9  
ma-bolabe onyola moto nu tem na sim, nde  
onyola ba ba si ben mbenda na onyola ba-  
mayanako na ba si dube Loba na bato ba bobe,  
onyola ba si saŋgi na bambindo, onyola ba-  
dipe-basaŋgo na banyaŋgo, onyola bato ba  
ebwan, \* onyola bato ba misonje na babole- 10  
bobe na bome, onyola bibe-bato, onyola ba-  
lobaŋgo na bakane-songo na mawondon na  
onyola lambo na lambo lena di ma-liŋgise  
beleedi ba muenya, \* kaponda miaŋgo-ma- 11  
bwam ma bosaŋgi ma Loba la bonam, miena  
mi bakabe na mba.

Na ma-bola masoma na Kristo Yesu, Saŋgo 12  
asu, nu boli mba nginya, ná alaŋgi mba  
mbale, kana a teseno mba onyola ebol'ao,  
\* mba nyena nu ta mutope-dibena na mutaki- 13  
sedi na munyamsedi. Nde na kusi ndedi,  
ebanja na ta nde na bola nika na bodimbea,  
o ponda na sitano na dube. \* Nde nded'a 14  
Saŋgo asu e timbi be njoasoa muemba na  
jemea na ndolo o Kristo Yesu. \* Yen eyala 15  
ye mbale, y'aangamen dubabe o ka yese,  
ná Kristo Yesu a poi o wase o suŋga  
babobe, bena oteten abu mba nde ne  
nya boso. \* Nde onyola ninkamene nde 16



## I Onyola Timoteo 1. 2.

- na kusino ndedi, ná Yesu Kristo a leele  
na mba, ka mot'a boso, welisane lese,  
o be eyembilan onyola ba bena ba  
mende dube mo o ponda ni mende po,  
17 onyola longe la bwindea. \*Edube na  
sesa ba be so nde na mo, Kiñ'a bwindea, di  
Loba diwomene, di si ma-tombe na di si m'  
enene, o bwindea na bwindea. Amen.
- 18 Ben beanedi so nde na ma-bakeno na oa,  
a mun'am Timoteo, kaponda beyala b'edinge  
bena be ta be sele kwalabe oboso onyol'ango,  
19 ná onyol'ao o ane ewenj'a bwam, \*kana o  
ma-tingameno na jemea na mudi ma bwam  
pe, muena dongo ba kyomno, na babo ba bo-  
20 lone jemea; \* oteten a bamene nde Himeneo  
na Alesander beno, bena na bakeno na Satan  
ná ba kokisabe, ka nyena ba si topo dibena.
- 2 Na m'omele so ka lambo la boso, o bola  
besosomedi na mika na besosomedi onyola  
bapepe na bola la masoma onyola bato bese,  
2 \*onyola kine na bese bena bajai o bejedi  
be asam, ná di wele bene longe la musango  
na la pi o dube-la-Loba lese na bwam boese.
- 3 \*Ebanja nika nye bwam na ka ni dolisan  
4 oboso ba Loba, musunger'asu, \*nu ma-pule  
ná bato bese b'ongisabe, ba po pe o dibie la  
5 mbale. \*Ebanja Loba le nde diwo, mu-  
waledi pe mowó oteten a Loba na bato,  
6 nu moto mene Kristo Yesu, \*nu boli  
momene dikoti onyola bese, ná nika e  
7 bolabe mboñ o pond'ao, \*nyena onyol'  
ao nde na tesebeno ka mute-dikalo na nya-

## I Onyola Timoteo 2. 3.

muloloma, (na ma-topo nde mbale o Kristo, na si ma-topo lobango), muleed'a basibi o jemea na o mbale.

Na ma-pula so ná bome ba kane wuma 8  
yese, b'ase maa ma bosangi o mony, esibē  
malinga na mitango. \* Nikamene pe bito na 9  
mboti i dongamen, ba botise babo momene na  
ison na edemo a bwam, seto na penda la nyo  
to gol to misanga to mbot'a tiki, \* nde kana 10  
e angamenno na bito, bena ba ma-pusele babo  
momene ka badube-Loba na bebolo ba bwam.  
\* Muto 'okwe o pi na sibise la momene lese. 11  
\* Na si ma-bola muto wonja o lee, to o janea 12  
omony a mome, nde a je nde na pi. \* Ebanja 13  
Adam nde a sele wekabe, denge Ewa. \* Adam 14  
a si wondobe to, nde muto nde a wondobe,  
a ko o bulele la mbenda. \* Nde a mende 15  
jongisabe onyola ya la bana, yetena ba tingam  
o jemea na o ndolo na o bosangi na edemo  
a bwam.

Yen eyala ye mbale na: Yetena moto 3  
a ma-pulise te ebol'a mombwedi, ke a  
ma-pulise nde ebol'a bwam. \* Nde mom- 2  
bwedi 'angamen nde be ka ni si ben misan,  
mome a muto mowó, a be penya na yene na  
edemo a bwam na nu tondi jese ben na nu  
bi lee, \* a si be musokedi to mutonde-ewenji, 3  
nde a be nde pi, seto mot'a mitango to muton-  
de-bema, \* nu m'aneye ndabo ao bwam, 4  
nu ben bana ba ma-sengane na bwam boese;  
\* (yetena moto a si ma-wele te janea ndabo 5  
ao momene, neni eno ná a bongwa muemba

### I Onyola Timoteo 3. 4.

- 6 ma Loba?) \* a si be mot' a penya onyola  
jemea, ná a si ya be a londomeye nde a ko o  
7 muka ma Satan. \* 'Aṅgamen pe bene dina  
la bwam na ba be o eboko, ná a si ya be a  
ko o malou na malambi ma Satan.
- 8 Nikamene pe baboledi ba be bato ba dili,  
ba si be leme loba, to batonde-mao, to batonde  
9 museñ ma bobe, \* bena ba m'aleye esok'a  
10 jemea o mulema mu saṅgi. \* Nde ninka bato  
b'aṅgamen nde sele wasabe, deṅge ba ma-  
tesebe o ebolo, yetena ba si ben misan.
- 11 \* Nikamene pe bito b'aṅgamen be bito ba  
dili, seto batonde-minda, ba be nde penya  
12 na mbale o mambo mese. \* Baboledi ba be  
nde bome ba muto mowó, bena ba m'aneye  
13 bana babu na mandabo mabu bwam. \* Ebanja  
ba bena ba boli ebolo bwam, ba ma-kusea  
babo momene bejedi ba bwam na dipita  
dindene o jemea o Kristo Yesu.
- 14 Nama-tilea oa man mambo, kana napiteno  
15 o po na oa son a ponda; \* ná ye pete na  
n'indedi, o bie neni b'aṅgamenno daṅgwa o  
ndabo a Loba, nyena nye muemba ma Loba  
16 la loṅge, etembu na eyot'a mbale. \* Esok'a  
dube-la-Loba ye bondene ka ni bian  
na: Loba a biisabe o eyobo, a tesebe na  
sim o mudī, 'enen na angel, a laṅgwabe  
oteten a basibi, a dubabe na mundi-ma-  
wase, a nonḡobe o bosāṅgi o mony.
- 4 Nde Mudī mu ma-kwala na ka ni telam,  
ná o ponda ni mende po doṅgo ba mende  
jasumwe na jemea, ba mende lata na midī

## I Onyola Timoteo 4.

ma mawondon na beleedi ba Satan; \* onyola 2  
mawondon ma batope-lobango, bena ba ma-  
die wea o midī mabu momene, \* bena ba ma- 3  
bangane o bā na o da mada mena Loba a  
wekino, o da na masoma onyola ba bena ba  
ma-dube na onyola ba bena babī mbale.  
\* Ebanja eweked'a Loba te e doli, to-lambo 4  
di titi lena di angamen bangabe, lena di ma-  
kasabe na bola la masoma; \* ebanja di ma- 5  
sangisabe onyola eyal'a Loba na muka.

Yetena o ma-teleye te bona-sango man 6  
mambo, ke o mende be muboled' a bwam nya  
Yesu Kristo, nu bongwabe o beyala ba jemea  
na beleedi ba bwam bena o bupeno. \* Nde 7  
banga minia ma mbamba na ma baturu ba  
bito, nde kekise nde oamene o dube-la-  
Loba. \* Ebanja kekise la nyolo di si 8  
ben museñ ma ndongo, nde dube-la-  
Loba le museñ onyola mambo mese, ka-  
na di benno dikaki la din longe na la  
dine di mende po. \* Yen eyala ye mbale, 9  
y'angamen dubabe o ka yese. \* Ebanja onyola 10  
nikamene nde di ma-nongono ndutu, di loabe  
pe, ebanja di wele nde dipita lasu na Loba  
la longe, nyena nye musunger'a bato bese,  
sepon nya badube. \* Anea nde man mambo, 11  
o lee pe nde mo.

To-moto a si yaña oa onyola muutu, nde 12  
be nde eyembilan onyola badube o eyala, o  
bedangwedi, o ndolo o Mudī, o jemea, o konji.  
\* Obiana na ma-po, tingame o laŋga na jomele 13  
na lee. \* O si be soaluke onyola jabea la 14

## I Onyola Timoteo 4. 5.

- ndedi lena le oteten aṅgo, lena di bolabe oa  
na ka betopedi b'ediṅge na neṅgele la maa  
15 ma baturu omony aṅgo. \* Ombwea onyola  
man mambo, temeye nde oten, ná bonyaki  
16 boṅgo bo biane na bese. \* Aṅgameye oamene  
na o beleedi pe, tiṅgame o man mambo; ebanja  
o ma-bola te nika, ke o mende joṅgise oamene  
na ba ba ma-seṅgane oa.
- 5 O si domea mutur'a moto, nde omele nde  
mo ka soṅgo, besombe ba bome pe ka bona-  
2 soṅgo, \* baturu ba bito pe ka banyoṅgo,  
besombe ba bito pe ka bona-nyoṅgo o bosanḡi  
boese.
- 3 Dube mikusa, miena mie mikusa nambale.  
4 \* Nde mukusa mu ben te bana to miladi, eseḡe  
babo ba sele jokwa o leeḡe ka bwam na nda-  
bo abu momene, batimbiseḡe bwam na basanḡo  
na banyanḡo, ebanja nika nye ka ni doli  
5 oboso ba Loba. \* Nde mukusa ma mbale,  
muena mu si ben pe moto nde, mu tese dipita  
lao na Loba, mu ma-tiṅgame pe o muka na  
6 besosomedi bulu na muese. \* Nde nu nu ma-  
bwese nde momene munyeṅge, a wedi tona  
7 eno loṅge. \* Omele nde onyola man mambo,  
8 ná ba be ka ni si ben misan. \* Nde yetena  
moto a si ma-sombwea bona bao, sepon bato  
bao ba ndabo, ke a tobi nde jemea, e bobe  
9 buka nu si dube Loba. \* Mukusa mu si noṅgobe  
o musoṅgi, yetena mu si poi te to mumutoba  
ma mbu, muena mu ta munj'a mome mowó,  
10 \* muena mu ben dina la bwam o bebolo ba  
bwam, yetena mu kokise bana, yetena mu ta

## I Onyola Timoteo 5.

mu jese ben, yetena mu ta m'oa miende ma  
basaŋgeri, yetena mu ta mu oŋgwane batakedu,  
yetena mu ta mu ombwea ebol'a bwam te.  
\* O si noŋgo besombe ba mikusa; ebanja ba 11  
timbi te bene bepuledi liŋgise Kristo, ke ba  
mende pula diba, \*nde ba ma-bene muka 12  
mu kwedi, ná ba tobi jemea la boso. \* Nde 13  
ba mende pe na jokwa o be bwala, o yeŋga  
o ndabo na ndabo te, nde seto bwala momene,  
ba ma-kumwa pe na be misosi na peye o mia-  
mbo ma bato bapepe, ba topo mambo ma s'  
aŋgamen. \* Onyola nika na tondi ná besombe 14  
ba mikusa be kuse diba, ba ye bana, b'ombwe  
mambo mabu ma ndabo, ba si bola musinŋeri  
njom o topo dibena. \* Ebanja doŋgo ba má- 15  
timba ombusa o bupe Satan. \* Nde yetena 16  
mudubed'a mome to nya muto, a ben te mi-  
kusa, a boŋgwe mo, a s'esele muemba mu bene  
muuna, ka nyena mu wele nde boŋgwa mi  
miena mie mikusa nambale.

Baturu bena be b'ombwedi ba bwam b' 17  
aŋgamen laŋgabe ka badoŋgamen edube e  
londi, sepon ba bena ba ma-noŋge ndutu o  
eyala na o beleedi. \* Ebanja betiledi be ma- 18  
kwala na: „O si kaka mudumbu ma nyaka ni  
ma-sose mbasi,“ na na: „Muboledi 'aŋgamen  
musauedi mao.“ \* O si kasa njom ni bakabele 19  
muturu, e be te o mudumbu ma mboŋ iba to  
ilalo. \* Ba bena ba ma-bole bobo, domea 20  
babo oboso ba beŋe, ná bane bapepe ba bene  
boŋgo. \* Na ma-kanea oa soŋgo oboso ba 21  
Loba na oboso ba Kristo Yesu na oboso ba

## I Onyola Timoteo 5. 6.

angel i posobe, ná o nenge man esibe jom-  
bwea moto, o si bola pe to lambo o ka temeye  
22 la muri mowó. \* O si wamse nengele maa  
omony a moto, ná o si bene dongo o miobe  
23 ma bapepe. Nenge oamene bosangi. \* O si  
nyo pe madiba momene, nde bolane pe son  
a mao, onyola ka dibum longo na onyola  
24 yoko longo la maboa. \* Miobe ma dongo  
la bato mi ma-wamse busa o mpoma, mi ma-  
pomane po o muka; nde ma bapepe pe mi  
25 ma-sukane. \* Nikamene nde bebolo ba bwam  
pe be ma-pomaneno busa o mpoma, nde ba  
bena be ka nipepe, ba titi ná ba wutame.

6 Bese bena be owasa ekokoso ka bakom,  
b'angamen langa basango babu ka badonga-  
men edube yese, ná dina la Loba na beleedi  
2 ba siloabe. \* Nde ba bena ba ben basango  
ba dube, ba si yaña babo, kana beno bona-  
sango, nde ba benge nde bolea babo, ebanja  
be nde badube na batondobe, bena ba ma-  
kuse bo bwam. Lee nde man mambo, omele  
pe onyol'ao.

3 Nde yetena moto a ma-lee te nyai a be-  
leedi nipepe, nde a si late na beyala ba muen-  
ya ba Sango asu Yesu Kristo, bena be  
4 kaponda dube-la-Loba, \* ke a londomedi nde,  
a si bi to-lambo, ke a ma-boa nde miuedi na  
pend'a beyala, o uamene nde ekon na mitango  
ba ma-wano, na dibena na mongele ma bobe  
5 lingise bapepe, \* na mitango mi si ben su ma  
bato bena ba ben mongele ma mpena, bena  
ba pandisabe na mbale, bena ba m'ongele ná

## I Onyola Timoteo 6.

dube-la-Loba le nde nge'a museñ. Pandise  
oamene na ninka nyai a bato.

Nde dube-la-Loba le nde nge'a mu- 6  
señ nindene, yetena moto a sibise mu-  
lema na nje edongamen. \*Ebanja di 7  
si wan to-lambo o nin wase; nde e bian  
pe ná dititi ná di wele walane to-lambo.  
\*Nde di ben te da na mboti, esele nika 8  
edongamene biso. \*Nde ba bena ba ma- 9  
pule ko mbwan, ba ma-ko o makekisan na  
lambi na gita la bepuledi b'elemā na be ma-  
nyamsane, bena be ma-loise bato o dibumbe  
na o njiba. \*Ebanja tondo la bema le nde 10  
muanga ma nyai a miobe yese, o mpuli ma  
nika nde dongo ba pambilanno na jemea, b'  
ense babo momene gita la sese.

Nde oa, a mot'a Loba, nya nika mila, nde 11  
bupe nde teme-la-sim na dube-la-Loba na  
jemea na ndolo na welisane na pi. \*Ana 12  
ewenj'a bwam ya jemea; kasa longe la bwin-  
dea, lena onyol'ao nde o belabeno, o pusele  
pe pusele la bwam oboso ba gita la bato ba  
mboñ. \*Na m'omele oa oboso ba Loba nu 13  
ma-bole mambo mese longe, na oboso ba Kristo  
Yesu, nyena nu pusele pusele la bwam oboso  
ba Pontio Pilato; \*ná o nenge yin mbenda 14  
esibe dipeny to misan, natena bepoyedi ba  
Sango asu Yesu Kristo, \*bena o pond'ao, 15  
mo, nya bonam a mendeno leele, nu nye nya  
nginya mowómene, Kin'a bona kiñe na Sango  
a bona basango, \*nu momene mowó nu ben 16  
ka ni si ma-wo, nyena nu jai o muenen muena



## II Onyola Timoteo 1.

to-moto a titi ná a sisea bebe, nyena to-moto  
a s' enno, nde a titi pe to ná a wele jene,  
edube e be nde na mo na bosangi ba bwindea.  
Amen.

- 17 Ba bena be mbwan o nin wase, anea babo  
ná ba si bene milema mi asam, ba si nenge to  
milema mabu o mbwan m'elolonge, nde o  
Loba la longe, nyena nu ma-bole biso mambo  
18 mese njoasoa o bolane, \* ba bole nde bwam,  
ba timbe mbwan o bebolo ba bwam, ba be  
nde ba sangi milema, bena ba tondi jabane,  
19 \* ba kombeye babo momene bebokedi ba bwam  
onyola ponda ni mende po, ná ba Tate kusa  
longe la mbale.
- 20 A Timoteo, nenge di lena di bakabe na oa,  
banga betopedi b'ewolo na miuedi ma dibie,  
21 kana di belabeno na ka mawondon, \* lena  
dongo ba latino, na babo ba tindame na jemea.  
Ndedi e be na oa! Amen.

## KALAT' A PAULO

### NYA MBUSA ONYOLA TIMOTEO.

- 1 Paulo nya muloloma nya Yesu Kristo  
onyola jemea la Loba, kaponda dikaki la longe  
2 o Yesu Kristo, \* onyola Timoteo, mun' am  
nya ndolo, ndedi na ndolo na musango mu  
ma-we na Loba Tete na Kristo Yesu, Sango asu.  
3 Na ma-soma Loba, nu nyena na ma-boleano

## II Onyola Timoteo 1.

botea na batete na mulema mu saŋgi, kana  
na m'ongeleno oa o besosomedi bam ponda  
yese bulu na muese, \* kana neno nyongi o 4  
jene oa, ke n'ongele misodi mongo, ná na  
londe na munyenge, \* kana na nongino jongele 5  
onyola jemea longo lena di si ben mawondon,  
lena di ta di sele be oteten a nyongo nya  
mbambe Lois na nyongo Eunike, na bake  
bwambwam, ná le pe oteten aŋgo.

Onyola nika na ma-bola oa jongele, ná o 6  
onyise jabea la Loba, lena le oteten aŋgo,  
onyola neŋele la maa mam omony aŋgo.  
\* Ebanja Loba a si boli biso mudī ma bongo, 7  
nde ma nginya na ma ndolo na ma jaŋga-  
meyer. \* Osibwa so ison onyola mboñ a Saŋgo 8  
asu Yesu Kristo, to onyol'am, mot'ao nya  
eboā, nde oa pe welisane nde ndutu onyola  
miaŋgo-ma-bwam kaponda nginy'a Loba,  
\* nyena nu suŋgi biso nu bele pe biso na 9  
bebeledi ba bosangi, seto kaponda bebolo  
basu, nde kaponda jemea lao na kaponda  
ndedi nyena ni bolabe biso o Kristo Yesu  
oboso ba ponda bwindea, \* nde e biisabe tatan 10  
onyola bepoyedi ba musuŋger'asu Yesu Kristo,  
nyena nu bole kwedi, nde a busise longe na  
ka ni si ma-nyame o muenen onyola miaŋgo-  
ma-bwam, \* miena onyol'ao nde na tesebena 11  
mulaŋgwedi na nyamuloloma na muleed'a  
basibi. \* Onyola nikamene nde na ma-takano 12  
na man mambo; nde na si ma-bwa ison, ebanja  
na bī nu nyena na dubeno, na bake pe bwam-  
bwam, ná a ben nginya o neŋge di di ba-

## II Onyola Timoteo 1. 2.

- 13 kabe na mba, natena bo bunya. \* Tingame  
na eyembilan a beyala ba muenya, bena o  
sengino na mba, o jemea na o ndolo o Kristo  
14 Yesu. \* Nenge di lambo la bwam lena di  
bakabe na oa onyola Mudī Musaŋgi, muena  
mu jai oteten aŋgo.
- 15 O bī din lambo, ná bese ba Asia ba ta  
b'asumwe na mba, oteten a bamene nde  
16 Filego na Hermogene pe beno. \* Saŋgo a  
leele ndedi na ndabo a Onesiforo, ebanja a  
ta 'embe mba gita la ŋgedi, a sita a bwa  
17 ison onyola beboa bām, \* nde niponda a  
poino o Roma, a ta nde a pulise mba na ŋginya,  
18 nde a soi mba. \* Saŋgo a bolé mo, ná a so  
ndedi na Saŋgo o bo bunya! To njika gita  
la mambo a bolino pe o Efeso, oamene o bī  
mo bwambwam.
- 2 Oa so, a mun'am, be ŋginya o nded'a  
2 Saŋgo asu Yesu Kristo. \* Mambo pe o seŋgino  
na mba, onyola gita la bato ba mboŋ, bake  
mo na bato ba mbale, bena ba mende doŋga-  
3 mene o lee pe bapepe. \* Welisane nde ndutu  
ka mot'a bila nya bwam nya Yesu Kristo.  
4 \* To-mowó nu m'ale o bwemba, a si ma-puli-  
sane momene na bebolo ba jasombwele, ná  
5 a dolise nu nyena nu kàki mo. \* Ye pe te  
ná moto a m'ana, a si ma-kusa ekoto,  
6 yetena a s'an ka ny'aŋgamen. \* Muse-  
mōnda, nyena nu ma-bole ndutu, mo nde a ma-  
7 sele kuse doŋgo la bepuma. \* Oŋgele nje  
'na ma-kwalano, ebanja Saŋgo a mende bola  
8 oa sontane o mambo mese. \* Oŋgele Yesu

## II Onyola Timoteo 2.

Kristo, nyena nu pumbo o kwedi, nu wu o mbot'a Dawid, kaponda miaŋgo mam ma bwam, \* miena onyol'ao nde na ma-takano 9 natena o beboa ka mubole-bobe, nde eyal'a Loba e si kakabe. \* Onyola nika nde na ma- 10 welisaneno mese onyola ba ba posobe, ná babo pe ba kuse joŋgise, lena le o Kristo Yesu, na bosaŋgi ba bwindea pe. \* Yen eyala ye 11 mbale na: Yetena di wedi na mo, di mende pe be loŋge na mo; \* di welisan te, di mende 12 pe janea muemba na mo; di tobi te, ke mo pe a mende tobo biso, \* di titi te jemea, ke 13 mo a ma-tiŋgame nde na jemea; ebanja a titi ná a wele tobo momene.

Bola ná b'oŋgele man mambo, bola babo 14 mboŋ oboso ba Loba ná ba si bene musuŋga onyola beyala, nika e si ma-wana museŋ, nde e ma-puŋgwa nde ba ba ma-seŋge. \* Be 15 ŋginya o leele oamene mbale oboso ba Loba, ka muboledi nyena nu s'aŋgamen bwe ison, nyena nu ma-bolane eyal'a mbale ka ni teŋgen. \* Baŋga nde betopedi b'ewolo, ebanja ba mende 16 beŋga tondo o bobe, \* eyal'abu pe e mende 17 lany a ka mulongo. Oteten a bamene nde Hymeneo na Fileto beno, \* bena ba tindam 18 na mbale, ba kwala na, bepumbwedi be má-tomba, ba yombise jemea la doŋgo. \* Nde 19 tona, bebokedi ba ŋginya ba Loba be tem te, be ben yen eyemban na: Saŋgo a bi ba be bao, na na: Nu nu ma-tube dina la Saŋgo a tindame na ka ni si tem na sim. \* Nde o ndabo nindene seto 20

## II Onyola Timoteo 2. 3.

- bewa ba gol na silba momene nde be oten,  
nde ba beboŋgo na ba weya pe, doŋgo onyola  
edube, doŋgo pe onyola ka ni titi edube.
- 21 \* Nde yetena moto a saŋgise te momene na  
ninka nyai a bato, ke a mende be ewa onyola  
edube, e saŋgisabe, e dolon onyola bolane  
la saŋgo a mboa, e boŋsan onyola ebol'a  
bwam te.
- 22 Nya bepuledi ba esomb'a moto mila, nde  
bupe nde teme-la-sim, jemea, ndolo, musaŋgo  
na ba bena ba ma-bele Saŋgo na mulema mu
- 23 saŋgi. \* Baŋga miuedi m'elemā na ma mbam-  
ba, kana o bino ná mi ma-wana mitaŋgo.
- 24 \* Nde muut'a Saŋgo a s'aŋgamen taŋga muta-  
ŋgo, nde a ma-be nde pi na bese na nu bi
- 25 lee na nu ma-welisane, \* na ka pi nde a  
m'omeleno badipama, ná nga Loba ena a bola
- 26 babo jatele o timba na dibie la mbale, \* ná  
ba timbe pete penya, ba buse o lambi la Satan,  
nyena nu kaki babo onyola jemea lao.
- 3 Nde o bia ninka, ná o minya mi sukan
- 2 pond'a bobe e mende po. \* Ebanja bato ba  
mende timba batonde babo momene, batonde-  
moni, jasese, kumba, batope-dibena, ba si ma-  
seŋgane basaŋgo na banyaŋgo, ba si ben ma-
- 3 soma, ba titi bosangi, \* ba si ben ndolo, ba si  
tondi dolisane, bato ba minda, ba si wele  
manyolo konji, bato ba kwany, ba si tondi
- 4 bwam, \* b'andise-bato, ba si ma-duteye, ba-  
londomedi, ba tondi munyenge buka Loba,
- 5 \* bena ba ben bowan ba dube-la-Loba, nde  
ba tobo nginy'ao; panda na ninka nyai a bato.

## II Onyola Timoteo 3.

\* Ba nikamene nde be ba bena ba ma-nome 6  
o mandabo, ba nongo bito ba wam mikoma,  
bena ba londi na miuna ma bobē, ba diabele  
na nyai a bepuledi ba bobē, \*bena ba 7  
m'okwe ponda yese, nde ba si wele po o dibie  
la mbale. \*Kana Yane na Yambre batano 8  
ba tēngene Mose, nikamene nde babo pe ba  
tēngeno mbale, bato ba mōngele ma mpena,  
bena ba si dongamen to-lambo onyola ka je-  
mea. \*Nde ba si mende beŋga sisea oboso, 9  
ebanja elemā abu e mende bianē na bese,  
kana ya ban pe e tano e timba be.

Nde oa o bupé beleedi bam, bedaŋgwedi 10  
bam, jōngele lam, jemea lam, welisane lam,  
ndol'am, pīam, \*matakisan mam na ndeŋ'am, 11  
kana ma kweledino mba o Antiokia, o Ikonion  
na o Listra, matakisan mena na tano na we-  
lisane; nde Saŋgo a suŋgi mba na mese.  
\*Nde bese pe bena ba ma-pule be ka- 12  
ponda dube-la-Loba o Kristo Yesu, ba  
mende takisabe. \*Nde bato ba bobē na 13  
balemse-bato ba mende beŋga tondo o bobē,  
ba ma-lemse, nde babo pe ba lemsabe. \*Nde 14  
oa tīngame na ma mena o okono, mena o ba-  
keno pe bwambwam, kana o bino nà nja o  
okono mo, \*kana natena mutu o bino pe 15  
betiledi ba bosangi, bena be ma-wele bole oa  
o be jaŋgwa onyola jōngise onyola jemea o  
Kristo Yesu. \*Ebanja betiledi bese bena 16  
Mudi ma Loba mubolino, be museŋ  
onyola beleedi na onyola domea na  
onyola jomele na onyola diboŋgo la

## II Onyola Timoteo 3. 4.

17 teme-la-sim, \* ná mot'a Loba a be na  
keñgeñge, nu boñsan onyola ebol'a  
bwam te.

4 Na ma-kanea oa songo oboso ba Loba na  
oboso ba Yesu Kristo, nyena nu mende kaise  
bapenya na bawedi, na onyola bepoyedi bao  
2 na janea lao: \* Langwa eyala, tingame na  
mo o ponda ni tengen na ni si tengen, domea,  
kimea, omele na welisane lese na beleedi.  
3 \* Ebanja ponda e mende po, nyena ba si men-  
deno welisane beleedi ba muenya, nde ba  
mende tuleye babo momene baleedi kaponda  
bepuledi babu, kana ba ma-dolisaneno matoi  
4 mabu, \* nde ba mende sumwa matoi na mbale,  
5 ba yombo na minia. \* Nde oa be penya o  
mambo mese, welisane ndutu, bola ebol'a  
6 mulangwedi, londise ebol'ango. \* Ebanja na  
ma-botea o bolabe ka jabea, pond'a jasumwe  
7 lam e ni-ya bebe. \* Na ma-bole jana ewe-  
nj'a bwam, na ma-domse londo lam, na  
8 ma-neñge jemea. \* Botea tatan ekot'a  
teme-la-sim e neñgebele mba, yena  
Sango, mukaisedi nu tem na sim, a  
mendeno bola mba o bo bunya, nde seto  
mbamene mowó, nde bese pe bena ba  
tondi bepoyedi bao.

9 O keka bwambi, o wamse po na mba;  
10 \* ebanja Demasi 'esele mba, ebanja a tondi  
nin was'a tatan, 'alo o Tesalonika, Kreskensi  
11 o Galatia, Tito o Dalmatia. \* Lukasi momene  
nde a dia na mba. O ongo Marko, o wane  
mo muemba na oa, ebanja e jongwane gita na

## II Onyola Timoteo 4.

mba onyola ebolo. \* Na lom Tikiko o Efeso. 12  
\* Loki lena na dīng o Troa omboa Karpō, o 13  
ma-ya te o wana mō, na yi kalati pe, sepon  
ya mbōm ma beyobo. \* Alesander, mot'a bo- 14  
luli, a boli mba bobe gita; Saṅgo a mende tim-  
bisele mō kaponda bebolo bao. \* Oa pe o 15  
aṅgameye na mō, ebanja a ta a teṅgene beyala  
basu bwambi. \* O suṅga lam la nyolo la 16  
boso to-moto a si ta ombus'am, bese b'esele  
nde mba. Na tondi ke nika e si laṅgabe  
omony abu. \* Nde Saṅgo a ta ombus'am, a 17  
ta 'embe mba, ná onyol'am belāṅgwedi be  
domsabe, ná basibi bese ba seṅge mō; na ta  
pe na suṅgabe o mudumbu ma ṅgila. \* Nde 18  
Saṅgo a mende suṅga mba onyola ebol'a bobe  
te, a mende joṅgise mba o po o ekombo ao  
ya mony. Edube e be na mō o bwindea na  
bwindea. Amen.

Soma Priska na Akwila na ndabo a One- 19  
siforo. \* Erasto a dia o Korinto, Trofimo pe 20  
na dī mō na diboa o Mileto. \* O keka bwam- 21  
bi o po obiana epupa e ma-po. Eubulo na  
Pudens na Lino na Klaudia na bona-saṅgo  
bese ba som oa. \* Saṅgo Yesu Kristo a be 22  
na mudī moṅgo. Ndedi e be na binyo. Amen.



## KALAT' A PAULO

### ONYOLA TITO.

---

- 1 Paulo, muut'a Loba na nya muloloma nya  
Yesu Kristo, kaponda jemea la ba ba posobe na  
Loba na kaponda dibie la mbale, lena le ka-  
2 ponda dube-la-Loba, \* o dipita la loŋge la  
bwindea, lena Loba nu si ma-tope lobaŋgo a  
3 kakanno oboso ba pond'a bwindea, \* nde o  
pond'ao momene a biise eyal'ao o belangwedi,  
bena be bakabe na mba, kaponda beanedi ba  
4 Loba, musuŋger' asu; \* onyola Tito mun'am  
nya mbale, kaponda jemea la biso bese. Ndedi  
na ndolo na musaŋgo mu ma-we na Loba Tete  
na Saŋgo Yesu Kristo, musuŋger' asu.
- 5 Onyola nikamene nde na diŋo oa o Kreta,  
ná o tese ma ma dia ka bwam, o tese pe ba-  
turu o mudi na mudi te, kana n'anedino  
6 oa; \* yetena mowó a si ben misan, mom'a  
muto mowó, nyena nu ben bana ba dube, nu  
si ben dina la edemo a bobe, nu titi nu si  
7 tondi seŋgane. \* Ebanja mombwedi 'aŋgamen  
be ka ni si ben misan, ka soel'a Loba, seto  
mudolise momene, seto malinga, seto muso-  
kedi, seto mutonde-ewenji, seto mupulise-  
8 museŋ ma bobe, \* nde mutonde jese ben,  
mutonde-bwam, dibie, nu tem na sim, bosangi,  
9 lamba-la-nyolo, \* nu ma-tiŋgame o eyal'a

## Onyola Tito 1. 2.

mbale, yena ye kaponda beleedi, ná a wele  
jomele o beleedi ba muenya, a loke pe bam-  
pendu.

Ebanja gita la betopetope na bamawon- 10  
don be, bena ba si tondi seŋgane, sepon ba ba  
boendi, \* bena b'aŋgamen dibisabe mudumbu, 11  
bena ba ma-puŋgwe mandabo ma m'susu, kana  
ba ma-leenō mambo ma s'aŋgamen, onyola ka  
museŋ ma bobe. \* Mowó nyabu, mutoper'abu 12  
momene, a kwali na: Bato ba Kreta be nde  
bato ba lobaŋgo ponda yese, nyam'á bobe na  
mabum ma bwala. \* Nin mboŋ nye mbale. 13  
Onyola nikamene domea babo bwambi, ná ba  
je bwam' o jemea, \* ná ba si lele matoi o 14  
minia ma Bona-Yuda na mieka ma bato, bena  
ba tindam na mbale. \* Mambo mese me bo- 15  
saŋgi onyola bato ba bosangi; nde to-lambo  
di titi bosangi onyola bato ba mbindo na ba  
si dube, nde moŋgele mabu na milema mabu  
me nde mbindo. \* Ba ma-pusele ná ba bī 16  
Loba, nde ba ma-toḃo mo na bebolo babu, be  
nde nyakaka na dipama, ba si doŋgamen to-  
lambo onyola ebol'a bwam te.

Nde oa kwala nde nje e teŋgen beleedi ba 2  
muenya: \* ná baturu ba be penya na bato 2  
ba dili na yene na muenya o jemea na o  
ndolo na o welisane. \* Baturu ba bito pe ba 3  
be nde nikamene o edemo abu, kana e aŋga-  
menno na basangeri, seto batope-minda, seto  
batonde-mao gita, nde baleedi ba mambo ma  
bwam, \* ná b'okwele besombe ba bito o 4  
tondo bome babu na bana babu, \* ba be yene 5

## Onyola Tito 2. 3.

na konji na kombombo na bwam, ba sibise  
babomene owasa bome babu, ná eyal'a Loba  
6 e si loabe. \* Omele pe besombe ba bome nika-  
7 mene, ná ba be yene, \* nde o mambo mese  
leele nde oamene ka eyembilan a bebolo ba  
bwam, o beleedi ka ni si puŋgo na ka ni dili,  
8 \* beyala ba muenya, bena be si ben misan, ná  
musiŋgeri a sambwabele, kana a titino ná a  
9 wele kwala lambo la bobe onyol'asu. \* Ba-  
kom ba sibise nde babo momene owasa ba-  
saŋgo babu, ba be ka ni ma-dolisane o mambo  
10 mese, ba si be mpendu, \* ba si dengele to-lam-  
bo, nde ba leelee nde mbal'a bwam nyese, ná  
ba dolise beleedi ba Loba, musuŋger' asu o  
mambo mese.

11 Ebanja nded'a Loba ni m'oŋgise bato  
12 bese e poi; \* e ma-lee biso, ná di tobe  
dibangi-la-Loba na bepuledi ba wase,  
nde di daŋgwe na ka yene na teme-la-  
13 sim na dube-la-Loba onin wase, \* kana  
di m'eŋgeleno dipita la bonam na be-  
poyedi ba bosangi ba Loba dindene na  
14 musuŋger'asu Yesu Kristo, \* nyena nu  
boli momene onyol'asu, ná a kote biso  
onyola miobe mese, na saŋgiseye pe  
momene tumba di ma-be lao, lena le  
15 ŋginya o bebolo ba bwam. \* Kwala man,  
omele pe mo, o domeye na ŋginya nyese.  
To-moto a si yaŋa oa.

3 Bola babo joŋgele ná ba sibise babo mo-  
mene owasa manea na ŋginya, ba seŋgane,  
ba be pe ba boŋsan onyola ebol'a bwam te,

### Onyola Tito 3.

\* ba si topo bobe onyola to-moto, ba si be mitan- 2  
go, nde muyao, ba leele pi na bato bese.

Ebanja o ponda ni tombi biso pe di ta ba 3  
si sontan, ba si ma-sengane, ba ma-wuse, ba  
ma-boleye nyai á bepuledi na munyenge, di ta  
nde di dangwa o bobe na ekon, basingabe na  
basinge mowó na nune. \* Nde niponda bwam 4  
na tondo la bato la musunger' asu Loba ba  
poino, \* 'ongise biso, seto onyola bebolo ba 5  
teme-la-sim, bena di bolino, nde kaponda  
nded'ao, onyola jokele la yabe la penya  
na onyola timbise la penya la Mudi  
Musangi, \* muena a komno omony asu 6  
njoasoa onyola Yesu Kristo, musunger'  
asu, \* ná biso, bena di tesebe na sim 7  
onyola nded'ao, di be basangwedi ka-  
ponda dipita la longe la bwindea. \* Yen 8  
eyala ye mbale; onyola man mambo nde na  
ma-pulano ná o yikiye bwambwam, ná ba  
bena ba dube Loba ba be nginya o bola be-  
bolo ba bwam; man nde me bwam na musen  
onyola bato. \* Nde banga miuedi m'elemā 9  
na ndando a mbia na mitango na miambo  
onyola mbenda, ebanja ma si ma-wana musen,  
me nde ewolo. \* O banga moto nu ma-wane 10  
jabane, ke o má-jomele mo ngedi po to iba,  
\* kana o ma-biano ná a má-pengame, a ma-bola 11  
pe bobe, a kwesabe na momene.

Ponda na mendeno loma Artema to Tikiko 12  
ombo'ango, keka bwambi o po na mba o Ni-  
kopoli, ebanja oten nde na m' ongeleno o tom-  
bise epupa. \* Esee Sena, mubied'a mbenda, 13

## Onyola Filemon.

na Apolo b'ale o londo labu, ombwa bwam,  
14 ná ba si taka to-lambo. \*Bato basu pe b'ok-  
we o bola bebolo ba bwam onyola mambo  
ma ma-pule, ná ba si be ka ni si ma-ye bepu-  
15 ma. \*Bese bena be na mba, ba som oa. Soma  
ba ba tondi biso o jemea. Ndedi e be na  
binyo bese. Amen.

---

## KALAT' A PAULO

### ONYOLA FILEMON.

---

- 1 Paulo mot'a beboa nya Kristo Yesu na  
Timoteo, muna-saño; onyola Filemon nya  
2 ndolo na muenj'asu nya ebolo, \*na onyola  
Apia nya ndolo na onyola Arkipo, muenj'asu  
nya bila, na onyola muemba mue o ndabo  
3 aňgo. \*Ndedi e be na binyo na musaňgo mu  
ma-we na Loba, Saňgo asu, na Saňgo Yesu  
Kristo.
- 4 Na ma-soma Loba lam ponda yese, ke  
5 n'öngele oa o mika mam, \*kana na ma-seň-  
gano onyola ndol'aňgo na jemea lonögo, lena  
o benno na Saňgo Yesu na basaňgeri bese pe,  
6 \*ná latane la jemea lonögo di timbe nginya o  
dibie la bwam te, boena boe oteten asu  
7 onyola Kristo. \*Ebanja di ben munyeňge na  
lokomea gita onyola ndol'aňgo, ebanja milema  
ma basaňgeri mi ta mi embame onyol'aňgo,  
a munate!

## Onyola Filemon.

Onyola nika, tona na benno munyenḡe 8  
mundene o Kristo, o janea oa di di tenḡen,  
\*ke onyola ndolo nde na ma-pulano jomele, 9  
kana nenḡ mowó nya ninka, mudun a Paulo,  
tatan pe mot'a beboa nya Yesu Kristo. \*Na 10  
m'omele so oa onyola mun'am, nyena na  
yainḡ o beboa bam, Onesimo, \*nyena o si 11  
tano o tombwane o ponda ni tombi, nde tatan  
e joḡgwane onyol'aḡḡo na onyol'am; nyena  
na ma-timbisenḡ pe tatan na oa. \*Nde kasa 12  
mo, e nde mulema mam, \*nu nyena na 13  
wusano tondo o jalea na mba, ná a boleye  
mba o bejedi boḡḡo o beboa ba miaḡḡo-ma-  
bwam. \*Nde na si puli bola lambo, esibḡ 14  
jemea loḡḡo, ná bwam boḡḡo bo si be onyola  
ka manyakisan, nde na ka wonja. \*Pondapo 15  
a ta nde a sumwabe na oa onyola son a ponda,  
ná o kuse pe mo onyola bwindea, \*seto ka 16  
mukom pe, nde buka mukom, ka muna-saḡḡo  
nya ndolo, sepon na mba, nde buka pete ni-  
ka na oa pon, o eyobo na o Saḡḡo. \*O ma- 17  
laḡḡa so te mba ka muenj'aḡḡo, kasa mo ka  
mbamene. \*A ta te anyamse oa lambo, to'aledi 18  
te oa ewu, laḡḡa mo onyol'am k'ewu am.  
\*Mba Paulo nde na tili nika na dia lam, na 19  
mende sauwa mo; na si ma-pula kwala, ná oa-  
mene nyese oe nde ewu na mba. \*E, a munate, 20  
esele mba na kuse son a museḡ na oa o Saḡḡo;  
embe mulema mam o Kristo. \*Na tiledi nde 21  
oa o dipita la seḡḡane loḡḡo, kana na bino  
ná o mende bola buka nje na kwalino.

Boḡsane pe mba bejedi, ebanja na pite, ná 22

## Onyola Filemon. I Petro 1.

onyola mika manyu na mende bolabe binyo.  
23 \* Epafra muenj'am nya beboa o Kristo Yesu,  
24 a som oa, \* na Marko na Aristarko na Demasi  
25 na Lukasi muemba mam m'ebolo. \* Nded'a  
Saŋgo asu Yesu Kristo e be na mudī manyu.  
Amen.

---

## KALAT' A PETRO

nya boso.

---

- 1 Petro, nyamuloloma nya Yesu Kristo,  
onyola ben ba posobe oteten a ba ba pam-  
bilan o Ponto na Galatia na Kapadokia na
- 2 Asia na Bitinia, \* kaponda dibie, lena di ma-  
sele bie mambo mese, la Loba Tete, o saŋgi-  
sabe la' Mudī onyola seŋgane na miasele la  
maya ma Yesu Kristo. Ndedi na musaŋgo  
ba beŋge nde tondo na binyo.
- 3 Sesa di be na Loba na Saŋgo a Saŋgo  
asu Yesu Kristo, nyena nu yai biso penya,  
kaponda nded'ao nindene, onyola dipita la  
muenya, onyola bepumbwedi ba Yesu Kristo
- 4 o kwedi, \* onyola saŋgò, lena di si ma-nyame,  
di si ben misan, di si ma-bubweye, lena di
- 5 nengebele binyo o mony, \* binyo bena lo  
tatabe onyola jemea o ŋginy'a Loba, onyola  
jongise, lena di boŋsan, o biisabe o ponda ni
- 6 sukan. \* Lena onyol'ao nde lo ma-bwano  
munyenge, binyo bena lo ma-bwesabe son  
a ndutu tatan, yetena e aŋgamen be nika, o

## I Petro 1.

nyai a makekisan, \* ná jemea lanyu di sobe 7  
ka lambo la tiki, buka gol ni ma-nyame ni  
kekabe o wea, onyola sesa na edube na  
bosaŋgi, o bebiisedi ba Yesu Kristo, \* nyena 8  
lo s' enno, nde lo tondo te mo, nyena lo dubeno,  
tona lo si m' eneno mo tatan, lo ma-sombisenõ  
na munyenõge mu si ma-wele laŋgwabe, muena  
mulondi na bosaŋgi, \* kana lo ma-kusano 9  
su la jemea lanyu, joŋgise la midĩ manyu.  
\* Joŋgise lena onyol' ao nde batoperi-ba-mudi 10  
ba tano ba dutea, ba pulise pe, bena ba ta ba  
topo bedinge onyola ndedi ni ta o poye binyo,  
\* kana ba tano ba wasa, o njika ponda na 11  
njika nyai a ponda Mudĩ ma Kristo, muena  
mu ta oteten abu, mu ma-leeleno, muena mu  
sele bole mboŋ, onyola matakisan mena ma  
mende poye Kristo, na bosaŋgi boena bo ma-  
bupe ombus' ao, \* na babo nde ma mambo ma 12  
tano ma biisabe, (ebanja ba si ta ba bolea ba-  
bo momene na ninka, nde binyo), mambo  
mena ma ma-laŋgwabele binyo tatan, na ba  
bena ba ma-laŋgweye binyo miango-ma-bwam,  
o Mudĩ Musaŋgi, muena mulomabe o wa o  
mony, mambo mene mena angel pe i ma-puli-  
senõ o jombwa oteten ao.

Onyola nika bomea bedue ba moŋgele 13  
manyu, lo be penya, lo pite o ndedi na ka ni  
londi, nyena ni wanabele binyo o bebiisedi  
ba Yesu Kristo, \* ka bana ba ma-seŋgane, 14  
lo si tese binyomene kaponda bepuledi, bena  
be ta be anea binyo kwan o pond'a bodim-  
bea banyu; \* nde kana nu nu bele binyo 15



## I Petro 1. 2.

en<sub>o</sub> bosa<sub>ngi</sub>, biny<sub>o</sub> pe be bosa<sub>ngi</sub> o beda<sub>ngwedi</sub>  
16 banyu bese; \* ebanja e tilabe na: „Biny<sub>o</sub> be  
17 bosa<sub>ngi</sub>, ebanja mba ne bosa<sub>ngi</sub>.“ \* Nde yete-  
na lo ma-bele te mo ka tete, nyena nu si ma-  
kaise kaponda beombwedi ba bato, nde ka-  
ponda bebolo ba moto na moto te, da<sub>ngwane</sub>  
18 so pond'anyu nya ben o bo<sub>ngo</sub>, \* kana lo  
bino, ná losisungabe na mambo ma  
ma-nyame, ka silba to gol, o beda<sub>ngwedi</sub>  
banyu b'ewolo, bena be wu na basa<sub>ngo</sub>  
19 banyu, \* nde na maya ma tiki ka ma  
mun'a mud<sub>ongi</sub> nu si ben elem to misan,  
20 nika nye nde Kristo, \* nyena nu sele  
posobe, obiana wase e ma-bokabe, nde a biisabe  
21 o su la ponda onyol'anyu, \* bena ba dube  
onyol'ao na Loba, nyena nu pumbwele mo  
o kwedi, a bola pe mo edube, ka nyena jemea  
22 lanyu di be pe na dipita na Loba. \* Sa<sub>ngise</sub>  
mid<sub>i</sub> manyu o se<sub>ngane</sub> la mbale onyola Mud<sub>i</sub>  
onyola ndol'a bona-sa<sub>ngo</sub> ni si ben mawon-  
don, lo tondone mowó na nune na mulema  
23 mu sa<sub>ngi</sub>, e si be wolo. \* Kana lo yabeno  
penya, seto na mbolako ni ma-nyame, nde na  
ni si ma-nyame, onyola eyal'a Loba ya lo<sub>nge</sub>,  
24 yena e ma-ti<sub>ngame</sub>. \* Ebanja „beyobo bese be  
nde ka bewudu, na bosa<sub>ngi</sub> bao boese pe ka  
mbonj'a bewudu. Bewudu be anji, mbonj'ao  
25 pe ipoledi, \* nde eyal'a Sa<sub>ngo</sub> e ma-ti<sub>ngame</sub>  
natena o bwindea.“ Nde yen eyala mene  
nde e la<sub>ngwabe</sub> oteten anyu.

2 Biny<sub>o</sub> sumwa so bobese boese na misomba  
mese na mawondon na ekon na minda mese;

## I Petro 2.

\*ka miēnge ma bana miyabe tatan lo be 2  
nyōngi onyola manyōngo ma mudī mena ma  
si puŋgwabe, ná lo nyakeye onyol'ao onyola  
joŋgise, \*yetena lo má-keka te, ná Saŋgo e 3  
bwam. \*Nyena na mo nde lo poino ka dale 4  
la loŋge, lena di baŋgabe na bato, nde di  
posobe na Loba ka la tiki, \*binyomene pe 5  
lo loŋgabe ka madale ma loŋge onyola ndabo  
a mudī, onyola eboŋgo-a-prisi ya bosangi, o  
wana mabea ma mudī, mena ma dolisan Loba,  
onyola Yesu Kristo; \*ebanja e tilabe o beti- 6  
ledi na: „Ombwa, na ma-neŋge dale la toŋgo o  
Sion, lena di posobe na la tiki, nu nu dube  
mo, a si mende solisabe. \*Nde le so nde 7  
edube onyola binyo, bena ba dube; nde onyola  
ba ba si dube, dale lena baloŋgedi ba baŋgino,  
nde di mene nde di timbi dale la toŋgo, \*dale 8  
di ma-sonjisane na dale dindene la lambi, ba  
bena ba ma-sonje, kana ba si dubeno eyala,  
onyola nikamene nde batano pe ba tesebe.  
\*Nde binyo nde le nyoŋon ni posobe, e- 9  
boŋgo-a-prisi ya kiŋe, tumbala bosangi,  
bona bao momene, ná lo laŋgwe bwam  
ba nu nyena nu bele binyo o jasumwe  
o muititi o muenen mao ma betanysemi,  
\*binyo bena lo sita tumba ŋged'a boso, nde 10  
tatan le tumba la Loba; binyo bena lo sita  
lo kusa ndedi, nde tatan lo kusi ndedi.

A bandolo, nam'omele binyo ka ben na 11  
badaŋgwedi, ná lo be etum na bepuledi ba  
eyobo, bena be m'ane teŋgene mudī, \*kana 12  
lo ma-beneno bedaŋgwedi ba bwam oteten a

## I Petro 2.

- basibi, ná onyola ma mene, mena ba ma-  
topono bobe onyol'anyu ka baboledi ba bobe,  
ba m'ene te bebolo banyu ba bwam, ba sese  
18 Loba o bunya ba pepele. \* Sibise so  
binyomene owasa mieka ma bato miese onyola  
Sango, to e be nde kiñe ka muaned'a boso,  
14 \* to gobina nde ka ba ba lomabe na mo onyola  
kokise la baboledi ba bobe na onyola sesa  
15 la ba ba ma-bole bwam. \* Ebanja nika nde  
nye jemea la Loba, ná onyola bola la bwam  
lo dibise mudumbu ma elemā a bato ba si  
16 sontan, \* ka bato ba wonja, nde seto ka ba  
ba ma-bolane wonja ka ekuruman a bobe, nde  
17 ka bautu ba Loba. \* Bola edube na bese,  
tondo bona-sango, bwa Loba bonggo, dube kiñe.  
18 A bautu, sibise binyomene o bonggo boese  
owasa basango banyu, seto owasa ba bwam  
na ba pi momene, nde owasa ba mpennga pe.  
19 \* Ebanja nika nye lambo di dolisan, yetena  
moto a ma-welisane ndutu onyola jongele la  
Loba, ke a ma-takisabe ka ni si ben njom.  
20 \* Ebanja njika edube ye, yetena lo ma-weli-  
sane, ke lo boli bobe, nde lo kusa mbeti?  
Nde lo ma-bola te bwam, lo taka pe onyol'  
ao, nde lo welisane, nika nye nde ndolo oboso  
21 ba Loba. \* Ebanja onyola nikamene  
nde lo belabeno; ebanja Kristo pe a ta a taka  
onyol'anyu, a diele pe binyo eyemban, ná  
22 lo bupe matanga mao, \* nu nu si boli bobe,  
mawondon pe ma si diabe o mudumbu mao,  
23 \* nu si timbisele lou, niponda a loabeno, nu  
si kim, niponda a takino, nde a bake nde mo

## I Petro 2. 3.

na nu nu ma-kaise ka ni tem, \* nu nyena 24  
 momene nu bambe miobe masu o nyol'  
 ao omony a eboŋgo, ná biso bena di  
 wedi onyola bobē, dibe lonḡe onyola  
 teme-la-sim, nyena onyola bebaŋgo bao  
 nde lo bolisabeno. \* Ebanja lo ta nde 25  
 ka midoŋgi mi pambilan, nde tatan lo  
 timbi na mutateri na mombwed'a midī  
 manyu.

Nikamene pe, 'a bito, sibise binyomene 3  
 owasa bome banyu; to e be nde ná doŋgo ba  
 si dube eyala, b'ena ba wele kusabe onyola  
 bebaŋgwedi ba bito (babu), \* ke ba m'ene 2  
 bebaŋgwedi banyu ba konji na boŋgo. \* Bena 3  
 mbot'abu i si ma-be nde o penda la nyo na  
 boto la gol na la mboti, \* nde mot'a teten 4  
 nu wutam o mboti ni si ma-nyame nya mudī  
 ma sao na ma pī, nika nde nye lambo la tiki  
 oboso ba Loba. \* Ebanja nikamene nde bito 5  
 ba bosaŋgi o pond'a kwan, ba tano ba botise  
 babo momene, bena ba ta ba pite na Loba,  
 ba sibise babo momene owasa bome babu,  
 \* kana Sara a tano a seŋgane Abraham, a 6  
 bele mo saŋgo; nyena bana bao nde lo tim-  
 bino, kana lo ma-bolano bwam, lo si ma-bwe-  
 sabeno to lambo la boŋgo. . \* Nikamene 7  
 pe na binyo bome, jane bito banyu na ka  
 dibie, ka bewa be bobi, kana lo ma-bolano  
 babo edube, ka basaŋgwedi ba nded'a lonḡe  
 muemba na binyo, ná mika manyu mi s'ekabe.

Nde o sukan, binyo bese be nde joŋgele 8  
 diwo na ndedi na tondone la bona-saŋgo na

### I Petro 3.

- 9 mulema ma ndedi na sibise la nyolo. \* Lo si timbisele bobe onyola bobe, to lou onyola lou, nde ka ni teŋgen nika, lo namse nde, ebanja onyola nikamene nde lo belabeno, ná lo saŋgwe bonam.
- 10 \* Ebanja nu nu ma-pule tonde longe na jene minya ma bwam, 'embe eyem'ao na bobe na
- 11 bepopo bao pe na topo la mawondon, \* 'a-sumwe na bobe, a bole bwam, a pulise mu-
- 12 saŋgo, a bupe mo ombusa. \* Ebanja miso ma Saŋgo me omony a batem-na-sim, matoi mao pe o besosomedi babu, nde boso ba Saŋgo
- 13 bo teŋgen ba ba ma-bole bobe. \* Nde nja ena a bola binyo bobe, yetena le ŋginya onyola
- 14 di le bwam e? \* Nde yetena lo ma-taka onyola teme-la-sim, bonam na binyo. Lo si bwa bongo onyola bekima babu. lo si puŋgwea pe to,
- 15 \* nde saŋgise nde Saŋgo Kristo o milema manyu; nde lo be baboŋsan o bola bolaŋgi na moto te, nyena nu ma-pulise bolaŋgi na
- 16 binyo onyola dipita le oteten anyu, \* nde na ka pi na bongo. Nde lo bene nde mudĩ ma bwam, ná o ma mena ba ma-topono bobe onyol'anyu ka baboledi ba bobe, ba bena ba ma-loe bedaŋgwedi banyu ba bwam o Kristo
- 17 ba solisabe. \* Ebanja ye bwam, yetena ye te jemea la Loba, o taka onyola bola la bwam, buka onyola bola la bobe.
- 18 Ebanja Kristo pe a ta a taka ŋgedi po onyola miobe masu, nutem-na-sim onyola ba si tem na sim, ná a wane biso na Loba; a ta a bwabe o eyobo, a timbisabe longe o mudĩ,

## I Petro 3. 4.

\* muena oten nde a tano 'ala o laŋgwea midī 19  
 mi ta o beboa, \* miena mi si ta mi seŋgane 20  
 pond'a kwan, niponda welisane la Loba di  
 tano di eŋgele o minya ma Noa, niponda  
 elimbi e tano onyola mboŋsan, yena oten nde  
 ŋgusu, nika nye nde midī lombi mi tano mi  
 oŋgisabe onyola madiba; \* mena ma m'oŋgise 21  
 pe biso tatan, o eyembilan e teŋgen nika:  
 dubise, lena di titi sumwa la mbindo o eyobo,  
 nde besosomedi ba mudī ma bwam na Loba,  
 onyola bepumbwedi ba Yesu Kristo, \* nyena 22  
 nye o dia la mom la Loba, kana 'alono o  
 mony, nde angel na manea na ŋginya ba  
 sibisabe owas'ao.

Kana Kristo a tano so 'a taka onyol'asu, 4  
 binyo pe boto bewesan ba mulemlem ma joŋ-  
 gele, ebanja nu nu ta nu taka o eyobo, a  
 boi na bobē, \* ná y'epas'a loŋge lo dianno 2  
 o eyobo, lo si be pe loŋge onyola bepuledi ba  
 bato, nde onyola jemea la Loba. \* Ebanja 3  
 e doŋgamen na biso, ná pond'a loŋge ni tombi  
 e nyame onyola bola la jemea la basibi na  
 beŋgawedi o mambo ma titi konji, o bepule-  
 ledi, o soki, o mudesi, o munyosi na o jowe  
 la losaŋgo la nyakaka. \* O ma mene nde 4  
 ba m'ubano, kana lo si ma-daŋgwano muemba  
 na babo o mulemlem ma njudud'a bobē, kana  
 ba ma-topono dibena, \* bena ba mende bole 5  
 bolangi na nu nyena nu boŋsan o kaise ba  
 penya na bawedi. \* Ebanja onyola nikamene 6  
 nde miaŋgo-ma-bwam mi laŋgwabeleno pe ba-

## I Petro 4.

wedi, ná ba kaisabe kaponda bato o eyobo,  
nde ba be lonje kaponda Loba o mudí.

- 7 8 Nde su la mambo mese di á bebe. \* Binyo  
be so yene na penya onyola muka. Nde ka  
lambo la boso, lo bene ndolo ni m'onye na  
mowó na nune; ebanja ndolo e ma-dibele ma-  
9 muti ma miobe. \* Lo tondo jesane mowó na  
10 nune ka ben, e si be minyunyungu. \* Lo bolea  
mowó na nune, moto te kaponda jabea a  
kusino, ka soele a bwam ya nyai na nyai a  
11 nded'a Loba. \* Moto a ma-topo te, a tope  
nde ka beyala ba Loba; moto a ma-bolea te,  
a boleye ka nyena ni wu o nginya nyena  
Loba a ma-bolano, ná o mambo mese Loba  
a busisabe onyola Yesu Kristo, nyena nu ben  
edube na janea o bwindea na bwindea. Amen.
- 12 A bandolo, lo si be manyaka onyola kekise  
la wea, lena di poi o kekise binyo, biana  
13 muen a lambo nde a poyedi binyo, \* nde  
bwa nde munyenge nikamene, kana lo ma-  
kusano dongo o betakisedi ba Kristo, ná lo  
wele pe sombise na munyenge o bebiisedi ba  
14 bosaŋgi bao. \* Bonam na binyo, ke lo loabe  
onyola dina la Kristo, ebanja Mudí ma bosaŋgi  
na Mudí ma Loba mujai omony anyu; mu  
ma-loabe na babo, nde mu ma-busisabe na  
15 biso. \* O s'esele to-mowó nyanyu a takisabe  
ka mot'ebwan, to muibedi, to muboled'a bobe,  
16 to mupeye o miambo ma bato bapepe; \* nde  
a ma-takisabe te ka mot'a Kristo, a si bwa  
ison, nde a busise nde Loba o di lambo mene.
- 17 \* Ebanja ye nde ponda, ná muka mu ma-botea

## I Petro 4. 5.

o ndabo a Loba. Nde mu sele te botea na  
biso, neni su di mendeno be na ba bena ba  
si dube miango-ma-bwam ma Loba? \* Nde 18  
yetena ye bwambi na nutem-na-sim o jongisabe,  
o ueni mubaŋge-Loba na mot'a bobe ba men-  
deno busea? \* Onyola nika, ba pe bena ba 19  
ma-takisabe, kaponda jemea la Loba, ba bake  
midī mabu na mo, ka muweked'a jemea,  
onyola bola la bwam.

Nam'omele baturu be oteten anyu, kana 5  
mba pe neno muturu na mbon a matakisan  
ma Kristo, na nu ben pe doŋgo o bosangi,  
boena bo mende biisabe: \* Dese dibemba la 2  
Loba le oteten anyu, kana lo m'ombwano  
bwam, seto onyola ka manyakisan, nde na  
ka wonja; seto onyola museŋ ma bobe, nde  
na mulema muese, \* seto na mpuli ma janea 3  
omony a di di bakabe na binyo, nde lo timba  
nde beyembilan ba dibemba. \* Nde niponda 4  
mutater'a boso a mendeno biisabe, lo mende  
kusa ekot'a edube, yena e si ma-nyame.

Nikamene pe, a mpesa, sibise binyomene 5  
owasa baturu. Nde binyo bese, sibise binyo-  
mene owasa mowó na nune, botise binyomene  
na sibise la nyolo, ebanja Loba a m'eka  
bakumba, nde ama-leele ndedi na ba basibise  
nyolo. \* Sibise so binyomene owasa dia la 6  
nginya la Loba, ná 'ase binyo o pond'ao.  
\* Wele mutaka manyu muese omony ao; 7  
ebanja a tese binyo o mulema. \* Lobe 8  
yene na epenye, musinger'anyu, Satan, a ma-  
yenga ka ngila ni ma-dome, o pulise nja a



## II Petro 1.

- 9 ma-minyano; \* eka mo ka batingam o jemea, kana lo bino ná milemlem ma mitakisan mi ma-koye bona-sango anyu o mundi-ma-wase.
- 10 \* Nde Loba la ndedi yese, nu bele biso onyola bosangi bao ba bwindea o Kristo Yesu, a mende timbise binyo na kengege na jembe binyo na bola binyo nginya na sikimeye binyo,
- 11 ombusa son a matakisan. \* Edube na janea ba be na mo o bwindea na bwindea. Amen.
- 12 O dia la muna-sango nya mbale Silwano nde na tiledino binyo yin son na pem, kana na m'ongeleno, o jomele na bola la mboñ, ná nin nde nye nded'a mbale nya Loba,
- 13 nyena lo temedino. \* Mu mu posobe o Babilon mu som binyo, na mun'am Marko pe.
- 14 \* Somane mowó na nune na sopa la ndolo. Musango mu be na binyo bese, bena be o Kristo Yesu. Amen.

## KALAT' A PETRO

nya mbusa.

- 1 Simon Petro, muutu na nyamuloloma nya Yesu Kristo, onyola ba bena bakusi mulemlem ma jemea la tiki muemba na biso, o temela-sim la Loba lasu na musunger'asu Yesu
- 2 Kristo. \* Ndedi na musango ba beñge tondo na binyo o dibie la Loba na Sango asu Yesu.

## II Petro 1.

Kana nginy'ao nya Loba 'abedino biso 3  
mambo mese, mena ma ma-pule onyola longe  
na dube-la-Loba, onyola dibie la nu nu bele  
bisu, kaponda bosangi bao na bwam bao,  
\* boena onyol'ao nde makaki matiki na ma 4  
kolo bwambi ma bolabeno bisu, na onyol'ao  
lo kuse dongo o k'a Loba, kana lo nyino di-  
bumbe la bepuledi mila o mundi-ma-wase.  
\* Onyola nika nongo nginya nyese, leelee o 5  
jemea lanyu bwam, o bwam pe dibie, \* o 6  
dibie pe lamba-la-nyolo, o lamba-la-nyolo pe  
welisane, o welisane pe dube-la-Loba, \* o 7  
dube-la-Loba pe tondo-la-bona-sango, o tondo-  
la-bona-sango pe ndolo (o ka yese). \* Ebanja 8  
man mambo me te oteten anyu, nde ma tondo  
pe, ke ma-bola binyo, na lo si be bwala na  
ka ni si ma-ye bepuma onyola dibie la Sango  
asu Yesu Kristo; \* ebanja nu nu si ben man 9  
mambo e ndima, a si ma-wele jene etum, kana  
a dimbedino sangisabe la miobe mao ma kwan.  
\* Onyola nika, a bonate, be nga be nginya, o 10  
jembe belabe lanyu na posobe lanyu. Ebanja  
lo ma-bola te man mambo, ke lo si mende  
sonjo tom. \* Ebanja nika nde bingedi o janea 11  
la bwindea la Sango asu na musunger'asu  
Yesu Kristo be mendeno bolabe binyo njoasoa.

Onyola nika, na si tondi jesele o bola binyo 12  
jongele onyola man mambo ponda yese, tona  
lo bino mo, nde lo sikimeye pe na o mbale,  
kana nyeno. \* Na-langa ninka ka lambo di 13  
tenge, kana na diano o mun munoko, o jum-  
wele binyo o ka bola binyo jongele, \* kana 14

## II Petro 1. 2.

- na bino ná sumwabe la munoko mam di mende  
nde be dibokimene, nikamene kana Saŋgo  
15 asu Yesu Kristo a laŋgwedino mba. \* Nde  
na mende keka na nginya, ná ombusa jasumwe  
lam, lo bene lambo ponda yese, o bola binyo  
16 joŋgele onyola man mambo. \* Ebanja di si  
ta di bupe minia mi sobe na jaŋgwa, niponda  
di biiseno binyo nginya na bepoyedi ba Saŋgo  
asu Yesu Kristo, nde di ta nde mboŋ a miso  
17 ya jasame lao. \* Ebanja mo a kusi edube na  
bosaŋgi na Loba Tete, niponda doi di poye-  
dino mo, lena di wu o bosaŋgi bo asam, na:  
Nun nde e Mun'am nya ndolo na dolisanno.  
18 \* Nde biso di ta di seŋga din doi di wu o  
mony, niponda di tano na mo o mudongo  
ma bosaŋgi.
- 19 Beyala ba batoperi-ba-mudi be beŋgi  
so be biso nginya, bena lo ma-bolano  
bwam, ke l'aledi mo na kaŋ, ka mue-  
nen muma-panye o wum'a muititi, na-  
tena bunya bo esele, ngenget'a idiba  
20 pe e busa o milema manyu. \* Nde binyo  
bia ninka, ka lambo la boso, ná beyala ba  
bedinge ba betiledi bese be titi ba teleye la  
21 moto la momene. \* Ebanja to eyal'a edinge  
ewo e si wu na jemea la moto momene, nde  
bato ba bosaŋgi bata nde ba sumwabe na  
Mudi Musaŋgi, ba topo (nje e wu) na Loba.
- 2 Nde batoperi-ba-lobaŋgo pe ba ta oteten  
a dimuti, kana baleedi ba lobango bamendeno  
pe be oteten anyu, bena bamende wane  
mabane ma dibumbe na yoo, nde bamende

## II Petro 2.

pe na tobo Saṅgo, nu kōti babo, nde ba mende  
kusea babo momene dibumbe la dibokimene.  
\* Nde gita ba mende bupe babo o njudud'a 2  
bobe, bena onyol'abu nde ṅge'a mbale e men-  
deno loabe. \* Nde na beyala ba joa, on- 3  
yola ka tondo la bema, ba mende pulise mu-  
seṅ na binyo; bena muka mabu, muena mu  
ta natena kwaṅ, mu si mende jindea; dibumbe  
labu pe di si mende tia iyo. \* Ebanja yetena 4  
Loba a si ta a weṅgele angel yena i boli bobe,  
nde a pimba nde mo o njiba na ṅgokob'a  
muititi, a bola mo ineṅgebe onyola muka,  
\* a si weṅgele pe to mundi-ma-wase ma kwaṅ, 5  
nde a kombe nde Noa, mulaṅwed'a teme-la-  
sim, babo bato lombi, niponda a wanno  
mpupe o mundi-ma-wase ma bato ba bobe;  
\* mundi ma Sodom na Gomora pe a timbise 6  
mo diburu, a kwese mo o nyamsabe, a tese  
mo ka eyembilan onyola bato bena ba mende  
be bato ba bobe, \* nde a suṅgi Lot nutem- 7  
na-sim, nyena nu ta nu takisabe na bedaṅ-  
wedi ba bato ba bobe o mambo ma titi konji;  
\* ebanja onyola jene na seṅga nu nutem-na- 8  
sim, nu ta nu ja oteten abu, a ta a takise  
mudi mao mu tem na sim, bunya na bunya  
te, onyola bebolo babu, bena be si ta be bene  
mbenda. \* Saṅgo a bi o suṅga babwam o 9  
makekisan, na o neṅge pe ba si tem na sim  
owasa kokise, natena o bunya ba muka,  
\* nde sepon ba bena ba ma-bupe nde eyobo, 10  
bena ba ma-daṅgwe o bepuledi ba mbindo, ba  
yaṅa pe na manea. Bato ba mboma ba boken-

## Il Petro 2.

- ju, bena ba si ma-bwe boṅgo o topo dibena  
11 liṅgise m'āsam, \* tona angel, yena i buki  
babō ṅginya na ṅgum, i si ma-bakweano babō  
mbako a dibena oboso ba Saṅgo.
- 12 Nde babō nde, ka nyama i si ben dibie,  
yena i yabe o putabele na nyamsabe, ba ma-tope  
dibena, lena onyol'ao ba si bīno to-lambo, ba  
13 mende bumbisabe o dibumbe labu, \* na kusa  
pe musauedi ma ka abu ni si tem na sim.  
Ba bena ba m'ōngele nde munyosi onyola  
bunya ka munyeṅge, be nde mapeny ma mbin-  
do na belem ba ison, be munyeṅge o ma-  
14 wondon mabu, ke ba ma-da na binyo, \* ba  
ben miso ma londi na misonje, ba si ma-wolo  
bobe, ba ma-londo midī mi s'embam, ba ben mi-  
lema mi oko o tondo la bema, bana ba malou.
- 15 \* Ba m'esele ṅgea ni tem na sim, ba pambi-  
lane, ba bupe ṅge'a Bileam mun'a Beor,  
nyena nu ta nu tondo musauedi ma ka ni si  
16 tem na sim; \* nde a ta pe a kusa bedomedi  
onyola diwuse lao: mbuk'a nyama ni ma-  
bambe miuna e ta e topo na doi la moto, e  
17 ta ny'eka elemā a mutoper'a-mudi. \* Be  
nde toṅgo i si ben maḍiba na mbà ni ma-  
woṅgwabele na mūdi, bena onyol'abu muititi  
18 ma pibo mu neṅgebeleno. \* Ebanja kana ba  
benno betopedi be asam, ba ma-londo onyola  
bepuledi ba eyobo na mambo ma titi konji,  
ba bena ba boti nye mila o jasumwe na ba  
19 ba ma-daṅgwe o ṅge' a mpeṅga, \* ba ma-  
kakane babō wonja, tona babō momene beno  
bakom ba dibumbe; ebanja na nu nyena moto

## II Petro 2. 3.

a ma-bukabeno, mo nde a ma-timbano pe mukom ao. \* Ebanja yetena ba bena ba nyi 20 mbindo a mudi-ma-wase mila, onyola dibie la Saŋgo asu na musuŋger'asu Yesu Kristo, nde ba timba pete o lata oten, ba bukabe, ke ka mbusa e timbi nde bobe na babo buka nya boso. \* Ebanja e wusa be bwam na babo, 21 ke ba si ta ba bia ŋge'a teme-la-sim, buka ná ba má-bia te mo, nde b'asumwe pe na mbend'a bosangi, nyena ni bakabe na babo. \* E poyedi nde babo kana munia ma mbale 22 mu ma-kwalano na: Mbo e ma-timba pe na bedoa bao, ŋgoa ny' oabe pe o wuŋgulane o dibo.

A bandolo, nin nde nye kalati ni londe 3 iba, nyena na tiledino binyo, nyena oten nde na m'umweleno joŋgele lanyu la mbale o ka bola binyo joŋgele, \* ná l'ŋgele beyala, 2 bena be sele laŋgwabe na batoperi-ba-mudi ba bosangi, na mbend'a Saŋgo asu na musuŋgeri, nyena lo kusino na bamuloloma banyu. \* Lo bia ka lambo la boso, ná o minya misukan 3 bato ba makeko ba mende po na makeko, bena ba ma-daŋgwe kaponda bepuledi babu, \* na 4 kwala na: Dikaki la bepoyedi bao le ue? Naten a batete ba kwedino iyo, mambo mese ma dia nde nikamene, botea natena pond'a bewekedi. \* E wutam na babo, kana ba ma-pulano, 5 ná natena kwan mony ita, na wase, nyena ni poŋgobe na madiba, na onyola madiba onyola eyal'a Loba, \* bena onyol'ao was'a ni 6 pondamene e loisabe na madiba, e ta e nyama.

## II Petro 3.

- 7 \* Nde mony a tatan na wase ba nengebe onyola mulemlem ma eyala onyola wea, ba nengebe o bunya ba muka na nyamsabe la bato ba  
8 bobe. \* Nde din diwo di si be idimbe na binyo, a bandolo, ná bunya bowó na Saño, boe nde ka ikol 'a mbu, ikol 'a mbu pe ka bunya bowó.
- 9 \* Saño a titi munyongo na dikaki, kana doño ba m'ongeleno mo ka munyongo, nde e nde na pī onyol'asu, ebanja a si ma-pula ná doño  
10 ba nyame, nde ná bese b'atele. \* Nde bunya ba Saño bo mende nde po ka muibedi, boena oten mony i mende tomba na mumban, belongan ba wase be mende bulea na dia la wea, wase pe na bebolo bao ba mende dia wea.
- 11 Kana man mese ma ma-buleano, njika nyai a bato l'angamenno leele binyomene na be-  
12 dangwedi ba bosangi na dube-la-Loba, \* ka ba hena ba ma-tate na be pe nyongi o bepoyedi ba bunya ba Saño, bena onyol'ao mony i mendeno bulea na wea na belongan ba wase  
13 be mendeno nyamwa na dia la wea. \* Nde biso di m'engele mony ya penya na was'a penya, kaponda makaki mao, bena oten  
14 nde teme-la-sim di ma-jano. \* Onyola nika, a bandolo, kana lo m'ongeleno man mambo, be nginya, ná lo sobe oboso bao ka  
15 ni titi mbindo na misan o musaño. \* Noño nde pī a Saño ka jongise, kana muna-saño asu nya ndolo Paulo pe, a tiledino binyo,  
16 kaponda dibie lena di bolabe mo, \* nikamene kana o kalat'ao yese, a ma-kwala te oten onyola man mambo, o mamene doño leno bwam-

## II Petro 3. I Yohane 1.

bi o sɔ̄ntane, mena ba si sɔ̄ntan na ba s'embam  
ba ma-pēngeno, kana betiledi bepepe pe, on-  
yola dibumbe labu momene. \*Binyo so, a 17  
bandolo, kana lo seleno bia nika, āngameye  
binyo mene, ná lo si ya be lo bambabe na ma-  
wondon ma bato ba bobbe, na binyo, l'asumwe  
o bejedi banyu b'embam. \*Binyo tondo nde 18  
o ndedi na dibie la Sāngo asu na musunger'  
asu Yesu Kristo. Edube e be nde na mo  
tatan natena o pond'a bwindea. Amen.

## KALAT' A YOHANE

nya boso.

Di lena di ta natena o beboteri, lena di 1  
sēngino, lena di enno na miso masu, lena di  
ombono, lena maa masu ma tapino, onyola  
eyal'a lon̄ge, \*(nde lon̄ge di ta di biisabe, 2  
nde biso di en, di ma-bola mbōn, di ma-lāngwea  
pe binyo lon̄ge la bwindea, lena di ta na Tete,  
nde di biisabe biso,) \*di lena di enno, di 3  
sēngino, mo nde di ma-lāngweano pe binyo,  
ná binyo pe lo bene jalatane na biso; nde  
jalatane lasu le nde na Tete na mun'ao Yesu  
Kristo pe. \*Nde di ma-tilea nde binyo man, 4  
ná munyēnge manyu mu londe.

Nde mun nde mue muendi, muena di sēn- 5  
gino na mo, mo nde di ma-lāngweano pe bi-



## I Yohane 1. 2.

- nyo, ná Loba e nde muenen, muititi mu titi na  
6 mo tom. \* Yetena di ma-kwala na, di ben  
jalatane na mo, nde di daŋgwa o muititi, ke  
di ma-topo nde lobaŋgo, di si ma-kwala mbale.  
7 \* Nde yetena di ma-daŋgwa o muenen,  
kanamo enoomuennen, kedima-benejala-  
tane mowó na nune, nde maya ma mun'  
ao Yesu Kristo mā-saŋgise biso onyola  
8 miobe mese. \* Yetena di ma-kwala na, di  
si ben bobe, ke di ma-wondo nde bisomene,  
9 mbale e titi na biso. \* Yetena di ma-pusele  
miobe masu, ke mo pe a ma-be mbale na nu-  
tem-na-sim, a ma-lakise biso miobe, a ma-saŋ-  
gise biso na ka nyese ni si tem na sim.  
10 \* Yetena di ma-kwala na, di si boli bobe, ke  
di ma-timbise nde mo nya lobaŋgo, eyal'ao  
pe e titi na biso.
- 2 A bana bam basadi, nama-tilea nde  
binyo man mambo, ná losibola bobe.  
Yetena moto a boli bobe, diben muto-  
peye biso oboso ba Tete, Yesu Kristo,  
2 nutem-na-sim. \* Mo pe nde e dikoti onyo-  
la miobe masu, nde seto onyola masu  
momene, nde onyola wase nyese pe.
- 3 Nde o din nde di bino, ná di má-bia mo,  
4 yetena di ma-neŋge mbend'ao. \* Nu nu ma-  
kwale na: Na má-bia mo, nde a si neŋge mbend'  
ao, ke e nde nyalobaŋgo, mbale pe e titi na  
5 nika nyai a moto. \* Nde nu nu ma-neŋge  
eyal'ao, na mo nde ndol'a Loba nyeno na  
keŋgeŋge o ka mbale. O din mene nde di  
6 bino, ná je oteten ao. \* Nu nu ma-kwale na,

## I Yohane 2.

a tĩngam-na mo, 'aŋgamen pe daŋgwa, ka mo  
a daŋgono. \* A bandolo, na si ma-tilea 7  
binyo mbend'a penya, nde edun a mbenda,  
yena lo tano lo bene natena o beboteri. Yen  
edun a mbenda mene ye nde eyala, yena lo  
seŋgino. \* Nde na ma-tilea pe binyo mbend'a 8  
penya, lambo lena le mbale oteten ao na ote-  
ten anyu; ebanja muititi mu ni-tomba, muenen  
ma mbale mu ni-panya. \* Nu nu ma-kwale 9  
na, e o muenen, nde a siŋge muna-saŋgo, e  
nde o muititi natena tatan. \* Nu nu tondi 10  
muna-saŋgo, a tĩngam o muenen, esonjisan e  
titi na mo. \* Nde nu nu siŋge muna-saŋgo, 11  
e nde o muititi, a ma-daŋgwa pe nde o mui-  
titi, a si bĩ wuma a m'alano, ebanja muititi  
mu dimse miso mao.

Na tiledi binyo, a bana basadi, ebanja mio- 12  
be manyu mi lakisabe onyola dina lao. \* Na 13  
tiledi binyo, a basaŋgo, ebanja lo bĩ nu nyena  
nye natena o beboteri. Na tiledi binyo, a  
mpesa ma bato, ebanja lo buki nyabobe.  
\* Na ta na tilea binyo, a bana 'basadi, ebanja 14  
lo bĩ Tete. Na ta na tilea binyo, a basaŋgo,  
ebanja lo bĩ nu nyena nye natena beboteri,  
nata na tilea binyo, a mpesa ma bato, eban-  
ja le ŋginya, eyal'a Loba e tĩngam na binyo,  
lo buki pe nyabobe. \* Lo sitondo mundi- 15  
ma-wase to ma me o mundi-ma-wase.  
Yetena moto atondi te mundi-ma-wase,  
ke ndol'a Tete etiti na mo; \* ebanja 16  
mese me o mundi-ma-wase, bepuledi  
b'eyobo, bepuledi ba miso na kumb'a

## I Yohane 2.

longe, masi wu na Tete, nde na mundi-  
17 ma-wase. \*Nde mundi-ma-wase muma-  
tomba na bepuledi bao, nde nu nu ma-  
bole jemea la Loba a ma-tiŋgame natena  
o bwindea.

18 A bana basadi, pond'a sukan e má-po; nde  
kana lo seŋgino, ná mutengene-Kristo a mende  
po, nikamene nde gita ba timbino batenene-  
Kristo, o ua nde di bino, ná pond'a sukan e  
19 má-po. \*Ba ta nde ba busa na biso, nde ba  
si ta na biso; ebanja ba ta te na biso, ke ba  
wusa tiŋgame na biso; nde ná e biisabe, ná  
20 seto bese nde be na biso. \*Nde binyo lo  
kusi jokisabe na nya bosaŋgi, nde lo bi pe  
21 mambo mese. \*Na si ta na tilea binyo, seto  
onyolana lo si bi mbale, nde ebanja lo bi mo,  
22 na onyolana lobaŋgo lo titi o mbale. \*Nja  
nye nyalobaŋgo, ke nu nu ma-tope ná Yesu  
a titi Kristo? Mo nde e mutengene-Kristo,  
23 nyena nu ma-tope Tete na Muna. \*To-nja  
nu ma-tope Muna, a si ben pe to Tete; nu nu  
24 ma-pusele Muna, a ben pe na Tete. \*Ma  
mena lo seŋgino natena beboteri ma tiŋgame  
na binyo. Ma mena lo seŋgino natena bebo-  
teri, ma tiŋgam te na binyo, ke binyo pe lo  
25 mende tiŋgame na Muna na Tete pe. \*Nde  
din nde le dikaki lena a kakanno biso: longe  
26 la bwindea. \*Na ta na tilea binyo man  
onyola ba bena ba ma-dimbele binyo ngea.  
27 \*Binyo pe, jokisabe lena lo kusino na mo,  
di ma-tiŋgame na binyo, e si ma-pula pe na  
binyo, ná moto a lee binyo, nde kana di jo-

## I Yohane 2. 3.

kisabe di ma-leeno binyo onyola mese, nde nika e be pe mbale, e si be lobango, na kana di leeno binyo, tingame nde na mo. \*Tatan 28 so, a bana basadi, tingame na mo, ná yetena a biisabe, di bene bokenju, di si solisabe oboso bao o bepoyedi bao. \*Yetena lo bi, ná mo 29 a tem na sim, bia ná moto te nu ma-bole teme-la-sim a yabe nde na mo.

Ombwa njika ndedi Tete a leeleno biso, 3 ná di belabe bana ba Loba. Onyola nika wase e si bi biso, ebanja e si bi mo. \*A ban- 2 dolo, je nde bana ba Loba tatan, nde e si bedi biisabe neni dimendeno be. Nde di bi, ná yetena e biisabe te, di mende be bowan kamo; ebanja di mende jene mo kana eno. \*Nde moto na moto 3 nu ben din dipita na mo, a sangise momene, kana mo eno bosangi. \*Moto na moto 4 nu ma-bole bobe, ama-bola pe ka ni titi mbenda, bobe boe nde ka ni titi mbenda. \*Nde lo bi, ná a biisabe nde o sumwa miobe 5 masu, bobe pe bo titi na mo. \*To-nja nu 6 ma-tingame na mo, a si ma-bola bobe; to-nja nu ma-bole bobe, a s'en mo, a si bi to mo. \*A bana, to-moto a si wondo binyo. Nu nu 7 ma-bole teme-la-sim, mo nde a tem na sim, kana mo pe a temno na sim. \*Nu nu ma- 8 bole bobe e nde nya Satan, ebanja Satan a ma-bola bobe natena o beboteri. Onyola nikamene nde Mun'a Loba a biisabeno, ná a nyamse bebolo ba Satan. \*Moto na 9 moto nu yabe na Loba a si ma-bola bobe,

### I Yohane 3.

- ebanja mbolako ao e tingam na mo, a titi ná a bola bobe, ebanja a yabe nde na Loba.
- 10 \* O din nde bana ba Loba na bana ba Satan ba bianno. To-nja nu si ma-bole teme-la-sim a titi nya Loba, na nu pe nu si tondi muna-saño.
- 11 Ebanja mun nde mue muendi muena lo seŋino natena beboteri, ná di tondone mowó
- 12 na nune, \* seto ka Kain nu ta nya bobe, nu bo muna-nyaño. Nde a bo nde mo onyola nje? Ebanja bebolo bao beta bobe, nde ba
- 13 muna-nyaño be teme na sim. \* Lo si nyaka,
- 14 a bonate, yetena wase e siŋge binyo. \* Bisó di bí, ná di má-tomba kwedi, di á o lonŋe, ebanja di tondi bona-saño. Nu nu si tondi
- 15 muna-saño a tingam nde o kwedi. \* To-nja nu ma-siŋge muna-saño, e nde mot'ebwan, nde lo bí ná mot'ebwan a si ben lonŋe la
- 16 bwindea di tingam na mo. \* O din nde di bíno ndolo, ná a boli lonŋe lao onyol'asu; nde biso pe di aŋgamen bola lonŋe onyola bona-
- 17 saño. \* Nde nu nu ben bema ba nin wase, 'ene pe muna-saño a ma-taka, nde a kaka mulema mao na mo, neni ndol'a Loba e tiñ-
- 18 gamno na mo? \* A bana, lo s'esele biso di tondo nde na beyala to n'eyeme, nde na bebolo na mbale pe.
- 19 O din mene nde di ma-biano ná je nde ba mbale, nde di mende pe sibise milema masu
- 20 oboso bao, \* ná, yetena to mulema masu mu kwese nde biso, Loba a kolo buka mulema
- 21 masu, a bí pe mambo mese. \* A bandolo,

### I Yohane 3. 4.

yetena mulema masu mu si kwese te biso, di  
ma-bene bokenju oboso ba Loba; \* to-nje pe 22  
di ma-sosomeano, di ma-kusa mo na mo;  
ebanja di ma-neŋge mbend'ao, di ma-bola pe  
mambo ma dolisan oboso bao. \* Nde nin nde 23  
nye mbend'ao, ná di dube dina la mun'ao  
Yesu Kristo, di tondone pe mowó na nune,  
kana a bolino biso mbenda. \* Nu pe nu ma- 24  
neŋge mbend'ao, a ma-tiŋgame na mo, mo pe  
na mo. O din mene nde di ma-biano ná a  
ma-tiŋgame na biso, o Mudī, muena a bolino  
bisó.

A bandolo, lo si dube midī mese, nde wasa 4  
midī, ŋga mie nde ma Loba; ebanja gita la  
batoperi-ba-lobaŋgo ba má-busa o wase. \* O 2  
din nde lo ma-biano mudī ma Loba: mudī na  
na mudī te muena mu ma-pusele, ná Yesu  
Kristo a poi o eyobo, mue nde ma Loba,  
\* nde mudī na mudī te, muena mu si ma-pu- 3  
sele Yesu, mu titi ma Loba, nde mun nde mue  
ma mutene-Kristo, muena lo seŋgino, ná  
nu mende po, nde mue o wase tatan. \* Binyo 4  
le nde ba Loba, a bana basadi, lo má-buka  
babo, ebanja nu nye na binyo, a kolo, buka  
nu nye o wase. \* Babo be nde ba wase, 5  
onyola nika ba ma-topo nde onyola wase,  
wase pe e ma-seŋgane babo. \* Bisó je nde 6  
ba Loba; nu nu bī Loba, a ma-seŋgane biso;  
nu nu titi nya Loba a si ma-seŋgane biso. O  
din nde di ma-biano mudī ma mbale na mudī  
ma mawondon.

A bandolo, esele biso di tondone mowó 7

## I Yohane 4.

- na nune; ebanja ndolo e wu nde na Loba,  
moto na moto pe nu ma-tonde, a yabe nde  
8 na Loba, a bi pe na Loba. \* Nu nu si ma-  
tonde, a si bi Loba, ebanja Loba le nde ndolo.  
9 \* O din nde ndol'a Loba etano e biisabe  
na biso, na Loba alom mpom mao ma  
Muna o wase, na di be longe onyol'ao.  
10 \* O din mene nde ndolo nyeno, seto na biso  
nde di ta di tondo Loba, nde na mo nde a ta  
a tondo biso, a ta aloma Mun'ao dikoti onyo-  
11 la miobe masu. \* A bandolo, yetena Loba  
a tondi biso nika, biso pe di angamen tondo-  
12 ne mowó na nune. \* To-moto as'en Loba  
tom; yetena di ma-tondone mowó na nune, ke  
Loba a ma-tiŋgame na biso, ndol'ao pe e ma-  
13 be na biso na keŋenge. \* O din nde  
di ma-biano, na di ma-tiŋgame na mo, mo pe  
14 na biso, ebanja a boli biso Mudí mao. \* Nde  
bisó di en, di ma-bola pe mboñ, na Tete a  
15 lom Muna, ka musuŋger'a wase. \* Nu nu  
ma-pusele, na Yesu e nde Mun'a Loba, na  
mo nde Loba a ma-tiŋgame, mo pe na Loba.  
16 \* Nde biso di má-bia, di dube pe ndolo,  
nyena Loba a benno na biso. Loba le  
nde ndolo, nu pe nu ma-tiŋgame na  
ndolo, a ma-tiŋgame na Loba, Loba pe  
17 na mo. \* O din mene nde ndolo nyeno na  
bisó na keŋenge, na di bene bokenju o bunya  
ba muka; ebanja kana mo eno, nikamene nde  
18 biso pe jeno o nin wase. \* Boŋgo bo titi o  
ndolo, ndol'a keŋenge e ma-paŋga nde boŋgo,  
ebanja boŋgo bo ben kokise. Nu nu ma-bwe

## I Yohane 4. 5.

bongo a titi o ndolo na kenenge. \* Bi- 19  
so di ma-tondo mo, ebanja mo nde asele  
tonde biso. \* Moto a ma-kwala te na: Na 20  
tondi Loba, nde a singe muna-sango, ke e nde  
nya lobaŋgo. Ebanja nu nu si ma-tonde mu-  
na-sango nyena a m'enenō, neni eno na a  
tondo Loba nyena a s'ennenō? \* Nde nin mbenda 21  
nde di benno na mo, ná nu nu ma-tonde Loba,  
a tonde pe muna-sango.

To-nja nu ma-dube, ná Yesu e nde Kristo, 5  
a yabe na Loba, to-nja pe nu ma-tonde nu  
nu yai mo, a ma-tondo pe nu nu yabe na mo.  
\* O din nde di ma-biano, ná di tondi bana 2  
ba Loba, yetena di tondi Loba, di nenge pe  
mbend'ao. \* Ebanja nin nde nye ndol'a Loba, 3  
ná di nenge mbend'ao, nde mbend'ao pe i titi  
bwambi; \* ebanja mese mena ma yabe na 4  
Loba ma ma-buka wase; nde ben nde be be-  
bukedi bena be buki wase: jemea lasu. \* Nja 5  
e nu nu ma-buke wase, ke nu nu dube, ná  
Yesu e nde Mun'a Loba?

Nun mene nde a poi onyola madiba na 6  
maya, Yesu Kristo, seto na madiba momene,  
nde na madiba na maya; nde Mudī nde mu  
ma-bole mboŋ, ebanja Mudī mue mbale.  
\* Ebanja balalo nde be, bena ba ma-bole 7  
mboŋ: Mudī na madiba na maya, \* nde man 8  
malalo malati nde o diwomene. \* Yetena 9  
di ma-kasa mboŋ a bato, mboŋ a Loba e kolo  
buka nika; ebanja nin nde nye mboŋ a Loba,  
nyena a bolino onyola Mun'ao. \* Nu nu dube 10  
Mun'a Loba a ben mboŋ oteten ao; nu nu si



## I Yohane 5.

- dube Loba a timbise nde mo nyalobaŋgo, ebanja a si dube mboñ nyena Loba a bolino  
11 onyola Mun'ao. \* Nde nin nde nye mboñ, ná Loba a boli biso loŋge la bwindea, nde di  
12 loŋge le nde o Mun'ao. \* Nu nu ben Muna a ben loŋge; nu nu si ben Mun'a Loba a si  
13 ben loŋge. \* Na tiledi binyo man mambo, binyo bena lo dube dina la Mun'a Loba, ná lo bie, ná lo ben loŋge la bwindea, ná lo dube pe o dina la Mun'a Loba.
- 14 Nde bon bokenju nde di benno na mo, ná di ma-sosomea te lambo, kaponda jemea lao,  
15 a ma-seŋgane biso. \* Nde yetena di bi, ná a ma-seŋgane biso, onyola to-nje di ma-sosomeano mo, ke di ma-bia, ná di ben besoso-  
16 medi, bena di sosomedino mo. \* Yetena moto a m'ene muna-saŋgo a ma-bola bobe, bobe boena bo titi ba kwedi, a sosomeye nde, nde loŋge di mende bolabe mo, ba bena ba boli bobe, nde seto ba kwedi. Bobe ba kwedi boe; nde na si ma-kwala ná ba sosomeye  
17 onyol'ao. \* Ka nyese ni si tem na sim nye nde bobe, nde bobe boe boena bo titi ba  
18 kwedi. \* Di bi ná moto na moto nu yabe na Loba a si ma-bola bobe, nde nu nu yabe na Loba a ma-tata nde momene, nde  
19 nyabobe a si ma-tapa mo. \* Di bi nde ná je ba Loba; nde wase nyese e naŋga nde o bobe.  
20 \* Di bi ná Mun'a Loba a poi, a boli biso sontane, ná di bie mo nya mbale; nde je nde na mo nya mbale, na Mun'ao Yesu Kristo. Mo nde e Loba la mbale na loŋge la

bwindea. \*A bana basadi, aṅgameye 21  
binyomene na losaṅgo.

## KALAT' A YOHANE

ni londe iba.

Nyamuturu onyola nyaṅgo ni posobe na 1  
onyola bana bao, bena na tondino na mbale,  
nde seto mbamene mowó, nde bese pe bena  
ba bi mbale. \*Onyola mbale nyena ni ma- 2  
tingame na biso, nyena ni mende pe be na  
bisó natena o bwindea. \*Ndedi e mende 3  
be na binyo na ndolo na musaṅgo, mu ma-  
we na Loba Tete na Saṅgo Yesu Kristo,  
Mun'a Tete, o mbale na o ndolo.

Na ma-bwa munyenge bwambi, ná na soi 4  
dongo la bana bongó ba ma-daṅgwa o mbale,  
kana di kusino mbenda na Tete. \*Tatan so 5  
na ma-sosomea oa, a Nyaṅgo, seto biana na  
ma-tilea oa mbend'a penya, nde ni mene di  
benno natena beboteri, ná di tondone mowó  
na nune. \*Nde nin nde nye ndolo, ná di 6  
daṅgwe kaponda mbend'ao. Nin nde nye  
mbenda, kana lo seṅgino natena beboteri, ná  
di daṅgweye oten.

Ebanja gita la bato ba mawondon ba busi 7  
o wase, bena ba si ma-pusele, ná Yesu Kristo  
a poi o eyobo. Nu nde e nya mawondon na  
mutengene-Kristo. \*L'aṅgameye, ná lo si 8

## II Yohane. III Yohane.

- pimba ma mena onyol'ao nde di bolino ebolo,  
9 ná lo kuse musauedi mulondi. \* To-nja nu  
ma-sobele oboso, nu si ma-tiŋgame na beleedi  
ba Kristo, a si ben Loba. Nu nu ma-tiŋgame  
o beleedi ba Kristo, mo a ben Tete na Muna.  
10 \* Moto a poi te na binyo, nyena nu si ma-  
wane ben beleedi, lo si kasa mo o ndabo anyu,  
11 lo si soma to mo. \* Ebanja nu nu ma-some mo,  
mo pe a ma-bene doŋgo o bebolo bao ba bobe.  
12 \* Na ben gita o tilea binyo, nde na si tondi  
tila mo na kalati na tinte, ebanja na pite o  
po na binyo, o kwala boso na boso, ná mu-  
13 nyenŋe masu mulonde. \* Bana ba muna-  
nyaŋgo anyu nu posobe ba som oa.
- 

## KALAT' A YOHANE

ni londe ilalo.

---

- 1 Nyamuturu onyola Gayo nya ndolo, nyena  
na tondino nambale.  
2 A nyandolo, na ma-pula ná o tombwane o  
mambo mese, o je pe bwam, kana mudī mon-  
3 go mu ma-tombwaneno. \* Na bo munyenŋe  
bwambi, niponda bona-saŋgo ba poino, ba  
bolino mbon onyola mbal'aŋgo, kana o ma-  
4 daŋgwano o mbale. \* Ebanja na si ben mu-  
nyenŋe buka mun, ke o seŋga ná bana bam  
5 ba ma-daŋgwa o mbale. \* A nyandolo, o ma-  
bola mbale o mese mena o ma-bolano na bona-

### III Yohane.

saŋgo, nde na bona-saŋgo bena be nde ben,  
\* bena ba boli mboŋ onyola ndol'aŋgo oboso 6  
ba muemba, bena o dolino tombise o londo labu,  
kana e aŋgamenno onyola Loba. \* Ebanja 7  
bata nde ba busa onyola di dina, nde ba si  
ma-noŋgo to-lambo na basibi. \* Nde biso 8  
di aŋgamen o kasa nika nyai, ná di timbe  
baboledi muemba na babo onyola mbale.

Na ta na tilea muemba son a lambo, nde 9  
Diotrefe, nyena nu tondi be nyaboso oteten  
abu, a si tondi kasa biso. \* Onyola nika na 10  
poi te, na mende bola joŋgele onyola bebolo  
bao a ma-bolano, kana a ma-topono beyala  
ba bobbe liŋgise biso, nde to nika e si doŋga-  
men na mo, a si ma-kasa pe to bona-saŋgo,  
a ma-baŋgane pe ba bena ba ma-pule bole .  
nika, à busise babo o muemba. \* A nyandolo, 11  
o s'embilane nje ye bobbe, nde nje ye bwam.  
Ebanja nu nu ma-bole bwam e nde nya Loba,  
nu nu ma-bole bobbe a s'en Loba. \* Demetrio 12  
a ben mboŋ na bese, a ben pe na nya mbale mo-  
mene; biso pe di ma-bola mboŋ, nde o bī ná  
mboŋ asu nye mbale. \* Na ben gita o tilea 13  
oa, nde na si ma-pula tila na tinte na esao.  
\* Nde na pitē o jene oa son a ponda, ná 14  
di tate kwala boso na boso. \* Musaŋgo 15  
mu be na oa! Makom ma som oa. Soma  
makom na mina.

# KALATI

## ONYOLA BONA-HEBER.

---

- 1 Niponda Loba a boleno kwalisane batete  
o pond'a kwan o batoperi-ba-mudi onyola  
2 gita la ka na nyai a bedemo, \* a timbi kwa-  
lisane biso o min minya misukan o Muna,  
nyena a teseno musangwed'a mambo mese,  
3 nyena onyol'ao pe nde a wekino wase, \* nyena,  
kana eno panya la bosaŋgi bao na bowan ba  
be lao, a bambeno pe mambo mese n'eyal'a  
nginy'ao, a wekino saŋgise la miobe masu  
onyol'ao momene, a jai o dia la mom la Nya-  
4 sam o mony, \* nyena nye bwam buka angel,  
kana dina lena a saŋgono di asamno buka labu.  
5 \* Ebanja njika angel a kwalanno to ngedi po  
na: „Oa nde oe Mun'am, oenge nde na yaino  
oa“? na na: „Mba na mende be mo Saŋgo,  
6 mo pe a mende be mba Muna.“ \* Nde niponda  
a mendeno pete wana nu nu yabe oboso o  
mundi-ma-wase, a ma-kwala na: „Angel a  
7 Loba yese i mende jowe mo.“ \* \* Nde onyola  
angel a kwali na: „Nu nu ma-timbise angel  
ao ka ngo, na baboledi bao misonji ma wea.“  
8 \* Nde onyola Muna m'ona: „Bejedi bongo,  
a Loba, be nde o bwindea na bwindea, itum-  
bu a janea longo ye nde itumbu a ka ni  
9 tom; \* o ta o tondo teme-la-sim, o siŋge ka  
ni titi mbenda, onyola nika Loba longo 'okise

## Onyola Bona-Heber 1. 2.

oa, na mula ma munyen̄ge oboso ba muemba  
mon̄go, a Loba.“ \*Na na: „O beboteri, oa, 10  
a Sāngo, o ta o boka wase, mon̄y pe nye nde  
ebol'a maa mon̄go, \*man ma mende tomba, 11  
nde oa o ma-tin̄game; mese ma mende duna  
ka mboti, \*o mende wulele mo ka loki 12  
nde mama-wēngisane; nde oa oe nde mu-  
lemlem, mbu mon̄go mi si ma-bo.“ \*Nde 13  
njika angel a kwalanno to n̄gedi po na: „Ja  
o dia lam la mom nat̄e na n̄engele basin̄geri  
bon̄go owasa matānga mon̄go.“ \*Seto mo 14  
yese nde ye mid̄i mi ma-boleye, miena mi  
lomabe onyola bolela la ba bena ba mende  
sāngwe jongise?

Onyola nika di āngamen bēnga jāngameye 2  
onyola mambo mena di tano di sēnga, ná di  
si ya be di sumwabe na mo. \*Ebanja yetena 2  
eyala yena e kwalabe na angel e timbi jem-  
bame, ka nyena ebula n'ebula te na mayānako  
ba ta ba kusa musauredi mu ten̄gen, \*neni 3  
biso di menden̄o jōnga, yetena di m'engise  
ninka jōngise dindene? lena di ta di kwalabe  
o beboteri na Sāngo, nde di timba jembabe  
na biso onyola ba bena ba sēngi mo, \*nde 4  
Loba pe a ta a bola mbon̄ muemba na babo  
onyola beyemban na betanȳsedi na gita la  
nyai a n̄ginya na bola la Mud̄i Musan̄gi,  
kaponda jemea lao.

Ebanja a si ta a sibise wase ni mende po 5  
owasa angel, nyena onyol'ao nde di ma-kwa-  
lano, \*nde moto mowó a boli mbon̄ wuma 6  
iwo na: „Nja moto eno, ná o m'on̄gele mo e,

## Onyola Bona-Heber 2.

- to mun'a moto, ná o m'ombwea onyol'ao e?
- 7 \* O ta o sibise mo son ninka owasa angel,  
o ta o botise mo na bosaŋgi n'edube, o tese
- 8 mo omony a bebolo ba maa moŋgo, \* o sibise  
mambo mese owasa mataŋga mao." Kana  
a sibisenó mambo mese owas'ao, a si dī to-  
lambo lena a si sibisenó owas'ao; nde di s'én  
te tatan ná mambo mese ma má-sibisabe o-
- 9 was'ao. \* Nde di m'ene nu nyena nu ta nu  
sibisabe son ninka owasa angel, Yesu, onyola  
matakisan ma kwedi a botisabe bosaŋgi n'  
edube, ná onyola nded'a Loba a keke kwedi
- 10 onyola moto na moto. \* Ebanja e ta e teŋge-  
ne na nu nyena onyol'ao nde mese meno,  
na mo pe nde mese meno, kana a tano  
a diele gita la bana o bosaŋgi, o timbise  
muaned'a joŋgise labu na keŋgeŋge onyola  
matakisan.
- 11 Ebanja bese, nu nu ma-saŋgise na ba ba  
ma-saŋgisabe, ba wu nde na mowó, onyola  
nika a si ma-bwa ison o bele babo bona-saŋgo;
- 12 \* kana a kwalino na: „Na mende laŋgwa dina  
loŋgo na bona-saŋgo am, na mende loŋgea oa
- 13 sesa oteten a muemba.“ \* Na na: „Na mende  
wele mapita mam na mo.“ Na na: „Ombwa,  
mba nun na bana bena Loba a bolino mba.“
- 14 \* Kana bana ba benno so maya na eyobo,  
nikamene nde mo pe a kusino doŋgo oten, ná  
a nyamse onyola kwedi nu nyena nu ben
- 15 ŋginy'a kwedi, nika nye nde Satan, \* a sunge  
pe ba bena ba timbisabe bakom o loŋge labu
- 16 lese onyola boŋgo ba kwedi. \* Ebanja seto

## Onyola Bona-Heber 2. 3.

onyola angel nde a m'ombweano, nde a m'ombwea nde onyola mbot'a Abraham. \* Onyola 17  
nikamene nde atano 'angamene timba  
bowan ka bona-sango o mambo mese,  
na a timbe prisi nindene nya ndedi na  
nya mbale oboso ba Loba, o bola dikoti  
onyola miobe ma tumba lao. \* Eban- 18  
ja o di mene lena a taking, kana momene a  
kekisabeno, ena a wele jongwane ba bena ba  
ma-kekisabe.

Onyola nika, a bona-sango ba bosangi na 3  
babene-dongo o bebedi ba mony, ombwa  
Nyamuloloma na Prisi Nindene nya pusele  
lasu (la jemea), Yesu, \* nyena nu ta mbale 2  
na nu nyena nu tese mo, kana Mose pe o  
ndabo ao nyese. \* Ebanja mo a kusi bosangi 3  
bondene buka Mose, kana nu nu longi ndabo  
a ma-beneno edube buka ndabo. \* Ebanja 4  
ndabo na ndabo te e ma-longabe nde na moto,  
nde nu nu longi mambo mese e nde Loba.  
\* Nde Mose a ta nde mbale o ndabo ao nyese 5  
ka muboledi, onyola mbon a ma mena ma  
mende langwabe, \* nde Kristo ka muna omony 6  
a ndabo ao, nyena ndabo ao nde biso jeno,  
yetena di aledi bokenju na jasese la dipita  
na kan natena o su.

Onyola nikamene, kana Mudī Musangi mu 7  
kwalino na: „Oenge, yetena lo sengi doi lao,  
\* lo s'enyise milema manyu, kana o njongi o 8  
bunya ba kekise o eyan; \* wuma basango 9  
banyu ba tano ba kekise mba na makekisan,



### Onyola Bona-Heber 3. 4.

ba tano pe b'ene bebolo bam muanei ma  
10 mbu. \* Onyola nika nata na lingane nin  
nyonon, na kwala na: Ba ma-pambilane ponda  
yese o milema mabu! Nde ba si ta ba bia  
11 mangea mam, \* ka nyena nata nakana songo  
o malinga mam na: Ba si mende jingea o  
12 wumse lam. \* A bonate, angameye, na  
mulema ma bobbe ma mayanako mu si be oteten  
a to mowó nyanyu, o ka jasumwe na Loba  
13 la longe; \* nde omele nde binyomene bunya  
na bunya te, kana oenge e diano, e si ya be  
mowó nyanyu enyisabe na mawondon ma bobbe.  
14 \* Ebanja di timbi babene-dongo o Kristo,  
yetena di aledi dipita la beboteri na kan na-  
15 tena o su. \* Nde e kwalabe te na: „oenge,  
yetena lo seŋgi doi lao, lo s'enyise milema  
16 manyu, kana o njoŋgi,“ \* ba-nja ba wan  
njoŋgi, niponda ba seŋgino? Ba si ta nde  
17 beŋe bena ba busi o Egipto na Mose? \* Ba-  
nja a tano a lingane muanei ma mbu? Seto  
ba bena bata ba bola bobbe? bena manyolo  
18 mabu ma kwedi o eyan? \* Ba-nja a kanedino  
songo, na ba si mende jingea o wumse lao,  
19 seto ba bena ba si ta ba seŋgane? \* Di m'ene so  
na, ba si ta ba wele jingea onyola mayan-  
ako.

4 Eŋe so biso di bwe bongo, na to-mowó  
nyanyu a s'enene biana a dia ombusa, kana  
2 dikaki la jingea o wumse lao di diano. \* Eban-  
ja biso pe di kusi nde miango-ma-bwam kana  
babo. Nde eyal'a belangwedi e si ta e wanea  
babo museñ, ebanja e si ta e lata na jemea la

## Onyola Bona-Heber 4.

ba bena ba ta ba seŋga mo. \*Ebanja biso 3  
bena di dube dim'ingea o wumse, kana a  
kwalino na: „kana na kanno soŋgo o malinga  
mam: ba si mende jingea o wumse lam;“ tona  
bebolo be domsabeno natena o bebokedi ba  
wase. \*Ebanja a kwali o wuma iwo onyola 4  
bunya bo londe samba na: „na Loba a wumse  
o bunya bo londe samba onyola bebolo bao  
bese.“ \*Na na: „Ba si mende jingea o wumse 5  
lam.“ \*Kana e diano so, ná dongo ba mende 6  
jingea oten, nde ba bena ba sele kuse miaŋgo-  
ma-bwam, ba s'ingeeye onyola ka mayanako,  
\*nika so nde a teseno pete bunya, kana a 7  
kwalino na Dawid na, „oenge,“ ombusa nik'  
etum a ponda, kana e má-kwalabeno oboso  
na: „Oenge, yetena lo seŋgi doi lao, lo s'  
enyise milema manyu.“ \*Yosua a wana te 8  
babo o wumse, a si wusa pe kwala ombusa  
nika onyola bunya bopepe.

Onyola nika wumse di bedi di neŋgebele 9  
bato ba Loba; \*ebanja nu ny'ingedi o wum- 10  
se lao, mo pe a ma-wumse nde onyola bebolo  
bao, kana Loba a wumseno onyola bao. \*Esele 11  
so biso di embe o jingea o di wumse, ná  
moto asiya be ako o mulemlem ma eyem-  
bilan a mayanako. \*Ebanja eyal'a Loba 12  
ye longe na ŋginya, ewoli buka to-  
njika po a mioso miba, ema-solo nate-  
na o jabane la mulema na mudī, na  
mongea na misongo ma bewese, ye pe  
mukaised'a mongele na miano ma mu-  
lema, \*to ewekedi ewo esi wutam oboso 13

## Onyola Bona-Heber 4. 5.

bao, mambo mese ma nanga oboso bao, ma  
telam pe oboso ba miso mao, nde na mo nde  
di benno lambo bolane.

14 Kana di benno so prisi nindene ny'asam,  
nyena ni tombi o mony (yese), Yesu, Mun'a  
Loba; esele biso di tingame o pusele (lasu la  
15 jemea). \* Ebanja di si ben prisi nindene,  
nyena ni si ma-wele bene ndedi na bobo  
lasu, nde nyena ni kekisabe o mambo  
mese o mulemlem ma ka, ka biso, nde  
16 esibe bola bobo. \* Esole so biso di si-  
seye na bokenju o bejedi ba ndedi, na  
dikuse ndolo, diso pe ndedi onyola  
jongwane di tengen.

5 Ebanja prisi nindene te nyena ni posobe  
na bato, etesebe onyola bato, onyola ka  
mambo ma Loba, na e bole musangise na ma-  
2 bea onyola miobe, \* ka mowó nyena nu ma-  
wele welisane babodimbea na bamawuse,  
3 ebanja bobo di tingam pe na momene, \* lena  
onyol'ao nde 'angamenno bola mabea, kana  
onyola dimuti nikamene pe na onyol'ao mo-  
mene, onyola ka miobe.

4 Nde moto a si ma-nongo y'edube na mo-  
mene, ke nu nu belabe na Loba ka Aron.

5 \* Nikamene pe Kristo asi boli momene bosangi  
o timba prisi nindene, nde nu nu kwalan mo  
na: „Oa nde oe Mun'am, oenge nde na yaino  
6 oa,” \* kana a kwalino pe wuma ipepe na:  
„Oa nde oe prisi natena o bwindea, kaponda  
7 edemo a Melkisedek.” \* Nde o minya mao

## Onyola Bona-Heber 5. 6.

ma eyobo, a ta a bola ka jabea, mika na  
 besosomedi muemba na musea mundene na  
 misodi, na nu nyena nu ma-wele sunge mo  
 na kwedi, nde a ta a sengane mo (a sunge mo)  
 onyola bongu. \*nde tona a tano Muna, a ta 8  
 'okwa sengane onyola mambo mena a takino,  
 \*nde a timbisabeno na kengenge, na mo a 9  
 timba muweked'a jongise la bwindea onyola  
 bese bena ba ma-sengane mo, \*kana a bela- 10  
 beno na Loba prisi nindene kaponda edemo  
 a Melkisedek.

Onyol'ao nde di benno gita o kwala, nde 11  
 ye bwambi o teleye mo, ebanja lo timbi bwa-  
 mbi o senga. \*Ebanja kana lo ma-nonongo 12  
 ponda ka nyena lo angamen be baleedi, e ma-  
 pula te o lee binyo mambo ma beboteri ma  
 beleedi ba boso ba eyal'a Loba, lo timbi nyai  
 nyena lo ma-pula manyongo, seto da di em-  
 bam. \*Ebanja moto na moto nyena b'anga- 13  
 menno bola manyongo e nde nusisontan on-  
 yola beleedi ba teme-la-sim; ebanja e nde  
 muenge ma muna. \*Nde da di embam le 14  
 nde onyola bato ba koki, ba bena onyola ka  
 edemo a kolongone b'angwele mabie mabu  
 onyola jemba la bwam na bobe.

Onyola nika di ma-pula jesele mambo ma 6  
 boso ma beleedi ba Kristo, di ma-pula sisea  
 oboso o ka ni londi na kengenge, seto o boka  
 pete eyot' a jatele onyola bebolo ba kwedi  
 na ya jemea na Loba, \*na ya beleedi ba 2  
 dubise na ya nengele la maa na ya bepumb-  
 wedi ba kwedi na ya muka ma bwindea.

## Onyola Bona-Heber 6.

- 3 \*Nde di ma-pula nde bola nika yetena Loba  
4 'emedi. \*Ebanja ye lambo lena di si ma-  
wele bolane na ba bena ba panyisabe ngedi  
po, bena ba keki jabea la mony, bena ba kusi  
5 Mudī Musangi, \*bena ba keki eyal'a Loba  
ya bwam na nginy'a nine wase ni mende  
6 po, \*nde ba timba pe ombusa, o timbise  
pete babo penya o jatele, kana ba timbino  
pete bomele Mun'a Loba o mbasa onyol'abu  
momene, nde ba timbise mo lambo la makeko.  
7 \*Ebanja minyangadu miena mi nyodi mbua  
nyena ni yoki komeye oten, nde mi ya mada  
ma bwam onyola ba bena onyol'abu nde  
mi sabeno, mi ma-kusa doŋgo o bonam ba  
8 Loba; \*nde mi yai te ngengele na mitonkea,  
mi ma-yanabe, mi be pe bebe na lou, su lao  
pe di ma-be nde dia la wea.  
9 Nde a bandolo, di pite mambo ma bwam  
onyol'anyu na ma ma-wane joŋgise, tona di  
10 ma-kwalano nika. \*Ebanja Loba a titi nu  
si tem na sim, o dimbea ebol'anyu na ndol'  
anyu, nyena lo leleno onyola dina lao, kana  
lo tano lo bolea basangeri, lo diano pe lo  
11 ma-bolea. \*Nde di ma-pula ná mowó na  
mowó nyanyu te, a leelee mulemlem ma nginya  
12 onyola belondedi ba dipita natena o su, \*ná  
lo si be soaluke, nde babupedi ba ba bena  
ba mende sangwe makaki onyola jemea na  
13 welisane. \*Ebanja niponda Loba a bolino  
Abraham dikaki, a ta a kana songo na mo-  
mene, kana a si tano a bene nupepe ny'asam  
14 buka mo, o kana songo na mo, \*m'ona:

## Onyola Bona-Heber 6. 7.

„Nambale, na mende namse oa na tondise oa.“

\* Nde kana a tano 'engele na ka welisane, a 15  
ta a kusa dikaki. \* Ebanja bato ba ma-kana 16  
nde songo na nu ny'asam buka babo, nde  
songo nde nye babo su la betopedi bese be  
tengen onyola ka tingame. \* Nika so nde 17  
Loba, niponda a tano a pula leelee ka njoasoa  
na basangwedi ba dikaki, onyola muano mao  
muena mu titi na mu wele tukwabe, a ta a songe  
songo oten, \* na onyola mambo maba, mena 18  
ma titi na ma wele tukwabe, mena Loba a  
titino na a wele topo lobango oten, biso jena  
di nyi mila, di bene lokomea la nginya onyola  
tingame la dipita, lena di nanga oboso basu,  
\* lena di benno ka dio la mudī (masu) la 19  
nginya na di sikimedi, lena di m'ingeye o di  
lena le oteten, ombus'a ekeñan, \* wuma yena 20  
Yesu ka musele-oboso 'ingedingo, niponda a  
timbingo prisi nindene natena o bwindea, ka-  
ponda edemo a Melkisedek.

Ebanja nun Melkisedek, kin'a Salem, 7  
pris'a Loba l'asam, nyena nu ta ny'ala o  
dongamene Abraham, niponda a tano a wa o  
bwemba ba kiñe, nu ta pe nu namse mo,  
\* nyena Abraham a bolino dongo diwo la dom 2  
onyola mambo mese, nyena dina lao di seleno  
be-o ka betukwedi na, kin'a teme-la-sim,  
nde to denge pe na, kin'a Salem, nika nye  
nde na, kin'a musango, \* nu si ben sango, 3  
nu si ben nyango, nu si ben ndando a mbia,  
to beboteri ba minya, to su la longe, nde a  
timbisabe bowan na Mun'a Loba, a ma-tingame

## Onyola Bona-Heber 7.

- 4 pe prisi bebe bese. \* Ombwa njika bondene  
nun eno, nyena Abraham, saŋgo asu nya  
mbambe, a bolino doŋgo diwo la dom o mambo  
5 ma bwambwam ma ndumban. \* Ba ba bana  
ba Lewi pe, bena ba kusi ebol'a prisi, ba  
bene mueka o noŋgone dimuti doŋgo diwo  
la dom, kaponda mbenda, nika nye nde  
na bona-saŋgo abu momene, tona babo pe  
6 ba wuno nde o edue a Abraham, \* nde nu  
nyena nu si wu ndando na babo ata a noŋ-  
gone Abraham doŋgo diwo la dom, nde mo  
pe ata a namse nu nyena nu ben dikaki.  
7 \* Nde e titi penda ná nusadi a ma-namsabe  
8 na nu nu buki mo. \* Nde o uan, bato ba  
ma-wo nde ba ma-noŋge doŋgo diwo la  
dom; nde oten nde mowó nu ben mboŋ ná  
9 e loŋge. \* Nde o ka kwala, oteten a Abra-  
ham, bata pe ba noŋgone Lewi momene doŋgo  
diwo la dom, nyena nu ma-noŋge doŋgo diwo  
10 la dom; \* ebanja a ta a dia o edue a saŋgo  
ao, niponda Melkisedek a doŋgamenno mo.  
11 Ka ni londi na keŋgeŋge e be so te onyola  
ebol'a prisi ya Bona-Lewi (ebanja owas'ao  
nde dimuti di kusino mbenda), onyolanje e  
tano pe e pula ná nyai a prisi nipepe e buse,  
kaponda edemo a Melkisedek, nde e si laŋgabe  
12 kaponda edemo a Aron? \* Ebanja ebol'a  
prisi e tukwábe te, ke o ka yese betukwedi  
13 ba mbenda pe be lambo di ma-pule. \* Ebanja  
nu nyena onyol'ao nde man mambo ma ma-  
kwalabeno, a wu nde o tumba dipepe, lena  
to-moto a si boledino diyo la dise la mabea.

## Onyola Bona-Heber 7.

\* Ebanja e bian, ná Saŋgo asu a busi nde o 14  
Yuda; tumba lena Mose a si kwalino to-lambo  
onyola prisi. \* Nde e ma-beŋga nde telame, 15  
yetena o bowan ba Melkisedek nde prisi ni-  
pepe e busino, \* nyena ni si timbi (prisi), 16  
kaponda mbend'a mieka m'eyobo, nde ka-  
ponda nginy'a loŋge, lena di si ben su. \* Ebanja 17  
a kusi mboŋ na: „Oa nde oe prisi natena  
o bwindea kaponda edemo a Melkisedek.“  
\* Ebanja mbenda ni sele bolabe oboso e sum- 18  
wabe, onyola bobo lao na k'ao ni si ma-tom-  
bwane, \* (ebanja mbenda e si ta e timbise to- 19  
lambo na keŋgeŋge), nde dipita la bwam di  
buki din di wanabe, lena onyol'ao nde di  
ma-siseano bebe na Loba. \* Nde kana 20  
di si tano di bolabe, esibe kana la soŋgo,  
(ebanja babo ba ta ba timba prisi esibe kana  
la soŋgo, \* nde mo a timbi nde na kana la 21  
soŋgo, onyola nu nyena nu kwalan mo na:  
„Saŋgo a kan soŋgo, nde a si mende jombwe:  
oa nde oe prisi natena o bwindea, kaponda  
edemo a Melkisedek,“) \* nikamene pe nde 22  
Yesu a timbino mboŋ a male ma bwam ma  
buki mane.

Nde oteten a bane nde gita ba tano ba 23  
timbisabe prisi, ebanja ba ta b'ekabe na  
kwedi, ná ba si tiŋgame bebe bese, \* nde mo 24  
nde, kana a ma-tiŋgamenō natena o bwindea,  
a ben nde ebol'a prisi e si ma-tombe. \* Onyola 25  
nika a ma-wele pe suŋga na ka ni londi, ba  
bena ba ma-siseye bebe na Loba onyol'ao,  
kana eno loŋge bebe bese o sosomea onyol,



## Onyola Bona-Heber 7. 8.

- 26 abu. \* Ebanja e aṅgamen na biso, o bene nika prisi nindene, nyena nye bosangi, ni siben njom, ni siben misan, nyena ni pandi etum na babobe, nyena ni timbi jasame buka mony yese,
- 27 \* nyena ni si ma-pule bunya na bunya te, ka yine prisi indene, o sele bola mabea onyola miobe mao momene, to denge pe onyola ma dimuti; ebanja a boli nika ṅgedi po mene onyola yese, kana a bolino momene o jabea.
- 28 \* Ebanja mbenda e ma-tese nde bato ba bobi prisi indene, nde eyal'a kana la soṅgo, nyena ni wu ombusa mbenda, e tese nde Muna, nyena nye na kenḡenge o bwindea na bwindea.

- 8 Mom ma lambo muṣe onyola ma mena ma ma-kwalabe, mue nde na: Di ben nde ninka prisi nindene, nyena ni jai o dia la
- 2 mom la bejedi ba Nyasam o mony, \* muboled'a mambo ma bosangi na nya munoko ma mbale, muena Saṅgo a poṅgino, seto moto.
- 3 \* Ebanja prisi te e tesebe o bola musaṅgise na mabea; onyola nika ye lambo di ma-pule,
- 4 ná mo pe a bene lambo o bola. \* A be so te o wase, ke a si wusa be prisi, ebanja oten nde prisi yeno, yena i ma-bole mabea ka-
- 5 ponda mbenda, \* yena i ma-boleye bowan na edingeding'a mambo ma mony, kana Mose a kusino beanedi ba Loba, niponda a tano a pula poṅgo munoko: A kwalan mo na: „Ombwa bwam, ná o poṅge mambo mese, kaponda eyembilan na leeleno oa omony a mudoṅgo.“

## Onyola Bona-Heber 8.

Nde tatan, mo a kusi ebolo y'asam buka 6  
yene, kana a timbino pe muwaled'a male  
m'asam buka mane, mena ma tesebe omony  
a makaki ma buki mane. \*Ebanja male ma 7  
boso masibe te ka misan, ke wuma isi  
wusa pe pulisabe onyola mapepe. \*Ebanja 8  
a kwalan babo o ka misan na: „Ombwa,  
minya mi mende po, nika nde Saŋgo a kwa-  
lino, miena na mendeno weka male ma penya  
onyola ndabo a Israel na onyola ndabo a  
Yuda, \*seto kaponda male mena na wekino 9  
na basango babu, o bunya na kweno babo  
dia, o busise babo o Egipto; ebanja ba si ta  
ba-tingame na male mam, nde to mba pe na  
si ta pe n'ombwea onyol'abu, nika nde Saŋgo  
a kwalino. \*Ebanja man nde me male, 10  
mena na mendeno weka na ndabo a Is-  
rael ombusa mi minya, nika nde Saŋgo  
a kwalino, na mende wele mbend'am  
o mongele mabu, na tila pe mo o mi-  
lema mabu, na mende be babo Loba,  
nde babo pe ba mende be mba tumba.  
\*Nde ba si mende pe lee, moto te muenj'ao 11  
nya mudi, na moto te muna-saŋgo na kwala  
na: Bia Saŋgo. Ebanja bese ba mende bia  
mba, botea basadi natena bandene. \*Ebanja 12  
na mende be ndedi na ka abu isitem na  
sim, na si mende pe jongele miobe mabu na  
mawuse mabu.“ \*Kana a kwalino na: „male 13  
ma penya“, a timbise nde ma boso edun;  
nde ma m'edun na ma má-jinde, me bebe na  
sumwabe.

## Onyola Bona-Heber 9.

- 9 Nde to male ma boso nde, mata te ma  
bene mika ma bolea la Loba na wum'a bo-  
2 saŋgi ya wase pe. \*Ebanja munoko mu ta  
mu pongobe, ma boso, muena oten etrukan  
na tebedi na bewolo be m'ombwabe ba tano,  
3 muena mu belabe na: Wum'a bosangi: \*Nde  
ombus' ekenan e londe beba, munoko muena  
4 mu belabe na: Bosangi bo peti, \*muena mu  
ta mu bene diyo la gol la dise la benumba  
na elimb'a male, yena eta elalabe wuma  
yese na gol, yena oten nde dibonde la gol  
la mana di tano na itumbu a Aron, yena i  
ta i pumea, na bebapa ba madale ma male,  
5 \*omony ao pe Kerubim ya bosangi, yena i  
ta i kurumane ngut'a dolisane, mambo mena  
6 di sima-pulano kwala tatan diwo diwo. \*Nika  
so nde mambo ma tano ma pongobe; nde  
prisi i ta y'inge a o munoko ma boso ponda  
7 yese, o ka bola ebol'abu, \*nde o mu mu  
londe miba prisi nindene momene mbu te  
ngedi po, nde seto na maya ma si be, mena  
a tano a bola onyol'ao momene na onyola  
8 mawuse ma bato. \*Onyola di mene nde  
Mudi Musangi mu ma-biisen, na ngea wala  
o wum'a bosangi e si ta e ma-biisabe, kana  
9 munoko mu tano mu dia mu tem, \*muena  
mue eyembilan onyola pond'a tatan, muena  
kapond'ao musangise na mabea ma bolabeno,  
mena ma si ma-wele timbise nu nu ma-boleye  
10 na kengege o mudi, \*kana meno nde na  
mada na benyon na nyai a mowe ma madiba,

## Onyola Bona-Heber 9.

mieka m' eyobo, mena ma tēsebe natēna betu-  
kwedi ba bwam.

Nde Kristo, niponda a pōino ka prisi nin- 11  
dēne nya mambo ma bwam ma mēnde pō,  
'iṅgedi onyola munoko mu asam na mu peti  
ma boso, muena mu si pōṅgobe na maa, nika  
nye nde na; muena mu titi ma ben bewekedi;  
\* nde seto onyola maya ma mbodi na bana ba 12  
nyaka, nde onyola maya mao mōmēne, o  
wum'a bosaṅgi ṅgedi pō onyola yese, nde a  
weki jōṅgise la bebe bese. \* Ebanja yetēna 13  
maya ma miom ma nyaka na ma mbodi na  
diburu la mōdi ma nyaka, lena di miasēle  
ba mbindo, ba saṅgise tē onyola saṅgise la  
eyobo, \* kē njika bondene buka nika 14  
maya ma Kristo, nyena nu boli mōmēne  
jabea na Loba na ka ni sibēn misan,  
onyola Mudī ma bwindea ma mēndēno  
saṅgise midī manyu onyola bebolo ba  
kwedi o bolea Loba la lōṅge.

\* Onyola nika nde eno muwaled'a male ma 15  
penya, ná onyola kwed'ao, nyena ni ta ni  
bolanē onyola dikoti la miobe, miena mi ta  
o male ma boso, ná ba bena ba belabe ba  
kuse dikaki la saṅgo la bwindea. \* Ebanja 16  
wuma male menō, oten pē nde kwed'a nu  
nu weki mō ny'aṅgamenno bianē. \* Ebanja 17  
male ma ma-timba nde ṅginya onyola bawedi,  
ma si ben ṅginya yetēna nu nu weki mō a  
dia lōṅge. \* Onyola nika ma boso pē ma si 18  
ta ma tēsebe esibe maya. \* Ebanja niponda 19  
Mose a boleno laṅgwea dimuti mueka ma

## Onyola Bona-Heber 9. 10.

- mbenda te, na mo a nongo maya ma bana  
ba nyaka na ma mbodi pulisane na madiba  
na nyo a midongi i m'ole na isop, a miasele  
20 kalati momene na dimuti lese pe, \* a kwala  
na: „Man nde me maya ma male, mena Loba  
21 a tesedino binyo.“ \* A ta pe a miasele na  
munoko na belongisan bese ba bolea la Loba  
22 na maya. \* Nde bebe na mambo mese ma  
sangisabe onyola maya kaponda mbenda, la-  
kise pe di si ma-bolabe, esibe koma la maya.
- 23 E ta so e pula na beyembilan ba mambo  
me o mony be sangisabe nikamene, nde ma  
mony momene na mabea ma bwam buka  
24 mane. \* Ebanja Kristo a s'ingedi o wum'a  
bosangi yena ipongobe na maa, yena ye  
eyembilan a ya mbale, nde o mony momene,  
o jenene uamene oboso ba Loba onyol'asu,  
25 \* seto o bola pe momene o jabea gita la ngedi,  
kana prisi nindene e m'ingeano o wum'a  
26 bosangi mbu te na muen a maya; \* e si be  
te nika ke a wusa nde taka gita la ngedi  
botea natena bebokedi ba wase. Nde tatan  
so a biisabe nde ngedi po mene o su la ponda,  
o sumwa miobe onyola jabea lao la momene.
- 27 \* Nde kana etesebeno na bato o wo nde  
28 ngedi po, nde ombusa nika pe muka, \* nika-  
mene pe nde Kristo a bolabeno ngedi po o  
sumwa miobe ma ba gita, nde a mende pete  
po ngedi ni londe iba esibe bobo onyola ba  
bena ba m'engele mo onyola jongise.
- 10 Ebanja kana mbenda nyeno nde edinge-  
ding'a mambo ma bwam ma mende po, seto

## Onyola Bona-Heber 10.

jenene la ma mambo momene, onyola nika  
e titi ná e wele timbise ba bena ba ma-siseye  
bebe na kenenge onyola mulemlem ma ma-  
bea ma mbu na mbu te, mena ba ma-tiŋga-  
meno o bola ponda yese. \*E be te nika ba 2  
si wusa jesele o bola mabea, ebanja ba bena  
ba ma-boleye, ba saŋgisabe te ŋgedi po, ke  
ba si wusa pe bene midī mi ben bobe. \*Nde 3  
ka ni tengeŋ nika, joŋgele la miobe di ma-  
bolabe nde onyol'ao mbu na mbu te; \*ebanja 4  
ye lambo di si ma-wele bolane, ná maya ma  
mom ma nyaka na ma mbodi ma sumwe miobe.  
\*Onyola nika, niponda a poŋo o wase, a 5  
kwali na: „O si puli mabea na musaŋgise,  
nde o boŋsan nde mba nyolo. \*Mabea ma 6  
dise na mabea ma miobe ba si ta ba dolise oa.  
\*Na mba na kwala na: Ombwa na ma-po, e 7  
tilabe onyol'am o kalati, o bola jemea loŋgo,  
a Loba.“ \*Kana a kwalino o boso na: „O 8  
si puli mabea na musaŋgise na mabea ma  
dise na ma miobe, o si dolisan to mo, „mena  
ba ma-bolano kaponda mbenda, \*to denge 9  
a ma-kwala pe na: „Ombwa, na ma-po o bola  
jemea loŋgo.“ A sumo la boso, ná a tese la  
mbusa; \*onyola di jemea mene nde di saŋgi- 10  
sabeno onyola bola la jabea la nyol'a Yesu  
Kristo ŋgedi po onyola yese.

Nde prisi te e ma-teme nde bunya na 11  
bunya, o bola mulemlem ma mabea gita la  
ŋgedi, mena ma titi ná ma wele sumwa miobe.  
\*Nde mo a boli nde jabea diwomene onyola 12  
miobe, na mo aja o dia la mom la Loba

## Onyola Bona-Heber 10.

13 onyola bebe bese; \*ua nde a m'engeleno  
natē basiŋgeri bao bese ba nengebele owasa  
14 mataŋga mao. \*Ebanja onyola jabea diwo  
nde a timbiseno na kenenge onyola bebe  
15 bese ba bena ba saŋgisabe. \*Mudi Musangi  
pe mu ma-bola biso mboŋ. Ebanja niponda  
16 a kwalino na: \*„Man nde me male na men-  
deno weka na babo ombusa mi minya,“ na  
Saŋgo a kwala na: „Na mende wele mbend'  
am o milema mabu, na tila pe mo o mongele  
17 mabu; \*nde na si mende pe jongele bobe  
18 babu na mawuse mabu.“ \*Nde wuma lakise  
la man leno, jabea di titi pe oten onyola  
miobe.

19 A bonate, kana di benno so bokenju o  
biŋgedi o wum'a bosangi onyola maya ma  
20 Kristo, \*bena a tesedino biso ka nge'a pe-  
nya na nya longe, tomba oteten a ekenan,  
21 nika nye nde eyobo ao, \*na prisi nindene  
22 pe omony a ndabo a Loba, \*esele so biso  
di siseye bebe na mulema ma mbale na  
belondedi ba jemea, miasabele o mile-  
ma masu, wunjabe na midi ma bobe,  
manyolo masu pe m'oabe na madiba  
23 ma saŋgi, \*na tingame pe o pusele la  
dipita na ka ni sima-soe; ebanja nu  
24 nu boli dikaki e mbale. \*Nde esele biso  
di ombwane mowó na nune onyola pumbwele  
25 la ndolo na bebolo ba bwam, \*seto jesele  
jakotone lasu, ka dongo ba ma-bolano, nde  
jomanele nde mowó na nune, bwambwam

## Onyola Bona-Heber 10.

pon, kana lo m'eneno ná bunya bo ma-sisea  
bebe.

Ebanja yetena di ma-bola bobe na dibie 26  
lasu, ke di má-bole kusa dibie, ke jabea di  
si dia pe onyola miobe, \*ke betatedi ba 27  
bongo ba muka na eabad'a wea yena e  
mende de basingeri. \*Moto a bangi te mben- 28  
d'a Mose, ke 'angamen wo esibe ndedi,  
onyola mbon iba to ilalo. \*Lo titi so ná 29  
l'ongele njika bekokisedi bendene, be mende  
bolabe na nu nyena nu ma-dakeye Mun'a  
Loba na miende, nyena nu ma-lange maya  
ma male ka lambo di si sangi, mena onyol'  
ao nde a sangisabeno, nyena nu m'engise pe  
Mudi ma ndedi? \*Ebanja di bi nu nyena 30  
nu kwali na: „Makunako me nde mam, mba  
nde na mende timbisele,” nika nde Sango  
a kwalino. Na na: „Sango a mende kaise  
tumba lao.” \*Ye lambo la bwambi o ko o 31  
maa ma Loba la longe.

Qngele minya ma kwan, miena, niponda 32  
lo tano lo panyisabe, lo tano lo welisane gita  
la bewenji ba matakisan, \*epasi ewo lo 33  
timbisele lambo di m'ubeabe onyola malou  
na mitakisan, epasi epepe pe kana lo timbino  
muemba ma ba bena ba bolabe nika. \*E- 34  
banja lo ta lo taka muemba na ba bena ba  
ta o beboa, lonongi pe ndumban a bema  
banyu na munyenge, kana lo tano lo bia, ná  
lo ben bema be buki nika o mony, bena be  
ma-tingame. \*Lo si pimba dipita, lena di 35  
ben musauedi mundene. \*Welisane le lambo 36



## Onyola Bona-Heber 10. 11.

- lena di ma-pule onyol'anyu, ná onyola bola  
37 la jemea la Loba lo kuse dikaki. \* Ebanja  
„son a ponda ninka, nu nu mende po, a ma-  
38 po, a si mende jindea. \* Nde nutem-na-sim  
a mende be longe onyola jemea; nde a timbi  
te ombusa, mudī mam mu si ma-dolisane mo.“  
39 \* Nde biso di titi ba timba la mbusa onyola  
dibumbe, nde ba jemea onyola sunga la mudī.  
11 Nde jemea le nde dipita di sikimedi  
la mambo di ma-piteno, mbaki ni londi  
2 nya mambo di si m'enenō. \* Onyol'ao nde  
3 bato ba kwan ba kusino mboñ. \* Onyola  
jemea nde di sontanno, ná mundi-ma-wase  
mu ta mu wekabe onyola eyal'a Loba, ka  
nyena mambo ma-m'enenē ma wu nde o  
mambo ma si m'enenē.  
4 Onyola jemea nde Abel a bolino Loba ja-  
bea dindene buka Kain, lena onyol'ao nde  
a kusino mboñ, ná e nutem-na-sim, kana Loba  
a bolino mboñ onyola jabea lao; onyol'ao pe  
5 nde a diano a ma-topo, tona a wedino. \* O-  
nyola jemea nde Enok a tano a nonngobe o  
mony, ná a s'ene kwedi, nde a sita a sobe,  
ebanja Loba a ta a nongo mo o mony; ebanja  
obiana a ma-nonngobe o mony, a ta a kusa  
6 mboñ ná a ta a dolisane Loba. \* Nde esibe  
jemea di titi ná di wele dolisane mo;  
ebanja to-nja nu ma-po na Loba, 'aŋga-  
men dube ná Loba le, na ná mo nde a  
ma-bole musauedi na ba ba ma-pulise  
7 mo. \* Onyola jemea nde Noa a tano a kusa  
beanedi ba Loba onyola ma mena ma sita

## Onyola Bona-Heber 11.

ma má-jenene, nde na bono ba Loba a ta a  
pongo elimbi onyola jongise la ndabo ao;  
lena onyol'ao nde a kweseno wase muka, na  
mo a timba musangwed'a teme-la-sim la  
jemea.

Onyola jemea nde Abraham a tano a sen- 8  
gane, niponda a belabeno, o jasumwe wala  
o wuma yena a mendeno kusa ka sango;  
nde a ta 'ala, esibe bia wuma a m'alano.  
\* Onyola jemea nde a tano aja ka muen o 9  
ekombo a dikaki, ka biana o muen a ekombo,  
a ta nde aja o minoko na Isak na Yakob,  
basangwedi muemba na mo ba mulemlem  
ma dikaki; \* ebanja a ta 'engele mudi mu 10  
ben bebokedi, muena mulonged'ao na mu-  
ponged'ao nde e Loba. \* Onyola jemea nde 11  
Sara a kusino nginya o bota mbota, tona a  
tano a má-tembe; ebanja a ta a langa nu nu  
boli dikaki ka nya mbale. \* Onyola nika 12  
nde gita bayabeno na mowó, nu ta nde  
biana a má-wo, gita ka ngenget'á mony na  
ka mukoko ma sau'a munja, muena musi  
ma-wele songobeje. \* Ban bese ba 13  
wedi nde o jemea, esibe kusa la dikaki, nde  
ba ta nde b'ene mo etum uone, ba soma pe  
mo na munyenge, ba pusele pe ná be nde ben  
na badangwedi o wase. \* Ebanja ba ba ma- 14  
kwale nika, ba ma-biise nde, ná ba ma-pulise  
nde ekombo abu momene ya somsom. \* Nde 15  
ba ta te b'ongele nde ye ba wuno, ke ba  
wusa bene ponda o timba oten. \* Nde ba 16  
ma-pulise so nde ya bwam e buki yene, nika

## Onyola Bona-Heber 11.

- nye nde ya mony. Onyola nika Loba pe a  
si ma-bwa ison onyol'abu, o belabe Loba labu;  
17 ebanja apongedi babo mundi. \* Onyola  
jemea nde Abraham a bolino Isak o jabea,  
niponda a tano a kekabe, mo nu ta nu kusa  
dikaki a boli mpom mao ma muna o jabea,  
18 \*mo nyena e tano e kwalabe na: „O Isak nde  
19 mbot' ango e mendeno belabe.“ \*Ebanja a  
ta 'onge le na Loba ena a wele pe na pum-  
bwele bawedi, onyola nika a timbi pe kusa  
20 mo ka bowan ba nika. \* Onyola jemea nde  
Isak a namseno Yakob na Esao onyola ka  
21 mambo ma mende po. \* Onyola jemea nde  
Yakob, niponda a tano a ni-ya wo, a namseno  
mowó na mowó nya bana ba Yosef, na mo  
a kane, kana a tano a yolome omony a itumbu  
22 ao. \* Onyola jemea nde Yosef niponda a  
tano a ni-ya wo a bolino jongele onyola be-  
busedi ba Bona-Israel na mo a bola pe bea-  
nedi onyola bewese bao.
- 23 Onyola jemea nde Mose, niponda a yabeno  
saŋgo na nyaŋgo ba ta ba wuta mo miodi mi-  
lalo, ebanja ba ta b'ene na nu muna a doli,  
nde ba si ta ba bwa beenedi ba kiŋe boŋgo.
- 24 \* Onyola jemea nde Mose, niponda a kokino,  
a baŋgino o belabe mun'a mun'a Farao nya  
25 muto; \* a ta a poso o takisabe muemba na  
tumba la Loba, buka o bwese momene mu-  
26 nyenge ma son a ponda onyola bobo, \* Kana  
a tano a laŋga ison a Kristo mbwan mundene  
buka mawuta ma bema ma Egipto; ebanja  
27 a ta 'ombwa o musauedi. \* Onyola jemea

## Onyola Bona-Heber 11.

nde a dīno Egipto, a si bo malinga ma kiñe  
boñgo; ebanja a ta a welisane ka mowó nu  
m'ene nu nu si m'enene. \* Onyola jemea nde 28  
a teseno Pasah na koma la maya, ná munyam-  
sedi a si nyamse bana babu ba boso. \* O- 29  
nyola jemea nde ba tombino oteten a munja  
mu m'ole biana mundi, lena bato ba Egipto  
pe ba kekingo na babo ba minyabe. \* Onyola 30  
jemea nde bedima ba Yeriko be kwedino,  
niponda be tano be dingabele minya samba.  
\* Onyola jemea nde mut'a mbamba Rahab a si 31  
tano a nyama muemba na bamayanaako, kana  
a tano a kasa basome-mundi na musaño.

Na kwale pe nje buka nika? Ponda nye na 32  
e walamene mba, o kwala pe onyola Gideon  
na Barak na Simson na Yefta na Dawid na  
Samuel na batoperi-ba-mudi, \* bena ba ta ba 33  
buka manea ma kiñe onyola jemea, ba bola  
teme-lasim, bakusa makaki, ba dibise midumbu  
ma ngila, \* ba loko nginy'a wea, b'onga na 34  
bowoli ba po, onyola bobo ba timba nginya,  
ba timba nginya o bila, ba buka milon ma  
bila ma bapepe. \* Bito ba kusa pete bawedi 35  
babu onyola bepumbwedi, bapepe ba takisabe  
nde ba s'emeye kasa jongise labu, ná ba kuse  
bepumbwedi ba kwedi ba bwam. \* Bapepe 36  
ba kusi lo na mbeti na ngata na beboa; \* ba 37  
ta b'angwabe madale, ba kebe na so, ba ke-  
kisabe na mitakisan, ba bwabe na po, ba  
dangwane nde beyobo ba midongi na ba  
mbodi, ba bene nde longe la mutaka na la  
ndutu, ba tusabe, \* babo, bena wase e si tano 38

## Onyola Bona-Heber 11. 12.

e dongamene o jalea, ba yeŋga nde o beyaŋ  
na o midoŋgo na o milomba na o misima  
39 ma wase. \*Ban bese nde, tona ba kusino  
40 mboŋ onyola jemea, basikusi dikaki; \*ebanja  
Loba a ta a boŋsane lambo la bwambwam  
onyol'asu, ná ba si timbisabe na keŋgeŋge,  
nde biso di si be.

12 Onyola nika so eseŋe biso pe, kana di  
diŋgabeleno na nika diwindi la mboŋ, di  
sumwe mambo mese ma dilise biso na bobe  
bo tondi bakame na biso, nde di nye' pe mila  
na titimbe o pembisan ni tesebe biso oboso,  
2 \*o ka jombwa Yesu mubotedi na mudomsed'a  
jemea, nyena o bejedi ba munyeŋge muena  
mu ta mu naŋga mo oboso, a ta a welisane  
mbasa, a si dube ison, na mo aja o dia la  
8 mom la bejedi ba Loba. \*Ombwa nu nyena  
nu ta nu welisane nika mpendu ma bato ba  
bobe liŋgise mo, kanyena lo si wolo na ka  
bobo o midī manyu.

4 Ebanja lo si ta lo má-jana natena maya  
5 onyol' ewenji liŋgise bobe, \*lo dimbedi lo-  
komea, lena di kwalabe na binyo ka bana na:  
„A mun'am o si noŋgo kokise la Saŋgo ka  
lambo disadi, o si wolo ke ama-domea oa;  
6 \*ebanja nu nyena Saŋgo a tondino, mo  
nde ama-kokiseno, a ma-dipa muna  
7 na muna, nyena a ma-noŋgono.“ \*Yete-  
na lo welisan kokise, ke Loba pe a ma-leele  
nde momene na binyo ka bana. Ebanja njika  
8 muna saŋgo a si ma-kokiseno. \*Nde yetena  
binyo le esibe kusa kokise, lena bese ba ku-

## Onyola Bona-Heber 12.

sino doŋgo, ke le nde bana ba sombo, lo titi  
bana ba mboa. \*Buka nika, di ta pe 9  
di bene basango basu ba eyobo o kokise biso,  
nde di ta nde di bola babo edube; di s'anga-  
men so nde beŋga sibise bisomene owasa  
Sango a midī, ná di be lonŋe? \*Ebanja ba- 10  
bo bata nde ba kokise biso ŋus'a minya  
kaponda monŋele mabu, nde mo onyola bwam  
basu, ná di kuse doŋgo o bosangi bao. \*Nde 11  
nyai á kokise yese i sim'enene biso  
dibokimene ka munyenŋe, nde ka ndu-  
tu, nde ombusa nika ima-wana bepuma  
ba musango ba teme-la-sim na ba ba  
leabe na mo.

Onyola nika so, embe maa mayolom na 12  
mabongo ma bobi, \*tese manŋea na sim 13  
onyola miende manyu, ná di le eboki di si  
sonjo, nde buka nika di bolisabe nde. \*Bupe 14  
musango na beŋe na sangisabe pe, le-  
na esibe mo, ke to-moto a si mende  
jene Sango. \*Angameye ná moto a s'asum- 15  
we na nded'a Loba, e si ya be muanga ma  
njonŋi mu pumea o bwese binyo ndutu, mue-  
na onyol'ao nde gita ba ma-timbano mbindo,  
\*ná to mowó a si be nya musonje to ewol'a 16  
moto ka Esao, nyena ny'andise mutur'ao  
onyola da diwo. \*Ebanja lo bi, ná a ta a 17  
bangabe, niponda a tano a pula sangwa  
bonam ombusa nika; ebanja a si soi epolo  
onyola jatele, tona a tano a pulise mo na  
mbembe.

Ebanja lo si sisedi bebe na mudoŋgo, mu- 18

## Onyola Bona-Heber 12.

- ena ba ma-welēno tapa, na wea i m'onye na  
19 mawindi na yūu na muititi na mūdi, \* na  
mumban ma museba na doi la beyala, lena  
ba bena ba ta ba seŋga mo b'ekino, ná eyala  
20 e si kwalabe pe na babo. \* Ebanja ba si ta  
ba welisane mu mueka na: „to nyama nde  
e tapi te mudongo, ny'aŋgwabe madale“.  
21 \* Nde jenene di ta boŋgo, ka nyena Mose a  
ta a kwala na: Na londi na boŋgo, na ma-soa  
22 pe. \* Nde binyo lo sisedi nde bebe na mu-  
dongo ma Sion na mundi ma Loba la loŋge,  
Yerusalem nya mony na lodun na lodun la  
23 angel, \* na jakotone na muemba ma bana  
ba boso, bena ba tilabe o mony, na mukai-  
sedi, Loba la bese, na midī ma batem-na-sim,  
24 bena ba timbisabe na keŋgeŋge, \* na muwa-  
led'a male ma penya, Yesu, na maya ma  
miasele, mena ma ma-tope bwam buka ma  
25 Abel. \* Ombwa ná lo si baŋga nu nyena nu  
ma-kwale; ebanja yetena ba ba s'oŋgi bena  
ba baŋgi nu nyena nu kwali beanedi ba Loba  
o wase, neni biso di mendeno joŋga, yetena  
di umbele mbusa na nu nyena nu ma-kwale  
26 wa o mony, \* nu nyena doi lao di ta di souse  
wase o niponda mene; nde tatan a boli di-  
kaki na: „Ngedi nipepe na si mende souse  
27 wase momene mowó, nde na mony pe.“ \* Nin:  
„ngedi nipepe“ e ma-lee nde betukwedi ba  
ma mena ma ma-sousabe, kana ma wekabeno  
onyola nikamene, ná ma mena ma si ma-sou-  
28 sabe ma tiŋgame. \* Onyola nika, kana di  
ma-kusano janea, lena di si ma-sousabe, ese

## Onyola Bona-Heber 12. 13.

biso di leelee masoma, mena onyol'ao nde di ma-boleano Loba ka ni ma-dolisane na edube na bonngo; \*ebanja Loba lasu e nde wea 29 i ma-disane.

Tingame na ndol'a bonasaango. \*Lo si 13  
dimbea jese ben, ebanja onyol'ao donngo  
ba ta ba jese angel, esibē bia. \*Ongele 3  
babeboa ka biana lo kwesabe nde muemba  
na babo, na ba pe bena ba ma-takisabe, kana  
binyo pe lo diano lo ben nyolo. \*Esele diba 4  
di be edube na bese, nonngo la diba pe ka ni  
si ben misan; ebanja Loba a mende kaise ba-  
misonje na babwe-diba. \*Edemo anyu e be 5  
etum na tondo la bema, kana lo ma-sibiseno  
mulema na ma mena lo benno; ebanja momene  
a kwali na: „Nasi mende jesele oa to bangisane  
oa tom,“ \*ka nyena di ena di kwala na mu- 6  
lema mu embam na: „Sango nde e jongwane  
lam, nasi mende bwa bonngo; nje moto eno  
na a wele bola mba e?“

Ongele bombwedi banyu, bena ba ta ba 7  
langwea binyo eyal'a Loba; ombwa su la  
bedangwedi babu, embilane jemealabu. \*Yesu 8  
Kristo e nde mulemlem kiele na oenge  
na natena o bwindea. \*Losidutabe na nyai 9  
a ben ba beleedi; ebanja ye bwam, ke mu-  
lema mu embam onyola ndedi, seto onyola  
mada, mena ba ba ma-dangwe oten ba si ma-  
kusano museñ. \*Biso di ben diyo, lena ba ba 10  
ma-boleye munoko ba si benno nginya o dea  
oten. \*Ebanja nyama yena maya mao prisi 11  
nindene etano ewana o wum'a bosangi onyo-



### Onyola Bona-Heber 13.

- la miobe, manyolo mao ma ta nde ma disabe  
12 ombusa mboko. \* Onyola nika nde Yesu pe,  
ná a saŋgise dimuti onyola maya mao, a ta  
13 a taka ombusa jombe (la mundi). \* Onyola  
nikamene esele biso di buse na mo ombusa mbo-  
14 ko, kana di ma-welisaneno ison ao. \* Ebanja  
di siben mundi muma-tiŋgame uan,  
nde di ma-pulise nde mu mumende po.  
15 \* Esele so biso di waneye Loba mabea ma  
sesa onyol'ao ponda yese, nika nye nde be-  
puma ba bepopo bena be ma-pusele dina lao.  
16 \* Lo si dimbea o bola bwam na jabane, ebanja  
17 nika mabea nde idolisan Loba. \* Seŋgane  
bombwedi banyu, sibise binyo mene owas'abu;  
ebanja babo nde bama-tate onyola midī manyu  
ka ba bena bamende bole bolaŋgi, ná ba bole  
mo na munyenŋe, seto na sunjumea; ebanja  
18 nika e titi museñ na binyo. \* Kane onyol'  
asu; ebanja di bake bwambwam, ná di ben  
mudi ma bwam, kana di ma-pulisen o daŋgwa  
19 ka bwam o mambo mese. \* Nde na m'omele  
binyo o beŋga bola nika, ná na wamse tim-  
20 bisabe na binyo. \* Nde Loba la musaŋgo  
nu busise mutateri nundene nya midongi o  
kwedi onyola maya ma male ma bwindea,  
21 Saŋgo asu Yesu, \* a boŋsane binyo onyola  
ebol'a bwam te o bola jemea lao, kana a ma-  
wekano oteten anyu ma ma dolisan oboso bao  
onyola Yesu Kristo; edube e be na mo o  
bwindea na bwindea. Amen.  
22 Na m'omele binyo, a bonate, welisane  
eyal'a jomele; ebanja na tiledi nde binyo na

## Kalat'a Yakobo 1.

ngus'a beyala. \* Bia ná muna-saño Timoteo 23  
a má-tesebe wonja, na mo nde na mendeno  
jene binyo, yetena a wamse po. \* Soma bom- 24  
bwedi banyu bese na basangeri bese. Ba  
Italia ba som binyo. \* Ndedi e be na binyo 25  
bese. Amen.

---

## KALAT'A YAKOBO.

---

Yakobo muut'a Loba na nya Saño Yesu 1  
Kristo onyola dom la matumba na maba o  
bapambilan, munyenge na binyo.

A bonate, laŋga ninka ka munyenge mo 2  
na mo, yetena lo ma-ko o gita la nyai a  
makekisan, \* kana lo bino ná sobe la mbale 3  
la jemea lanyu dima-weka nde welisane. \* Nde 4  
welisane di bene nde ebol'a kenenge, ná lo  
be bato ba kenenge na balondi, ná losi bene  
mutaka o to-lambo. \* Nde yetena dibie di 5  
ma-pula te na moto, a sosomeye Loba, nyena  
nu ma-bole bese na mulema mowó, esibe do-  
mea, nde di mende bolabe mo. \* Nde a soso- 6  
meye nde na jemea, esibe dinga penda o to-  
lambo; ebanja nu nu ma-dinge penda e nde  
biana emune a munja, yena e ma-sousabe na  
ngo na dipea muri na muri. \* Ebanja ninka 7  
moto a s'angamen jongele ná a mende kusa  
lambo na Saño, \* mot'a milema miba, 8  
nyena nu sima-tiŋgame o maŋgea mao mese.  
\* Muna-saño nya bejedi be sibi a sese nde 9

## Kalat'a Yakobo I.

- 10 onyola jasame lao, \* nya mbwan pe onyola  
bao besibi; ebanja amende tomba ka mbonj'  
11 a bewudu. \* Ebanja wei ibusi na eyidid'ao,  
ianjise bewudu, mbonj'ao pe ipoledi, bwam  
ba beombwedi bao bonyam; nikamene nde  
mbwan ma moto pe mum'anjano o mangea  
12 mao. \* Bonam na moto nyena nu ma-  
welisane kekise; ebanja yetena asobe  
mbale amende kusa ekot'a longe, yena  
Sango akakanno ba bena batondi mo.  
13 O s'esele to-moto akekisabe te, a kwala  
na: Na ma-kekisabe nde na Loba. Ebanja  
Loba a titi na a kekisabe na bobé, to mo pe  
14 a si ma-kekise to-moto. \* Nde moto na moto  
a ma-kekisabe nde, ke a dutabe na londobe  
15 na bao bepuledi. \* Nde bepuledi be nongi te  
deme, na mo be ya bobé, nde bobé bo dom  
16 te, na mo bo ya kwedi. \* A bona-sango ba  
17 ndolo losi wondobe. \* Jabea na jabea la  
bwam te, na bowen ba kengenge te ba  
ma-wa nde o mony na Sango nya mu-  
enen, nu nyena betukwedi betitino  
na mo, to edingeding'a betukwedi.  
18 \* Mo nde ayai biso kaponda jemea lao momene,  
onyola eyal'a mbale, ná di be nyai á bepuma  
ba boso ba bewekedi bao.  
19 . Onyola nika a bona-sango ba ndolo, esele  
moto na moto a wamse o seŋga, nde munyongo  
20 o topo, munyongo pe o malinga; \* ebanja  
malinga ma moto, ma si ma-bola teme-la-sim  
21 la Loba. \* Onyola nika sumwa mbindo yese  
na bobé bonyukam, nde lononge na pi eyala

## Kalat'a Yakobo I. 2.

e debe oteten anyu, yena e ma-wele sunge  
midī manyu.

Nde binyo be nde baboledi b'eyala, seto 22  
basengedi momene, o wondo binyomene.  
\* Ebanja yetena moto e nde musenged'a eyala, 23  
nde a si be muboledi, ke e nde biana moto nu  
m'ombwe boso bao ayabanno o jene. \* Ebanja 24  
'ombono momene, na mo 'ala, a dimbea dibo-  
kimene neni a tano. \* Nde nu ny'ombo o 25  
mbend'a kenge nye wonja, nde atingame  
oten, a si be musengedi nu ma-bangisane, nde  
muboledi nu ma-bole, mo nde a mende be  
bonam o bola lao. \* Nde moto a m'ongele te 26  
ná e nde nudube, nde as'embe eyem'ao, nde  
a wondo nde mulema mao, ke dube lao le nde  
ewolo. \* Dube-la-Loba di sangi, lena di 27  
siben misan oboso ba Loba Tete, le  
nde na: O pepele banyue na mikusa o  
ndut'ábu, na o tese momene etum na  
mbindo a mundi-ma-wase.

A bonate, lo si bene jemea la Sango asu 2  
nya bosangi Yesu Kristo o ka jombwea la  
mioso ma bato. \* Ebanja yetena moto nu 2  
boti londo la gol na mbot'a bwam a poi te  
o ndongamen anyu, mutuedi pe n'edun a  
mboti, \* binyo lo m'ombwea nde nu boti 3  
mbot'a bwam, lo kwala na: Ja uan ya bwam,  
nde lo kwalane mutuedi na: Teme ua, to na,  
ja owasa ebambu a mataंगा mam. \* O nika 4  
los'aban so na binyomene, lo si timbi bakaisedi  
ba mongele ma bobe? \* Senga, a bonate ba 5  
ndolo: Loba a si posi batuedi ba mundi-ma-

## Kalat'a Yakobo 2.

- wase o be mbwan o jemea na basangwedi ba  
6 janea, lena akakanno ba batondi mo? \* Nde  
binyo lo sambwele mutuedi. Seto bambwan  
nde ba ma-takise binyo, seto babo nde ba  
7 ma-dute binyo oboso ba bekaisedi? \* Seto  
babo nde ba ma-tope dibena lingise dina la  
bwam, lena na mo nde lokusino dina lanyu?  
8 \* Nde yetena lo ma-londise ka mbale mbend'a  
kihe, kaponda betiledi na: „Tondo muna-  
songo ka oamene,” ke lo ma-bola bwam.  
9 \* Nde yetena lo m'ombwea nde mioso ma bato,  
ke lo ma-bola nde bobe, lo ma-kwesabe pe  
10 onyola mbenda ka babulele-mbenda. \* Ebanja  
nu nu ma-nenge mbenda nyese, nde a wusa  
boso ba lambo bowo, ke akwedi nde o mese.  
11 \* Ebanja nu nu kwali na: „O si wite musonje,”  
a kwali pe na: „O si bwa.” Nde yetena o si  
wite musonje, nde o bwa, ke oe nde mubulele-  
12 mbenda. \* Binyo lo kwala nde nika, lo bola  
pe nde nika, ka ba bena bamende kaisabe  
13 onyola mbend'a wonja. \* Ebanja bekaisedi  
besiben ndedi na nu nyena nu sileele ndedi;  
nde ndedi e ma-sese nde lingise bekaisedi.  
14 Njika museh mue, a bonate, yetena moto  
a ma-kwala na, na ben jemea, nde a si bene  
15 bebolo? Jemea lena di ongise mo? \* Muna-  
saango nya mome to nya muto e te musamba,  
16 to a ma-taka te onyola da la bunya, \* nde  
mowo nyanyu a kwalane babo na: Ala na  
musaango, lo babise nyolo, lo be judi, nde lo  
si bole babo di lena dima-pule onyola nyolo,  
17 njika museh so mu? \* Nikamene nde je-

### Kalat'a Yakobo 2. 3.

mea, yetena di si ben bebolo, ke di wedi  
nde na momene. \* E, moto ena akwala na: 18  
Oa oben jemea, mba pe na ben bebolo. Leele  
mba jemea longo esibe bebolo, mba pe na  
ma-leele oa jemea lam onyola bebolo bam.  
\* Oa odube ná Loba le nde diwo: o boli 19  
bwam, midī ma bobē pe midube nika, mi  
ma-soa pe. \* Nde, a mot'ewolo, o si bī ná 20  
jemea di si ben te bebolo, ke di wedi nde?  
\* Sango asu Abraham a si ta nde a tesebe na 21  
sim onyola bebolo, niponda a bolino mun'ao  
Isak jabea o diyo? \* O m'ene so ná jemea 22  
di ta di bola muemba na bebolo bao, nde jemea  
di ta di timba na kengege onyola bebolo;  
\* nde betiledi pe be timbi londa, bena be 23  
kwali na: „Abraham a ta a dube, nde nika  
e ta e langabe mo onyola teme-la-sim,“ nde  
a belabe dikom la Loba. \* Lo m'ene so ná 24  
moto a ma-tesebe nde na sim onyola bebolo,  
seto onyola jemea momene. \* Nikamene pe 25  
mut'a mbamba Rahab, a si ta nde a tesebe na  
sim onyola bebolo, kana a kasino bamiendi,  
a tongwele pe babo ngea nipepe? \* Kana 26  
nyolo e wedino, ke mudi mu titi, nikamene  
pe jemea di wedi, ke bebolo be titi.

A bonate, lo si timba baleedi gita, lo bī 3  
ná bekaisedi basu be mende beŋga kola.  
\* Ebanja biso beŋe di ma-wusa o gita la mambo; 2  
yetena mowó asima-wusa o eyala, ke e nde  
mot'a kengege nu dongamen tiŋge nyolo  
nyese. \* Ombwa, di ma-wele wosi bekakan 3  
o midumbu mao, ná i dube biso, nde di ma-

### Kalat'a Yakobo 3.

- 4 yombise pe nyol'ao nyese. \* Ombwa pe miolo,  
neni mieno bondene, mi ma-nimabele pe  
na ngo nindene, ke mi ma-yombisabe te na  
son a pai a sina, to-njika wuma jongoe la  
5 musina di ma-puleano. \* Nikamene pe nde  
eyeme ye nde elongi esadi, nde e ma-topo  
mambo mandene. Ombwa, njika son a wea,  
6 i ma-dise diwenji dindene. \* Eyeme pe ye  
nde wea. Eyeme ye nde oteten a belongi  
basu ka mundi-ma-wase ma ka ni si tem na  
sim, yena e ma-windise nyolo nyese, e ma-  
peyise pe muyombo ma longe wea, momene pe  
7 e ma-peyisabe na wum'a wea. \* Ebanja be-  
wekedi bese ba nyama na lonon na nyam'a  
miaba na nyam'a madiba be ma-bobisabe, be  
8 ma-bobisabe pe na bato; \* nde to-moto a titi  
na a wele bobise eyeme; bobe boena bosima-  
wumse, bolondi nde na bwaŋga boma-bwane.  
9 \* Na mo nde di ma-sesaneno Loba na Tete,  
mo pe nde di ma-loaneno bato, ba wekabe o  
10 bowan ba Loba. \* O mulemlem ma mudumbu  
nde e ma-busano bonam na malou. A bonate,  
11 e s'aŋgamen be nika: \* Tongo e ma-busise o  
12 mulomba mowó nyeŋgenye na njongi? \* A  
bonate, jaŋgolo lena di ya njabi, to bwele ba  
lonyeŋgeny pe maŋgolo? To tongo a maŋga  
pe e titi na e bola madiba ma nyeŋgeny.  
13 Nja e dibie na nusontan oteten anyu? Esele  
mo a leele bebolo bao o beaŋgwedi ba bwam,  
14 o pi a dibie. \* Nde lo ben te njong'a kodi  
na mitaŋgo o milema manyu, ke lo s'aŋga-  
men sese na topo lobaŋgo lingise mbale.

### Kalat'a Yakobo 3. 4.

\* Din dibie di titi di, di wu o mony, le nde 15  
la wase, l'eyobo na la Satan. \* Ebanja wu- 16  
ma kodi na mitango beno, oten nde mpungu  
na nyai a bebolo ba bobe yese yeno. \* Nde 17  
dibie lena di wu o mony le nde lambo la  
boso konji, denge musango, muyao, sengane,  
londa na ndedi na bepuma ba bwam, di si  
ma-temeye muri mowó, ka ni si ben mawon-  
don. \* Nde epum'a teme-la-sim e ma-sabe 18  
nde o musango na ba bena ba ma-kome  
musango.

O ueni miembà na bewenji ba ma-busano 4  
oteten anyu? E titi nde onyola bepuledi ban-  
yu, bena be m'ane oteten a beloŋgi banyu?  
\* Lo ma-pula, nde lo si ma-bene; lo ma-bwa, 2  
lo konone pe, nde lo si ma-wele kusa mo; lo  
m'ana ewenji na bila, nde lo si ma-bene,  
ebanja lo si ma-sosomea. \* Lo ma-sosomea, 3  
nde lo si ma-kusa, ebanja lo ma-sosomea ka  
ni si tenŋen, o nyamse mo o bepuledi banyu.

Binyo bome na bito ba misonje, lo si bi 4  
ná dikom la wase le nde bosiŋga na Loba?  
To-nja so nu ma-pule be dikom la wase, a  
ma-timbise nde momene musinger'a Loba.  
\* To, lo m'ongeŋe ná betiledi be kwali nde 5  
tete na: Mudi muena a jeseno oteten asu, a  
ma-pulise mo na kodi? \* Nde a ma-beŋga 6  
nde bola ndedi nindene, onyola nika e kwala-  
be na: „Loba a m'eka bakumba, nde a ma-  
leele ndedi na ba ba sibise nyolo.“ \* Sibise 7  
so binyomene owasa Loba. Eka Satan,  
nde a ma-nya binyo mila. \* Sisea bebe 8



## Kalat'a Yakobo 4. 5.

na Loba, nde mo pe a ma-sisea bebe na binyo. A binyo babobe, sangise maa manyu, binyo ba milema miba pe, timbise milema  
9 manyu konji. \* Be ndutu, lebe l'eye pe; lo lanyu di timbe malebo, munyenge manyu pe  
10 ndutu. \* Sibise binyomene oboso ba Loba, nde a mende jase binyo.

11 A bonate, lo si topone mowó na nune bobe! Nu nu ma-tope bobe lingise muna-sango, to kaise muna-sango, a ma-topo nde bobe lingise mbenda, na kaise pe mbenda. Nde o ma-kaise te mbenda, ke o titi muboleye-  
12 mbenda, nde mukaise-mbenda. \* Mowó nde e mubole-mbenda na mukaisedi, nyena nu ma-wele jongise na nyamse. Nde oa nja, nu ma-kaise nupepe?

13 Ndee! binyo lo ma-kwale na: Oenge to kiele di mende wala o ninka na ninka mudi, di mende tombise oten mbu mowó, o jongwa  
14 nyunga na kusa pe museñ; \* nde lo si bie nje e mende be kiele. Ebanja longe lanyu le nje? Le nde ka muudi muena mu m'enene  
15 son a ponda, na mo mu nyongo.. \* Nde l'angamen nde kwala na: Yetena Sango 'emedi, di mende be longe di bola pe ninka na ninka.  
16 \* Tatan so lo ma-sese nde o belange banyu. 17 Nika nyai á jasese yese ye nde bobe. \* Tonja so nu bi bole bwam, nde a si bole, ye bobe na mo.

5 Ndee! a binyo bambwan, eya, lo te pe misea ma mbembe, onyola ndenge nyena ni  
2 mende poye binyo. \* Mbwan manyu mu má-

## Kalat'a Yakobo 5.

nyama; mbot' anyu pe i má-da betanda, \* gol 3  
 anyu na silba anyu ba má-ko mañgiledi, mañ-  
 giledi mao ma mende be mboñ liñgise binyo,  
 ma mende pe da eyobo anyu ka wea. Lo ta  
 lo kotele mawuta ma bema o minya mi sukan.  
 \* Ombwa musauedi ma baboledi bena ba ta 4  
 b'umbwa mionda manyu, muena lo danno babo,  
 mu ma-te musea; misea ma bumbwedi pe mi  
 poi o matoi ma Saño Sebaot. \* Lo ta mu- 5  
 nam o wase na nyose la ndubwa, lo ta lo  
 wongise milema manyu o bunya (banyu) ba  
 bwabe. \* Lo ta lo kwese, lo bwa pe nutem- 6  
 na-sim, a si ta 'eka binyo.

Binyo welisane so, a bonate, natena be- 7  
 poyedi ba Saño. Ombwa, muse-monda a  
 m'engele nde bepuma ba bwam ba wase, a  
 ma-welisane onyol'ao natē be kusa mbu'a boso  
 na nya sukan; \* binyo pe welisane nde, 8  
 embe milema manyu, ebanja bepoyedi ba  
 Saño asu be bebe. \* A bonate, lo si sunju- 9  
 meye onyola mowó na nune, ná lo si kaisabe.  
 Ombwa, mukaisedi a tem oboso ba jombe.  
 \* A bonate, nongo batoperi-ba-mudi, bena 10  
 ba ta ba lañgwa o dina la Saño, ka eyem-  
 bilan a matakisan na welisane. \* Ombwa, 11  
 di ma-bele ba bena ba ta ba welisane bonam.  
 Lo señgi onyola welisane la Hiob, l'en pe  
 su la Saño, ebanja Saño a londi nde na  
 ndedi, e pe na mulema ma ndedi.

Nde ka lambo la boso, a bonate, lo si kana 12  
 songo, to na mony, to na wase, to e be nde  
 nyai a songo nipepe. E anyu e be nde e,

## Kalat'a Yuda.

kem anyu pe e be nde kem, ná lo si ya be lo ko o bekaisedi.

- 13 Mowó nyanyu a ma-taka te, a kane; moto a ma-bwa te munyenge, a longe mienge.
- 14 \* Mowó nyanyu a ma-bwa te, a bele baturu ba muemba, ba kane omony ao, b'okise mo
- 15 na mula o dina la Saŋgo. \* Nde muka ma jemea mu mende bolise muboedi, nde Saŋgo a mende tese mo, a ta te a bola bobe, bola-
- 16 kisabe mo. \* Pusele mowó na nune miobe, kane onyola mowó na nune, ná lo bolisabe; ebanja muka ma iwie ma nutem-na-sim
- 17 mu ma-tombwane gita. \* Elia a ta nde moto ka biso, nde a ta a kane ná mbua esi yole; nde esita eyole o wase mbu milalo
- 18 na miodi mutoba. \* Nde a ta pete a kane, na mony e bola mbua, wase pe e pumele bepuma bao.
- 19 A bonate, mowó nyanyu a pambilan te na
- 20 mbale, nde mowó a tukwa mo, \* a bie, ná nu nu ma-tukwe mot'a bobe, o jasumwe na pambilane la nge'ao, a mende jongise mudi o kwedi, na kurumane pe dimuti la miobe.

---

## KALAT' A YUDA.

---

- 1 Yuda, muut'a Yesu Kristo, mun'a nyaŋgo a Yakobo, onyola ba bena ba saŋgisabe o Loba Tete, babelabe bena ba nengebe na Yesu

## Kalat'a Yuda.

Kristo. \* Ndedi na musaṅgo na ndolo ba 2  
beṅge nde tondo na binyo.

A bandolo, kana na tano na bole na mu- 3  
lema mam muese, o tilea binyo onyola joṅgise  
la biso bese, na timbi kusa ka ni nyakisan  
mba o jomele nde binyo, ná lo ane ewenji  
onyola jemea, kana di bakabeno na basanṅeri  
ṅgedi pomene onyola yese. \* Ebanja doṅgo 4

la bato ba soli na yòo, bamene bena ese-  
leno tilabe onyol'abu kwankwan onyola be  
bekaisedi, bato ba bobo, bena ba ma-yombise  
nded'a Loba lasu onyola njudud'a bobo, ba  
tobo pe mpom masu ma muanedi na Saṅgo  
pomene, Yesu Kristo. \* Nde na ma-pula bola 5

binyo joṅgele, binyo bena lo bī mambo mese  
ṅgedi po onyola yese, ná Saṅgo niponda a  
suṅgino dimuti o Egipto, ombusa nika a ta  
a nyamse ba bena ba si dube. \* Angel pe 6

yena i si ta inenge janea labu, nde b'esele  
nde bejedi babu, a nenge mo o ṅgat'a bwin-  
dea o muititi onyola bekaisedi ba bunya  
bondene. \* Kana Sodom na Gomora pe na 7

mindī mi diṅgele babo, o mulemlem ma ka-  
mene ka ban, ba wuno o musonje, na babo  
ba tombea pe o ben ba beyobo, ba temno  
k'eyembilan, o taka na bekokisedi ba we'a  
bwindea. \* Nika bowan mene pe nde ban 8

ba ma-bolano ka banaṅge-ndoti, ba ma-timbise  
eyobo mbindo, nde ba baṅga nde manea, ba  
topo dibena liṅgise m'asam. \* Nde Mikael 9  
muaned'a angel, niponda a tano a suṅgane  
Satan na kwala pe onyola mbimba ma Mose,

## Kalat'a Yuda.

- a si keki o wanea mo bekaisedi ba dibena,  
10 nde a kwali nde na: Saŋgo a kōkise oa! \* Nde  
ban ba ma-topo dibena onyola mambo mena  
ba si bīno; nde ma mena ba soŋtanno k'eyobo,  
ka nyama i si ben dibie, oten nde ba ma-nyam-  
11 seno babo momene. \* Eboma na babo,  
ebanja b'alo nde o ŋge'a Kain, ba bake babo  
momene o mawondon ma Bileam onyola ka  
musauedi, ba nyam pe o mpendu ma Kora.  
12 \* Ban be nde mapeny o mada manyu ma ndolo,  
kana ba ma-dano na binyo esibe ison, ba ma-  
dese nde babo momene, be nde mawindiwindi  
ma si ben madiba, ba ma-wongwabele nde na  
13 ŋgo, miele ma mpopoloki mi si ben bepuma,  
mi wedi ŋgedi iba, mi dubwedi na miaŋga,  
13 \* bemune ba munja be ambi, bena ba ma-busise  
ison abu momene ka pudi, ŋgeŋget'á sombo,  
bena muititi ma pibo mu neŋgebeleno o bwin-  
14 dea na bwindea. \* Henok pe, moto nu londe  
samba ombusa Adam, a ta a topo bedinge  
onyola ban mene, a kwala na: „Ombwa, Saŋgo  
a ma-po na lodun na lodun lao la basaŋgeri,  
15 \* o kaise bese na kōkise bato ba bobbe bese  
onyola bebolo babu ba bobbe bese, bena ba  
bolino bobbe, na onyola beyala ba bwambi  
bese bena ban bato ba bobbe ba topino liŋgise  
16 mo.“ \* Ban nde be batope-minyunyungu  
liŋgise ma ma ma-we na Loba, bena ba ma-  
daŋgwe kaponda bepuledi babu, midumbu  
mabu mi ma-topo nde beyala bendene, badoli-  
17 sane mioso ma bato onyola museŋ. \* Nde  
binyo nde, a bandolo, oŋgele beyala bena be

## Bebiisedi I.

sele kwalabe na bamuloloma ba Saŋgo asu  
Yesu Kristo, \*kana balangwedino binyo, 18  
ná o ponda ni sukan bato ba makeko ba  
mende po, bena ba ma-daŋgwe kaponda bepu-  
ledi babu o ka nye bobe. \*Ban nde ba ma- 19  
wane jabane, bato b'eyobo, bena ba si ben  
Mudi.

Nde binyo, a bandolo, longa nde binyo- 20  
mene o jemea lanyu la bosaŋgi, kane o Mudi  
Musaŋgi. \*Nenge binyomene o ndol'a Loba, 21  
kana lo m'engeleno nded'a Saŋgo asu Yesu  
Kristo onyola longe la bwindea. \*Loko 22  
dongo be o penda, \*ongise bapepe, kana lo 23  
ma-totono babo o wea, bwea bapepe ndedi  
na bongo, nde singe pe na mboti ni windi-  
sabe n'eyobo. \*Nde nu nyena nu ma- 24  
wele tate binyo ná lo si sonjo na tese pe  
binyo, o boso ba bosaŋgi bao ka ni si ben  
misan o munyenge mundene, \*na di Loba di- 25  
womene, musunger'asu onyola Yesu Kristo,  
Saŋgo asu, bosaŋgi bo be na mo, na jasame  
na nginya na ngum oboso ba ponda yese na  
tatan na o bwindea boese na boese. Amen.

---

## BEBIISEDI

### BA YOHANE.

---

Bebiisedi ba Yesu Kristo, bena Loba a 1  
bolino mo o leele bautu bao mambo mena  
ma mende bolane ombusa son a ponda, mo

## Bebiisedi 1.

- nde, na ka loma la angel ao a leeleno muut'  
2 ao Yohane, \*nyena nu boli mboñ onyola  
eyal'a Loba na mboñ a Yesu Kristo, mese  
3 mena 'enno. \*Bonam na nu nu ma-laŋge na  
ba pe bena ba ma-seŋge ben beyala b'ediŋge  
na neŋge pe mese mena ma tilabe oten; e-  
banja ponda nyá bebe.
- 4 Yohane onyola miemba samba miena mie  
o Asia: Ndedi e be na binyo na musaŋgo mu  
ma-we na nu nyena nye, nyena nu ta, nyena nu  
mende po, na midī samba, miena mie oboso  
5 ba bejedi bao, \*na Yesu Kristo pe, mboñ a  
mbale, nu sele yabe o bawedi na muaned'a  
kiñ'á wase. Mo nyena nu tondi biso nu su-  
6 ŋgi biso o miobe masu na maya mao, \*nde  
a timbise biso janea la kiŋe na prisi onyola  
Loba, Saŋgo ao: edube e be na mo na ŋginya  
7 o bwindea na bwindea. Amen. \*Om-  
bwa, a ma-po na mawindi, nde diso  
te di mende jene mo, na beŋe bena ba  
num mo, matumba ma wase mese pe ma  
8 mende jeya onyol'ao. E, Amen. \*Mba  
nde ne A na O, beboteri na su, nika  
nde Saŋgo Loba a kwalino, nu nyena  
nye, nyena nu ta, nyena nu mende po  
Nyaŋgum.
- 9 Mba Yohane, muna-saŋgo anyu na mue-  
mba manyu o matakisan na o janea na o  
welisane o Yesu Kristo, nata o eyondi, e  
belabe na, Patmo, onyola eyal'a Loba na  
10 onyola mboñ a Yesu Kristo. \*Na ta o mudi

## Bebiisedi 1.

o bunya ba Saṅgo, na mba na seṅga doi di-  
 ndene ombus'am ka museba, \*di kwala na: 11  
 Mambo o m'eneno tila mo o kalati, o lomeye  
 mo miemba samba: o Efeso na o Smirna na  
 o Pergamum na o Tiatira na o Sarde na o  
 Filadelfia na o Laodikea. \*Na mba na 12  
 yombo o jombwa doi lena di kwalisan mba,  
 nde na yombino, n'en betrukan ba gol samba,  
 \*nde oteten a be betrukan pe mowó, bowan 13  
 ka mun'a moto, nyena nu boti loki lo komedi  
 natena miende, na ṅgod'a gol o bwaṅga bao,  
 \*nde mulopo mao na nyo ao bata nde ba 14  
 saṅga ka nyo a midoṅgi i ma-saṅge, ka pem-  
 be, miso mao pe ka misonji ma wea,  
 \*miende mao pe ka misomba mi m'ole na wea, 15  
 b'oliseno o dio, doi lao pe ka doi la madiba  
 ma gita; \*nde a ta 'alea ṅgeṅgeti samba o 16  
 dia lao la mom, po a bowoli nya mioso mi-  
 ba pe e ta e busa o mudumbu mao, boso bao  
 pe ka wei i ma-panye na ṅginya. \*Nde ni- 17  
 ponda n'enzo mo, na mba na ko wase o mie-  
 nde mao ka mbimba; na mo a wele dia lao  
 la mom omony am, a kwala na: O si bwa  
 boṅgo, mba ne nde nya boso na nu sukan,  
 \*na nya loṅge. Nata na wo, nde ombwa, 18  
 ne loṅge o bwindea na bwindea, na ben pe  
 lodubwan la kwedi na la mundi-ma-kwedi.  
 \*Tila so ma mena o enno, na ma mena me, 19  
 na ma pe mena mamende bolane ombusa  
 man, \*esok'a ṅgeṅgeti samba, yena o enno 20  
 o dia lam la mom na betrukan ba gol samba.  
 Yi ṅgeṅgeti samba ye nde angel a miemba



## Bebiisedi 1. 2.

samba, be betrukañ samba pe be nde miemba  
samba.

- 2 Tilea angel a muemba ma Efeso na, nu  
nyena ny'aledi ngengeti samba o dia lao la  
mom, nyena nu ma-daŋgwe oteten a betrukañ  
2 ba gol samba, a kwali ninka na: \*Na bi bebolo  
boŋgo na ndut' aŋgo na welisane loŋgo, na ná o  
si ma-wele welisane babobe, o ta o keka ba bena  
ba ma-kwale na be nde bamuloloma, nde ba si  
3 be, o soi nde babo bato ba lobaŋgo, \*nde o ben  
nde welisane, o welisan onyola dina lam, o si  
4 woli. \*Nde na ben liŋgane oa, ná o esele ndol'a  
5 boso. \*Oŋgele o ueni o kwedino, o ateŋe, o  
bole bebolo boŋgo ba boso! Etiti te nika,  
ke namende wamse poye oa na sumwa etru-  
kañ aŋgo o bejedi bao, yetena o s'ateŋe.  
6 \*Nde o ben nde din, ná o singe bebolo ba  
bato ba Nikolaita, bena mba pe na siŋgeno.  
7 \*Nu nu ben matoi, esele mo a seŋge, nje  
Mudi mu ma-kwalaneno miemba. Nu nu ma-  
buke na mende bola mo o da eboŋgo a loŋge,  
yena ye o Paradis' a Loba.
- 8 Tilea angel a muemba ma Smirna na;  
Nyaboso na nu sukan, nyena nu ta nu wo,  
9 nde e pe loŋge, a kwali ninka na: \*Na bi  
bebolo boŋgo, na matakisan moŋgo na tue  
loŋgo, (nde oe mbwañ), na dibena la ba pe  
bena ba ma-kwale ná be nde Bona-Yuda,  
10 nde ba si be, be nde jakotone la Satan. \*O si  
bwa to-lambo boŋgo o ma mena o mendeno  
taka. Ombwa, Satan a mende pimba doŋgo  
lanyu o beboa, ná lo kekisabe, nde lo mende

## Bebiisedi 2.

kusa ndeṅge dom la minya. Be jemea natena o kwedi, nde namende bola oa ekot'a loṅge. \* Nu nu ben matoi, esele mo 11 a seṅge nje Mudī mu ma-kwalaneno miemba. Nu nu ma-buke a si mende kusa ndutu na kwed'a mbusa.

Tilea angel a muemba ma Pergamo na: 12 Nu nu ben po a bowoli nya mioso miba, a kwali ninka na: \* Na bī bebolo boṅgo na 13 wuma ojaino, wuma bejedi ba Satan beno, nde otingam na dina lam, ositobi jemea lam o minya ma Antipas, mboṅ am nya mbale, nyena nu bwabe oteten anyu, o wuma Satan ama-jano. \* Nde naben ṅgus'a mambo lingane 14 oa, ebanja o ben bato bena ba tingam na beleedi ba Bileam, nyena nu leele Balak, o neṅge lambi oboso ba Bona-Israel, o da mabea ma losaṅgo na wite misonje. \* Nde o ben pe 15 bato bena ba tingam na beleedi ba bato ba Nikolaita o mulemlem ma ka. \* Atele so; e 16 titi te nika, ke na mende wamse poye oa, o janane babo bwemba na po a mudumbu mam. \* Nu nu ben matoi, esele mo a seṅge, nje Mudī 17 mu ma-kwalaneno miemba. Nu nu ma-buke namende bola mo mana ma wutam, na mende pe bola mo dale di ma-saṅge, nde omony a di dale pe dina la penya di tilabe, lena to-moto a si bino, ke numene nu ma-kuse mo.

Tilea angel a muemba ma Tiatira na: 18 Mun'a Loba, nyena nu ben miso ka misonji ma wea, miende mao pe ka misomba mi m'ole na wea, a kwali ninka na: \* Na bī bebolo 19

## Bebiisedi 2. 3.

- boṅgo na ndol'aṅgo na jemea loṅgo n'ebol'  
aṅgo na welisane loṅgo, na ná bebolo boṅgo  
20 be sukan be gita buka ba boso. \* Nde na  
ben liṅgane oa, ná o eseḽe nu muto Isebel;  
nyena nu ma-kwale, ná e nde mutoper'a-mudī,  
nyena nu ma-lee na londo pe bautu bam o  
21 wite misonje na da mabea ma losaṅgo. \* Nde  
na ta na bola mo ponda o jateḽe, nde a si m'  
22 emea jateḽe na musonje mao. \* Ombwa, na  
ma-pimba mo o noṅgo la diboā, na ba bena  
ba ben musonje na mo o ndeṅge nindene,  
23 yetena ba s'ateḽe na bebolo babu. \* Nde na  
mende bole bana bao o kwedi. Nde miemba  
meṣe mi mende bia, ná mba nde ne nu nyena  
nu ma-waṣe mbaṅga-ma-njim na milema, nde  
na mende bola binyo, moto na moto, kaponda  
24 bebolo banyu. \* Nde na ma-kwalane binyo  
bane ba dia o Tiatira, bena basiben ben be-  
leedi, bena basibi njib'a Satan, kana ba ma-  
kwalano: nasi ma-weḽe muuna mupepe omony  
25 anyu, \* nde ninka momene nde, tiṅgame na  
26 di lena lo benno natē na po. \* Nde nu nu  
ma-buke, nu ma-tiṅgame pe na bebolo bam  
natena o su, mo nde namendeno bola ṅginya  
27 omony a basibi, \* nde a mende tata babo ka  
midoṅgi na itumbu a eyei, kana ba ma-nyosono  
28 bewa ba mumbwe-loṅgo, \* kana mba pe na  
kusino na Tete, nde na mende bola mo ṅgeṅ-  
29 get'a idiba. \* Nu nu ben matoi, eseḽe mo  
a seṅge nje Mudī mu ma-kwalaneno miemba.  
3 Tilea angel a muemba ma Sarde na: Nu  
nu ben midī ma Loba samba na ṅgeṅgeti

### Bebiisedi 3.

samba, a kwali ninka na: Na bī bebolo boṅgo,  
ná o ben dina ná oe loṅge, nde owedi. \* Um- 2  
we, o embe ma ma dia mena ma ma-pule wo;  
ebanja na si soi bebolo boṅgo ka ni londi  
oboso ba Loba lam. \* Oṅgele so neni o ku- 3  
sino o seṅgino pe, neṅge mo, o atele. Yetena  
o si mende ja penya, ke na mende poye oa  
ka muibedi, nde o si mende bia ponda na  
mendeno poye oa. \* Nde o ben ṅus'a mina 4  
o Sarde, bena ba si windise mbot'abu, ba mende  
daṅgwa muemba na mba na mboti ima-saṅge,  
ebanja ba doṅgamen nika. \* Nu nu ma-buke 5  
a mende botisabe nika na mboti i ma-saṅge,  
nde na si mende dimse dina lao tom o kalat'a  
loṅge, nde na mende pusele dina lao oboso  
ba Tete na oboso ba angel ao. \* Nu nu ben 6  
mato, eseṅge mo a seṅge, nje Mudī mu ma-kwa-  
laneno miemba.

Tilea angel a muemba ma Filadelfia na: 7  
Nyabosaṅgi na Nyambale, nyena nu ben idu-  
bwan a Dawid, nyena nu ma-tele nde to-moto  
a sikwese, nu ma-kwese nde to-moto a sitele,  
a kwali ninka na: \* Na bī bebolo boṅgo. Om- 8  
bwa, na tese jombe ditelam oboso boṅgo, lena  
to-moto a titino ná a kwese; ebanja o ben son  
a ṅinya, o tiṅgam na eyal'am, o si tobi dina  
lam. \* Ombwa, na mende bola oa (bato) o 9  
jakotone la Satan, bena ba ma-kwale ná be  
nde Bona-Yuda, nde ba si be, ba topo nde lo-  
baṅgo. Ombwa, na mende bola, ná ba po o  
jowe o miende moṅgo, na bia pe ná na tondi  
oa. \* Ebanja o neṅge eyal'a welisane lam, 10

### Bebiisedi 3.

- onyola nika mba pe na mende neŋge oa o  
pond'a makekisan, mena mamende po o wase  
11 nyese, o keka ba bena ba ma-je o wase. \* Na  
mende wamse po; tingame na di o benno, ná  
12 to-moto a si noŋgo ekot'aŋgo. \* Nu nu ma-  
buke, na mende timbiŋe mo diwondi o tempel  
a Loba lam, nde asimende pe busa tom, nde  
na mende tila dina la Loba lam omony ao na  
dina la mudi ma Loba lam Yerusalem nya  
penya, nyena ni mende we o mony na Loba  
13 lam, na dina lam la penya. \* Nu nu ben  
mato, eseŋe mo a seŋe, nje Mudi mu ma-  
kwalaneno miemba.
- 14 Tilea angel a muemba ma Laodikea na:  
Amen, Mbon a jemea na nya mbale, Beboteri ba  
15 bewekedi ba Loba, a kwali ninka na: \* Na bi  
bebolo boŋgo, ná o titi muloloko to wea. E  
16 wusa be bwam, ke oe muloloko to wea. \* Nde  
nika so, kana oeno nde na bôo, o si be to  
muloloko to wea, na mende to oa uone o mu-  
17 dumbu mam; \* ebanja oma-kwala na: Ne nde  
mbwañ, na kwese mbamene mbwañ, na si ben  
mutaka onyola to-lambo, nde o si bi ná oe  
nde nya ndeŋe na nya ndedi na nya tue na  
18 nya ndima na nya musamba. \* Nde na ma-  
bola oa malea ná o ande gol na mba, pyena  
ni kekabe na wea, ná o timbe mbwañ, na  
mboti i ma-saŋe o boto, ná ison a musamba  
moŋgo isibiane; na joki o jokise miso moŋgo  
19 ná o ene. \* Beŋe bena na tondino na ma-  
domea babo na kokise pe babo. Be so  
20 ŋginya, o ateŋe. \* Ombwa na ma-teme

### Bebiisedi 3. 4.

o jombe, na m'umba. Yetena moto a  
seŋgi doi lam, nde a tele jombe, na  
mende jinŋea na mo, nde namende da  
na mo, mo pe na mba. \*Nu nu ma-buke, 21  
namende bola mo o ja o bejedi bam muemba  
na mba, kana mba pe na bukino, na mba na  
ja muemba na Tete o bejedi bao. \*Nu nu 22  
ben matoi, ese le mo a seŋge, nje Mudī mu  
ma-kwalaneno miemba.

Nde ombusa man mambo n'en, nde ombwa, 4  
jombe dita ditelame o mony; nde doi la boso,  
lena na tano na seŋga di ma-kwalisane mba  
ka museba, di kwala na: Onde a mony uon,  
namende lee le oa mambo mena ma mende  
bolane ombusa man. \*Nde dibokimene nata 2  
o mudī, nde ombwa, bejedi be ta be teme o  
mony, nde mowó a ta aja omony ao. \*Nde 3  
nu nu ta nu ja o bejedi, beombwedi bao be  
ta ka dale la yaspi na la sardi, nde nyungu  
pe e ta e diŋge le bejedi, beombwedi bao ka  
dale la smaragdi. \*Nde o diŋge le la bejedi 4  
muaba ma bejedi na benei pe be ta, nde  
omony a be bejedi muaba ma baturu na bane  
ba ta baja oten, ba boto mboti i ma-saŋge, o  
milopo mabu pe bekoto ba gol. \*Nde mote- 5  
mote na madoi na ŋgad'a Loba ba ta ba busa  
o bejedi, nde betrukaŋ ba wea samba be ta  
be onya oboso ba bejedi, bena be midī ma  
Loba samba. \*Nde oboso ba bejedi munja 6  
ma jene mu ta oten, bowan ka kristal, nde  
oteten a bejedi na diŋge le la bejedi bewekedi

## Bebiisedi 4. 5.

- benei, bena beta belonda na miso oboso na  
7 ombusa. \* Nde eweked'a boso eta nde bowan  
ka ngila, e londe beba pe ka mom ma nyaka,  
e londe belalo pe boso kana moto, e londe  
8 benei pe ka mbela ni ma-pumwe. \* Nde ben  
bewekedi beta be bene ewo te mapupulan  
mutoba, belonda pe na miso dingele ombusa  
na oteten, nde be si ben wumse muese to  
bulu, be ma-kwala nde na: Bosangi, bosangi,  
bosangi nde Sango Loba eno, Nyangum, nyena  
9 nu ta, nyena nye, nyena nu mende po. \* Nde  
ponda na ponda ben bewekedi be ma-bolano  
bosangi n'edube na masoma na nu nyena  
nu jai o bejedi, nyena nye longe o bwindea  
10 na bwindea, \* na mu muaba ma baturu pe  
na bane ba ko wase oboso ba nu nu ma-je  
omony a bejedi, b'owe nu nyena nye longe  
o bwindea na bwindea, ba pimba bekoto babu  
11 wase oboso ba bejedi, ba kwala na: \* Oa,  
a Sango asu na Loba lasu, o dongamen o kusa  
bosangi n'edube na nginya; ebanja oa nde o  
weki mambo mese, onyola jemea longo nde  
ma tano ma wekabe pe.
- 5 Nde n'en o dia la mom la nu nu jai o  
bejedi kalati etilabe oteten na ombusa, nyena  
2 eta e batabe na bebatan samba. \* Na mba  
n'ene angel a nginya e te dikalo na doi din-  
dene na: Nja a dongamen o tele kalati na  
3 wunja bebatan bao e? \* Nde to-moto o mony  
to o wase to o was'a nin wase asita awele  
4 tele ni kalati to jombwa oten. \* Na mba n'  
eya mbembe bwambi, ebanja to-mowó a sita

## Bebiisedi 5.

a sobe ka nu dongamen o tele ni kalati to  
jombwa oten. \*Na mowó nya baturu akwa- 5  
lane mba na: Os'eya! Ombwa, Ngil'a tumba  
la Yuda, Muanga ma Dawid a má-buka, o  
tele kalati na bebatan bao samba. \*Na mba 6  
n'ene oteten a bejedi na oteten a bewekedi  
benei na oteten a baturu, Mun'a mudongi a  
tem biana a ta nde abwabe, a bene tongo  
samba na miso samba, mena me nde midi ma  
Loba samba, miena milomabe o wase nyese.  
\* Na mo a po, a nongo (kalati) o dia la mom 7  
la nu nu jai o bejedi.

Nde niponda a nongino kalati, na be be- 8  
wekedi benei na muaba ma baturu na bane  
ba ko wase oboso ba Mun'a mudongi, moto  
te 'alea ndinga na mionjo ma gol milondi na  
benumba, miena mie mika ma basangeri. \*Nde 9  
ba ta ba longo muenge ma penya, ba kwala  
na: Oa nde o dongamen o nongo kalati na  
o tele bebatan bao, ebanja o bwabe, o andi  
biso onyola Loba na maya mongo o mbia  
mese na l'eme lese na matumba mese na  
bekombo bese, \* o timbise biso onyola Loba 10  
lasu ka kine na prisi, ná di aneye o wase.  
\* Na mba n'ene, na senga pe doi la gita la 11  
angel dingele bejedi na bewekedi na baturu,  
nde musongi mao mu ta nde lodun la lo-  
dun na lokoli la lokoli, \*ikwala na doi 12  
dindene na: Mun'a mudongi nu bwabe  
a dongamen o kusa nginya na mbwan  
na dibie na ngum n'edube na bosangi  
na sesa. \* Na mba na senga bewekedi bese 13



## Bebiisedi 5. 6.

be o mony na o wase na owasa nin wase na  
o munja na mese me oten, bakwala na: Sesa  
n'edube na bosangi na ngum babe na nu nu  
jai o bejedi na Mun'a mudongi pe, o bwindea  
14 na bwindea! \* Na be bewekedi benei bekwala  
na: Amen. Na baturu bako wase, b'owe.

6 Na mba n'ene, niponda Mun'a mudongi a  
telo ebatan ewo o be bebatan samba, na  
senga pe ewo ya be bewekedi benei ekwali,  
2 biana doi la ngad'a Loba, na: Ya! \* Na mba  
n'ene, nde ombwa, wosi ni ma-sange, nde nu  
nu jai omony ao ata 'alea dipunga; nde ekoto  
e ta e bolabe mo, na mo a busa ka mubukedi  
o buka.

3 Nde niponda a telo ebatan e londe beba,  
na mba na senga ewekedi e londe beba e kwali  
4 na: Ya! \* Na wosi nipepe e busa, e ta y'ola  
ka wea, nde e ta e bolabe nu nu jai omony  
ao, o nongone wase musango, na ba bwane  
mowo na nune; nde po nindene e ta e bolabe  
mo.

5 Nde niponda a telo ebatan e londe belalo,  
na mba na senga ewekedi e londe belalo ekwali  
na: Ya! Na mba n'ene, nde ombwa, wos'a mun-  
do, nde nu nu jai omony ao a ta 'alea dimene  
6 o dia lao. \* Na mba na senga doi oteten a  
be bewekedi benei, di kwali na: Dimene la  
mbasi diwo onyola denario po, mamene ma  
wondi malalo pe onyola denario po. O si nyam-  
se mula na mao.

7 Nde niponda a telo ebatan e londe be-  
nei, na mba na senga ewekedi e londe benei

## Bebiisedi 6.

e kwali na: Ya! \* Na mba n'ene, nde ombwa, 8  
wos'a munanga na bāo; nde nu nu jai omony  
ao, dina lao na, kwedi, mundi-ma-kwedi pe  
mu bupe mo. Nde nginya e ta e bolabe babo  
omony a doŋgo diwo la manei la wase, o bwa  
na po na njai na kwedi na onyola nyam'á  
wase.

Nde niponda a teleno ebatan e londe beta- 9  
nu, na mba n'ene owasa diyo midī ma ba  
ba bwabe onyola eyal'a Loba, na onyola mboñ,  
nyena ba tano ba bene. \* Na babo ba te misea 10  
na doi dindene, ba kwala na: Njik' etum, a  
Saŋgo, Nyabosaŋgi na Nyambale, o si ma-kaise-  
no na kuna maya masu o ba bena bajai  
o wase? \* Nde e ta e bolabe mowó nyabu te 11  
mboti ni ma-saŋge, e kwalabe pe babo, ná  
ba wumse pe son a ponda natē muemba mabu  
na bona-saŋgo abu pe ba bata po oten, bena  
ba mende bwabe ka babo.

Na mba n'ene, niponda a teleno ebatan e 12  
londe mutoba, soa la minyaŋgadu dindene di  
ta, wei i timba mundo ka mukuta ma nyo,  
modi muese pe ka maya, \* ngeŋget'a mony 13  
i ko wase, ka bwele ba maŋgolo bo ma-kwese-  
no maŋgolo mao, ke bo ma-sousabe na mūdi  
mundene. \* Mony e ta e sumwabe ka kalati 14  
ni wulabele, nde mudoŋgo na mudoŋgo n'eyo-  
ndi n'eyondi ba ta ba sumwabe o wum'abu.  
\* Nde kiŋ'á wase na bandene na bānedi ba 15  
bila na bambwañ na baŋginya na bakom bese  
na wonja yese ba ta ba wutame o milomba  
na o madale ma midoŋgo, \* ba kwalane mi- 16

## Bebiisedi 6. 7.

doŋgo na madale na: Ko omōny asu, lo wute  
 biso oboso ba nu nu jai omōny a bejedi na  
 17 o malinga ma Mun'a mudōngi; \* ebanja bu-  
 nya bondene ba malinga mao bo má-po, nde  
 nja ena a teme?

7 Nde ombusa man, na mba n'ene angel inei  
 item o matoŋgo ma wase manei, y'alea ŋgo  
 inei ya wase, ná ŋgo e si wuŋgea o wase to  
 2 o munja to o bwele na bwele te. \* Na mba  
 n'ene angel nipepe e ta e busa o bebusedi ba  
 wei, nyena ni ta ni bene ebatan a Loba la  
 loŋge, na mo e te yi angel inei musea na doi  
 dindene, yena ita i bolabe o bolise wase na  
 3 munja ndutu, \* e kwala na: O si bolise wase  
 to munja to miele ndutu natē di bate bautu  
 4 ba Loba lasu ebatan o mbombo abu. \* Nde  
 na ta na seŋga musōngi ma ba bena ba batabe,  
 ebwea ewo na muanei ma lokoli na lonei o  
 5 matumba mese ma Bona-Israel. \* O tumba  
 la Yuda dom la lokoli na loba lo babate; o  
 tumba la Ruben dom la lokoli na loba lo ba-  
 tabe; o tumba la Gad dom la lokoli na loba  
 6 lo batabe; \* o tumba la Aser dom la lokoli  
 na loba lo batabe; o tumba la Naftali dom  
 la lokoli na loba lo batabe; o tumba la Ma-  
 7 nase dom la lokoli na loba lo batabe; \* o  
 tumba la Simeon dom la lokoli na loba lo  
 batabe; o tumba la Lewi dom la lokoli na  
 loba lo batabe; o tumba la Isakar dom la lo-  
 8 koli na loba lo batabe; \* o tumba la Sebulon  
 dom la lokoli na loba lo batabe; o tumba la  
 Yosef dom la lokoli na loba lo batabe; o

## Bebiisedi 7.

tumba ba Benjamin dom la lokoli na loba lo batabe.

Nde ombusa man na mba n'ene, nde omb- 9  
wa, dimuti dindene, lena to moto a titino  
na a soungele o bekombo bese na mbia mese  
na matumba mese na l'eme lese, ba tem oboso  
ba bejedi na oboso ba Mun'a mudongi, ba boti  
mboti i ma-sange, b'alea beyenge o maa mabu,  
\* ba te misea na doi dindene, ba kwala na: 10  
Jongise na Loba lasu nu jai omony a bejedi  
na Mun'a mudongi pe. \* Nde angel yese i ta 11  
i teme dingele bejedi na baturu na bewekedi  
benei, i ko wase na mioso mabu oboso ba  
bejedi, y'owe Loba, \* i kwala na: Amen! Bo- 12  
nam na bosaŋgi na dibie na masoma n'edube  
na nginya na ngum ba be na Loba lasu o  
bwindea na bwindea.

Na mowó nya baturu 'alabe, a kwalane 13  
mba na: Ban bena ba boti mboti i ma-sange  
be nde ba-nja? ba wu nde ue? \* Na mba 14  
na kwalane mo na: A Saŋgo, oa o bi. Na  
mo a kwalane mba na: Ban be nde ba, be-  
na ba wu o ndenge nindene, nde b'ou  
mbot'abu, ba timbise mo bosaŋgi o maya  
ma Mun'a mudongi. \* Onyola nika nde be- 15  
no oboso ba bejedi ba Loba, ba ma-bolea  
mo muese na bulu o tempel ao, nde nu nu  
jai omony a bejedi ama-ja oteten abu.  
\* Basimende pe bwa njai to nyongi, to 16  
wei i simende pe koye babo to nyai a  
eyididi yese; \* Ebanja Mun'a mudongi 17  
nye oteten a bejedi amende tata babo

## Bebiisedi 7. 8.

na diele babo o toŋgo á madiba ma lo-  
nge; nde Loba amende tuta misodi mese  
o miso mabu.

- 8 Nde niponda a teleno ebatan e londe sam-  
ba, pi eta o mony lambo ka epas'a ngen.  
2 \*Na mba n'ene yi angel samba yena item oboso  
ba Loba; nde miseba mi ta mi bolabe babo.  
3 \*Nde angel nipepe pe eta epo, eteme la diyo,  
ni ta ny'alea ew'a gol o dise benumba, nde  
gita la benumba be ta be bolabe mo, ná a bate  
mo na mika ma basaŋgeri bese, o diyo la gol  
4 oboso ba Loba. \*Nde itutu a benumba ita  
i busa o dia la angel oboso ba Loba, y'ondea  
5 muemba na mika ma basaŋgeri. \*Nde angel  
eta e nongo y'ewa ya dise la benumba, e londise  
mo na we' a diyo, e koma mo o wase. Nde  
madoi mata ma busa na ngad'a Loba na  
motemote na soa la minyaŋgadu.

- 6 Nde yi angel samba yena y'aledi miseba  
7 samba, ita i boŋsane o longo. \*Nde nyaboso  
eta e longo, na mbu'a madale na wea i pu-  
lisan maya ba busa ba komabe o wase, nde  
dongo diwo la malalo la wase di ta di dia  
wea, dongo diwo la malalo pe la miele di ta  
di dia wea na bewudu ba penya bese pe be ta  
be dia wea.  
8 Nde angel ni londe iba pe eta e longo,  
nde eta biana mudongo mundene mu ma-die  
wea mu ta mu pimbabe o munja, nde dongo  
la munja di londe malalo di ta di timba maya.  
9 \*Nde dongo la bewekedi ba longe di londe

## Bebiisedi 8. 9.

malalo, bena be ta o munja be ta be wo, na doṅgo di londe malalo la miolo pe di ta di nyam-sabe.

Nde angel ni londe ilalo pe e ta e loṅgo, 10  
nde nṅengeti nindene, nyena ni ta ny'onya  
ka kate, e ta e wa o mony, e ko o doṅgo di  
londe malalo la miopi na toṅgo á madiba.

\* Nde dina la ni nṅengeti di ta nde na: Njoñ- 11  
gi; na doṅgo la madiba di londe malalo di  
timba njongi. Nde gita la bato di ta di wo  
na madiba, ebanja ma ta ma timbisabe njongi.

Nde angel ni londe ilalo pe e ta e loṅgo. 12  
Nde doṅgo la wei di londe malalo di ta di di-  
pabe, na doṅgo la modi di londe malalo, na  
doṅgo la nṅengeti di londe malalo, ka nyena  
doṅgo labu di londe malalo di ta di kwesabe  
muititi, nde doṅgo la bunya di londe malalo  
di si ta di panya, nikamene pe na bulu. \* Na 13  
mba n'ene, na seṅga pe mbela e ma-pumwa  
oteten a mony, e ma-kwala na doi dindene na:  
Eboma, eboma, eboma na ba bajai o wase  
onyola ka madoi ma miseba mena ma dia, ma  
angel ilalo, yena i mende pete loṅge.

Nde angel ni londe itanu pe e ta e loṅgo, 9  
na mba n'ene nṅengeti e wa o mony e ko wase,  
nde idubwan a ekukur'a njiba, i ta i bolabe mo.

\* Na mo e tele ekukur'a njiba, nde itutu i ta 2  
i busa o y'ekukuru ka itutu a diṅ dindene;  
nde wei na ṅgo ba ta ba kwesabe muititi  
onyola itut'a y'ekukuru. \* Nde makele ma ta 3  
mabusa o wase onyola itutu. Nde ṅginya  
e ta e bolabe mo ka lolo lo benno o wase.

## Bebiisedi 9.

- 4 \* Nde e ta e kwalabe na mo, ná ma si bolise  
ndutu na bewudu o wase, to na nyai a be-  
wudu ba penya yese, to na miele mese, ke  
bato momene mowó, bena ba si ben ebatan a
- 5 Loba o mbombo abu. \* Nde e ta e bolabe mo  
ná ma si bwa babo, nde ma takise nde babo  
miodi mitanu; nde ses'ao e ta nde biana ses'a
- 6 yolo, ke i labi moto. \* Nde o mi minya bato  
ba mende pulise kwedi, nde ba si mende jene  
mo; ba mende pula wo, nde kwedi e mende
- 7 nya babo mila. \* Nde beombwedi ba ma ma-  
kele be ta nde biana wosi i bohsan onyola bila,  
o milopo mao pe bekoto biana gol, mioso mao
- 8 pe ka mioso ma bato. \* Nde ma ta ma bene  
nyo ka nyo a bito, masonga mao pe ka ma-  
9 songa ma ngila. \* Nde ma ta ma bene ngut'a-  
bwaंगा ka ngut'a beyei, mumban ma mapupu-  
lan mao pe ka mumban ma gita la bebamban
- 10 ba wosi, bena be m'ale o bwemba. \* Ma ta  
pe ma bene miondo ka lolo na mise; nginy'ao  
nye nde o miondo mao o bolise bato ndutu
- 11 miodi mitanu. \* Nde ma ben nde angel a  
njiba omony abu ka kihe; dina lao le nde o  
bwambo ba Bona-Heber na, Abbadon, o bwa-
- 12 mbo ba Grikia pe dina lao na, Apolion. \* Ebom'a  
boso e má-tomba; ombwa, beboma bepepe beba  
pe be mende po ombusa yen.
- 13 Nde angel ni londe mutoba pe e ta e longo,  
na mba na senga doi di wu o tongo inei ya
- 14 diyo la gol oboso ba Loba, \* di kwalane  
angel ni londe mutoba, nyena ni ta ny'alea  
museba, na: Wunja angel inei i kakabe o

## Bebiisadi 9. 10.

mopi mundene Euftrat. \*Nde yi angel inei 15  
 ita iwunjabe, yena ita ibonsane onyola ni pon-  
 da na bunya na modi na mbu, ná ba bwe  
 doŋgo la bato di londe malalo. \*Nde mu- 16  
 soŋgi ma miloŋ ma baje-wosi muta nde lo-  
 dun la lodun; na seŋgi musoŋgi mabu. \*Ninka 17  
 nde n'enne wosi o jene, ba bajai omomy ao  
 ba ta ba bene ngut'a-miaŋga im'ole ka wea,  
 na ka hiakinti na munaŋga ka solfa. Milopo  
 ma wosi pe mita nde ka milopo ma ngila,  
 wea na itutu na solfa ba ta ba busa o midumbu  
 mao. \*Na yin ndeŋge ilalo nde doŋgo la 18  
 bato di londe malalo di tano di bwabe, na wea  
 na itutu na solfa, bena ba busi o midumbu  
 mabu. \*Ebanja nginy'a yi wosi nye nde o 19  
 midumbu mabu na o miondo mabu; ebanja  
 miondo mabu mie nde biana nyam'a miaba,  
 mi ben na milopo, na mo nde i ma-bolisaneno  
 ndutu. \*Nde bane bato ba dia, bena ba si 20  
 bwabe na yin ndeŋge, ba si ta to b'atele na  
 bebolo ba maa mabu, ná ba s'owe pe midī  
 ma bobe na losaŋgo la gol na la silba na la  
 beyei na la madale na la beboŋgo, lena lo  
 si ma-wele jene to seŋga to daŋgwa; \*ba si 21  
 ta b'atele n'ebwan abu to na miaŋga mabu  
 to na misonje mabu to na jiba labu.

Na mba n'ene angel a nginya nipepe e ma- 10  
 siba wa o mony, e botisabe na diwindiwindi,  
 nyungu pe o mulopo mao, boso bao pe ka  
 wei, miende mao pe ka mawondi ma wea.  
 \*Nde e ta y'alea son a kalati i telam o dia lao; 2  
 na mo e tese muende mao ma mom o munja,



## Bebiisedi 10.

- 3 ma dimose pe o mundi, \* e tē musea na doi  
dindene, ka ngila e ma-domaño; nde niponda  
e tēno musea, na ngad'a Loba samba i topo  
4 madoi mao. \* Nde niponda ngad'a Loba samba  
i boleno topo, na ta na pula tila, na mba na  
senga doi di wu o mony, di kwala na: Bate  
ebatan o mambo mena ngad'a Loba samba  
5 i kwalino, o si tila mo. \* Na ni angel n'enno  
e tem o munja na o mundi, ny'ase dia lao la  
6 mom o mony, \* e kana songo na nu nye longe  
o bwindea na bwindea, nu weki mony  
na mese me oten na wase pe na mese me  
oten na munja na mese me oten, ná ponda  
7 e si be pe; \* nde o minya ma doi la angel  
ni londe samba, ponda e mendeno longo,  
esok' a Loba pe e mende londa, kaponda miañ-  
go ma bwam a biiseno na bautu bao, batoperi-  
ba-mudi.
- 8 Nde doi, lena na sengino di wu o mony,  
di timbi pete kwalisane mba, di kwala na:  
Ala, nongo yi son a kalati i telam o dia la  
angel, nyena ni tem o munja na o mundi.
- 9 \* Na mba n'ala na ni angel na kwalane mo,  
ná e bole mba yi son a kalati. Na mo e kwa-  
lane mba na: Nongo, o de mo, e mende bola  
dibum longo di be njongi, nde o mudumbu  
mongo e mende be nyengenye ka bombo.
- 10 \* Na mba na nongo yi son a kalati o dia la  
angel, na da mo; nde e ta nyengenye o mu-  
dumbu ka bombo, nde niponda na dedino mo,  
11 na mo e bola dibum lam di be njongi. \* Na mo  
e kwalane mba na: O aŋgamen pete topo be-

## Bebiisedi 10. 11.

dinge omony a matumba na bekombo na l'eme  
na gita la kihe.

Nde esosongo eta e bolabe mba, bowan ka 11  
itumbu, na ben beyala na: Teme, mene tempel  
a Loba na diyō na ba bam'owe oten, \*nde 2  
eboko a mbusa ya tempel esele mo, osimene  
mo, ebanja e bolabe na basibi, nde ba mende  
dakea mudi ma bosangi muanei ma miodi  
na miba. \*Nde na mende bola bato bam ba- 3  
mboñ baba ná ba tope bedinge ikol'a minya  
na bebwea beba na mumutoba, ba boto mikuta.  
\*Ban nde be mi miele ma njabi miba na be 4  
betrukan beba, bena be tem oboso ba Sango  
a wase. \*Nde moto a ma-pula te bolise babo 5  
ndutu, ke wea i ma-busa o midumbu mabu,  
i bwa basiñgeri babu; nde yetena moto a ma-  
pula te bolise babo ndutu ke 'angamen bwabe  
nikamene. \*Ban nde ba ben nginya o kwese 6  
mony, ná mbua esiyole o minya ma bedinge  
babu, ba ben pe nginya omony a madiba, o  
timbise mo maya, na o dipa wase na nyai á  
ndenge, to-njika ponda batondino. \*Nde ba 7  
domse te mboñ abu, denge nyama ni ma-buse  
o njiba emende jana bila na babo, emende  
buka babo na bwa babo. \*Nde mbimba mabu 8  
mi mende nañga o nge'a mudi mundene,  
muena mu belabe, o ka mudi, na: Sodom na  
Egipto, wuma Sango abu pe a bomabeleno  
o mbasa. \*Nde ba matumba na mbia na 9  
l'eme na bekombo ba mende jombwa mbimba  
mabu minya milalo n'epasi, nde ba si mende  
jesele mbimba mabu mipulabe o songo. \*Nde 10

## Bebiisedi 11.

- ba bajai o wase, bamende bwa munyenge  
omony abu na sombise, na lomane mowó na  
nune mabea, ebanja ban batoperi babane ba  
11 ta batakise ba bajai o wase. \*Nde ombusa  
minya milalo n'epasi mudí ma longe mu wu  
na Loba mu ingea pe oteten abu, na babo ba  
temene pe miende mabu, na bongo bondene  
bo ko omony a ba bena bata b'ombwa babo.  
12 \*Na babo basenga doi dindene di wu o mony,  
di kwalane babo na: Onda omony uon! Na  
babo b'onda o mony o diwindiwindi, nde  
13 basingeri babu bata b'ombwa babo. \*Nde  
o ni pondamene soa la minyangadu dindene  
di ta diko, nde dongo la mudi di londe dom  
di ta di bulea, nde lokoli samba la mina ma  
bato lo ta lo bwabe o di soa la minyangadu,  
nde bane badia bata babwa bongo, na babo  
14 ba bola edube na Loba la mony. \*Eboma e  
londe beba emá-tomba; ombwa, eboma e londe  
belalo e ma-po tatan.
- 15 Nde angel ni londe samba pe eta e longo,  
nde madoi mandene mata ma busa o mony,  
makwala na: Janea la wase di má-timba  
la Sango asu na Krist'ao, nde amende  
16 janea o bwindea na bwindea. \*Nde mu  
muaba ma baturu na bane, bena bajai o be-  
jedi babu oboso ba Loba bata ba ko wase na  
17 mioso mabu, b'owe Loba, \*ba kwala na: Di  
som oa, a Sango, Loba, Nyangum, nu nyena nye,  
nyena nu ta, ná o nongi nginy'ango nindene,  
18 o timbi kine. \*Nde matumba mata malinga,  
malinga mongo pe ma má-po na pond'a bawedi

## Bebiisedi 11. 12.

o kaisabe, na o bola musauedi na bautu bon̄go,  
 batoperi-ba-mudi na basaŋgeri na ba ba ma-  
 bwe dina lon̄go bon̄go, basadi na bandene,  
 na o nyamse ba bama-nyamse wase. \* Nde 19  
 tempel a Loba eta etelabe o mony, nde  
 elimb'a male mao eta y'enene o tempel ao;  
 nde motemote ita ibusa na madoi na ngad'a  
 Loba na soa la minyaŋgadu na mbu'a madale  
 nindene.

Nde eyemban endene eta y'enene o mony: 12  
 Muto nu botisabe na wei, modi pe owasa  
 miende mao, o mulopo mao pe ekot'a dom la  
 ngen̄geti na iba. \* Nde ata deme, ate musea 2  
 o sese na ndut'a yadi. \* Na mba n'ene eyem- 3  
 ban epepe o mony, nde ombwa, nguŋgu-a-  
 ngando nindene ni mole ka wea, ebene milopo  
 samba na dom la ton̄go, o milopo mao pe  
 bekoto ba kin̄e samba. \* Mondo mao muta 4  
 muduta don̄go diwo la ngen̄get'a mony di  
 lon̄de malalo, mu pimba mo o wase. Nde ni  
 nguŋgu-a-ngando eta eteme oboso ba nu muto  
 nyena nu ta nu pula ya, o da mun'ao, ke a  
 yai. \* Na mo a ya mun'a mome, nyena nu 5  
 mende tate matumba mese ka midon̄gi na  
 itumbu a eyei. Nde mun'ao a ta anongobe  
 o mony na Loba na bejedi bao. \* Na nu muto 6  
 a nya mila o eyaŋ, o wuma ipongobe le mo  
 bejedi na Loba, na ba bon̄gwe mo oten ikol'a  
 minya na bebwea beba na mumutoba.

Nde bwemba bo ta o mony, Mikael na 7  
 angel ao ba ta b'ala janane ni nguŋgu-a-

## Bebiisedi 12.

- ngando ; nde nguŋgu-a-ŋgando e ta ny'ana na  
 8 angel ao, \*nde basita ba wele, bejedi babu  
 9 besita pe besobe o mony. \*Nde ni nguŋgu-  
 a-ŋgando eta epimbabe, ni nyama-bwaba nya  
 kwaŋ nyena ni belabe na, Diaboli na Satan,  
 nyena ni ma-wonde wase nyese; eta epimba-  
 be o wase, angel ao pe i ta i pimbabe muemba  
 10 na mo. \*Na mba nasenga doi dindene o  
 mony, dikwali na: Tatan jongise diá nde  
 la Loba lasu na nginya na janea, nginya  
 pe nyá nde nya Krist'ao; ebanja mu-  
 bake-njom nya bona-saŋgo asu amá-  
 pimbabe, nyena nu ta nu bake babo  
 njom oboso ba Loba muese na bulu.  
 11 \*Nde babuki mo onyola maya ma Mun'a  
 mudongi na onyola eyal'a mbon abu,  
 basita pe to batondo longe labu na-  
 12 tena o kwedi. \*Onyola nika, bwa munyenge,  
 a mony, na ba bajai oten. Eboma na wase  
 na munja; ebanja Satan asibi na binyo, a ben  
 malinga mandene, kana a bino ná a ben nde  
 son a esungu a ponda.  
 18 Nde niponda ni nguŋgu-a-ŋgando ny'enzo,  
 ná epimbabe o wase, na mo ebupe nu muto  
 14 nu yai mun'a mome. \*Nde mapupulan maba  
 ma ni mbela nindene mata ma bolabe nu  
 muto, ná a pumwe o eyaŋ o wum'ao, ná a  
 bongwabe oten o ponda po na ponda gita  
 n'epas'a ponda jasumwe na boso ba nyama-  
 15 bwaba. \*Nde nyama-bwaba eta ny'aŋwa  
 nu muto madiba ombusa, mena ma busi o  
 mudumbu mao ka mopi mundene, ná e won-

## Bebiisedi 12. 13.

gwele mo. \* Nde wase e ta ny' ongwane muto, 16  
 e tele mudumbu mao enyo mu mopi mundene,  
 muena ngungu-a-ngando e busiseno o mudumbu  
 mao. \* Nde ni ngungu-a-ngando e ta e linga 17  
 onyola nu muto, na mo ny'ala o janane mbot'  
 ao ni dia bwemba, nyena ni ma-nenge mbend'á  
 Loba, b'aledi pe mbon a Yesu.

Na mba n'ala nateme o mukoko ma sau. 13  
 Na mba n'ene nyama e ma-busa o munja e  
 bene dom la tongo na milopo samba, omony  
 a tongo ao pe dom la bekoto ba kihe, o  
 milopo mao pe mina ma dibena. \* Nde nyama 2  
 n'engo e ta nde bowan ka njo, miende mao  
 ka ma bea, mudumbu mao pe ka mudumbu  
 ma ngila. Nde ngungu-a-ngando e ta e bola  
 mo nginy'ao na bejedi bao na janea dindene.  
 \* Nde mulopo mao mowó biana mu ta nde 8  
 mu bene ebanjo a kwedi, nde ebanjo ao ya  
 kwedi e ta e bó; nde wase nyese e ta e bupe  
 ni nyama na betanyisedi. \* Nde bata b'owe 4  
 ngungu-a-ngando, onyolana e boli janea na  
 ni nyama, b'owe pe ni nyama, ba kwala na:  
 Nja e ka nin nyama? Nja ena a wele janane  
 mo bwemba? \* Nde mudumbu mu ta mu bo- 5  
 labé mo o topo mambo mandene na mabena,  
 nginya pe e ta e bolabé mo o bola nika mu-  
 anei ma miódi na miba. \* Na mo etele mu- 6  
 dumbu mao o topo mabena lingise Loba, o  
 bense dina lao na munoko mao na ba ba  
 jai o mony. \* Nde e ta e bolabé mo o jana 7  
 bwemba na basangeri na buka pe babo; nde  
 janea dita di bolabé mo omony a mbia mese

## Bebiisedi 13.

- 8 na matumba na l'eme na bekombo. \* Nde bese  
bajai o wase bata b'owe mo, bena mina  
mabu ma si tilabe natena beboteri ba wase o  
9 kalat'a longe nya Mun'a mudongi, nyena nu  
bwabe. \* Moto a ben te matoi, esele mo  
10 a senge. \* Nu nu ma-nonge mikoma, amende  
nongobe mukoma; nu nu ma-bwe na po, a  
mende bwabe na po. Uan nde welisane  
na jemea la basangeri leno.
- 11 Na mba n'ene nyama nipepe e busi o mudi,  
e bene tongo iba ka mun'a mudongi, e topo  
12 pe ka ngungu-a-ngando. \* Na mo e bolane  
nginy'a nine nyam'a boso nyese, oboso bao,  
e bola pe wase na ba bajai omony ao o jowe  
nyam'a boso, nyena ni ta ni bolisabe ebaŋgo  
13 a kwedi. \* Na mo e bola beyemban bendene,  
kanyena e bola pe na wea i wa o mony, i ko wase  
14 oboso ba bato, \* e wondo ba bena bajai o wase  
onyola ka beyemban, bena be bolabe mo o bola  
oboso ba nine nyama, kana e ma-kwalaneno ba  
ba jai o wase o pongo njimbiri onyola nyama,  
nyena ni ta ni bene ebaŋgo a po, nde ebe nde  
15 longe. \* Nde e ta e bolabe mo o bola muudi  
ma longe o njimbir'a nyama, ka nyena njimbir'a  
nyama e ta e topo, e bola pe bese bena ba si  
16 m'owe njimbir'a nyama o bwabe. \* E bola pe  
na bese, basadi na bandene, mbwan na batuedi,  
wonja na bakom, ba wele eyemban o maa mabu  
17 ma mom to o mbombo abu, \* ka nyena to-  
moto a titi na a wele janda to jandise, ke nu  
nu ben ye eyemban: dina to musongi ma dina  
18 lao. \* Uan nde dibie leno! Nu nu ben son-

## Bebiisedi 13. 14.

tane a soṅgele musoṅgi ma nyama; ebanja  
mue nde musoṅgi ma moto, nde musoṅgi mao  
mue bebwea mutoba na mumutoba na mutoba.

Na mba n'ene, nde ombwa, Mun'a mudoṅgi 14  
a ta a teme o mudoṅgo ma Sion na ebwe'a  
lokoli na muanei na lonei muemba na mo,  
bena ba ben dina lao na dina la Saṅgo ao  
matilabe o mbombo abu. \* Na mba naseṅga 2  
doi di wu o mony biana doi la gita la madiba  
na doi la ṅgad'a Loba nindene; nde doi lena  
naseṅgino dita nde biana b'obe-ndinga, bena  
ba ta b'oba ndiṅg'abu. \* Nde ba ta nde ba 3  
loṅgo biana mueṅge ma penya oboso ba be-  
jedi na oboso ba bewekedi na oboso ba ba-  
turu, nde to-moto a si ta a wele jokwa mu  
mueṅge, ke ye ebwea lokoli na muanei na  
lonei, bena b'andabe na wase. \* Nde ban be 4  
nde ba bena basitimbise babo momene mbindo  
na bito, ebanja be nde ṅgonderi; be nde ba  
bena ba ma-bupe Mun'a mudoṅgi to ueni a  
m'alano. Ban nde b'andabe oteten a bato ka  
bepuma ba boso ba Loba na Mun'a mudoṅgi.  
\* O midumbu mabu pe lobaṅgo losita losobe, 5  
ebanja be ka ni si ben misan.

Na mba n'ene angel nipepe e ma-pumwa 6  
oteten a mony, e bene miango-ma-bwam ma  
bwindea o langwea ba bajai o wase, bekombo  
bese na mbia na l'eme na matumba, \* ekwala 7  
na doi dindene na: Bwa Loba boṅgo, lo bole  
pe mo edube; ebanja pond'a muka mao emá-  
po, owe pe nu nu weki mony na wase na  
munja na toṅgo á madiba. \* Angel ni 8



## Bebiisedi 14.

- londe iba pe eta e bupe mo, e kwala na: E kwedi, ekwedi, Babilon nindene, nyena ni ta ni nyose bekombo bese mao ma malinga  
 9 ma musonje mao. \* Angel ni londe ilalo pe eta e bupe babo, e kwala na doi dindene na: Moto 'owe te nyama na njimbir'ao, akusa  
 10 pe eyemban o mbombo ao to o dia lao, \* ke amende nyo mao ma malinga ma Loba, ma sipungwabe, makomabe o dibonde la malinga mao, amende pe takisabe na wea na solfa oboso ba angel á bosangi na oboso ba Mun'a  
 11 mudongi. \* Nde itutu a ndeng'abu i m'ondea omomy o bwindea na bwindea, nde ba si ben wumse to bunya to bulu, ba bena ba m'owe nyama na njimbir'ao na nu pe nu kusi eyemban  
 12 ao to dina lao. \* Uan nde welisane la basangeri leno, bena ba ma-nenge mbend'á Loba  
 13 na jemea la Yesu. \* Na mba na senga doi diwu o momy, di kwala na: Tila na: Bonam na bawedi bena ba ma-wo o Saŋgo, botea tatan. E, Mudí muma-kwala na: Ba mende wumse na ndut'abu, ebanja bebolo babu be ma-bupe babo.  
 14 Na mba n'ene, nde ombwa, diwindiwindi di ma-saŋge, nde omomy a diwindiwindi, mowó a ta a ja oten biana mun'a moto, a ta a bene ekot' a gol o mulopo mao na diwendi la  
 15 mumbwa la bowoli o dia lao. \* Na angel nipepe pe ebusa o tempel, etē na doi dindene na nu nu jai omomy a diwindiwindi na: Loma diwendi loŋgo la mumbwa o umbwe, ebanja pond'a mumbwa emá-po, ebanja mumbwa ma

## Bebiisedi 14. 15.

wase mu má-jola. \* Na nu nu jai om̄ony a 16  
 diwindiwindi a pimba diwendi lao la mumbwa  
 o wase, nde wase e ta y'umbwabe. \* Na 17  
 angel nipepe e busa o tempel nye o m̄ony,  
 mo pe e ta ny'alea diwendi la mumbwa. \* Na 18  
 angel nipepe pe e busa o diyo, ebene nginya  
 om̄ony a wea, etē nu nu ta ny'alea diwendi  
 la mumbwa la bowoli, musea mundene, e  
 kwala na: Loma diwendi la mumbwa la bo-  
 woli, ke bepuma ba miele ma lonyengeny ma  
 wase, ebanja lonyengeny lao lo má-jola. \* Na 19  
 ni angel e pimba diwendi lao la mumbwa o  
 wase, e ke bwele ba lonyengeny la wase, e  
 pimba mo o mboki mundene ma malinga ma  
 Loba. \* Nde mboki muta mulobe ombusa 20  
 mudi, nde maya mata ma busa o mboki  
 natena o bekakan ba mudumbu ma wosi, etum  
 ikol'a stadia na bebwea mutoba.

Na mba n'ene eyemban epepe o m̄ony, e 15  
 ta bondene na betanysedi: Angel samba, yena  
 ita y'alea ndenge isukan samba, ebanja oten  
 nde malinga ma Loba ma mendeno londa.  
 \* Na mba n'ene biana munja ma jene mu 2  
 pulisan na wea; nde ba bena ba ta babukedi  
 onyola nyama na njimbir'ao na musongi ma  
 dina lao ba ta ba teme om̄ony a munja ma  
 jene, ba bene nding'á Loba. \* Nde ba ta ba 3  
 longo muenge ma Mose muut'a Loba na  
 muenge ma Mun'a mudongi, ba kwala na:  
 Bebolo bonggo be bondene na betanysedi, a  
 Saŋgo, Loba, Nyaŋgum, maŋgea mongo ma

## Bebiisedi 15. 16.

tem na sim, me pe mbale, a Kin'a basan'geri!  
4 \* Nja nu si ma-bwe oa bon'go, a San'go, na  
sesa dina lon'go! Ebanja oamene mowó nde  
oe bosa'ngi. Ebanja matumba mese mamende  
po o jowe oboso bon'go; ebanja bekaisedi  
bon'go be bian.

- 5 Nde ombusa man nata n'ene, nde tempel  
a munoko ma mboñ nye o mony eta etelabe.  
6 \* Nde angel samba, yena ita ibene ndenge  
samba ita ibusa o tempel, ita iboto mbom  
ni ma-sange ni ma-panye na ngod'a gol pe  
7 o mian'ga mabu. \* Nde ewo ya be bewekedi  
benei eta e bola yi angel samba mionjo ma  
gol samba, miena milondi na malinga ma  
8 Loba la lon'ge o bwindea na bwindea. \* Nde  
tempel eta elonda na itutu a bosa'ngi ba  
Loba na ya nginy'ao, nde to-moto a si ta a  
wele jingea o tempel, natē ndenge samba ya  
angel samba i doma.

- 16 Na mba nasenga doi dindene di wu o  
tempel, di kwalane yi angel samba na: Ala,  
lo kome mi mionjo samba ma malinga ma  
2 Loba o wase. \* Na nyaboso e ala, e koma  
monjo mao o wase. Nde pol'a bobbe ya bwambi  
ita ibusa bato, bena bata ba bene eyemban  
a nyama na bena b'owe njimbir'ao.

- 3 Na angel ni londe iba pe e koma monjo  
mao o munja, na mo mu timba maya ka ma  
moto nu wedi; na midi ma lon'ge mese mita  
o munja mi wo.

- 4 Na ni londe ilalo pe e koma monjo mao  
o miopi na o tongo á madiba. Nde bata ba

## Bebiisedi 16.

timba maya. \*Na mba na seŋga angel a 5  
 madiba, e kwali na: Oa nde oe nutem-na-sim,  
 oa nyenanye, nyena nuta, oa Nyabosaŋgi, kana  
 o kaiseno nika; \*ebanja ba kom maya ma 6  
 basan̄geri na ma batoperi-ba-mudī, nde maya  
 pe nde o bolino babo o nyo, b'aŋgamen nika.  
 \*Na mba na seŋga diyo di kwali na: E, a 7  
 Saŋgo, Loba, Nyangum, bekaisedi bon̄-  
 go be mbale, betem pe na sim.

Na ni londe inei pe e koma monjo mao o 8  
 wei. Nde eta e bolabe mo o bubwele bato  
 na wea. \*Nde bato bata ba bubwea n'eyididi 9  
 endene, nde bata batopo dibena lingise dina  
 la Loba, nyena nu ben nginya omony a yin  
 ndenge, nde ba s'atele o bola mo edube.

Na ni londe itanu pe e koma monjo mao 10  
 o bejedi ba ni nyama. Nde janea lao di ta  
 di kwesabe muititi, nde ba ta ba koko leme  
 onyola sese, \*nde bata pe nde batopo dibena 11  
 lingise Loba la mony onyola ses'abu na pol'  
 abu, ba si ta b'atele na bebolo babu.

Na ni londe mutoba pe e koma monjo mao 12  
 o mopi mundene Euftrat. Nde madiba mao  
 mata ma banja, na nge'a kin'a bebusedi ba  
 wei e bonsane. \*Na mba n'ene o mudumbu 13  
 ma nguŋgu-a-ngando na o mudumbu ma ni  
 nyama na o mudumbu ma mutoper'a lobango  
 midī mi saŋgi milalo mi busi, biana mi-  
 konge. \*Ebanja mie nde midī ma Satan, 14  
 miena mi ma-bole beyemban, miena mi m'ale  
 na kin'a wase nyese, o kotele babo o bwemba  
 ba bo bunya bondene ba Loba, Nyangum.

## Bebiisedi 16. 17.

- 15 \* Ombwa, na mende po ka muibedi. Bonam  
na nu nu ma-je epenye, nu nenge pe mbot'  
ao, ná a si daŋgwa musamba, ná b'ene ison
- 16 ao. \* Nde ata akotele babo o wuma i belabe  
o bwambo ba Bona-Heber na: Armagedon.
- 17 Nde ni londe samba pe eta ekoma monjo  
mao o ngo. Na doi dindene di busa o tempel  
a mony, di wu o bejedi, di kwala na: Di má-
- 18 bolane! \* Nde motemote ita i busa na madoi  
na ngad'a Loba; soa la minyangadu dindene  
pe dita nyai nyena esita natena ponda bato  
ba botino be o wase, nika bondene nde di soa
- 19 la minyangadu ditano. \* Nde mundi mundene  
muta mu abane mongo malalo, na mindi ma  
bekombo mi bulea. Nde Babilon nindene eta  
ny'onogobe oboso ba Loba o bola mo dibonde
- 20 la mao ma malinga ma pid'ao. \* Nde beyondi  
bese be ta be nya mila, midongo pe misi ta
- 21 mi sobe. \* Nde mbu'a madale nindene, bodilo  
ka njale eta ewa o mony, eko o mony a bato;  
nde bato ba ta batopo dibena lingise Loba  
onyola ndeng'a mbu'a madale, ebanja ndeng'  
ao eta e kola bwambi.
- 17 Nde angel po nya yi angel samba, yena  
ita y'alea mionjo samba eta epo, ekwalisane  
mba, m'ona: Ya, namende leelee oa bekaisedi  
ba mut'a mbamba nundene, nyena nu jai
- 2 omony a madiba ma gita, \* nyena kin'a wase  
i benno musonje, ba pe ba jai o wase ba  
tano ba sokisabe na mao ma musonje mao.
- 3 \* Nde eta e alane mba o mudi o eya. Na  
mba n'ene muto nu jai omony a nyama ni

## Bebiisedi 17.

m'ole ka dibato la muswa, ni londi na mina  
ma dibena, e bene milopo samba na dom la  
tongo. \*Nde nu muto a ta a boto dibato di 4  
m'ole la tiki na muswa, a lalabe na gol na  
madale matiki na seŋga-mbomo, a bene di-  
bonde la gol o dia lao, di londa na nyakaka  
na mbindo a musonje mao. \*Nde dina di ta 5  
di tilabe o mbombo ao, esoka, na: Babilon  
nindene, nyaŋgo a bito ba mbamba na nya  
nyakak'a mundi-ma-wase.

Na mba n'ene nu muto a soki maya ma 6  
basaŋgeri na maya ma mboŋ a Yesu. Nde  
na ta na nyaka na manyaka mandene, niponda  
n'enzo mo. \*Na ni angel e kwalane mba na: 7  
Onyola nje o nyakino? Mba na ma-laŋgwea  
oa esok'a nu muto na ya nyama nyena ni  
ma-bambe mo, nyena ni ben milopo samba na  
dom la tongo. \*Ni nyama o enno, e ta, nde 8  
e titi, nde e mende busa o njiba, e m'ala o  
dibumbe; nde ba bajai o wase ba mende nya-  
ka, ba bena mina mabu ma si tilabe o kalat'a  
longe natena o beboteri ba wase, yetena b'en  
na nyama e ta, nde e titi pe, nde e mende  
pete be. \*Uan nde sontane la dibie leno. 9  
Mi milopo samba mie nde midongo samba,  
miena omomy ao nde nu muto ajaino, \*mie 10  
pe nde kiŋe samba. Itanu i kwedi, po nye,  
nine nipepe e si bedi po, nde e poi te, ke  
e mende ja son a ponda. \*Nde ni nyama ni 11  
ta, nde e si be pe, momene pe nde nye ni  
londe lombi, nde nye pe nde po nya yine  
samba, nde e m'ala o dibumbe. \*Di dom la 12

## Bebiisedi 17. 18.

- toṅgo pe, lena o enno, ye nde dom la kiṇe,  
yena i si bedi kusa janea; nde i ma-kusa ṅgi-  
nya ka kiṇe ponda po muemba na ni nyama.
- 13 \* Ban nde ba ben joṅgele diwo, nde ba mende  
bola ṅginy'abu na janea labu na ni nyama.
- 14 \* Ban nde ba mende jane bwemba na Mun'a  
mudongi, nde Mun'a mudongi a mende buka  
babo, (ebanja mo nde e Saṅgo a bona-ba-  
saṅgo na Kiṇ'a bona-kiṇe), na ba pe bena be
- 15 na mo, babelabe, baposoḃe na bajemea. \* Na  
mo e kwalane mba na: Madiba mena o enno,  
mena nu mut'a mbamba a jaino, me nde ma-
- 16 tumba na mamuti na bekombo na l'eme. \* Di  
dom la toṅgo pe lena o enno, na ni nyama  
pe, babo nde ba mende siṅge nu mut'a mbam-  
ba, nde ba mende nyamse mo na timbise mo  
musamba, ba mende pe da nyam'ao na dise
- 17 mo wea. \* Ebanja Loba a boli babo o milema  
mabu o bola joṅgele lao, na o bola joṅgele  
diwo na bola pe janea labu na ni nyama,
- 18 natē beyala ba Loba be londisabe. \* Nu muto  
o enno, e nde mudi mundene, muena mu ben  
janea omony a kiṇ' á wase.
- 18 Na mba n'ene ombusa man, angel nipepe  
e ma-wa o mony, e siba, e bene ṅginya nin-  
dene, nde wase e ta e panyisabe na bosangi  
2 bao. \* Nde e ta e tē musea na doi dindene,  
e kwala na: E kwedi, e kwedi, Babilon nin-  
dene, e timbi bejedi ba midī ma bobē, na nda-  
bo a beboa nya midī mi si saṅgi mese, na  
ndabo a beboa nya lonon lese lo si saṅgi na  
3 lo siṅgabe. \* Ebanja bekombo beḃe be nyodi

## Bebiisedi 18.

mao ma malinga ma musonje mao; kin'á wase  
 pe i ta i bene musonje na mo, na bato ba nyuñ-  
 ga ba wase ba kwedi mbwan onyola nginy'a  
 munam mao. \* Na mba na seña doi dipepe 4  
 di wu o mony, di kwala na: Busa na mo, a  
 tumba lam, ná lo si bene doŋgo o miobe mao,  
 to kusa pe onyola ndeŋ'ao; \* ebanja miobe 5  
 mao mi poi natena o mony, Loba pe a má-joñ-  
 gele k'abu ni si tem na sim. \* Timbisele mo 6  
 kana mo a bolino, nde timbisele mo ngedi iba  
 kana mo a bolino; o dibonde lena mo a puñ-  
 gono, puŋwea mo ngedi iba. \* Gita kana 7  
 a tano a busise momene, a be pe munam, bola  
 pe nde mo nika gita la ndeŋe na malebo,  
 ebanja a ma-kwala o mulema mao na: Najai  
 nde ka nyaŋgo-a-mundi, na titi mukusa, na  
 si mende jene malebo. \* Onyola nika ndeŋe 8  
 e mende nde poye mo bunya bowó: kwedi na  
 malebo na njai, a mende pe nde disabe wea.  
 Ebanja Saŋgo Loba e nginya, nu nyena nu  
 ma-kaise mo.

Nde kin'á wase, yena ita i bene musonje 9  
 na mo na munam pe, i mende jeya na bola  
 pe ndedi onyol'ao, ponda ba mendeno jene  
 itutu a día lao la wea. \* I mende teme etum 10  
 onyola boŋgo ba ndeŋ'ao, i mende kwala na:  
 Eboma, eboma, a mundi mundene Babilon,  
 mundi ma nginya, ebanja bekaisedi boŋgo  
 be poi nde o ngen pomene. \* Bato ba nyuñga 11  
 ba wase pe ba m'eya ba lebe pe onyol'ao;  
 ebanja to-moto a si m'anda pe bema babu,  
 \* bema ba gol na silba na madale ma tiki na 12



## Bebiisedi 18.

- seṅgá-mbomo na mbom a bwam na mabato  
 mam'ole ma tiki na siliki na miswa na nyai  
 a beboṅgo be ambi na nyai a bewa ba mban-  
 go na nyai a bewa ba beboṅgo be ambi na  
 ba misòmba na ba beyei na ba madale ma tiki
- 13 \* na bobimbi na moki na benumba na mire  
 na lobany l'enumba na mao na mula na mburu  
 ma mbasi ma bwam na mbasi na nyaka na  
 midoṅgi na wosi na bebamban na manyolo na
- 14 midī ma bato. \* Bepuma pe bena mudī moṅ-  
 go mu tondino be má-jasumwe na oa, mambo  
 moṅgo ma muenen na ma ndon pe ma má-
- 15 nyama, nde osi mende pe jene mo tom. \* Nde  
 bato ba nyuṅga ba man mambo, bena ba ta  
 ba ko mbwan onyol'ao, ba mende teme etum  
 onyola boṅgo ba ndeṅ'ao, b'eya, ba bola pe
- 16 ndedi, \* ba kwala na: Eboma, eboma, a mudi  
 mundene, muena mu ta mu boto mbom a bwam  
 na dibato di m'ole la tiki na muswa, mula-  
 labe pe na gol na silba na madale ma tiki
- 17 na seṅg'á-mbomo; \* ebanja mu mbwan mun-  
 dene muese mu nyamsabe nde o ṅgeṅ po.  
 Nde basango ba miolo bese na bese bena  
 ba m'ale o midū, na bato ba miolo na bese  
 bena ba ma-boleye o munja, ba ta ba teme
- 18 etum, \* ba tē misea, niponda b'enzo itutu  
 a día lao la wea, ba kwala na: Njika mo
- 19 mue ka mu mudi mundene? \* Na babo ba  
 koma diburu o milopo mabu, ba tē misea,  
 b'eya mbembe, ba bola ndedi, ba kwala na:  
 Eboma, eboma, a mudi mundene, muena oten  
 nde bese ba kwedino mbwan, bena ba ta ba

## Bebiisedi 18. 19.

bene miolo o munja onyola tik'ao ya mambo; ebanja mu nyamsabe nde o ngen po. \* Bwa 20 munyengete onyol'ao, a mony, na binyo basangeri na bamuloloma na batoperi-ba-mudi; ebanja Loba a kaise muka manyu na mo.

Na angel a nginya po e sumwa dale ka 21 dale la nsañ dindene, e pimba mo o munja, e kwala na: Nika nde Babilon, mudi mundenene, mu mendeno pimbabe na nginya pomene, nde mu si mende pe sobe. \* Nde doi 22 la balonge-miengete na la b'obe-ndinga na la balonge-losese na la balonge-miseba di si mende pe sengabe oteten ango, mubied'a to-njika ebolo pe a si mende pe sobe oteten ango, dale la nsañ pe di si mende pe sengabe oteten ango, \* muenen m'etrukan mu si mende pe panya 23 oteten ango, doi la mubaedi n'ewande pe di si mende pe sengabe oteten ango; ebanja bato bonggo ba nyunga nde ba ta bandene o wase, ebanja onyola londa longgo la mianga nde matumba mese ma tano ma wondobe, \* maya 24 ma batoperi-ba-mudi pe na ma basangeri na ma bese ba bwabe o wase ma ta ma sobe oteten ao.

Nde ombusa man mambo, na ta na seña 19 doi dindene la gita la mamuti o mony, ma kwala na: Haleluya, jongise n'edube na nginya be nde na Loba lasu; \* ebanja bekaisedi 2 bao be mbale, be tem pe na sim, onyolana a kaise mut'a mbamba nundene, nyena nu nyamse wase onyola musonje mao, a kun pe maya

## Bebiisedi 19.

- 3 ma bautu bao o dia lao. \* Na mo ma kwala  
pete na: Haleluya, itutu ao im'ondea o bwin-  
4 dea na bwindea. \* Na mu muaba ma baturu  
na banei na be bewekedi benei pe ba ko wase,  
b'owe Loba nu jai o bejedi, ba kwala na:  
Amen, Haleluya!
- 5 Na doi di wa o bejedi, di kwala na: Sesa  
Loba lasu, binyo bautu bao bese, na binyo  
bena lo ma-bwe mo bongo, basadi na bandene.
- 6 \* Na mba na senga, biana doi la mamuti gita  
na biana doi la gita la madiba na biana doi  
la ngad'a Loba nya nginya, ba kwala na:  
Haleluya, ebanja Saŋgo, Loba lasu, Nya-  
7 ngum a m'anea. \* Esele biso di bwe mu-  
nyenge, di sombise, di bole mo edube,  
ebanja diba la Mun'a mudongi di má-po,  
8 munj'ao pe a bonisan momene. \* E bolabe  
mo o boto mbom ni ma-panye na nya bosangi,  
ebanja mbom nye nde bebolo ba teme-la-sim  
9 ba basangeri. \* Na mo a kwalane mba na:  
Tila: Bonam na ba bena ba belabe o nde-  
ma la diba la Mun'a mudongi. Na mo  
a kwalane mba na: Ben be nde beyala ba  
10 mbale ba Loba. \* Na mba na ko wase o  
miende mao o jowe mo. Na mo a kwalane  
mba na: O bia, o si bola nika! Mba pe ne  
nde muutu ka oa na kana bona-songo pe, bena  
ba ben mbon a Yesu; owe nde Loba! Ebanja  
mbon a Yesu nye nde mudī ma laŋgwa la  
bedinge.
- 11 Na mba n'ene mony e telam, nde ombwa  
wosi ni ma-saŋge, nde nu nu jai omony ao,

## Bebiisedi 19.

dina lao na: Nyajemea na Nyambale, a ma-  
 kaise na jana pe o teme-la-sim. \* Miso mao 12  
 me nde ka misonji ma wea, o mulopo mao  
 pe gita la bekoto ba kiñe, a ben pe dina di  
 tilabe, lena to-moto a si bino, ke momene.  
 \* A boti mboti ni dubisabe o maya, dina lao 13  
 di belabe pe na: Eyal'a Loba. \* Nde mamuti 14  
 ma mony pe ma ta ma bupe mo o wosi i ma-  
 sanqe, ma botisabe na mbom a bwam ni ma-  
 sanqe. \* Po a bowoli pe e ma-busa o mu- 15  
 dumbu mao, na a dipane mo matumba, a ma-  
 tata pe babo ka midongi na itumbu a eyei.  
 Mo pe nde a ma-lō mboki ma mao ma  
 malinga ma pid'a Loba la ngum. \* A ben pe 16  
 dina di tilabe o mbot'ao na o edue ao na:  
 Kiñ'a bonakiñe na Saño a bona-basaño.

Na mba n'ene angel e tem o wei e tē 17  
 musea na doi dindene, e kwalane lonon lese  
 lena lo ma-pumwe oteten a mony na: Binyo ya,  
 lo kotome onyola ndema dindene la Loba \* o 18  
 da nyam'á kiñe na nyam'á bānedi ba bila na  
 nyam'á bañginya na nyam'á wosi na ya ba  
 bena ba jai omony ao na nyam'á wonja yese na  
 ya bakom na ya basadi na bandene. \* Na 19  
 mba n'ene ni nyama na kiñ'a wase na milon  
 mabu ba kotone o jana bwemba na nu nu jai  
 omony a wosi na milon mao pe. \* Nde ni 20  
 nyama e ta e putabele na mutoper'a lobaño  
 pe muemba na mo, nyena nu boli beyemban  
 oboso bao, bena a wondonno ba bena ba kusi  
 eyemban a nyama, b'owe pe njimbir'ao, babo  
 babane ba ta ba pimbabe penya o ebul'a wea

## Bebiisedi 19. 20.

21 e m'onye na solfa. \* Bane bapepe ba dia, ba ta  
ba bwabe na po a nu nu jai omōny a wosi,  
nyena ni ma-buse o mudumbu mao; nde lo-  
non lese lo ta l'ula na nyam'abu.

20 Na mba n'ene angel e ma-wa o mony, e ma-  
siba, ny'alea idubwan a njiba na ngokobi nin-  
2 dene o dia lao. \* Na mo e putea ni nguṅgu-a-  
ṅgando, nyama-bwaba nya kwaṅ, nyena nye  
Diaboli na Satan, e kaka mo ikol'a mbu,  
3 \* e pimba mo o njiba, e kwese, e bate pe eba-  
tan oten, ná a si wondo pe matumba, natē  
ikol'a mbu i londa; nde ombusa nika 'aṅgamen  
4 pete wunjabe onyola son a ponda. \* Na  
mba n'ene bejedi, nde ba ta baja oten, nde  
bekaisedi be ta be bolabe babo; n'ene pe midī  
ma ba ba kebe milopo onyola mboṅ a Yesu  
na onyola eyal'a Loba, na ma ba bena ba si  
ta b'owe nyama to njimbir'ao, ba si kuse pe  
to eyembau o mbombo na o maa mabu, ba ta  
lonḡe, b'anea pe muemba na Kristo ikol'a  
5 mbu. \* Nde bane bawedi bapepe ba si timbi  
lonḡe natē yi ikol'a mbu i londa. Ben nde  
6 be bepumbwedi ba boso. \* Bonam na bosanḡi  
na nu nu ben doṅgo o bepumbwedi ba boso;  
kwed'a mbusa e si ben ṅginya omōny abu,  
nde ba mende nde be pris'a Loba na ya Kristo,  
ba m'anea muemba na mo ikol'a mbu.

7 Nde yi ikol'a mbu i londi te, Satan a men-  
8 de josobe o beboa bao, \* a mende wala o  
wondo matumba o matoṅgo ma wase manei,  
Gog na Magog, o kotele babo onyola bwem-  
ba; bena musoṅgi mabu mue nde ka mukoko

## Bebiisedi 20. 21.

ma sau'a munja. \*Nde bata b'ondea o tin- 9  
dame la mukuku ma wase, ba diŋgele mboko  
ma basan̄geri na mundi mu tondobe. Nde  
wea i ta i wa na Loba o mony, i da babo.  
\*Nde Satan nu wondi babo a ta a pimbabe 10  
o ebul'a wea na solfa, wuma ni nyama  
na mutoper'a loban̄go pe beno, nde ba mende  
takisabe muese na bulu, o bwindea na bwin-  
dea.

Na mba n'ene bejedi be san̄gi na nu nu 11  
jai om̄ony ao, nyena oboso bao nde wase na  
mony ba nyino mila, nde wuma i si ta i sobe  
onyol'abu. \*Na mba n'ene bawedi, basadi 12  
na bandene, ba tem oboso ba bejedi, nde ka-  
lati i ta i telabe, kalati nipepe pe e ta e telabe,  
nyena nye nde kalat'a lon̄ge; nde bawedi ba  
ta ba kaisabe kaponda mambo ma tilabe o yi  
kalati, kaponda bebolo babu. \*Nde munja 13  
mu ta mu bola bawedi ba ta oteten ao, kwedi  
pe na mundi-ma-kwedi ba ta ba bola bawedi  
ba ta oteten ao, nde ba ta ba kaisabe, moto  
na moto kaponda bebolo bao. \*Nde kwedi 14  
na mundi-ma-kwedi ba ta ba pimbabe o ebul'a  
wea. Nin nde nye kwed'a mbusa, ebul'a wea.  
\*Nde yetena moto a si sobe te ná a tilabe o 15  
kalat'a lon̄ge, a ta a pimbabe o ebul'a wea.

Na mba n'ene mony a penya na was'a 21  
penya; ebanja mony a boso na' was'a boso  
ba ta ba má-tomba, to munja pe mu si ta pe.  
\*Na mba n'ene mundi ma bosan̄gi, Yerusalem 2  
nya penya e ma-wa o mony na Loba, e ma-

## Bebiisedi 21.

siba, e boñsan ka ewande e botisabe onyola  
8 mom'ao. \* Na mba na seña doi dindene, di  
wu o mony, di kwala na: Ombwa, munoko  
ma Loba oteten a bato, nde amende ja  
oteten abu, nde bamende be tumba lao,  
nde momene Loba pe amende be na ba-  
4 bo, o be Loba labu. \* Nde Loba amende  
tuta misodi mese o miso mabu, nde  
kwedi e simende pe be, to malebo to  
musea to sese ba simende pe be; eban-  
5 ja mambo ma boso ma má-tomba. \* Na  
nu nu jai omony a bejedi, a kwala na: Om-  
bwa, na ma-timbise mambo mese penya. Na  
mo a kwala na: Tila, ebanja ben beyala be  
6 nde ba jemea na ba mbale. \* Na mo a kwa-  
lane mba na: Ma má-bolane. Mba nde ne A  
na O, beboteri na su. Na mende bola nu nu  
ma-bwe nyongi o tongo a madiba ma longe  
7 na wonja. \* Nu nu buki amende sangwa  
man, na mende be mo Loba, mo pe a  
8 mende be mba muna. \* Nde babongo na  
basidube na banyakaka na b'ebwan na ba-  
misonje na baboleye-mianga na balosango na  
balobango bese, labu dongo di mende nde be  
o ebulu, yena e m'onye na wea na solfa, yena  
ye kwed'a mbusa.

9 Na angel po nya yi angel samba, yena  
i ta y'alea mionjo samba miena mi ta mi londa  
na ndenge isukan samba, epo, e kwalisane  
mba, m'ona: Ya, na mende leelee oa ewande,  
10 munja Mun'a mudoongi. \* Na mo 'alane mba  
o mudí o mudoongo mundené mu asam, e leelee

## Bebiisedi 21.

mba mudi ma bosaŋgi, Yerusalem, e ma-wa  
o mony na Loba e siba wase, \* e bene bosaŋ- 11  
gi ba Loba; panya la muenen mao di ta nde  
ka dale la tiki bwambi, biana dale la yaspi  
nya kristal. \* Mu bene edima endene y'asam 12  
na dom la mombe pe na maba, omony a mombe  
pe dom la angel na iba, na mina ma tilabe  
oten, mena me ma dom la matumba na maba  
ma Bona-Israel. \* O jeru mombe malalo, o 13  
pongo mombe malalo, o mikondo mombe ma-  
lalo, o mbenge pe mombe malalo. \* Nde edi- 14  
ma e ta e bene dom la bebokedi na beba, o-  
mony abu pe dom la mina na maba ma dom  
la bamuloloma na baba ba Mun'a mudongi.  
\* Nde nu nu ta nu kwalisane mba a ta 'alea 15  
esosongo a gol ya dimene o mene mudi na  
mombe mao n'edim'ao. \* Nde mudi mu nanga 16  
nde matoŋgo manei, bwaba bao ka po ka mu-  
kuku mao. Na mo a mene mudi na esosongo  
dom la lokoli na loba la stadia. Bwaba bao  
na mukuku mao na jasame lao kapo. \* Na 17  
mo a mene edim'ao ebwea ewo na muanei ma  
lokoli na lonei la mabongo, kaponda dimene  
la bato, nika nye nde la angel. \* Nde bo- 18  
longi b'edim'ao bo ta nde yaspi, mudi mo-  
mene pe gol mo na mo, ka jene la kenenge.  
\* Nde bebokedi ba edim'a mudi be ta nde 19  
be botisabe na nyai a madale ma tiki yesē:  
bebokedi ba boso be ta nde yaspi, be londe  
beba safira, be londe belalo kalkedon, be londe  
benei smaragdi, \* be londe betanu sardoniki, 20  
be londe mutoba sardi, be londe samba kriso-



## Bebiisedi 21. 22.

- liti, be londe lombi berili, be londe dibua topasi, be londe dom krisoprasi, be londe dom n'ewo hiakinti, be londe dom na beba metisti.
- 21 \* Nde di dom la mombe na maba me nde dom la seŋg'á-mbomo na iba; jombe te seŋg'a-mbomo po. Maŋgea ma mundi pe gol mo na mo
- 22 ka jene di m'enene na wōm. \* Nde na s'en tempel oten, ebanja Saŋgo, Loba, Nyangum
- 23 nde e tempel ao, na Mun'a mudongi pe. \* Nde mundi mu si ma-pula wei to modi, ná ba panye oten, ebanja bosaŋgi ba Loba bo ma-panyise mo, etrukañ ao pe ye nde Mun'a mudongi.
- 24 \* Nde matumba ma mende daŋgwa o muenen mao, kiñ'á wase pe i mende wana bosaŋgi
- 25 babu na edub'abu oten. \* Nde mombe mao ma si ma-kwesabe o muese; ebanja bulu bo titi
- 26 oten. \* Nde ba mende wana bosaŋgi na edub'a
- 27 matumba oten. \* Nde to nyai a lambo di si saŋgi di si mende jingea oten, to nu nu mabole nyakaka to lobango, ke bamene bena ba tilabe o kalat'a longe nya Mun'a mudongi.
- 22 Nde a ta a leele mba mopi ma madiba ma longe, na keŋgeŋge ka kristal, muena mu ta mu busa o bejedi ba Loba na ba Mun'a mudongi. \* Oteten a maŋgea mao na o miri mibane ma mopi beboŋgo ba longe, bena be ma-ye dom la nyai a bepuma na beba; be mabola nde bepuma bao modi te, beyadi ba beboŋgo pe be nde onyola jese la bwam la matumba. \* Nde lou di si mende pe be oten; nde bejedi ba Loba na ba Mun'a mudongi be mende be oten, nde bautu bao ba mende bo-

## Bebiisedi 22.

lea mo, \*nde ba mende jene boso bao, dina 4  
 lao pe di mende be o mbombo abu. \*Nde 5  
 bulu bo si mende pe be oten, ba si mende pe  
 pula etrukan to muenen ma wei, ebanja Saŋgo,  
 Loba, a mende panya omony abu, nde ba  
 mende janea o bwindea na bwindea.


Na mo a kwalane mba na: Ben beyala be 6  
 nde ba jemea na ba mbale. Saŋgo, Loba la  
 midī ma batoperi-ba-mudī a lom angel ao o  
 leelee bautu bao mambo mena ma mende bo-  
 lane ombusa son a ponda. \*Nde ombwa, na 7  
 mende wamse po. Bonam na nu nu ma-nenge  
 beyala b'edinge ba nin kalati. \*Nde 8  
 mba Yohane nde na seŋgi, n'en pe man ma-  
 mbo. Nde niponda na seŋgino n'enno pe, na  
 mba na ko wase o jowe oboso ba miende ma  
 angel ni leelee mba man mambo. \*Na 9  
 mo e kwalane mba na: O bia, o si bola nika;  
 ebanja ne nde muutu ka oa na kana bona-  
 songo pe, batoperi-ba-mudī, na ba bena ba ma-  
 nenge beyala ba nin kalati; owe nde Loba.  
 \*Na mo e kwalane mba na: O si bate ebatan 10  
 o beyala b'edinge ba nin kalati, ebanja ponda  
 nyá bebe. \*Nu nu ma-bole ka ni si tem na 11  
 sim, a beŋge nde bola ka ni si tem na sim,  
 nya mbindo a beŋge nde windise momene;  
 nu tem-na-sim pe a beŋge nde bola teme-la-  
 sim, nyabosaŋgi a beŋge nde saŋgise momene.  
 \*Ombwa, na mende wamse po, musauedi mam 12  
 pe muemba na mba, o bola moto na moto  
 kana ebol'ao yeno. \*Mba nde ne A na O, 13

## Bebiisedi 22.

- 14 nya boso na nu sukan, beboteri na su. \* Bonam na ba ba m'oe mbot'abu, ná ba bene nginya om<sup>o</sup>ny a ebo<sup>o</sup>ngo a lo<sup>o</sup>nge ná b'ingeye la
- 15 mombe o mundi. \* Nde ombusa uone ye nde mbo na baboleye-mia<sup>o</sup>nga na bamisonje na b'ebwan na balosa<sup>o</sup>ngo, na moto na moto nu
- 16 tondi loba<sup>o</sup>ngo, nu ma-boleye pe mo. \* Mba Yesu nde na lom angel am o bola mbo<sup>o</sup>n a man mambo onyola miemba. Mba nde ne mua<sup>o</sup>nga na mbia ma Dawid, ngenget'a idiba
- 17 ni ma-panye. \* Nde Mudí n'ewande ba ma-kwala na: Ya! nu pe nu ma-se<sup>o</sup>nge mo, a kwale na: Ya! Nu pe nu ma-bwe nyo<sup>o</sup>ngi, a ye; nu nu tondi, a kuse ma-diba ma lo<sup>o</sup>nge na wonja.
- 18 Na ma-bola mbo<sup>o</sup>n na moto na moto nu ma-se<sup>o</sup>nge beyala b'edi<sup>o</sup>nge ba nin kalati na: Yetena moto a bati lambo oten, ke Loba amende batea mo nde<sup>o</sup>nge yena i tilabe o nin kalati.
- 19 \* Nde yetena moto a sumo te lambo o beyala ba kalat'a yen edi<sup>o</sup>nge, ke Loba amende sumwa do<sup>o</sup>ngo lao o ebo<sup>o</sup>ngo a lo<sup>o</sup>nge na o mundi ma bosa<sup>o</sup>ngi, bena be tilabe o nin kalati.
- 20 \* Nu nu ma-bole mbo<sup>o</sup>n a man mambo a ma-kwala na: E, na mende wamse po.
- 21 Amen, ya, a Sa<sup>o</sup>ngo Yesu! \* Nded'a Sa<sup>o</sup>ngo Yesu Kristo ebe na binyo bese! Amen.
-



- [illegible]



36. Zerkovskiy  
(Serebryy) 37. Kirmol 38. Kana  
39. Tyum 39. Akko  
40. Kizir 41. Samarkand  
42. Dzhirgatal  
43. Dzhirgatal  
44. Gush 45. Akkion  
46. Gush 47. Akkion

**PATÄSTINA** aus der **VOGELSCHAU.**

Stuttgart, Priv. Wirt. Bibelaustell.

Neu bearbeitet nach der Karte des Schmalzschmieds Albrecht

# PALÄSTINA

zur Zeit

JESU CHRISTI


und der

APOSTEL.

Maßstab 1:2000000.

Kilometer

Die zur Dekapolis (den zehn Städten Machabäus) gehörenden Städte sind unterstrichen.



Karte der  
VIERFÜRSTENTÜMER.  
(Lucas III.)




Östl. Länge von Greenwich

Sonntags-ProVirt-Bücherei

B. Schwabe'sche Buchh.

Die Reisen  
des  
**APOSTELS PAULUS**  
Maßst. 1:12260000

———— Erste Missionsreise  
 ———— Zweite Missionsreise  
 ———— Dritte Missionsreise  
 ———— Reise nach Rom



Stuttgart, Priv. Wirt. Abtheilung

Verlag von J. Neumann, Neudamm



044 100 005 974